



الجلد الثاني من شرح المشوى المسمى بروح المشوى
للشيخ اسماعيل حقي البرسوى صاحب
روح البيان من تفسير القرآن

مركز رسومات تندن معافدر



Süleymaniye Kütüphanesi
Hasan Hüsnî 12
Y
Eski no: 756



بِسْمِ اللَّهِ الرَّحْمَنِ الرَّحِيمِ

بودشاهی در جهود آن ظلم ساز

دشمن عیسی و نصرانی کداز

جهود ضمه یهودی ظلم ساز و وصف ترکیب در ظلم بر نسنه بی موضع نك
غیری به وضع اتمکدر شریعتده جورده مستعملدر یعنی حقیدن باطله
تعدیده ساز سازیدن دن دوزیچی معناسنه در اصلی سازنده در پس
ظلم ساز ظلم دوزیچی وجور قلیچی وستم احداث ایدیچی دیمکدر بوراده
ساز محنده واقع اولمش در زباز کراوانان شاهک سنن سینه سی
ظلمه اولین اوزرینه زاندایدیکه جله دن بری نصاریه بغیر حق تعرضی
اول احداث ایتشیدی عیسی اسم علمدر شرحی مرور ایتشدر موسی کی
نصرانی کداز و وصف ترکیبدر نصرانی ایدیچی وافنا قلیچی دیمکدر
یعنی قتل واهلاک ایله زیرا کداز دال و زائله کدازیدن دن ایدیچی دیمکدر
اصلی کدازنده در نصرانی شامده نصرانه دیدکری قریه به منسوبدر که
انک اهلی حضرت عیسی علیه السلام تبعیت ایتشدردی و بونلرک دینلرینه
نصرانیت دیرلر (وبعضیلر دیدیلر که نصاری تسمیه سینه وجه نصرت
واعتلریدر نیکم قرآنده کلور (کونوا انصار الله کما قال عیسی ابن مریم
للمحاورین من انصاری الی الله قال المحوار بون نحن انصار الله) معلوم اوله که
حضرت عیسی علیه السلام حضرت موسی علیه السلام شریعتی

تقریر اوزرینه مبعوث ایدی زیر انجیل رموز و امثال و مواعظ و مزاجر
مقواهی اولوب سائر احکام و شرایع توراته احاله اولمش ایدی و یهود
حضرت عیسیاه متابعت ایله مامور ایدیلر و لکن منقاد اولدیلر (وبعض
تغییراتی عیسیاه نسبت ایدیلر سبتی بوم احده تغیر واکل لم خنزیر کی
زیرا توراتده لم خنزیر حرام ایدی و ختان و غسل و غیریلر کی و لکن
صحیح اولان بودر که نقدر تبدیلات و تحریفات و ارایسه یهود و نصاریه
مضافدر حضرت عیسانک اندن خبری بوقدر و یهودده عتاد و مخالفت
حددن افزون اولغله زمان رسالتدن صکره دولتری زائل و شوکتلری
مضمحل اولدی انکیچون الی هذا الان انلرده سلطنت بوقدر بلکه
جمع بلادده ذات و مسکننت ایله موصوفلر و زیاده سوء حال ایله
معروفلر در نصارانک ایسه ملک و دولتری الی بوم القیام باقیدر زیرا
رسول الله صلی الله تعالی علیه و سلم قیصره نامه دعوت ارسال ایلد که
قیصر اول نامه بی تقبیل و تعظیم ایتکله رسول الله صلی الله علیه
وسلمدن بقای ملکرینه متعلق نفس صادر اولمش ایدی شکیم کتب سپرده
مسطوردر (معنای بیت) بودر که جهود اره سنده بر ظلم کار و دل آزار
پادشاه و ارایدیکه حضرت عیسی علیه السلام دشمن اکاتباع و امت
اولان نصاری ارایدییچی و قتل و اهلاک ایله افنا قلیچی ایدی زیر ایهود
بویله زعم ایدرلر دیکه عیسی موسایه متابعت و توراته موافقت ایله
مأورددر (ودنیاده شریعت بر اولور ایکی اولماز و نسخ دخی طریان ایتمز
و تغیرات مذکوره بی اکا نسبت ایدوب بوسیدن عیسیاه عداوت
اوزره اولوب قومنه دخی اهانت ایدرلر و بولدقلمی یرده قتل ایلرلردی
(سؤال اولنورسه که موسادن مقدم کلان انبیا علیهم السلام شرایع
مختلفه سی ظاهر و بدیهی و متواتر ایکن یهود آئی نه وجهله انکار ایدوب
ابتداء و انتهاء شریعت موسی ایله دردیو جزم ایتدیلر (جواب بودر که انلرک
زعملری بوایدیکه موسادن اول اولانه شریعت دیمزلر بلکه حدود عقلیه
و احکام مصالحیه دیرلر دیو اعتقاد ایدرلردی و اوامرده نسخ بدادر و بدا
علی الله دکلدر دیرلردی (بدا و در که اول بر نسنه ایله امر ایدوب صکره
باشقه رأی بادی و ظاهرا و لمغله انک خلافتنه حکمدر بوایسسه الله تعالی به
نسبت اولمق جائز دکلدر (جواب بودر که نسخ اگرچه بزم علمره نظرله

تبدیلدر و لکن الله تعالیٰ نك علامه نظرله حکم اولك مدتی بیاندن تفصیلی
محلنده میندرد (بوراده شاه ایلله مراد نفس اماره) وجهودان انك قوای
شریره سنه اشارتدر (نتکم عیسادن مراد قاب و روح) و نصاری انلك
قوای خیره سنه رمزدر (و حقیقته قلب عیسی کی وجودده متأخر در
زیر انفس ایلله روحك ازدواجندن تواند ایلشدرد و لکن مسلم ایلله اهل
حرب اراسنده محاربه باقی اولدیغی کی بونلك اراسنده دخی دائردر زیرا
برینك نشأسی جلال و برینك جمال اوزرینه در پس مقتضای نشأری
اوزرینه بری برلینه مغالبه دن خالی دکلدر و گاه اولور که اهل شرك
نفس اماره به و اهل کابدن یهود نفس اواره و نصاری نفس ملهمه
اشارت اولور یعنی نصاری مرتبه اطمنانه یهودن اقرب در انکیچون
نصارادن مسلم چوقدر و قرآنده دخی (ذلک بانهم قسبوسین و رهبانان و انهم
لا یستکبرون) دیو و صف اولندیلر یهود حقنده ایسه (انجدن اشدالناس
عداوة للذین امنوا بالیهود) و اهل شرك حقنده دخی (واذا قیل لهم
لا اله الا الله یستکبرون) وارد اولدی (پس یهود صراط مستقیم دن
بالکلیه منحرف و دین موسابی مغیر و محرف اولغله استعداد روحانی بی ابطال
و قابلیت ایمان فطری بی افساد ایتیلر مشرکین ایلله مشترک اولدیلر انکیچون
اهل ایمان ایلله زیاده ضدیت و عداوت اوزرینه بولندیلر نصاری ایسه وصیت
عیسی ایلله قائم اولوب تبدیل دیندن احترازلندن ناشی رؤس جبالبه
مترتب و مغاراده منخلی اولوب انجیلده منوعت اولدیغی اوزره مبعث
رسول الله صلی الله علیه و سلمه مترقب اولدیلر صکره مستعد اولنلری
داخل دائرة ایمان اولوب فوز و نجات بولدیلر (سؤال اولور سه که
بوتقیردن نصرانیت یهودیتدن خیرلی اواق فهم اولندی فروعه
ایسه مسطوردر که برکسنه بوخیریتی اثبات ایتسه کافر اولور زیرا
یهودیت و نصرانیتک ایکیسی یله عقلا و شرعا قبیحدر (جواب بودر که
ممنوع اولان مطلقا خیریتد فاما نصرانیت یهودیتدن خیر او در
ملائت طبعی و اسلامه سهوات میلری جهتندن (و انذلك یهودیت
خیرلوردر نصرانیتدن زیرا انلك کفرلی نبوتده و نصارا انك کفرلی
الوهیتده در دیمک لایأسدر فاما اولکه قرآنده کلور (وقالت الیهود
عزیر ابن الله) بولردن مراد یهوددن برطافه در کلیسی دکلدر

✽ عهد موسی بو دنوبت آن او ✽

✽ جان موسی او و موسی جان او ✽

عهد برقاج معنایه کلور بوراده مراد زماندر بو فقیرک فهم ایتدو کی بودر که
عهد برنسنه بی وقتافو قتا حفظ و مراعات معناسنه اولغله مطلق
وقتده استعمال اولمشدر و نوبت لفظندن فهم اولور که عهد خلافت
معناسنه اولهن یرا خلافت و نبوت عهد و وصیتی مشتملدر نوبت فرصت
و دولت و نیابت معناسنه در (یقال جاءت نوبتک و نیابتک و هم یثناون
کویا هر عصرک خاتی سالفک ناظمی و خلیفه سیدر که امور دین و دنیایی
مناوبه ایلله تعاضی ایتمشلردر بوراده و زنیچون تانک کسره سی اختلاس
اولور آن او انك دیمکدر آن کی اصلنده اسم اشارت و او هو کی
ضمیر غائبدر و لکن ضمیر غائب اسم اشارت اوزرینه تغلیب اولمشدر
و یا خود مجازا آن دخی او معناسنه اخذ اولوب ثانی اولی تا کید او اور
فان لم تفعلو دن ان اذ معناسنه اخذ اولدیغی کی زیرا بر ماده ده ادات
استقبال ایلله ادات ماضی مجتمع اولماز و اطائف اعتبارا تندر که
آن لفظی عربی اولوب وقت معناسنه مستعمل اوله بعد ذامصرع
ثابده اولان اودخی عیسایه راجعدر (معنای بیت) بودر که حضرت
عیسائک زمانی و انك نوبتی ایدی یعنی دور موسی یکمیش و عیسائک
وقتی ایشمش ایدی و بو ایکبسی کر چه صورتده مختلفر و زمانده
مغایرلر و تقدم و تأخر ایلله متفرقلدر و لکن عیسی موسائک جانی و موسی
دخی عیسائک جانی ایدی (یعنی ارازنده حقیقت نبوتده اتحادی
وار ایدی نتکم حدیثده کلور (لاتفضاونی علی یونس بن متی)
و كذلك شریعتده دخی اتفاقلری وار ایدی زیرا عیسی موسائک
شریعتی تقریر ایلله مبعوث ایدی نتکم مرور ایلدی و لکن یهود
تغییرات مذکوره بی عیسایه نسبت ایدوب و عیسی الله تجدد عهد
اتمه دن عار ایدوب نبوتی انکار و انجیلی رد ایتدیلر بونده اشارت واردر که
افرادناس اراسنده جسمانیتده اتفاق اولدیغی کی زیرا جمله سی ترابدن
مخلوقدر نتکم قرآنده کلور (هو الذی خلقکم من طین) روحانیتده
دخی اتحاد واردر زیرا مجموعی روح محمدی علیه السلام دن مأخوذدر
نتکم حدیثده کلور (انا من الله و المؤمنون من فیض نوری) و بو معنایه

(هم كالحلقه المفرغه لا يدرى اين طرفاها) ديناسه سزاد را كچه بحسب القابليات والظهورات تفاوتلى وارد (وروح مرتبه سنى دخی كذارايد كده صور علميه واعيان ثابته اولغله كچه مختلف ايدىر ولىكن اسما و صفات مرتبه احديتده مستهلك اولغله حقيقتده تعين احديتدن غيرى يوغيدى نكتم كنت كنز الخفيات قاله سى اكاد الدروا نيبا اراسنده دخی اصل نبوتده اتفاق اولوب بعض اختصاصات الهيه ايله اختلاف و تفاوت بولنديغى كى اوليا اراسنده دخی اصل ولايتده اتحاد اولوب بحسب المشارب والمعارف والمراتب تغايرلى وار در وارباب مذاهب دخی بويله در زيرا مذاهب اربعه اصحابك جله سى حق اوزرينه ايكن استنباط جهتيله فروعه اختلافلى وار در وحق حقيقتده واحدايسه ديه مخطى اولان مصيب كى مشاب در تا كه اجتهاد ضايع اوليه محرره اولسه كرمجتهنده حقدن عنا* اجتهادنده انمز اوله خطا

* شاه احوال كردد راه خدا *

* آن دود مساز خدايى راجدا *

* احوال شاهه صفندر شاشى كوزلى معناسنه فارسيد. كز بين ديرل حول كسرله شاشيلقد رنتكيم نفعى نظمنده كلور. كوكب طالعك يوق بكا حسن نظرى. شويله خشميله بقار كه ايدر اظهار حول معنائى اصليسنده تغير اولغله احوال دينلى زيرا استقامتدن عوجه تحول وانتقال ايدر شويله كه برنسنه يى ايكي كورر * راه خدا * بوراده طريق دعوت ديمكد رزيرا ايكي سيدة بصيرت اوزرينه داعى الى الله در پس بونده طريق مقصودى طريق مقصده تشبيه واردر (و طريقدن مراد توحيد و دين اسلام در زير اسلامك بوامته اختصاصى يوقدر نكتم قرآنده كلور) ان الدين عند الله الاسلام دم ساز * موافق و راز داش و دوست (معنائى بيت) بودر كه اول شاشى كوزلى پادشاه جهود طريق دعوتده اول ايكي حق اوزره موافق يعنى موساى و عيساى بى برندن جدا يعنى تفريق ايلدى نكتم قرآنده كلور (لانفرق بين احد من رسله) و حقيقتده اولان اتحاده نظر ايتكه قادر اوله مبوب صورته ايكي اولد قلى كى معناده دخی ايكي صاندى الحاصل واجب اولان بوايديكه عيساك

دعوتنه اتباع ايله زيرا اول دخی موسى كى داعى الى الله در وانجيكك توراته متابعى اولد يغبين يلوب ايكي كتابك اراسن دخی تفريق ايتيه زيرا مقصود الهى تجديد دعوت واحياى شريعت و حقيقتدر بوايسه كتب و رسلك اختلافيله مختلف اولن (يعنى اصول شرائع و دعوت الى الله ده اتفاق واردر و بومعنى فروعه اختلاف منافی دكلدر زيرا فروعك اختلاف قبول ابتدوى مشارب ناس و اختلاف اعصار ايله در مداواتده بحسب الامزجه تفاوت اولديغى كى نكتم تحقيقى مرور ايتشدن خصوصا كه موسى و عيساك فروع شرائع اراسنده دخی اختلاف يوغيدى بوندن فهم اولنديكه انبياء كرام عليهم السلام دعوت الى الله ده متحد اولد قلى كى انلره وارث اولان اولياء عظام قدس الله اسرارهم دخی متفقدر زيرا جله سنك دعوتى حقه در حقيقتى بودر كه اسما و صفاتك اختلافى ذاتك اختلافى موجب دكلدر بلكه جله سنك رجوعى بريره در نكتم قرآنده كلور (وان الى ربك المنتهى) نظيرى برو بچردن حجدر پس مآله نظره طريقده احديت واردر شوقدر واردر كه حين وصولده هر كس جشمنده اولان قوت وضعفه كوره ناظر در والاحقائق كونه نك مراتبى متغير اولق لازم كلور اكر جله نظارك عيني عين واحد اولسه نظرده تفاوت بولمزدى بوايسه ترتيب مراتب بدن صكره محالدر الحاصل اكرچه انتها عين واحده در ولىكن منتهى اولان عيونده تفاوت واردر (بونده نفسك وجود مجازى حسييله اثنيثته قائل اولد يغبه اشارت واردر كه بوسيدن نفسه احوال دينلور انك ايچون شاهى احوليت ايله وصف ايتدى اكرچه خارجه حول يوغيدى (بوندن اخذ اولور كه عيوب باطنه عيوب ظاهره دن اشد در زيرا نيجه عيوب ظاهره اهلى واردر كه فى نفس الامر هنزاهلدر انكيچون شعيب و يعقوبك عليهما السلام عمارى عيب عدا اولمدي و نيجه ظاهرده هنزاهلى واردر كه حقيقتده پرعبيدر زيرابى بصيرتدر (نكتم بصيرى صدرين حقدن ديمشدر

* بصدر صدارت نشسته دوخر * يكي بى بصيرت يكي بى بصر *

مقصودى بى بصيرت من وجه و بى بصيرى من كل الوجوه ذمدر انكيچون دوخر ديدى و نفسك اثنيثت ايله نظرندن موساى روح و عيساى

قلبك دخی اثنینتی لازم کلزیرا اگر روح و قلب واکر بونلره تابع اولان قوادیر
فی الحقیقه توحید حقیقی و اسلام حقانی اوزرینه متفقدر شرک اوزر و اولیق
عوارض حسبیه در که نفس و طبیعت ایله مجاورت و مقارن شدن حاصل اولمشدر

✽ گفت استاذ احوالی را که اندر آ ✽

✽ روبرون آراز و ثاق آن شیشه را ✽

• استاذ • ذال معجزه ایله معلم معناسنه در تحقیقی میورر ایتمشدر • احوالین •
میرادشا کرد احوالیر نتکیم استاذ کافر بنه در • آ • مدله امر در آمدن
لفظنیدن مستقبلاتنه میم یاه تبدیل اولوب آید و آینه دیرلر • رو • قحله
امر در رفتن لفظنیدن یوریمک و کتمک معناسنه مضارعنده فانی و او
و تابی داله قلب ایدوب رود و رونده دیرلر • وثاق • نعمة اللهده کلور که
وثاق کسرله بمعنی خانه و بند عریضه انتهی ولیکن عرب وثاق خانه
معناسنده استعمال ایتمشدر و وجه مناسبت قاموسک بو کلامندن
اخذ اولنور نتکیم دیمشدر وثق به کورث ثقة و موثقا ائمنه والوثیق
الحکم (انتهی و كذلك امام راغبک بو گفتارندن دخی فهم اولنور
نتکیم دیمشدر) وثقت به ائق ثقة سکنت الیه واعتمدت (انتهی • شیشه •
صرچه دن اولان ظرفدر بوش اولسون طولو اولسون آبکینه طواو
اولان جامدر مینا مطلق صرچه در پس اوچنک میاننده فرق ظاهر
اولدی (معنای بیت) بودر که استاذ و معلم یعنی معلمردن بر معلم بر شاشی
کوزلی شاگردنه دبیکه کلبری یوری وارخانه و منزلدن شیشه بی
طشیره کنور یعنی اوده بر شیشه وارد روارانی کتور دیو امر ایتمدی
(بوندن مقصود بالاده ذکر اولنان شاه احوالک حالتی تمثیلدر زیرا معقول
محسوس ایله تمثیل اولنمی تفهیمه انسبدر زیرا انده معقولات خفیه نیک
بوزندن حجابی رفع ایدوب محسوسات جلیه معرضنده اراز وارد
و مطلقا تمثیل و همی عقلی تسخیره الطف ذریعه درو بهضایلر دیدیلر که
خفی بی خفی به تشبیه مسلمدر فاما بهض خفی بی جلی به تشبیه ایتک محل
انکار خصمدر زیرا بلکه ایکسنتک میاننده فارق اولیق ادعا ایله (بونده
استاذ مرشد کامله و احوال اثنینت و وجود مجازی اهلنه و وثاق جسد
عنصری به و شیشه وجود حقیقی به اشارتدر مقصود بو وجود حسینک

مشتمل اولدیغی وجود واحدی استنباط و استخراجدر رز برای اهل حجاب
کوره وجود ایکیدر که بری وجود امکانی و بری دخی وجود وجودی در
یعنی بونلر نظر اثنینت ایله ناظر اولغله ایکی وجود کوردرلر فاما اهل
مکاشفه اولان وجود امکانیک امر موهوم اولدیغن بیلوب انجیق
وجود معلوم و محقق اولان وجود واجبی اثبات ایدرلر و بو شرکت
و وحدت حقیقته نظر حسبیه در و الانفس الامرده وجود واحدین
غیری یو قدر و تعدده منشأ جسددر جسدک تعینی حسبیه اثنینت
کورینور شیشه نیک تعینی ایله احواله کورنویکی کی اگر جسد
و شیشه و حس تعلق ایله جسدک نسبه اولسه وحدتدن غیری نه کورینوردی
و وجود واجبی شیشه به تسبیه ایلدی زیرا غایت لطافتدن ادراک اولنماز نتکیم
قرآنده کلور (لاندک الالبصار و هو یدرک الالبصار و هو اللطیف الخیر)
(لحرره) • اولسیدی لطافت حاجب • کورینودی کوزه نور واجب •

✽ گفت احوال زان دو شیشه من کدام ✽

✽ پیش تو آرم بکن شرح تمام ✽

• کدام • ضمه عریضه رای کبیرد تشبیه ایله یعنی سؤال و استنباط ایچوندر قنغی
دیمکدر • تمام • مصدر بوراده تام معناسنه در (معنای بیت) بودر که شاگرد احوال
استاذنه دیدیکی اول ایکی شیشه دن بن قنغی شیشه بی حضور که کنورم شرح
تام و ایضاح وافی ایله یعنی مطلقا شیشه بی کنور دیدن مقصود کن
معلوم اولوب مبهم و مجمل قالدی (زیرا سزک دیدیکن برده شیشه بر دکل
باکه ایکیدر پس مرا دیکری شرح بیان ایدیکن بوندن فهم اولنور که
شاگرد مقدمات اول شیشه به مطلع اولوب احوال اولدیغی جهندن اتی ایکی
صائمش و کوزینه مکرر کور نمش ایدی و یا خود مأمور اولدقه و اروب
مطلع اولوب ایکی شیشه کورد که وضع بدایه تبویب کلوب استکشاف ایلدی
وضع بدایه تبویب اد به رعایه ایدی زیرا استاذک دیدویکی نسبه به
وضع بدایه ترک ادبدر بونده اشارت واردر که وجود مجازی اول
شیشه نیک تعینندن احواله کورینن خیال کیدر که فی الحقیقه وجودی
یو قدر ولیکن ناظر اولان احوالک چشمندگی حول حقیقی اوزرینه
نظر وادرا که مانع اولدیغی کی بی بصیرت اولانک برده و حجابی دخی

وجود واجبه کوره بویله در زیر اشول کثرت اعتباریه که مقام
احدیتک حکمیدر مرتبه احدیه کوره مضحل و مستهلکدر ولیکن
مکاشف اولیه خفیدر زیر عارضه اعتبار ایدر معدوم اولدینه باقر
مکاشف ایه الان علی ما کان علیه سری اوزرینه دائر در پس
بر توشیدن منعکس اولان سایه خیال و بی اعتبار اولدیغی کبی وجود
امکانی دخی بویله در اگر چه بویله اولقدن بالکلیه اعتبار اولنماق
لازم کلز زیر ایدیشلردر که اولا الاعتبارات لطائف الحقائق
پس مقام واحدیه کوره کثرت و مقام احدیه کوره وحدت معتبر در
حضرت هدایی قدس سره پیورر * بری ایکی صائلا خوا در هر هم اعمی *
* توحیدی بلینلر غایتده جاهل انجیق * یعنی شرک جلی اهللی توحیددن
احول و اعمی اولد قلمری * کبی شرک خفی اهللی دخی اثبتیده
قالدیلر جهالت حقیقت ایلله عنوان بولدیلر نعو ذلله الاحد الفرد
❖ گفت استاذ آن دوشیشه نیسترو ❖

❖ احوالی بکنار و افزون بین مشو ❖

* احوالیده اولان یا مصدریه در * بکنار * ذال معجمه ایلله امر در ترک ایلله
و کج معنایه افزون و ارتق معنایه اسمدر افزون دندن که معنایی
آرتقدرد مقابلی کاست در که اکسکدر اسان فارسیده پیش که زائد
معنایه در افزوندن فرقی وارددر مثلاً ارتقله زائد اولان نسبه افزون
دیرل ابتدا زائد خالق اولانه افزون دیمزلیش دیرل کذا فی الدقائق
افزون بین وصف ترکیبدر آرتق کور بجی معنایه زیر بین اسم فاعلدر
دیدن لفظندن مأخوذدر خلاف قیس اوزره کافی الخلیمی والصدقاییق
* مشو * نهی در اوله معنایه زیر امیم مفتوحه که اول امره داخل
اوله علامت نهی در شوا یسه قتحله امر در شودن لفظندن مأخوذدر
ضمه شودن شادن معنایه در (معنای بیت) بودر که استاذ دیدیکه اول
کوروب سؤل اینسو کلک سن زعم ابتدو کلک کبی ایکی شیشه دکلدیریوری
شاشیلغی قووز یاده کور بجی اولیه بلکه شیشه بر در بعد ذابو مرتبه
ارشاد باللسان دیرل ارشاد فعلی اشغه ده کلور و فعل قولدن ارجمدر
انکیچون وارد اولشددر که (صلوا کما رأیتمونی اصلی) ولیکن فعل بالکزن قائنده
اولق شرط دکلدر بلکه مقولده دخی وجود بولغله تحقیق و یقن حاصل

اولور پس شیشه ایلله شا کرد قصه سندن وجودله اهل مجاز حالته
انتقال ایلله و بوتنبیه اگر چه بحسب الظاهر استاذ هر شدنددر ولیکن
فی الحقیقه روح علوی دخی دائما نفسه ذکر اولنان وجهله خطاب ایدوب
تویج و تقریر عدن خالی دکلدر فاما وراء پرده ده محبوب اولغله سوزی
مدرک و مسموع دکلدر بناء علی هذا هر شد کامل اول خطابیه واسطه
و ترجمان اولش و حقیقه الحالی مریده بلدر مشدر زیر فی الحقیقه
هر شدن مراد حقیقی عیا نه کتورمک و باطنی ظاهره اخراج
ایتمک و وجودک مرآتینی بلدر مکرر بوندن فهم اولنور که انسانک
وجودندن خارج نسبه یوقدر ولیکن انسانک اندن ذهولی اولغله
بر معلمه محتاج اولشددر پس استاذه شا کرد اولق منهاج قدیمدر (نفعی)
* عقله مفر و را و نه افلاطون وقت او اسک اکر *
* براد یب کا ملی کور دکده طفل مکتب اول *
و بوندن فهم اولنور که انسانده بصر ملک اولدیغی کبی بصر
ملکوت دخی وارددر یعنی بصر ملک ایلله اسم ظاهر و فقجه ظواهره مطلع
و بصر ملکوت ایلله اسم باطن حسبنجه باطنی مدکدر (و بصر باطن اولسه
بصر ظاهره الفات اولنر انکیچون قرآند کلور فانها لانعمی الابصار
ولیکن تعمی القلوب التي فی الصدور بلکه بصر باطن قوی اولسه
بصر ظاهره دخی حدت ایلله امداد ایلر انکیچون ثریا که حقیقتده اون
ایکی بلدزد در عرب انک انجیق طقوزن کوره بلوردی
(فاما رسول الله صلی الله علیه وسلم اولقدر تبرئ بصر وار ایدیکه
اون ایکی بلدزک مجموعنی ادراک ایلرلردی) پس بصرده علت اولدیغی
صورته دخی رؤیتده تفاوت وارددر (فکیف که احولیت عارض اوله
و بو مقوله عوارضی فی الجملة از الیه امکان اولغله استاذ شا کرده
احوالی ترک ایلله امر ایلدی انکیچون خبرد کلور کل و اولدیولد علی
الفطرة) پس مزاج مستقیم اوزرینه تولد ایدلرده علت و سقم
اولدیغی کبی فطرة سلیمه اوزرینه نمابوللر ده تغیر و انحراف یوقدر
(مکر بو عالمه خروجنده هرور ایتدیکی اطوارده چوق قلب ایتش
اوله و احکام امکان ایلله انصباع عظیم بوله و بعد الخروج دخی
غیر ملایم ایلله ابتلادن خالی اولیه بو صورته علاج پذیر اولور سده

صعوبت چکر کور امدی سلاوک صد دنده اولیاء وجودک فی الحقیقه
نه وحدتی ونه کثرتی بیلور بلکه نچهل احوایت مرتبه سن گذار ایدوب
عمای محض ایله مبتلا اولمشلر وحیرت مذمومه کبری ایچنده
قالملر در بس کر کدر که بصیرالده ایکن بصیرت تحصیل اولنه
وبوکثرت اعتباریه ایچنده وحدت حقیقه بولنه والله الموافق

کفت ای استامرا طعنه مزین *

کفت استاذ آن دو یک رادر شکن *

استاذدن تخفیف وترخیم اولمشدر طعنه طعن رمح وامثالی نسنه
ایله دورتک واورمقدر آخرنده اولان هاءریتدن عجمیه نقل علامتدر
طریقه وممشوقه وامثالی کی طاعون دیدکری وخزجن حسبله در
نتکم حدیثد کاور (الطاعون وخزاعداشکم من الجن) صکره تشبیها
اسانله اولان چرحه دخی طعن دیدیلرنتکم بولیتدن مفهومدر
* جراحات السنان اهل التیام * ولا یلتام ما جرح اللسان *
* شکن * شکن لفظندن امردر شکن صقدر کسر کی مضارعنده
سین نونه قاب اولنور مثلا شکندوشکند دیناور (منعای بیت) بودر که
شا کرداحول استاذنه دیدیکه ای استاذ بکا طعنه اورمه وبوخصوصه
بنی تشنیع ایته زیرا بنم دیدیکم واقعدر وخارجه مطابق نسنه
خصوصنده اولان کلامه طعن اولماز استاذ دیدیکه چونکه
بنم کلامی طعنه حل ابتدیک بوخصوصه بنی تکذیب ایلدیک
وار امدی اول ایکی شیشه دن بر بنی شکست ایله یعنی قر وکسرابت
استاذ کوردیکه شا کردسو زدن الماز فعل ایله الزامه مباشرت ایلدی
تاکه مقصود حاصل اوله وامر خنی انجلاوانکشاف بوله بونده وجود
محازی اعتبارن ازاله امره اشارت واردر زیرانفسه حس وخیال
ووهیم غالب ونشانه سی کثرته طالب اولغله افعال وصفات وذاتده تعدد
ملاحظه ایدر دیدی بوملاحظه نک زوالی ایلسه فناء وجوده موقوفدر
بس چون وجود فناء بوله امر وحدت منجلی وسر وحدانیت منکشف اوور
وبونده قاعده تسلیمه رمز واردر (زیرا استاذک شا کردنه امری تریه
باشندر وبومعنائی انکار ایدن نص صریحی انکار ایدر تکیم قرآنده
کلور (یتلوا علیهم آیاتهم ویزکیهم ویعلمهم الکتاب والحکمة) زیرا بویا

شریفه ده تزکیه رسول الله صلی الله علیه وسلم نسبت اولمشدر
وتعلم حکمت تزکیه اوزرینه موقوف اولغله ذکرده دخی تأخیر
اولندی وبومعادن ذاهل اولنلر ارباب تسلیمک سالکری
وحدته ارشادلر بنی سخریت واستهزاء ایدرلر وطریقه طعن وتشنیع
کیدرلر مع هذا وحدت وجودی قول جله اوزرینه واجبدر

چون یکی بشکست هر دوشدز چشم *

مرد احوال کرد داز میلان وخشم *

یکی معدوددن عبارتدر بوراده ادات مفعول محذوفدر تقدیری یکی را
دیگدر بشکست ماضی متعددر زیرامصدر اولان شکستن لفظنک
نونی حذف اولند قده ماضی اولور شد بورا ده رفت معنایه در
* میلان * شهوت و آرزو در تکیم اشاعده تصریحی کلور زیراشهوت
میل نفس ایله تفسیر اولمشدر * میلان * اصلنده قحطین ایله در حیوان کی
بوراده ضرورت ایچون یا اسکان اولمشدر خشم فتحله غضبدر
نعمه الله ده کلور که خشم قافق کسر خاله مشهور در اما فتحه
اصحدر (معنای بیت) بودر که شا کرد دخی استاذنک امرنه امثال
ایلوب چونکه شیشه نک بر بنی قردی هر ایکسی انک کوزندن کندی
وغائب اولدی وایکی کور دیکی وهم وخیال اولدیغی بلندی کشی کترین
او لور شهوت وغضبندن یعنی ظاهرده علت حول ایله انسان بری
ایکی کور دیکی کی باطنده دخی شهوت وغضب حسبله احوالی
معلوم اوور مقصود بودر که فتن شهوت که صفت طبیعیه وغضب که
صفة نفسانیه در غلبه ایلسه شاه جهود آنده غلبه ایلدیکی کی
ایکی نینک میاننی وایکی وایک اراسنی تمیز لازم کلور وبونفریق وتمیزدن
ارض وجود فساد عظیم بولور و آثار قبیحه سی دخی آفاقه منتشر
او اور وبناء حتی هدمله کنبد کردون دخی متزلزل اولوب یقلور
بعدذا شهوت وغضب تبص ایلدی زیرا صفات ذمیمه نک اصلیدر
خصوصا که جمیع دماغ وقبایح شهوت اوزرینه مبتددر حتی غضب دخی
اراده انتقام ایچونددر پس ارادت نفس اصل قیاحدر وشهوتک
اصلاحی شریعت وغضبندن نفسی تزکیه طریقت اوزرینه موقوفدر
بوسیدندر که شریعت صومی مشروع قلدی تاکه امسا کله

قوای حسیه به ضعف طاری اولوب ارض وجود فساددن خلاص
اوله انکیچون اکل و شر به حر بص اولنر بحسب الغالب اقوالده فاحشتر
وافعالده حدوده فجاوزلر در الحاصل ذکر اولنان ایکی صفت ابواب
جهنم دن ایکی بادر که سدی لازم و واجبدر و بومقامده برقاج وجهله
اشارت واردر (اولکسی بودر که سالک حق اولان کسسه وجود مجازی
پرده سن خرق ایتدیکجه وجود حقیقیه واصل و کثرت اعتبار به بی
ازاله قلمد قجه و حدت ذاتیه دائره سنه داخل اولماز پس وجود
شیشه سن قرق و حدته اطلاع دن عبارتدر و بوندن وجود حقیقی
دخی منکسر اولمق لازم کلز فاعرف جدا (ایکنجیسی بودر که اشیایی
کاهی ادراک لازمدر نیکم حدیثده کلور (رب ارنا الاشیاء کاهی)
و بور و تبسه مافع اولان علت باطنه در انکیچون حدیثده کلور (حبک
الشیء یعنی و بصم) یعنی بعض محبت و میل مقوله سی واردر که محیی طریق
رشدن اعمی و استماع حق دن اصم قیلور و بوعماوصم مدن خلاص اولمق
باعقل رادع و زاجر و یادین قوی و مستحکمه محتاجدر عقل و دینک زیاده
قوتی ایسه کشف تأمله حاصل اولور کشف ایسه بحسب الغالب سلو که
موقوفدر پس استاده بی مر اجعت مقصود حصوله کلز (لخرده)
اولسه عقل و دیندن زاجر * قالور انسان فاسق و فاجر
عقلی قوعشقله قبل بازارک * اوله سن کشفله اوز که تاجر
قنخی مجروح اوله جدای طیب * کورب انسان زخنی آجر
(اوچنجیسی بودر که وجود واجبی اثبات اتمین کسسه معطله دن اوور
زیرا وجود امکانی ابله ممکن اولان صانع عالم اولماز انکیچون دیمشدر که
ماهیات اوچندر (بری واجب) و بری ممکن (و بری متعذر و واجب
وجود بختدر که وجود حقدر انکیچون ازلا وابد اعدم قبول ایتز نیکم
متنع عدم محضدر که اصلا وجود قبول ایتز و ممکن وجود عدم دن
مر کبدر یعنی ممکن وجودی و وجود اوزر ینه عارض اولان ماهیتی
وارددر پس ماهیتی امر اعتباری در که خارجده وجود قبول ایتز
و وجودی موجوددر که من حیث هو عدم قبول ایتز الحاصل عین ممکن
حکما منفی و علما مشبدر بو معنایه بناء وجود امکانی بالکلیه نفی اولمق ابو
دکدر بلکه وجود امکانی بی نفیده وجود واجبی دخی هدم واردر

یعنی وجود امکانی وجود واجبک اسماء و صفاته مظهر و مجلادر وی
آینده صورت کور نمز الحاصل امکان بالکلیه مسلوب اولسه
شهود حاصل اولماز و یا ممکن واجبه منقلب اولمق لازم کلور
پس ایکی صورتده دخی محذور دن خالی اولماز فاعرفه فانه دقیق
* شیشه یک بود و بچشمش دو نمود *

* چون شکست او شیشه را دیگر نبود *

* دیگر * یا ناله و یا سبز بردخی و آرمق یعنی غیری و دقایقه کلور که تکرار
اولان نهنه نیک ایکنجی سندن دیگرله تعبیر ایدرر مثلا ایکندی نماز نه نماز
دیگر درلر معنای ترکیبسی بردخی نمازدر انتهی و ایکندی الله اعلم
ایکنجیدن تغییر اولمشدر و ابن کمال جز لفظی ابله دیگر فرقی ایدوب
جز غیر و دیگر بردخی دردیمشدر و لیکن دیگرده دخی غیریت معنایی
وارددر که چکه تکرار مکرره مماثل ایسه ده فتأمل (معنای یت) بودر که
خاله ده شیشه فی الحقیقه برایدی و لیکن شاگردک کوزینه احوالی حسیه
ایکی کورندی چون اول بر شیشه قرلیدی و یا خود آتی قردی اول
شیشه نیک غیری یوغیدی یعنی شیشه قرلغله شاگردک ایکنجی اولمق اوزره
تخیل ایلدیکی شیشه بولمندی زیر کوزنیک علتی سببیه خیال مجرد ایدی
یوخسه خارجده وجودی یوغیدی اگر خارجده وجود محقق اولایدی
ذکر اولنان شیشه نیک انکسار یله اول دخی منکسر اولماز دی بلکه باشقه
کسره محتاج اووردی بونده شیشه وجوده اشارت واردر که شیشه
واحددر شرک خنی اهلنک اول وجودی ایکی اولمق تخیل و توهم ایدوب
اثنیته دوشدکاری حقیقی اوزره مشاهده دن احتیاج بلرندندر چون نیکه
جباب نفس یعنی حس و خیال و و هم فنا و زوال بوله دیده قلبه نور وحدت
ظهور ایدرر و اولی پرده نیک یعنی کثرت حکمی کیدر و عارف جامی نظمده کلور
در مشرب توحید بود و هم دویی کفر * در مذهب تقلید بود نفی دویی شین
عینیه ست یکنانه که چواز قید تعین * افزود بران نقطه پدید آمدن و غین
و شیخ مغربی کلماتده کلور

به پیش دیده ما غیر عین هر دو یکیست * نظر چنین کند انکس که بایقین باشد
و بونده سر نظوره دخی رمز واردر زیرا بعض تصرف اهل اولان
رجالک روحی اجساد کثیره تزییه ایدر یعنی بر روح کمال اطافتی حسیه

صور کثیره ده کورینور و لیکن جسد اصلیه سی قائم اولد بجه اجساد
فرعیه و مثالیه سی دخی قائمدر قیچن فنا بوله تمثلات دخی فنا بولور اگر چه
اهل الله جسد عنصریدن مفارقتدن صکره دخی تمثل ایدرلر امام شهراتی
رحمه الله کتاب الجواهرده ایراد ایدر که امام سیوطی رحمه الله زمانده
مصرده ایکی کسسه طلاقه بمن ایدوب هر بری مشایخدن بریچون
فلان کجه بنم خانده مسافر ایدی واکا سود ایچوردن دیو ادما ایلدی
امام سیوطی دخی اول شیخه صورت دعوائی عرض ایدوب حائندن
استکشاف ایتد کده شیخ دخی اگر درث کشی زمان واحدده
درت یوده اواد یغم ادما ایدر سه دخی صادقدر دیو اخبار ایدیچک
امام سیوطی دخی قبول ایدوب ذکر اولنان ایکی کسسه دن بری نه دخی
طلاق واقع اولماق اوزره فتوی و یردی وینه مصرده رجال اللهدن
برسنی اعداسی نماز قیلور کن قتل ایدوب جسدی خارج مصرده
برشته اوزرینه طرح ایتدیلر صکره مقامنه کده ینه اورا ده
بعینه نماز قیلور کن بوا دیلر ز را قتل اولنان جسد مثالیسی ایدی
اندن ایسه جسد اصلیه نیک هلاکی لازم کلر نیکم برکسته آخرک سایه سی
ضرب ایسه آخراندن متأذی و متألم اولماز (لحیره)
چوقدر بو کرامت اهل حق * هله برخوش کوزک آج طرغری بقه *
* بونی رد ایلین انکار اهلان * کوره سن حسرت اودی نیچه یقه *
* خشم و شهوت مر در احوال کند *
* زاسقامت روح را مبدل کند *

* شهوت * نفسک برنسنیه میلده دیرل میل اولنان نسنه نفسه لذیذ
اولغله لذتده دخی استعمال اولنور * استقامت * اعوجاجک ضربدر
نیکم قرآنده کلور (ولم یجعل له عوجاقیما) روحدن مراد روح سلطانیدر
نیکم اوائل شر حده مفصلا بیان اولنشد روح اطلاق حقده رواحی
اعتبار یله درو یاریج ملاحظه سیله در که نفس رجائیدن عبادت نفسده
ایسه ریج وارددر بلکه ز یحیدن عبارتدر نیکم (ونفخت فیه من روحی)
اکا دالدر وجاژدر که روحدن اوله قحله راحت و رحت معناسنه
زیرا بدنک استراحتی انکله در و حقیقته عالم رجنددر و داود قیصری
رحمه الله ایراد ایدر که روح اطلاق بدنه ربوبیتی و حیات حسیه نیک

مصدری اولق اعتبار یله در یعنی روح مدبر بدندر و جمیع قوای نفسانیه
اوزرینه حیات حسیه اندن فیضان ایدر و حقه روح و جان اطلاق
اولماز مکر حی و یا محی معناسنه اخذ اولنه نیکم یونس امره کلماتده
کلور سن جائی کرک بکاجان قیوسی دکل * مبدل * اسم مفعول و افعال
بایندن ابدال و تغیر اولنمش معناسنه (معنای بیت) بودر که غضب نفسانی
و شهوت طبیعیه کشی بی باطندن احوال کبی ایلر و تفرقه یه دوشور
روحی استقامتدن مبدل و مغیر ایدوب معوج و منحرف قیلور یعنی روحک
استقامتی بوا یکی صفتک فنا و زوال یله در چونکه وجود بونلردن تزکیه
اولنیه روح دخی فطرت اصلیه سندن منحرف اولور زیرا بونلر
عوارض مقوله سندندر بعض عوارض ایسه معروضی حائندن تغیر
ایدر صونک مزاجی مرور ایتدوی خاکک طبایعیه متغیر اولدیغی کبی
و بوسره اشارت ایدوب حدیثده کلور (کل مولود یولد علی الفطره الخ)
و بونده اشارت وارددر که فی الجمله غضب و شهوت ایله روح منحرف
اولماز زیرا بومر تبیه عمادیدن و قوام وجوددر انکیچون اهل الله
غضب الله و شهوت حقانیه ایله متصفلر در و کذلک روح فطرت
اصلیه سی اوزرینه باقی اولسه توحیددن عدول ایتیزن برا توحیدانک
مقتضای نشأ سیدر و روحک استقامتک اثری حقه اقبال و انحراف
و اعوجاجی حقندن اعراضدر و شهوتک مقابلی عقلمدر پس انسانده
عقلی قدسی ککر کدر که انکله مرتدع و منزجر اولوب شهوت
وامثالک احکامیه انصباعدن صافی اوله و بونده رهن وارددر که مرد
حکمنده اولانک یله حالی بعض صفات تبدیل ایدر فکیف زن حکمنده
اولانی و مرد حقیقی انسان کامل و حکمی انسان ناقض وزن حکمی
دخی انسان ناقصدر ولیکن میساننده فی الجمله فرق وارددر فاعرف
* چون غرض آمد هنر پوشیده شد *
* صد حجاب از دل بسوی دیده شد *

* غرض * اغتمده هدف در یعنی اوق نشانی صکره هر غایت که ادراکی تحری
اولنه اکا اسم قلندی و بر عصارته دخی بودر که غرض بر فعل اوزرینه
مترتب اولان مصلحتدر شول حیثیتدن که اول مصلحت فاعل ایچون
فعل ایله مطلوبه اوله نیکم علت غایبه دخی اول مصلحتدر ولیکن شول
حیثیتدنکه فعل اوزرینه فاعلی اقدامه و اول اجلمدن فعلک صدورینه

باعث اوله پس غرض و علت غایه بالذات متحد و بالا اعتبار مختلف در
بوراده غرض ایله مراد غرض نفسانی مذمه و مدر نیکم بوستانده کلور
* ز صاحب غرض تاسخن پشیمانی * که کار کردی پشیمان شوی *
* هنز * عیبك ضدنده مستعذر نیکم نجاتی کلماتنده کلور حرفی اوج اولمغله
ایکسنگ * بر میدرفی الحقیقه عیب هنز * شد * اوای شد اولدی وایکنجی
رفت معنانه اولمق اظهار در * صد حجاب * کثره محمولدر فی الحقیقه یوز
اولسون و کرک ارتق و کرک اکسک اولسون (معنای بیت) بودر که
چونکه غرض نفسانی کلدی و اراده فاسده ظهور ایلدی هنز مستور
اولدی یعنی باطنده اولان غرض فاسد سببیل ظاهرده هنز کور نمدی بلکه عیب
و نقصان کور نمدی یوز حجاب یعنی نیجه پرده کوکل جانبدن کوز طرفته
کندی یعنی غرض علت باطنه و مبدأ فساد و منشاء خلاف اولمغله اثری
ظاهرده دخی ظاهر اولوب از جمله کوزه دخی پرده اولدی بوسیدن
کوزه هنز کور نمدی بلکه هر عیب صورتنده ظاهر اولدی و دیده عیب
بین اولمق جهتیلید دخی خلاف معقول و مشروعله بطشه آغاز ایلدی
شاه جهودانه واقع اولدیغی کی بوندن فهم اولنور که قلب امیر
الامراء اعضا و جوارح و سائر قوای امراء کبیر پس بریده که
امیر الامراء اولان قلبك صفت حیده سی صفت ذمیه به مبدل اوله اکا
تابع اولان سائر قوی دخی تبدیل اخلاق و تغییر اوصاف ایدر لرتکم
حدیده کلور (اذافده فساد الجوارح کله) و دیمش لردر که (الناس
علی دین ملوکهم) و كذلك مثله ضرب اوانور (کل اناء یترشح بما فيه)
و دالمده سویلنور (الولد سرایبه) معناه فیه مافیه پس قلب انسان جمیع
امور و احوالک مرکز و جله شؤنك قطبیدر و بونده اشارت واردر که
جهره دلدن حجاب مرتفع اولسه عالمده هنز و کالدن غیري نسنه کورنر
زیر عیب صورتنده اولان نسنه نك عیب اولدیغی محلاک عدم
قابلیتنددر و الا فاعل مطلق و صانع حقک هراثرند و اثر کمال و نما
بوندندر که ظاهر اهل باطنه ترقی ایدر لرفا باطن اهل ضرورت قویه اولمق
ظاهر تنزل اتمزل زیرا کمال انسانی باطن ایله حاصل اولور و فی الحقیقه
اهل فنا فائنده عیب و هنزك مجموعه التفات بقدر زرا امور اضافیه دندر

چون دهد قاضی بدل رشوت قرار

کی شناسد ظالم از مظلوم زار

* قاضی * حاکم معنانه در وجه تسمیه بودر که بر نسبه بی قضا اتمک آنی
احکام و امضا و اندن فراغدر قاضی دخی حکم ایندکده ایکی خصم
اراسنده اولان دعوائی استماعدن فارغ اولور بوسیدندر که وفات
ایده نه قضی علیه دیرلر زیر ادنیادن فارغ اولمشدر و قضا و قدر دیرلر زرا
تقدیر او یا تدبیر اندن فراغ حاصل اولمشدر * رشوت * ابطال حق و یا احقاق
باطل ایچون ویریلن مالدر ارتشارشوت اخذ و استرشاتی طلب ایتکدر
قاضی بی تخصیص ایلدی زیرا ابتدا رشوتك شیوعی قضا و نواب
و علماده واقع اولمشدر احبار بی اسرائیل کی اگر چکه بواعصا رده اهل
ریاستک جمله سنه شموی وارد و اطائف کاستاندندر که کلور * قاضی که
رشوت بخور پنج خیار * ثابت کند از بهر توده خربزه زار * و حدیده
کلور (القضاة ثلثة قاضیان فی النار و قاض فی الجنة قاض قضی بغیر حق
وهو یعلم فذاک فی النار و قاض قضی وهو لا یعلم فاهلک حقوق الناس
فذاک فی النار و قاض قضی بحق فذاک فی الجنة) و بر ملک لسانندن
دخی منقول در دیمشدر (قاضیان فی النار و قاض فی الجنة) و لکن بو خبرك
منشائی واردر تفصیلی محلیده میندر * زار * ذلیل و حقیر و اکلیجی
(معنای بیت) بودر که چون حاکم شهر قاضی بلده دل ایله رشوته قرار
ویره و کوکلنی اکابند ایده فجن ظالمی مظلوم ار و ذلیل و فریاد
کناندن یلمور و سچر و ایکسنگ ار اسن تمیز ایدر (یعنی رشوت کوکل
بغلین قاضی مظلومک و فریادینه باقر بلکه ظالمک مالنه نظر ایدر
و ماله میل سببیله ایکسنگ ار اسنی سپحه دن قالور و فصل خصومت
ایده هنز و اطائف کلامده کلور * علامه زمانه اوای برکشی اگر *
ایلر سه قاضی عسکره یوز بیل ملازمت * منصب اچلر اکا چوز ایچک کسه *
حاصل بودر بی کسه که مشکل ملازمت * بونده قلبك تمییه باطله نفسانیه
ایله ماسویه میلنه اشارت واردر * ظالم فی الحقیقه نفس و طبیعت
و مظلوم قلب و روحدر و وجود انسانی ده نفس جانب قلبه غالب اولسه
و ظلمات شرک ایله انک اوزرینه استیلا بولسه حقله باطل متمیز اولدن قالور
و پرتو وحدت آفل اولور * بو صورتده قلبك قضاسی سلو کدن فراغیدر

و چون عنایت باری یاری اولوب اقلیم وجودده تنفیذ احکامه قادر اوله
اول وقتده (استغث قلبك) شرفنده داخل و حکومت عدل ایتکه
قابل اولور و قاضی ده شیخه دخی تلویح وارد رشتکیم دیمشردر * شیخ
چون مائل بمال آیدمی بد اومباش * مائل دینار هرگز مالک دیدار
نست یعنی ماله مائل اولان شیخ ساوکنده ناقص اولغله فی الحقیقه
صحیح و سقیم و سالک و غیر سالکی تمیز ایتز و بومقوله ظالمه شیخ دیدکلی
تهکم طریقله در (زیر شیخ اودر که خلقک الله اولان اموالی وارزقدن
مستغنی و غنائی حقه هر یوزدن غنی اوله و بوندن فهم اولور که دنیا
دیدکلی اعظم حجاب در که حجاب ظمانیدر پس بوپرده منکشف اواسه
حجاب نورانیدن عبور ایتک آسان اولور و نفسک تنزلی بودنیاه تعلق
اوجندندر و الاروحه طائر قدسی کی کون و مکان حائل اولمز * فاعرف *

❖ شاه از حقد جهودانه چنان ❖

❖ کشت احوال کالامان یارب امان ❖

* حقد * کسرله قلبده عداوت طوئوب فرصت کوزتمکدر بورادندر که
دویه ذات ضمن دیرلر حقد معناسنه زیرادوده کین صفتی غالبدر
جهود کی انکیچون جهودانه دیدی زبرا بویله مواضعده الف و نون
مناسبت و لیاقت معناسن افاده ایدر و قرآنده کلور (انجمن اشد الناس
عداوة للذين آمنوا اليهود) * کشت * کاف عجمینک قحیله ماضیدر اولدی
معناسنه عربیده صارايله تعبیر اولور * امان * زنههار معناسنه در یعنی
مهلت و بی خوف اولق بعدذا کالامان جمله دعائیده در پس ماقبلی
مابعدینه می هونددر فاعرف (معنای بیت) بودر که شاه مزبور
جهودله سزاو خبائث جبلیله رینه روا اولان کین دن انجیلین احوال و مغتیر
و شرشوره مائل اولدیکه امان یارب اومقوله صفتدن وایک مقتضایی
اولان افساد فی الارضدن امان یعنی یارب اومقوله نسندن سن بزه
امنک ویر و اولبد صفتک خوفنه و حکمی اجرائله عتو بنه دوشمره
(زیرا فی نفس الامر خوف اید جک نسنددر زیرا مهملکدر پس
انسان سبع ضار دن خوف اتدوی کی اندن دخی خوف ایتک
کرکدر بعدذا بخل ایله حقد زوجان در که بری برندن مفارقت ایتزل
و شاه جهود حضرت عیسی علیه السلام یوزندن اولان رحمت

امتنانیه بی تضییق ایتکه بخله دوشوب حقد اوچندن قتل عامه مباشرت
ایندی تا که ناس داخل دآره ایمان اولوب رحمت حقه قرین اولیده
پس حقد صفات زمیمه نفسانیه نک اشدندندر که اندن خلاص اولوب
ولمیعچون درگاه عزتدن درخواست ایتک کرکدر و الا صفت مذکوره نک مائی
دوزخ قهرده نار قطیعت ایله عذابدر و بوصفت ایله مسلم دخی
جهود ایله مشترک اولور زبرا ایکی طائفه نک اراسنده نوجهله جهت
جامعه و ارایسه او یوزدن اشتراک قبول ایدر من وجه یهودیت ایسه
تدر بخله من کل الوجوه یهودیتیه منجر اولور زیرا هر صفت مجانی
جذاب و مشاکله مائلدر انکیچون صغائر کباره و کبائر دخی اکبر الکبائر
اولان کفره مؤیددر بوسیدندندر که اهل صلاح معصیت صدورنده
مطلقا نچدید ایمان ایدرلر کرکسه بطریق الاحتیاط اواسون زیرا صغائر
و کبائر کفر دکل ایسه ده کفرک طریقیدر و بوندن فهم اولور که
نفس انسانی جمیع شرور و قبايحک معدنیدر که جمله دن بری بغیر حق
قتل نفس ایتکدر که شاه جهود دن و امثالندن صادر اولمشدر پس
تزکیه نفس ایچون اجتهاد ایتک افضل الاعمالدر که فضائل دینی
و کمالات مغنویه مؤیددر بزم عصر مزده بواجتهاد متروکدر صوفیه دن
و علماء رسوم دن معدود اوللرک اکثری بری برلر ینک قتلنی اباحت
ایدرلر نه حکم شرع وارونه مقتضای طریق (نسأل الله الامان و حقیقه الامان

❖ صد هزاران مؤمن مظلوم کشت ❖

❖ که پناهیم دین موسی را و پشت ❖

* صد هزاران * تکثیر ایچوندر مؤمن دن مراد حضرت عیسی علیه
السلامه ایمان کتوروب انک دینی او زرینه اولاندن زبرا انک دینی
منسوخ اولمزدن مقدم اهلته مؤمن دیناوردی نصاریه مؤمن دینلر
زیرا سلاک میاننی تفریق ایتشردر * کشت * کاف عربینک ضمیمه ماضیدر
قتل ایتدی معناسنه پناه * اسم مصدر در * پشت * ارقه در ظهر معناسنه
بوراده اعتماد مراد اولور (معنای بیت) بودر که اهل دین عیسی دن
نیچه یوزیک یعنی جوق و وافر مظلوم مؤمن قتل ایلدی بنم پشت
و پناهیم یعنی التجا و اعتماد دین موسایه در عیسایه دکلدر الحاصل شاه

جهوددن بوفضاحت دین عیسی ای تکذیب ن ناشی اولدی و مؤمن
مظلوم مؤمن بی گناه دیکدر که قصاص طریقیله اولان مقتولدن
احترازدر بونده انکار و تکذیبک شأمنه و رفع واسطه نك فضاحت
اشارت وارد زرا حضرت عیسی دین موسائک واسطه سی ایدی شاه
جهوداندن غافل اولوب بی واسطه دین موسایه التجا ایلدی و غلطه
دوشدی و کذاک قلب دخی واسطه روحدر زیر روح علوی ده
تجرد تام اولق حس بیله بی واسطه اکاتعلق ممکن دکلدر و قلب نفس
و روحك ازدواجندن متولد اولغله ایکسینک احکامیه منصف اولمشدر که
هم جهت کثافت و هم جهت لطافتی مشتملدر پس قلب نفس ایلر روح ارا سنده
خلق ایلر حق میاننده بی کی اولمش ایدی (قال الله تعالی وابتغوا الیه الوسيلة

﴿ اوزیری داشت کبر و عشوه ده ﴾

﴿ کو برآب از مکر برستی کره ﴾

* او ضمیر غائب منفصلدر که شاه مذکور راجعدر * وزیر * زجاج نحوی
قولی اوزرینه وزرنددر حرکت ایلر ملجاء و معتصم معنایه زیر سلطان
اکالتجاء و اعتماد ایدر و این قتیبه قولی اوزرینه وزرنددر کسرله حل
ثقیل معنایه زیر سلطانک جمله یوکنی وزیر چکر و رأیی ایلر اکامعین
اولور زرا موازرت معاونت معنایه کلور و وزارت کسرله امر قدیمدر
نتکم قرآنده کلور (واجعل لی وزیرا من اهلی هارون) بوندن فهم
اولور که اظهار سر خلافت ایچون وزیرک وجودی لازم اولدوغی کی
صلاحی دخی کر کدر والا مستخلفک صورتی اوزرینه اولمشددر
مرتبه سندن معزول اوور کر کسه منصوب اولسون و وزارت خلفاء
ملوکده شایعدر اگرچه فی الجملة خلفاء انبیایه ده دخی مستعمردر نتکم
حضرة صدیق و فاروق رضی الله عنهما حقنده کلور (ان لی وزیرین فی
الارض) ولکن ظاهر اولان بودر که آیت مذکورده و حدیثه مندرج اولان
وزارت معنای لغویسی اولان معاونت مجملدر تا که انبیاء ملوک و خلفا و وزائله
مشترک اولوب اخص اوصافله مذکور اولار نتکم علما و عرفادری
یعنی علم عرفاندن شریف ایکن عارف بالله اولنره اطلاق اولمشدی
زیرا اهل رسومده عرف اولمشدر پس اهل رسومدن تمیز ایچون

ارباب حقیقه عرفا دیدیلر مع هذا علم و عرفانک مجموعی فی الحقیقه انلرک
وصفیدر * کبر * کاف عجمی و سکون بائله اوده طیان کافر که عرب مجوسی در
و مطایفه کافره دخی دیرلر * عشوه ده * وصف تر کیبدر لغت لامعیده کلور که
* عشوه کوکل السامی جلوه صالمقدر * فاما عجم اکثرنا و شیوه ده استعمال
ایدر بوراده مراد اولیکیدر "ده" کسرله دادن لفظن من مأخوذدر بوراده
اسم فاعل معنایه در و یریحی دیکدر * مکر * سعی بالفساددر خفیه
طریقیله * برستی ده * یاء خکیه حال ماضیه افاده ایدر * کره * کسرله
بند و دوکم معنایه در (معنای بیت) بودر که اولشاه جهود بروزیر
طوتدی یعنی انک بروزیری وار ایدیکه آتش پرست و السدادیحی
و شویله حیلر و خدعه صاحبی ایدیکه مکر کیدر بوزندن صواو زرنه
دوکم بغلر و نقش کوسه ترردی بو کلام مبالغیه مجملدر ولکن لطافتدن
خالی دکلدر زرا کاهیه هبوب نسیم ایلر صواو زرنه زنجیر شکلی
کور بنور و جازدر که تسخیر و یا تخیل طریقیله صواو زرنه کره کوستردی
دیک اولر و سایر اهل تسخیر و تخیلک خالی بوکا قیاس اولنه نتکم بعض
جادول قرصه ماهی زمینه تزیل ایدرلر مع هذا ماه فلك اولده رنده
ثابتدر که نزول و صعود قبول ایتمز و طور انک بعض مراتبی بالاده ییلندی
بعض یلر دیشلر در که ذکر اولن وزیر دن مر او بولس دید کلری
کسنه در که تفصیل حالی سوره مائده اوائلده (فاغری بنائینهم العداوة
والبغضاء) آیتنده بعض تفاسیرده و خصوصاً روح البیان نام نفس پیرمیزده
مسطوردر بونده وزیر ایلر شیطانیه اشارت وارد زرا ذکر حقندن اعراض
ایده نك قرینی شیطاندر نتکم قرآنده کلور (ومن یعش عن ذکر الرحمن
نقیض له شیطانا فیهوله قرین) پس مجوسی دائماً نفخ نار اتدوکی کی شیطان
دخی طین بشریة نفخ و ساوس و غورر ایدر و جازدر که وزیر ایلر مراد
هوی و یا شهوت اولر زرا روحك وزیر عقل اولیحق نفسك وزیر عقلک
خلافی اولان شهوت اولق لازم کلور انکیچون آب ایلر تشیل ایتدی زرا
اکل و شر بدن حاصل اولور و شهوتک مجوسیت ایلر مناسبتی بودر که
مقتضای شهوت تناول ایتده نار طبیعتک استعمالی وارد (بوسیدندر که)
شهر رمضانده مفطرات حرامدر تا که مرطبات استعمال ایتمک حسبیله
حرارت درون قوت بولوب صبرله مقابله سنده آتش دوزخدن نجات

حاصل اوله ز براد و جهاند، آتش احتراق اولماز (لحرره) بونده قال اواسه
بر کشی "انده بولمه احتراق نبراند" بهدذاجوسك آتسه تعظیم آتد کلری
زعلمنجه بر فچ وجهه محمولدر بر بودر که آتش جوهر شریف علو بدر
و بردخی حضرت ابراهیم علیه السلامی احراق ایتمه شد و بردخی دنیاده
آتسه تعظیم اتمکله عتباد آتش روز خدن خلاص اولورز و احتراقدن
نجات بولورز دیرل انکیچون انی قبله ابدتمشدر جوابی اهل حقیقه ره روشندر

کفت ترسیان پناه جان کنند *

دین خود را از ملک پنهان کنند *

"ترسا" نصراندر ملک میسک قحکی و لامک کسریله امر و نهی ایله
متصرف و اهل سیاسته درل مالک ایله ملک میانده فرق واردر تفصیلی
تفاسیرده میندر "پنهان" پاء عجمینک قحیله کر او معناسنه در فاما دقا ق
صاحبی تقریری اوزره مفعول معناسنه در اخفا و لشمس دیمکدر نهان کبی
دکدر بعد ذامصرع ثانی اولی بیان واقع اولمشدر (معنای بیت)
بودر که وزیر من بوردشاه مذکوره دبیکه نصاری پناه جان یعنی
کندی دینلرن پادشاهدن اخفا ایدرل و جانلری ایچنده صقیوب
کسیه افشاء راز ایتزلر بلکه بوسری جان کبی نهان طو ترل
پس نصرانی اولان برخوش متبین دکدر تا که سن انلری قتل عام ایده سن
بونده اشارت واردر که قوای روحانیه ک پناهی جاندرزرا اندن تولد ایتمشدر
نتکم فرزندانک معصمی پدردر (زیرا پدر تعلیمه مظهر اولد بغی کبی
جان دخی الهامه مجلادر و بر معنی عالم امر دن ابتدا عالم روحه اندن عالم
قلبه اندن عالم نفسه تنزل ایدر پس بونده (کل شیء رجع الی اصله)
سرنه اشارت واردر و مصراع ثابیدن مأ خوددر که مسلم اولان کسنه
فته احتمالی اولان برده اسلامی کافردن اخفایتمک کر کدر زیرافتنه
دین اعظم الفتن در بس محلهنده ظاهر حالی سسترایتمک لازم اولیحق باطن
حال دخی بو کایاس اولنه و ملک لفظنده اشارت واردر که بحسب الغالب
نفس اماره و کفار وار باب انکارک تسلطی واردرز بر امظاهر اسماء جلالیه
کثرت اوزرینه در بوسیدندر که الفک وادی من حوم و ساری مغضوبدر

کم کش ایشا ترا که کشتن سود نیست *

دین ندار دیوی مشک عود نیست *

* کم * کاف عربینک قحیله اکسک معناسنه در مقابلی پیش در که زاندر
مجازا آرنسینه ده کم دیرل بوراده عدمدن عبارتدر اسان عربیده قلت کبی
نتکم عرب بی ادب اولانه قلیل الادب دیر عذیم الادب معناسنه و قرآنده
نظاری چوقدر * کش * کاف عربینک ضعیله امر حاضر در قتل ایله معناسنه
* سود * اصیدر زیان مقابله سنده مستعملدر * مشک * بالاده مفصلایان اولندی
* عود * ضعیله اصلنده خشبدر صکره بخور ایچون اولان معهود اغاچه علم
اولمشدر عودک معنی صین ایله هندارا سنده حاجز اولان جبال قاسر وندر
قاف و میم و رالیه و برنسنه ک رایحه طویه سنی مدح ایتلر (عرف کعود
القماری) دیرل رایحه سی عود قاری رایحه سنه بکر دیمکدر (قار قطام
وزننده کارک معربیدر بالاده نددن بر شهر در که ابو عودا کانسبت اولوب عود
قاری دیرل و ابو عود تریه ایله فرق سنه د، حاصل او اور دیو متو اردر
ناپخته سنه عود خام دیرل نتکم مکده هر صنفی موجوددر زیرا هنددن جدده
اسکله سنه انددن مکده به جلب اولوب اندن اطراف عالمه حل اولور (لحرره)
قرق سنه پرورش بو اب انسان * او اور آخریهاده عود بسان * خاملر پخته اولمق
ای غافل * فی الحقیقه دکدر آسان * (معنای بیت) بودر که نصاری ای آرتل ایله
یعنی من بعد انلری قتل ایتمه دن آل چک که قتل اتمه ک فائده سی یوقدر زیرادین
مشک و عود کبی رایحه طو تر تا که اول رایحه ایله اکا استدلال اولنه و صاحبی
بیانه یعنی نصاری طائفه سی سنک قلیچک خوفدن دینلرین اخفا ایدرلر پس
با کلیه انلری اهلاک و ازاله ایتک ممکن دکدر بناء علی هذا به ضعیلرین قتل اتمده
فائده یوقدر فائده اول زمانده اولور که جمله سی دینلرین آشکاره طوته لر
بوایسه مفعوددر الحاصل قتل عامه مجال یوقدر و بعضیلر قتل اولمغله عرفلری
منقطع اولمز بلکه (بقیه السیوف انمی عدددا) مقتضاسنجه بقیه السیوف
اولمردن بعد زمان ینه منتشر اولورلر بونده اشارت واردر که اهل سنت
واهل حق اولنلر بدعت و بطلان اهلی ارا سنده دین و مذهبلرین اخفایه باعث
قوی و ازایسه اخفا ایدرلر زیرا اظهار ایتمه ده فتنه غالبدر و کذلک نفس
اماره قوای روحه سواری ایله تعرض ایدر فاما بالکلیه الوار فی اطفایده من

زیرا امداد روحانی ابله مؤید در دل و لکن روح و قلب و سائر قوایه
 کر که در که نفس و طبیعتش سر و مکریدن امن اوزره اولیه در بعد از ادینک
 مشک و عود کبی رایحه سی اوماق محجوبله کوره در والا اهل دل بری
 برین بلمک انصاف دکل و فقهیه و من القلب الی القلب سیل
 مصد اقبحه مکاشف و اهل فراست اولتر نور کشف و فراست ابله
 مخلص و محقق مرانی و مدعیدن تمیز ایدرلر نتکم حدیثه کلور (اتقوا
 فراسة المؤمن فانه ينظر بنور الله) اگر چه مرانی و مدعی اولتر مخلص
 و محقق تشخیصه قادر دکلدر زراعالی سافلک حاله مشرف سافل
 ابله عالینک طبقه سنه مطلع دکلدر والاعالی و سافل میاننده فرق قالماز
 و بوذکر اولسان نور فراست علامت ابله استدلالات اولنان فراستک
 غیر بدر زرا علامت ابله استدلالت هر ذکی مشترک کدر ذکر اولنان
 نور ابله مقدوف من عند الله در که خواص ناسک قلوبنه مدفوعدر
 و لکن گاه اولور که مکاشف دخی محجوب ابله مشترک اولور نتکم
 دیشلدر مشاهده الابار بین التجلی والاستتار و بونده مشک و عودی
 تخصیص رایحه ده سائر بخورلر اوزرینه افزون اولدقترنددر پس
 اولور اولماز وجهله برنسنه ک حقیقی معلوم دکلدر انکیچون بوسه تانده
 کلور * برابام برنیاید بسی * نشاید رسیدن بغور کسی * و بوندن فهم
 اولور که دین حقیقتده تصدیقندن عبارتده که صفت قلب اولغله امر
 خفیدر انکیچون حدیثه کلور (هل شققت قلبه) پس اقرار باللسان و عمل
 بالارکان رکن زائد اولور نتکم بعضیلر ذاهب اولشلدر تفصیلی محلیده مسطوردر

* سر پنهانست اندر صد خلاف *

* ظاهرش باتو چو تو باطن خلاف *

* غلاف * کسرله قلیج و بچاق و امثالک قنی و هر نسنه ک ظریفی نتکم
 شاهی اغتده کلور * کیمنت صغری قینه غلاف ایدوهم نیام *
 صد غلاف تکثیر ایچوندر بوراده غلاف تعبیری لطافتدن خالی دکلدر
 زرا قتل بحسب الغالب قلیج و بچاق مقوله لر یله حاصل اولور کن
 قن ایچنده مسطوردر * خلاف * وفاق ضدیدر مفردانده کلور که
 خلاف ضددن اعم در زرا هر ایکی ضد مختلف در و اما هر ایکی مختلف

ضددکلدر و فروقده کلور که اختلاف اودر که برنسنه ک طریق وصولی
 متفاوت و لکن مقصود متحد اوله بغداد و شامدن زیارت کعبه کبی
 انکیچون حدیثه کلور (اختلاف امتی رحمة) و خلاف اودر که طریق
 و مقصودک مجموعی مختلف اوله ایکی کسه کبری مشرقه و بری مغربه
 کتمک کبیددر بوراده خلاف محلیده واقع اولمش در فافهم (معنای بدت)
 بودر که دین دیدکری نسنه بوزقات قابده و قنده یعنی قات قات پردلر
 ایچنده پنهان و مستوردر انک ظاهری سکنه سنک کبیدر یعنی اول
 دینک صاحبی وقت ضرورتده ظاهر حاله سکنه دینده متفق اولق
 کوسه تر لکن باطنی خلاف اوزرینه در که کزلی دین طور و باطنده
 دینی سنک دینکه مخالفدر بناء علی هذا صورت و فاقه نظر ایدوب
 ابقایدر سن پس بوسیددن دین نصاری بالکلیه رفع ایده مز سن
 زرا ملوک و سلاطین خلقک ظواهرینه مساطلدر ربواطنه دکل
 بونده اشارت وارد که فتنه احتمالی غالب اولان یرده هر کس حالی
 زیاده ستر ایدوب مدارا و معامله ده مجامله ایدوب منکری باطنی ابله تغییر
 ایتمک کدر کدر اسان ویدی ابله دکل و رمز وارد که کرچه نفس
 اماره و صفاتی قوای روحانیه و صفات قلبیه کید و مکر ایتمدن خالی
 دکلدر فاما قوی و صفات دخی گاه اولور که نفس مساعده کوسه تر و ب
 آتی اغفال و مغرور ایدر مثلاً بر قیاح کون اکل و شربده طبیعتیه موافق
 کبی تا که ایام مستقبله ده طاعات و عبادته قوت زیاده و قدرت و تمکین
 افزون اوله بوسیددن که ضعف الحال اولتر صوم رمضان ایچون
 آخر شهعبانده افطار ایدرلر پس بوه وفاق قلب و روحک نفس و طبیعت
 مکرندن اولمش اولور و بوندن فهم اولور که اهل دین دائم دشمن ابله
 با ظاهر او باطن یا باطناً فقط مخالفت اوزره اولق کر کدر تا که جهاددن
 خالی اولمیه لر (لحرره) قنخی جان کیم اوله مشغول غزا * قتل ایدوب نفسی
 فله دفع اذی * دیکله عرشه لواسی آنک * بوله مطلوبه ظفر روز جزا *
 * شاه گفتش پس بگوئید بیچیت *
 * چاره آن مکر و آن تزویر چیست *
 * تدبیر * برنسنه ک در بنه یعنی آخر و عاقبتنه نظرا بتمکدر * چاره * حبله
 * مکر * شرح اولندی تزویریلان فسنه به حسن و یروپ کر چک بر بنه کچورمک

اصلی زور در تحريك ايله ميل معناسنه كذب زور ديدكاري ضمه جهستن
مائل اولديچوندر (معناي بيت) بودر كه شاه وزيرينه خطاب ايدوب
ديديكه پس بنم رأيله ايش بتيچك سن سويله بو خصوصه تدبير
ونصر ايلرك ديتلرين ارادن رفع ايتنك مكر وتزويرنك چاره سي ندر
يعني نه مقوله مكر وتزوير ايدلم كه انكه مقصود اولان معنايه و صوله
چاره و حيله بوله لم پس شاهك بوسه و زدن مرادي مشاورت و مرادينه
و صوله تحلد و بوندن و زارتك معناسي فهم اولندي پس ديمكدر كه
چونكه سن بنم وزير مسين پس بكار ايكلمه معاونت ايله و چاره بولن بياورسك
سويله بونده اشارت واردر كه كچه الحق دولة ولباطل صولة
ديمشلد ر فاما بطلان اهلي اول صوله و هجوم يرين بولنجه هر رطب
ويا بسه تمسك ايدر ورهوار فكرله چپ و راسته كيدر نفس اماره
دخي بويله در ظلماتي غالب اولمقله روحك نورانيتي ازاله ايمده مقصوريني
صرف ايدر شاه مزبوري شهوت و حسد بوزدن اضلال و اذلال
ابتدوي كي ولكن خبرده كلور (الحسود لا يسود) پس سيادت
باطنه في الحقيقه محسود اولان قلب و روحكدر زيرا اقليم وجود
اصلنده انلر لياقتيدر مساكن و اموال اهل حرب حق مسلمين اولديغي
كي زيرا ناس عبادت ايجون خلق اولنش و مال دخي عبادته وسيله
قلمشدر پس مسلمين ايجون اولمقله جدير ولايقدر كذلك جسد
و روح حيواني و سائر قوی في الحقيقه حق قلب و روحدر نفسك
انلر حكومتی تسلط و استیلا طر بقله در بوخسه رياسته لياقتي
جهتيله دكلدر زيرا قورد چوبان اولماز نكتم كلستانده كلور * نكند
جور پيشه سلطاني * كه نيابد زكرك چوباني * چون سالك الى الله
اولنر فتح قريب و فتح مبین و فتح مطلق اطلاق اولنان فتوحات جليله
ايله مغنم اوله لرويد مبطلة نفسي ازاله ايدوب بدمحقه قلب و روح ايله
ظهور بوله لراقليم وجودده كيفا يشاء متصرف اوله ل و جمله اعضا
و قوی بوزدن اعانت بوله لرو بونده اشارت واردر كه نفس اماره دائما
اعوان و جنودی ايله تعاون و تناصر اوزرينده در خصوصا كه وزيري
اولان شيطان و ياهوي و ياشهوت ايله و بونلر بری برلرينه
(يوحى بعضهم الى بعض زخرف القول غرورا) و فتنه امانى و اكاذيب

و اباطيل القايتنه دن خالی دكلدر در مكه مكرمه ده صناديد قريش كي
(ولكن لا ابالي بجمعهم * كل جمع مؤنث) حسييله جيتلرينه اعتبار
يوقدر نكتم قرآنده كلور (سبهزم الجمع و بواون الدبر) و بوندن اخذ
اولنور كه نفسك و اكاتباع اولان قوی و صفاتك شاني دائما مكر وتزويدر
زبرا ضلالت ايجون خلق اولنشدر انكيجون مقتضاي نشاسي اولان
مكر وتزويدن خالی دكلدر مكر كيم رحمت امتنايه ايله مر حوم اولوب
مطمئنه مرتبه سته ترقى ايليه نكتم تنزيلده كلور (ان النفس لامارة بالسوء
الا ما رحم ربي) و بوندن انتقال اولنور كه قلب و روحك حالي دائما
خيراته ميل و نصيحتدر زيرا هدايت ايجون خلق اولنشدر انكيجون
جبلتيرينك حكيمى اعطادن خالی دكلدر مكر كيم نفسه مجاورت ايله
مقضوب اولوب مرتبه لرندن تنزل ايدلر (لحرره) اي كوكل
چاره ساز اولوب ايركن * كنديكى نفس الندن آزادايت * راه حق
دور و دراز اولدي قتي * وارفتادن تدارك زادايت *

* تائمانددر جهان نصراني *

* ني هويدادين وني پنهاني *

* نصراني * ده اولان همزه وحدت ايجوندر و بعضيلر ديمشلددر كه وحدت
ايجون اولان يادر كه عين بترا شكند ه يازيلان همزه انك نشانيدر
* هويدا * هانك ضمه سيله معناسي ظاهر در وقتحه دخي لغندر * پنهاني *
آخرنده اولان همزه نسبت ايجوندر و تنكيرايجون اولمقله دخي جائزدر (معناي
بيت) بودر كه تا اول حيله و بهانه سيبيله دنياده بر نصراني قالمينه آشكاره دين
ونه كزلي يعني ذكر اولنان وجهله نصارانك كزلي و آشكاره دين طوطلرينه
واقف اولوب ديتلريني بالكلية ازاله و كنديلره قتل عام اولنه * مصراع
ثانيدن فهم اولنور كه مقصود دين نصاراني بالكلية ازاله در بوايسه
نصارانك زوالى ايله اولور * بونده اشارت واردر كه طبيعت و نفسك
عتو و استكباري اولدر كه اقليم وجودده اصلا كنديلرينه مخالف نسته
اولديغين استمرز بلكه جمله قوائك موافقت ديلرلر بوايسه حكيمته مخالفدر
زيرا خلقدن مراد عبادندر انكيجون ير بوزنده الله الله دير يعني ذكر دائم
و فكر متصل اهلي قالمديغي زمان قيامت قوبسه كر كدر و قلب و روحك
حقه ميل و انجذابلري اولقدر در كه اقليم وجودك بالكلية دار اسلام

اولدینین استرناکه (وقضی ربك ان لاتعبدا الا اياه) حکمی برین بوله
 وحقه اقبال ایتدک جزء انسانی قالیه ولیکن تزکیه محلنه دک حرب و سلم
 مذاوله ایدوب بعدها قوای نفسانیه ذمت قبول اتمکله روح دخی بالکلیه
 مستریج اولور قتل نفس دیدکری بودر والا قوت نفسانیه عن اصل
 مقلوع اولق بوقدر شرف انسان دخی اول قوتک اصلنک بقاسیله در انکیچون
 انبیایه معصوم و اولیایه محفوظ دیدیلر فاعرف جدا و دینک ظاهری
 شریعت و باطنی حقیقتدر که وجودله قائمدر یعنی وجودک ظاهری و باطنی
 اولدینگی کی وجوده دائر اولان حال دخی بویه درو بویکی حال
 قرآندن مستنبطدر زیر نسخه کبرادر پس کفر و ایمان اهلی ارا سنده
 قیامتہ دک حرب و قتال باقی اولدینگی کی اهل عشق و انکار اهلی ارا سنده
 دخی قیامتہ دک جنک وجدل ثابتدر زیر انکار اهلی قیود اهلیدر که
 ظواهر قرآنه تمسک ایدوب بواطندن بی خبردر ر عشق اهلی اطلاق
 اهلیدر که ظواهر احکام ایلہ عامل اولدقلری کی حقایق باطنه ایلہ دخی
 متحققدر پس قید و اطلاق بری رینه مخالف اولدینگی کی اربابی دخی
 بویه در ولیکن ارباب حقیقت اولنلر بوموطنده بالکلیه قیود دن مطلق
 اولدقلرین استرلر زیر بیلور که قبضتینک حکمی جاری و ابتلا و امتحان الی
 آخر العمر بل الی آخر الدنیا جلایه ساریدر اهل ظاهر اولنلر ایسه کنندی
 نشأری حکمنجه حصره ذاهب اولوب اطلاق رفیع ایتکه چالشورلر بوا یسه
 جهل عظیمدر زیر اول فرد و احد جمیع اشیای زو ج اولق اوزره
 خلق ایتشددر تکیم تفصیلی (ومن کل شیء خلقنا) آیتنده روح البیان
 نام تفسیر یزده در بوسه بیدندر که انسان روح و جسمدن مر کبدر که
 بری شریعت و بری حقیقت ناظردر ولسان ایلہ جنان دخی بویه در پس
 اهل حقیقت ایلہ جدل ایتک بواشیانک حقایق بدیعہ بی مشتمل اولدینگی
 حالده خلق اولنماسنده اعتراضدر بوا یسه کفردر زیر الله تعالی
 هر مقدورده ظاهر و مظهر و ملک و ملکوت کو ستره شددر تکم آیتنه
 ناظر و نظر کاهی جامعدر (و بحقیقتدر که انسان کامل بو کامستحب
 اولدینگی حالده جسته داخل اولور حیف اول بی حقیقت که جسم
 مجرد ایلہ جسته کبره الحاصل ملائکه جناح واحد اوزرینه مخلوقدر که
 جلال محضدر و شیطان جلال محض اوزرینه مخلوق و بشر ذوالجناحین در که

قهر و لطف اوزرینه مجبو ادر و کمال دخی جمال و جلالک جمیعتمده در پس بو کمالک
 یا کز بر طرفنه تمسک ایدن نافص و حقیقتدن اعمی و تجلیات مختلفه دن محرومدر
 گفت ای شه کوش و دستم را ببر
 بینی بم بشکاف و لب در حکم مر
 *بیر ضمتین ایلہ امر حاضر کس معناسنه اقطع کی اصلی بر بندر ضمه
 کسمک دیکدر قطع کی *بینی کسرله و آخرنده یاء اصلیه ایلہ بور و ن
 معناسنده در انف کی وجه تسمیه بودر که وجه انسانده اول کور بن
 انفدر انکیچون انفه اول الوجه دیرلر و اندن برنستنه اولانه انفوان
 و عنفوانی اخذ ایتشددر مثلاً عنفوان شباب دیرلر جوانق معناسنه *بشکاف
 امر در شکافتن لفظندن شکافتن یار مقدر شق کی *مر غمله عری بدر
 آجی معناسنه تکیم دیرلر الحق مر (معنای بیت) بودر که وزیر دیدیکه
 ای پادشاه بو باید چاره بودر که سن بنم قولانغی و المی کس و بور نمی
 و طوطی ساغمی یار آجی حکم و امرده یعنی بویه بر آجی و ناخوش امرله
 امر ایدوب ذکر اولنان اعضا مه بومثله و عقوبتی ایلہ پس ظرف مجموعنه
 قید اولش اولور بونده (وان الشیاطین لیوحون الی اولیائهم) سرینه
 اشارت واردر زیر ظاهره شیطان انس اولان وزیرضال و مضل
 پادشاه کراهه القاء تزویر ایتدوی کی باطنی دخی شیطان جن اولان
 دیولعین نفس بدخواهه تلقین حیل نا کز بر ایلر اگر وزیر مؤمن نصیح
 و یاعقل صریح و ادراک صحیح اولسه مظاهر هدایت اولور و سلسله
 ارشاد حقه انتظام بولوردی و بونده مداخل شیطان و مواد هوا
 و اسباب شهواتی مسده تلویح واردر مبصرات و مسموعات و مشمومات
 و مذوقات و ملموسات و منکوحات و ملبوسات و مرکوبات و مسکونات
 و متوهمات و مخیلات کی یعنی تغیر هیئت و تبدیل خلقت ایلہ مثله دن
 مقصود صورت حقندن کورینوب افساد فی الارض ایتکدر پس بو کلام
 اکتفا قیلندن اولش اولور کمالینخی و امور مذکورہ نک تلخ اولدینگی
 نفسه و هوا یه صعو بیدندر زیر نشألرینک مقتضاسی دکلدر بلکه
 وزیر مذکور اول امر تلخی مقصودنه وسیله اولدینغندن اوتوری کرها
 اختیار ایتدوی کی نفس و هوای دخی لاجل المصلحه حق بو زندن

کو رندیلر وزه دو تقوی ستمن طوتوب لباس تزویر و تبلیسی
بورندیلر و بوسیدندر که حضرت هدایی بیورر * مقتضاسند
نه دقتل ایدرهای نفس * سنی نیجه ایله بن * ومن الله العصمة والتوفیق
* بعد از آن در زبرد آور مرا *
* تابخواهید شفاعت کر مرا *

* دار * دیگلی اغاجه دیرلر ده بتن اغاجه دیمزلر بلکه درخت درلر اصلش
آدمه بردار اولدی دیرلر نیکم واقعدر * خانی صائمه که بر خوردار اولور *
* یا کسلور باشی یا بردار اولور * دار چینی براغاجدر که چین ولایتده اولور
بو ولایت کتوروب دارچین دیدکلی اول اغاجک قبوغیدر بو بر اول
اغاجک بمشیدرگاه اولور که یرده بتمش طوران اغاجه ده داردیرلر درخت
دیدکاری کی بوراده مراد اولمیدر * آور * و اوک فحیله امر در کتور
معناسنه آوریدند ندرینه و اوک فحیله * شفاعت کر * شفاعت ایدیچی دیدکدر
زیرا کرات فاعلدر نیکم مرور ایتشدر (معنای بیت) بودر که بکا ذکر
اولسان عقوبتی ایتد کد نصرکه صاب ایچون بنی دارالنه کتور
تایر شفاعت ایدیچی بنی سندن دلیه وعفو ایتدیره اند نصرکه بن دخی
بکادوشان شیطنتی ایدم وحیله و تزویر یولنه کیدم بونده بردار اولمدن مراد
تشهیردر ولکن بوکا شهرت کاذبه دیرلر نیکم مدعیان متصوفه دن
بعضیلر طاعندن خطب بوکاوب و بیولرینه تعلیق جرس ایلیوب
اول هیئت اوزره بازاره و جمع ناس اولان محله چیقارلر مراد لری ایسه
بومقوله امر منشیع یوزندن خلق اراسنده شهرت بولوب جاه دیدکلی
مرتبیه وصولدر یوخسه کبر نفسی دفع ایچون دکلدر اگر چکه صدق
ارادت اهلندن دخی بومقوله امور صادر اولشدر ولکن اصلنده شهرت و جاه
اربابنک صفتیدر ابراهیم ادهم و ابویزید بسطامی و غیریلری کی
قدس الله اسرارهم یوخسه هر وضع و خلولک شانی دکلدر (قل
ان الله یضل من یشاء و یهدی من یشاء) شفاعتکردن مراده وادر
زیرا دائما نفس و شیطانک معین و محرکیدر واستدراج دیدیکلی معنی
اولق دخی بعدد کلدر نیکم قرآنده کلور (انما عملی لهم لیزدادوا انما)

* بر منادی گاه کن این کار تو *

* بر سر راهی که باشد چار سو *

* منادی * اسم مفعول صیغه سی اوزره در گاه ظرفیت مکان افاده ایدر
منادی گاه منادیلر و دلالت لک امور مهمه ده ندا ایتدکلی جمعیت یریدر
این کاره عقوبت مذکوریه و یاز یردازه کتور مکه اشارتدر اویکسنده ده
اشارت اولمق انسددر ولکن بواقظ رسم خطدن قطع نظر تلفظا
انکاری ایهم ایدر که مراد وزیری من اورک دین و نصاری اوزره
اولدیفین ایهم و اول مقابله ده عقوبت و اراده صلبدر پس بولکه
اطاعتدن خالی دکلدر و نقش بندیه دن خواجه بهاء الدین قدس سره
اطاعتدنند ر که سماع حقنده دیشدر . ما این کار نمیکیم
وانکار نمیکیم * چار سو * اغنده د ورت جانب دیمدر
بازار گاه یعنی یازاری مراد اولشور وجه تسمیه الله اعلم
اصلنده درت یول اغزی اولد بغیدر که مر ناسدر (معنای بیت)
بودر که سن بواشی بکامنادیلرک ندا کاهی اوزرینه یعنی جمعیت ناس
اولان یرده ایله بر یول باشی اوزرینه که چار سو و بازار گاه اوله
(یعنی) ورت یول اغزنده و بازار کاعده و جمع خلق اولان موضعک یرنده
ایله تا که جله خلق مطلع اوله رونه مقوله معنی ایچون اولد یغین بیله لرو بو
جهتدن بنمده تقلید نصرانی اولد یغم شیوع و شهرت بوله و نصارانک
بکا اعتماد نه سبب اوله پس مصرع ثانی اولی بیان و تفسیر اولور بونده
شهرت شایعه نفسانیه اشارت وارد زیر بردار اولق سبب شهرتدر
انکیچون روئاده کورسه لر شهرت ایله تغییر اولشور (و بزم کونیزده
صوفیه دن بری روئاده کمدنی مصلوب کوروب چوق کچمدن موله شهرت
بولدی * سرراهدن مراد دنیاد ر که مر ناسدر و چار
سودن مراد عنا صرار به در زیر نفسک طغیانی عناصر
اربعه ک احکامه مساعد و شهوات دنیایه موافقتله در کان
نفس اماره بونلر دن ال چکوب صلاح یوزندن شهرت طلب ایدر
شهرت ایه آفتدر (لحرره) اینسه برکسه نفسنی کل صلاح * ابدی
بولیه جهانده فلاح * چوق قدر نفس بدک آفاتی مخفیدر چودانه فلاح *

* آنکه هم از خود بران تا شهر دور *

* تا در اند از دریشان شروشور *

* آنکه هم * تقدیری آنکه مراد یکدر و آنکاهی و آنکه و آنکه اند نصرکه

دیمک اولور * از خود * از نزد خود تقدیر نده در خود کند و دیمکدر * بران
کسرله امر در سور معنایسته یعنی تبعید و نفی ایله راندندن مشتقد * ایشان *
ضمیری نصاریه راجع * شر خیرک ضدی و شور * قارشق قلدرد (معنای
بیت) بودر که اندن صکر یعنی عقوبت مذکوره و بر شفاعت کیرک شفاعت
موضوعه سبیله عفو ایدوب صلبدن فراغدن صکره بنی کند
حضور کدن دیار دور بعد سور مملکت کدن اخراج ایدوب تبعید ایله
تاواروب نصاری اراسته شر و شور طرح ایدم و مذهب لرن قارشق دورم
و بو یوزدن بطلان لینه سبب اولام و سن دخی مراد که ایره سن
و اعدادن انتقام الاسن شهر دوردن مراد شهر دلدن زیر اقریه نفسله
ارالنده مسافه و حاجز حصین وارد رشول جهند که بری غایتده علوی
وبری نهایتده سفلی در نصارادن مراد عیسای قلبک امت مؤمنه سیدر که
قوای روحانییه در مقصود شیطان وهوی بودر که نفسی حق یوزندن
دائرة قلب و روحه ادخال ایدمل و اماره لکندن مطمئنه صورتنده
ابراز ایدوب قوای قلبیه و روحانییه بی افساده ظفر بولملر زیرا دنیسادن
زاهد و خصوصاً احکام عناصردن راغب اولیجق قلب و روح ایله
مجانس و مشاکل کبی اوور سنی صورتنده زیارت کعبه به کلن روافض
و خوارج و سایر فرق ضاله کبی که نیجه دفعه حرم کعبه ده افساد و نفس
کعبه بی تلویث ایتمش لدر بوندن اخذ اولنور که دشمندن دیکه حالله
امن یوقدر و دشمن دخی دارامنه دخول ایتمک لازم کلسه شرائط
و قیودله دخول ایتمک کر کدر مستأمن اولنور کبی تا که ضرر لری طوقمیه

پس بگویم من بامر نصرا نیم *

ای خدای رازدان می دانیم *

* سر * عربی و راز فار سیدر که ایکسیسی دخی بره عنایه در اغباردن کتم اولنان
نسته دیمکدر (معنای بیت) بودر که پس نصاریه دیم که بن سرله کرنی
نصرا نیم ای خدای رازدان یعنی عالم السرو الحقیات سن بنم عالمی و دروننده
اولان صفت اخلاصی بیلور سن پس مصراع ثانی نصاریه تصدیقه
حمل ایچون تا کیدا وارد اولمش اولور تکیم ترکیده دخی الله بیاور که
شونسته شویله در دیرلر و لکن اگر اول نسته فی الحقیقه قائلک وصف
ابتدوی کبی دکلسه اکفار اولنور زیرا حقه جهل مر کب اسناد ایتمش

اوور تفصیلی کتب فقیهیه ده در و جائز در که وزیرک اسان حائسندن
صادر اوله یعنی ای اسرار دله و ضمائر قلوبیه واقف اولان الله حال باطنی
سن بیلور سن یعنی کرچه لسانم نصرا نیت ادعا ایدر فاما قولنده کاذبیم که
حقیقه نصاری دینی اوزر بنه دگلم بلکه آتش پرستم و بو نلرک اراسته
خیله و خدعه ایچون کلمشم * ظاهره کعبه اولدی قبله کهم * معنایسته
ناره در امانکهم * کلمشم دین ایتمک افساد کرچه کیم یانمه قالماز بوفساد * بنکه
کریم شبانلق نمدر * کرهم چونکه هدایت کیمه در نفسه * اولدم وجودم
قیدم * کیدیمی کورنه صورته قویدم * بونده اشارت واردر که نفس
اماره روح و قلبک معارف و حقائقه مطلع اولوب حسنده دوشمکه
اول حرارتله انلردن انتقام المی ایچون تزویر ایدوب صورت حقندن
کورینور و لکن فراست اهلی اولان دشمنک بیلور تکیم قرآنده کلور
(ان الذین اتقوا اذا مسهم طائف من الشیطان تذکروا فاذا هم مبصرون)
و بوسیدندر که امی اولان یله آخر زمانده دجال الشده یاز بیلانک فر
حرف لرنی اوقور و بطلانته استدلال ایدوب اتباعدن احتراز ایدر
* بللور دیرللو کفری دجالک * راست کلد کده قلبی چاک * نفس و شیطان
ایدربسه تزویر * خیله سنه کوره جزا سن ویر * صورت حقه کورنسه
برکس * باطل ایسه اودمده باشنی کس * دم آخر اولنجه ایله غزا *
قلیجک عرشه قسونه روز جزا * و من الله التوفیق و العصمة

* شاه واقف کشت از ایمان من *

* وز نه صب کرد قصد جان من *

* نه صب * عصب دندر که دوه لک صواو زرینه مجتمع اولماسیدر نه صب
عصیت ایتمکدر یعنی برکسیه معاونت و اعداسندن انتقام المی ایچون
حرکت و قیامدر و عصبه ضمه جماعت معصبه یعنی متعاضده دیرلر
بویله برلده اسان عوامده نسبت و غرض دیدگری مراد اولنور
(معنای بیت) بودر که شاه بنم عیسی و انجیله ایمان و دین نصاریه تصدیقندن
اکاه اولدی نسبت و غرضندن بنم جائه یعنی قتله قصد ایلدی و قتل
روخی جسدن ازاله در یعنی روح حیوانینک سریانی و روح سلطانیکنک
تعلقن ازاله و قطعدر بوندن فهم اولنور که کافر و کذلک منکر مسلم مقرر
اوزر بنه نه صبدن خالی دکلدر زیرا اسلام و اقرار نوز مقوله سندن

و کفر و انکار ظلمت مقوله هستند در پس نورله ظلمت متانی اولد قلمری
کبی اربابی دخی متخالف در و هر کس خلافند بولناک حقتدن
کلوب انتقام المغه چالشور و لیکن نور ظلمه غایبدر انکیچون قرآنده کلور
(ان الله مع المتقین) یعنی معیت حق نور تقوی ایلله نور اولنره کوره در
اول نورله ظلمت اهل شرک منکشف و مندفع اولور و چون نور تقوی
اولسه و یا خود ضعیف اوله ظلمات اهل شرک اکاکوره
مستولی اولور و بونده نفس و طبیعت ایلله قلب و روحک حالی دخی روشن
اولدی و بونده عصیتک ذممه دلالت وارد در زیر نفس محرمه بی
غرضاً قتل ایتمک محرم و کسبتهک بلا سبب عرضته تعرض ایتمک
منوع در و حدیثده کلور المسلم من سلم المسلمون من لسانه ویده

✽ خواستم تادین زشه پنهان کنم ✽

✽ آنکه دین اوست ظاهر آن کنم ✽

ظاهر آن کنم ✽ آنرا ظاهر کنم تقدیرنده در و جائز در که ظاهر لفظی اضافه
اولوب کسره سی اختلاس اولنه بوصورتده ظاهر یا اظهار معناسنه
اوله و یا خود حالی اوزر بنه متروک اوله زیرا هر دین اهلی لاجل الضروره
خلافک دینی ابراز ایلسه انک ظاهر یله عمل ایدر باطنیه دکل (معنای
بیت) بودر که دیلدم و ایستدم تادینی یعنی نصرانی پادشاهدن اخفا
ایلیهم اول پادشاهک دینیدر که بهودیتدر آنی ظاهر قلم و یا اظهار
ایلیهم و یا اول دینک ظاهری اوزر بنه جریان ایدم زیرا کندی دینی
اظهاره انک خوفدن مجال یوقدر بونده اشارت واردر که کا هیچه
انسان بحسب الاقتضا دینی ستر ایچون بعض مخالف نسنه اشهر نا که
خلقه اعتماد کله و کندی بلادن خلاص اوله نتمک شیخ فاسدی قدس سره
سیاحتده ارض هنددن بوازیج دید کلمری یرده ابدر یاده سومنات
شهرنه هر و رایتد کده انده اولان پت عاج حقتده بوستانده کتورر
پتک را یکی بوسه دادم بدست ✽ کلامت برو باد و بر پت پرست ✽ بتقلید
کافر شدم روز چند ✽ برهن شدم در مقالات زند ✽ و قرآنده کلور
(الامن اکره و قلبه مطمئن بالایمان) پس تعظیم صنم و شد زنا ر
وامشالی ضرورت قویه ایلله اولیحق ایمانه ضرر ویرمز و لیکن
شیخ صنعاندن ضرورت قویه یوغیکن امارات تکذیب صادر

اولدی دیوا کفار اولماز ✽ زیرا او خصوص موادندر محلتده جواب
ویرلشدر (بوندن فهم اولنور که نفس مطمئنه بعض تلویثاتده نفس
اماره صورتنه دخول اینسه و اول بوزدن کورنسه تأویل اوزر بنه جاری
اولش اولور و کسه اندن بوی تنزل استشمام ایده مز مکر حالی منکر
اولان عنادا تنزله حل ایده فاما نفس اماره مطمئنه بعض تمکیتاتده
تقلید ایلسه حالی کوندن عیاندر زیر فی الحقیقه ماسوایه میلدن حالی
اولمز و شغال و دایک و الوان اصباغ ایلله مصبوغ اولسه طاووس اولمز لر
و بونده وزیر مز بورک حیلله خفیه سی اسنباط اولنور زیر خالی
اجنبیدن اخفا ایتمک بحسب الغالب دار حریده اولان مؤمنینه کوره در که
مهاجرته اقتدار لری یوقدر نتمک مکّه مکر مه ده قبل الفتح ضعیفاء
مسلمین کتم ایمان ایدر لدی و صنادید قریشدن احتراز ایدوب حاللرن
کسه به دیمزل و هجرته دخی اقتدار لری یوغیدی فاما هجرته اقتدار
و شعلار دینی خیری یرده اظهار دن متمکن اولان دینندن
اوتوری فرار الی الله ایلله مأور در نتمک تو بیخ طریقیله قرآنده
کلور (الم تکن ارض الله واسعة فتهاجروا فیها) (المحرره)

✽ نه طور رسن چوسرو یلارجه ✽ بو کهن سال بوستان ایچره ✽

✽ بلبل اول صد نهال دور ایلله ✽ تازه کل فوق بو گلستان ایچره ✽

✽ شاه بوی برداز اسرار من ✽

✽ متهم شد پیش شه کفتار من ✽

✽ بوی ده اولان یا تنکیر ایچون اولق اظهار در بوی التک اطلاع جزئیدن
عبارتدر زیر شمله بعض نسنهک وجودنه و حقیقته استدلال اولنور
نتمک ترابی شمله اقالیم و بلاد بلنور متهم هانک کسریله در قحقه سیله
دکلدر نتمک ابوالسعود افندی بیان ابتدکی اغلاطده تصحیح اولنمشدر
مستحکم وامشالی دخی بویله در نتمک ابن کاک تنبیه نام رساله سنده میندر
اصلی بودر که افتعال بابی بحسب الغالب مطاوعت ایچوندر علاج
اولسون غیری اولسون غمخته فاغتم و جمعه فاجتمع کبی مطاوع ایلسه
کسرله لازمدر واستفعال دخی تحول ایچون کلور استبحر الطین کبی
پس بونلرک لازم اولد قلمری جهشدن اسم مفعول لری کلز بوسبیلله
مکسور اوقنور متهم دیمک تهمتلی دیمکدر یقال انهمته ای اخذته

مکانالوهمی • گفتار • کاف بحمیلک ضمیمه سوز دیز مکدر انجو دیزر کی
عرب اکانظم کلام دیر اصلی آرند • گفت در سوز کتور یچی معناسنه
نظم کلام سوزی کتور مکه باعث اولد یغندن اوتوری گفتار دیدیلر
باعث فعله فاعلک اسمن اطلاق ایدر لر هر داده شاید ر نتکم بو محله
دخی واقعدر زیر اتمهم اولان گفتار دکلر بلکه انک صاحبیدر و لکن
تهمته باعث اولمغه متهم دینلدی اسناد مجازی طریقله (معنای بیت)
بودر که شاه بنم اسرارمدن قوقی ایلندی و حال مستوری جزئی
طویدی انک حضورنده بنم سوزم تهمتلی اولدی یعنی سوزمدن
نصرانیت اوزره اولد یغم تراش ایلدی (بعد ذاکلام مذکورک
حضور شاهده تهمتلی اولسی شاهک عقل و ادراکنده تهمتلی
اولمقدن کنایه در مکتوبلرده حضور شریف و جناب لطیف و مجلس
عالی و امثال دخی بویله در یعنی مسمانی اجلال ایچون کنایه طریقنه
سلوک اولوب مثلاً حضور شریفه سلاملر اولنور دینلور مقصود
ایسه فی الحقیقه کندینه سلامدر بوندن فهم اولنور که انسانک اقوال
و افعالی آینه مقوله سدر که صور احوالی انده منقش و منطبقدر پس
عندالله وعندالناس تهمت اولاجق اموردن احتراز کرکد ر نتکم کلور
(اتقوا مواضع النهم) و بونده اشارت واردر که ایمانله کفر
و تصدیقه تکذیب و نفس ایله روح اراسنده دایما ذکر اولنان رایحه
مشمومدر انکچون نفسک بر مرتبه سنه اوامه دیرلر زیراه اولور که
حقه توجه و اقبال ایدر و بوسیله اندن بوی مطهرنه استمات اولنور
و گاه اولور که طبیعت جانینه میل ایلر و بواجلندن اندن رایحه اماره استرواح
اولنور و اولدخی تلویحات واقع اولدجه کندی اوم ائمدن خالی دکلر
تلویاتندن مراد نفس اماره طرفنه میل ایدوب افعال و اقوالده انک
مقتضاسی اوزره جریاندر و بونده رمز واردر که دینده مئین
و حوصله سنده واسع اولان کسه دن افراط و تفریط صادر
اولماز زیر دایما مقتضای صلابت و حکم عقل کمال اوزرینه
حرکت ایدر انکچون نیجه کسه ره سیاست ایدوب اغزلرندن جواب
الامر لر زیره سر انسان بریردن جزئی فاش اولسه بردخی
سیره مجال قالماس و فضاحت ظهور ایدر اللهیم احفظ

گفت گفت توجودرنان سوزنست
ازدل من تادل توروزنست

* گفت * کاف بحمیله اولکی ماضی وایکنجی ده کلن سوزدره نوز سوبلنمین
سوزه سخن دیرلر گفت دیمزلر * سوزن * ضمه اکنه دید کلر یدر که عرب
خیاط دیر کسرله نتکم قرآند کلور (فی سم الخیاط) بونک تقدیری
گفت تودرنان چو سوزنست در که ادات تشبیه سوزن اوزرینه داخلدر
و جائزدر که مجموعنه داخل اوله زیرا مرادنان ایچنده اولان سوزنه
تشبیهدر بالکرسوزنه دکل (معنای بیت) بودر که پاشاه دیدیکه سنک
سوزک نان ایچنده ادخال اولمش اکنه کیدر یعنی نان ایچنده اکنه
اخفا و درج اولمش اولسه نتکم اهلا کنی مراد ایدر کلرینه ایدر لرانی
اکل ایتک استین آدمی و حیوانک اغزنه و بغازنه باتوب ابتلاع ممکن اولمدیغی
کبی سنک سوزک ایچنده دخی نصرانیت رایحه سی واردر که انی اشیدن
و استشماییدن یهودی آتی قبول ایتز و گوشله ادراکی اراسنده الماز را
صاف دکلر بنم کوکلدن سنک کوکلکه وارنجه پنجه واردر نتکم
دیرلر من القلب الی القلب سبیل یعنی شمدی بو سوزک اوجندن
ایکی قلب اراسنه یول اچلدی و سنک نیت و اعتقادک قلب و مغشوش
اولد یغنی سچلدی حالکی اخفا ایدر جک حالک قالمدی بوندن ظاهر
اولور که هر کسک رازنه اطلاع طریق واردر و لکن گاه اولور که اول
طریق خفی اولور شویله که دکه عاقل اکامطلع اولماز اگر جلی اولسه
هر کس فضاخته دوشردی * و بونده شاهک کلام وزردن
زیاده متأذی اولد یغنه رمز واردر زیر اسوزنی سوزنه تشبیه ایلدی
اصلی بودر که دشمن دوستنه رازدار اولماز و انسان خانه سنده
عدو پرورده ایلسه صورت فلاح بولماز و تلویح واردر که اشیایی
برینه ارتباط اوزرینه خلق اولمشدر اگرچکه کیفیت ارتباط خفیدر
و اشیائله خالق الاشیا اراسی دخی بویله در نتکم محلهده مسطوردر

* من ازان روزن بدیدم حال تو *

* حال تودیدم نتوشم قال تو *

* نه نوشم * نفس متکلم و حده در اصلنده نه نیوشم در نیوشیدن نونک
کسرله سبیله دکلک و قولاق طوتمق معناسنه * قال و حال * بری برینک
مقابلیدر حاله حال دید کلری تحول و تغیرندن اوتور یدر نتکم مقامه

مقام تسمیه اولنق ثبوت و اقرار نه بناء در و حال دیدکاری قلبه بلا تصنع
و عمل وارد اولان معناد رطرب و حزن و قبض و بسط و هیبت و انس
و امثالی کبی و اصحاب حال انلر در که اعمال صالحه مقابله سنده اولابطریق
المجازاة و جدو ذوق بولمشلر و ثابا بطریق الموهبه کشف
و عیان اهلی اولمشلر در (معنای بیت) بودر که بن اول پنجره دن
حالی کوزدم یعنی بلدم و مطلع اولدم چونکه بو طریقه یقله حالکه واقف
اولدم سنک قالکه قولاق طوغم و تاویل و اعتذار یکی دگلم زیرا یقینی و همد
و علی ظنه تبدیلیک معنای یوقدر خصوصاً دیشلر در که لسان الحال
انطق من لسان المقال و دیشلر در که * و اذا المقال مع الفعال و زنته *
رجح الفعال و خف کل مقال * و حال و فعل بر قبیلندر مثلاً بر کسه حرصه
طعام تناول ایتسه اول فعل انک جو عنه دلالت ایتد یکی کبی وجودنده
ضعف غالب و صفت وجه دخی غالباً اول معنایه دالدر و بر نسنه نک قول
یوزندن حالی معلوم اولسه حال یوزندن دخی ادراکنه و سیله اولور
فاعرف بونده دعوائی تر که اشارت وارد در زیر حال دیدکاری معنی
وقال دیدکاری صورتدر پس صورت دعوائیه حقیقت حال حاصل
اولماز تنکم کال نجندی نظمنده کلور * علم و تقوی سر بسر دعویست
معنی دیگرست * مرد معنی دیگر و میدان دعوی دیگرست *
وقال و حال بری برینه مطابق کلمه و ظاهر و باطن دخی متوافق اولسه
انک صاحبی فلاح بولمز و یحیی المفتی دیواننده کلور * نارغمده پوته
عشق ایچر قال اولدق دیرز * حال مشکدر اگر اویمزسه حاله قالمز *
و بونده رمز وارد در که حاله اطلاع قال جهشدن و قاله دخی و قوف کوش
یوزندنر زیر کوشک استماعیه صورت حرفک معنای آینه ادراکه
منعکس اولور و رؤیت قلبیه رؤیه بصریه دن اقوادر زیر بعض رؤیت
بصریه ده مطلقاً علم حاصل اولماز فکیف که علم یقینی حاصل اوله
فاما رؤیت قلبیه یقین و علم ضروری دن عبارتدر (محرره)
* بوله کور علم ضروری حان * ایده کور ترک مدرسه قالن *

✽ کر نبودی جان عیسی چاره ام ✽

✽ او جهودانه بکردی پاره ام ✽

* جهودانه * اصلی جهودی در یاء نسبتله دستور العمل ده کلور که نسبت
ایچون اولان حرف یانک گاه اولور که آخرنه تأکید نسبت ایچون برنون
زیاده ایدرلر سنکین کبی و گاه اولور که تأکید نسبت ایچون اولان نوندن
مقدم بر الف زیاده ایدرلر مثلاً اسکندر نه نسبتده اسکندرانی دیرلر و گاه
اولور که الف و نوندن صکره یادن بدل برهه نسبت زیاده ایدرلر مثلاً
ملوگانه و عاقلانه دیرلر انتهی با جمال پس جهودانه ده بویه در که آخرنده
اولان ها نسبت و لیاقت افاده ایدر (معنای بیت) بودر که اگر جان عیسی
بنم چاره و معین و فریاد رسم اولیایدی و انک روحانیتدن بکا امداد
و اعانت کلییدی اول پادشاه بنی جهودله منسوب و مخصوص اولان
تعصب و عناد و خشم سببیه ایکی پاره و یا خود پاره پاره ایلردی و لیکن
جان عیسی دن استمداد و انک روحانیتدن استعانتیم حیدیه مدد و عون
رسیده اولوب انندن خلاص اولدم و بو قدر عقوبتدن صکره یکیدن
حیات بولدم و قاچوب دأره کزه کوچله کلدیم بونده ارواحدن استمدادک
فائده سنه اشارت وارد در تنکیم قرآنده کلور (فالمدبرات امر) و حدیثده
کلور (اذا تحیرتم فی الامور فاستعینوا من اهل القبور) بو حدیث شریفی
ابن کمال حدیث اربعین ده و تفسیر فارسی صاحبی کاشفی رساله علیه ده
تصحیح و ایراد ایلوب زیاده شرح و بیان ایلشلردر طالب اولنلر محبتدن
مطالع ایده لر بعض محدثینک موضوعدر دیدکلی بنه التفات اتمیه لر
و بونده تلویح وارد در که وجود انسانی ایکی پاره دن عبارتدر که بری
جوهر علویدر که روحدر و بری دخی جوهر سفلیدر که نفسدر
و قلب که ایکی سنک میاننده توسط اتمشدر مصلح مابین در اگر انک توسطی
اولسه طرفین اراسنه عداوت و بغضاء دوشوب انتظام وجود اختلال پذیر
اولور پس کر کدر که نفس اماره نصیحت دله کوش طو توب دأره وجودده
اولان قوانک اختلاف و فرقتین اولمالر بنه باعث اولیه زیر اهر زده خلاف
ظهور ایتسه وفاق یوزندن اولان راحت و حضور در داولور و جمعیت
خاطر تفرق بواور فاما اولکه خبر صحیحده کلور (اختلاف امتی رحه)
ذکر اولسان معنایی منافی دکلدر زیرا بعض اختلاف رحه در که فروعه
اولان اختلاف کبی و بعضیسی دخی غضبدر که اصولده اولان اختلاف
واهل حقسه خلاف کبی تنکم جهوره مخالفت قوت خطانددر دیرلر

یعنی امور عادی ده پس امور دینیه ده صوابدر واولکه دیرل * کوردک
زمانه اومیدی سن اوی زمانیه * ذکر اوانسان معنایه محمولدر واولکه
حدیده کلور (ان یزال الناس بخیر ما تبینوا) حرف وصنایع وامثالی ایله
اولان تبایندر که مدد و حد رنتکم وجود انسانده اولان قوائک تباینی رجندر
زیرا هربری ایله برانسه حس و ادراک اولنور فاما عسکر امیر المؤمنین اکاتباع
اولدیغی کبی قوی دخی احکام و اوامر ده قلب و روحه تابع کر کدر واولکه
مشایخ طریقندن رویم قدس سره کلامنده کلور لایزال الصوفیه بخیر
ما توافروا فاذا اصطلموا هلكوا بونک حقیقتی بودر که طائفه صوفیه
اراسنده بری برارینه انس و سکون بولنق توحش و فرار لرینه
سبیدر پس فی الجملة تبخض رجندر زیرا ماسوايه میلی قطعده
باعث و توجه حقده مداردر و بونده رمز واردر که بغیر حق اولان
تفرق صفت یهود و بحق اولان نعت اهل شهود در (لحرره)

* ندر عالمده بو پریشانی * قبضیتک بومی بوخسه شانی *

* مختلط اولسه لطف قهرله دل * نه بسط ایدر نه قبض پیشانی *

* بهر عیسی جان سپارم سردهم *

* صد هزاران منتش رخودنهم *

* بهر * حرف تحصیل در لام جاره معناسنه مثلاً بهر اودیرل انکی چون دیچک
برده برای اودخی دیرل * سپارم * کسرله نفس متکلم و حده در سپاریدن دن
وسپردن دن که اصمارلق معناسنه در مضارعنده الف زاید ایله سپارد سپارنده
دیرل و سپرد و سپرنده دیک دخی جائزدر * دهم * دادن لفظندن مضارع
متکلمدر * منت * عریده امتنان یعنی نعمت معناسنده شاید در سکامتم واردر
دیک بولنمتی سندن بیلور بن دیکدر حاصلی بودر که نعمتک حصولی متته سبب
اولغله نعمتدن منت ایله تعبیر ایدرل * نهم * کسرله نهادن لفظندن مضارع متکلم
و حده در (معنای بیت) بودر که عیسادن او توری جان اصمزلرم و باش و پرورم
یعنی یوانه جان و باشمی انک بولنه فدا ایده رم انک نیجه بیک یعنی بسیار منتی کنیدی
اوزیمه قورم یعنی یوانه جان و باش و پرورم ایله یانه منت عیسانکدر بنج دکلدر نتم
فرآنده کلور (قل لا تمنوا علی اسلامکم بل الله یمن علیکم ان هدیکم الایمان) مقصود
بودر که عیسا که واسطه حقدر بومقوله واسطه نک عشقنه بذل جان اتمکده
رنعتمس که انک وساطت و توسلی ایله حاصل اولمشدر پس منت واسطه نکدر نتم

حضرت عائشه رضی الله عنهما انک اسناد اولنان نهمت دن برآمت و نراهتی
حقنده آیات متعدده نزول ایتد کده پدری صدیق رضی الله عنه بومعنايه
ارشاد ایدوب پیوردیکه ای قریم رسول الله صلی الله علیه وسلم شکر ایله
زیرا آیات براءت و طهارت انک وساطتیه نزول ایتشد و حدیده کلور
(من لم یشکر الناس لم یشکر الله) بونده فنایه تنبیه واردر زیرا کمال اوزرینه
حدایتک الله تعالی به مخصوص صدر نتم فرآنده کلور (الحمد لله رب العالمین)
چونکه اهل عوالمه پرورش حق تعالی دندر پس انک مقابله سنده حد
دخی اکادر پس عیدک اورتاده او نعمتک ظهورینه بهانه وآت
اولسندن غیری حالی یوقدر والله المولی والمولی (سؤال اولور سه که
بونده فنا نوجهله در که غیره اسناد واردر نتم بهر عیسا دیدی
بهر حق دیدی محکیمدر که رابعه عدویه قدس سره ایه سؤال ایتدیلر که الله
ورسوان قنخی سنه محبتک زیاده در جواب و پردیکه هیات جمیع محبتلر
حقک محبتده فنا بولمشدر دیدی پس بوندن فهم اولنور که واسطه اثبات
ایتمک یوقدر (جواب بودر که فناده حال بوبله در فاما بقاده مراتبه اعتبار
واردر پس برکشی کندی نفسندن فنا بولوب ظاهر اولان مرآتیه کوره
مظاهرینه نسبت واسناد ایتک شرک دکلدر بلکه فی الحقیقه توحید دن
محدوددر نتم کرامت و معجزه حقیقته بر در ولکن اولیاده ظهورینه
کوره کرامت و انباده وقوعنه کوره معجزه دینلور و ایکسندن دخی
تجلی ایدن قدرت تامه الله تعالی نکدر شرک نفسک بقاسیله اولان حاله
دیرل اهل فناده ایدر بو حال یوقدر و بونده جان سپارم باطنک فنا سنه
وسردهم ظاهرک فنا سنه اشارتدر نتم حدیث قدسیده کلور
(انا عند المنکسرة قلوبهم والندرسه قبورهم من اجلی) انکی چون ایکسنی
علی حده ابراد ایلدی زیرا باطنک فناسی ظاهرک فناسی مستلزمدر
فاما گاه اولور که ظاهرک فناسی باطنک فناسی مستلزم اولما
نتم بعض فنا صورتده سالکر واردر که باطنلرنده فنا اثری یوقدر
بلکه نفسلری باقیدر و بونده عیسا بی ویت سابقده جان عیسا بی
اثبات ایلدی پس بوندن فهم اولنور که عیسی روح مجسم دکلدر
نتم بعض کشف ناقص اهلی ذاهب اولمشدر و حقیقتی بودر که
مجسم فسنه نک جسمنه اعتبار یوقدر زیرا عالم مثال دن تشل ایشدر

نتکم بعض تطورا هلی صور مختلفه ده مثل ایدر لر مع هذا صورت اصلیه لری
 بر در عیسی علیه السلام روح القدسک نفخی اولغله روح محض اولق
 لازم کلز زبرا والده سی مریم علیها السلامه تلبس و ساططیه مخلوقدر
 روح اصلی کبی دکلدر روح مجسم دیمک لازم کلسه رسول الله صلی الله
 علیه وسلمه دیرل دی زبرا زیاده لطافتدن لیلته معراجده مقام عیسی بی
 تجاوز ایدوب مستوای عرشه جسمه قدم بصمدر فاعرف هذا
 ولا تغلط و غلط القاصرین کثیر و لیس هناك فقط (لحرره)
 * متفق اولسه قچن روح جسد * دوشراندن جسد اهلته حسد *
 * ابتدی تلطیف جسد چون ادریس * اولدی ایشو عنا صراکاسد *
 * جان دریغم نیست از عیسی و لیک *
 * واقفم بر علم دینش نیک نیک *
 * دریغ * برقاج معنیه کلور بواده مراد قصقمق و نه عدد * و لیک * استدراک
 ایچوندر که لیکن دن ترخیم و تخفیف اولمشدر و بو استدراک یالکزمصرع
 ثانی به مر هون دکلدر بلکه بیت آتی به دخی تعلقی وارور (معنای
 بیت) بودر که عیسادن جانم دریغ دکلدر یعنی یولنه جائمی قصقمق و اندن
 آتی منع ایتیم و بو معنی چوقدن حصوله کلور و وجود بو اوردی ولیکن
 بن الیک دینی علمته فتی خوب واقفم و زیاده اطلاع وارددر پس اگر بو آنه دک
 فبواسم عیسانک علوم دینه سی دخی فنا بولور و اهل ملتی جاهل قالوردی
 بوندن مقصود وزیرمن بورك اعتذار و اضلال نصاری تمیدر بونده
 اشارات وادر * اولکیسی بودر که عالم اولان کسه مجهول اولدیغی
 برده اقتضا و اربسه کنیدی اعلام ایلک کرکدر تا که خلق انک
 علمدن منتفع اولور و حدیثه کلور (من کتم علما یعلمه الجیم یوم القیمه
 بلجام من نار) * ایکنجیسی بودر که انسان کنیده الصق اشیا اولان جائمی
 محبوبندن دریغ ایتامک کرکدر فکیف که اولاد و اموال نتکم حضرت
 ابراهیم علیه السلامه واقع اولدی * او چنجیسی بودر که علمانک موتی
 سبب ماتم عالمدر زبرا برصونک باشی کلیا کلسه انسان و حیوان تلف
 اولور * دردیجیسی بودر که بودنیاده که سچن المؤمن در طول مکث
 طلب اتمک افاده و استفاده نیسته کرکدر تا که استفاده ایل جهلدن خلاص
 اوله و افاده ایله خیر متعدی اولان رتبه تعلیم و ارشاد بوله حدیثه

طوبی لمن طال عمره و حسن عمله و معنیه دأردر فاعلم و اعلم (لحرره)
 * خیر سز سر و کبی آزاده * نه طورر سن بو فسادنیاده *
 * دانه صاچ کت زاد اعماله * بچه سن تا که آتی عقیده *
 * حیف می آید مرا کان دین پاک *
 * در میان جاهلان کردد هلاک *
 * حیف * فتحله عریبدر جور و ظلم مناسبه قال الراغب الحیف المیل فی الحکم
 و الجنوح الی احد الجانبین * دین پاک * مراد نصرانیتدر که کفر و شرک
 و الحاد و زندقه دن طاهر و صحت و استقامتله موصوفدر و جائزدر که
 اهل دینک نعمتله وصف قبیله دن اوله * هلاک * استحال و فساد و بطلان
 و حیر انتفاعدن خروج و موت معنارینه کلور (معنای بیت) بودر که
 حیف و ظلم کلور بکا که اول دین پاک اولان نصرانیت انک احکام
 و شرایع و اسرار حقایقنی بلزلر ارا سنده هلاک و باطل و زائل اوله (زیرا
 قوام دین علمتله در چونکه علما هلاک اوله دین دخی هلاک اولور
 انکیچون موت العلماء اعظم المصائبدر مقصود کنیدنک دین نصرانیتله
 زیاده عالم اولدیغن بیاندر شوبله که اگر اول حیاته ایکن آتی تقویم
 و تصحیح و احیاء اتمزسه اهل دینه ظلم ایش اولور زیر برنسنه بی مستحقندن
 منع اتمک جور و ظلمدر زبرا ظلم برنسنه بی موضعنک غیره وضع اتمکدر
 پس تعلیم یرینه منع و امساک وضع ایتک بخل اولور و هلاک تعبیردن
 اخذ اولنور که دینک علما لاله قوامی و آثارنک بقاسی حیات و انقراض
 و اندراسی ممات کیدر دینک تازه لکی و کهنه لکی دخی بوندن فهم اوانه
 یعنی دین اتی احیا ایدنک و انکله عامل اولانک وجودیله تجدد و عدمیله
 و عدم استعمالله کهنه لک قبول ایدر بونده اشارت وارددر که عالمک علمی
 جاهلاک روحی کیدر قچن روح اولسه هلاک صوری حاصل اولدیغی
 کبی علم دخی مفقود اولسه هلاک معنوی حاصل اولور و دین اهلته
 کرکدر که عالمه رغبت ایده لر زبرا قوام دینه سبیدر و عالمه دخی
 لازمدر که جاهل ایله صحبت اتمیه مکر صحبتی ضرورت تعلیم ایچون اوله
 زبرا ضرورت تعلیم ایله صحبتده جاهله نفع وارددر مطلق صحبتده ایسه
 جاهلدن عالمه ضرر وارددر (الصحبۃ مؤثره) دیمشدر هیچ اولسه
 اضاعت وقت و اسراف عمردر و دین حقیقتده حقه تسلیم و انقیاددر

و بودین حقیقی نفس النسخه فنا بیاور و آناری کور نمز اولور زیرا نفس جاهلدر جاهل ایه سرکشدر مکر قلب و روح امانتی ظاهر اوله زیرا قلب و روح تعلیم حق ایله عالمدر پس نفس النسخه پاک اولان ناپاک و قلب و روح انسخه ناپاک اولان پاک اولور و لکن صحبت و تعلم و قبول لازم در اگر چکه اربابی قتی نادر قالمشدر

✽ شکر ایزد را و عیسا را که ما ✽

✽ کشته ایم این کیش حق را رهمنما ✽

✽ ایزد ✽ دقایقه کلور که ایزد زای عجمه نیک فتحه سبیله اسان فارسیده باری تعالینک علی در و عربی ده کی لفظه الله و اسان ترکیده تکرری کبی بزبان ایه بر ادبی معناسنه در خالق کبی انکیچون مجوس اصطلاحنده خالق خیره بزبان و خالق شره آهر من دیرل پس ایزد ایله انک میانده بووجهله فرق وارد ✽ کشته ایم ✽ کاف عجمینک فتحه سبیله نفس متکلم مع الغیر در زیرا ایم کسرله یعنی الف و یاء و میم ساکنه ایله نفس متکلم مع الغیر علامتدر مالفظنک و یونک جمعیتی افرا ده تعلیمک تعلقی حسبیله در و یا خود قومی استمالات طریقه تشریک سبیله در زیرا فی الجمله انلرک ارا سنده دخی رهباندن رهمنما و ایدی ✽ کیش ✽ کسرله دین معناسنه در حقه و صف ایدی باطلدن احتراز ایچون و دین حقدن مراد اسلام در زیرا اسلام امت محمدیه اختصاصی بو قدر نتکیم قرآنده کلور (ان الدین عند الله الاسلام) اختصاصی توهم ایدنر غلط الیشلردر ✽ رهمنما ✽ یول کوستر بیدر یعنی دلیل و مرشد یولدن مراد صراط عقل معنویدر نتکیم قرآنده کلور (اهدنا الصراط المستقیم) زیرا مقصود مقصوده تشبیه اولمق شایعدر و مقصدک طریقی حسی و مقصودک معنویدر انکیچون سیر و سلوک دیرلر مع هذا خارجه حرکات بو قدر (معنای بیت) بودر که تکرری تعالی به و حضرت عیسیاه شکر اولسونکه بودین حقه یعنی حقت تنزیل و عیسانک تبلیغ ادوی دین نصرانیده یول کوستر بی اولدق و دلالت و ارشاد نعمتن بولدق زیرا رهمنما فی نعمت عظیمه در که مقابله سنده شکر جزیل لازمدر الحاصل عالمک وجودی مطلقا نعمتدر فکیف که تعلیم و ارشاد ایله نفع عامی اوله بونده واسطه ره عیسانی دخی مشکور ایدی نتکیم بالاده بیان اولندی و لکن هر برینه کوره متعلق شکر باشقه در و بونده رمز وارد در که

مرد عاقل و سالک کامل دین حقه اعانت و مذهب صدقی تقویت ایدوب ظاهرا و باطنا جانب حقه بوانده و طریق حقه استخدام اولندیغنه شکر ایلیم زیرا هر کس بو خدمته قادر دکلدر

✽ از جهود و از جهودی رسته ایم ✽

✽ تابه زناری میان را بسته ایم ✽

✽ جهود ✽ دن مراد پادشاه مذکور و انک قومیدر ✽ جهودی ✽ ده اولان یا مصدربه در مقصود یهودیتدر ✽ رسته ✽ فتحه قور تلمش معناسنه اسم مفعولدر ✽ زار ✽ رمان و زننده جریدن کشیشلر قوشاندیغی بر قوشا قدر که اون ایکی برده دوکی اولور زعملر نجه انی قوشاندقجه دینلری و رهبانیتلری صحیح اولان نتکیم اوشاقلری طوغد قده ماء معمودیه دید کلری ماه اصفره غمسه انمده که حق نصرانی اولماز بزم دین مزده اول زناری قوشانمق کفر در و سایر امارات تکذیبیدن اولنلردخی بویه در و قاموسده کلور الزنار ماعلی وسط انصاری و المجوس و سودینک دیوان حافظ شرحنده کلور که زنار نصارانک علامات کفر دن بر علامتیدر که قوشاقلرینه بند ایدوب قوشاقلرینه اشغه صار قدرلر حاصلی کورمه موقوفدر انتهی پس سودینک یازدیغی لغاته مخالفدر و لکن جائزدر که زمان اولده نفس کمرده صکره کرلرینه بند ایله اکتفا ایتد کلری علامت اوله و لغت مغربده کلور قال عمر رضی الله عنه ینتطقون ای بشدون فی موضع المنطقه زنانبیر فوق ثیابهم انتهی (معنای بیت) بودر که جهود قسمندن اولان پادشاه ظالم و انک قومی جائز لر دن و دینلری اولان جهودی و یهودیتدن قور تلمش ایزنا که زنار ایله بلیری بغلش ایز و یا خود زناره بل بغلش ایز و اکا اعتقاد ایدوب انکه عمل ایشوز یعنی بززار و انکه عمل اهلندن ایز که حقیقت نصرانیت انکه قائمدر و جائزدر که تالفظی آگاه اولور کن معناسنه اوله که تحذیرک اوزمنددر پس اولکی معنایه کوره ابتدای غایت ایچون و ایکنجی به کوره تحذیرک لازمده مستعمل اولور و بوندن وزیر مزبورک نزویر خفییسی فهم اولور زیرا جهود دین نصاری پی سلب انکه کافر اولدقلری کبی نصاری دخی دین یهودی نفیله کافر اولور زیرا اول وقتده نزول ایدن کتابکه انجیل در توراتی تأیید ایچون ایدی و نصاری ارا سنده دأر اولان احکام ینه احکام تورات ایدی نتکیم تحفه بی کذراتدی

ولكن وزير نصار انت دين يهود حقنه عندلر ينه نظر اتميوب غيري
وجهله افساده كمر بسته اولدى (بونده اشارت واردر كه سالك اولان
كس نه زنا عشق كوكل بلنه بنده اندكجه اسلامي صحيح و حقيق اولوب
نفسك يهوديتدن خلاص اولماز * نيجه زنا عشقه خاوري دل بغلايم كيم *
* در ديوار دير دل پرالمشدر صنم لر له * وزنا له مراد زنا هوى
اولق دخی جأردر زيرا نفسك كفرى انكله قوت بواور (لحرره)
* اولسه زنا هوادن نفسك * وسطنه ده فتن كر بندى *
* كمنده كفرى ابايوب الزام * طومز ايمان صد دنده پندى *

✽ دور دور عيسى استاى مردمان ✽

✽ بشنوید اسرار كيش اوبچان ✽

* دور * زماندر زيرا انسان وسائر موجوداتله دور ايدر وعرض اولديغي
جهتدن قرار اتمز اصلى فلك اطلسك دورى حسييله در كه كچه و كوندز
انكله متبين اولور (وتوع انساني دورنه دور سنبله ديرل زيرا ابتدای
حرکت برج سنبله دن ايدى و رسول الله صلى الله عليه وسلم تمة دور زمان
ديرل (زيرا دور سنبله نك اواخرنده كمش وانكله دور تمام اولمغه قريب
اولشدر (زيرا دور سنبله كه يدى يك ييلدر نهايت بولدقده قيامت
قوپر مردم آدم اوغلانيدر و بولكله نك بحسب المعنى ماقبلنه وما بعدنه
ارتباطى صحيدر (بچان بكوش جان تقديرنده در زيرا اسرار كوش جانه
انها اولنور كه كوش حسه دكل اگر كچه كوش حس واسطه در ولكن
اورتاده كوش جان حاضر اولسه مذاكره اسرارك فائده سى اولماز (معناى
بيت) بودر كه زمان حضرت عيساك زمانه بدر اى مردملر يعنى انك
شريعتك وقتى و كتابك زمانى و نبوتك هنكاميدر والا اول وقتنه
عيسى قومی اراستنده دكل بلكه آسمانه رفع اولمش ايدى تكيم اواخر
قصه اكادالدر اشيدك انك دينك اسرارنى جان قولاغيله (مقصود
كنديك اول دينك اسرارنه واقف اولديغن اعلام در تا كه رغبت ايدلر
ومتهى اولوب كوش جانه استماع ايدلر بعددا استماعله امر ايدى
زيرا ديمشدر كه (خذوا العلم من افواه الرجال) چونكه طريق اخذ
مجالسه واستماعدر لاجرم اصم اولان محروم و كوش جانه استماع اتمين
دخی استفاددن ممنوعدر (وبونده رمز واردر كه خالى الذهن اولانلره

كر كدر كه لاف اهنه قولاق طومنه لر تا كه اعتقادلر يك تغير ينه سبب
اولمزر زيرا اومقوله لر مجرد حلو الاساندر يوخسه دينك كايديغى ظاهر ينه
اطلاعى اولينلر باطننه نيجه وقوفلرى اولور و مردمان ايله خطابده
حيله واردر كويا سر حقيقت اوزره رجالدن سكر پس اسرارى محرم
اولديغكر جهتدن سزه كشف ايدرم غيره اتم ديومكر خفي القا ايدر
(وبونده هوى وشيطانك كيدنه اشارت واردر زيرا نفس هواى يوزندن
وشيطان دخی نفسى جهتدن اسرار خفيه يه اطلاع دعوى ايدرلر
(و كتاب وجودك حقايقندن وقوف حقنه لاف ايدرلر مع هذا جاهلاردر
(اما نفسك جهلى مرآتده در زير انفس اماره لوا مديه و ملهمه يه و مطبئه يه
ومقام قلب و روحه ترقى ايتماش و بونلر صحبت يوزى كورممشدر پس
بلدوى هوى وشهواتدر و اما شيطانك جهلى عالم ذاته در يعنى اول
سر مهورانك كچه عالم افعال وصفاته كوره وقوفى واردر انكي چون
بوعوالمده ارباب برزخى اضلالدن خالى دكلدر ولكن عالم ذاته دخولى
يوقدر اگر دخولى اولايدى كافراولمازدى زيرا اول مقام كفر و امثالندن
مأمندر نيكم قرآنده كلور (ومن دخله كان آمنا) اصلى بودر كه مقام
ذات مقام حقيققدر (پس بر كسه كعبه يى رأى العين مشاهده و حرمته
داخل اولسه بو خصوصده بي شك وشبهه اولديغى كى شويله كه
نقيضنه احتمال يوقدر كذلك احديث ذاتيه وهويت مطلقه مرتبه سنده
شهود اهلى اولان دخی افعال وصفات مرآتنده تشبيهاته نظر ايلز
وشيطان كى صورت پرست اولوب خطا سوز سوبلر

✽ چون وزير اين مكر را برشه شمرد ✽

✽ از دلش اندیشه را كلى بيرد ✽

* شمرد * ضمتين ايله ماضيدر صايدى معناسنه شمردن لفظندن مأخوذدر كه
صايمقدر عد كى * اندیشه * فكردر بوراده غم مراد اولنور زيرا فكر غالب
بحسب العاده غمنددر و جائزدر كه نصارى خصوصنده فكر ديمك اوله
* كلى * ده اولان يانست ايچوندر (معناى بيت) بودر كه چون وزير شاه
اوزرينه بومكرى صايدى وعلى التفصيل تعدد ايدى كوكلندن بالكله
فكرى چقاردى و غم و قساوتى ازاله ايتدى بعددا صايمق كچه متعدده
تعلق ايدر مكر سابق ايسه بحسب الحقيقه امر واحددر ولكن بوراده

صانع مفصلاً بیاندن عبارت در کویا تفصیل او انسان ماده نك هر جزئی
بر معبود در (بوندن فهم اول نور که پادشاه وزیرك كلامی
اصفا ایلدی هر چند مفصل و مشروح ایسه ده زیرا کندی در دینه متعلق
ایدی انکی چون از الة غم ایله مستریج البال اولدی زیرا وزیرك تزویری
بوزندن مقصود نك حصوله ظن غالبی وار ایدی انسانك ایسه بر سنه بی
خاطری قبول ایندیکه مستریج اولماز (بونده نفس اماره وهوی و شیطانك
قلب و روح و قوی حقه اولان تزویرلر بینه اشارت وار در زیرا قلب
و روح و قوی نفس هوی و شیطانك اضدادی اولقی حسبیل بونلر
مغلوب اوللری حقه اندیشه کلیمری وار ایدی پس اضلال حقه بری
برلر بی ایناندر دیلر و خاطرلر بینه شفا اوله حق سوزلر سو یلدیلر اگر چه
توفیق مساعد اوله کوره ضررلری مدفوعدر نك بالاده اشارت
اولندی (الحاصل نفس و شیطانك مکر و تزویری ظلمات مقوله سننددر
نك قلب و روح رأی و تدبیری انوار قبیلنددر و ظلمت نورله مقاومت
ایده من نك قرآنده کلور (ان الله مع الذين اتقوا) یعنی حق تعالی نك
معیت نور تقوی ایله منور اوله کوره در یو خسته ظلمت شرك
و معصیت ایله مظلم اوللره دکلدر (پس نورانی اوللر دائماً
ظاهرا و باطنا منصور و ظلمانی اوللر هر حالده مخذوللر در
(لحرره) کوزله وار رخصت فتوی * چك کوکل کوزینه کحل تقوی
* کرد باوی شاه آن کاری که گفت *

* خلق حیران مانده زان مکر نهفت *

* مانده * ماضیدن قسمدر قالمش معناسنه * نهفت * ضمتین ایله کراودر
(معنای بیت) بودر که پادشاه اول وزیر اول ایشی ایتدیکه وزیر دیدی و تلقین
ایتدی یعنی انك بعض اعضا سن قطع و بعض اعضا سن دخی شق ایدوب
بطریق السیاسه صلب ایچون زیر داره کتوردی و بر شفیع مجبرك شفاعت
موضوعه سیله انی آزاد ایلدی خلق اول کز او مکر دن حیران قالمش
اولد قلمری حالده یعنی خلق عالم و اورا ده موجود اولان بنی آدم اول
ایشك اصلنی بلیوب و اول مکر خفیدن آگاه اولیوب حیران قالدیلر و بز بو
وزیری بویله بلر دك پادشاه بوکا نصرانیت تهمة یله بوایشی نیچون ایتدی
دیدیلر و بونك امشالی سوزلر سو یلدیلر و قضاء تعجب و حیرت ایلدیلر

بونده اشارت واردر که نفس و هوی بالاده ذکر اولسان امور طبیعه دن
پر هیزه بدأ ایتدیلر تا که بو یوزدن اضلاله توسل ایدهلر نك دیمش لردر
* باطل همیشه باطل و بیهوده در ولی * مشکل بودر که ضرورت حقه دن
ظهور ایده * پس خلقه دن مراد قوای نفسانیه و طبیعه اولور (زیرا
بونلر دائماً مرآت حیوانیه ده تمتع ایدلر و خلیع العذار کرلردی شمعی
ریسلری بوزندن بی سبب ریاضت و مجاهده بی استیاده ایلدیلر زیرا اصلی
مکر اوزر بینه مبتنی اولدیغن بلرلردی نك بعض اشخاص ریاضت بقیله اکل
و شربدن پر هیز ایدلر و شکل فتراده کرلر (و بوندن اخذ اولنور که
گاه اولور که اعلی ادنانك مشاوره سیله عمل ایدر یا واقعه مطابق
و یا مشربنه موافق کلور سه (نك حضرت شعیب حضرت موسی
علیهما السلام حقه کرمه سنك سوزیله عمل ایتدی و بعض امور
وار در که ظاهری مکروه و باطنی محبوبدر نك پادشاه و وزیر اول
عقوبت نفس الامر ده محبوب کلدی مراد لر بینه وسیله اولغله اگر چه
ظاهری پادشاهه نسبتله زیاده بشیع و وزیر قیاس ایله تلخ و مؤلدر
و هر کسک ضمیرین الله تعالی یلور انکی چون خلق بری برلر نك احوالده
متخیرلر در مکر که مراد لر بینه اماراتله استدلال ایدهلر (لحرره)
* حق یاور زید و عمروك احوالن * نه یلور کسه کسه نك حالن *

* راند اورا جانب نصرانیان *

* کرد در دعوت شروع اوبعد از ان *

* جانب * اصلده انسانك و غیرینك شقیدر صکره شقنی ولی ایدن طرفده
استعمال اولندی (معنای بیت) بودر که شفاعتدن صکره وزیر مزبور
آزاد ایلدی یعنی صلبدن رجوع ایتدی ولکن قهرا و غضباً نصرانیلر
ولایتی جانبیه سوردی وزیر دخی نفی اولنوب انلرک ناحیه سننه دخولدن
صکره دعوت و ارشاده شروع و مباشرت ایلدی و مقصودنی تحصیل
تهمید مقدمه ایتکه باشلدی (بونده اشارت واردر که نفسك هوی و شیطان
غضب صورتن کوسه ستروب انلری کندی ساحه سنندن دور و مهجور
قندیغی لاجل المصلحه و بالمیلر یاننده نفی ایدی ولکن بونفی فی الحقیقه
تقریب قبیلندن ایدی انکی چون گاه اولور که پادشاه سودیکی کسه بی
ایراقد بر قلعه محافظه سننه کوندر مرادی ایسه صورت تبعیده

تقریب در زیر محافظه نکندینه فائده سی وارد پس بومقوله بعید
همان قریب و ندیم کیدر و خواجه حافظ نظمیده کلور * بعد منزل نبود در
سفر روحانی * پس اول ایکسنگ جسداری کرچه بحسب الظاهر مفارق فاما
بحسب الحقیقه روحاری متلاصق ایدی انکیچون بری برلینه نامه لری
اکسک اولماز نامه ایسه غالباً محبوب بدن محبوبه و نصف مواصله دراکرفی الحقیقه
نفی اولسه ارادن خبر منقطع اولوردی (و بونده رمز وارد که هر سنه
وقته می هوندر نتکم دیملردر (الامور می هونه باوقاتها) و هرايشده
مقاصده توسل ایچون مبادی واردر انکیچون وزیر میور بلاد نصاریه
حیله ایله داخل اولوب تدریجیه دعوتیه آغاز ایلدی تا که انکله اضلال
نصاریه توسل ایدوب نائل مرام و واصل کام اوله پس بونده دعوت ایله
مراد دعوت باطله در که نفس و شیطان و سایر مضل اولمره مضافدر
نتکم قرآنده هر برینه کوره یا صریح و یا دلالت نص واردر الحاصل اضلاله
دعوت دینلدی صورت حقه اولغله والا دعوت اطلاق اوزرینه
ضلالدن هدایه ارشاددر که شان انبیا و اولیا و علمادر

* صد هزاران مرد ترسا سوی او *

* اندک اندک جمع شد در کوی او *

* کوی * کاف عربیله محله در دقایقه کلور که زقادر توفیق بودر که
محله زقاقی مشتمل اولغله زقاق اسمی محله اوزرینه اطلاق اولندی زیرا
محله فی الحقیقه منزل معناسنه در نتکم سبق ابتدی و عربیده قریه دیدکاری
شهرک بر محله سی کی اولغله کوی دینلدی نتکم کوی و کند دیرل قریه
و بلده معناسنه (معنای بیت) بودر که نیچه یوز بیک یعنی بسیار می دینصرائی
وزیر جانیته منساق اولوب آز آنک محله سنه مجتمع اولدیلر (بونده
نصارانک یهوده نسبتله کثرته اشارت واردر و ملل کثره به کوره اسلام
اهلی برسیاه مو صغرده شعر بیضا کیدر که اقل قلیلدر (و بونده قوای
روحانیه نک و فرته دلالت واردر و فرقی یا بال فعل و یا بالقوه در نتکم دیرل
* قلیل اذا عدوا کثیر اذا شدوا * و فی الحقیقه جنود الله نهایت یوقدر
نتکم قرآند کلور (وما یعلم جنود بک الا هو) و ارواحک بری برینه امدادی
نفوسک بری برینه امدادندن اکثر در زیر نفوسک امدادی ترتیب
وسائط و تمهید مبادی ایله در ارواح ایسه بوبله دکلدر زیرا تعلقات

نفوسیه دن بریدر (و بونده ارشادده تدریجیه رمز وارد یعنی دعوت
وارشاد دیدکاری تدریجیه جاصل اولور دفعی اولماز نتکم اوائل
بعثده معهوددر (پس اندک اندک تعبیری بدایت و صد هزاران افطی
نهایت اعتبار یله در نتکم قرآنده کلور (ورأیت الناس یدخلون فی
دین الله افواجا) الحاصل اندک اندک وجود بولان جمعیت نهایت
حسیله بسیار اولدی نتکم دیرل * و نهر الی نهر اذا اجتمع بحر *
ولکن گاه اولور که آیت مذکوره موجبیه کثرت دفعی اولور
و انسانک حالی ایکیدن خالی دکلدر زیرا جا نب لطفدن امداد ملکوتی
اولور سه وجودده اولان قوای شریه نک جمله سی روحه تابع
اولوب قبح مطابق حاصل اولور و اگر جانب قهردن جلال قهاری
اولور سه قوای خیره دخی نفسیه تابع اولوب ابواب کار مغلق اولور فاما
بومعنی قبل الوصولدر زیرا وصولدن صکره نفس رجوع یوقدر نتکم
شیخ شبلی حضرتلری قدس سره (ماض صاحبکم و ماغوی) آیتنده
بیورر مارجع عنا من وصل الینا و رشحانده کلور که الفانی لایرد الی
اوصافه شوقدر واردر که تمکین اهلنه مقام رخصتده نفسک صورت
اوصافنه رجوع وار در ولکن حقیقت اوصافنه رجوع یوقدر
والا اکسیر اعظم ایله نحاس ذهبه منقلب اولدقدن صکره اصلنه
استحاله جائز اولمق لازم کلور بو ایسه محالدر (اگر چه که ابن سینا
حال اکسیره جاهل اولدینی جهندن مجرد صبغه حیل ایدوب
موقت اولماسنه ذاهب اولمشدر بو ایسه صحیح دکلدر زیرا ذهب
اکسیر ینک صبغی و استحاله سی باقیه در انکیچون اکسیر اعظم انسان
کاملک حائنه اشارتدر پس انسان کاملده فی الحقیقه اوصاف نفسیه
رجوع اولدینی کی حال اکسیرده دخی تحول و انقلاب یوقدر و بالعکس
بعض احبانه اکل و شرب ایله تلذذ و یالباس فاخر ایله تلبس و یابونلرک
امثالی امور طبیعیه و نفسانیه ملا بسه ایتد کلمی تلویحات
مقبوله دندر شویله که انلرک قوت حالری ملا بسه ایتد کلمی اوری
کندیلرینه استحاله ایدر انکیچون هرايشلری حقانیدر جعلنا الله
وایاکم منهم ورضی عنا و عنهم (لحرره) کاملک جمله احوالده *

دیده سی وجه حقّه ناظر در * نه یلور عالم دلك حالن * اولکه دائم
بو حسد حاضر در

* اویان می کرد با ایشان بران *

* سر انگلیون وزنار و نماز *

* انگلیون * هرزه نك فحی و کافی عجبك كسر یله ترسا ایچنده بره متبرنگادر
و بعضیله انجیلدر دیدیله که کتاب عیسی در بوراده ظاهر اولان ثانیدر
وجازدر که انجیل انگلیوندن تعریب اولانه صلوات صلواتدن
و مسیح مشیحدان تعریب اولندیگی کبی کثرت تغیر تعریب بی منافی
دکدر پس انجیل عبرانی و عبری اولور که لغت نصارادر نتکم سریانی
لغت یهود و یونانی لغت اهل زبور و عربی لغت اسمعیل علیه السلامدر
و بعضی اهل عربیت دیشلدر که انجیل نجل الشیء ای اظهاره لفظندن
مشقدر زیرا دین مندرس اولدقدن صکره انجیل اتی اظهار ایلدی
بوندن فهم اولور که عیسی علیه السلامك بعثندن مقدم طائفه یهود
توراتی فی الجمله تحریف و دین موسی علیه السلامی تبدیل ایتشلدر
انکیچون عیسایه موافقت ایتدیله زیرا هوایینه مخالف ایدی * زنار * بالاده
مفصلا بیان اولندی (معنای بیت) بودر که وزیر من زبور نصاریه رازله
یعنی کز او اسرار انجیل و زنار و نمازی بیان ایلدی (و بونلردن مقصود
اصلی شودر و حقیقتنری بودر دیدی و می کرد حکایت حال ماضیه اولق
دخی جائزدر ایلدی معناسنه و بوراده رازله سری جمعه لطافت واردر
و بوندن فهم اولور که زنار قدیمدر و ظاهر اولان بودر که بو کلام
اکتفا قیلنددر مقصود اسرار دینك مجموعیدر بخصوصه ذکر اولتان
امور اولسون غیر امور اولسون ولکن امور مذکوره کلیاتدن اولغله
تخصیص بالذکر ایلدی بوصورته اسرار دین ترساره رازله و نهانی
افاده اولمق اهل دین اولیمان اغیاره نسبت ایله اولور و جائزدر که رازله
سویلتك خواصه کوره اوله نتکم هر قوم اراسته جاریدر پس بعضك
حالی که نسبت قیلند اولور (بوندن انجیل ایله برقاج نسنيه اشارت
واردر) بری بودر که عالم جمعدر زیرا کتب الهیه عالم جمعدن تنزل
ایتشددر که اول عالمه کوره کلام نفسی ایه متصفدر) و بری دخی لوح
مخفوظ در که کتب الهیه نك فرقانیدر زیرا مفصلا نده مثبتدر و بری

دخی قلبدر که نسخه انفسدر و بو نسخه حقیقتده لوح محفوظك
اصلیدر زیرا عالم غیبك مرآتیدر انکیچون ام الكتابدر و جبریل وجه
عادله لوح محفوظدن تنزیل ایتدیگی قرآن مثلاً قلب رسول علیه السلامه
وجه خاصله ظاهر اولور پس قرآنك نزولی جبریله و لوح محفوظه کوره
واسطه ایله و بونلردن قطع نظر عالم غیبدن انکشاف مخصوصه کوره
بلا واسطه اولور نتکم بوسره اشارت ایدوب قرآنده کلور (لا تحرك به
لسانك لتجمل به) و بری دخی انجیل فی الحقیقه اجزاء قرآینه دندر زیرا
قرآن سائر کتب الهیه نك حقایقنی جامعدر پس انجیل حصه قرآن
اولدیگی کبی عیسی علیه السلام دخی اول حصه نك ترجمانی و رسول اللهك
بقدر الحصة وارثی اولور و اسم محمددن بقدر الظهور حصه بولور
فاعرف جدا و زنار کمر عشقه اشارتدر زیرا کمر انسانك میاننی احاطه و بند
ایتدیگی کبی عشق دخی جنبین اراستی احاطه ایتشددر انکیچون زنار عشق
دیرلر اگر چه که زنار عشقه عشقك اثری اولان زنار دینك دخی جائزدر
فافهم (و نماز مناجاته اشارتدر پس نمازك ظاهری عالم ملکدندر انکیچون
رعوع و سجود و حرکات صوریه ایله حاصل اولور (و باطنی عالم
ملکوت دندر انکیچون توجه الی الله و حرکات معنویه ایله وجود بولور
ولکن ارکان معلومه و افعال مخصوصه نك هر بری سر عظمی مشتمل
اولغله هیئت مخصوصه اوزرینه وضع اولتوب یالکز توجه قلب ایله اکتفا
اولندی زیرا یالکز توجه قلب و روحك صفی و افعال و حرکات جسدك
شانیدر و انسان بو ایکیسندن مرکب اولغله هر برینه حقنی توفیه و نصیبتی
اجرا ایله مأمور اولدی انکیچون توجه مجرد ایله اکتفا ایدن و افعال
ظاهریه اقتصار ایدن محبوب و غافلدر الحاصل شریعت و حقیقت
معیتله اولق لازمدر

* او بظاهر واعظ احکام بود *

* لیک در باطن صغیر و دام بود *

* بظاهر * ده باظرفیت ایچوندر * وعظ * تخویفه متعلق اولان زجر در و بعضیله
تذکیر بالخیردر دیرلر * احکام * حکمك جمعدر لغتده منع الشیء الاصلاح
معناسنه در شریعتده معانی متعدده میاننده مشترکدر خطاب الله وانك
اوزرینه مترتب اولان حل و حرمت و افعال شرعیه اوزرینه مترتب

اولان ثواب و عقاب و غیر یلر کی دیشلردر که حکم حاکمه محتاجدر حاکم ایسه
الله تعالی در عقل دکلدر زیر عقل آلت معرفتدر و محکوم بهمه محتاجدر که
فعل مکفدر و محکوم علیهه محتاجدر که مکفدر بالاده رازله بیانی سره
مضاف قلدیغی کی بونده دخی و عظمی احکامه مضاف قلدی زیر
احکام ظواهره متعلقدر که شانی عامیه و عظم و تذکیردر و اسرار بواطنه
متعلقدر که مقتضاسی سرله اربانه بیاندر اغیاره افشا دکلدر ظاهر
و باطن متخالفدر ظاهر اودر که حاسه ایله ادراک اولنه باطن اودر که
حاسه دن خفی اوله امور معقوله کی * صغیر * بالاده مشروح کدر ایشلدر
(معنای بیت) بودر که وزیر مزبور ظاهرده احکام انجیلی بیان ایدر
وانکله و عظم و تخویف و تذکیر ایلردی و لکن باطنده صغیر و دام ایدی
یعنی و عظمی دام و صوتی صغیر و صطلق کی ایدیکه دام و صغیر
ایله قوشلر صید ایتدکلی کی تکلم بالاده مفصل امر و زایلدی اولدخی
و عظم یوزندن دام تزویر قوروب دعوتی ایله خالی الذهن اولان نصاری
صید ایلردی (زیرا نصاری سرانجامی بلزلر وانک و عظم و نصحنی
کنیدیلرینه نافع ظن ایدرلر غایتی ایسه مکر و کیده مکر اولوب
مظنونلرینک خلاقی ظهور ایتدی و من حیث لایحتسب بلای دین
ایله مبتلا اولوب هر بری بزیوله کتدی (پس هر حلو اللسان اوللرک
ظاهرلرینه مغرور اولماق کرکدر بلکه تحتده هر ارت و زهر اوله
تکلم بو تحریرک اثناسنده بیک یوزاون درت شهر رمضاننده
بروسیه فتنه انکیران عربدن صورت حقندن بر باطل کلوب برقاج
کون جامع کبیرده و عظم و تذکره صد دنده اولوب بالاخره شهرک
نقدر مستعد شرو شور اولان اهل انکار و اراذل و اخلاطی و ارایسه
تحت اللواسنه مجتمع اولغله لیلہ قدرده فتنه عظیمه ایضا ایلدی
شویله که صوفیه ایله ارازنده قتال و محاربه واقع اولوب کیمی جام اجلی
نوش و کیمی دخی جراحت و زخم ایله متخیر و مدهوش اولوب اوج آی
قدر اختلال عظیم بولدی (الفتنه نائمة لعن الله من ایقظها)
و بوستانده کلور * ازان همنشین تاوانی کریز * که هر فتنه خفته را کفت
خیز * (لحرره) راحت استرسک اگر دیوانه * بس دکلمی سکا کنج
خانه * کورمه اعدا یوزنی طشره چیقوب * بوم مانند بکله و براته *

زاغله طودی باغ دنیایی * بلبلان کلمسو نمی افغانه * خار و خسار
چوغالوب بریدن * چکدیلر پرده روی عماره * بولدی دور فلك نهایتی *
قالدی اعتماد دورانه * نور تقوی غروب ایدوب عدمه * دوندی بودین
شب غریبانه * ارادن چقدی عاشقان برر * اهل انکار کردی میدان
* تاقیامت قوپه اوزرلرینه * هر بری نارقهرله یانه * حتی شمدن کرو
خاموش اوله کور * یادلر کردی بو کستانه *

✽ بهر این بعض صحابه از رسول ✽

✽ ملتس بودند مکر نفس غول ✽

* صحابه * فتحله و کسرله اصلده مصدر در صکره فتحله اصحاب رسول
الله علیه السلام ایچون اسم قلندی و لکن قاموسدن ظاهر اولور که
صحابه مصدر اولدیغی کی اصحاب کی جمع دخی اولور یعنی اصحاب
صحبك و صحب دخی صاحبك جمعی اولدیغی کی صحابه دخی بویله در
صحابی رسول الله علیه السلامی کوروب انکله طول صحبت ایدندر
کرك اندن حدیث روایت ایتسون كرك ایتسون و بعضیلر دیشلردر که
طول صحبت شرط دکلدر تفصیل مقام اصول حدیثده مشروحدر
* رسول * هر سل افظنك مبالغه سیدر فعول مفعلك مبالغه سی اولدیغی
کی و لکن بو فعول نادر کیشدر تکلم قهستانی شرحنده مبنیدر * التماس *
بوراده معنای لغویسنه مجملدر که مطلق طلبدر زیر معنای عرفیسی
برکسه برنسنه یی رتبه ده مساویسندن طلب ایتدکدر صحابه ایسه
رسول ایله رتبه ده برابر اولمازلر * مکر نفس * حذف مضاف له در بیان
مکر نفس دیمکدر * غول * ضمه طائفه چندن بر صنفدر که فلواتده
اولوب اشکال مختلفه ایله تشکل والوان متوعه ایله تلون ایدوب ناسی
طریقندن اضلال ایدر بعضیلر دیشلردر که غول سحره چندر
ابن اثیر نه ایه ده ایراد ایدر که غول جن و شیطاندن برجنسدر عرب
شویله زعم ایدر که بریده ناسه کورینور و صور شتاده تلون ایدر وانلری
طریقندن اضلال ایلر انتهی بانترجه بوندن فهم اولنور که غولک
وجودی فی الجملة انکار اولنر و لکن تشکلی و بی آدمی اهلاکی انکار اولنور
و حدیثده کلور (لا غول و لکن السعالي) یعنی غولک وجودی یوقدر
و لکن سعالي نک وجودی واردر سعالي سعلاک جمیدر کسرله
یعنی جن ایچنده سحره مقوله سی واردر که خلق ایچون تلبس و تخیل

ایدرل و به ضیاء نظم ایدوب دیشلر درکه * الجود والغول والعقلاء
ثالثه * اسماء اشياء لم توجد ولم تكن * بونده مولانا حضرت تری نفسی
غوله تشبیه ابتدای اغتیل و اهلا کنند و تلویحات مذمومه یوزندن صور
مختلفه ایله تشکله دن اوتوری بحسب الظاهر وجود غوله قائل اولمش
اولدی و جائز درکه زعم عرب اوزرینه جریان مراد اولسه مع هذا
نفسک اغتیل مقرر و سحر هاروت و ماروت دن برتر در پس بونک مآلی
اثبات سعادت اولوب حدیث مذکوره مخالفت لازم کلز (معنای
بیت) بودر که بوسیدن یعنی هر نسته نك باطنی خفی اولدیغندن اوتوری
بعض اصحاب رضی الله عنه رسول الله علیه السلام دن غول مثال
اولان نفسک مکرنی بیان دیلوردی زیرا مکر نفس هر کسه ظاهر دکلدر
انک دقایقی کمال تزکیه اهلی یلور (پس جائز درکه نفس صورت حق دن
کورینوب انسانی اضلال ایده نتمک اشاعیده بعض مراتب بیان ایتسه
کر کدر بونده نفسی غوله تشبیه ایتکه زیاده اغتیل و اهلاک و افساد
و اضلاله اشاعت وارد زرا شیطان دن برتر دشمن وادن قوی عدود
و سالک حق و انلسالک طریق کیدر پس رهزن اولان امور دن احتراز ایدوب
احتیاط ایله حرکت لازم در و الا طریق دن منقطع و منزل دن مقصود مهجور
اولق امر مقرر در و بر محله دخی نفسی ازدهایه تشبیه کسه کر کدر و بومقوله
تشبیهات فی الحقیقه تفهیم و تعالیم باندند و الا نفسک حقیقتی نادر کسه بلشدر
(المحرره) کرامتله یوری قادر مه سنجق * کرامت نفسی اصلاح اولدی انجق *

کزچه آمیزد اغراض نهان *

در عبادتها و در اخلاص جان *

بعض نسخده کزیرینه کود و شمشدر * اغراض * غرضک جهیدر بالاده
مفصلا شرح اولمشدر * عبادت * غایت تذال در قبل الامر و بعد الامر
اولانه شاملدر طاعت ایسه بویه دکلدر زیرا طاعت انقیاد در انقیاد
ایسه بعد الامر متصوردر پس امرله معمول اولان فعله طاعت دیرل
(معنای بیت) بودر که اغراض خفیه دن عباداته و اخلاص جان
نه نسته قاریشور دیواندن سؤال ایدرلردی پس اغراض خفیه دن مراد
اغراض نفسانیه در که ماسوایه متعلقدر مثلا تحصیل علوم ده اظهار
فضیلت و مجادله اقران و غزاده اظهار شجاعت و یا احراز غنیمت

تصدایتک کی و سور حسانده (و بیقی وجه ربک) آیتنده بوجه دخی
بودر که بقالله متصف اولان عمل اودر که انکله رضاء حق مطلوب
اوله ماعداسی فایدر و اخلاصی جانیه مضاعف قیلدی زیرا عبادت
قالک صفتیدر که جسدر اخلاص ایسه حقله عبدک میمانده سر
عظیمدر که شانی قلبه و روحه مضاعف اولقدر الحاصل ریا و شرک
و نفاق و امثالی نفسک اوصافی اولدیغی کی صدق و اخلاص توحید
و امثالی دخی قلب و روحک اوصافنددر انکیچون خلوص قلبه
مقارن اولان عملک برینه اون ثواب و خلوص روحله اولانک برینه یون
ثواب و خلوص سرله اولانک برینه بیک ثواب و مالانهایه ثواب و ربور
یعنی هر کسک اجر و ثوابی خلوصه کوره در مراتب خلوص ایسه
متفاوتدر قلب و روح و سر متدارج اولدیغی کی انکیچون انبیاء و کمل
اولیانک حالی اکسیر اعظم کیدر اکسیردن بردرهم مالانهایه نجاسه
طرح اولنسه ذهبه استخاره ایتدیکی کی کمالک قوت تأثیر حالی بویه در که
توجه جزئی و عمل قلیل ایله مالانهایه اجور و درجات و تجلیات
بولورلر بوندن فهم اولنور که نفسک مرتبه سی آحاد مرتبه سیدر
نتکم خبر صحیحده کلور (ویل من غلب آحاده علی اعشاره) ای سیئانه
علی حسناته پس مرشد کامله مقارنتن غرض صحیح بو اغراضه
وقوف و نفسی اندن تزکیه ایدوب اعشار و مافوق مراتبیه ترقیدر
و مرشد کاملک اولی رسول الله صلی الله علیه وسلم و آخری مهدی
وعیسی علیه السلام در که خلافت و ولایت و هدایت و دلالت بونلره
تمام اولوب بونلردن صکره باب اهتداء منسد و مغلق اولسه کر کدر
انکیچون آخر الامر صین ولایتده توالیدن کیمسه نك دعوت و ارشادنی
هیچ فرد قبول ایتیبو جمیع خلق شهوت بهیمیه اوزرینه قالب قیامت
انلرک اوزرینه قویسه کر کدر نعوذ بالله من سوء الحلال و سیئات
الاعمال (و بوندن اخذ اولنور که اکثرنا س صحبت جسمانیه به
محتاجدر زیرا حضرات اصحاب صحبت رسوله محتاج و کمال
تزکیه لری استفسار و اجتهاده منوط اولیحق سائرلی اولی در
انکیچون هر عصر اهلی ورثه رسوله اتباعله مأموردر نتکم قرآنده کلور
(اطیعوا الله و اطیعوا الرسول و اولو الامر منکم) زیرا ظاهرده

او او الامر ولات وحقیتده ورثه ثقاتر اویسی دیدکاری طائفه که
بلا واسطه حقدن اخذایدوب مرشد جسمانی وروحانی به
محتاج اولمشدر رغایت ندرت اوزر بنه در که کبریت احرومک ازفرکی
* نسأل الله من فضله الجسیم * و فیضه العیم * انه هو البر الرحیم *
* فضل طاعت را بچستندی ازو *
* عیب ظاهر را بچستندی که کو *
* فضل * زیاده لکدر بوراده ثواب مراد اولنور زیرا طاعتک ثوابی
مضاعفدر عصیانک جزاسی کبی دکدر پس اجر طاعته فضل وجزا
معصیه عدل دیرل عدلک مراتبی محصور وفضلک نامحصور در
* عیب ظاهر دن مراد بیت سابقه مندرج اولان اغراض خفیه در
ولکن رسوله کوره ظهوری اصحابه نسبتله بطون و خفاسنی
منافی دکدر (معنای بیت) بودر که رسول الله علیه السلامدن
ثواب طاعتی دینزدی یعنی بو طاعتک فضیلت و ثوابی نه در و نه مقداردر
پیان ایدیکوز دینزدی زیرا بیاورلردی که طاعت اولدیغی جهتدن
اکرم الاکرمین درگاهنده البته ثواب معینی واجرمضاعفی واردر
ولکن بو طاعتک عیب ظاهری ندر که بزه خفیدر آتی بلدورک
وسویله یک دیو طلب ایلرلردی زیرا بیلورلردیکه هر عملده مفسد
ومصلح واردر واول عملی افسادینه سبب اولان اموردن تخلص ایتدیکه
عندالله قبوله قرین اولماز پس متیقن اولان ثوابدن استفسار ایتیموب
محممل اولان فساددن استکشاف ایدرلردی تاکه استجماع شرائط
وارتفاع موانع حسبیه قبوله قرین اوله (بونده اشارات کثیره واردر
(اولکیسی بودر که فضل طاعت دینک خدمت مقابله سنده اجرت
طلب ایتکدر بوابسه کریم قیوسنده کدالقدر نتکم خواجه حافظ
کلماتده کلور * تو بندگی چو کدایان بشرط مزدمکن * که دوست خود
روش بنده پروری اند * بوسیددن حضرات اصحاب حضور رسوله
تأدب ایدوب استفساری عیب اوزرینه قصر ایدرلردی (ایکنجسی
بودر که حضور اعلی و مجلس حکیم الکلبیده هر نسنه دن سؤال ایتک
مقتضای ادب دکدر زیرا مجلس حکیمه نسنه فوت اولماز ولئن سلم
ولکن سؤال و تفتیش اهم مهمات اولان امور اوزرینه مقصور کرکدر

وقرآنده کلور (لا تسئلوا عن اشیاء) ونیچه واردر که انله بالکلیه
سکوت اولی در نتکم امام ابو یوسف مجلسنده برکسه دائم سکوت
اوزرینه ایدی سنده برنسنه سؤال ایت دیدیلر اولدخی یا امام صائم اولان
نه زمان افطار ایدر دیدی امام دخی غروب شمسده دیوجواب وردی
اولدخی یا نصف اللیله دکین شمس غروب ایتزسه نیچه اولور دیکچک
جمله نک حضورنده قلت عقل ایلله مقتضی اولدی (لحرره)
* دل بیهوده چیمکدن ایسه * دیموب یکدر سوزی یوتیق *
* اغزک آنچه طو تالم ممکن ایش * اغزک ایلله هواده قوش طو تیق *
(اوچنجسی بودر که انسان جاهل اولدیغی اموری اهل وقوفدن
استفسار لازمدر نتکم امام غزالی به سؤال ایدوب اصوله وفروعه
بو قدر احاطه دن کلدی دیمشدر اولدخی جوابنده بو آیت کریمه
او قومش (فاسئلوا اهل الذکر ان کنتم لاتعلمون) (در دنجسی
بودر که هر عیب انسانک کوزینه کور غمز زیرا نفس جهل سببیه
نیچه نسنه بی استحسان ایدر که فی الحقیقه قیحدرو بعضیلر صواب
اولق اوزره بعض کلمات سویلرلر فی نفس الامر ایسه خطا در
پس اومقوله متکلم کلامی اصلاح وخطاسنی تبیین ایلر افعال
دخی بویله در وحیدیه کلور (ان احدکم مرآه اخیه فان رأى به اذی
فلیط عنه وفی روایة المؤمن مرآة المؤمن) کافی المصاییح یعنی انسان
آینده به نظر ایتد کده صورتنده بر عیب کورسه ازاله سی ممکن اولان
عیبی ازاله ایتدیک کی کذلک علاقه ایمانله اخوتی ثابت اولان برادرینک
دخی آینه سی واقع اولدیغی جهندن اگر کنندند انک بر عیبی
ظاهر اولوب عیب اولد یغن ادراک ایدرسه بقدر الامکان اول عیبی
اندن تبعید ایتک کرکدر تاکه نصیح برن بوله وحیدیک احتمالات باقیه سی
مرآت نام رساله مزده تفصیل اولمشدر (بشنجسی بودر که تخلیه
معجمه ایلله تحایه دن مقدمدر زیرا اساس کبیدر پس برنسنه نک
اصلی فاسد اولسه صورت صلاحتنه نظر اولماز مثلاً نمازده وضوء
ویانیت ویا بر شرط مفقود اولسه تعدیلانه و بعض احوالنه
النفیات یوقدر بلکه فسادنه حکم اولنور طریقته عدم شرائط
دخی عدم صحت سلو که دلیلدر پس مرشدله معالجه لازمدر

موبو و ذره ذره مکر نفس
می شناسیدند چون کل از کرفس

* موبو * نك اسان عربی اوزره تقدیری شعرا مقلد بلا بشر دیکدر
* ذره * خورده قرنجیه دیرل جچی ذر کلور ابو ذرا بله کنیه بوندند
رضی الله عنه و بعضی شمع شمع کورین هبار دیشلردر
جزئی نسنه دن کنایه در شمع و نقیر و قطیر و امثالی کبی کل معروف
قرمزی چمکدر که مشعوماتندر عرب اکا ورد دیرا کر چه که ورد
قرمزی دن غیریدن اعمدر و لکن غالب اولان احر در انکیچون
قرآده کلور (فاذا انشقت السماء فکانت ورده کالدهان) مقصود
سمانی حرته کله تشبیهدر و شعرده دخی کلور * و او کنت وردا اونه
لعشقتی * و لکن ربی شانی بسوادیا * و مطلقا چیجه که دخی کل دیرل
ورد دیدکری کبی * کرفس * کاف و رانک قحی و فانک سکونیه
معدنوس انواعندن کروز دیدکری اوت در فارسیده کرسب دیرل
قحله منافع کثیره سی و خواص و فیره سی واردر نیکم قاموسده
و کتب طبده مصر حدر و حدیثده کلور (من اکل الکرفس و نام طابت
نکته و امن من وجع الضرس) جنین و حبلی و مصر و ع او انله
ضرری واردر دیشلردر (معنای بیت) بودر که قبل بقیل و ذره بذره
مکر نفسی و حیل و کیدنی اکسار و سچلر کلی کرفسندن سچوب
اکدقلری کبی یعنی یا نلرنده متین اوله اشتباه قالیه کل ایله کرفس
اراسنده اشتباه اولدیغی کبی (بونده اشارت واردر که مکر نفسه
وقوفده تدقیق لازمدر زیرا گاه او اور که مکر و حیل نفسی قیل کبی
دقیق و ذره کبی جزو و هبسا او اور که دکه بر نظر دقیق آنی تشخیص
و تمیز اینز و کاینخی ادراک ایدوب سچمز (و کل و کرفس ایله تمیز ایلدی
قافیه رعایتدن اوتوری و بردخی کل و کرفسک بری بزند تمیزی
زیاده روشندر زیرا کر چه ایکسی دخی نبات قسمنددر و لکن حرت
و حضرت ایله لونلری متبایندر و بردخی کل شم و کرفس
اکل ایچوندر پس بریسی غذاه روحانی و بری دخی غذاه جسمانی اولور
انکیچون حدیث صحیحده (حبیب الی من دنیا کم ثلث الطیب والنساء
وقرة عینی فی الصلوة) زیراطیب مقوله سنده ذوق آنس و محاضره

و نسا ده ذوق قربت و وصلت و صلوتده ذوق مکاشفه و مشاهده واردر
بوسیدنددر که حدیثده کلور (من عرض علیه ریحان فلا یرده
فانه خفیف المحمل) یعنی ریحان که رایحه طیبیه سی اولان نسنه در
روحانی اولغله خفیف المحمل در روح کبی و کل رسول الله صلی الله
علیه وسلم اشارتدر زیرا لیله معراجده عرقندن حاصل اولمشدر
نیکم حدیث مرفوعده کلور (لما عرج بی الی السماء بکت الارض من بعدی
فنبت اللصف من نباتها فلما ان رجعت فطر عرق علی الارض فنبت
ورد احر الامن اراد ان یشم رایحی فلیشم الورد الاحر) کافی المقاصد
الحسنه للامام السخاوی و بوندن فخر عالمدن مقدم وردا جر اولماق
لازم کلز زیرا مقصود انلرک اجزاء عرقیه سی عدم اضاعتله تعظیمدر
و قرمزی اولق اول عرق رخسار آلدن تقاطرینه بناءدر زیرا اول وقتده
تاب تجلیدن رخسارلری سرخ رنگ اولمشیدی پس کل دخی او حانتک
لونى اوزرینه کلدی و بوسرک نظائری واردر اربابنه معلومدر
و کرفس امتک استنبات ابتدکی نباتاتندر پس امت ایله
رسول الله علیه السلام اراسنده فرق بین اولدیغی کبی آثار رسولدن اولان
کل ایله کندی اثرلندن اولان کرفسک فرق جلیسی واردر و کل و کرفسک
ایکسی دخی دیار عربده شایع در حتی کلک غنچه لربنی طائفندن
حرم الله کتوروب قیمت ایله صتارل و عرب خاتونلری و قزلری آنی
الوب ایلکه دیزلر و کردنلرینه قلاده ایدوب برقچ کون قوقونورلر
و قول دیدکری دخی بویه در که یاسمین انواعنددر (لحرره)
* کر جمال احمدی شرح ایتسه اوراق کل * اولمزیدی عندلیب
خوش نوا مشتاق کل * کلاه اول حسن ازل سری که اولمشدر نهان *
* تا بد چقمز دلندن بلبک اشواق کل * اولدی چون تاب
تجلیدن عرق ریز اول حبیب * قطره سندن بتدی اولکم ایندیلا طلاق کل *
* خلق عالم هب قالور دی ظلمت نابود ده * اولمشیدی مصطفی
وجهنده کی اشراق کل * شوق احمد در درون عاشقه و یرن ضیا *

* نوبهاره نتکم شول چهره براق کل * باغ وصلندن حبیب کل
قورمز دکه کس * عند لب عشقی درای حق استحقاق کل *

* موشکافان صحابه هم دران *

* وعظ ایشان خیره کشته دی بجان *

* موشکاف * قبل یاریجی دیکدر تدقیقدن عبارتدر * صحابه * شرح
اولتمشدر بر صحابه دیک غلطدر بر صحابی دیک کرکدر وعظ ایشان
* وعظ * لفظی مابعدندن منقطع اولور سه ایشان مبتداً ثانی اولور نتکم
(اوائک هم المفلحون) ده ذاهب اولمشدر یعنی هم کله سی یا ضمیر
فصل ویامبتداء ثانی او اوب مجموع جمله اولک نک خبری اولدیغی کبی
ایشان دخی مبتداء ثانی او اوب خبریله موشکافانه خبر واقع او اوروجا زدر که
وعظ مفعوله مضاف اوله رسولک انله وعظی معنایه مضاف
اولق دخی وجهدر بو صورتده ایشان ضمیری رسوله راجع اولوب جمعیتی
تعظیمه مبنی او اورولکن استعمال عجم اوزره بو مقوله جمعیت بعیددر * خیره *
کسرله برقاج معنایه کلور بوراده مخیر ومتغیر ومتأثر معنایه در (معنای
یت) بودر که صحابه نک تدقیققری وحقایق ودقایق شناسلری اول وعظ
رسولده انلر دل وجانله حیران او اورلر وشویه مبهورت قالورلردی
یعنی خصوص دینده بو قدر تحقیق وتدقیققری واریکن یننه مجلس
رسول الله علیه السلامده استکشاف ابتدکاری نسنه نک جوابی سمعینه
کنهبله رسیده اولدقده متحیر او اورلر وتعجده قالورلردی زیرا
کندیلری اول مرتبه ده تدقیقه قادر دکلر سؤال ابتدکاری ماده
اوله تدقیقه وارایدوکن بلزلردی پس وعظ رسولدن
زیاده متأثر او اورلر وبلدکاری امور تدقیقه مطالع اولدقجه تعجب
قباورلردی وحالا حرمین شریفینک خطبه لرنده بو تأثیر باقیدر
زیرا خطیب عرب بروجهله در که رومده وسائر بلادده اول
کیفیت بو قدر مع هذا الحان وانغامی مشتمل دکلدر (لحرره)
* چون ابره سمعه خوش آواز خطیب * جان دماغی بو اور
اولدندن طبیب * بوندن فهم او نور که رسول الله علیه السلام
دائماً مجلس خاص وعام ومشکلات انامی حل ایدرلردی پس وعظ

* و تذکر *

وتذکر سنت رسول الله ومجلس وعظه جلوس ایتک سنت اصحابدر
زیرا صحبت واستماع اولدقجه بحسب الغالب ارشاد حاصل
اولماز و دیمشدر در که (خذوا العلم من افواه الرجال) وطالب
حق معنای مطلوبی مرشدندن بی واسطه استماع واخذ ایتک
واسطه ایله اولاندن اقوی واولادر ومجلس حقیقی اولدر که اوراده
سکینت ووقار وتأثیر وتأثر اوله تا که عقد مجلسدن منفعت حصوله کله
واستماع دخی کوش جانله کرکدر والا یا لکن کوش حسک
استماعنده وجسم ظاهر ینک نظرنده فائده بو قدر نتکیم قرآنده
کلور (واذا قرأت القرأت جعلنا بینک و بین الذین لایؤمنون
بالآخرة حجاباً مستوراً وجعلنا علی قلوبهم اکنه ان یفقهوه
وفی آذانهم وقرأ) وبر محله ده دخی کلور (وتراهم ينظرون اليک
وهم لا یبصرون) یعنی ادرا کلری بشر اولق طریقیه در اکر
رسالت صفتیه ادراک ایتسدر متفع اولورلردی پس ورثه نک
حالی رینی دخی بو کما قیاس ایله انکیچون دنیاده محروم اولان
مرزو قدن چوقدر زرا خلقک اکثری ظاهر بین مقوله سیدر ویونس
امرہ کلماتنده کلور * او ایسانک کوکلندن شیء الله کسمه کیم *
سکا همت ایدن اول کوزیله قاشی دکل * وموشکاف اولنلرک تحیر
ورسوله اسغاری کمال فهملرندن ناشیدرانک که فهمی بو قدر انک
یائنده جواهر کبی اولان کلمات ثمینہ خذف کیدر که اصلا رغبت
ورواجی بو قدر بو جهتنددر که هر کالی اهلنه تلقین وهر سوزی
محلنه تعلیم لازمدر نتکیم دیمشدر در (اکل مقام مقال واکل مقال رجال)
ودیمشدر در که (لا یباع الابل فی سوق الدجاج) وبعض اشعارده کلور
* اسرار عشقی صوفی خرایدرمی ذوق * آنک که قوتی جو در
اونسون جواهری *

* دل بدو دادند تر سایان تمام *

* خود چه باشد قوت تقاید عام *

* خود * مرور ایتدی * تقلید * بلا دلیل قول غیری قبوله دیرلر تفصیلی
کندرا یتشدر (معنای یت) بودر که اول وزیره نصاری تمام کوکل ویردیله
خودنه اولاجق عوام ناسک قوت تقلیدی یعنی انلرک تقلیدلرنده قوت

یوقدر بلکه ضعف تام وار در انکیچون جزئی بهمانیله تبعیت وانقیاد
کوستر دکاری کبی رجوع دخی ایدرلر و بر حال اوز رینه ثابت اولوب
طور منزل پس انلرک برحاله اعتماد یوقدر نیکم هر عصرده شاهد
و محسوسدر بوندن فهم اولنور که عوام ناسک حقه ایمان و اتباعی
تقلید و خواص ناسک یادلیل و برهان و یا کشف و عیان طریقیهله در
انکیچون دین و مذهب لرنده استحکام و صلابت لری وارد و ایمان لری
معتبر در ایمان اهل تقلید ایسه بویله دکدر نیکم سوره مجیده
(وان الظن لا یغنی عن الحق) آیتی تفسیرنده سعدی چلبی حاشیه سننده
اشارت اولمشدر بونده متشیخه ایله انلر دن بیعت و ارادت کرده اولان
مقلد هریدرک حال رینه اشارت وارد ر پس بر کیمسه نک صلاح و فساد نک
غور نه ایرمدن و نقد حالی شریعت و طریقت محکمه اورمدن متابعت
کوستر مک خطاء عظیم و ضلال مبین مقوله سننددر و اکثر ناس فطرت
اصلیه و استعداد ذاتی بی بومقوله تقلید ایله فساد و ابطال ایدوب فاسد
یرطه به دوغمشدر که من بعد قابل صلاح دکدر بوقابلیت ایسه ماده
ساولک و مطیبه سیر و بهانه وصول و سبب ولادت ثانیه در و حضرت عیسی
علیه السلام دن منقولدر که یور مشلدر (ان یلج ملکوت السموات
من لم یولد مرتین) پس فاسد اولان یرطه قابل نتاج اولدیغی کبی
فاسد الاستعداد اولان دخی قابل ولادت ثانیه دکدر بومقوله موجود
معدوم کیدر که منافع وجودله منتفع اولمش و تمتعات شهود ایله تمتع
بولمشدر و قرآنده کلور (اهبطوا منها جیعا فاما یا یتیم منی هدی
فن تبع هدای فلا خوف علیهم ولا هم یحزنون) یعنی دنیایه کلدن
مقصود بوهدایه تابع اولمقدر نیکم تفصیلی بالاده ککذر ایتدی
(امام غزالی یوقدر کسب فضائلدن صکره کوردیکه تقلیدله ایش بتز
وهدی بولنده هوی خیر ایتز بالآخره بغدادده ترک تدریس ایلوب
عجمده ابوعلی رودباری حضرت لرینه ملاقی اولوب تقلیدی تحقیقه
ایر کورنجه سعی ایتدی و صکره مقام تحقیقه تدریس ایچون ینه
بغدادده کندی (لحرره) * دوشدی تقلید ایله بلایه بلید *

❖ در درون سینه مهرش کاشتند ❖
❖ نائب عیسیست می پنداشتند ❖

* درون سینه دن * مراد قلب و بلکه باطن قلب اولان فؤاد در زیر اکامیجه
سینه ایله که صدر در ذکر محل و اراده حال طریقیهله قلب مراد ایدرلر
و قلبک ایکی یوزی وارد بر یوزی جانب شهادتدر که صدر دیرلر
و بر یوزی دخی جانب غیبهدر که فؤاد دیرلر * مهر * کسرله محبتدر
مهر کیاه محبت اوتنه دیرلر * کاشتق * کاف عربی ایله اکن اککدر
کاریدن کبی (معنای بیت) بودر که نصاری طائفه سی اول وزیرک دانه
محبته قیلری کشت زارینه اکدیله و شجره و لاسنی باغ باطن لرینه دکدیله
آنی کر چکدن حضرت عیسی علیه السلام نائب و خلیفه سی و علم
و کائناتک مظهری ظن ایلدیله و بوظنیده اصابت ایتدیله زرا واقعه
مخالف ایدی بوندن فهم اولنور که ذکر اولسان طائفه نک محبتی
استحکام اوز رینه ایدی انکیچون خارجه اثری دخی ظهور ایتدیکه
کمال انقیاد و تسلیم و سرفروا ایدرلر دی و بونک قرآنده نظیری وارد نیکم
قرآنده کلور (واشر بوا فی قلوبهم العجل) یعنی بنی اسرائیلک جهلا سی
سامری نک اتخاذ ایتدوکی کوساله نک محبتی اشراب اولندیله بر مرتبه که
مشروب اولان عروقه منتهی اولوب نفوذ ایتدوکی کبی انلرک
محبته دخی نافذ و ماضی اولدی انکیچون اول محبتی بالکلیه قیلرندن
اخراج ایده مدیله زرا عروقه دن ازاله سی کوج و برده بتق نسنه نک
اصلی کسمک صعبدر (بونده اشارت واردر که خالی الذهن اولان
کیمسه کرکدر که قابله ابتدادن محبت حقیقه نخمی اکه و درخت
مهری دیکه تا که قوت و استحکام بولوب اول فطرت اوز رینه قاله
والاصکره قابی اغیاردن تخلیه ایتک عسیر در و اشعار عربده کلور
* اتانی هواها قبل ان اعرف الهوی * فصادف قلبا خالیا فتمکنا *

بوراده هوادن مراد عشق در زرا هوی قرین نفس اولسه حرص اولور
و نفس بوسبب ایله اسفل سافلین دنیایه و بدمد مولایه نزول ایدر
واکر قرین قلب اولسه عشق اولور و قلب اول عشق و ساطیله اعلای
علین عقبایه و قرب مولایه صعود ایدر پس قلب انسانده مهر محبت
اولدیغنه کوره باری محبوب حقیقی اولان خالق کرکدر زرا محبوب

مجازی اولان مخلوقك محبتی زائل و فائده سی عظیم و نتیجه سی عظیم
و صاحبی سقیم و غایتی خطر و بیم در

✽ اوبسر دجال يك چشم لعین ✽

✽ ای خدا فریادرس نعم المعین ✽

* دجال * دجله ندر که کذب ایتك و یا خود تغطیه معناسنه در زیر دجالك
کثرت جوعی ایله اراضی تغطیه ایتسه کر ~~کدر~~ بوسیدند که نه
بغداد ده دجله دیش لردر زیر اوجه ارضی تغطیه و ستر ایتشد
و بوندن غیری وجوه ایراد ایتشلمر نیکم قاموسده مصر حدر و بود جاله
مسیح دیرل زیر امسوح العین و عوراء و یا خود مدت قلیله ده وجهی
ارضی بکماله سیاحت ایتسه کر کدر و حدیثه کلور (الدجال
مسوح العین بین عینیه کافر هجاء ك ف ر یقرؤه کل مسلم) و دجالك
حدیثی مشارقه و غیر بده مسطور در دیشلردر که دجال کنش مغربدن
طلوعندن اون سنه مقدم و مهدی حضر تلری دجالدن بدی سنه
اول ظهور ایتسه کر ~~کدر~~ و بنو الا صفر فتنه سی ممدینك
مقدمه سیدر و اول وقته زمان قایل قالمشدر نیکم امام سیوطی
رساله سندن مفهومدر * لعین * ملعون یعنی رحمت حقندن مبعود
و مطرود در کافره کوره و درجات ابراردن مردوددر مؤسنه کوره نیکم
حدیثه کلور (من احتکر فهو ملعون) * فریادرس * مدد ایرشیچی
* نعم العین * مخصوص بالمدح مخذوفدر که انت در خطاب خدایه در
(معنای بیت) بودر که اول وزیر ایتسه کندی نفسنده سرله و نهانی
يك چشم اولان ملعون دجال یعنی رحمت حقندن مطرود و باب عنایتدن
منفی و مهجور ایدی انکیچون خلقی اضلال و افساد ایلوب نظیر دجال و ثانی
شیطان اولدی ای خدا سن بزه مدد ایرشیچی اول زیرا سن نه کوزل
معین سن تا که دجال صفت اولان اهل ضلال و اضلالک یوزلرن
کور میلم و مجلسلرینه اوتور میلم و فتنه لرینه دوشیمیم زیرا حدیثه
کلور (از بین بدی الساعة کذا بین فاحذروهم) پس بومقوله مدعیلمه
دجاله دیرل که آخر زمانده ظهور ایدن دجالك مقدمه الجیشیدر
نیکم بوا عصارده ظهور ایتشد خذلهم الله تعالی بوسیدن حضرت
مولانا قدس سره وزیر مذکور ای عین دجال قیلدی زیرا فساد
و افسادده متفقددر و بعض عارفین دیشلردر که دجال حجاب ظلماتیه

مثال و طبع سفلی و حیوانینك صور تیدر که شهود حقه استعداددن
مبعود و فساد و کفر او زربنه مطبوعدر انکیچون انبیا علیهم السلام
قومنی دجالدن انذار ایلدی زیرا دجال انفسی قدیمدر پس بومقوله
طبع اهلی اولنلر خا رجده دجاللق ایدرلر و کفر و ایمان بلزلر و بونلرک آخرته
ناظر اولان کوزلری اعمی و دنیا به ناظر اولان کوزلری بینادر انکیچون
بر آلاهی ظاهر بین حقندن محجوبلردر و بومقوله لك اکثری بریده قرار
ایتموب دجال کی اطراف عالمی کشت و اقطار جهانی سیر ایدرلر تا که
قابل ضلال اولنلری اضلال و مستعد اختلال اولنلری اخلال ایدوب
خلیفه شیطان و نائب دجال اولنلر انکیچون بوطائفه دن دجال
و شیطاندن استعذه اولندیغی کی استعذه کر کدر زیر صور تلری
انسان و سیر تلری دجال و شیطاندر (لحرره) * بر آلاهی اهل
فساداتی کوزم * کور مسون دیرسك اگر آج کوزی کی * قنده دجال
صفت وار ایتسه صاقن * مهدی مشرب اولانه طوت یوزو کی *

✽ صد هزارن دام دانه است ای خدا ✽

✽ ما چو مرغان حریص بی نوا ✽

بوییت بیت سابقك مصراع ثانین ایضا حدر * حرص * فرط شره
وارادندر یعنی برنسنه بی طلب و اصا بنده اجتهاددر * نوا * نونك
فتحی و ضمیلله جائزدر بر قاج معنایه کلور بوراده مراد بهره
و نصیبدر (معنای بیت) بودن که ای خدای معین صد هزاران یعنی
بسیار دام و دانه واردر شویله که هر یرده طوزاق قور مشلرود دانه دو کشلردر
بزایسه رزقندن بی بهره مرغان حریص کیوز یعنی بی نوا اولان مرغ
حریص رزق اولمغله دامی ~~کدر~~ میوب دانه دن اوتوری گرفتار
اولدیغی کی بزه دخی صورت حقه نجه اموره ملاقی اولوب
بطلاننی عدم تشخیصدن ناشی مقید اولورز و سندن غیریه بغلنوب
قالور زوشهر لیدده کلور (الا کل شیء ما خلا الله باطل * بونده
اشارت واردر که انسانك ماسوی اللهه تعلقده حرصی مرغ بی نوانك
دانیه حرصی کیدر و حریص محروم و مبتلادر پس ماسوی اللهه
تعلق ایدن دخی حقندن محروم و ماسوا ایله مقید و مبتلادر حریص
مقبول اودر که ماسوی دانه سنه نظر انداز اولیه ~~کدر~~ نورانی

واگر ظلمانی بلکه حبه فؤادی حب هویت ذاتیه به تعلق ایده و مرغ دلی
اول دانه به گرفتار اوله وادی گرفتار قاله نتکیم بوستانده کلور
* اسیرش نخواهد رهایی زبند * شکارش نبوید خلاص از کند *

❖ دم بدم ما بسته دام نویم ❖

❖ هر یکی ما باز و سیرغی شویم ❖

* سیرغ * عنقا دید کبری قوشدر که قاف طغنده اولور جمله قوشلرک
پادشاهیدر ولکن موجودالاسم معدوم الجسم قیلندردر لر که اسکندر
قافه واروب انکله سوبلشمشدر نتکیم نعمة الله ده مصر حدر فاما قاف
وراء دریای محیطده در اسکندرک ایسه بودریاده حد محدودی واردر که
انک وراسته تجاوز ایتمشدر پس نیچه قافه وارمش اولور مکر خارق عاده
طریقیه اوله سائر اهل الله کبی اسکندرک ایسه کر چه نبوتده
اختلاف واردر ولکن ولایتده شبهه یو قدر وانسان العیون نام کتاب
معتبرده کلور که اصحاب رسی الله تعالی بر طیر عظیم الیه مبتلا قلمش
ایدیکه اول طیرک عنق عظیمی وآدمه الوان مختلفه وار ایدی وگاه
اولور دیکه اول قومک بعض صبیان اختطاف ایدوب جهت غربه
اغراب واذهاب ایدردی پس طول عنقندن وجهت غربه ذهابندن
اتوری اکا عنقاء مغرب دیدیلر صکره طیر مذکور دن اول وقتک
یغمیری اولان حظله علیه السلامه شکایت ایتد کلرند حنظله دخی
دعا ایدوب الله تعالی اول طیری صاعقه الیه اهلاک ایلدی وانک عقی
قالدی وبونعت جلیله نک شکری بو اولدیکه حظله بی قتل ایدوب رس
ایچنده دس ایتدیلر یعنی بر برتر مبنیه که اندن استقلا ایدر لدی
انک ایچنه الفا ایدوب جسد شریفن اخفا ایتدیلر واول قوم عبده
اصنام ایدی صکره نیچه آفاتله مبتلی اولوب هلاک اولدیلر (لحرره)
* مستحق اولسه بر کشتی قهره * لذتی اوله مبدل زهره *

* اولیحق آدم اوغلی بد کر دار * عملینه کوره بوله بهره *

(معنای بیت) بودر که هر لحظه بزربکی طوزاق بسته سی و گرفتار یوز
هر بریز اگر چکه طوغان و سیرغ دید کبری قوش اولالم یعنی گرفتار
دام ودانه اولق عصفور و امثالینه محصور اولما یوب بلکه سلطان الطیور
اولان باز و سیرغ دخی بحسب الحرص گرفتار دام صوری اولدیغی کبی

بزم ارا من ده دخی یعنی اهل سیر و سلوک ایچنده گرفتار دام معنوی
اولق یالکن مبتدیلره مقصور دکلدر بلکه عالم ملکوتده سیران
وهوای معاینده طیران و علو مرتبه ده جولانه قادر اولشیریمزک
نیچه لری دخی بویلدن زیرا نهایه النهایات واقصی الغایات منتهی
اولمدقچه برازخ و قیود چوق و دام وکند حددن آرتوقدر نتکیم
نیچه کرامته قدم بصانلر و عرشه قلیج اصانلر رجع قهقری قیلندن
اولشیر و نفس و طبیعت النده آخر زبون قالمش لردر پس سیرا کواندن
سیر و اجبه ترقی قلمدقچه و عالم فزاده سیر حقیقی تمام اولمدقچه مکر حق
و سوء القضاءدن امن یوقدر زیرا عالم هویتیه وار نیچه یتش بیک حجب
ظلمانیه و نورانیه واردر که هر بری سالک بر بلای عظیم و سدسیددر پس
بونلرک برندن خلاص اولسه بر یله دخی مبتلی اولور و یکی یکی قیود
ایچنده قالور زیرا مقصود بالذات اولمدیغن بلز مکر الله تعالیدن
عنایت اولوب بر بصیرت اهلته تقارن اوله وانک تربیه سی یوزندن
منزله ارشاد بوله بویسه نادر در انکیچون اهل سلوک وار باب سیرک
اکثری گرفتار ماسوی مقوله سیدر

❖ می رهایی هر دمی مارا و باز ❖

❖ سوی دامی می رویم ای بی نیاز ❖

رهانیدن متعدیدر قور تار مق و صالی ویرمک معناسنه * باز * کرو دیمکدر
ولکن بیت سابقده طوغان معناسنه اولمغله بوراده ایرادی اطافندن
خالی دکلدر دامی ده یا نوعیت افاده ایدر (معنای بیت) بودر که ای بی
نیاز و بی احتیاج اولوب استغناء مطلق صاحبی اولان الله سن نری
هر بر دمه گرفتار اولر یغمن دامن تخلص ایدر و قور تار رسن
و بزایسه بر غیری دورلی دام طرفه دخی کیسه رز که انک دخی
کالاول دام اولدیغن بلز زو تکرار اکا بند اولوب تعلقده قالور ز
مثلا دام ظلمانی و جسمانیدن خلاص بولدیغن صورتده دام نورانی
و روحانی به گرفتار اولور زو دام نورانی دخی تفاوت اوزرینه اولمغله
شب و روز تنزل و ترقیدن خالی اولما زو بو گرفتار لغه لوت معنوی
دیرلر انکیچون قرآند کلور (لایمسه الا المطهرون) یعنی هویت ذاتیه بی
جمیع اطوار و منازل تعلقاتک ادناس وارجاسندن مطهر و مبرا

اولسار مس ایدر لر زیر قرآن حقیقه در پس قرآن لفظی بی
بی طهارت اولانک مسی جائز اولما یحقی قرآن حقیقینک لمسی نیجه نتیجه
اولور (و بونده بی نیاز عبارتند فہم اولور کہ بزم گرفتار دام
اولد یغیر عدم معرفتزدن در ور کہسہ جہل ایلہ بر بلا یہ گرفتار
و بر ورطہ بہ واقع اولسہ اورادن آنی تخیض ایدر بر واسطیہ محتاجدر
او ایسہ اللہ تعالیٰ در نتکم قرآنندہ کلور (افانت تنقذمن فی النار) وینہ
تنزیلندہ کلور (امن ینجکم من ظلمات البر والبحر) یعنی عالم جسمانی
و روحانیتک ظلمات وشد آمدن تنجیہ و تخیض ایدن اللہ تعالیٰ در فقط
نتکم کلور (انک لاتہدی من احیت) پس حبیب علیہ السلامک
تجیہ ایتدیکی دخی تجیہ حق ایلہ در پس بوندن واسطہ بی سلب
ایتمک لازم کلز بر بحسب انظار ارشاد و دعوت انبیاء و اولیایہ
مفوضدر مغرور اولوب فلاسفہ مذہبی ایلہ تہذیب ایدنلر حقہ
وصولدن محروم اولورلر (واللہ المبین)

* مادرین انبار کندم میکنیم *

* کندم جمع آمدہ کم میکنیم *

* انبار * ایچنہ غلہ قود قوری اویہ دیرلر و فی القاموس الانبار
بیت التاجر ینضد فیہ المتاع الواحد نبر بالکسر * کندم * بعد ایدر
نتکم مولانا لطفی اطافنددر کہ مولانا عذاری حقندہ سلاطین
بایزیدہ دیشدر دانہ کندم یوب آدم سورلدی روضہ دن *
در کہ عالیہ نیلر بونجہ مدیغای بین * و بعضیلر دخی دیشلردر *
انکیچون کیر و مقبول اولدی آدم * ایوب جرمی دیدی کندمدن
اولدی * (معنای بیت) بودر کہ بز بوانباردہ بغدای جمع ایدرلر
وینہ جمع اولنان بغدای ضایع قیلورلر و انکلہ انتفاعدن محروم و محرومیتز
حسبیلہ محتاج اولورلر * نیتکم بوستاندہ کلور * فضیحت بود خوشہ
اندوختن * پس از خرمن خویشتن سوختن * یعنی کشتی کندی خرمنی
احراق ایتدکن صکرہ خوشہ چینک ایتمک فضیحتدروینہ اندہ کلور *
بسالی توان خرمن اندوختن * یککدم نہ مردی بود سوختن *
یعنی بر خرمنی برسندہ نہ تحصیل ایتمک ممکندر دخی اقلندہ دکل پس
بویلہ ایکن آنی بر ساعتہ احراق و افنا ایدوب چکلن امکی اضاعت

ایتمک مردانک و مقتضای رجوایت و موجب عقل سلیم دکلدر بوندہ
انباردن مراد کوکل و مجتمع اولان کندمدن مراد اعمال صالحہ
و آنک ثمر ایتدر کہ انسان آنی بعض مفسدات ایلہ بر او غور دن ہباء
مشور قیلور ریا و سمعہ ایلہ اولان اعمال کبی و انباردن مراد دفتر عمل
اولق دخی و جہدر * زیرا بعض اعمال سیئہ دفترندہ مثبت اولان
اعمال صالحہ بی محو و اثبات ایدر نتکم کفر و العیاذ باللہ تعالیٰ اعمال
مقبولہ بی احباط و ابطال ایدر و محتملدر کہ مجتمع اولان کندمدن
مراد خواطر حسنہ و نیات صادقہ و بونک فوقندہ دخی احوال
و معاملات وارددر کہ انباردندہ کندم کبی مجتمعدر و کندم اعز الحبوب
اولدیغی کبی اول احوال دخی اشرف الاموردر و کندم ایلہ نیات
و اعمال و احوالک تفاوتنہ اشارت وارددر و بوندہ انسانک کسبتنہ
اشارت وارددر زیرا کسب ایتمک انسانہ و خلق ایتمک حق تعالیٰ بہ
مضافدر و بومعنی اختیار جزئی اوزرینہ منبیدر و قرآنندہ
کلور (وان لیس للانسان الا ما سعی) یعنی سعی انسانہ نسبت
ایلدی کہ اختیارینہ منوط و موقوف در پس مکسوب اولان کندم
مقبولہ سی اولہ انتفاع دخی اکاکورہ در (لحررہ) * و ارایکن
انتفاعیچون کندم * کسبہ دیرمکہ آچمدن اولدم * غیر ایچون
کاری نیدر عاقل اولان * کہ کرک کندمہ دیرلر کندم * واللہ اعلم

* می نیندیشیم آخر مایہوش *

* کین خلل در کندمست از مکر موش *

* آخر * ضد اول و فارسی صحیحہ کہ تعریض مقامندہ مستعملدر نتکم
دیشلردر * عشق بازی نہ من آخر بجہان آوردم * یعنی عشق بازی
جہانہ بن کتور مدم بونی دخی بیلورسن شویلہ دردیمکدر * خلل * ایکی
نسنہ ارالغی فرجہ کبی خلل بوندندر کہ دیش اراسن قارشدرلر
و دیشلردر کہ * انجہ لوب دوندی خلاہ بدغم دیرسک اگر * نہ آنی
اغزنہ آلور نہ قولاغینہ قویار * و فساد معناسنہ دخی کلور بورادہ
مراد بودر (معنای بیت) بودر کہ آخر بز عقل تام ایلہ فکر اتمز کہ
کندمدہ اولان بوفساد فارہ دیدبکاری حیوانک مکر و کیدی یوزندندر
یعنی فکر صحیح اولسہ انباردہ مجتمع اولان بغدایک فسادی فارہ نک

فسادی بوزندن اولدیغی معلوم اولور بزا یسه فکر ایتیبوب حالی
اوزرینه ابقاید رز و مداخلتی سدا تمز وایاغنی انباردن کهمرز
شویله که اول بغدادی ایله انتفاعدن محروم اولور و بی نواوبی بهره
قالور بوراده موش ایله مراد اعمال صالحه بی افساد ایدن امور و احوال
شریفه بی ازاله ایدن عوارضدر که کیمی شریعت ایله مبین و کیمی
طریقت ایله معلومدر از جمله صفت حرصدر که ماسوایه حریرص
وشهواته مولع اولان کهمسه نك اکثر با سیمی و غالباً کسی خلل و فساد
اوزرینه در زیر انسانده جمیع حیواناتك اوصافی وارد در كرك اوصاف
حسنة و كرك اوصاف قبیحه پس تزکیه نفس ایدن مداخل مفسداتی
سدات مشلر و اهل نفس اولنلر صدد صلاحدن چیقوب کتمش لر در
بونده اشارت وارد در که فکر صحیحك دخی فائده سی وارد را کر چکه
تذکر اتمك تفکر دن افضل در زیر تفکر محجوبك و تذکر مکا شفق
صفیدر ولکن تفکر تذکر ك طریقیدر و رمز وارد در که هر کس ترقی و تنزل
طریقن بیلز و مقتضای حال اوزرینه حرکت و سیمیه موفق و مهتدی اولماز *

* موش تا انبار ما حفره زده ست *

* وز نقش انبار ما ویران شده ست *

* حفره * چقور در تنکم حدیثه کلور (القبر روضة من ریاض الجنة
او حفره من حفر النیران) * فن * بوراده فارسیدر حیلّه معناسنه (معنای
بیت) بودر که فاره تا که بزم انبار میز ویران و خراب اولشد در یعنی بو بویله
اولد قبحه بزم الشیمز مشکدر زیرا بونده غله مره زیان و رزق مره نقصان
وارد و جائز در که تا مقام تهدیده صاقن دیه جک یرده مستعمل اوله
(بونده اشارت وارد در که رزق ایکی دورلیدر بری رزق صوریدر که
قوام بدن و معاش جسددر و بری دخی رزق معنویدر که غذای
روح و حظ جاندر و موش و انبار تمثیل طریقیله در یعنی رزق
صوریده موش و انبار حکایه سی نیجه ایسه رزق معنوی ده دخی
بویله در (پس نقدر اعمال و علوم و اریسه رزق معنوی بایندندر
ولکن شریعت و طریقته دائماً رعایت لازمدر تا که رزق مذکور ارتوب
اکسلیه و بورعایت اولسه غلبه مفسدات حسیله محصول

وجود فنا بولور و رزق شهود اکسلور و مفسداتك حواس ظاهره
یوزندن مداخله سی غالب اولغله حفره تعبیر ایلدی تنکم برکسه نك
قلبنه فکر فاسد دخول اتسه رؤیاستده خانه سی دیواری حفر اولنوب
ایچروسارق دخول ایتك صورتنده تمثیل ایدر پس حواس ظاهره
وقوای باطنیه بی ضبط و محفاظطه ده زیاده صعوبت وارد در

* اول ای جان دفع شر موش کن *

* وانکهمان در جمع کندم جوش کن *

* آنکهمان * اصلنده انگاه در آخرنده اولان الف و نون معنای
ظرفیت افاده ایدر اول وقتنده و آندن صکره دیمکدر بامدادان و صبحگاهان
و نو بهاران و امثالنده اولان الف و نون دخی بویله در (تنکم دستور
العمل نام کتابده مصر حدر بوخسه ادات جمع دکدر تنکم بهضیلر
ذاهب اولمشلر در (معنای بیت) بودر که ابتدا ای جان مرتبه سنده
محبوب و یا خود مبدأ حس و حرکت اولان حیاته منصف اولان
کشی فاره نك شرنی دفع و انبار ده مداخلتی سد و موا نغنی رفع ایله
واول وقتنده و آندن صکره بغدادی جعنه جوش و حرکت ایله
زیرا دیمشلر در که تخلیه خاء معجمه ایله تخلیه دن مهمله ایله مقدم
و اساس بنادن اقدم در * ع * اول بروب خانه دکر میهمان
طلب * تنکم عادت طبیب حاذق بودر که اول مسهل شربت
ایچروب بعده معده بی مصلح اولان نسته ایله مقید اولور پس اجتناب
و طهارت و اسهال نصف العمل در عمل سرده غایت قصور مکاشفه
جلال و عظمت حقدر بوا یسه ماسوی اللهمدن تخلی ایله او اور
و عمل قلبده نهایه النهایات اخلاق محموده و عقائد مشروعه ایله
اتصاف در بوا یسه نقائضی اولان اخلاق مذمومه و عقائد
فاسده دن طهارت ایله در و كذلك جوارحی طاعات ایله عمارت
ایتمك مناهیدن اجتنابدن صکره در و قرانده کلور (فن یکفر
بالطاغوت و يؤمن بالله فقد استمسك بالعروة الوثقی) و کفر بالطاغوت
اجتناب بایندن اولغله اکتساب قییلندن اولان ایمان بالله اوزرینه
تقدیم اولندی انکیچون بعض کبار بیورمشلر در (مالم یکن کافرا
لم یکن مؤمنا) و اوحدی دخی ذکر اولنان معنایه اشارت ایدوب دیر

* ع * مؤ من سجاده باش و کافر ز نار خویش * زیرا
 و او مطلق جمع ایچوندر پس بوندن فهم اواند یککه کفر و معاصی
 و میل ماسوادن اجتناب اتمک ایمان و طاعت و اقبال حقندن مقدمدر که
 تخلیه بایندندر پس تخلیه اصل اولدی انکیچون دیرلر که
 تضييع اصول ایدن وصولدن محروم در (و بوندن اخذ اولنور که
 اجتناب و اکتناب معا دور ایدر و اول که هند طائفه سی خسته لری نه
 بالکنز اجتناب طریقله معالجه ایدر یعنی پرهیزی تجاویز ایتزل
 حکمته مخالفدر زیرا پرهیز تمام اولدقده اکتناب بایندن دخی معالجه
 لازمدر بوسه بیدندر که الله تعالینک صفات سلبیه و صفات
 ثبوتیه سی واردر حضرت ابراهیم علیه السلامه کلنجه ائم انبیاده
 غالب اولان سلبیه و تنزیه ایدی صکره صفات ثبوتیه آثاری ظهور ایلدی
 (بوسره اشارت ایدوب حدیثده کلور) اول من یکسی من
 الخلاق یوم القیمة ابراهیم) و اول اکتناب صکره اجتناب بوانسه
 ناقص و موقوفدر تکم کفارک ایام کفرده اشکلاکری حسنات موقوف
 طورر کفردن اجتناب ایدوب ایمان کتوررلر سه مقبول اولور تکم
 صحتده دلالت ایدر اتر واردر و اولکه کفر یله عمل محبوظ اولور دیشلدر
 مصر اولنلره کوره آخرتده عدم انتفاعنه محمولدر مرتده بعد
 التجدید تکرار حج لازم کلمک وقت حج بقاسنه بناء در پس بلا
 اجتناب ولو بعد حین اکتنابک فائده سی بوقدر بناء علی هذا
 شریعت اهلنه کر کدر که معاصی اوزرینه مصر و حقیقت اربابی دخی
 میل ماسواده مقیم اولیلر (و اتوا البیوت من ابوابها) مصداقجه
 مقاصده و سائل ایلر توسل و حقائقه طریق مخصوص ایلر
 توصل ایلر و الاضال و مضل اولورلر * لحرره *

* بشو از اخبار آن صدر صدور *

* لا صلوة تم الا بالحضور *

* صدر * سینه در که جارحه مقوله سیدر جمعی صدور کلور برنسنه
 مقدمی ایچون استعاره اولندی صدر قنات و صدر مجلس و کتاب
 و کلام کی بوسه بیدندر که قاضی عسکرلر صدرین دیرلر زیرا جمیع

قضات اوزرینه تصدر و تقدیم ایتشلر در صدرک سائر اجزاء جسده
 اوزرینه تقدیمی کی بوراده صدر صدوردن مراد رسول اللهدر
 صلی الله وسلم زیرا انبیاء و مرسلین سائر مؤمنین اوزرینه
 فضائل جه و فواضل مهمه بی احرازلری حسبیلر تصدر ایتشلردر
 و بواسطه داد کامل و فضل شامک ثمره سیدر که خبر صحیحده
 کلور (اول ما خلق روحی) و قرآنده کلور (و رفع بعضهم
 درجات) زیرا بو بعضدن مراد بعض معهود در که رسول الله علیه
 السلامدر تعظیما بعض ایلر تعبیر اولمشدر و حدیث معراج و امثالی دخی
 هر وجهله صدارتلیرینه دلایلدر (لحرره) اولدی فضلك کنش کی
 مشهور * ذره در آفتابکه جهور * صاوة * ایلر مراد صلوة شرعیه در که
 ارکان معلومه و افعال مخصوصه دن عبارتدر اصلنده لایم صلوة
 الا بالحضوردر آنکیچون تم تکبر اولمشدر و جائزدر که صلوة معراج و توجه
 و امثالی ایلر تاویل اولنه و جائزدر که متن حدیثده تم لفظی اولیوب ناظم قدس
 سره دن برای ضرورت الحاق اولنه و محتملدر که نقل بالمعنی قبیلندن اوله
 * حضور * غیبتک ضدیدر و هو استغراق القلب بما هو فیه و الافراغ
 عن غیره و هو بصرف الهممة الیه مقصود حضور قلب مع الرب در ولکن
 مراتب اوزرنه در سماع خطاب و شهود روحانی و قلبی و خیالی و اکا قریب
 اولان مرتبه که (ان تعبد الله کانک تراه) ایلر تعبیر اولمشدر ادناسی حضور
 قلبیدر که (فان لم تکن تراه فاعلم انه یراک) دیو اشارت اولمشدر
 و بعضیلر دیدیلر که علامت کمال نماز اون نسته در (اول مشاهده
 در که قره العین در تکم حدیثده کلور) و جعلت قره عینی
 فی الصلوة (ایتنجسی استشمام روائح الطاف ربویتدر) اوچنجسی
 انشراح صدردر (دزدنجسی این جلددر) بشنجسی اطمئنان
 دلدر (اتنجسی سرور سردر) یدنجسی راحت روحدر (سکرنجسی
 و جلددر) طقوزنجسی مناجاتدر (اوننجسی استماع سلام حقدر و اولیانک
 صلوتده مکشفه لری صفالری مقدار یدر پس بر نمازده بونشانلردن بری
 اولسه اول نماز استدر راج اولور و صاحبی قناتدن قورنارر فقط
 یعنی انک ایچون مثبت آخرت اولماز زیرا لاهی و ساهی مقوله سی
 اولور نعمو ذی الله تعالی (لحرره) بی حضور دل اولماز اجر نماز * یقیلور

بی اصل شجر طور نماز * فاسد اولسه قچانکه اصل درخت * هیچ برکته
میوه سن او نماز * (معنای بیت) بود که ایش اول اقدم الاقدمین
و مقدم المقر بین اولان رسول الله صلی الله علیه و سلم اخبار صحیح
سندن که یور مشدر بر نماز تمام اولدی الا حضور قلب و شهود ربه مقارنت
ایله تمام اولدی یعنی بی حضور اولان نماز ناقص و بر قصور در و بلکه
مطلقا عديم الفائدة در پس حضور له نماز ادا انکه اول دفع خواطر
و سلب هوا جس و ازاله وساوس لازمدر نتکم دیوان حافظه کلور * غسل
در اشک زدم اهل طریقت کویند * پاک شو اول پس دیده بران پاک انداز *
یعنی اول کوزیاشی ایچنده اغتسال ایلمد زیرا اهل طریقت
دیمشدر که اول الواث و انجاس و خصوصا آرایش ذنب وجوددن پاک
و طاهر اول اندن صکره اول طیب و طاهر اولان اللهک جالنه نظر صال
و وجود حق که جمله سی و جهدر آنی مطالعه ایله حظ دیده کی آل پس
نزدن طهارت مقدم اولدی یعنی کبی مناجاتدن دخی مخایه دل اقدمدر
و بوند نماز که غیری دخی نماز ملحقدر تلاوت قرآن و سائر اوراد
و اذکار کبی یعنی بوجله ده حضور دل شرطدر و قرآن غفلتدن نهی
اونوب (ولا تکن من الغافلین) وارد اولمشدر پس غفلت ایتمک کر کدر

* کر نه موشی دزد در انبار ماست *

* کندم اعمال چل ساله بکاست *

* چل ساله * فرق ییلاق دیمکدر که کثرتدن عبارتدر پس هاء رسمی بونک کبی
مواضعه مقدار معناسنی افاده ایدر که ترکیده لق لفظی ایله تعبیر
ایدرل و آخری مفتوح اولان اسماء هر کیه داخل اولور (معنای بیت)
بودر که اگر بزم انبار مرزده بغدادی او غریبی اولان فاره بو غیسسه
فرق ییلاق یعنی چوق زماندن بری سعی و اکتساب ابتد بکمر اعمال
صالحه بغدادی قندهدر یعنی بو قدر مدتدن بری جمع اولان بغدادی
فاره اکل ایدوب افنا ایدیکی کبی بزم دخی مدت مدیدهدن بری جمع
ابتد بکمر اعمال صالحه بی نیجه مفسدات و سیئات ازاله و احباط ایشدر
اگر بویه اولسه دفتر عملده مسطور طور ردی انکیچون نیچه روز قیامتده
دفتر اعمالی نهی بولسه کر کدر زیرا کسب ابتد کلری اعمال کیمی
ربا و سمعه و اغراض فاسدهیه مقرون و کیمی دخی آفات و عوارضدن

غیر مصون اولوب خلل و فساد قبول ایشدر مثلا نمازک فرائض
و واجباتی اولدیغی کبی محرمات و مفسداتی دخی وارددر که انکله اول
نماز فاسد و باطل اولور بعض شرائطی موجود اولیق فائده ایتز و کذلک
جمع شرائط و اوازمه مقرون اولسه دخی بعض مفسد عمل وارددر که
آنک سببی ایله هبا اولور نتکم خبرده کلور (ان الحسد یا کل الحسنات
کما تأکل النار الخطب) بویالکز حسد دیکلری صفت مذمومیه کورهدر
یاسائر زائل دخی بولسه حال نیچه اولور انکیچون خیرات و حسناتی هر طرفدن
محافظه لازمدر (بونده اشارت وارددر که بر سالک طریق حقده
فرق ییل و یا دخی ارتوق و اکسک اجتهد ایتسه حقه و اصل
اولدیجه بطلان شاننددر انکیچون نیچه رجوع ایشدر و کلد کلری
یولی طویشدر (وسید الطائفه جنید بغدادی قدس سره پیور
(لوا قبل صدیق علی الله الف سنة ثم اعرض عنه لحظة فان ما فاته
اکثر مما ناله) زیرا زمان اعراضده بردوات عظمایه وصول ممکندر که
اندن مقدم اولان ازمنه کثیرده حاصل اولما مشدر (سؤال اولنور سه که
حقه وصولد نصکره عصمت وارمیدر (جواب بودر که وارددر انکیچون
دیمشدر در انبیا معصوم و اولیا محفوظدر و حدیثده کلور (اذا احب الله
عبدا لم یضره ذنب) یعنی بر سالک مقام محو بیته قدم وضع ایتسه گناه
اشمکدن محفوظ اولور زیرا عنایت حق دائما آنک تدارکنده در شوبله که هر حالی
بصیرت نامیه مقرون در و صا حی بیدار اولان خانه بی دزد بی رشاد یغما و تاراج
ایده مز پس غفلت اهلی ایله بقظه اربابنک میاننده فاروق عظیم وارددر

* ریزه ریزه صدق هر روزه چرا *

* جمع می ناید درین انبار ما *

* ریزه * اواق دیمکدر پاره معناسنه بو مقوله مواضعده آز مراد اولنور
قلیل کبی * صدق * کشک احوالنده شوب و اعتقادنده ربیب و اعمالنده
عیب اولما مقدر و بعضیلر دیدیلر که سرا و علانیة حقه موافقتدر و بعضیلر
دیدیلر که صفات نفسانیة شو ایشدن تخلصدر و بو معانی فی الحقیقه
مقار بدر بوراده صدقله مراد صدق و خلوصه مقارن اولان اعمالدر
بیت سابق قرینه سیله * روزه * ده هاء نسبت افاده ایدر انکیچون صومه
روزه دیمشدر زیرا روز که کوندر اکانسبت و اختصاصی وارددر

* ناید * مضارع منفیدر اصله نه آید در (معنای بیت) بود در که از آذر کونه
منسوب و مختص اولان اعمال صادق و خالصه نیچون بزم دفتر عز
انبارنده جمع کلز کر کدر که هر کون صدق و اخلاصه عمل بغدادینی
دفتر عز جمع ایدلم و کسبده اولوب خالی و معطل اوتور میه لم زیر
دیمشدر که * قطرالی قطر اذا اجتماعا نهر * نهرالی نهر اذا اجتماعا بحر *
پس بو کلام حث و تحریضه محمول اولور و جائز در که بو معنائک عدم
حصولنک سببندن استفسار اولوب جوابی بیت آیدن ما خود اوله
فافهم و صدق مفسد مقابله سنده مصلحه اشارتدر یعنی مداخل
انبار مسدود اولسه نفس و شیطان آنده مجتمع اولان اعمال صالحه
واحوال صادقیه افساد ایدمه من و نفس صدق مجتمع اولدیغی صورته
اسباب صدقه و یا خود مرآت صدقه محمول اولور یعنی صدق اگر چه
امر غیر منقسمدر ولیکن مرآت متفاوته سی وار در ایمان و یقینک
اولدیغی کبی انکیچون ایمان رسمی و ایمان عیانی و علم یقین و عین یقین
و حق یقین دیرل پس مقصود تدریجیه ادنان اعلایه ترقی حالتی بیاندر
و بتقریر دن معلوم اولدی شول ذره لفظنک حقیقی که حدیثه کلور
(اخر جوا من النار من كان في قلبه مثقال ذرة من الايمان) و ادنی
کله سنک معناسی که بر حدیثه دخی کلور (وذلك ادناه) یعنی حدیث
اولده ادنای مرآت ایمان دن ذره ایله تعبیر اولندی والا جوهر ایمان
منقسم دکلدر و حدیث ثانی دخی آئی مؤیدر یعنی قلبی ایله انکار منکر
ایتمک ادنای مرآت ایماندر اعلاسی بد و اوسطی لسان ایله تغییردر

* بس ستاره آتش از آه ن جهید *

* وان دل سوزیده پذیرفت و کشید *

* بس * بآء عربیله بسی معناسنه در که نیچه نیچه دیمکدر * ستاره آتش *
اودقوغی دیمکدر که اواق بلدز کبی اوددن چقار عرب شراره در فقهله
وترک قفلجم ایله تعبیر ایله و لغتده ستاره بی بلدز و قوغدر دیمشدر در فاما
ظاهر اولان بودر که تشبیه طریقیله در زیر قفلجمک بلدزه مشابیهتی
وارد * سوزیده * اسم مفعولدر مصدری سوزیدن در سوختن دخی
دیرل ماضی سوزیددر و سوخت دخی دیرل اسم مفعول ماضیدن مشتقدر
ماضینک آخری مفتوح قلبوب فتحیه دلالت ایچون هاء غیر ملفوظه

الحاق اولوب اسم مفعول صیغه سی حاصل اولور (معنای بیت) بودر که
چوق آتش قفلجمی دمر دن یعنی چقیق دیدگری آتشن صیجادی
و ظاهر اولدی و اول یاتش کوکل آتک آتشی قبول ایتدی و کندی جانینه
جذب ایلدی یعنی قاو دیدگری نسنه نك چقیقندن چقان آتشی
قبوله استعدادی اولغله اول آتشی کندی طرفنه چکوب انکله
مشغل اولدیغی کبی یاتق کوکل دخی بویله در یعنی مؤثریت و فاعلیت
ایله متصف اولان آتش عشق و نور محبتی قابل واندن متأثر و منفعلدر
زیرا قوری قاوده موانع احتراق اولدیغی کبی دل سوخته ده دخی بو قدر
و چون ارتفاع موانع اولمیه قابلیت حاصل اولماز مثلاً یاش اولان قاو آتش
طوتمدیغی کبی ماسوایه تعلق ایدن کوکل دخی ذکر اولنان نار و نوری
قبول ایتز بوسیدندر که جنین ده جسد مستکمل اولمقجه نفخ اولماز
و کذلک یوم بعثده اجساد موتی مستکمل اولوب خطب یابس مرتبه سینه
کلدیکه ارواح ایله مشغول اولماز و کذلک شریعت و طریقت که
جسد کبیدر مستکمل اولمقجه روح معرفت و حقیقی قابل
اولماز پس بونکله تخلیه واجتناب نصف عمل اولدیغی ظاهر
اولدی و بونده اشارت واردر که قبلک شریعت و طریقت
مرتبه سنده تأثر و انفعالی کلام حق و معرفت حقیقت پایه سنده عشق حق
و نور مطلق ایله در * محرره * آفتاب عشقندن بوسیددی دل بر ذره
نور * ظلمت نفس و هوای اولوردی باسکیه دور * موسی * دل قابل نور
انا الله اولسه * ایلزدی شول شجر دن صورت آتش ظهور

* ایک در ظلمت یکی دزدی نهان *

* می نهید انکشت بر استار کان *

* استار کان * ستاره نك جمیدر همزه ضرورت ایچون زیاده قلمشدر لسان
فارسیده نظایری چوقدر (معنای بیت) بودر که ولیکن ظلمت ایچنده
برکزی اوغری واردر که قفلجملر اوزر بنه پرمق قور و آئی سویندر و قواوک
یائمنه مانع اولور یعنی بالفرض کیچه ایچنده خانه نك ظلمتی ازاله و نیچه
مقاصده توسل ایچون چاقمق چاقوب قاو یاقمق مراد ایدن کسه نك حاله
اوراده برکزی اوغری اعتراض ایدوب آتک یائمنه مانع اولسه مقصود
حاصل اولدیغی کبی خانه دلده دخی تنویر باطن واضاءت وجود ایچون

جانب حقن افتداح اولان آتسه دخی نفس وشیطان و تملق ماسوی
مانع اواسه مراد اله کرمن پس ظلمت تنده مختفی اولان نفس وشیطان
وعلا قاتی طرد و موافق بشربه و طبعیه بی ازله ایدوب اندن صکره
بحسب القابلیه نور الهیک انعکاسنه و تجلی حقه ظهورنه منتظر
اولق کرکدر و نفسک پرمنی تسویل و شیطانک القاونخسیدر مریدر که
شیطانک خرطومی وار در که انسانک قفسای طرفنده مدخل معیندن
اول خرطوم ایله قلبی نخس ایدوب القاء و سوسه ایدر بوجهتنددر که
بین الکتنین احتجام ایتک سندر و تقلیل طعام ایله مجاری شیطان اولان
عروقی و مد اخل حیل نفس اولان منافذی تضییق و سد ایتک کرکدر

می کشد استار کانرایک بیک

ناکه نفروزد چراغی از فلک

* کشد * کاف عربینک ضمیمه مضار عدر کستن دن قتل ایتک معناسنه
بوراده سویندر مک مراد اولنور اطفاء کی نتکم بعض مواضعده آتشی
سویندر مک ضرری اولما یحقی مرتبه ستر و تعطیه در * نفروزد * اصلنده
نه افروزد در نون تافیه و همزه ایله صکره الف یایه قلب اولنوب نیفروزد
وصکره یا حذف اولنوب نفروزد قالمشدر مصدری افروزد یندر افروختن
دخی دیر لازم و متعدی میاننده مشترکدر یا الکلمتی و یا الکلمه مق معناسنه
* چراغ * کسرله اصلده شمعک فتیله سنده یانن آتش پاره نک اسمیدر صکره
مجاز آت مضی ده دخی استعمال اولندی شمعدان کی فلک مدار التجوم در
(معنای بیت) بودر که اول دزد نهانی قفلجملری برر برر سویندر
وقاوک یا غسنه مانع اولور تا که فلکدن بر چراغ یا الکلمه و عالم علویدن
برنور ظهور ایله بعدا بو مقامده ایکی وجهله تشبیه واردر اولکیسی
آفاقه کوره در که شمس فلک شمع و ستاره ل آنک قفلجملری کیدر که
چقمقدن حاصل اولان شراره لده چراغ ایقاد اولنوب خانه لرا نکه منور
و مضیا اولدیغی کی ستاره لک انوار یله دخی خانه عالم بتون روشنائق
بولور و هر یلنا آنکه مقصدنه مهتدی اولور و بو تشبیه معکوس دخی
اواسه مو جهدر فافهم (ایکجیسی انفسه کوره در که قلب انسان شمع
وقا و عالم علویدن نزول ایدن کیفیت عشق و حالت محبت و تجلی نار نور
کیدر که خانه دله بر تو پاش و شعله بخشد و لکن نور خار جینک ظهورنه

مانع بولند قدی اثری ناپیدا اولدیغی کی نور داخلینک طلوعنه
دخی من احام اولد قدی حکمی نابوددر نکه بیت ساقده بیان اولندی
* بونده اشارت واردر که نور مطلق عالم علوی و ظلمت عالم سفلیدر
و عالم آفاق انوارنه شب پر و امشالی ضعف بصردن ناشی طاقف
کتور میوب آنک طلوعندن بی حضور و اکا منفور اولدیغی کی نفسک
تجلیات و حالاتنه دخی شب پر و امشال اولان نفس و طبیعت ظلمت
جلیبه دن ناشی تاب کتور میوب آنک ظهوردن آزرده و مضطربدر
بناء علی هذا بقدر الامکان ازله و اطفاسنه سعی ایدرلر و مقتضای
اولان ظلمتی احیاده چب و راست اجتهاده کیدرلر و ظلمت وجود
ایچنده نور الهی مشعل اولوب (واشرقت الارض بنور ربها) حسبنجه
جمع قوی و حواسک مستبر اولدیغن استمزل و نعم ماقیل * راست
خواهی هزار چشم چنان * کور بهتر که آفتاب سیاه * پس شعله شعله
نورانی و بر تو آفتاب تجلی رحمان استنیلر مواضعی رفع و مخذوراتی دفع
ایتک لابددر زیرا دیملردر که * پادشاه قونر سرایه خانه معمور اولمدن
* کر هزاران دام باشد در قدم *
* چون تو با ما نی نباشد هیچ غم *

* تو * حقه خطاب در بیت آتی و مقام قرینه سیاه (معنای بیت) بودر که اگر
ایاقده و ایاق التنده نیجه نیجه دام و مصیده اوله چونکه یارب سن بزمه بله
سک هیچ غم اولماز و ازل دامن اندیشه چکلر زرا (فاذا هم مبصرون)
و قفجه سنکله اول دامی کورورز و قید بند اولمقدن خلاص اولورز و اول
مهلاکه ده هلاک اولمقدن نجات بولورز بوراده حقه معنی بحسب الظ
حفظ و حایت و امشالی معانی به محولدر یعنی حق تعالی مراد ابتدکی
قولانی عصمت و حفظ ایدر کر کسه یا غنی التنده طوزاق اولسون و حقیقت
معیت مکاشفه تامه ایله یلنور انکی چون اندن کشف رمز و فتح کلام ایتک
منهیدر نیکم سلطان المفسرین و ترجمان القرآن و مظهر خیر دعای الناس
یعنی ابن عباس رضی الله عنهما یور (بیئوا ما بین الله و ابهوا اما بهم الله)
بونده ایاقدن مراد صورت طبیعه و نفسیه در که نشأه عنصریه به
داردر قدم اطلاقه وجه بودر که قدم صورتا اعضاء انسانک آخری
اولدیغی کی صورت عنصریه انسانیه دخی مطلقا صورت انسانیه

اعضاسنك آخريد * زیرا صور عالم مطلقا صورت حقیقه انسانیه
اعضا کیدرو بونشاء حقیقه انسانیه اندن ظاهر اولان صورتک آخريد که
جبع صوره اعضا کیدر که انکله قائمدر پس صورت سفلیه طبیعیه
ونفسانیه نک نحتنده منالقی اقدام چوق وکند ودام اولاجق حیل و خدع
خفیه حددن ارتوقدر واکن قلب وروحه عنایت حق اولچق غصه
وغم قالمز و بریسی دام تزویر وکند تسویه گرفتار اولاز * و بونده مرشد
کامل دخی داخلدر زیر امطهر سر حق و مطلع نور مطلقدر پس سالک
اولان آنک نور ارشادی ایله طریق وصله مهتدی اولوب و بندغم فراقده قالمز
وقدم بقدم کیدوب یوان یا کلمز و مرغ دلی دام قیود ویرا زخدن تخیلصه
بحال بولور و آنکله رفاقت سبیلله نور انس ایله مستأنس اولوب هر دورلی
وحشدن قورتلور فطوبی ان کان الله معہ و کان المرشد رقیقه (لمحرره)
* بنله یار او اورسه یار کر چک * دیم اغیاره وار بندن الک چک *
* بنی صید ایتدی دام صلحله چون * دلدن کتدی اندوه چکا چک *

* چون عنایات بود بامامقیم *

* کی بود بی ازان دزد لئیم *

* عنایت * بر کیمه نک هدایتنه ارادت حق تعلق ایتسه اسباب مراد
اکا میسر و طریق طلب مطوی و جاده و محجه بیضا و زربنه محمول
وسر تدبیر نفس موهوب و هر سنه اکا تحبیب اولوب انکله منعم اولور
و برنسنیه بغض و مقت ایتمز مکر الله تعالی نک نادیب شرعی طریقله
مقتله امر ایتدیکی اوله عنایت دیدکاری بو جله در که ذکر اولندی
* لئیم * کریمک ضدیدر زیر الوهم ضم و همزه ایله ضد کرم در (معنای بیت)
بودر که ای حق چونکه سنک عنایتلرک بزمله مقیم وثابت اوله بز دن
انفکاک و انقطاع بولیه فن خوف اولور اول دنی الاصل وردی الوصف
اولان او غریدن یعنی بدخواه اولان بز ظفر بولماز و بزّه تسلط ایله
نائل مرام اولماز بلکه بز سنک عنایتکله بی خوف و بی باک چراغ افروز
اولورز و شمع هدایتله خانه دلی روشن قیلورز بعدذا عنایاتی جمع ایراد
ایلدی انواعی و کثرتی اعتبار ایله انکی چون اقامت وثبات ایله وصف ایلدی
زیرا عنایت چوق اولدیغنه کوره دوامی اولسه انسان خوف و خطر دن
خالی اولماز مثلا اخوان بسیار شفیر قبره دک وار مغله میت و حشدن

قورتلز و وزیری لئیم ایله وصف ایلدی زیرا بدخوی اولدیغندن او غری
اولمشدر بدخویلرندن بری حرص در که خلقک مالنی سرقه ایلر
وبری دخی بخلددر که امسالک ایلر و بری دخی اخفاء عیبدر که خانه صاحبک
چراغی افروخته اولدیغن استمز تا که کندینک عیبی ظاهر اولیه
(پس نفسک حالی دخی بوکا قیاس اولنه زیرا ظلمتک عیبی نورله
ظاهر اولغله نفس دخی ظلمانی اولدیغی جهتمدن خانه دلد
نور هدایت مشتعل اولدیغن استمز و قلب و روح حقدن فیض تجلی
بولدیغندن منقبض اولور و حسود در که جاری اولان دلاک سوء
حالن استر و ظلمانی اولماستدن انبساط بولور و بخیلدر که انانیتنی
بذل و ناسوتیتنی طریق لاهوتیتنه اقتضایلر دایما قلب و روحک خلافنه
چالشور مکر اول قلبه که حقدن عنایت اولوب تزویر نفسه الدانیه
و شیطانک آتش و سوسه سنه یانیه و دام ماسوايه طوتله وکند علاقاته
گرفتار اولوب قالمه * والله المعین *

* هر شبی از دام تن ارواح را *

* می رهانی می کنی الواح را *

* کنی * کاف عریینک فتحیله در که کسنددن قوپارمق معناسنه * الواح *
اوحک جمعیدر صحیفه عریضه معناسنه خشب اولسون عظم اولسون
بوراده الواحدن مراد ایداندر تشبیه طریقله تنک صائب شعرنده کلور
* صحبت غنیمت است بهم چون رسیده ایم * تا که دکر بهم رسد این
نخته پارها * بوندن اخذ اولور که دام الواحدن دخی انخاز اولور
پس دام لوحی پاره پاره اولسه ایچنده محبوس اولان مرغ و صیدار آزاد
اولدیغی کی جسد دخی منام ایله حسدن متعطل اولسه
روح آزاد اولور و بدنه اولان تعلق منقطع اولوب آشیان اصل اولان
عالم ارواحه طوغری یول بولور (معنای بیت) بودر که یا الله هر کجه
دام وکند کی اولان تندن ارواح انسانیه و نفوس ناطقه بی صالیورر
و آیررسن وارواح کی اولان جسدلری قوپارر و پاره پاره ایلرسن
یعنی الواحدن معمول و متخذ اولان دام پاره پاره اولسه ایچنده محبوس
اولان نسنه آزاد اولدیغی کی منام و یا انسلخ حالنده دخی علاقه
روحی بندن قطع ایدوب بدنی متعطل قیلوب و روحی اندن آزاد ایدرسن

زیرا اجزاء بدن حرکات و اعضا نیک بری بریله التیام و ارتباطی
روحیه در پس روح بدن مفارقت ابدی بک بدن عمل بدن معطل
واجزاسی کویا متفرق و پریشان اولور و کججه بی تخصیص
بالذکر ابدی زیر منام بحسب الغالب کججه ده اولور اگر چه
بحسب الحاجة کوندزده دخی او اورسه نیکم قرآنده کلور (ومن آیاته
منامکم باللیل والنهار) و انسلاخ دخی منامه قیاس اولنه بوسیدندر که
رسول الله علیه السلام وحی الهی وارد اولدقه ظهر لری اوزرینه
استلقا ایدر لدی زیر اول وقتنده روح انسانی تدبیردن مشتغل اولغله
جسمک قیام و قعودنی حفظ ایدر نسنه قائما زبناء علی هذا جسد دخی
اصلنه رجوع ایدر که لصوق بالارض در (وموت حالی دخی بویه در
ولکن منام و انسلاخ حالنده روحک ضوئی جسدک ظاهرندن
منقطع اولور فقط فاما موت حالنده ظاهر و باطنندن منقطع اولور
جیعا بوجهتند که خبره کلور (النوم اخو الموت) بعد ذامنم
عوام ناس و انسلاخ خواص ایچوند زرا عالم جسدندن مأخوذ اولوب
عالم مثاله و ارواحه ترقی و عروج اتک اهل مکاشفه نیک شانیدر و بومعنده
دخی متفوا تدر (زیرا هر مکاشف بقدر الصفاء معراج ایلر
(مر ویدر که شیخ اکبر قدس سره الاظهر حضر تلی اویچ وجهله
ارواحله اجتماعه قادر ایدی دیلر سه مراد ایدیک کسینه نیک روحانیت
بوعالمه استنزال ایدر و آتی صورت مثالیله ده متجسد ادراک ایدردی
شویله که اول صورت مثالیله انک حیات دنیاده اولان صورت
حسیه عنصریه سنه مشابهه و اول شکل و هیكله ایدی بعینه
من غیر نقصان و تغییر و تجسد ایدن مثالت ارواح اولیایه اختصاصی
بوغیدی بلکه انبیا بی دخی عموما صور حسنه لری اوزره ادراک ایدر
وسأراهم سابقه و امت لاحقه دن دیلر کلرن کورر لدی و دیلر سه
اوروحی منامده احضار ایدردی و دیلر سه کندی هیکلندن منسلخ
اول روحله مقام علویه مجتمع اولور دی و بومکن مذکور و اقتدار
مسطور شیخ حمز تلی نیک صحت وراثت لری آیاتندندر و بومعنایه
اشارت ایدوب قرآنده کلور (واسئل من ارسلنا من قبلک من رسلنا)
الآیه پس بوا آمده خطابک مقتضاسی بو در که رسول الله

صلی الله علیه وسلم جمیع ارواح عالیله اجتماعدن متمکن ایدی شیخ
حضر تلی دخی صحت وراثت حسبیله متمکن اولدی و بوا آمده طریق
تأویله سلوک ایتک قلت فهم سبیلله منزل مقصوددن دور اولغله دلالت
ایدر والله علی کل شیء قدير (لمحرره) * ضعف ادراکله بلمز بو *
* قوت کشف کر کد ریا هو * بو کاله ابر شمع استر سک *
* عشقه عقل قاصرک و آریو *

می رهند ارواح هر شب زین قفص

فارغانی حاکم و محکوم کس

* رهند * رهیدندن مضار عدر رهیدن قور تلیق معناسنده در * قفص *
بزده موجود اولان نسخه قدیمه صححه ده صادله واقع اولشد در
فاما ظاهر اولان کس لفظنه موافقت ایچون سین ایلله اولمقدر صادله
عربیدر محبس الطیر معناسنه و عجم سین ایلله قفس دیر و صادله
دخی استعمال ایدر فاما لسان فارسیده اصلده صاد حرفی یوقدر
زیرا صادده صفت استعمال و اطباق مجتمع اولدیغی جهتندن غلطندن
خالی دکدر پس اولکه بوداده صادله مستعملدر یاغیری السنه دن
منقولدر قفص کبی و یا تحریفات عوام دن کلشدر صد کبی
یعنی صد لفظی که یوزدیمکدر مائه کبی اصلده سین در صکر تحریف
عوام و غلبه استعمال ایلله صادله تلفظ و کتابت اولندی * نی حاکم کس
ونی محکوم کس تقدیرنده در نی اصلنده نه در نون نافیه و هاء غیر
ملفوظه ایلله نامرد و نادان و امثالک نوناتی دخی بویه در و لیکن گاه
اولور که هاء غیر ملفوظه دن بدل باء ملفوظه کتوروب کسر نونله نی دیرلر
و تقدیر مابعدی یا اولان نون نافیه و اریسه فتحی و کسری جائز در
نیکم نیامد دیرلر فتحله و کسرله (معنای بیت) بودر که مرغان
ارواح هر کججه افقاص ابدانندن خلاص اولوب قورتلورلر فارغ
و آزاده اولدقلری حالده که نه کسه نیک حاکمی ونه کیمسه نیک محکومیدر
زیرا بدنه تعلقلری اولدقجه اعضا و قوائک حاکمی و ذی روحک محکومیدر
فاما بدندن مفارقتدن صکره بو معنی زائل اولور اگر چه محکوم
حق اولمندن خالی دکدر (بوندن فهم اولور که حاکمیت و محکومیت
قید و علاقه قیامندندر نیکم کلستانده کلور * سخت است پس از جاه تحکم

بدن * روح ایه قبل اتعلق بو محکومیتدن آزاد ایدی فاما بعد اتعلق
غیره محکومیت ایله شفته دوشیدی پس هرگاه که منام و یاغیری وجهله
بدنن مفارقت ایده قیدتدیر و حکومت و بند محکومیتدن قورتلور
و بوستانده کلور * نکهبانی ملک و دوات بلاست * کدایادشاهست
نامش کداست * یعنی کداودر ویش مقوله سی کسه نک حاکی
و محکومی اولمق حسبیه باشنه سلطاندر پادشاه ایه غیرک قیدیه
مقید در سبب ثقلت و شدت روح بودر که روح سلطانینک کرچه
بدنه حلولی بوقدر فاما تدبیر و تصرف ایله اکا تعلق ایتشد در بدن ایه
کشیف و روح ایه لطیفدر و لطیفک کشفه تعلق همان بر مرغی قفسه
حبس ایتک کبیدر (پس قفس جو هواده طیراندن مرغی پابند
اولدیغی کبی تعلق مذکور دخی عالم علویده سیراندن روحه کند
اولشد در و عالم علوی آنک جلوه کاهیدر بناء علی هذا هرگاه که
مقام اصلینه عروجه سبب حادث اوله بدن منامله مستریح
اولدیغی کبی روح دخی اصلنه رجوع ایله سکون بولور (سؤال
اولنور سه که روح سلطانی منام و یا انسلالیه بدندن
مفارقت ایدیک بدن نه ایله قائم اولور (جواب بودر که
روح حیوانی ایله قائمدر که روح سلطانینک پرتویدر و بور روح
بدنه ساری و مبداء آثار و حرکاندر * نیکم عنوان کتابده کدر ایدی *

* شب ز زندان بی خبر زندانیان *

* شب زدوات بی خبر سلطانیان *

* زندانیان * زندان اهلی یعنی زندانده محبوس اولنر و سلطانیان
سلطان اهلی مقصود سلطنت اهلی دیکدر تا که ماقبلنه موافق اوله
فافهم (معنای بیت) بودر که کجه ایچنده و خواب حالنده اهل زندان
اولنر زنداندن و اهل سلطنت و دوات اولنر دخی دوات و سلطنتدن
بی خبر و ناگاه لدر زیرا منام ایله حس دن غائب اولوب زندان و دوات
ملاحظه سی قالماسز شویله که زندان ایله سرای بر او او رواهل
ذلت ایله عزت برابرلوق بولور نیکم دیشلردر * پادشاهیله کداسی
هله یکسان انجق * الحاصل اهل حبس و قید اولان خواب ربوده آزاد
اولدیغی کبی اهل اطلاق اولان دخی بند بدندن مطلق اولور

بونده اشارت واردر که وجود انسان بر زندان کبیدر که حواس
ظاهره انده اهل زندانه مشابیه و حواس باطنه حرم و خدام سلطانه
مائلدر و چون انسان منام و یا انسلالیه حس دن مأخوذ اوله
حواس ظاهره و باطنیه ادراک و شعور قالماسز بلکه جله سی معطل اولور
و تدبیر بدن شویله قالور زیرا سلطانک غیبتی فتنه سپاهیه باعنددر
نیکم شعروسی ده کلور * عشاق بر بر بنه دوشر کور مسه سی *
اولور همیشه غیبت شه فتنه سپاه * زیرا فتنه دن مراد عدم انتظام
اموردر مطلقا انتظام وجود ایه روح سلطانینک تعلقنه منوطدر
و بوندن فهم اولنور که روح سلطانی بوجه دن فنا بولدیغی منزل
وصله بول بولاسز کرچه کمالاتی دخی بولرک و سلطانیله حاصلدر
ولکن فی نفس الامر حواس ظاهره حجاب ظلمانی و حواس باطنه حجاب نورانی
مقوله سیدر و بویکی حجاب دخی نور الانواره پرده درو حجاب نورانی حجاب
ظلماندن صکره در یعنی عروج و معکوسد یعنی نزول و کجه محل وقاع
اولدی زیرا ذوق و صلت و قربته رمز ایدر که بحسب الغالب کجه ایچنده
معراجله حاصل اولور فاعرف جدا * والله المعین * و علیه التکلان *

* غم و اندیشه سود و دوزیان *

* خیال این فلان و آن فلان *

* خیال * یقظه و یا عنانده تشبه ایدن صورتیه دیرلر که قرالتی ایله تعمیر
ایدرلر بوراده تخیل و تصور مراد اولنور یعنی برنسنه بی قوت خیالیله به
القائتک بعد ذابو کلمه بو محمله زیاده موقعنده واقع اولشد در کمالیخی
فلان ضمه اسماء عقلا دن کنایه در معرف باللام اولسه غیره اطلاق
اولنور (معنای بیت) بودر که مرغان ارواح منامله اقفاص اجساددن
طیران و اول قیددن خلاص اولدقلرنده نه سود و زیاده متعلق غم و فکر
قالور و نه بوشخص و اول شخصی تخیل و تصور قالور بلکه بوجه نک
صوری آینه دلدن زائل او اور و لوح خاطر صورت هیولانیله بولور
بوندن اخذ اولنور که انسانک بواندیشه و خیال ایله مبتلی اولدیغی
روح سلطانینک جسده تعلق حسبیه در انکیچون حیوانات مجرده بوقید
بوقدر زیرا انلرک روح حلی روح حیوانیدر فقط و بونده سود

وزبان ایله ترقی و تنزله و این فلان و آن فلان ایلله مراتب و اطواره
اشارت و ار در زیر امداد مکه روح سلطانی علاقات بدینیه دن خلاص
و عوائق نشاء عنصریه دن نجات بولیه اطوار و مراتب ایچره ترقی
و تنزل دن خالی دکل و افکار تقلبات ایلله مبتلادر پس چونکه کندی
مقامنه عروج و ذروه عالم ملکوتیه صعود ایدوب سیر و سلوک تمام اوله
و قیود و پراز خدن گذر ایدوب سود و زیان ملاحظه سندن سلامت
بوله بردخی کدر قالم از بلکه موتایه و یا منامده اولنره ملحق اولور الحاصل
غم و اندیشه عالم انیثیت و مقام تفرقه نك حکمیدر عالم وحدته
و صولده ایسه شرکت وجود محو اولوب اضافات و قیوددن اثر قالم از
پس وقت تجلی وقت استار کی دکلدر و مقام فنا و بقا بری برینه
مغایر در بوجهتنددر که ارشاد ناس ایچون مقام بقایه رد اولنسان
مر شدرا خس ناسک مبتلا اولد قلمری اوجاع و مصائب و انواع بلا یا ایلله مبتلا
اولوب سائر لردن فرقلری قالم از اگر چه بحسب المعنی میانده فاروق عظیم و ار در

حال عارف این بودی خواب هم *

کفت ایزدهم ر قود زین مرم *

* عارف حق تعالی نك ذات و صفات و اسماء و افعاله نك اسرار نه
اواقف اولاندر نتکم عارف بالله دیرلر عالم بالله دید کلری کی و حدیثه
کلور (ان من العلم كهیئة المكنون لا یعلمه الا الله) * ایزد * زای معجزه نك
فقیله لسان فارسیده باری تعالی نك علیمدر لسان عربیده کی لفظة
الله و لسان ترکی و چلب کی * هم ر قود * قرآنده اصحاب کهف
حقنه کلور (و تحسبهم ایفاظا و هم ر قود) ایفاظ یقظک جمیدر
قافک کسری و فقیله یقظان معناسنه که اویانق کسه در ر قود
راقدک جمیدر نائم معناسنه که یقظانک ضدیدر و لکن بعضی قاتنده
رقادک کیجه یه اختصاصی و ار در یعنی ای خطابه صالح اولان کسه سن
اصحاب کهنی اویانق لظن ایدرسن هیئت ناظر اوزرینه کوزلری آچق
اولد یقظدن حال بو که انلر منام حالده در * مرم * نهی حاضر در
زیرا میم ناهیه در عربیده لک کی رم فقیله امر در میدندن اورکک
معناسنه (معنای بیت) بودر که عارف بالله و واقف عن الله اولانک
حالی هم بو اولور بی خواب و بی منام یعنی غیر یلرک روح برینه منام

حالده حاصل اولان معنی بولنره یقظه ده دخی حاصلدر زیر حق تعالی
قرآنده پیوردی (هم ر قود) بوندن اور که و نفرت ایلله مضطرب
اولوب انکاره دوشمه زیرا بر کسک ادراک ایدمه مدوی نسته معنی
قرع ایتسه انکاره مسارعت ورده مسابقت ایدر و انسان یقظه
حالده نیچه راقد و نائم و متحرک و ساکن اولوب ضدینی جمع ایدر
پس بولیه دیدیکی و انکار ایلدیکی قیجدر و واقعیه مطابق دکلدر
زیرا اصحاب کهفک دیدلری هیئت ناظر اوزرینه متفتح اولدیغی
حالده او چیوز طقوز سنه او بودیلر صکره حق تعالی انلری احیا ایلدی
یعنی منام لردن بعث و ایضا ایتمی نتکم سوره کهنه میندر (پس
بو معنائک عبارتق اصحاب کهف صوری و اشارتی اصحاب کهف
وجود حقیقی حقنه در یعنی اهل الله دخی یقظه حالده حمله مشغول
و معاملات خلقة متوغل ایکن روحلری عالم معنایه عارج و جسد لردن
کویا خار جدر شویله که نائم اولان کسه حس دن مأخوذ اولدیغی کی احوال
اجساددن بی شعور لر و احکام ابدانندن منسلخدر نتکم (الم نشرح لك
صدرک) بوسره رمز ایدر یعنی عارفه شرح صدر واقع اولد قده خلقله
حقندن و بالکس مخجب اولد از ویو معنایه تلویج ایدر اول حدیث
صحیح که کلور (صنف من اهل الجنة لا یستر الرب عنهم ولا یخجب) و بو
معنی یقظه و منام حالده شا ملدر نتکم (بنام عینای و لابنام قلبی) اکا
شاهددر اهل الله ایسه جنت عاجله ده در (پس انلرک دیدلرندن
حجاب بالکلیه مرفع اولوب هر حالده روحلری جمال حقله مستأنس
و احوال عالیدن بی خبر در و آیه مذکوره ده بطریق الاشارة
بر معنی دخی و ار در که کهف وجود مجازی اصحابه کوره در پس
دیمک اولور که سن کهف وجود مجازی اصحابی کورد که ایفاظ
و احیا ظن ایدرسن زیرا حیات و آنک لوازمی اولان صفاتله بحسب
الصورة متصف لدر حال بو که حقندن غافلر و حقیقت حیاتدن محروملر
و صورت احیاده موتی لر در زیرا انسان حیوانینک حیاته اعتبار
بو قدر انکیچون قرآنده کلور (او من کان میتا فاحیینه) الایة بلکه
انسان حقیقتنک حیاته اعتبار و ار در انکیچون قرآنده کلور (احیاء
عند ربهم) الحاصل انسان حیوانی عند الخلق احیاء و عند الله

موتی در بو جهنم ندر که تنزیده کلور (وتراهم ينظرون اليك وهم لا يبصرون) نتكم اصحاب كهفك دیده لری منقح ایدی ولكن فی الحقیقه رؤیتدن مأخوذ لری وانسان حقیقی عند الخالق احياء صوریه وعند الله احياء صوریه ومعنویه در وقتاء تام اهل اولد قلمی جهنم دن انلره موتی دیمك دخی وجهدر زیر ارادات نفسانیه وملاحظات ماسو وادن فنا بولمش لردر بوسیدندر که حدیثه کلور (من اراد ان ينظر الى ميت يمشي على وجهه الارض فلي نظر الى ابني بكر) پس بوموت ونوم مقبول و (الناس نيام فاذا ماتوا تيقظوا) خبرنده مذکور اولان موت ونوم غیر مقبول زیرا بونوم له مراد نوم غفلت وموتله مراد موت اضطرار یدر بوخسه ماسوای حقندن ذهول وموت اختیاری دکلورو بوندن غیری کلام دخی آیت مذکور اوزرینه بعض تحریر اتمزده در که بطریق الورود در بعد ذابنده مندرج اولان مرمر لفظی بحسب المعنی زیاده موقعنده واقع اولمشدر زیرا ایهامدن خالی دکلور نتكم قرآنده کلور (لواطاعت عايتهم لوليت منهم فرارا) یعنی اگر سن اصحاب كهف اوزرینه مطلع وهیئت غربیه وموحشه اوزرینه نام اولد قلمینه ناظر اولسك فرار طریقله انلردن روگردان اولوردك ونظر اتمكه تحمل ایده مزدك اگر چه بومعنی فی الحقیقه انلرك مشتمل اولدیغی امور غربیه ووقوف واسرار عجیه به اطلاع ندر والا افراد امتك فرار ایتدیگی نسنه دن نبی عظیم الشان نیجه فرار ایدر پس مرمر ایهام ایدر که کویا اور کوب فرار اتمك آنلرك دیده لریك انفتاحی وهیئت لریك زیاده هیئت ندر ولله در الناظم العارف (لحرره) صورت قهره باقوب ایتمه فرار لطف معنی یوزندن ایله قرار

خفته از احوال دنیا روز و شب

چون قلم در نیجه تقلیب رب

قلم قامشدر و یا خود یونلد قد اسمیدر بوراده مراد بودر نیجه پنج بشدر نیجه اسمدر معروف اولان مسمی ایچون پس آخرنده هاء غیر ملفوظه نسبت واختصاصیچون اولور اسان فارسیده نظاری چوقدر غنیجه ونظاری کبی تقلیب برنسنه بی قلب اتمك یعنی چورمك ودوندر مگرد بونده نیجه وتقلیب تمثیل طریقله در وحدیثه کلور (قلب المؤمن بین اصبعین من اصابع الرحمن) معلوم اوله كه اصابع الرحمن صفات حقندن

عبارتدر حیوت وعلم وقدرت وارادت وقول کبی وانامل انسان بوصفات حسك مظاهر یدر واصبعین جمال وجلاله اشارتدر یدین کبی که جمالك حکمی بسط وجلالك اثری قبضدر وقلب مؤمن بوایکی میسانده در (معنای بیت) بودر که عارف بالله وحقندن آگاه اولان کیجه وکوندن یعنی جمیع اوقاتده وجهله احوالده احوال دنیساند ایومش وکوزلرین آلایش غفلتدن یومش وماسوای حقندن ذاهل و بی شعور در بناء علی هذا قلم کبی حق تعالیك نیجه تقلیب ودست تصر فنده در یعنی کاتبه قلم مسخر اولوب نوجهله دیلر سه آتی تحریک ونه کونه رقم استرسه تخطیط ایتدیگی کبی عارف بالله دخی فنا وتسلیم تام ایله حقه منقاد وآتك دست تصر فیه مقبوض اولغله حق تعالی مرادی اوزره آتی بر حالدن برحاله نقل وبر صورتدن بر صورتیه تقلیب ایدر اصحاب كهفنی تقلیب ایتدیگی کبی نتكم قرآنده کلور (ونقلبهم ذات اليمين وذات الشمال) الحاصل قلم کاتب النده واصحاب كهفك تقلبلرنده بی شعور واختیار اولدیغی کبی اهل الله دخی حرکات وسکناتده بی اختیار و بی شعور لردر پس جمیع تقلبات واوضاع اهل فنا حقه مضاف وآتك تأثیرینه منسوبدر وبونده اشارت واردر که بلا واسطه المشایخ اولان تربیه هر چند حقه مضاف اولوب مرید اولان کسه استسلا مده غسل النده میت کبی اولسه دخینه مبلغ رجاله بلوغ ومقام کله وصولی مدت مدیده به موقوفدر اصحاب كهف کبی که اوچبوز طقوز ییل تقلیب اولندیلر فاما خلفاء حق وصور لطف مطلق اولان مشایخ وساطتیه تربیه اولشان مرید مدت قلیله ده مقصوده دسترس بولور زیرا بصورتده اخذده سهولت واردر نظیر لری ثمرات جبلیه وفوا که بستانیه در یعنی جبالبه حاصل اولان میوهل تربیه واسطه سیه اولما غله زمان طویلده وجوده کلمدیکند ن ماعدا تمکین ولذین دخی دکلور فاما بسا تینده تربیه ده اقاین ایله حصوله کسن میوهل هم زمان قصیرده وجود پذیرو هم شهی ومر غوب اولور (لحرره) باغ عالمده میوه در انسان تربیه ایله اولور بتر آسان شویله که بی تربیه در عالمده بی نمکدر مر کوه بسان

آنکه او نیجه نه بنیند در رقم

فعل پندارد بجنبش از قلم

رقم بازیدر خط کبی مرقم کسر له آلت رقم و کتابت در که قلم دید کربدر
و بوراده رقم و تقلیب ورق و قودی جمعه مناسب ظاهره و لطافت زائده
وارد در زرقیم اصحاب کهفک قریه سی و یا جلی و یا کلبی اسمی و یا بر اوج
رصاصدر که آند نسبلری و اسملری و دینلری و نه سبیدن فرار ایتدکاری
مر قوم و منقوش ایدی جنبش جنبیدن لفظندن اسم مصدر در
دپرنش و حرکت معناسنه (معنای بیت) بودر که اولکمه که رقم و خطده
کاتبک پنجه سنی کورمیه فعل کتابتی قلمک جنبش و حرکتندن ظن ایدر
مع هذا قلم واسطه و آنک حرکتده مؤثر اولان کانبدر قلم آک آنده مسخر در
پس محبوب اولان نفس قلمه و مکاشف اولان صاحب قلمه نظر ایدر
انکی چون اهل فنا بر نسنه نک یوزندن منفعل اولمازلر مثلاً نفی بلد و یا ضرب
و یا غیری طریقله اذی و جفا اولسنه لر بیلورلر که بواشیلرده واسطه
اولسلر کاتب آنده قلم کیدر بناء علی هذا کاتب حقیقی اولان حقه نظر
ایدرلر و قلم وار اولان و سائطندن شکایت ایدوب اغلزلر و هر کاری
الله تعالی به اضافت ایدرلر که مؤثر حقیقیدر و اول تأثیر و تقلیبک تحتده
فناء تام بولورلر شوقدر و اردر که اصحاب کهفی تقلیب ایتک منامده
و بونلره یقظه ده واقع اولدی و لیکن ایکسی دخی حقه اضافت بولدی
پس بوندن اخذ اولندیکه اول معنایی که اهل منام اولسلر منام حالنده
مشاهده ایتدیلر اهل فنا آنی یقظه حالنده مطالعه قلدیلر زیرا حسک انلره
کوره بجاییتی بوقدر بلکه روح مجسم مرتبه سنده تمثیل و ارواح عالیه کبی
روح و تشکل ایشیلرد رسا اهل حجاب ايسه بویله دکلد ر
انکی چون منامله احوال عالمندن منسلخ اولورلر و عالم مثاله دخول
ایتکله چهره مقصودی مکاشفه قیلورلر و بوندن فهم اولندیکه خواص
ناس عوامله مشترک و یقظه حالی ايله متفرق و متمیز لردر (لمحرره)
عاشقه اواسه فچن لطف لطیف جسد یک روح و ش ایدر ناطیف
بو اطاقتله او جسم پاکک * بر اولور چشمه لطیف کشیف

شمه زین حال عارف وانمود

خلق راهم خواب حسی درر بود

شمه جزئی نسنه معناسنده استعمال اولنور تفصیلی کذر ایتشدر زین
اصلنده زاین در تخفیف ایچون لفظاً و خطاً همزه ساقط اولشدر این قریب

ایچون اسم اشارتدر عربی ده کی هذا کی بوراده مشار الیهی مابعدنده
اولان حال عارفدر * وانمود * والفظی زائدر مکشوف و عیان معناسنه
فاعلی رب العالمین در که بالاده مصر حدر * خواب حسی * خواب غفلتندن
احترازدر پس بوندن فهم اولنور که هر خواب حسی ده غفلت اولماز
نتکم حدیثده کلور (بنام عینام و لا عینام عیناقلی) فاما هر یقظه دخی
خواب کیدر بناء علی هذا خلقت مناملری منام ایچنده منام اولور فاما
اولکه تنزیلده حضرت یوسف علیه السلامدن بطریق الحکایه کلور
(یا بابت هذا تأویل رؤیای من قبل قد جعلها ربی حقاً) یعنی حضرت
یوسف مقدمه **ک** وردیکی رؤیایی حقه تعبیر ایلدی یکی مقام نبوته
کوره در که حقیقت عیانیه در و یا خود ظاهره منیدر وجود خارجیسی
اولدیغی جهتندن و الا حق اولدیغی حالده ینه خیالندن خالی دکلد ر
بعد ذاهس حرکت و صوت معنای ینه کلور و بهض مواضعده حاسه
ایله ادراک معناسنه دخی مستعملدر حاسه اول قوت در که انکله اعراض
جسمانیه ادراک اولنور حواس مشاعر خسه دیرلر و خواب حسی دندلدی
زیرا حس ظاهره متعلقدر که آنک سببی ايله ضیاء روح طاهر بدندن
منقطع اولور (معنای بیت) بودر که عارف باللهک شوشو حالی که یقظه
حالنده احوال دنیاد ن بی شعور اولدیفیدر الله تعالی اندن جزئی
و برغونه بی کوسه تردیکه عامه خلقی هم خواب حسی قایدی و زبون
ایلدی و غایبه قلدی شویله که اول خواب سببیه احوال بشریه و احکام
ظاهره دن بی خبر و بی ادراک اولدیلر کویا دایره ولایتیه قدم باصوب
حقه توجه و اقبال و انسلاخ بولدیلر معلوم اوله که نوم راحت بدن
و مجاهده اتعاب بدندر پس ایکسی متضاد اولورلر و حقیقت نوم حواس
قلبی فتح ایچون حواس بدنی سد ایتکدر و منامده حکمت بودر که
روح قدسی و یا لطیفه ربانیه و یا نفس ناطقه بو جسم سفلی به تعلق حسبیه
غریبه دوشمش و آنک اصلاحنه و جذب منافع و دفع مضارینه مشغول
اولش و انده محبوس و مقید در مادامکه انسان یقظاند ر پس فچن
خوابه وارسه مکان اصلی و معدن ذاتی سنده ذاهب اولوب لقاء ارواح
و معرفت معانی و غیوب واسطه سیله مستریج اولورلر بر عالم ملکوتیه
ذهابی وقتنده شمول معانی به ملاقی اولور که عالم شهادتده آنک

مثالین کورر * بوسیدند که رؤیا تعیراوانور تا که صور مرئیه دن
معانی حقیقه عبور وانتقال اولنه وچن مشاهدتی سبیل الله نوم
واسـتراحتی ترك ایلسه اجزاء ترایه و مایه و ناریه و هوایه سی ذوبان
بولوب قلب حجبیدن عاری اولغله چشم دل ایله عالم ملکوتیه نظر ایدر
وبوسیدن لقاء حقه مشتاق اولور پس بوتقیردن مولانا قدس سره
خواب حسی بی عامه خلقه اضافت قلبی فنک سری منکشف اولدی
زیر خواص ناس ذکر اولنان معنایی مطالعه ایچون عوام کبی خواب حسی به
محتاج دکلر دز شول معنادنکه پرده لری زائل و حجاب لری محرفدر
پس دائماً عالم ملکوتیه ناظر و مقام معناده حاضر در و بعضیلرینه
دخی نفس منامه ضرورت اولما مشدر نتکم حضرت ادریس علیه السلام
اون الی سنه اصلا اکل و شرب ایتمدی و قطعاً او یومدی اگر چه خوابه
وارسه دخی غفلتدن بریدر نتکم بالاده اشارت اولدی و صائب
شعرند کور * مشو بمرك زامداد اهل دل نومید * که خواب مردم
آگاه عین بیدار یست * و بوند فخر عالم صلی الله علیه وسلم سائر
اکامل ناس اوزرینه فضل و شرفی ظاهر اولدی شول جهتدنکه
انلرده حظ جسد اولان منامه رعایت بولندی مع هذا مناملری
روحه سبب احتیاج اولدی و بلکه منام و یقظه یانلرنده برابر اولدی
بوسیدن بعض احیانده اضطرار و استناده نوم بولنده تجدید
وضوء ایتمزل و صلواتی طهارت اولیه اوزرینه بنا ایدر لدی

رفته در صحرای بی چون جا نشان *

روحشان آسوده وابد انشان *

* رفته * ماضیدن قسمدر کتمش معنانه صحراء دوزیره دیرلر که لین و غلطی
مشمول اوله و یا خود فضای واسعه در که آند نجات اولیه * بی چون * اشباع
واوله عرییده کیف معنانه در بوراده ایکی احتمال وارد اولکبسی صحرای
بی چون مضاف اولمقدیر پس بصورتده بی چون ایله مراد الله تعالی و صحرا دن
مقصود عالم معنا و مثالدر که حقه مضافدر نتکم قرآنده کور (فسبحان الذی
بیده ملکوت کل شیء) یعنی هر نسنه نك ملکوت ومعنی و حقیقتی حقیق
یدقدرتیه مقبوض و اکامشخردر اگر چه ملک ظاهر و صورتی دخی بویه در
نتکم تنزیه کور (له ملک السموات والارض) ایکنجیسی بی چون صحرا به

صفت اولمقدیر زیرا ذکر اولسان عالم ملک و حس کبی کیفیتدن
سؤال اولماز زیرا کیفیت یوقدر شول جهتدنکه عالم لطیفدر پس
لطیف اولان عالم ملکوت کشیف اولان عالم ملک قیاس اولماز و آنده
سؤال کیفیت بولماز * جان * بوراده روان معنانه در که روح انسانیدر
نتکم روح عبارتتی اکفرینه در زیرا منام حالنده بدنندن مفارقت ایدن
روح سلطانیدر روح حیوانی دکل والا حیات بالکلیه منقطع اولوب
موت لازم کلور منام ایسه موتک غیریدر اگر چه آنک برادری و نظیریدر
نتکم مرور ایتمدی * ابدان * بونک جمیدر شرحی اشفیده تن مجلده کلور
(معنای یدت) بودر که صحرای حق بیچون و یا صحرای بیچون اولان عالم
معنی و ملکوتیه بطریق اکسیر جانلری کتمش و خواب سبیل روحلری
و بدنلری آسوده اولمش و راحت بولوب دکلتمش مقصود حالت خوابده
سیر معنوی حاصل اولدیغنی و روح و بدن راحت بولدیغنی بیساندر
بدنک مستریج اولدیغنی ظاهر در روحک مستریج اولدیغنی بالاده بیان
اولندی و قرآنده کلور (ومن رحمته جعل لکم اللیل لتسکنوا فیه ولتبتغوا
من فضله و لعلکم تشکرون) یعنی کیجه حقیق رحمتی اولدی اظلامی
جهتیه نوم و قرار ایله استراحتدن اوتوری و کوندز دخی طلب معاشه
مدار اولغله رحمت اولدی بعدذا عالم مذکور دن صحرا ایله تعیر ایلدی
زیاده وسعتنه بناء پس عالم ملک عالم ملکوتیه کوره ضیقدر شویله که
صحرای بی نهاییه وسطند و وضع اولمش حلقه کبیدر * و کرسی * کریم
و عرش عظیم ایله دائره دنیویه و کره ارضیه دخی بویه در بوسیدن
دیشلردر که عوالم اون سکرز بیکدر که ادناسی دنیادر و بر عالم واردر که
آنک خانه لری نیک هر بری بودنیا قدر و بلکه دخی واسعه در پس عالم کونک
بو قدر وسعتی اولیحق عالم معنائک نیجه اولمق کرک قیاس اولانه انکیچون
نفس انسانی عالم ملک ناظر در که محصور در و قلب انسانی عالم ملکوتیه
متعلقدر که بی نهاییه در بوسره منیدر که حدیث قدسیده کلور
(ما وسعنی ارضی ولا سمائی ولیکن وسعنی قلب عبدی المؤمن) و بومعنا به
دائر در که قرآن کریمده کلور (والله واسع علیم) صفات
الو هیات ایله اتصاف ایسه بنی آدمک مرتبه سیدر نتکم حدیثده کلور
(تخلقه و ابخلق الله) و روز قیامتده اولیا به عنوان کتب الهی بودر

(من الملك الحي الذي لا يموت الى الملك الحي الذي لا يموت) فافهم
فقد صرحت ما رمزت وفتح بعد ما اغضت * لحرره * وسعت دل
ندر و اشباد * حوض آبه كوره در بای محیط * نسبت حلقه كوره
با خود * اولدی كویا كره ارض بسیط * والله المبین نعم المولی

✽ واز صفیری باز دام اندر کشی ✽

✽ جله رادر داد و در داور کشی ✽

• صفیر • صقلق دید کوری آواز در که بالاده شرح اولمشدر بوراده صفیر
ودام و باز تناسب طریقله مذکور و تشبیه و تمثیل جهتله مسطور در
زیرا ابدان مفاقت ابدان ارواح دام و قفسدن آزاد اولان مرغان کبیر
تعالی حالی دخی بوکا قیاس اولنه و بوراده باز اگر چه کرو معناسنه در
فاما طغان معناسی حسبلله ایرادی لطافتدن خالی دکلدر کشی خطا بدر
پس بو بدیده غیبتدن خطابه الفات وارد * داور * حاکم و حکم و قاضی
و خدای تعالی و خصم معناسنه دخی کلور فصل خصوصیت ایتسبلله
حاکم داور دیرل ظاهر بودر که اطلاق مجاز بدر کافی الدقایق بوفقیه
فهم ایتدیکی بودر که بوراده داد یا حق معناسنه در زیرا داد عدلدر
و عدلک مقتضای احقاق حقدر و داور خصم معناسنه محمولدر زیرا
حقک ظهور و جوتی خصوصیت و مرافقه ایلدر و یا خود داددن مراد
انتقامدر زیرا عدل فضلک مقابلی اولغله انتقام مراد اولمق دخی و جهدر
نتکم بومعنائی اشعار ایدوب بوستانده کلور * ستاننده داد آنکس
خداست * که نتواند از پادشه داد خواست * (معنای بیت) بودر که
و بر صفیر و ندا و تنبیهدن روحلری کرو دام کبی اولان بدنلره چکر سن
و بیدار ایتکله آنده حبس ایدرسن و بو حبسک حکمی بودر که اول
ارواح جله اصحابی حق و یا خود انتقام و خصمه مرافقه چکر سن
مقصود ارواحک ابدانه تعلقندن صکره حاصل اولان کشاکش
و چکاچکی بیان وحل و عقد و دار و کبری عیاندر که قبل التعلق ابدان
وارواح بواسطه ضرب و محاکمه و نجا ذیدن بریلر و خلقله دست و کریبان
اولمق لباسندن عریلر ابدی و جائزدر که تعلق مذکور حسبلله احکام
و تکالیفه مربوط اولدقلرینه اشارت اوله کویا قبل التعلق اهل جنت
مثالدر که بند تکالیدن آزادلر و بعد التعلق اهل دنیا اولورلر که تکالیف

مذکور ایله مقیدلر در بونده اول آیه اشارت واردر که الله تعالی بیورر
(الله يتوفى الانفس حين موتها والتي لم تمت في منامها فيمسك التي قضى
عليها الموت ويرسل الاخرى الى اجل مسمى) پس صفیر لفظی ارسال
معناسی تمثیل اولور و جائزدر که السنه اهل ملکوتدن ندا طریقله بدنه
رد اولنه لر و بونده رموز واردر اولکبسی بودر که بدن انسان دنیادن
و روح عقبا بدر پس آدم علیه السلام جنة المأوی دن ارضه هبوطله
حامل تکالیف اولدیغی کبی روح دخی بدنه تعلق ایلله حامل امانت اولدی
ولکن انساك جنته دخولی دنیادن اولان بدن اعتبار ایلله دکلدر
بلکه قلب و روح اعتبار ایلله در که آخرتده بدن مؤمن تطف ایدوب روحله
برابر اولور بومعنادن در که رؤیته طاقت کتورر و اولکه حدیثده کلور
(حبیب الی من دنیاکم ثلث) مقصود دنیاده حاصل اولان اوج نسبه
تحیب اولندیغن ییاند پس بوندن صلوۃ دنیادن اولمق و رسول الله
صلی الله علیه وسلم جسدا یتلر ایلله دنیادن اولمق لازم کلز ایتکیجیسی
بودر که روح بدن مفاقت ایتدکده بدن میت کبیر که امر و نهی ایلله
مخاطب دکلدر پس جسد اول حالده نه مرضی و نه مستخوطدر زیرا
رضی و مستخط موافقت و مخالفت ایلله در جسد مجرد ایتسه موافقت
و مخالفته قادر دکلدر او جنبیسی بودر که مذکور اولان داد و داور عوام
ناسه کوره و الا خواص ناس ایتکی حالده بله ساکن و صامت و منجمدلر در
اگر چکه انلره کوره دخی الی وقت الموت تکالیفک سقو طی بو قدر
در دنجیسی بودر که سالک راه اولنلر وصول حقله فناء تامدن صکره
تکمیل وجود ایچون بشریتدر اولونورلر تا که وجودلرنده بقیه قلوبوب
غدا یمنویلرن استکمال ایدلر و یا خود ارشاد ناس ایچون حکم ظاهره
تنزیل اولنورلر تا که آنلرک بوزندن ار باب استعداد پرورش بوله لر و هریری
واصل حق اوله لر پس بونده طاعت و عبادت و تکالیف حقله تقید
ایتکده منفعت و مصلحت نه ایدوکی ظاهر و باهر اولدی بوسیددن در که
عوام و خواص حقله تکلیف باقیدر شوقدر وار در که تزکیه نفس
حصولندن صکره وجود تکلیف نفسده دار دکلدر بلکه آفاقه راجعدر
زیرا انسان کامل نسخه کبری و غدا یمنویلر پس جمیع اشیا تک
اجزا و اعضایی کبیر و اجزاء و اعضا مرتبه سنده اولان ناقصلر

تکمیل ایله ما مور او لیجق انسان کامل دخی انلره متابعت طریقیله ما مورد
تا که مقام حقنی ایفا اید مثلاً زکوة و صدقه ایله امر وارد اولوق رزیه
بخل و امساکی ازاله و نفسی اندن تزکیه ایچوندر پس بورزیه دن نفسی
تزکیه ایدن دخی ایتمینه موافقت ایچون صدقه و زکوة ورر و اتفاق اندن
ساقط اولماز فاعرف جدا بشنجیسی بودر که هر سنه نك حصولی
امر تکیونی به می بوط و خطاب حقه منوطدر انکیچون ارواح هر جوع
ابداله خطاب عزت اولد قجه تعلق ایتمدی خصوصاً که ارواح علویه نك
ایدان سفایه به تعلقاتی امر منفور و مفوضدر انکیچون روح آدم علیه السلام
جسدنه کرهله دخول ایتمدی پس خطاب حقه لذت و استماعنده
حلاوت اولغله سهولت تعلق حاصل اولدی و ارواح بعد الخطاب یراورن
والدی محرره امر حق اولمایدی جانه اگر کیم دیرایندی جسمه باش اگر

چونکه نور صبحدم سر برزند

کر کس زرین کردون برزند

* چونکه شرطدر جوابی بیت آتیده در سر برزند ظاهر اوله و سر برزند
ظاهر اولدی دیمکدر زیرا باش اورمق و باش کو ستر مک ظهوری
مستلزمدر * کر کس * نسر دید کیری طیر عظیمدر که بیک ییل یاشر
بومناستله در که صیاحنده دیر (یا بن آدم عش ما شئت فان الموت ملائیک)
دیمش لردر که قفقوس دید کیری قوش دخی بیک ییل یاشر هندستان
جزیره سنده اولور بورنك الی مقدار دلوی و هر دلو کندن قویریفته
بول اولور عمری تمام اولیجق اودون یغیر و اوستنه چبقوب اوتروشول
قدر فریاد ایدر که قناتلرندن آتش پیدا اولوب طوتشوب یاز کندن بر قفقوس
دخی پیدا اولور باذن الله تعالی محرره جوهر خلقه نظر اینسک اگر *
کیمی خال و کیمی خاکستر * چون سمندر کیمه رب قدیر * ایلدی آتش محضی
پستر * مذکور کر کس قوشلرک طیران جهتمدن اشد و جناح
بوزندن اقواسیدر شویله که مشرق و مغرب اراسی که بشیوز بیلایق مسافه در
بر کونده قطع ایدر و حدیث معراجده بعض حورعینک اشفار چشمی
قوادم نسر تشبیه اولمشدر قوادم جناح نسرک مقدمیدر حیوة الحیوانده
کلور که کر کس عرف الطیردر و سباع طیرده اندن جثه لو بو قدر
انکیچون نمرودی صندوقله هوا به رفع ایتمشدر شول کیفیت مخصوصه

اوزرینه که تفاسیرده میندر و عظیم جثه سنه بوستانک بویتی دخی شاهددر *
بکفت اریلنکمز بونست و مار و کر پیل کر کس شکفتی مدار پس بوتقیردن
مفهوم اولدیکه کر کس خلق اراسنده آق بیاید کیری قوشک غیریدر
آق بیایا اکثر بلادده و حتی ارض حجازده دخی اولور و کر کس نادر یرده
بولور جبال ارض حجازده اولدیغی اهل مکّه دن مسموعدر بیت مشویده
کر کس زریندن مراد کنشدر جرمنی و لوننک صفت و یا حرتی التونه
تشبیه ایلدی پس کر کسک زرین اولدیغی شمس اعتبار یله در که مشهدر
* کردون * اصلنده قشکی دید کیری عربده در که ایکی تکرلکی اولور بعض
دیاردہ مستعملدر دوندو کندن اوتوری کردون دیدیلر و فلک دخی تشبیهها
و استعاره چرخ کردن و کردان دیرلر (معنای بیت) بودر که چونکه
صبحا وقتنک یعنی صبح صادق نور باش اوره و ظاهر اوله و کردون
مثال اولان فلکک التون رنگ اولان کنشی کر کس وارقنات اوره
و مسیرو بروجه حر کته آغاز ایلدی کر کس آشیانندن پرواز ایلدیکی
کبی بوندن فهم اولدیکه کر کس بر کونده بتون دنیای دور ایدر شمس کبی
و بونده اشارت وارددر که صبحا نجلی و بیاض اشراق نور الهی
اولند قد که کر کس روح شمس کبی عالم غیب و معنایی سیرایمکه بدأ ایدر
و مشرق ارواح و مغرب اجسادک سیرنی یوم الهی اولان آن غیر منقسمده
قطع ایدر ز برار روح عالم ملکوتدن اولغله سیرنده آتیه محتاج دکل واسب ایدن
مستغنیدر نیکم روح حبیب علیه السلام ایلله معراجده آن واحدده
اجسام و ارواحی کذرایدوب قاب قوسین اوادنی منزلته واصل اولدیکه
عالم ایچوندر اگر چکه ذروه عرشه دك جسد لطیفی دخی روح شریف
ایله همراه ایدی و بوندن ظاهر او اور که حجاب نفس ایلله مخجب اولان
کسنه نك حالی شول ظلمات لیل ایچنده قلوب چپ و راستدن بر طرفه
حر کته مجال اولیان کسنه نك حالی کیمدر که مخیر و سرگرداندر
پس آنک ایچون نه وجهله سیروسلوك اوله و خواجه حافظ شعر نده کلور
شب تاریک و بیم موج گردابی چنین هائل * بکجادانند حالی ماسبکباران ساحلها

فالق الاصباح اسرافیل وار

جمله رادر صورت آردران دیار

* فالق * شقی ایدیمی فلقدن مأخوذ در که فارسیده شکافتن ایلله
تعبیر اولور * اصباح * صبح معنایه در که فجر مراد اولور فالق

الاصباح حق تعالی در تنگم قرآنده بوعبارتله مذکور در * اسرافیل * همزنك
 كسر يله اسم ملكدر كه صور آنك اغزنده در لفظ عجميدر ايل لفظنه
 مضافدر كه اسماء الله بندگان و بعضيلر ديمش لردر كه خجاسيدر و همزه سي
 اصليه در بونده فالق الاصباحك ارواحي خطاب ارجعي ايله
 ايقاظ نائين ايلديكن اسرافيلك نفخ صور ايله احيای موتی قلديغه
 تشبيه واردر زيرا خبرده كلور (النوم اخو الموت) **ك**ر چكه في الحقيقه
 ايكي صورته بيله ايقاظ و احيای بدن الله تعالی در * ديار * دارك جميدر بعض
 مواضعده مسكن و بعض مواضعده مملكت مراد اولنور بوراده هر بری محتملدر
 زير عالم ملكوت مملكت ارواح اولديغندن ماعدا اول مملكتده هر برينك قرارگاه
 مخصوصي واردر تنگم قرآنده كلور * (وما مثالا له مقام معلوم) (معناي بيت)
 بودر كه نور صباحي ظلمت شبدين شق ايديجي و ظلمت نوره ايرش دورب
 اول نورله عالمي روشن قليمجي الله تعالی صورده مؤكل اولان اسرافيل
 عليه السلام كي جله ار و احی مملكت عالم ملكوتدن و يا خود مساكن دار
 اولان قرارگاهلرندن عالم صورت و حس و ملكه كتورر * و خوابر بوده
 اولنلرك ار و احی ابداندر دوار جاعله بيدار بيلر يعني اسرافيل عليه السلام
 نفخه ثابته ايله جميع ارواحي صور ابدانه رد ايدوب موتاني بعث و احيا ايلديكي
 كي الله تعالی دخي (و يرسل الاخرى الى اجل مسمى) و فقبخه نائيلر ايقاظ
 ايلر تا كه بقيه حياتله تمتع و سبب تكميل اولان طاعات و عبادات ايله انتفاع
 ايدله لر پس بومعني نفخ صور كي اولدي زيرا ايكي صورته دخي
 ارواحك ابدانه تعلق واردر * اكر چكه ميانده من وجه مغايرت دخي
 حاصلدر تنگم مرارا اكر اكر اتدي و بوندن معلوم اولديكه نفخ صورله احياء
 موتي ايتك بحسب الحكمة سبب اضافت اولنديكه اسرافيلدر انكي چون
 قرآنده كلور (ونفخ في الصور) فاما ايقاظ نائين بالذات حقه مستنددر
 تنگم (و يرسل الاخرى) شاهددر و حقتك ايقاظ في الحقيقه تجلي ايله
 حقايق اسما و صفاتي اظهاريدر و بوراده فالق الاصباح لفظنك حسن
 موقعي بودر كه انسان منام حالنده ظلماتده در تنگم كلستانده كلور * قرص
 خورشيددر درسياهی رفت * بونس اندر دهان ماهي رفت * يعني قرص
 خورشيد ظلماته و حضرت بونس عليه السلام بطن حوته دخول ايدركي
 انلر دخي زياده خوابه طالديلر و بر مدت خوابك ظلماتده قالديلر و غفلت كه

منام معنيدر بو كافي اس اولنه يعني اكر منام حسي و اكر منام معنوي بدير ايكي سي
 دخي ظلمتدن خالي دكلدر (زيرا منام حسيده بصرو منام معنويده بصيرت
 محجوبدر) (و منام حسيده روحك بدنه تعلق ايله بيداري واقع اولوب انتفاع
 بصرله و شتاق حاصل اولديغي كي منام معنويده دخي تجلي حقه استنار
 ايدوب انكشاف بصيرتله نور تام ظاهر اولور و مصراع ثابته اشارت
 واردر كه روحك في الحقيقه صورت مخصوصه سي بو قدر بعد المفارقة
 اولان تمثيل و تشكلي اعمال بدن حسيله در * چونكه اعمال حسيله
 تشكلا ايدله لاجرم ذي صورت اولنلر ديار صوريه ده استقرار ايتدكلري كي
 ارواح دخي ديار معنويده تحييز ايدلر لر پس بوندن فهم اولنديكه
 ارواح كلك مقامات علويه ده نفوس سماويه كي تحييزي بحسب المناسبه
 و لاجل المصلحه در و الا ارواح كل تحييز دكلدر و بوندن علمانك روح
 جسم لطيفدر ديدكلرينك سري ظاهر اولدي و بونك حقيقتي
 اولدر كه روح انسان كر چه عالم خلقندر و خلق متحيزدر فاما في نفس
 الامر سرك تنزليدر سر انسان ايسه وجود مطلقه مظهردر *
 پس ظاهرده تحييز اولمديغي **ك**ي مظهرده دخي بو قدر
 (لحرره) ايدله كور عالم اسراء عروج * بولاسن تا كه بومعنايه ولوج *

* روحهای منبسط ران کنند *

* هر تنی را باز آ بستان کنند *

* منبسط * بسط مناسنه در زيرا ارواحده تركيب بو قدر بلكه جواهر
 غير منقسمه در تركيب و تكثري اعضا و اجزاء بدنه آثارنك تفرق و تفصيلي
 حسيله و اعمال يو زندن تمثيل و تشكلي سبيله در تنگم مر و رايدي
 و جائزدر كه منبسط منقبضك ضدی اوله زيرا ارواح ابدانه تعلق سبيله
 منقبض و محصور و مفارقت جهتيله منبسط و آزادلر در * تن * كوده در عرب
 اكبدن دير و بدن ماسوي الاطرافه ديرلر منكبدين اليه كنجيه پس رأس
 و عنق ويد و رجل بدنده داخل دكلدر مكر كه تغليب طريقه داخل اوله
 و قرآنده كلور (فاليوم نتجيك ببديك) اي بجمع اجزائك بوسيدندر كه
 حشر ابدان ديمزلر بلكه حشر اجساد ديرلر زيرا جسده رأس و امشال
 داخلدر * و بعضيلر ديديلر كه بدن و جسد بدرلكن بدن جثه و جسد
 لون اعتباريله اطلاق اولنور اندام تندن اخصدر من وجهه زيرا اندام

عندالمواجهه اعضاء بدن ظاهرا و باطنی را در بر دارد که اندام آینه سی
 دیرل * و بوفتیک بعضی نظمنده کلور * عکس ایده پرتو دیدار دیو
 حتی آینه اندام طاشور * آبستن * یوکللی یعنی حامله عورت و حیواناته دخی
 شاملدر صکره تشبیها غیر یوکللی درده دخی استعمال اولندی بومقام ده کی
 کبی (معنای بیت) بود که فالق الاصباح اولان الله تعالی ارواحی اجساد
 ردایتد کد نصکره ارواح مجرده و بسیطه بی تنه متصل و متعلق و بوسیله تن
 مر کبک صورتده ابراز تحیر ایلر و یا خود آزاد ایکن بند و مطلق ایکن قید
 ایدوب منقبض و محبوس ایلر هر تنی کیر و کندنه متعلق اولان روحله یوکللی ایلر
 شویله که تن مر کب کبی حامل و روح محمول اولور اگر چه روح اضافینک بدنه
 حلولی بوقدر و لکن تعلقنک آناری مشاهد و محسوسدر * زیرا بوقد متعلق حسیله تن
 دخی هر دورلی بارالتده قالور انکیچون میتک جسدی آزاد و تکالیفدن
 معزول و قیودون مطلقدر * بونده اشارت وارد که روح و جسد
 عالم احدیت و امره کوره احدیة الذات و عالم واحدیت و خلقه نسبتله
 متعدده الذات در بحسب الصورة فرقلری بحسب الحقیقه جمهرنه
 مانع دکلدر بلکه ایکنسک دخی وجودی عالم امر آلهی دندرو بوسره رمن
 ایدوب بعضی قصائد اکبری ده کلور * انامن امره روح و جسم * پس
 روح بدنه تعلق ایتمک حسیله امر واحد و اوب (فتشا کلا و تشابه الامر)
 حسبجه بری برندن فرق و امتیاز لری قالماز (و بوندن فهم اولور که بدن
 انسان ایکی نسبه بی حاملدر که بری روح حیوانی و بری دخی روح
 انسانی در و ابدان کمال ارواحله یک رنگدر انکیچون ابدانله مقام
 از واحد سیرا تمشلددر حضرت ادریس و عیسی و فخر عالم کبی عایهم الصلاة
 والسلام (و بوندن اخذ اولور که روح هر نه وجهله دل سه مثل و تشکل
 ایدر تنکم طائفه متر و حنین دن مقولدر و لکن مثل و تشکل صفاته کوره در
 و الا جوهر بر در (لحرره) دخول ایلر بوضورت روحه وار * پراج عالم
 قدسه شاهین وار * بتر بارتنله بوسفلیده قال * براق باری بزحاله طوت مقل *

* اسب جانهارا کند عاری ز زین *

* سرانوم اخوالموتست ابن *

* اسب * خصوصله آتک اسمیدر اگر چه باء عربی ایلله تلفظ اولور
 اما اصلده باء عجمیله در بعدذا بدنده جانی اسبه تشبیه ایلدی ز یرا قطع

راهنده اش تراکری وارد اگر چه بری قطع راه معنی و بری قطع راه
 صورت ایلر * کند * فاعلی الله تعالی در * زین * کسرله ایلر که آت ارقاسنه
 اورلر بوتده بدنی ایره تشبیه وارد * زیرا آت ایلر دن تجرید اولندیغی کبی
 جان دخی بدندن تجرید اولور تنکم شعرده کلور * و عری افراس الصبی
 و رواحله * (معنای بیت) بود که الله تعالی آت مشابه اولان جانلری
 ایر کبی اولان بدندر دن عاری و مجرد ایلر یعنی خواب حالنده اول باری
 اوزلرندن آلور و تعلقلرندن تجرید ایلر ایشته (النوم اخوالموت) خبرینک
 سری بودر (زیرا موده جانک ضیاسی بدنک ظاهر و باطنندن منقطع
 و منامده ظاهرندن منقطعدر فقط پس حات منامده ضیاء روحک ظاهر
 جسدن مجرد و انقطاع و مفارقتی ابروآت حکایه سی کیدر (بوندن
 فهم اولور که من وجه بدن روحه را کیدر ایر آت را کب اولندیغی کبی
 اگر چه من وجه دخی روح بدنه را کیدر بیت سابقده فهم اولندیغی
 اوزره و اشارت وارد که بدن روحک کشف و ثقلنه سیدر ایر ایلله آت کرانی
 بولندیغی کبی انکیچون آت هر چند سر یع العبد و اولسه ینه بکیم ایلله سرعتی
 بی بکیم اولندیغی حالده سرعتی کبی دکلدر بوسیدندر که سالتکه مرتبه
 شریعتده اصلاح طبیعت و مرتبه طریقتده اصلاح نفس لازمدر * ز برانفس
 و طبیعت ثقیل اولق حسیله روح خفیف دخی اکا تعلق ایتمکله اسفل سافلینده
 قالمش و اعلا ی علیننه حر کته مجال بولم مشدر مرغ پر بسته طیرانه مجال
 بولندیغی کبی تنکم بوسستانده کلور * براوج فک چون پرد جره باز
 * که بر پرش بسته سنک آز * قچن اصلاح مذکور ایلله ثقلت وجود
 خفت و نشاطه مبدل اوله روحک پروازنه حائل قالماز و عالم معناده مراد
 ایتدیگی برده سیران و طیران ایلر بوجهندن ارواح عوام ایلله خواصک
 فرقی وارد * یعنی ارواح عوام خواب حیسده سیرا هلی بله اولسه ینه ارواح
 خواصک سیری کبی دکلدر ز یرا ارواح خواص تزکیه نفس و طبیعت
 سبیلله مجلی و مصیقل آینه کبی اولمشدر که جانب غیب و عالم معنادن منعکس
 اولان صور مختلفه بی قبول ایلر پس آینه تیره روی قچن انکله برابر اولور
 (لحرره) آینه صاف اولیجق روشن اولور * کلر البته چهره سی شن
 اولور * فیض حق و یرسه پرورش جان * کل وحدت آچیلور کلشن اولور

ایک بهر آنکه روز آید باز

بر نهد بر پایشان بند راز

* روز آید * روز آید تقدیر نده در * دراز * جسم ممتد در اسنان عرییده اگا
طویل و ترکی دله اوزون دیرل مقابلی کوتاها در که معناسی قصه در قیوده
امتداد بولند بغضدن او توری چاه دراز دیرل بند دراز دخی بویه در
(معنای بیت) بودر که لیکن کرو کونه کلرندن و بیاض نهاری کورب
فرح بیداری ایله کلرندن او توری شویه که شب انجام رسیده اولوب اهل
شب خوابی یقظه عالیه وصولی سبب ابتغاء غذا و باعث تحصیل رضاء
خدا در فائق الاصباح اول ارواحك ایاضی اوزرینه اوزون بند
قور که تن اگا متعلقدر یعنی ارواح ابدانه تعلق ایتمک سببیه مقید
و محبوس اولان اسب کی بندوقیده دوشمل و روح ایچون ایاق اثبات
ایلدی * زیرا جسم صورتیه مثل ایلمرنتکم بالاده بیان اولندی * و بند
دراز ایله وصف ابتدی نهاری طوی اعتباریه * و بردخی اوقات غمک
امتدادی حسبیه کر که فی نفس الامر کوتاه اولسون پس ساعات فرح
دخی بوکا قیاس اولنه یعنی زمان سرور ممتد اولسه دخی حکما آنده
مهلت بو قدر نتکم شمرده کلور * تعجب تبرکچر ذوق و سرور ایامی
* ایرمدن نصف نهاری ابریشور اخشامی * بونده اشارت واردر که سالک
هر چند نجلی و انکشافی اهلی اولسه ینه مادامکه تعلق تن واردر حجابدن
خالی دکلدر پس بوعالم عموم و خصوص اهلنه فی الجمله حجابدر و بوسره
اشارت ایدوب محمدیه کلور * اگرچه آ که ناظر دی قو حائده محبوبی *
ولی دنیا حجابیدی قودی کندی حبیب الله * دنیادن مراد بشریت
و جسمانیت پرده سیدر که موت صوری ایله زائل اولور و بوندن مقصود
انسان کامل مقام کشیه ارنجه والی ابدالا باده موطنا بعد موطن رقی بوانجه
از دیاد احاطه و شهودنه اشارتدر پس کلام ناظم اوزرینه غبار بو قدر نتکم
محمدیه اوزرنه شرحزده تحقیق اولمشدر (سؤال اولور سه که انسان
شهودده بو قدر رفیدن صکره امکان مرتبه سندن کذر ایدرمی (جواب
بودر که امکان آینه مرتبه سیدر پس آینه سزمشاهده ممکن اولدیغی کی
امکان سزدخی مکاشفه ممکن دکلدر الحاصل حجاب امکان ابدی زائل
اولماز و الا ممکن واجبه منقلب اولق لازم کلور * و بوندن فهم اولور که

ابرار طائفه سی دائم مشاهده اوزره دکلدر در انکیچون دیمشدر (مشاهده
الابرار بین النجلی والاسنتار) وایل صوری محل نجلی و نهاری صوری محل
استقاردر زیرا مکاشفات و تجلیاتک اکثری استخارده و اول نهاری واقع
اولور نتکم اربینه معلومدر (لحرره) غفلت اهلنه کیچه کوندز اولور
* بلی اعمایه کوره کیچه کون دوز اولور * نسل الله تعالی ان یکشف عنا العمی ینه

تا که روزش واکشدزان مر غزار

وز چراگاه آردش در زیر بار

* روزش * ضمیر اسب جانهایه راجعه * و * بوراده کرو معناسنه در باز کی
* مر غزار * شول بره دیرل که اوراده قوش چوق اوله زیرا زار افضلی
برکلمک آخرنه لاحق اولسه اول نسنه ک چوق اغنه دلالت ایدر نتکم لاله
زار و کلزار دیرل لاله ک وکل لک دیمکدر پس زار اول معنادن عبارتدر که
اندن ترکیده آخر کلمه لک افضلی الحاق ایتمکله تعبیر ایدرل و بعض
مواضعده لق افضلی ایله دخی تکلم اولور نتکم شوره راز دیرل چور اقلق
معناسنه نفس متکلم مع الغیر دخی بویه در زیراگاه اولور که آنک آخرنه
کاف عربی الحاق ایدوب کلمک و کتدک دیرل و کاف الحاق ایدوب بواق
اولدق دیرل بعد زار غزار مذکورده زاز اسم جامد در و مر غزار اگرچه
مر کبدر ولکن اسم خاص اولمشدر انکیچون قاعده املارعات اولینجق
زار مر غه متصل یازلق کر کدر فاما بر مر غ زار دخی واردر که زار آنده
زاریدنن مشتق در و مر غه صفتدر پس وصف ترکیبی اولوب آنده
اسمیت اعتبار اولماز بوسیدن زار مر غدن منفصل یاز بلور و بوابکی
معنایی جمع ایدوب شاعر دیمشدر * وار هر گوشده بر مر غ زار * کوی یاره
بکزه من بر مر غزار * چراگاه * اولتلاق یریدر زیرا اصله کاه چرادر
چرا جیم بحمیلله اولتلاقدر چریدنن مأخوذدر چریدن اولتلا مقدر و کاه
محل معناسنه در (معنای بیت) بودر که تا که کون اسب جانی اول مر غزار دنکه
عالم معنی و ملکوتدر کروچکه و آنی اول مر غزاردن یوک الله کنوروب
حامل و مر کوب ایله پس بونده روحی اسبه تشبیه ابتدی کی
روحک عروج ایلدیکی عالم ملکوتی دخی مر عایه تشبیه ایلدی
زیرا مر عاده اسبه روحی و غذاء صوری اولدیغی کی روحه دخی
اول عالمده سیر و غذاء معنوی واردر و اسب کیچه مر عاده و کوندوز

حامل بار اولدینگی کبی روح دخی کیجه سیرده و کوندز بولک التده در که بدنر زیر نفس تعلقه ثقلت اولدینندن ماعدا اعمال شاقه بی عز اوله و تکالیف شرعیه بی مراعات و معالجه ده صعب و بت وارد را کرچه که خدا روحه سیرده و کمالک ناقص ایله حالی بر دکدر الحاصل صباح اولوب خواب تمام اولدقده روح بدنه تعاق ایتمکسه ثقلته دوشور و چرا کاهنده اولان راحتی محنته مبدل اولور * زیرا روح کامل دخی اولسه بنه اعمال بدن ایله اشتغالده کلفت و مشقت و امتحان و ابتلا وارد * بوندن فهم اولنور که اسبک خلقتی رکوب و حمل بار ایچون اولدینگی کبی روحک دخی بدنه تعلقی تحصیل مطالب و تکمیل مراتب ایچوندر پس برکسه کیجه و کوندز او یومق حکمته مخالف در کیجه او یومق تنشیط بدن و ترویج روح ایچوندر زیر نفس انسان مطیه در و مطیه به خدا و استراحت لازم اولدینگی کبی نفسه دخی فی الجملة منام و سکون لازمدر بویله ایکن بنه کیجه نک بر حصه سنی احیا کر کدر که قبوله آنی تدارک ایچوندر و حدیثه کلور (علیکم بالذلجه فان الارض تطوی فی اللیل) دجله ضمه کیجه ده سیردر یعنی کیجه ده مسافه بر وجهله قطع اولنور که ناسک طول طریق شعوری اولماز کویا کیجه ده طریق مطوی اولور و کیجه بی احیاسز کوندز دخی ناثم اولانک عمری قصیر و وقتی ضایع اولوب تجارتده خسران بولور محکدر که عبود دیرلر برکسه یوم سبت محطیه کیدوب اوراده تمام بر هفته خوابه واروب ایرته سی یوم سبت منزله کلدی عبود مذکورله ضرب مثل اولنوب (انوم من عبود) دیرلر (لحرره) خواب ایچون سرمه چکلدن کوز که چرخ کبود * کون یوزن کورمدی حیفا که کوزک چون عبود *

* کاش چون اصحاب کهف این روح را *

* حفظ کردی یا چو کشتی نوح را *

* کهف * طاغده اولوب یونلش او کبی اولان یره دیرلر که خلق اوله عملی اولیه نیکم مصرده جبل قطمده عبدالله المغابری قدس سره بیت منقوری وارد که بعض آلات ایله بطریق خرق العاده حجر صلبدن نحت و نقر اولنشد که زیاده و سعتندن ناشی اعاجیب دهر دندر * و یا خود کهف طاغده مغاره کبی اولان یره دیرلر و لکن فرقی بودر که مغاره صغیر و ضیق و کهف کبیر و واسعه در بوراده کهف ایله مراد دقیانوس

نام پادشاهک دارالملکی اولان افسوس نام شهرک حوالیسنده بناجلوس نام کوهده جیرم دیدکلری مغاره در که اصحاب کهف اول مغاره ده مختفی اولنلدر و اصحاب کهف یدی عدد مکسه در که اسماسی تفاسیرده وقاموسده اختلاف اوزرینه یازلشدر اشهر و اظهر اولان بونلدر که ذکر اولنور * علیخا مشلینا * کشلینا * مرنوش * دبرنوش * شاذنوش * کفشطپوش * و بونلره تابع اولان کلبک اسمی قطمیردر * دیمشدر که دقیانوس بت پرست اولغله ذکر اولنان جوانانی عبادت اصنامه حل ایتد کده آنلردخی برای دین فرار ایدوب کلوب اول مغاره ده قرار داده اولدقلرنده الله تعالی انلره خواب حواله ایلدی شویله که اوجیوز طقوز سنه دن صکره بیدار اولدیلر نیکم مفصلا قصه لری سوره کهفده روح البیان نام تفسیر یمزده در * واصحاب حقیقت ذاهب اولش - لردر که ذکر اولن - ن یدی عدد مکسه آخرز مانده مبعوث اولوب وزراء مهدی رضی الله عنه اولسدر کر کدر آل عثمانک یدی عدد قبه وزیری سرمد کور اوزرینه موضوعدر * را * اولکیسی علامت مفعول و ایکنجسی زائددر * نوح * اسم اعجمی منصرفدر نوح علیه السلامک اسمی عبد الغفاردر نوحله تسمیه اولن دینگی کثرت نوحه سنه بناءدر نیکم امام سهیلی رحمه الله ذاهب اولشدر اصح روایات اوزرینه بیک الی ییل عمر سور مشدر و طقوز یوزاللی ییل نبوتله مبعوثدر و شو لکه خواجه حافظ دیوانده کلور * کرت چونو ح نبی صبر هست برغم طوفان * بلا بکردد و کام هزار ساله برآید * هزار سال بوراده تغلب طریقله ذکر اولنشددر مقصود ذکر اولنان طقوز یوزاللی سنه در نیکم قرآنده کلور (فلیس فیهم الف سنة الاخسین عاما) یعنی ابثانی اولان نوح قومی آراسنده نبوت ایله طقوز یوزاللی سنه مکث ایدوب دعوت و ارشاد ایلشدر صکره موت ایرشد کده استصناع سفینه ابتدیکی کوفه ده و یا مغاره ابراهیم علیه السلامه و یاغیری محله دفن اولنشددر (معنای بیت) بودر که فالح الاصباح اولان الله تعالی کاشکه اصحاب کهفک ابدانی انحلال و انفسا خدن الی آیده ذات الیمین و الشماله تغلب ایله اوجیوز طقوز ییل و سفینه نوح علیه السلامی الی آی قدر زمان طوفاندن حفظ اندو کک کبی

بور و سی دخی عالم استغراقده حفظ ایدیدک * و بر دخی بدنه
دوندردیدک و کوندردیدک شویله که (فیمسک الی قضی علیها
الموت) سری اوزرینه معامله ایدیدک (بوندن فهم اولدیکه اصحاب
کهف و کشتی نوح مدت مذکوره محفوظ اولدیلر و بلکه کشتی نوح
بعض اخشابنه اوائل امت مرحومه دخی یئشیدیلرنتکم قرآنده کلور
(ولقد ترکنا آیه) پس اصحاب کهف تشبیه من کل الوجوه و کشتی
نوح تشبیه حفظ جهتندرد * و بونده استقصار زمان سرور و استقلال
مدت حبور واردر انکیچون بعض مجاذیب انجذاب حالده تعرض
اولندقلرین استمررتا که عالم حسه عودت زمانی بطی اوله تکم برکسه یی
اوائل خوابده ایقاپ ایتسهل وجودی فنور اوزرینه قالور ولدت
منام دماغندن چقمز شویله که بردخی خوابه حسرت اولور (لحیره)
قوی ذوق معنوی ایچره * خواب نوشیدن ایله بیدار * برمیدر
روحله بدن حالی * بکره من جنت مأویه بودار * و حقیقتده کشتی
نوح ابدانه و اصحاب کهف قابله اشارتدر که کل اولیانک قلوبی کبی ابدانی
دخی الی ساعة القیام محفوظدر و ارواح ایله قلوبک فرقی واردر زبراکرچه که
قلب روحندن تولد ایتشدردر و لکن تکمیل مراتب و اطواردن صکره
مقام روحی ترقی و تجاوز ایتشدردر پس من وجه روحک ثقلی واردر
جسمده تعلقی حسیله و لکن قلب نظرگاه حق و مظهر تجلی مطلق
اولدینی جهندن خفیف و سبکباردر * بوسیدندرد که حرکات کلمده
تعجب یوقدر زرا مصنفه صنوبریه نیک دمنی احراق و کلفت بشریه بی قوت
توحیدله ازاله ایتشدردر حاصل بودر که مدار ثقل اولان اموردن تجردری
حسیله روح محض قالدردردر و روح شریفده کلفت اولدینی کبی
جسم لطیفده دخی یوقدر پس کلفت روح خبیث و جسم کثیفک شانیدر

* تازین طوفان بیداری و هوش *

* وار هیدی این ضمیر و چشم و کوش *

* طوفان * مطر غالبه و یاماه غالبه دیرلر که بر یوزنده اولان اشیایی تعطیه ایده
وامام راغب مفرداتده کنور که طوفان هر حادثیه دیرلر که انسانی
احاطه ایله صکره کثرتده متناهی اولان صوده متعارف اولدی زبرا
حضرت نوحک قومنه اصابت ایدن صوایدی که قرق کون آسماندن

نزول و زمیندن خروج ایلدی صکره بطن ارضدن خارج اولانی ارض
ابتلاع ایدوب سمدن نزول ایدن حالی اوزینه قالدی حالیدی در یادیدکری
اول صودر فاما بحر محیط بونده داخل دکلدر زبرا بحر محیط (وکان
عرشه علی الماء) آیتنده مندرج اولان ماء عذیدن بطریق الجزر واقع
اولشدرد * بیدار * او یانق آخرنده یاه صدر بهدر * ضمیر * مضمیر معناسنه در
یعنی قلب آنک اوزینه منطوی اولوب غیرک اکا و قوفی دقیق اولان
نسندردر و کاه اولور که اول ضمیری حفظ ایدن قوته دخی دیرلر *
و قاموسده کلور که ضمیر سر و داخل الحاطردن و اختریده قلبدر دیمشدر
(معنای بیت) بودر که تا که بوبیداراق و عقل و هوش طوفانندن بوخاطر
و چشم و کوش و سائر حواس و قوایی قورتاریدک پس کلام اکتفا
قیلندردن اولور بونده یقظه حالی طوفانه تشبیه ایلدی زبرا روحک
عالم معناده ذوقنه مانع و صفاسنه حائل اولدینندن ماعدای جمیع اعضا
و قوایی بولاندیرر و هر بدنی برکارده استخدامله جانتندن اوصاندردر
پس طوفان عالم قهر و جلالت اولدینی کبی یقظه دخی بویله در
و بوندن فهم اولور که حالت منام عالم لطف و جمالندردن زبرا آنده
سفینه وجودی اعمال و اعضا و قوایی اشغال یوقدر بلکه عالم انسدردر که
سبب سکون و حضوردر الحاصل ضمیر و دل انسان خاطره ایله و چشم الثقاله
و کوش استماعله و سائر اعضا و قوای حاکمینه کوره برنسنه ایله مقید
و مبتلا اولیق دریای بلا و جفایه غرق اولمقدردر که جله سی یقظه نیک اثری
و عقل و حسک حکمیدر بونده اشارت واردر که تغیر و انفعال مقتضای
حس و شه و موردرا کرچه کمال اولیانک یقظه و مناسنه احوالی سائر
قیاس اولنماز دریای عشقه داخل اولان غیری بولنماز

* ای بسا اصحاب کهف اندر جهان *

* پهلوی تو پیش تو هست این زمان *

* ای * بویله یرده مجرد تنبیه ایچوندرد منبه کم اولدینغن تعینه قصد یوقدر
یالینی ده اولان یا کبی و منادی تقدیر اولنق دخی جائزدر * بسا * نیجه نیجه
دیمکدر پس الف حرف مبالغه اولور زبرا بس بلاء عریله چوق دیمکدر
الف الحاق اولنق غایت چوق دیمک اولور و دقایقه کلر که بوالفک
معنای نسبتده دلالتی واردر بسی ده اولان یاه نسبت کبی * پهلوی * یان وایکو

مشارکتند و مشترک در تکمیل شعر با فیده کاور * تن زارنده پهلوی است بخوانم
صایبور بر بر * بنی سیرا تین اصحاب موسقاری کورسونلر * مقصود ایکو
که کلرم صایبور دیمکدر بوراده مراد یاندر (معنای بیت) بودر که
ای غایت ایل چوق اصحاب کهف دنیاده بوزمان سنک یانکده و حضور کده
واردر اگر چه سنک شعور وادرا کلک یوقدر مقصود اصحاب کهفک
سرنه وارث اولان اهل الله در که نائم اولنلر کبی یقضه حالنده
دخی احوال دنیادن بیخبر لدر و بونلر اصحاب کهف وجود
حقیقی دیرلر تکمیل بالاده شرح اولنلدی و بونده تصریح واردر که اصحاب
کهف معنوی فی الحقیقه چوقدر شوبله که یوامت ایچنده هر عصرده
عدد انبیا قدر یعنی یوز بکرمی درت بیک اولیا موجودر و کاه اولور که
بوعددن زائد دخی اولور زمانک نورانیده کوره و بونلر مشارب انبیایه
وارنلدر تنکم عددلر بیک موافقتی اشعار ایدر و بوعدد مهدی
وعیسی علیهما السلام زمانه دک نقصان قبول ایتمز بر اکیال امته دایر
معنادر اگر چه که ظهور و بطونله بحسب الاعصار مختلف لدر * و بونلر
بشریت ایله مخجب اولغله خلق بونلر مطلع اولمازلر و کورسه لکیم
اولدقلرن بلزلر زرا کندی وجودنده مندرج اولان سرحقه واقف
اولیان کسه غیره و سرنه نیچه واقف اولور تنکم کاور * دوست
نزدیکتر از من بمنست * و این عجبتر که من از وی دورم * و دیمکدر که
حق تعالی بی معرفتدن اولیایی معرفت صعو بتلودر زرا حق تعالی
صفات ثبوتیه و سلبیه سی یوزندن معلومدر فاما بشرک مخلوق اولدبخی
جهندن صفات حقله قیامی مجهولدر انکیچون دیرلر که اولیا معلوم
و مجهولدر فاعرف * بصیر اولنلر حرمین شریفین و سائر بقاع اطیفه ده
خصوصا که مطافده بوقدر اولیایه راست کلورلر و انلری سچرلر
بی بصیر اولنلر ایسه قیاس نفس ایدوب یانلرندن کلورلر کچرلر * لحرره *
پردر اولیایله حرمین * یوقدرر بوسخنند اصلا مین * هر کسک
شانی دکلدر اما * که فراست ایله سچه سیما * کور بنور کوزلرینه
کلرخار * عزت اهل اولور یاننده خوار * بوقدر اولیایی بی پرده * کورمین
کوز چورر آخر پرده * کچمدن کوز یوموب آچنجه دم * آچه کور کوزلر
ایرکن آدم * بی بصیر آدمی نیلر انسان * ایدالله بصیرت احسان *

❖ غار با و یار با و در سرود ❖
❖ مهر در چشمست و بر کوشته چه سود ❖

* غار * مغاره دید کلریدر که طاغده او اور بوراده مراد مغاره تندر که اصحاب
کهف حقیقی اول مغاره ده مخفی و ماسوادن بی خبر اولدقلری حالده ناغلردر
و بومعنایی اشعار ایدوب بوستانده کاور * بسر وقت شان خلق کی
ره برند * که چون آب حیوان بظلمات درند * سرود * ضمه ایردر یعنی تغنی
وترنم قال بعضهم سرود آوازده کردن باصوت یعنی سرود اشعار و ایاتله
نحو مخلص اوزره رفیع صوت ایتمک دیرلر آنکله تطریب اولنلر
اصوات و الحان و نغمات دخی اطلاق اولنور (معنای بیت) بودر که غارتن
اول اصحاب کهف حقیقی ایل و یار حقیقی اولان الله تعالی دخی انلرله تغنی
وترنم و نشاط و شغلکده در (یعنی انلر مغاره تنده مخفی و لباس بشریت ایله
مستتر و حجاب خلقت ایله مخجب اولوب نهانی حقله مکالمه و مناجاتده
وسرله مباحثه و مذاکره در و لکن سنک کوزلر اوزرنده مهر و پرده
واردر که آنک سبیلله فی الحقیقه انلری کورمز سن تنکم قرانده کاور
(و تراهم ينظرون اليك وهم لا يبصرون) و قولاً غک ایچنده ثقلت صمم
واردر که فی الحقیقه انلرک کلامن ایشتز سن تنکم قرانده کاور (ختم الله
علی قلوبهم و علی سمعهم و علی ابصارهم غشاوة) و لکن چه فائده
بومعنادن چونکه سنده مهر و حجاب واردر * پس اول بومهری
ازاله ایله تا که ذکر او ائمان معنی سکا روشن اوله و مشام جانک انلرک کلشن
صحتندن خوشبو بوله * پس بو کلامک حقیقتده تقدیری مهر پر چشم
و کرانی بر کوشته دیمکدر که چشم اصحاب کهف نه ناظر و کوش سروده
کوره در ولف و نشر اول ایله اصحاب کهف صورینک حالته اشارت ایدر
زرا بعض روایاتده کاور که الله تعالی انلری اعین ناسدن سترایدوب
کسه انلره مهتدی اولما مشدر نظیری جبل ثور قصه سیدر که رسول الله
صلی الله علیه و سلم ایل طائفة قریشه واقع اولمشدر (لحرره) نیچه کورسوک
اوشاهی هراعی * کرچه هر یوز آنی ایلر ایما * وای اکا قطریه اوله تشنه *
موج اور رکن یاننده شولما * بونده اشارت واردر که کرچه
سرود یانکر یار حقیقینسک صفتیدر فاما جمیع مظاهره سیری ساری
وهر آینه ده پر توی ظاهر و بادی اولغله غار دخی سروددن

خالی دکلدر ز بر عارف بالله جنت عاجله در و جنتك جميع اجزاسنه
سرحیات سر بیان ایتشدر نتکم قرانده کلور (وان الد ار الاخرة لهی
الحيوان) وحسن بصری قدس سره بی- وررل که (لولامایخی علیکم
من تسبیح من معکم فی البیوت ماتقارر تم) مقصود اجزاء بیتك و مشتمل
اولدیغی ارواحك بطریق العبارة ذکر و تسبیحی تحقیق و بیان و عوام
ناسك اكا مهتدی اولد قلن افاده و عیاندر ز بر عوام ناسده استماعه
طاقت بو قدر بلکه آنی استماع ایدن نه خواص ناسدرو استماعلری بالکن
قریبده اولنله منحصر دکلدر بلکه بحر محیطده اولان ماهیلرک تسبیح
بله اش- یدرلر زیرام کاشفده مسافه اولدز * محرره * ذکر اشیای ایلله
انکار * اولدی انکار ایلک بدکار *

❖ گفت لیلی را خلیفه کان توی ❖

❖ کز تو مجنون شد پریشان و غوی ❖

* لیلی * اصلنده لامینك فتحه سیله درنتکم بویتدن ظاهر در * کس ز مجنون
سؤال قرآن کرد * گفت اسیری به- بده لیل * ولکن عجم لام ثانیه نک
کسر بله تلفظ ایدر سا- اراخری یا اولان کلمته قاعده لری اوزره لیلی مجنون
دیملکه مشتهر اولان قیس بن عامر ينك معشوقه سیدر که زنان عرب دندر
و بین الحرمین الشریفین بر مجنون دید کلری صحراء واسعه و عربضه
بو مجنونه منسوبدر * خلیفه * اغند * غیرك مقامنه قائم اولانه دیرا
صکر پادشاهلره و سلاطینه اطلاق اولندی ولکن خلیفه ایلله سلطانك
فرقی واردر خلیفه اودر که طریقت و حکومتی رسول الله صلی الله
علیه وسلم طریقت و حکومتی کبی اوله خلفاء اربعه و ائمه اثنی عشر دن
سارلری کبی سلطان ايسه اعمدر بوراده خلیفه دن مراد ملوک عرب بدن بری در
نتکم کلستان حکایه سی شاهددر که انده کلور (یکی را از ملوک عرب حدیث
لیلی و مجنون بگفتند) الخ ز را قضیه واحده در * توی * تو ضم تالله سن دیمکدر
انت معناسنه فصیح بودر که واو تلفظ اولنجه مکر ضرورت و زنیچون
تلفظ اولانه و کسره رابطه و یابین کسره و یاخود اشباع ایچوند رتوایله
کسره نک مجموعی سن سن معناسن افاده ایدر فاعرف * غوی * عربدر
که رشیدك ضدیدر پس رشددین و دنیا مصالحنه اهتداوغوا یت عدم
اهتدادر (معنای بیت) بودر که ملوک عرب بدن بری آوازه حدیث مجنون

وایلائی ایشند کده لیلایی قبائل عربده ارادوب اله کتور دکده خطاب
ایدوب دیدیکه سن اول ز نفسن که سنك عشقک اوجندن مجنون پریشان
عقل و خاطر و پراکنده روزگار اولدی و سنك بوزکن غی وضلاله
دوشدی شوایله که صحرانشین و بادیه پیما اولوب طریق اهتدادن
چیقدی و سمت مخالفه منحرف اولوب اساس ادر اکی یقدی (بوندن ظاهر
اولور که لیلی ذکر اولسان خلیفهك ایلانده مساکنه و مملکتده متمکنه
ایدی انکیچون قدومی اوزرینه اجبار و حضورنه اخضار ایلدی (بونده
اشارت واردر که خلیفهك لیلایی احضاری انك بوزندن حق تعالینك
بدیع صنعتی مطالعه و عجیب امرنی مالا حظهو بر توانوار ج- الی
مشاهده ایدیکه تا که مجتونی ابتلاسنده معذور طوته نتکم محمد بده کلور
* بوادی مریم بکرکن بر شمه حسنکدن اثر * اول سپیدن طیدیلر عیسایه
چندین ماه سال * ولکن قوت بصیرتی ضعیف و کفه مشاهده سی خفیف
اولمغله خط- ابده عتابه آغاز و در تقبیح و تشنیعی باز ایلدی
و بو مقامك بعض اشاراتی بیت آتی ده کلموران شاء الله تعالی

❖ ازدر که خوبان تو افزون نیستی ❖

❖ گفت خامش چون تو مجنون نیستی ❖

* افرون * اسمدر ارتوق معناسنه مقابل کاست در که اکسک دیمکدر
و دقایقه کلور که بیش که زائد معناسنه در افزوندن فرقی واردر مثلاً آرتغله
زائد اولان نسینه افزون دیرلر ابتدا زائد خلق اولانه افزون دیمزلر انتهی
بوندن ظاهر اولور که بوراده افزون بیش موضعه- عنده ذکر اولنمشدر
فافهم * و بو مقامده مجنون لفظ- بنده ایهام واردر فاعرف به- دذا
معلوم اولاکه بوقصه بیت سابقده مصراع ثانی بی تحقیق ایچونددر
نتکم تصویر معناد ظاهر اولور (معنای بیت) بودر که ای لیلی سن
غیری خوبلر و محبو بلردن حسن و جمالده ارتوق دکلسن و بلکه برسیاه
قام و ضعیف اندام زنسن پس بو مرتبه شورش حاله سببندر که مجنون
بو قدر فضل و بلاغت ایلله زمام اختیاری الدن ویردی و سرن بیابانه
قویوب عقلاء خلقله بساط اختلاطی دوردی نتکم شعر مجنونه کلور * تالله
یاظیان البقاع قلن اثنا * لیلایی منکن ام لیلی من البشر * لیلی جواب و پردیکه
ای خلیفه سکوت ایلله و بو مقوله یابس و بی معنی سوز سوایله چونکه سن

مجنون دکلسن زیرا اگر سن عقلاء مجانین دن او اوب بکا مجنون نظر بله
نظر ایدیدک آنک گرفتار اولدیغی عشقه سن دخی گرفتار اولوردک و اول
سودا لله صحرايه دوشوب بیابانلرده قالوردک پس وار زجاجة چشمکدن
غباری سل اندن بکا نظر قیل والامهر چشمه رؤیت جمال بریده بجمع اولماز
* چو کور من بوسفک بوزنه حاصل چشم اعمادن * بونده خلیفه عقل
معاش اهلنه و مجنون عاشق حقیقی و ابلی معشوق حقیقی به اشارتدر
و معشوق حقیقی نک نوری هر ذره ده جلوه کر و جمیع اشیا آنک پرتو جالنه
مظهر در شو بله که بر مظهر حقیرده مظهر عظیمک سیری مندر جدر
اگر چکه قوت و فعل ایله تفاوتلری وارد * پس قیچن اول امر حقیرده
مندرج اولان نورا کهی عاشقه بطریق المکاشفه منجلی اولسه اول حسن
خفینک ظهورنده حیران اولور و شراب مشاهده نک نشوه سندن
مستانهک صورتن بو اور عقل معاش اهلی ایسه کمال احتجاب
و عیاس سندن بونده نه وار و نه سبیدن اکا کوکل و بر سرین و حیران
اولور سین دیر اگر برده عقلی خرق ایدوب عشق یوزندن اکا دخی اول
مظهرده مندرج اولان نور ذات ظاهر و سر صفات باهر اولایدی اول
دخی عاشق اولوردی و مجنون شکن بولوردی و بی وجه سرزنش ایلز
ودله کلنی سولیزدی * منعم کنی زعشق وی ای مفتی زمان * معذور
دارمت که تو اورانندیده * پس بوندن ظاهر اولدیکه بالکزدیده کفایت
ایتمز بلکه مطالعه قدرت دخی لازمدر * زیرا قدرت مطالعه اولسه
مجرد دیده فائده ایتمز بلکه عی حکمنده اولور و اعمایه جمیع اشیا احتجابده
برابر اولدیغی کبی بصیره دخی انکشافده مساویدر * محقق راسمی
بنددرین کل * که در خوب رویان چین و چکل * و مولانا جامی نظمه کور
جهان مرآت حسن شاهد ماست * فشاهد وجهه فی کل ذرات *

* هر که بیدارست اودر خوابتر *

* هست بیداریش از خوابش بتر *

* بتر * اصلنده بدتر در دال ایله تالک قرب مخرجلری اولمغله دالی نایه ادغام
ایدوب بتر دبیلر نشد بده و تشدید سزدخی جائز و استعمالی شایعدر
(معنای بیت) بودر که هر کسه که او یانق یعنی احوال دنیادن خبردار
وامور جهانندن آگاهدر اول کسه زیاده او یقوده و نهایتده غافلدر

آنک او یانقلخی او یقوسسندن بتردر زیرا او یقو دخی کرچه غفلتدن
عدا و انور فاما او یقو حائنده صور احوال دنیا لوح دلدن سیلنور
و بود هول ایله روح و بدن بر مقدار مستریج اولور نیکم بالاده مرور
ایلدی فاما یقظه حالی سبب اشتغال اعمال و باعث من اوله احوال
اولمغله غفلت متضاعف و متاکد اولور پس بومقولهک خوابی یقظه سندن
افضلدر نیکم کلسننده کلور * ظلمی را خفته دیدم نیم روز * کفتم این
فته ست خوابش برده به * وانکه خوابش بهتر از بیداریش * انچنان
بدزند کانی مرده به * فاما احوال دنیادن بی شعور اولان اهل الله کوره
منام و یقظه بدر که ایکی صورتده دخی تجرد اهلیدر زیر امیت حکمنده در
میتده ایسه تعلق یوقدر الحاصل بیدار اولق حقه کوره مقبول و خلقه
نسبتله مر دوددر یعنی بیدار اولان کسه کر کدر که غفلتدن بیدار اوله
ودیده سی جمال مقصودی رؤیت ایله روش نالاق بوله یو خسه یالکز
منام دن بیدار اولان کسه غفلتدن خلاص اولماز و بلکه اسباب غفلته
توغل و امور دنیایه تغلغل ایتمکه قر بی بعده مبتدل و صفاتی کدورته
محول اولور بوندن فهم اولدیکه خواب و یقظه دن هر بری ایکیشر
نوعدر که بری مقبول و بری مذمومدر و سالک ناقصه یقظه منامدن
افضلدر زیرا یقظه دن اتعاب بدن و اعمال جسم و اقبال دل ایله
نقصانندن قورتلور و غفلتی مکاشفه به محمول اولور محکیمدر که ایکی مرید
منام و یقظه نک خیر بنده اختلاف ایدوب ماجرای شیخه رفع ایتد کده
شیخ دخی سزدن منام خیر لودر دینه موت و یقظه خیر لودر دینه حیات
خیر لودر دیو جواب و برز یعنی کرچه انسان خواب حالنده عصبانندن
قورتلور * فاما نقصانندن خلاص اولماز پس کر کدر که یقظه
حالنده نقصانندن خلاصه سعی ایده (لحرره) چونکه خواب
اولدی آدمه نقصان * آج کوزک کثرت خوابدن اوصان *

* چون بحق بیدار نبود جان ما *

* هست بیداری چودر بندهان ما *

* حق * اسماء ذاتنددر ثابت الوجود دیمکدر زیرا ذات حق زوال و تغیر
قبول ایتمز * هست * وار معنایه در این سینا اشارات نام کتابنده ایراد ایدر که
است رابطه در که اسان فارسیده حد فی جائد کلددر بس بوندن فهم

اولور که زید هست ده اصل کلام زید هاست اوله وهانک اعلى هاء
اولور وار معناسنه ترکیب اولیجق همزه والف حذف اولوب هست
دینلور وهست واست هر بری بریلر ینک مقامنده استعمال اولورلر بوراده
هست است معناسنه در تکم کلور * هست در ین دائرة لاجورد * مرتبه
می دقتدار می د * در یندان * در یندک جمیدر در یند ترکی ده دروند
دید کلر یدر یعنی اول بر در که حرامیدن و دشمنیدن قورقو اوله نغمه معناسنه
وحلیمی ده کلور که در یند شول بر ینا یندر که زجت لو کچور وهر نسنه که
آنکه قیو بغلور اتهی بوراده می اد براخ و قیودر (معنای بیت)
بودر که چونکه بزم جائز حقه بیدار اولیه یعنی نوم غفلتدن او یانوب
شهود حق و حضور مع الله بولیه او یانقلاب بزم در یندلر ین کیدر یعنی
در یندلر کبی بزه براخ و مهال کدر که منزل شهوده عبوره مانع و جانب
حقه نظره حائل و حجاب در و ابناء سبیل در یندلر ده من کل الوجوه
زجت و مشقت چکد کلری کبی بزخی یقظه حالنده ثقلت و کثافت
بو اورز پس غافلک منامی یقظه سندن خیر لودر زرا اهل حجاب اولدیغی
جهت سندن یقظه ده حالی صبر و بدن خالی دکلدر تکم کاشفک منام
و یقظه سی بر در زرا منام ده مکاشفه ایتدیگی نسنه ین یقظه ده دخی
مکاشفه ایدر تکم بعض کبار بیور مشلدر که قبل الصلوة اولان حالم
اداء صلوة حالنده اولان حالم کیدر یعنی شهودم مستمر و حضورم دائمدر
شویله که تحصیل حضور و استیجاب شهود ایچون صلوة دخوله حاجت
یوقدر مکرز یاده ترقی ایچون اوله تکم (ارحی بلال) اکادالدر پس نفس
صلوة احتیاج وادر زرا تجلیات شهودیة تجلیات وجودیه تک نتایجیدر
انکیچون اهل الله استغراقده دائم ایکن بنه اوامر حقه امثالله مسارعت
ایدلر ین توانی و تهاون کو سترمز لر زرا بیلورلر که تجلی مخصوصه آینه در
یونده اشارت وادر که غافلک بقظه ظاهره سی نفس الیه بیدار لقدر که
معتبر دکلدر زرا جان خوابده اولیجق نفسک روح حیوانی یوزندن
بیدارلغی فائده ایتمز فاما حقه بیدارلق مفیدر یعنی پرده حسن و خیال
ووهی خرق ایدن کسه جمال حقه مستشرف و انوار کماله مطلع اولمغه
منام ظاهر اکا حجاب اولمز زرا جان کرزی آجیقدر الحاصل دیده جان
بیدار اولسه دیده حسک خوابی حقه پرده اولمز زرا انوار روح جسده

ساری اولمشدر غافلک ظلمات نفس و جدی ایه روحانیه در یند و سدا و لمغه
یقظه سی دخی منام حکمی بولمشدر پس مکاشف اولان کسنه او بور
واو یانقدر محجوب ایه او یانق او یوردر فاعرف و بو مقامده اراد اولان
ایات غافلک حالی حکایه در و الا حضرة مولوی قدس سره کبار مکاشفیندندر
زیرا می اتب اربعه تکمیل ایتمشدر (لحرره) نرکس شهلاکی
آج باقی دکلدر نو بهار * سن کوزک آچوب یومینجه بیل کچر لیل و نهار

❖ جان همه روز لکد کوب خیال ❖

❖ وز زیان و سود و ز خوف زوال ❖

* لکد کوب * وصف ترکیبدر لکد دیمه معناسنه در و کوب اسم فاعلدر
اصلی کو بنده در کو بیدندن مشتقدر کو بیدن دو کیکدر ضرب و دق
معناسنه لکد کوب و لکد زن بر معنایه در که دیکن و دیمه اور یجی دیمکدر
بو صورتده لکد کوبک خیاله اضافتی صفتک موصوفته اضافتی قیانتدندر
اصلی خیال لکد کوبدر و جائزدر که لکد کوبی خیال دیمک اوله بو صورتده
اضافت لامیه اوله * خیال * قوت متخیله در که حس مشترک ادراک
ایتدیگی محسوساتی حفظ ایدر قوای روحانیه دن معدود در زرا
مشاعر ظاهر دن خارجدر (معنای بیت) بودر که روح انسانی بتون
کون خیال لکد کوبک دیمه سی اوچندن و تحریکی یوزندن ملاحظه
ضرر و فائده و خوف زوال ملک و نعمت و امثالندن یعنی بواسطه باب حسبیه
انده صفا قلمز تکمیل بیت آتیده کلور بعدذا خیالک لکد کوب اولسی دائم
خاطری تحریک و امور متخیله ین احضار و افکار ماسوایی در کار ایتمکله
روحه زجت و ثقلت و یرمسیدر که حیوان لکد کوبک دیمه سندن
مضروب اولان نسنه متأثر اولدیغی کبی روح دخی خیال یوزندن منفعل
اولور شویله که اثری انده ظهور بولور زرا روح انسانی کرچه فی الحقیقه
جمیع نقوش تعلقاتدن ساده و غواشی افکار ماسوادی مجرد در
ولکن جسده تعلقی حسبیه ذکر اولان قوت متخیله خصوصاً و سایر
قوای بدنیه عموماً مقتضای اولان امور جزئیة التفات و اشتغال الیه
آنی دخی پراضطراب ایدرلر تکم رصالح کیمسه بر فاسقک جوارنده و یا خود
آنکه رفیق سفر اولسه آک یوزندن مضطرب و بی حضور اولدن
خالی دکلدر (لحرره) اولسه یار کرچک سکا بار * آتی اخیار یلوب

قلبک اویار * زاغ و طوطی حکایه سی کبیر * هم دم اواق جهاند
یار اغیار * بونده اشارت وارد در که ملاحظه زیان و سو دور جاء
ثبات و خوف زوال و بونلرک اموری اضافیه نک جمله سی صفة نقصان
و نشانه تعلقدر زیر مبدأ اطف و قهره واصل اولنلر جمع نسبه
و اضافتدن خلاص اولورلر وجهه رازخ و قیوددن نجات بولورلر تکم
قرآنده کلور (لکیلا ناسوا علی ما فاتکم ولا تفرحوا بما آتاکم) یعنی بر نسبه نک
وجودنه سوغک و عدمنه بر نک بوقدر زیر اهر موجودک وجودی شرف
زوالده در و معدومی دخی تدارک ممکن ذکدر پس وجود و عدمه تعلق
و تأسف حکم فناءه منافی و تخر دتاهه مخالفدر و بوندن اخذ اولنور که
ذکر اولان امور و اسبابک مداری بقظه در که بحسب الغالب شانی نهاده
اولمقدر پس نهاری حکمی حرکت و ایلمک حکمی سکوندر زیر اهر صفا ته
و لیل ذاته مظهردر بوسیدندر که انواع ابتلا عالم صفا تک اثری و اصناف
حرکات و مشاغل نهاری حکمیدر انکیچون بقایه می دود اولنلر زجت چکرلر
و فناده قلندر ذوق و صفا سورلر (لحرره) پرتو ذات چشمک حقله * بر ضیایله
هر کجبه حق * کنوزین ایچ می صفا تندن * کرچه قائمز شرابه مستقی
* نی صفای ماندش نی لطف و فر *
* نی بسوی آسمان راه سفر *

* فر * اصلنده تشبیه در قوت و رونق معناسنه * سفر * فحمتین ایله اقامتک
ضدیدر وجه تسمیه بودر که سفر مسافرک اخلاقی سفر و کشف ایدر
انکیچون کیمسه ایله بیع و شرا و یا خود رفاقت ایدوب اخلاقی تجربه
اولنمدر قبحه حسن حاله اولان شهادت قبول ایتمش لردر زیر اصوم
و صلوة و سایر عبادته مشغول نیچه کیمسه لردر که معامله تده
دیانتلری یوق و کندی نفس لرنده بد خو یلری حددن آرتقدر
(معنای بیت) بودر که اول جانک نه صفاسی ونه لطافت و رونق
ونه خود جانب آسمانه سفر ایتمک بولی قالور بلکه ذکر اولنان امور حسبیه
صفوتی کدورته و لطافتی کشفته و قوتی ضعفه و رونق و طراوتی ظلمت
و ذبوله مبتدل و جانب ملکوتیه سفری عالم ملکده اقامته مخول اولور
(قل انظروا ماذا فی السموات والارض) مضمونی اوزره نظرندن محروم
و مشاهدندن معزول اولور و بدله یار و همجوار اولان بدلر کی تنزل

بولور الحاصل روح مطلقک بدن مقیده تعلقی کندینه پابند و سبب تنزلدر
پس آنک سوء حالی سوء جوارح حسبیه در زیر مجاورته جمیع قواسی
امور طبیعیه استحالیه ایدر مکرر سیر و سلوک و جانب غیبیه سفر
و حرکته موفق اولوب مرض و آفتدن خلاص ایله پابنددن قورله
تکم اثرده کلور (سافروا تصحوا) و بونده اشارت وارد در که انسان
فطرت اصلیه نی محافظه و استعداد ذاتی بی مراعات ایلمک لازمدر
واکراضاعت ایتمش ایسه ینه مجاهده ایدوب قبل فوت الوقت تدارک
اوزر ینه اوله و نفس و طبیعتک مقتضیاتنه رخصت و یرمیه بلکه انلرک
مقرندن مقام روحه حرکت ایدو و اورادن عالم سره و سرالاسرارده دک
طور میوب کیده تکم قرآنده کلور (یا اهل یثرب لا مقام لکم)

* خفته آن باشد که اوازهر خیال *

* دار داو مید کنند با او مقال *

* خیال * بوراده امر مخیل معناسنه در تکم کلور (انما الکن خیال و هو حق
فی الحقیقه) یعنی ماسوی اللهک جمله سی امور مخیله در زیر اکرار و اح و اکر
اجسامدر بالجمله عالم اکواندندر و عالم کونک عالم الهه نسبتی سایه نک
نور شمس نسبتی کبیر که وجودی عارض و اضافی در ولیکن فی الجمله وجودی
وارددر انکیچون خارجه موجود اولان سایه دن وجود سلب اولنماز
* اومید * و اوله و و او سز بر معنایه دد که رجادر * مقال * سوز سولمکدر
و عند البعض کلامدر (معنای بیت) بودر که نائم اودر که خوابده کوردیکی
هر خیال و قرآتیدن امید طو توب انکله محاده ایلیه واکا تعلق کوستروب
اندن قضاء و طرایتمک صد دنده اوله تکم بیت آتی بوه معنایه دلیلدر پس
بوصورته خفته ایله می ادنام صوری اولور و بوبله دیمک دخی جائزدر که
نائم اول کیمسه اولور که بقظه ده کوردیکی هر خیاله تعلق ایدو و ماسو ادن امید
منفعت ایلیه دایما نفسی آنکله محاده و مکالده اوله و فکری خاطرندن
حقیقه پس بوصورته خفته ایله می ادنام حکمی اولور و بوبیکی نائم دخی
غفلتدر ینه بناء مذموم لردر نائم مذموم اودر که احوال دنیا دن بی خبر
وما سو ادن نا آگاه اولوب نوم صوریده روحی انوار عالییه متصل
و یقظده شئون حق مطالعه ده مستغرق اولوب خیالات کونیه نی
مظاهر اسمائله و مظاهر اسماده ظاهر اولان پرتو احدیتی بصیرتله کوره

نتکمه بالاده آن خیالاتی که الخ بپسندیده مفصلامی و رایلدی پس عارفه کوره
 جمیع خیالات حق در و عارف جله اش-یائله مکالمه قادر در زیر نمونه
 عالمدر که اجالا و تفصیلا جمیع اجزا سنه حیات ساریدر پس لوح
 خاطری نقوش ملاحظاتی پاك ایدن بقظه و منامده خیالاتدن قورتلور
 و هر نظرو نظر کاهده مشاهده حقله انس عظیم بولور و بعض کمل
 بیور مشلردر که بر کیمسه نك لسانی صامت و قلبی غیر صامت اولسه
 خفیف اولور و بر کیمسه نك قلبی صامت و لسانی غیر صامت
 اولسه اول کیمسه نك لسانی حکمت ایله ناطق اولور و بر کیمسه نك لسانی و قلبی
 معاصامت اولسه تجلی حق بواوب سری مرتبه سی فعله کاور و بر کیمسه نك
 لسانی و قلبی معاصامت اولسه مسخره شیطان اولور پس سنالکه
 کر که در که اغیار له محاده دن یار له مناجاته انتقال و ترقی ایده تا که
 (وما ینطق عن الهوی) موجب جمیع نطقی معرفه الله اوله اللهم یسر لنا

﴿ دیور چون حور ینند او بخواب ﴾

﴿ پس زش-هوت ریزد او باد یو آب ﴾

• حور. ضمه احورک و حوراء نك جمیع حوراء کوزنک بیاضی زیاده
 بیاض و سیاهی غایت سیاه اولان عورته دیرلر مقصود زنان جنددر که
 حور عیندر * خواب * بوراده رؤیا معناسنه در که دوش دیرلر و او بقو
 معناسنه اولسه دخی و جهد رزیرا رؤیت خواب منامده در
 بقظه ده دکل * شهوت * نفسک برنسنه به میلنه دیرلر بوراده
 مراد شهوت وقاع در * آب * ایلهر مراد نطفه در یعنی اولماء صافیدر که
 بین الصلب و الترائب خارج اولور قلیل اولسون کثیر اولسون (معنای
 بیت) بودر که نام غافلک قوت خیالیه سی غالب اولدیغندن شیطان
 علیه مایستحق بقدر زشت روی و قبیح منظر ایکن رؤیاده حور عین
 کی کوزل صورته وزیا صفتده کورر پس شهوت جماعیه نك غلبه سندن
 انکله جمیع اولوب رجنه نطفه دوکر و احتلام اولور مع هذا کوردیکی
 خیال محضدر که حقیقی یوقدر بلکه شیطانک مجرد تسویل و تزیین در
 نتکم فرق ضاله متصوفه دن حوریه دیدکاری طائفه انشاء حالاتده
 حور عینی و طی اتمک ادعا یدرلر بناء علی هذا افاقت بوالد قلمنده اغتسال
 ایلرلر خذلهم الله تعالی بونده اشارات کثیره واردر اوله کیسی بودر که

عین المعانی و تفسیر شیخ و غیر یلرد مصر حدر که یا جوج و ما جوج
 ابوالبشر آدم علیه السلام احتلامدن خلق اولمش-در زیر برکون
 آدم محتلم اولوب نطفه سی ترابله مترج اولدی و اندن حق تعالی برزن
 خلق ایدوب یا جوج و ما جوج آنک نسلندن کلمدی پس یا جوج
 و ما جوجک یالکر یا باطرفندن بزه اتصالری واردر و بوندن فهم اولدیکه
 احتلام ابتدا آدمدن صادر اولدی و لکن انوار المشار قده کلور که
 بوروایت جدا منکر در واصلی یوقدر و کذلک تفسیر سمرقندیده کلور که
 بوروایت مخالف در واول حدیث که رسول الله صلی الله علیه وسلم
 بیور مشدر (ما احتلم نبی قط) انتهى اصلی یوقدر که احتلام ملعبه
 شیطاندر انبیاء علیهم السلام ایسه تسلط شیطاندن معصوم لردر
 زیر باطنلری کدورتادن مصفی و خیالاتدن مرادر فاما بوقفه یرک فهم
 ابتدکی بودر که آدمک احتلامی لاجل الحکمه اولیحق انکارینه وجه
 یوقدر زیر اجازدر که سائرلرک احتلامی کی غلبه شهوت وقاعیه و استیلا
 قوت خیالیه دن ناشی اولیه بلکه ذکر اولسان ایکی قبیلله مایه خلقت
 اولمقدن اولتوری اوله و احتلامک اسباب کثیره سی واردر کیسی ممدوح
 و کیسی مذمومدر پس اسباب ممدوحه به کوره کمل بشردن صادر اولمق
 نقصان دکلدر نتکم امام شعرانی کبریت احمر نام کتابنده فتوحات مکینه دن
 نقل ایلشدر بزم زمانزده صحبت ایشدیکمز بعض کمل اولیادن احتلام
 واقع اولدیغنی یقینا معلوم اولدی و اسانندن دخی ذکر اولسان قصه
 اشدک پس علمانک آنی انکاری بالاجل المصلحه و بامضا یقه ادرا کدندر
 تمام کلام روح البیان نام تفسیر مزنده در تفسیر سمرقندیدن منقول اولان
 حدیث شهوت مذمومه دن ناشی اولان احتلامه محمولدر (ایکنجیسی
 بودر که احتلام مذموم عقوبت مقوله سندندر که عوام ناس و اهل
 بدایته عارض اولور غلبه تخیل و یاترک ادب سبیلله پس برکسه بقظه
 حالتده قوت خیالیه سنی ضبط و تحفظ ایلسه و اسباب احتلام اولان
 معاصی و ترک آدابدن حذر اوزرینه اولسه احتلامدن خلاص اولور
 الحاصل احتلامی انتاج ایدر مبادی و مقدمات کثیره واردر پس مرید
 محتلم اولسه شیخ آنی توجه له دیلر سه تأدیب ایلر (او چنجیسی بودر که
 منامده واقع اولان مجامعه احتلام قبیلندن ایسه شیطان و الارحانیدر

زیرا اذواق معنویه به اشارت در انکیچون فخر عالم صلی الله علیه وسلم
 فساء تجیب اولندی زیرا آنده ذوق قربت و وصلته اشارت وارد طیبده
 زرق انس و محاضن و صلوتده ذوق مکاشفه و مشاهدیه اشارت اولدیغی
 کبی (درنجیسی بودر که حق تعالی جان قومنی ایکی عنصردن خلق
 ایلدیکه بری آتش و بری هوادر و آدمی دخی ایکی عنصردن خلق
 ایلدیکه بری آب و بری خاک در اگرچکه آنده آتش و هووی دخی ترکیب
 اولمشدر و لکن غالب اولان اولیکلردر چون آب و خاک بری بری ایله
 مختلط اوله اکا طین دیرلر چون هووی و آتش ممتزج اوله اکا مارج دیرلر
 و بشرک تناسلی رحمه القاء آب ایله اولدیغی کبی جنده دخی تناسل القاء
 هووی ایله در یعنی رحم انشی به هوا القاء ایلدکده علوق واقع اولوب
 اندن جنی تولدایدن و بوندن ظاهر اولور که انس و جن ارا سنده کرچه
 مناکحه خیالیله اولور و لکن مناکحه حقیقه اولماز زیرا انسه کوره
 علوق مائله حاصل اولور هوایله دکل و جنه کوره هوایله حاصل اولور
 مائله دکل مع هذا بو مناکحه و تولدک صحتیه علمادن جم غفیر ذاهب
 اولمشدر آکام مرجان صاحبی و غیر یلر کبی حتی جنی بکامجامه ایدر
 دین انسیه به ایجاب غسل ایتمشدر و بلیقیس بین الانس و الجن تولد
 ایتش دیمشدر مکر مزاج مخصوص اوزرینه مناکحه و علوقه مدار
 اولور وجه اوزرینه تمثل بولنه و العلم عند الله العلیم و بومقامده باقی کلام
 روح البیان نام تفسیر منزه سوره رحمانه و غیره مظاننده در (بشنجیسی
 بودر که انسان جن و شیطانی یا منام و یا بقظه ده کورمک ممکندر زیرا
 جن و شیطان اجسام لطیفه اولوق حسبله اشکال مختلفه ایله تشککل
 و انواع صور ایله تمثل ایدرلر شویله که مستثنی عورت صورتیه کبروب
 احتلامه باعث اولورلر و بردفعه بوقیره شیطان تمثل ایدوب غایتده زشت
 کورلشدر و بردفعه دخی کلامی استماع اولوب شخصی کورلشدر
 و کلامی معرفته دار اولغله واردات حقیقه نام گامزده مفصلا بیان اولمشدر
 محکیدر که زهاد اهل بصره و کبار تابعیندن محمد بن واسع رحمه الله تعالی
 هر کون بودعائی او قورلردی (اللهم انک سلطت علینا عدو ابصیرا بعیو بنا
 مطالعا علی عوراتنا برانا هو و قبیله من حیث لانراهم اللهم فایسه منا
 کما یسته من رحتک) و اتخاف الا خصاده مسطوردر که برکون مذکور

محمد بن واسع ابلیس لعنه الله بر پیر فانی صورتنده تمثل ایدوب سکا عهد
 و بریرمه که بودعائی کسیه تعلیم ایتیه سن دیدی و اول دخی بن دخی الله تعالی
 ایله عهد ایدر که حیاتده اولدجه بودعائی خلقدن کتم ایتیم دیو
 جواب و بردی و شیطانی انبیا و اولیادن نیجهلر کورد کلری و آنکله مکالمه
 قلد قلری محمدیه میندر و امام شافعی بن جنی کوردن دین کسه نک
 شهادتنی رد ایدر رز دیدبکی (انه یراکم هو و قبیله من حیث لاترونهم)
 آیتنک ظاهرینه کوره در و لکن بوندن انس جنی اصلا کورمک لازم کلز
 (التنجیسی بودر که قوت خیالیله غلبه سیله غیر واقع اولان نسنه واقع
 صورتنده ظاهر اولور مسهور اولان کسیه اولان تخیل کبی بوسیدندر که
 بعض منامات خارجه مطابق کلز زیرا کوردیکی نسنه خیالک حکمیدر
 بو خسه نفس الامر دکلدر اگر نفس الامر اولسه وجود خارجه سی
 دخی اولوردی پس او مقوله خیال کذب نوعندن اولور و کذبک ضدی
 صد قدر فاعرف و بوقیر فقر آء علمادن بر پیر کوردمکه دائما رؤیا سنده
 معاشه متعلق نسنه کورر و آنکله اکلنور دی تا که اول خیال ایچنده
 دنیادن کندی (یدنجیسی بودر که قوت خیالیله ده مر کوز اولان
 شهوات کرچه دائما بسیاردر فاما توقان اهلنه کوره شهوت جماعیه
 غالبدر انکیچون جوان اولنلرده احتلام چوق واقع اولور (سکرنجیسی
 بودر که قوت خیالیله سی غالب اولان کسینه نک کوزینه قبیح اولان حسن
 صورتنده کورینوب و صفت قبیح مستور اولور تنکم اهل دنیا به کوره عامه
 امور دنیا بویله در که مقابح محاسن صورتنده بارز اولور فاما بصیرت
 اهلی حقیقته نظر ایدوب مغرور اولماز و بعض زنانه عاشق اولوب صکره
 قبیحی ظاهر اولدقه نادم اولور بطریق النظم دیمشدر و ما غرنی الاحضاب
 بکفها و کحل به منینها و اثارها الصفر (طقوزنجیسی بودر که شهوت خیالیله
 زائل اولدجه شهوت حقیقه ظهور ایلز زیرا بالاده دخی بیان اولندیغی
 اوزره ککل بشرک شهواتی شهوات حقیقه مقوله سیدر انکیچون ترتیب
 ایدوب دیمشدر (نور المحبه ثم نار العشق ثم حراره الشهوة) و انجیسی بودر که
 رؤیاده بر نسنه کورمک ناظرده صفت نظرو متعلق فطرک بقا سندندر
 پس اوصاف وجود فنا بولسه و لوح خاطر دن نقوش غیر سیلنوب
 تعلقاته زوال کلسه بر نسنه کورنمز اولور بوسیدندر که ککل بشرده

رؤ یا آرواقع اولور زیرا وجودلنده فکر و تخیل قالمیشدر مکر کورد کلری
لاجل المصلحه اولاکه حقانیدر (لحرره) غالب اولسه درونک ایتی حاصل
اولور نظر حقانی . عرق نور اولوب آقارقانی . بویله صافی روان و تن وقانی

* چونکه تخم نسل رادر شوره ریخت *

* او بخویش آمد خیال ازی کرخت *

* تخم . هر نسنه نك اصلنه و ماده سنه دیرل حیوانانده و میوه و غیری نسنه ده
استعمال اولور . نسل ولد و ذر یتدر نتکم قرآنده کلور (ثم جعل نسله
من سلالة من ماء مهین) نسل دینلدی زیرا نسل و نسل انفصال
معنا سنه در ولدایسه والدندن نسل و منفصل و آنک صابندن خارجدر
شوره * چور قدر که مثبت دکلدر چورق یره شوره بوم دیرل (معنای بیت)
بودر که چونکه تخم ذر بیت اولان نطفه بی چورق یره دو کدی و صاچدیکه
انده نسنه حاصل اولماز اول کیمسه کندی و بیدار اولدی و کوردیکی
خیال اندن قاجدی و نابیدید اولوب اصلی چقمدی بونده محل حرث اولان
صورت خیالی بی چورق یره تشبیه ایلدی زیرا چورق بر نسنه بتور مدیکی
کبی صورت خیالی بی دخی ولد کتور من و اکا منصب اولان منی ضایع اولور
واطائف امام علی دندر که بر کیمسه اکا کلوب بطریق الشکایه یا علی
فلان کیمسه بنم والده مله رؤیاسنده احتلام ادعا ایدر سن اکا اقامت
حد ایلدی دیدی امام علی دخی بیوردیکه وار اول کیمسه بی کنشده اقامت ایل
وزمین منعکس اولان ظلنی ضرب ایل دیدی زیرا ظلی خیال اولدی بی
کبی کوردیکی دخی خیالدر والا خیال ایچون حد محقق اولماز زیرا حکمت
مخالفدر و بوندن فهم اولندیکه نطفه انسان بیضه کبی تخمی مشتملدر که
عجب الذنب دید کلری عظم مصمت دروسا روجوداندن تکون ایدر و ابیدی
چور بمنو نشاء ثانیه ده اعاده آنک اوزرینه مبنی اولور و تصریح وارددر که
خیالاتک حقیقی یوقدر و الا یقظه کلد کده منامده مرئی و محسوس اولان
صورت کار پایدار اولق کرک ایدی و یقظه نك حالی دخی فی الحقیقه
بویله در انکیچون بر نسنه نك دوام و بقای یوق و لهو و لعب مقوله سیدر
نتکم بالاده افاده اولندی و اشارت وارددر که انسان حاجتی قبول اوله جق
یره عرض ایتک کر کدر تاکه تخم و شوره زار حکایه سی کبی اولیه نتکم
شاعر شکایت ایدوب دیر . ع . لقد انزلت حاجاتی بواد غیر ذی زرع .

ورمن وارددر که حقیقت دید کلری خیالک غیریدر فاما نیچه برده خیالده
قاللر وارددر که حجاب غفلت ایله تحجب اولدقلرندن ناشی حقیقت اعتقاد
نه ایدوکن ادراک ایتزلر و بلکه خیالاتی حقیقت اعتقاد ایدرلر چونکه
موتله بیدار اوله (و بطل ما کانوا یعملون) و ضل عنهم ما کانوا یفترون
حسبجه خیال انلردن زائل اولوب بر نسنه واصل اولدقلری ظاهر
اولور نتکم ابو علی سینا موت حائده دیر * موت واپس له حاصل
* سوی علمه انه مالم * و تلویح وارددر که انسان تخم نفس و همی
کشت زار مستعدده و قبض و عنایتی رحم قابله نثار و صب ایتک کر کدر
تاکه ثمره و نتیجه حاصل اوله والا ناکابله پرتوانداز تربیه اولق حکایه
سابقه کبیدر که ضایع و مضحک اولوب اثری ناپیدا اولور

* ضعف سر بیندازان و تن پلید *

* آه ازان نقش بدید و نابدید *

* ضعف . خلاف قوتدر نفسده و بدنده و حالده اولور * پلید * بایعجمیه
مردار معناسنه دره آه . شکایت و توجه دلالت ایدر لفظدر اصلنده
اوهدر هنرک فتحی و واولک سکونی و هانک کسریله * نقش * بر نسنه بی
ایکی اون و یاز یاده ایله تلویح ایتکه دیرل بوراده مراد صورت خیالی در
و جماع معناسنه دخی کلور پس زیاده موقعنده اولمش اولور * بدید * ظاهر
و آشکاره یعنی بلا و بنور و کور بنور عجم بایعجمیه و رومیلر عربیله
او قورلر ظاهر اولان بودر که بایع عربی فصیحدر زیرا اصلنده بدیدن
لفظندن ماضیدر پس با افعال اولنه داخل اولان بادر که عربیدر * نابدید
بلور سز و بلور من و کور نر ز یرانون نافیله و الف زانده در که نونه
الحاق اولور نادان و نامرد و امشالی دخی بویله در نابدید و نابیدا
بر معنایه مستعملدر (معنای بیت) بودر که رؤیاسنده خیال دیوله
مجماعه ایدوب احتلام اولان کیمسه بیدار اولدقده اول احتلامدن باشنده
و دماغنده ضعف کورر ز بر یقظه ده یله منی نك انصبابی ایله قوت دماغ کیدر
انکیچون اکثرندن تحذیر اولمشدر و جسدنی دخی مردار بولور
زیرا احتلام ایله اوزرینه غسل لازم کلور آه اول صورت خیالی دنسکه
تصور و تمثل حس بیله موجود و حقیقت جهتندن غیر موجوددر
و بومقوله نیست هست نمادیرلر یعنی عدم مقوله سیدر که کندن وجود

صفته کوستر سراب کی بونده اشارات وارد بری عقل که انسانک باشند. اولور وقوت دماغه سبیدر وشهوت که صفت طبیعتدر ضعف دماغه باعثدر بوجهتندر که عاقل اولان اهل سکینت ووقار وشهوتی اولان اهل طبش وخفت اولور که اکا سبکسار دیرل وبری دخی شهوت فی نفس الامر نجاست معنویه اولغله اثری جسده ساری اولوب جسده دخی نجاست صوریه ایله متنجس اولور پس نجاست صوریه آب ایله تطهیر اولدیغی کی نجاست معنویه شهویه دخی عفت وپرهیز ایله تنقیه اولور ودری شلردر که صفوت وشهوت بریده جمع اولماز پس طالب صفوت دل اولانه لازمدر که ازاله شهوت ابلیه وبری دخی بودر که حلال الاصل اولان نسنه ک نجاستی ایله حرام الاصل اولانک نجاستک فرقی وارد پس بر مؤمن جماع حلالدن جنب اولسه احتلام اولغله زنادن جنب اولان کی دکلدر یعنی حلالدن جنب اولان کی سه صورته ناپاک وحقیقته پاکدرو حرامدن جنب اولان کیسه ایسه ایکی صورته دخی ناپاکدر و بومقامک تفصیلی جنده مذاکره اولنر دنیاده دکل مکر اهلی ایله اوله وبری دخی بودر که اهل بقاک قوت جماعیه سنه ضعف وفتاکلر اهل فنا کی دکلدر زرا عروقه دم یرینه نور جاری اولور نور ایسه دمدن اقوی در بومعنادندر که اهل الله اکثر جماع ابدلر و بکار اولیا بیورمشلردر که هر نسنه انسانک کدورتیه سبیدر مکر جماع حلال که اول تصفیه درونه باعثدر پس شول نسنه که صفوت درونه دأردرو آنک نتیجه سی قوتدر ضعف دکل زرا بر کیمه ک قلبی قوی اولسه اثری جسده نه دخی ساری اولور وبری دخی بودر که منامک حالی خیال اولدیغی کی بقظه ک دخی خیالدر یعنی جمیع اشیا خیالات وامور موهومه در تکم مرارا تحقیق اولمشدر پس مقتضای توحید حقیقی موهومی اعتباردن اسقاط و محقق اثبات ایتکدر تا که شرک واثنیت زائل اولوب سر وحدت ظاهر اوله وبری دخی بودر که انسان غم چکدیکنه کوره باری موجود غن چکک کر کدر تکم دیرل * ع * دل اگر بار کشد بارنکاری باری * پس اول موهوم نسنه که انسانی اغفال و طریق توحیددن اخراج ایلراندن خلاص ایچون حقه شکایت والتجاس لازم وهر وجهله اظهار

تندم کر کدر (لحرره) نهروادر اولاسن بی پروا * کوره سن کندیکه هجرانی روا * کوه غمده اولان کشتی فرهاد * آه راه ایشیدر سویلروا
 * مرغ بر بالا پران وسایه اش *
 * می دود بر خاک پران مرغوش *
 * پران * صفت مشبهه در او چغان دیمکدر و بوصفه ایله مبالغه ایله اسم فاعل مراد اولنسه دخی جائزدر کافی مفتاح اللغة وصفه مشبهه مضارعدن مشتقدر که اولور که مضارعک دالنی الفه ابدال ایدوب کویده کویادیرلر وگاه الفه برنون ضم ایدوب کربیده کریان و پرده پران دیرلر پران نایندک تشدید ضرورت ایچوندر (معنای بیت) بودر که مرغ یوقاروده هوا اوزرنده اوچچی یعنی اوچوب کیدرو آنک سایه سی خاک اوزرنده بلر مرغ کی اولدخی اوچچی اولدیغی حالده زیر اظل ذوالظل دن منفک اولماز و کیفیت حرکاتده ا کاتباع اولور بوندن فهم اولنور که روح انسانی علویدر هواده پروازیدن قوش کی وجسد انسانی سفلیدر یر یوزنده قوش کواکه سی کی وجسد هر چند سفلی ایسه ده روح علویدن مفارقت ایتمز واکا اولان اتصالی منفصل اولماز مکر روح اندن مفارقت ایده زرا متبوع تابع مستبعدر ولیکن تابع متبوع مستبوع دکلدر مکر من حیث التابع اوله وسایه هر تقدیر موهوم و بی اعتبار ایسه ده ینه ذوالظله نسبت ایله وجود وشر فی وارد ر بوشرفک اثریدر که اجساد کمال بعد مفارقت الارواح انحلال وانفساخ ایتمز * و بوندن اخذ اولنور که اوچق روحک صفیدر که سر بعدر انکیچون مدت قلیله ده مسافه کثیره قطع ایدر و بیک جسده کالیدر که بطئدر انکیچون زمان کثیره طریق قصیر آور زیر روح لطیف وجسد کشیدر لطیفه ایسه حائل یوقدر وجسد اگرچه روحدن مفارقت ایتمک حسیله سیرده برابر کورینور فاما هیچ علوی و سفلی برابر و لطیف و کشیف برمیدر وظل ذوالظل اولان قر جسده ونور شمس روح مساوی میدر مکر ظاهرا و باطنا پایه وحدته قدم باسئلرک حالی اوله تکم ایله معراجده جسده نبوی علیه السلام روحله برابر سیر ایتدی و بلکه انکله متحد اولدی مقام ترکیده غایتده ککه ذروه عرش بریندر واورادن سیر بسط واقع اولدی تکم محمديه اوزرینه شجر حزه مشروحدر بعد ذامولانک

بومقامده اولان ایلاله مرادی خیالی تمثیل و موهومی تصویر در فاعرف
 * ابلهی صیاد آن سایه شود *
 * می دود چند آنکه بی مایه شود *
 * ابله * اکا دیرلر که سلامت صدر اهلی اوله یعنی سینه سنده کیمسه نك
 حقیقه غل و حقد اولیه و بومقوله به ترکیده اوغوز دیرلر تاج المصاادر
 و صحاح بعض کتب لغویه ده بومعنی اوزرینه اقتصا را و لشمس در ولیکن
 قاه و سده بی تمیز اولان احق ایله دخی تفسیر اولمشدر یعنی ابلهک بر معناسی
 دخی اودر که قلیل العقل اوله نیکم بومقامه مناسب اولان بومعنادر
 زیرا اوغوز معناسنه اولان ابلهک بلاهی امور دنیا به کوره در یعنی
 اوغوز اودر که امور دنیا به قلت اهمی وارد اگر چه که امور آخرتده
 زیرک و عاقلدر نیکم حدیثه کلور (اکثر اهل الجنة ابله و العقلاء فی العلیین)
 ولیکن آخر حدیث دلالت ایدر که ابله خشب جندر که عابد فرسوده
 دادر و عاقل اهل علیین در که عاشق کرم دادر و عشقک مقتضاسی
 ترک ماس و ادر عقلک دکلدر انکیچون عاشق اولان عابدک فوقنده
 جاه ابلدی پس حدیث مذکورده عقلا ایله مراد عقلاء حقیقیدر که عقلاء
 مجاذیدر و ابله ایله مراد احق و بی تمیز حکمکنده اولان اهل عقل جزیدر
 نیکم عقلا ایله مقابله اکا شاهد ر * صیاد * او جیدر که مملوک اولمیان
 حیوانات ممتعه بی تناول ایلیه * بی مایه * هر نسنه نك اصلته دیرلر بوراده
 مراد قوت و طاقتدر که مایه بدندر زیرا بی قوت اولان بدن میت کبیدر
 و قوتک مظهری باطنده دل ظاهرده بازوی دست راست در (معنای بیت)
 بودر که بر احق بی تمیز اول هواده اوچان قوشک یر بوزینه منعکس
 اولان کولکه سنی مرغ حقیقی اولمق ظنیه صید ایتک صدنده اولور
 بناء علی ذلک اولقدر آردنجه بلر که بی تاب و ناتوان قالور و اول کولکه بی
 صید ایده مرز بر اهم سر ربع المرور و هم ظل موهومدر بونده وجودات
 اشیا نك جمله سی امور موهومه اولغه اشارت وارد و اولکه عقل
 قاصر ی ایله اکا وجود حقیقی اثبات ایلوب طلبکار اولور ابله و احقدر
 پس عاقل حقیقی اودر که آنی ظل موهوم بیاور و اندن کذر ایدوب
 ذوالظله نظر ایلر که اول ظل موهومک وجود محقیدر و بونده رمز
 واردر که هر موجودک ظلی اولمق مقتضای حکمندرز براموجود حقیقی

سر یله ظاهر اولمشدر الله تعالی ایسه اسماء و صفات یله تجلی ایلوب وجود
 مجازی ظنی احداث ایلشدر اگر چه که حقیقه نك ظلدن منزهدر
 بوسیدندر که کمل مظاهرده سایه اولماز نیکم رسول الله صلی الله
 علیه و سلم و رثه حقیقه اولاندن مروید و تنبیه واردر که قوت بدینه مایه
 انسانیدر پس آنی یوق یره خرج ایتک موجب خسارت و سبب
 ندامتدر (لحرره) بلین نقد و قوت شرفن * شرفینه بذل ایلر سرفن
 * سفهی پیشه ایدن اول * چکر افلا س نك آخر اسفن *
 * بی خبر کان هکس آن مرغ هواست *
 * بی خبر که اصل آن سایه بکاست *
 * عکس * کلام و امثالی قلب ایتک و بر نسنه نك آخرین اولنه دوندر مکه
 دیرلر هواده اوچان مرغک یرده ظاهر اولان کولکه سینه عکس دیدی
 ز برامقلوب و باز کوندر * هوا * اصلنده مدله در زیر اقصیه اولان هوای
 عشقدر که خبرده و شرده اولور مد ایله ایسه یر ایله کولک اور تا سیدر
 و دخی عناصر اربعه دن بریدر بوراده مراد میان زمین و آسماندر
 (معنای بیت) بودر که بی خبر و ناگاه که اول صید ایتک صددنده
 اولدیغی نسنه حقیقه قوش دکلدر بلکه او هواده اوچان قوشک
 عکسی و یره دوشن صورت خیالیه سیدر بی خبر که اوسایه نك اصلی
 قنده در یعنی هواده اولدیغی بیلز پس اصلندن غافل اولمغله فرعی
 تحصیل ایچون اجتهاد ایدر و بر کار محقق ایچون سعی ایدر کبی کولکه
 اردنه دوشوب کیدر انکیچون (کار اقم علی الماء) ابله تمثیله سزا اولور
 (لحرره) الکی ایله سایه دن کونه * و یح لاطائل اصلا نكته * بونده
 اشارت واردر که اصل اولان وجود حقیقی و فرع اولان وجود مجازی در
 و کذلک وجود حقیقی ذوالظل و وجود مجازی نفس ظلدن پس کر چه
 حقیقینک بو وجود مجازی به انتقال و اتصال و حلولی یوقدر بلکه
 (الآن علی ماکان علیه) اعتبار یله حالانجر د مطلق اوزرینه باقیدر
 انکیچون دیمشدر که (لیس علی الکون من الله اثر و لا علی الله من الکون اثر)
 فاما صورت وجوده نظر ایدنلر وجود حقیقی به انتقال ابتدی صانورلر
 و یا خود وجودک اثنیننه ذاهب اولورلر بیلر که هواده اوچان قوشک
 کولکه سی حقیقه قوشک اولدیغی کبی جمیع موجودات دخی حقیقه

موجود دکلدر بلکه حق پر تو وجودیدر پس نظر حقانی و توحید حقیقی
اهلی اولان مظهرده ظاهره نظرایله وجه ارضده سایه کورمن بلکه
آسمانده شمس و قمری کورر بوندن فهم اولنور که سایه نك اصلی قنده در
دبوسه و ال اولنور اگر چه که اینیات وجه حقه کوره بر در و وجه واحد
وجودده تجلی ایلشدر و هر ویدر که رسول الله صلی الله علیه و سلمدن
سه و ال ایندیلهر بویله دیو که (این کان ربنا قبل ان خلق السماء والارض
فقال فی عماء ما فوقه هواء ولا تحته هواء) یعنی لایعین مرتبه سنده
ایدی که انکیچون اسم و نعت تصور اولنوردی بلکه اول مرتبه دن ابصار
و فهم اعمی اولور و حقیقته و قوفه مجال بولمزل و بعض بکار بیوردیلر که
عمادن مراد ذات احدیه نك تعین اولی مرتبه سیدر که اول مرتبه ده
سائر تعینات عدم ایدی زیرا عی عدم بصردر و بو تعینک ثانی و ثالثی
وار ایدی ولیکن تعین اول ایله بالفعل محقق دکل ایدی پس تعین اول
فوقنده و تحتده عدم تعینه نظر ایله عی کبی اولدی و حق تعالی ایچون
فی الحقیقه تعین اثبات ایتک جائز دکلدر ولیکن اسماء و صفاتک مراتبی
بیان ایچون تعین تعین ایدرلر و بوندن ظاهر اولور که الله تعالی
ظهورده هر موجودك عبیدر ذاتندن عینی دکلدر بلکه (هو هو والاشیاء
اشیاء) سری ملحوظدر و بومقام من الق اقدامدن اولمغله حقیقتی
ادرا که کشف صحیح لازمدر تا که نه بوز دن وجود حق اشیادن
سلب اولنور و نه جهندن اثبات قنور محقق و معلوم اوله زیرا وجود
اشیادن حق تعالی حقه تعبیر ایلشدر پس انده بطلان بوقدر

تیر اندازد بسوی سایه او *

ترکشش خالی شود از جست و جو *

* ترکش * معروف است در که بحسب الغالب طائفة تاتار استعمال
ایدر انکیچون ارباب الغاز و نعیمه لسانده تاتاردن کسانه ایله کنایه
اولنور کسانه و جعبه بلك دیدکاری قاپدر که ایچنده اوق بای قورلر
ترکش بلك اوق طوران یا نیدر قبور دیدکاری دکلدر نكم دستور
العلمده مصر حدر و بعض اغنده کاور که ترکش اوق قویا جق بر در که
قبوردر نكم ابن کال دقایقه ایدر که ترکش قبوردر کیش
و قربان بلکه بلك اوق طوران یا نك کیش و بای طوران یا نك قربان

دیرل انتهی ظاهر اولان بودر که ترکش قبوردر دین کسه مطلق قبور
مراد ایتز بلکه بلکه اوق طوران یا نك مراد ایدر که قبور نوعندند
* جست و جو * جست جیم عربی نك ضعی ایله ماضی و جو جو بددن مشتق
مر در و قاعده بودر که ماضی و امر معا ذکر اولنسه انلر ایله حاصل
بالمصدر مراد اولنور پس جست و جوارامه و استمه معنایرینه اسملدر
نتکیم گفت و کودیرل سوزسا و معناسنه و زد و کیر دیرل اورمه طومنه
معناسنه (معنای بیت) بودر که اول صیاد ایله هواده اوچان مرغک
برده منعکس اولان سایه سی جانبده اوق اتار تا که انی اوره و زعمنجه
شکار اله کتوره ترکشی جست و جو یوزندن اوقدن خالی اولور (یعنی
اولقدر ازایوب استر که ترکشنده اوق قالمینجه اوق اتار و آخر صید
ایده یوب زبون و عاجز قالور و بونك نظیری شامی نك بویتی در که
ذکر اولنور * شول قدر آره به بن شاهد مقصودی کیم * جست و جوده
طلبم رخشنه میدان دو کنه * بعد ذلتیری تخصیص ایدی شهرت
ویا سر عتته بناء و یا طلبده مسارعتی تمثیل و تصویر ایچون پس بوندن
نفس تیر ایله طلب لازم کلز (بونده اشارت واردر که عقل معاش
و علم رسوم اربابی عقل و علم ایله جست و جو ایلدکری حقیقتک اثریدر
نفسی دکلدر زیرا نفس حقیقت عشق و فناءله سید او انور وارندن
مؤثره انتقال صحیح بولمقد قده عمر ضایع و سعی و عمل باطلدر
واستند لال بی حاصلدر نكم بیت آتی بو معنایی رمن ایلر

ترکش عمرش نهی شد عمر رفت *

از دویدن درشکار سایه تفت *

* عمر * بدنك روحله مدت عمارتنه دیرل که بواسته کوره بحسب الغالب
الشمس و شمس اراسیدر نكم حدیثده کلور (اعمار امتی مابین الستین الی
السبعین) بونده عمری ترکشه و ایلم عمری سهامه تشبیه واردر اگر چه
فی الحقیقه عمر انفاسله محسوبدر ایامله دکل ولیکن یوم ساعت و ساعت
دخی نفس ایله متقدر اولمغله یوم اطلاق اولنور نكم دیرل که قیامته
ساعت دیدکاری جانب وقوعه سیمندن اوتوریدر و انك مسافه سی
انفاسدر الحاصل برکسه نفسی محافظه ایتسه ساعتی ضایع و ساعتی
مراعات ایلسه کونی ذاهب اولور * نهی * کسرله بو شد نهی گاه
بوش بکره دیرل * تفت * ماضیدر قزدی و بر حرارت اولدی معناسنه

زیرا حرکت سبب حرارت در تافت دخی بویله در لکن تفتنک مصدری
تفتن و تافتن در قزmq و قزدرmq میا ننده مشتر کدر (معنای بیت)
بودر که اول صیاد ابلهک ترکش کی اولان عمری بی فائده یلکدن
بوش قالوب ایام عمر و ساعات حیات ضایع اولوب کتدی یعنی
اومقوله سایه صید ایتک صدندده اولان کسهک ترکشی بحسب الظاهر
اوقدن خالی قالدیغی کی فی الحقیقه عمر نازنینی دخی موهوم و معدوم
اردنجه تلف اولدی اول سایه بی صید و شکار ایتک خصوصنده
یلکدن قزدی و پر حرارت اولدی یعنی بی وجه کندنه تعب و پردی
شویله که حرکتک تأثیرندن درلک حدنه واردی مع هذا شکاری نه واردی
نه کوردی نتکم لطیفه ایدوب دیمشدر * دیدیلر صوفی واروب کعبه ده
نور خدا کوردی * اشیدوب آتی بر عارف دیدی نه واردی نه کوردی *
(بونده اشارت واردر که وجود مجازی و فرعی وظلی سودا سنده
یلن و آتی تحقیق و اثبات صدندده اولان مقلد و مستدل یوق بره اسراف
عمر ایلدی * زیرا استدلال ابتدیی نسنه موهومدر موهوم ایسه
معدومدر پس معدومه وجود و یرمک مقتضای عقل مستقیم و علم
قویم دکلدر قاما وجود حقیقی و اصلی و ذاتی فی نفس الامر معلوم
و محقق اولغله اکامک حکمک هب اولمز نتکیم ارباب سلوکک شانیدر
یعنی ارباب سلوک وجود حقیقک سرنه وصول ایچون سعی ایدرلر تا که
شرکدن بالکلیه نجات بولار و اثنینیت پرده سنده قالمیلر پس اجتهاد
ایتک مقاصده دائر و معالجه بصیرت ایتک حقه ناظر اولق کرکر
انکیچون قرآنده کلور (اعلموا انما الحیوة الدنیا لعب و لهو) یعنی لعب
صیدانه تعب مجرد و پردیکی کی امور دنیا دخی ناسی اتعاب ایدر
وامور مهمه دن مشغول قیالور و اوقاتی اضاعت ایلر بو سیدن قرآنده
کلور (سابقوا الی مغفرة من ربکم) یعنی اسباب مغفرة مسارعت
ایدیکز زیر اوقت تنک و زمان قلیلدر نتکم ابن کمال نظمنده کلور * کوز یوم
جهاندن آج کوزوی کندی حالکه * سن کوز آچوب یومنجه بو عالم
کلور کیدر * و بونده رمز واردر که صیادک سرعتی مصیدک
سرعتنددر پس بر نسنه شرف زوال اوزرینه اولسه آتی تحصیلده
حرکت سر یسه لازمدر و تنبیه واردر که بعض مواضعده

عجله ممدو حدر اکر چه دیمشدر که اسب تازی بر حمله ده قالور
فاما شتر آهسته آهسته کیجه و کوندر کیدر یور لمز فاعرف
سایه یزدان چو باشد دایه اش
وارها نداز خیال و سایه اش
* یزدان * خالق معناسنده در که براد یجیدر طائفه مجوس ثنوی اولغله
خالق خیره یزدان و خالق شره آهرمن اطلاق ایدوب ایکی آله اثبات
ایدر لر تعالی الله عما یقولون و یدعون من الشریک * دایه * او غلجقلر
امزرن عورتیه دیرلر بویله مواضعده مریبی مراد اوانور و مریبی نک
حق غالب اولدی یغی بوندن معلوم اولورز برا دایه نک مادر اوزرینه حتی
غالبدر اول سیدنکه و ادک وجودنه مادریک شهوتی منضم اولغله و اد
اوزرنده اولان حتی صرف اولدی دایه ایسه بویله دکلدرز برا اولدن
اجنیدر * رهاند * رهانیدنددر رهانیدن صالی و یرمک معناسنده در
(معنای بیت) بودر که خالق جمیع اشیا نک سایه سی اولان مریشد کامل
و مریبی و اصل چونکه اومقوله صیاد سایه بیه دایه و مریبی اوله آتی خیال
و سایه صید ایتکدن تخلص ایدر و اول سایه نک صاحبیه وصوله
ارشاد ایلر الحاصل صیاد سایه اولان احق بی تمیز عقلادن
برینه مقارن و تعاینه منقاد اولغله صید سایه ایتکدن آزاد اولدی یغی
کی صیاد خیالات اکوان اولان عاقل دخی عشا قمن برینک
صحبته داخل اولسه صید خیالات و اوهم ایتکدن فارغ اولور کویا
کوزی بغلو طغانددر که استاد النده کوزلری اچلور * و شکاره صالح
و غیر صالحی تشخیص و تمیز ایدوب نور بصیرتله روشنایی بولور
(بونده عین الیقین و حق الیقین اهلی اولوب تجلی عینی و حتی به مظهر
اولان مریبی سایه به تشبیه ایلدی * زیرا سلطان ظاهر ظل الله
اولیحق سلطان باطن بطریق الاولی در * اول سیدنکه بقاء
وجوده مدار و نظام عالمه باعث و راحت جهانیه کن قویدر و سایه بی
یزدانه مضاف قلدی زیرا انسان کامل مظهر کالات حق و مصدر سر
مطلقدر انکیچون انسان کامله التجا همان حقه التجادر * بوسره بناء
وسيله مقامی رسول الله صلی الله تعالی علیه وسلم مخصوص اولدی زیر جمیع
کالات صوریه و معنویه انکه توسل اولور و جمله مقاصده وصول انکه
بولور پس آنک شریعتی سایه سنده اولنلر جنت و حقیقتی ظلمنده بولنلر

قربت و وصلت و ار در شویله که اهل جنت درجات جنت سایه سنده مستظل
اولد قلمی کبی اهل حقیقت دخی مقامات حقیقت پایه سنده مستریج و اورل
پس انسان کامل ظل حقیقی و ناقص ظل مجازی و سائر ظلال دخی او هام
و خیالاتند (و بونده مبتدی اولانی طفله تشبیه و ار در زیر اطفال
شیردایه ایله حاصل اولد قلمی کبی اطفال شریعت دخی شیر احکام
و اطفال طریقت دخی شیر علوم و معارف ایله پرورش بولورل و تنبیه
و ار در که بی مر شد خیالند خلاص اولق کو چدر و الا هر کس
وجود مجازی اثباتند خلاص اولور و انینیتدن نجات بولور دی و بو ستانده
کلور * خیالات نادان خلوت نشین * بهم بر کند عاقبت کفر و دین . پس
ار باب ارشاد که ذیلنه تشبث ایتمک او و رواجبه دندر و تحلیصی سایه بزدا نه
نسبت ابتدی زیر سایه بزدا ن و ارث رسول الله صلی الله علیه وسلم در رسول الله
حقیقه ایسه قرآنده کلور (ویز که هم) یعنی تزکیه رسول الله نسبت
اولندی زیر انعوت آلهیه ایله مخلوق و سر جمعه متحققدر پس وارث
کامل اولور دخی بویله در (و سسایه بی خیال اوزرینه عطفدن
مأخوذدر که خیال ابکیدر بری یقظه ده و بری منامده پس سالکه
ایکیندن دخی گذر لازمدر (محرره) عصمت استرک اگر عالمده اولیا ذیلنه
داخل اوله کرر * کورر اول ذیل عصمتی هر کوز * مکرانکاره باقوب اوله کرر *

سایه بزدا ن بو دنده خدا

مرده این عالم و زنده خدا

بند خدا و زنده خداده اولان همزه همزه اضافه دیرلوز نیچون
اشباع اولماز یعنی کسره سی اختلاس اولنور بند خدا عبدالله دیکدر
معنای لغویسی اوزرینه که بالاصاله رسول الله صلی الله علیه وسلم
صفیدر تکم قرآنده کلور (اسری بعیده) و انه لما قام عبد الله (پس
عبد الله عبد ماسوادن احترازدر محکیدر که ابو یزید بسطامی قدس سره
بر خبر بنده به امات الله جازک دیدی یعنی الله تعالی جازک مرده
ایلیه تا که اکا اضافندن خلاص اوله سن و حقندن غیره قول اولیه سن
اگر چه که بویله برارده بنده خردیمک خادم جازیمک درز بر آخری
بند و قید ایتمک اکا خدمتدر عبدالنبی تسمیه سی دخی خادم النبی
معناسنه محمولدر و الا حقندن غیره عبودیت اولماز زیر اعبود بر در
ایکی دیکدر (معنای بیت) بودر که عبد حق اولان کسه سایه بزدا ن

اولور بو خسه عبد ماسوی اولان دکل یعنی او کسه که حقه حقیقت
عبودیت ایله متصف اوله و ماسوی اللهیدن حریت بوله سایه
خدادن مراد اودر و بویله اولان بو عالمدن فنا بولور و حقه زنده
او اور (بو عالمدن مراد عالم اجسام و ارواحک مجموعی بلکه بحسب
المراتب ماسوی الله اطلاق اولنسان اشیا نك جمله سیدر و لکن عالم
حسی تخصیص اولندی زیرا محسوس خلق و معظم حجابدن تکم
(لولاك اولاك لما خلقت الافلاك) مقاله سنده تخصیص افلاك معظم
اجسام اولمغه در الحاصل سایه خدادن مراد اودر که ماسوی
اطلاق اولنسان عوالمک تعلقاتندن فنا بولمش و میت کبی خبر اولمش
و فیض تجلی ایله حیاته ایرمش و بصیرتله حق کورمش اوله و الا بونک
غیری کسه تسلیمک و ارشاده قادر اولماز زیر ایچی و میت سر نه
مظهر دیکدر (بعدذا کر چه بحسب الظاهر سایه خداند مابعدی
الی آخر البیت سایه خدایی تفسیر دوشمدر (فاما سایه خداند
تفسیری فی الحقیقه بنده خدا و بنده خداند تفسیری دخی کلامک
مابعدیدر و بواجالده مندرج تفصیل و ار در زیر عبد الله اودر که
الله تعالی اکا جمیع اسماسی ایله تجلی اتمش اوله (پس عباد الله ایچنده
مقامده اندن ارفع و شانده اندن اعلى بوقدر زیر اسم اعظم ایله
متحقق و جمیع صفاتله متصفدر و بو اسم کلی بالاصاله رسول الله
صلی الله علیه وسلمک و بالتبعیه اقطابیکدر غیر بیلر اوزرینه اطلاق ایتمک
بمازدر اگر چه هر اسم بالقوه جمیع اسمائله متصفدر و لکن هر فعل ایله
اهل قوت برابر دیکدر و محیی و میت اسملری اسماء حسنی ده داخل اولق
حسیله حقیقی دخی انلرله قائمدر * بوسیبتندر که نفوسی امامه
و قلوبی احیایا ایلر بو خود معلومدر که بر کسه نك اولا کندی
نفسی ماسوادن میت و قبی حقه حی اولمقجه ثانی نفوس ناسی امامه
و قلوبی احیایه قادر اولماز بوسیبتدن حضرت مولانا قدس سره
انسان کاملی مرده و زنده اولق ایله و صف ایلندی (محرره)
و اریسه حق سعادت سرده * نقش حق قازه کور
مر مرده * اولمده دن نفسی مرده ایلمک * باشقه بر موت دکل مرده *

دامن او کبر زو تری کان
تارهی در دامن آخر زمان

* زوتر * اصلنده زود تر در دامن حذف او انوب زور دندلی بوده
بودند یکی کبی نتکم دیوان حافظه کلور * بو که بویی بشنوم
از خاک بستان شمس * آخر زمان * رسول الله صلی الله علیه و سلم زمان
بعثتدن قیامتہ دك عد او نور اگر چه حضرت آدم علیه السلام
وجودی دخی اشراط ساعتد ندر زیر دور سنبله سائر ادواره کوره
قلیلدر زمان بعثتدن قیام ساعتہ دك اقل من القلیل اولدیغی کبی (پس
آخر زمانك دامنی امت مر حومه نك مدتی اولان بیک ساندك او آخریدر که
دامن لباسك اوجی اولدیغی کبی اولدخی دور سنبله نك اوجیدر
و جائز در که دامنندن مراد آخر زمانك کندی اوله پس اضافت بیانیہ
اولور (معنای بیت) بودر که او مقوله سایه بزdan و بنده خدا اولان
مر شد کامل و مربی و اصلك دامنی طوت تیرك یعنی انکن طومده ده
و اکاتعلق ایتمده و متابعت کو ستر مکده سرعت و محله ایله ناتوانی و تأذی قو
و اول دامنه تشبیه بی شک و شبهه اول زیر اضعف یقین اهل
اولور ارشاد قبول ایتمز و آخر او کوب تمزنا که دامن آخر زمان و تمه
دوران نهایت مدت انسانده بلا پای باطنه دن خلاص اولاسن و فتن
قوای شر بریدن نجات بوله سن (بونده مولانا حضرت تری قدس سره
بقیه مدت دنیایی استقلال و استقصار ایلدی مع هذا کند یلری هجرتدن
التیوز تار بخی او اخرنده یعنی التیوز یتش ابکیده و داع عالم فانی
قلش لر در پس اندن صکره بوقدر مدت دخی مرور ایندی که حالا
بومحل تحریر اولدیغی بیک یوز اون بشدر قیاس اولمه (بوندن فهم
اولور که دامن اخر زمانده فتن و فترات ظاهره بسیار اولدیغی کبی
سانك وجو دنده دخی هر ج و مرج باطنی چو قدر پس نفس
و طبیعتك هجو مندن خلاص دینلر انسان کاملك دامنه دخیل
اولور لر و فتنه وجوددن نجات بولور لر و مولانا جامی دیواننده کلور
* دامن او کبر کز همت فشند * آستین بردینی و براهل او * یعنی هر کسك
دامنه تشبث ایتمك اولماز (زیر انچه دامن وارد در که اکاتعلق و اتصال
کو سترمك حقندن انقطاعه باعث اولوب محن و فتنك ظهور نه سبب
اولور بلکه اول کسبه انتساب ایتمك و داخل دائره بیعتی اولوق کر کدر که

دنیا دن ال چکش و اتك سلكش و جملہ ماسوایی ترك ایتش اوله
(بوسیدندر که زمان مهدی و عیسا ده انلرك تحت اللو اسنده اولانلر خلاص
و دجال و غیر یلره متابعت کو سترنلر هلاك اولور لر نعود بالله من فتن الائمہ
کیف مد الظل نقش اولیاست
کو دایل نور خورشید خداست

* مد * اصلنده جر معناسنه در مدت وقت ممتده دیرلر وقامو سده کلور
المد البسط و الجذب یعنی مد فار سیده کس ترانیدن و کشیدن ایله تعبیر
اولمان معنادر * ظل * ضحك ضدیدر کسرله ضح شمس وضوء شمس
و نور شمس اصابت ایدن یردر ظل فی دن اعمدر زیر اظل اللیل و ظل
الجنه و هر مو ضعه که شمس واصل اولیسه ظل دینلور فی ایسه
شمس اندن ازائل اولانه اطلاق اولور * اولیا * ولینك جمیدر مقصود
ولی عرفیدر که حقه قرب معنوی ایله مقرب اوله مقام قر به وصول
ایسه فناء تامدن صکره حاصل اولور پس ولی خاص اودر که فناء
فی الله و بقا بالله اهلندن اوله یعنی کنذینك ذات وصفات و افعالی
حقك ذات وصفات و افعالنده افتا ایلوب اوج مرتبه ده حقه قائم اوله
و بعض مراتب ایله متصف اولانه دخی فی الجملة ولی دینلور اگر چکه
ولی کامل دکلور و قرآنده (الا ان اولیاء الله) نظمنده مذکور
اولان اولیائله مراد کمل درنتکم مابعدی دلیلدر * دلیل * مایتوصل به
الی معرفه الشئ معناسنه در الفاظ کبی که دلائل معانیدر بوراده مطلوب
حقیقی به مر شد مراد اولور و دلیل علمی موجب اولان موضعه
استعمال اولور پس موجب ظن اولانه امارت دیرلر دایل دیمز لر بوندن
ظاهر اولور که اولیانك ارشادی علم قطعی بی موجب اولور که یقین
دینلور پس اولیانك ارشادیه غیر یلرك ارشادی شراب و سراب کبیدر
فاعرف جدا * خورشید * اصلنده خورشید در اوله خورشید شمس و شد
کسرله شعاع در پس خورشید دیمك شید خورشیدر یعنی شعاع
شمس نتکم چمشید اصلده شعاع قر دیمكدر زیر اجم قر در و بونك غیری
دخی کلام وارد در محلنده میندر (معنای بیت) بودر که قرآنده
(الم ترالی ربك کیف مد الظل) آیتی سایه بزdan اولان اولیانك
نقشی وانلرك وجود لرینه اشارتدر که اول ظل حقیقی شمس ذات حقك

نورنه دليل و برهاندر يعني ظل ظاهري اولان اثر نور شمس خارجيه
دليل اولديغي کي ظل باطني اولان او اياه دخی نور شمس ذات حقه
دليلدر که او ظل ايله نور حقه استدلال اولور و آنک سبيله ايله راحت
عظمي بولور پس بونده او ليای ظل ممدوده تشبيه ايلديکه في الحقيقه
اوصاف جشندندر نیکم قرآنده کلور (وظل ممدود) مقصود مایه راحت
اولديغن بياندر وظل انتقاص قبول ايلسه کدورت ظاهر و بابا اکلپه
زائل اواسه حرارت غالب اولديغي کي اوليانک اکسکلکي و بابا اکلپه
ظهوردن بطونه انتقالی دخی بويلدر انکيچون هر عصرده يوز يکرمی
درت يک او اياه موجود و قرب قیامتده زمان مهدي وعيسايه دک
ظلي ممدوددر اندن صکره اسم باطنک حکمی ظاهر اولور و بوسره
اشارت ايدوب قرآنده کلور (ثم قبضناه اليها قبضا يسيرا) بوسيدندر که
قرب قیامتده قرآن صدور حفاظدن مرفوع و مصاحفدن محو اولسه
کر کدرزیرا قرآن قولي اثرينک قیامي قرآن فعلينک بقاسنه منوط
وزوالی دخی زوالته مربوطدر و بونده ظل ونوری جمع ايلدی زیرا اشيا
اضداديله متبیین اولور اگر چکه اوليانک حقه ضدیتی یوق و بلکه
حقک هویتی ايله ظاهر اولمشلدر در شوقدر وارددر که انلرده وجوب
وجود صفتی یوقدر بلکه حدوث اشيا و امکان کائناده انلرک دخی حدوث
وجود و امکان ذاتلری داخلدر و بوندن ظاهر اولور که اوليا جمع اضداد
ايشلدر در نیکم (هو الاول والاخر والظاهر والباطن) نظمی اکا دالدر
يعني هویت آلهیه بو درت صفات ايله متصف اولمشلدر که متقابلاتدر
انسان کامل دخی اخلاق حقله متخلفدر پس انسان کامل هم دليل وهم
مدلول وهم قابل وهم مقبولدر و بو آیت حقیقت شمار و معرفت اشعارک
سائر اسرار شریفه و معانی لطیفه سی روح البیان نام تفسیر بمن دن
طلب اولته و عقده خاطر اولان مقاصد اورادن حل اولنوب بولنه
(لحرره) * قهری یوقدر دلا بودر ياک * قوشناور لیکنی افکارک *

بونیجه اسرار قادر اولسکده * ینه عجز و قصور بیل کارک *

* اندرین وادی مروبی این دلیل *

* لاحب الاقلین کو چون خلیل *

وادی ایکی طاغ ارالغی و دره مفرداتده کلور که وادی اصلنده شول

موضعه دیرلر که آنده صو سیلان ایده بوندندر که بین الجبلین اولان
مفرجه وادی دیرلر وادی طریقت ایچون استعاره اولنوب مذهب
واسلوب کي نیکم دیرلر فلان فی واد غیر وادیک بوراده مراد وادی طریقت
وسیر و سلوک در غایت و مالی قربت حق و وصلت خدادر * این دلیل *
سایه بزبان اولان اولیايه اشارتدر * آفل * اسم فاعلدر مصدری افولدر
ضم ايله افول اجرام نیره نک غروبته دیرلر شمس و قمر و کواکب کي
* خلیل * حضرت ابراهیم علیه السلام لقب جلیلدر فخر عالم صلی الله
عليه وسلم لقب شریفی حبیب اولديغي کي انکيچون خلیل الرحمن
و حبیب الله دینور و حدیثده کلور که (ایها الناس ان الله اتخذنی حبیباً
کما اتخذ ابراهیم خلیلاً) خلیلک اشتقاقده اختلاف ایلدیله به ضیلر دیدیلر که
خلتندر ضمه زیرا موجب اختصاص اولان صفاء مودت قلب ابراهیم
تخلل و توسط و مخالطه ایلشدی و حضرت هدایي قدس سره نظمنده کلور
خلت که ناری نور ایده برد و سلام اولور * عاشق که صادق اوله
عذب اولور اکا عذاب * و به ضیلر دیدیلر که خلتندر فتحه حاجت
معناسته زیرا ابراهیم حاجتی رب العالمینه قصر ایتیش و همیله اکا
منقطع اولمش ایدی انکيچون نارغروده طرح اولنده جبرائیل
عليه السلام وارد اولوب (الک حاجه یا ابراهیم) دید کده ابراهیم
اما الیک فلا دیو جواب وردی و بونلردن غیری مناسبات دخی استنباط
ایتشلدر که محلینده میندر (معنای بیت) بو در که طریق حقه دلیل
نور الهی اولان سایه یزدانه مقارنت و انکله رفاقت ایتکسزن کتمه
و بر آدم اتمه زیرا طریق دشوار و درازدر شویله که هر شد سز منزله
ایرشمک و عقباتدن گذر ایتک مشکدر نیکم خواجه حافظ نظمنده کلور
* بکوی عشق منه بی دلیل راه قدم * که من بخویش نمودم صد
اهتمام نشد * و کمال بخندی دیواننده کلور * سفر عشق تویی
واسطه راهبری * حدمانیست که این ره ره نامحمودست * حضرت ابراهیم
خلیل الله کي سنده لا احب الاقلین دی و دلیلله تمسک و واسطیه
تثبت ايله یعنی چونکه ابراهیم جوان اولوب مغاره دن چقدی و بابل
شهرنه طوغری کلدی قومندن کوکب پرست اولنلرک کواکبه عبادتلرن
کور دکده ارخاء عنان طریقیه کوکبه نظر ایدوب هذار بی دیدی

چون اول کوکب بعد زمان غروب ایلدی (لاحب الافلین) دیدی
یعنی کوکبک عدم معبودیتنه استدلال ایدوب غروب ایدن نسنه لری
دوست و معبود طوتم و انلره بوجهله عبادت ایتیم زیرا متغیر در پروردگار
اوزرینه ایسه زوال و تغیر روا دکدر و علی هذا قمر پرست اولنلرک قمره
عبادتلرن کور دکده یننه طریق مذکور اوزره قمره نظر ایدوب
هزار بی دیدی قمر دخی غروب ایتدکده (لن لم یهدنی ربی لا کونن
من القوم الضالین) دیدی یعنی حق صریحه مهتدی اولق هدایت
ودلالت وارشاد سز حاصل اولمدیغن تصریح ایلدی و صکره شمس
پرست اولنلرک شمسه عبادتلرن کوردکده یننه بطریق الزام (هزار بی
هذا اکبر) دیدی شمسک دخی غروبن مشاهده قیلدقده جمله سندن
تبری کوسستروب فاطر السموت والارضه متوجه اولدی نتکم صائب
نظمنده کلور * خورشیدومه نتواند مرا ز راه برد * هر شوخ دیده
نفرید خلیل را * پس حقیقه ابراهیمک وجود وحدت حقده شک
و شبهه سی یوغیدی ولیکن قومی الزام وارشاد ایچون ارخاء عنان
طریقله استدلال ایلدی زیرا انبیا علیهم السلام فی الحقیقه استدلال ایله
عمل ایتزل اول جهندنکه مکاشفه اهلنه دایله احتیاج یوقدر انکیچون
دیشلردر که * ع * ساکنان حرم از قبله نما آزادند * الحاصل استدلال ایتک
مطلوبه وصول ایچوندر چونکه مطلوب حاصل اوله استدلاله حاجت
قالماز پس استدلال ایتک لاجل المصلحه اولور نتکم ذکر اولندی
فاما اهل مکاشفه دن ماعداسی دایله محتاجلردر زیرا مطلوب انلر دن
غائبدر غایبه وصول ایسه حاضر ایله توسل اولنه کلشدر پس امور
خارجیه ده بی دلیل مقصود حاصل اولمیجق حقده وصول نیچه حاصل
اولور که اصعب الاموردر بونده اشارت واردر که محجوبک مرشد دایله
احتیاجی آفل و غارب اولان ماسوادن کذر و معرفت حقده انتقال
وسر باقییه وصول ایچوندر زیرا محجوب اولان کیمسه وجود مجازی
اهلبدر وجود مجازیدن خلاص ایسه وجود حقیقی اهلنه مقارنت ایله در
چون سالک کنندی وجودی برزخندن خلاص اوله جمیع برزخندن دخی
نجات بولور زیرا نفس و آفاق بری برینک اجمال وتفصیلدر خلاصه
کلام بودر که برکسه سایه به و آنک عدم بهاسنه نور شمس ایله استدلال

ایتدیکی کبی سالک دخی ماسوالتک فناسنه سایه یزدان اولان اولیسانک
ارشاد ودلالتی حسبیه انتقال ایلر و اول فتابی بالفعل وجودنده مشاهده
قلور و غروب ایتک شانندن اولان تجلیاته مغرور اولماز زیرا کوکب قلب
و قمر روح و شمس سرک انوارنک بقاسی یوقدر پس انلری مطلب اعلی
انتخاذا ایتک مقتضای همت علیماد کلدن بلکه سر السره ترقی لازمدر که
تجلی ذات حاصل اوله زیرا سر السره وجود مطلقه مظهر و سائر
مراتب ایسه صفات و افعاله مجلی در پس آفاقدن قمر شمسدن و شمس
دخی چراغ قدرندن استفاده نور قلمدیغی کبی انفسده دخی روح
سردن و سر دخی سر السره مرتبه سندن اخذ فیض ایدر چونکه
سالک بالکایه حقده متوجه اوله و افعالندن صفاته و صفاتندن ذاته ترقی
قله و روحندن سره و سر دن سر السره حرکت ایلله و مطلوب اعلی
کوزده حق تعالی دخی آنی ماسوادن کنندی ذاتنه قبض ایدوب انک
افعال و صفات و ذاتنی کنندی افعال و صفات و ذاتنه افنا ایلله و اکاوجه
باقی ایله تجلی قله پس ارشاد ایچون خلقه ارسال اولنق بو مرتبه نک
حصوانندن صکره در * بولینجه فناء ناسوتی * حاصل اولز بقاء لاهوتی
* جمع ایچنده بولنور فیض بقا * ایلین زنده ایدر حوتی *

❖ روز سایه آفتابی رایباب ❖
❖ دامن شه شمس تبریزی بتاب ❖

* بیاب * امر در یابیدن یابیدن بولق مناسبه در * شمس * شمس الدین
محمد بن علی التبریزی در که صاحب النظم المشوی مولانا جلال الدینی
ارشاد ایچون تبریزدن قونییه قدوم ایتشدر شمس مذکوره شه دیدی
زیرا سلطان معنویدر که قطیبت مرتبه سی که زمام امور اکامر بوط و نظام
حالم ملک و ملکوت اکامو طدر و بوندن اخذ اولنور که شمس الدینیا سلطان
الانوار الصوریه اولوب انارت صورت عالم ایچون خلق اولندیغی کبی
شمس الدین و ضیاء الحق اولان سلطان الانوار المعنویه دخی اضاعت معنای
عالم ایچون ایجاد اولنشدر (لحرره) * اولسون شمس آسمان مغرور *
نه شمس بوانورد نیاده * طوایددر شمسله زمین وجود * آشنایه کور بنور نیاده
* تبریز * نانک کسر یله آزر بیجان شهر لری نیک اکبریدر نیچه کبارک
منشاء و موطنیدر از جمله خط تعلیقده سر آمد اولان سلطان علی تبریزه

والی اولمشر وانا طوله آیدن ایلنده نشو و نما بولان شیخ روشنی یحییای
شروانیدن اخذ طریقیت ایتد کدن صکره تبریزده توطن ایتشد در مصرده
مدفون اولان شیخ کلشنی آنک خلفا سندن در (لحرره) کتبه تبریزه دخی
شروانه * بس در رسا که سالک بروسه * فیض حقیقیدن ایت ابک پرنم * غمیه
هفتیم اگر قوروسه * بتاب * امر در تابیدنن تابیدن بوکک
معنا سنه در دامن بوکک اکا نسبت و تعلیقدن عبار تدر زیر طالب
صادق وسیله نک ظاهر ادخی اتکنه پادشه کلشدر بعدذا بتاب ایله بیاب
اراستنده تجنیس خطی وار در غرک عزک کبی (معنای یدت) بودر که
یوری سایه دن جدا اولوب بر آفتاب بول و آنک پرتوینه مقارن اول یعنی
وجود مجازی اهلنک صحبتندن عدول ایدوب وجود حقیقی اهلنک
داره سنه دخول ایله زیر سایه فرع نور آفتاب اولدیغی کبی وجود
مجازی دخی فرع پرتو وجود حقیقیدر پس فرعی قویوب اصله یاپش
از جمله سلطان معنوی اولان شیخ شمس الدین تبریزیک دامننی بوک
و آنی یک طوت زیر اسنک ایشک آنک یوزندن بتر غیرک دکل و سن انک
نور ارشادیه ظلمات وجوددن خلاص اولور سن و شیخ سعدی کلماتنده کلور
* دست مجنون و دامن لیلی * روی محمود و خاکپای ایاز * یعنی دست مجنون
دامن لیلی به مقارن و منضم و روی محمود غزنوی خاکپای ایازه ملاصق
و توأم در پس عشق مجازیه حال بواو لیحق عشق حقیقی دخی اکا قیاس
اولنه بونده سایه مناسبتیه شمس و شمسدن شمس الدینه انتقال ایلدی
یوندن معلوم اولدی که اولیاء الله هم سایه و هم شمس اولغله متصفلدر نیکم
وجهی مروت ایلدی و شمس الدینی تخصیص ایلدی کندی مرشدی اولق
حسبیه و الا هر عصرک شمس الدینی واردر که ارشادده تبریزیک سر نه
وارندر پس معاصر اولنله کر کدر که کلینگی تفتیش ایدوب بعد الوجدان
دامنه تثبث ایله و طریق بیعتنه داخل اوله و آنک ارشادی یوزندن
سر منزل مراده وصول بوله زیرا هر کسک مولانا حاضر تلمی کبی
مرشدایاغنه کلمز اکا کمال استعداد کر کدر نیکم کمال خجندی دیواننده کلور
* مکو اصحاب دل رفتند و شهر عشق شد خالی * جهان پر شمس تبریزست
مردی کو جو مولانا * بعدذا شمس الدین و امثالنک سلطان معنوی
اولدیغی دلالت ایدر که عموم سلسله اعتقاد ارتباط بولنلو خصوصاً مرید

سالک اولنلر مشایخ کبارک رعایاسی کیدر زیرا اقطابک اسماسنده جزیت
وارددر پس اسماء جزیه اسم اعظمک تحت خیطه سنه اولدیغی کبی مظاهر
اسمادخی مظهر اسم اعظم اولان ذات جلیلک تحت تسخیرنده دراکرچه
یا لکن ارادت اهلی دکل بلکه جمیع کائنات فی الحقیقه بویله در (لحرره)
بویله در بویله دلاشان سلوک * که مرید اولدی مرشد مملوک *

* رهنما فی جانب این سور و عرس *

* از ضیاء الحق حسام الدین پیرس *

* جانب * اصلنده انسانک و غیرینک شقنه دیرل صکره جهت معنا سنه
استعمال اولندی جانبدار با محذوف در تقدیری بجانب دیمکدر * سور *
دو کون وجهیت و قونقلاق معنای کله اصلنده فار سیدرو لکن رسول
الله صلی الله علیه و سلم آنی ضیافت معنا سنه استعمال و تعریب ایله
تشریف ایلدی نیکم بیورر (یا اهل الخلق ان جابر اقد صنع لکم سوراً)
* عرس * ضمه دو کون طعمانه دیرلر دیمش لردر که ضیافت سکر
قسمدر که اسماسی بونلردر که اسبابنه اضافت اولمشدر و لیله تزوج و ضرر
ولادت و اعذار ختان و و کره بنا و نقیه قوم سفر و عقیقه سابع ولادت
و وضیعه مصیب و مأذبه که بلا سبب اولان طعامدر * ضیاء الحق * ضیاء نور ک
شرعی مروت ایلدی ضیاء الحق شیخ حسام الدینک القاب مشرفه
سنددر ضیاء اطلاق ایکی وجه اوزر بنه در اولکسی بودر که ضیاء صاحب
الضیاء دیمکدر رسول الله صلی الله تعالی علیه وسلم قلم دینلدی کبی
صاحب القلم معنا سنه علی احد الوجوه و خالیدین الولید رضی الله عنیه
سیف الله المسلول اطلاق اولدیغی کبی صاحب السیف معنا سنه پس
صاحب الضیاء دیمک حق تعالی نک نور افعال و صفات ذاتیه منور اولق
معنا سنه در که ضیاء معنودر (ما بعث الله نبیا الا حسن الاسم و حسن الصورة)
یعنی حسن الاسم حسن المسمی معنا سنه اشارت ایدر زیرا السنه
صوفیه ده اسم تعین معنا سنه در که ذات مسماک تعینیدر پس
ضیاء اطلاقنده مبالغه واردر حجة الاسلام و برهان الدین و امثالی کبی
ایکجسی ضیاء مضمی معنا سنه در که جانب حقندن خلقک بواطن اضاعت
و انارت ایچون مرسلدر نیکم قرانده کلور (الله نور السموات و الارض)
یعنی منیر هما و منور هما بصورتده حقه اضافت یا حقیقی اوزر بنه در و یا خود

مضاف محذوف در که مضی اهل الحق دیکدر و بونده دخی کالاول
مبالغه واردر فاعرف و بو تقدیردن حسام الدینک تقدیری دخی
فهم اولندی زیر مقصود لغت جهندن صاحب حسام الدین دیکدر
حسام سیف قاطع معنای در نیکم کلور (حسامه فتح لا وایانه حتف
لاعدایه) معلوم اولکه حسام الدینک اسمی حسن بن محمد بن الحسن در که
سید برهان الدین ترمذینک اصحابند در سید بلاد رومدن قیسار یه ده
و حسام الدین قونیه ده مدفوندر مذکور حسام الدین حضرت مولانا
ایله صحبت ایدوب نظم مثنوی به سبب اولمشدر کرجه ظاهرده
اصحابندن و لیکن فی الحقیقه مولانک مشایخندندر نیکم تقریض مثنویه
اولان وصف بلیغ اکادالر (معنای بیت) بودر که بودو کون و بوجهیت
وضیافت طرفنه یول بلزسک ضیاء الحق حسام الدیندن صور
سؤال ایله زیر آنک یولنی اول یلور وارشاد و دلالتیه اول قادر اولور
مقصود شیخ حسام الدینک ارشاد و تسلیکه قدرتن پیاندر انکیچون
مولانای دخی ارشاد ایلوب ترقیاته سبب اولمشدر پس بوندن فهم
اولندیکه سلوک کده ناقص اولاندر غیر یلری ارشاده قادر اولزلر
و کامل اولندر دخی ارباب استعدادی تربیه ایتک کر کدر نیکم لطائف
ابن کالده کلور * نااهله بدل ایدر نعم کاسه فلك * بلز دو کون او بی
طور مز چناق جکر * و مستعد اولندر دخی ارباب نقصانک لافیه
مغرور اولماق کر کدر نیکم مولانا جامی نظمده کلور * بلاف نا خلفان
زمانه غره مشو * مروج و سامری از دینه باتک کوساله * بلکه
برادیب کاعلی بولوب دست دامن اولق کر کدر * نیکم نفی شعرنده
کلور * عقله مغرور اوله افلاطون وقت اولسک اکر * برادیب کاعلی
کورد کده طفل مکتب اول * بعد ذابیت مثنوی تمثیله محمودر
صیافتدن مراد علوم و معارف حقیقه در که نکاح معنوی سببیه
حاصل اولور * یعنی فیض نفس مرشد رجم استعداد طالبه طرح
و القاولوب اندن صکره ولاده ثابته تدر بجله حاصل اولان اذواقدر که
اولی شیر و آخری سائر لذائذ و مشتهیات کیدر نیکم حضرت موسی
علیه السلام اوائل حالنده غداء سر سری مرتبه سینه قناعت ایلوب
(رب انی لما نزلت الی من خیر فقیر) دیدی کویا طفل دایه ایدیکه

شیر ایله پرورش بولوردی صکره که حسد طفولیتدن ترقی ایدوب
حوصله ده وسعت والوان نعم ایله تغذیه قدرت مرتبه سین بولدی
و طلبنده ترقی ایلوب (رب انی انظر الیک) دیدی پس دو کون اوی
آفاقده باب مرشد و انفسده سرای قلب و حقیقته قرب خقدر نیکم
حدیثده کلور (ایست عند ربی بطعمی و یسقینی) زیرا دو کون اونده
ضیافت و ذوق صوری و انواع شتک اولدیغی کبی ذکر اولنان مقاماتده
دخی انواع نشاط و سرور والوان اذواق معنویه و خصوصاً جیت
عظمای ارواح واردر انکیچون رسول الله صلی الله علیه و سلم نساء
نجیب اولندی * زیرا قربانده ذوق و صلت و قرینه اشارت واردر
پس بوندن معلوم اولدیکه بونکا حدن محروم و بوسوزدن بی خبر
و بو ذوقدن بی چاشنی اولندر حقیقته ماتم اهلیدر عوام ناس و عوام
علماء و مدعیان صوفیه کبی زیر علوم رسمیه و معارف شیطانیه به اعتبار
یوقدر بناء علی هذا قیامت کونی ماتم چکرلر و حسرت و ندامته
دوشرلر و بونده رمز واردر که هر عصرک شمس الدینی اولدیغی کبی
حسام الدینی واردر نیکم نوعی زاده شعرنده کلور * قالور می
بن کیدر یحک باغ عشق بلبل سز * بری کیدر سه برینه هزار کلیه می *
و شمس الدین ایله حسام الدین اسمده متفرق و مسماده مختلف اولق
حقیقته اتحاد و ذوقده اتفاقیه مثانی اولدیغی کبی آنله الی یوم القیام
وارث اولندر دخی بویله در اکر چه که هر کسک حقه وجه مخصوصی
اولدیغی جهندن برای تسهیل طرق تسلیک متعدد اولمشدر
لغات قرآن متعدد اولدیغی کبی نیکم حدیثده کلور (انزل القرآن علی
سبعة احرف) و بونده تصریح واردر که مطلوبه و صوله طلب
و طلبده دخی صدق لازمدر که مقتضای بلافتور قرع باب در نیکم
دیمشدر (من طلب وجد و جد و من قرع الباب و لج و لج) و حضرت
پیر اسکنداری آلهیاتده کلور * رفر فیدر راه حقه اول هدایه عاشقک *
قرع ایدر ابواب غیبی لاجرم تکرار هو * و بونده (اصحابی کالبحوم
بایهم اقتدیتم اهتدیتم) سرینه اشارت واردر انکیچون ضیاء الحق
دیدی پس منور و مضیا اولق استین بنه نور و ضیا اهلنه مراجعت
ایتمک و طریق هدایه شب و روز دلالت چراغ روحانی ایله کتمک کر کدر

واشارت و ار در که اهل حق اولان کر کدر که سیف قاطع کی اوله
تنفیذ امور و اجراء احکامده و کذلک کردن نفس هریدی و بنان دیو
هریدی قطع ایتمده زیرا سست اولان چونکه قلبی کی قطع طریقندن
قالور و فرصت السده ایکن احد ائله محاربه ایتمین یا کلور و بوسه تانده
کلور * مکن عرضایع با فوسوس و حیف * که فرصت عزیزست و الوقت سیف

✽ ورحسد کیرد ترا در ره کلور ✽

✽ در حسد ابلیس را باشد غلو ✽

✽ و * واکردن تخفیف او نشد در که حرف شرطدر * حسد *
محسود که نعمتی زائل او اوب حاسده انتقالی نمی ایتمکدر ابواب سبعة جهنم
مقابله سنده واقع اولان صفات سبعة مذمومه نک بریدر * کلور * بوغزدر
نتکم خلفاء مولویه دن نشاطی نظمده کلور * بزم چمنده ذوقه سبب
نیمی جویدر * خونین ترانه کلور سپومیدر * کلور کیر * که کز
و بوغاز طویلی نسینه دیرلر * ابلیس * بالاده بیان او انشدر * غلو *
هر بیدر حدی تجاوز معناسنه بقل غلافی الامر غلوا جاوز حده بعدذا
بویتمده شرطک جزاسی محذوفدر نتکم تصویر معناد کلور پس مصراع
باقی محذوفه عات او اور نتکم قرآند کلور (وان یکذبوا فقد کذبت
رسل من قبلك) ای فلا تحزن فقد کذبت رسل (معنای بیت) بودر که
واکر بوسور باطن و ضیافت معنویه به کلور کن بوالده حسد دیدکری
صفت مذمومه سنک قلبک بوغازنی طوتر و سنی قبض ایدر و سکا مانع
اولوب راه راسته سلوکدن نحو بل و ضیافه اللهدن حرمانه باعث اولور سه
سن حسدده غلوا هلی اولان شیطان اولور سین زیر شیطانک حسدده
غلوسی او اور نتکم بیت آید کلور الحاصل حسد شیطان صفتیدر
و شیطان صفتیه منصف اولان کسه صورتده انسان و سیرتده
شیطاندر و آخرت عالم صفت اولوب هر کس صفت غالبه سنه کوره محشور
اولغله حسود دخی صفت شیطان و صورت دیو اوزینه مبعوث او اور
(بونده ساسده دل اولان ارباب اقراری ملائکه و هر شد کاملی آدمه
و پرگین و حسد اولان اهل انکاری شیطانیه تشبیه واردر زیر ملائکه
دعوت حقه اجابت و امر خالقه امتثال ایدوب ابوالبشر آدم علیه
السلامه سجده و انقیاد ایتمده لیه (و علم آدم الاسماء) و فقبحه و دخی
(فلما انبأهم باسمائهم) حسیبجه ضیافت حقه مظهر اولدیلر زیر بوندن
فهم اولور که آدم تعلیم اولندیغی علم اسمادن ملائکه ابناء و اخبارله

سبب ترقی اولدی اگر چه که غیری وجهله ملائکه ده ترقی یوقدر شیطانیه
ایسه حسد کلور کیر اولوب کردن کشاکش ایتمکله داغ حرمانه علم اولدی
و مطبخ نوال ازادن بی نصیب قالوب (و کان من الکافرین) مضمونی
اوزره زهر قهر و جلاددن کاسه حالی طولدی و بلا سین بولدی پس
نشانه حسد ایله علم اولان اهل انکار دخی کفار و ملحق اولوب حسد لرندن
آدم ک مامله سرفرو ایتمدیلر و داعی الی الله جانبه بر آدم کتمدیلر
ز برا بیت مشویدن بالفعل سلوک راه فهم او انماز پس جائزدر که در حسد
کیرد ترا در عزم ره کلور تقدیرنده اوله و بالفعل سلوکری تقدیری اوزرینه
دخی نصف طریقندن رجوععلری حسیله کلب اصحاب کهف آنلردن
یک اولور زیر کلب مذکور (و کلبهم باسط ذراعیه بالوصید) صفتیه
متصفدر پس قانی پیرو لک و ملازمت باب وقائی ارتداد و انکار و احتجاب
(لحرره) هر کسه لایق اولدی بوقبو * المدی بوقبوندن هر کس بو *
و بونده اشارت واردر که لذات نعمه لایق اولیان مرور المزاج کسه
کلور کیر اولان نسینه لرله مبتلی اولدیغی کی ضیافت علوم حقیقه به
مسحق اولیان دل دخی رسوم ایله السدانوب قالور و بونده حضرت
مولانا قدس سره فخر الدین الرازی به تعریضدن خالی دکدر زیر
فخر الدین حسدده غلوا ایتک سببیه مولانا ک والد ماجدی سلطان
العلمانی بلندن اخراجه باعث و جلاء وطن ایدوب قونیه طرفنه
قدومه موجب قوی اولدی شیطان آدمی جستن اخراجه سبب
اولدیغی کی صکره کندی مخذول و مولانا و پدری منصور اولوب تکمیل
و جو دایچون مهاجر تلمی کویا ارضه هبوط کی اولدی پس بونلر صورت
تغزله ترقی و فخر الدین ایسه صورت ترقیده تنزل بولدی (لحرره)
کهر ذاتکی پاک ایت غلندن * کچه کوز ظلمت هیا کلندن * اوله
کوز نورله عالمده ککش * اوله شب و شب جهان ایچنده حبش
✽ کوز آدم نک دارد از حسد ✽
✽ با سعادت جنک دارد از حسد ✽

✽ نک ✽ عار ذمکدر ✽ سعادت ✽ شقاوتک ضدیدر یعنی امورا الهیه نک انسانه
نیل خیر اوزرینه معاونتیدر پس مساعده سعادت ظن اولنان نسینه ایله
معاونتدر (معنای بیت) بودر که او شیطان حسدده غلوسندن او توری

آدمه سجده ایتمدن عار و سعادت اهلی اولان آدم ایله جنک وجدل طور
 بونده شیطانتک حسد اوچندن شقاوتنه اشارت واردر پس شیطانه
 حسد صفتنه مشارک اولنلردخی شقی اولورلر انکیچون اهل اقرار و اهل
 انکار ارامنده الی یوم القیام کفت و کو و حرب جدال اکسک دکدر
 (سؤال اولنورسه که منکر انکار سببیه شقی اولق ابلاننه مخالفدر) (جواب
 بودر که شقاوتک مراتبی واردر پس مؤمنک انکار اوچندن شقاوتی
 کافرک کفری یوزندن شقاوتی کبی دکدر زیرا کافر مخلد فی الناردر منکر
 ایسه درجاندن محروم و جائزدر که صفت انکار غالب اولوب سو خاتمه
 مؤدی اوله نتکم آثاری منقول و احیاء العلوم ده دخی مصر حدر پس
 بوندن اخذ اولنلر بکه انسان کامل ایله صحبتیه مانع اولان حسد و انکار
 و دائرة لطفه دخوله مزاحم اولان مظهریت قهر و قهاردر اگر شیطان
 آدمه سرفرو ایدیدی جنی ایکن انسی اولوردی نتکم مقدمات باب اعمالده
 ملائکه ایله مشترک و انلریک عدادنده داخل اولغله ملائکه دن اشتناسی
 صحیح اولدی زیرا نفسنده کلبدن کم دکل ایدی کلب ایسه اصحاب کهفیه
 التحاق ایله مردم اولدی و جنة دخوله ایافت بولدی چونکه سرکشک
 ایدی کلبدن بترو حیواناتدن کتر اولدی نتکم قرآنده کلور (انهم الا
 کالانعام بل هم اضل) زیرا انسان جندن افضل ایکن شقاوتی
 حسیله حیواندن بتر اولیجق جن و شیطان دخی بویه در دیمش لردر
 شیطانتک مؤمنی اولماز و لکن جنک اولور نتکم فصوص اکاد الدر
 (ومر ویدر که غزوه بدرده جنک مؤمنلردن بر طائفه حاضر اولوب
 کفارله جنک ایلدیلر و تحت اللواء مصطفی صلی الله علیه وسلمده
 بواندیلر حالا اوراده مقاملری زیارت اولنور مقامات انسانیه
 زیارت اولنلر دخی کبی الحاصل برکسه نک سعادت اهلانده اعتراض
 و انکار و انکله جنک وجدلی شقاوتندندر زیرا سعادت ضد
 شقاوتدر و هرکس نشاء سنک حکمنه مخالف اولانه مضاده ایده
 کلشدر و مطلقا جنک وجدلک حسن و اطنی یوقدر فکیف که سعادت
 ازلیه اربابی اولان اولیایه تعلق ایده و برکسه انلره سعادت و خصوصت
 ایله انک خصمی الله تعالیدر زیرا اول عداوت و خصوصت فی الحقیقه
 الله تعالی به در نتکم حدیثده کلور (من عادى لی ولیا فقد بارزنی بالحرب)

نتکم اولیایه مباحثه ایله الله تعالی به متابعت ایتمش اولور نتکم قرآنده
 کلور (ان الذین یبایعونک انما یبایعون الله) و اطاعت دخی بویه در
 نتکم تنزیله کلور (من یطع الرسول فقد اطاع الله) و اولیایه
 رسول الله صلی الله علیه وسلم اولغله بواطلاقتک اشارتده داخلدر
 پس وای اول منکره که کافر کی جماعتدن خارج و خلیفه حق
 مباحثندن مفارق اوله نتکم حدیثده کلور (من فارق الجماعة واستنزل
 الامارة اتی الله ولا وجه له عنده) وینه خبر صحیحده کلور (من لم یعرف امام
 زمانه مات میتة جاهلیة) و بونده اشارت واردر که شیطان آدمک
 حقیقتن بلیوب انکاره دوشدیدی کبی منکر دخی انسان کاملک سمرنه
 و اصل اولیوب انکاره دوشر هر عصرده جاریدر (سؤال اولنورسه که
 کفر و انکارک اصلی ندر) (جواب بودر که صفت قهر و جلالدر و قهر
 و جلال کفر و انکار یوزندن اولدیغی کبی بلایا و مصائبی تحصیل یوزندن
 دخی اولور و لکن بوقهر و جلالک مؤمنه ضرری یوقدر بلکه ترقیسنه باعثدر
 حق تعالی نک تشدیددن مرادی قوللر نه لطف و جمال و قهر و جلالانی
 تعریفدر تعریف ایسه تکمیل یابندندر زیرا آدمک ارضه هبوطی
 اسماء و صفاته انتساب و طرق حق سلوکدر پس اسماء متقابله ایله متبلی اولق نک
 علوشاننه دال و رفعت مقامنه شاهددر نتکم میوه یا لکن سایه ده و یا خود یا لکن
 کنشده پرورش بولسه کاله ایرمز بوسیدندر که قرآنده کلور (لا شرقیه
 ولا غربیه) یعنی شرق ایله کنشده و غرب ایله سایه به اشارت ایلر فاعرف جدا
 ❖ عقبه زین صعبتر در راه نیست ❖
 ❖ ای خنک آنکس حسد همراه نیست ❖

عقبه اصلنده حرکات ایله طایغ ایچده صعب ضد السهل و وعر السلاک
 اولان یولدر کافی المفردات و زنجیون قاف اسکان اولمشدر و فی القاموس
 العقبه بالتحریک مرفی صعب من الجبال یعنی عقبه طایغ یوقشیدر
 انکیچون طریق حجبده و غیرده یوقشیر لره عقبه اطلاق شایعدر
 بوندندر که برنسنده صعبوت اولسه عقبه دیرلر و قرآنده اعمال
 صالحه دن عقبه ایله تعبیر اولمشدر صعبوتندن اونوری نتکم کلور
 (وما ادراک ما للعقبه فک رقبه او اطعام) یعنی عقبه دن مراد قول آزاد
 ایتمک و احتیاج تام کوننده یتیم و مسکین اولنلره اطعامدر که طریق

صعبد شویله که هر کس سلوک ایدیه من و حدیثه کلور (و خفف الحمل
فان العقبة صعب شدید) یعنی یا باذر حمل ذنوبی تخفیف ایله توبه
وانا بیلله زبیرا طریق آخرت صعب و شدیددر زیر امر صاد و محل
مؤاخذنه در تنکیم محمدیه اوزرینه فرح الروح نام شر حزمه مفصلا
مبیدر * صعب * صفة مشبهه در عسبردی کدر که کو چدر * خنک * بختلو
طوبی له معنای * ای * بویله برلده مجرد تنبیه ایچوندر تنکیم مرار امرور
ایلدی (معنای بیت) بودر که آخرتده حسد صفتنن زیاده کوج
یوقش یوقدر پس بر کوج یوقشدن خلاص اولق سابلله نیجه ایسه
حسدن نجات بولق دخی ساسکه بویله درای سعادتلو و بختلو
اول کسه که بو بولده حسد اکا بولداش دکلدر بوندن فهم اولدی که
بو بولده هر کیمه حسد بولداش اولدی ایسه اول کسه طریق آخرت
یوقشنی کذر ایتموب بی بخت و بی سعادتلو قالور زیر یوقش کذر
اولدی قجه منزله ایرلن و منزله ایرشد کج طریقی ایدینلر و قرآند کلور
(ان الذین آمنوا و عملوا الصالحات طوبی لهم و حسن مآب) یعنی سعادت
اثری جنته دخول و حقه وصولدر فاعرف و حضرت هدای قدس
سره کلماتده کلور * ایرشمن سلا مت پایه سینه * لابدیان ایدر
سرمایه سینه * و بوندن اخذ او انور که شقاوت اهل اولان
حسوده طوبی له یرینه و بلله و تباله و امشالی کلمات دینلور بعددا
حضر مولانا قدس سره حسدی زیاده صعب و بته وصف ایلدی نفوس
ناسده غالب و زاله سی زیاده مشکل اولمه اگرچه صفات سعادتن
حسدک ماعداسی دخی مشکلدر که کبر و ریا و عجب و غضب و حب
مال و حب جاه کی و مولانایه حسد اوچندن فخر الدین الرازی
وسائر مخذول اولدیلهر محکیدر که بر حسود کسه شیطان راست
کلوب شوق و کشت و نک اینکین بر طریق ایلله مرعاده کز رکن اهلاک
ایله دیدی شیطان دخی اکا هیجه سکاسود و بوغرد و بر منتفع اولور سن
پس نچون اینکین ک هلاکن مراد ایدرسن دیدی اول کسه دخی
البته هلاک ایلله زیرا آنک اینکی اولدیغنه حسد ایدرم دید کده شیطان اول
کسه بی کنندن بتر کوروب یانندن فرار ایلدی تنکیم سوزنی نظمنده کلور
* بیک صغیره مرار همای شیطان بود * بصد کیره کونر همای شیطانم

❖ این جسد خانه حسد آمد بدان ❖
❖ کز حسد آلوده باشد خاندان ❖

* این جسد * جمیله در جسدانس و جن و ملائکه مخصوص صدر جسم اعمدر
و كذلك جسد لونی اولانه اطلاق اولتور فاما جسم لونی اولیانه دخی دینلور
آب و هوا کی جسد ایلله بدتک فرقی مرور ایلدی . خاندان . اصلنده
خانه یریدر زرادان ظرفیت افاده ایدر و لیکن عجم اهل بیتن خاندان ایلله
کلیه ایدر عرب حرم ایلله کلیه ایندی کی زیر ابونده ذکر مستهجن
اولان نسادن انسانی صیانت و اهل پرده بی ستور عایت ادب و حرمت واردر
(معنای بیت) بودر که بو جسد انسانی و بدن بشری بیلکه حسد
دید کلری صفت خبیثه نک خانه سی کلدی یعنی جسد حسد اویدر
زیرا جسد نفسی مشتملدر نفس ایسه صفات ذمیه نک بیتی و مأوی الشرور
و معدن الفسق و الفجوردر که حسدن جسدک اهل بیتی اولان مشاعر
قوای باطنه بولاشق و مر دار اولور زیرا حسدک شری جمیع اعضا
و قوایه سریان ایدوب حواس خمس ظاهره و قوای باطنه متلوث اولور
و هربری حکم جوارله نجس حکمن بولور و حکم حسد اوزرینه جریان ایدن
حسد کی مذموم کلور بوندن فهم اولتور که برخانه ده بر مر دارک اوچندن
سائر پاک اولتور دخی مر دار اولورلر تنکیم بر بستن و جمع و مر ضندن
غیر بلر دخی زجت و الم بولورلر بر اوده که بیمار اوله عیش و طرب اولان
نظر ایلکه بردندانه و جمع عارض اولسه سائر دندانلره دخی اغریسی
سرایت ایلور و قومک متبوعی بد اخلاق اولسه اتباع دخی بحکم الجوار
والانصال الناس علی دین ملوکهم و فقیجه اکا تابع اولورلر و دیشلدر که
الطبع جناب و بونده اشارت واردر که انسان ریاضت ایلله حکم جسدی
ازاله و قوت غذاییه نک موادی اذابه ایتمد کج اوصاف ذمیه نک غاوسندن
خلاص بولماز و اوصاف ذمیه روح بدنه تعلقند نصکره تواد ایتشدن
و روح پاک دخی بو تعلق سببیلله آلائش قبول ایتشدن پس خانه بدندن
بد اولتور اخراج و اخلاق باطنه اصلاح و تحسین اولنسه روح و جمیع
اعضا و قوی مستریج اولورلر و بونده رمن واردر که کرچه هر مواد
طهارت اصلیه اوزرینه مفطور و موجود اولشدر و لیکن اول طهارتی
محافظه ایتک قتی نادر دوشمشدر بیلکه اهل ولایتک اکثری محروم

البدایه و مرزوق النهایه قیامتند در انکیچون هر کسه تطهیر وجود
ایچون اجتهاد عظیم لازمدر (لحرره) اولدی اخلاق بد انسانه زخیر
پس کرک صوب وجودی تطهیر * و بونده تلویح واردر که هر کسک صفت
مدوحه و مذمومه سی نفسنده مضردر یو خسه خارجدن دخول ایتمز
و ذاتی اولان نسنه متغیر اولمز یعنی ذاتی جهتندن اگر چه آثار و فروعی
جهتندن متغیر اولور انکیچون دیمش لردر که نفس انسان کافره در که
بر وجهله ایمان قبول ایتمز اگر چکه بحسب الظاهر تسلیم و انقیاد کوستر
خراج گذار اولان کافر کی بوسیدندر که جهنم انسانک
کندی یاننده در و هیچ بر موطنده مفارقت ایتمز و اعمال مطلقا قبرده
و غیری موطنده خاندان کبیر و بونده تعریض واردر که بر صبی
بر مردار نسنه ایله دامن آلود اولسه تطهیرندن عاجز اولوب یننه فریاد
کنان دامن مادریه دخیل اولدیغی کی مر تکب معصیت اولان مکسه دخی
چرکاب معصیتی تطهیر ایچون دامن مغفرت غفاره تثبیت ایتمدن غیری
چاره بولماز و وجدی نظمده کلور * سیراب عفو اولور سه نوله کاشن
عملی * بحر ای جوی رحمتی سبل گاه آچر * بوسیدن حضرت مولانا قدس
سر مطهر حقیقی اولان الله تعالی نیک لطفی بیانه انتقال ایدوب بیور

* کر جسد خانه حسد باشد و لیک *

* آن جسد را پاک کرد الله نیک *

* نیک * ایودره مقابلی بدر که معناسی بر امر در نیکک به دز فرفی واردر
زیرا به یک معناسه در که اولویت افاده ایدر و اولی اودر که آنک غیری اولق
حسن اولیه بوراده الله تعالی بی ابلکله وصف ایلدی زیر احسن مطلقدر
و نوری آلهیسانده کلور * با که ای مالک ایتدو کک ابلک * بیلورم ککلاک
بنده در بنده * و مناجات هداییده کلور هدایتک هر گاهن باغشله * اول ککلاک
ایتدیه سن ابلک اشله (سؤال اولنوسه که الله تعالی عبادی مرض و فقر
و امثالی بلا یا ایله مبتلی ایلر پس بونلرنجه ایلک اولور) جواب بودر که الله تعالی
حکیمدر پس طبیعت مر بضه آجی دارو ایچوردیکی فی الحقیقه قبیح
اولدیغی کی حکیم حقیقتک دخی خلقی امور مکروهه ایله امتحان
ایتدیکی قبیح دکادر بلکه حسندر و بد دکادر بلکه نیک در زیرا مصلحتی
منضمندر که تربیه وجوددر بوندن رحن و رحیم و امثالی اسمک حقیقی

ظاهر اولور فاعرف (معنای یت) بودر که اگر جسد عنصری و بدن
خاک خانه حسد و سائر صفات رذیله او اور سه ده و لکن افعال جلیله
و صفات حسنه ایله معروف و موصوف اولان الله تعالی اول جسدی
لوث حسد و امثالندن پاک ایلدی یعنی الله تعالی مشیتی تعلق ایتدیکی
عبادی رزائل نفسندن تطهیر ایدر پس لوث حسدله مثلاً ناپاک و ارایسه
اندن پاک اولمش دخی واردر ع - و ما اتبوا و کل اولیا کی زیر بونلرده رذائل
نفسانیه اولماز مگر حسد یرینه غبطه اوله انکیچون لیلله معراجده فخر
عالم صلی الله علیه و سلم حضرت موسی علیه السلامه مرور ایتد که
حضرت موسی اغلدی بند نصکره کلوب بدن افضل اولدی دیدی
و بونده حضرت مولانا و پیدر لری سلطان العلماء ایله فخر الدین الرازی
حائله اشارت واردر زیرا سلطان العلماء لقی لسان نبوت علیه السلامدن
صادر اولمشدر و علماء حقند الله تعالی بیورر (انما یخشی الله من عباده
العلماء) پس خشیت علمانک صفات خاصه سیدر و انده که بوصفت جلیله
اوله حسد و امثالندن میرادر و مولانا دخی شمس الدین التبریزی و حسام
الدین چلبی و صلاح الدین زرکوبی تربیه لرله جمیع آرایش وجوددن
پاک اولوب کمال اولیا سلسلکند منسلک اولمشدر فخر الدین ایسه حسدی
ایله قالوب آخر اول عارله ککذر ایتشدر زیرا سلطان العلماء و اتبا عنه
ایتدیکی اهانت و حسدن رجوعی منقول دکلد و بلکه صکره بلخه تاتار
مستولی اولوب آتی دخی اخراج و بلکه قتل ایلدیله و فخر الدین اگر چه
علوم ظاهره سنه نهایت یوق و معارف صورتنده کلماتی یک چوقدر
نتکم تفسیرندن روشندر فاماداره حقیقه قدم بصما مشدر و الاساطان
العلمایه حسد ایدوب پادشاهه غمزایله بلخدن اجلا ایتدیرمزدی زیرا
اهل حقیقت رذائل نفسانیه دن مطهردر نتکم (لایمسه الا المطهرون)
نظم منبئی اکادالدر محکیدر که اتم سالفه ده بر ناحیه ده زمان واحدده
بر قایچ نبوت اهلی بوانوردی و هر بری نبوتنه کوره شرع مخصوصله
خلقی حقه دعوت ایدردی پس ایکی بی بر ناحیه ده اولق جائز اولیجق
ولی دخی بوبله در مشایخ کبارک کترنده حکمت و مصلحت واردر زیرا
مشارب ناس مختلف و استعدادات خلق متفاوتدر نتکم بالاده دخی قلدن
تقاطر ایلش و متعارف خامه آتی طوطی کی سوبلشدر و یتندن فهم اولنور که

نجاست و طهارت یکی شمر نوعی که صوری و معنوی در پس تقدیر
ذات و مخالفات و ارایسه جلله سی الواث مقوله هستند که تطهیری
لازم در و هر صفات طهارتی ضدیله در و حدیثه کلور (دم علی الطهارة
بوسع عليك الرزق) یعنی نجاست صورتی که در ظاهر یکی و نجاست
معنوی در باطن یکی دوام اوزرینه پاک طوت تا که طهارت صورتی که
ایله رزق صوری مزید و طهارت معنوی که سبیل رزق معنوی یوما
فیوما جدید اوله که علوم و معارف حقیقه و اذواق و مواجید و کشف و قدر
(سؤال او انور سه که حضرات اصحاب رضی الله عنهم علی الدوام
طهارت مطلقه ایله متصف اند ایکن دائرة معارفی تنک و بطاخری مربوط
سنتک اولدیفنک اصل علی ندر (جواب بودر که رزق معنوی حقنه کلام
یوقدر زیر امتزاید در فاما رزق صورتی که ضایقه چکد کاری ظاهری باطنی
تطبیق ایچوندر زیر باطنی افتقار نام اوزرینه ایدیکه غنای عظیمی در تنکم
حدیثه کلور (اللهم اغنی بالافتقار اليك) تحفه بقی واردات حقیقه نام کلمه در

❖ طهرا بی بی بیان پاکست ❖
❖ کنج نورست از طلسمش خاکست ❖

تطهیر پاک ایتمک در و لکن طهارت مرور ایتدی یکی اوزره طهارت
جسم و طهارت نفسه شاملدر و هر بری قرآنده مستعملدر پس
صواعقه ایله بدن و یا ذنبی ترک و صالحات عمل ایله نفسی تطهیر
ایندنه متطهر دیرل طهرا صیغه سی تنیه در که حضرت ابراهیم و اسمعیل
علیهما السلامه خطابدر تنکم قرآنده کلور (وعهدنا الی ابراهیم و اسمعیل
ان طهرا بی بی) بی بی * یائنه تنک فتحه سبیل در و لکن سکون دخی قرآندر
تنکم یومحلده و زنجیون اختیار اولمشدر بیت اصلنده انسانک کیجه ایدیکی
مأوا سیدر صکره کیجه اعتبار اولنجوب مطلق مأوا ده استعمال اولندی
بوندن ماعداتفصیل مرور ایتشدر * کنج * کاف عجمینک فتحه خزانه در
کنجینه کی مغریلر کاتبه کنج نامه دیرل زیرا ایچنده کنجه متعلق احوال
درج اولمشدر تنکم اسرار نامه دیرل ایچنده اسرار اولان کلمه * طلسم *
طائک فتحه در اگرچه عوام تحریف ایدوب کسرله او قور و نعمه الله
لغتنده دخی کسرده درج اولمشدر منحل اولماز عقد مناسبند در
و بعضیلر دیشلدر که مسلط لفظنک مقلوبیدر که ایکی سنک دخی جوهری

قهر و تسلطه دلالت ایدر و شرح رقیقه امام غزالی رحمه الله بیور
(الطلسم عبارة عن امر يستحدث به امور عجيبة بواسطة مزج القوى
الروحانية العلوية بالقوى الروحانية السفلية) و شرح طریقه کلور
(الطلسم جمع الاثار السماوية مع عقاقير الارض ليظهر منها امر عجيب)
انتهی طلسم نیرنج دیدکارینک غیریدر زیرا نیرنج بالکنز قوای جواهر
ارضی تمزیدر بعد از طلسمک انواعی وارد که حکماء سابقین احداث
و تألیف ایشلر و کنوز و خزان و امثالنی آنکله حفظ و ضبط قلمشدر
علم اکسیرک مضافنددر پس آنک اصلنده وجهله عقد اولند بغن بیلین
کیسه حملدن عاجز اولور انسانک جسدی دخی طلسم کیدر که خاکدن
استحداث اوانوب کنوز روحانیه برزخ و نفود اسراری استخراج
حائل دوشمشدر زیاده انغلافتدن حکماء آکهمیه دن غیر کیسه آنک حملنه
ظفر بولمش و طریق معرفته دایل بلمشدر و محمدیه ده کلور * بن همای دوام
طریق دکلدر جوهرم * کرچه برقاج کون قفص بولدم بو طیرا قدن مثال
(معنای بیت) بودر که حضرت قرآنده طهرا بی بی خطابنی کعبه و بیت
قلبک مجموعنک پاکلکن بیاندرو خسه بالکنز کعبه نک طهارتن بیان دکلدر
والا ابراهیم و اسمعیل علیهما السلامدن برینه خطاب ایدوب طهر بی بی
دیمک کفایت ایدردی تنکم (واذن فی الناس بالحق) آیتنده بالکنز ابراهیم
خطاب کافی اولوب تأذین حاصل اولدی پس امر الهی ایکی بیتک بله
تطهیر بی بی مشتمل اولغله خطاب ایکی سنه وارد اولدی زیرا هر بری
باشقه قلب صاحبدر و قلبی تطهیر ایتک ادناس تعلقات کونین و اوضاع
ملاحظه اغیاردندر و لکن انبیاء علیهم السلام فطرت اصلیه اوزرینه
مولود در و ذائل نفسانیه انلرده مفقود اولغله تطهیر قلب ایله امر ایتک ادامه
و شایسته محمولدر تنکم ظاهر کعبه کوره دخی بویله در زیرا کعبه نک بیت
الاصنام اولدیغی عمرو بن لخی زمانند ایدیکه اندن زمان فتحه دک
مستمر اولدی و لکن اولاد و امحه تعریض وارد و الله تعالی کعبه کوره بی بی دیو
نفسنه اضافت قلدی کندینه مخصوص اولوب ماسوای ایچون انده مشوی
وسکنی اولمد یغیچون تنکم حدیثه قد سیده کلور (یاد اود فرغنی بیتا
اسکن فیه) الحاصل الله تعالی که تطهیر بیت ایله امر ایلدی لاجرم امر نه
امثال بولنوب طهارت حاصل اولدی و امر دن طهارت لازم اولدیغی دخی

فهم اولندی پس آیت شریفه قلبك طهارتن و كذلك طهارتی لازم
اولدیغن یئاندر بوندن صبره حضرت مولانا بیورر قلب بیت خزانة
نور آیهدر که الله تعالی ائمه تجلی قلمشدر تنکم حدیثه کلور (ان الله
خلق آدم فجلی فیہ) ای بجمیع اسماءه جلالیه و جلالیه اگرچه آنک طلسم
مثال اولان جسدی خا که منسوبدر که اندن خلق اولمشدر تنکم
حضرت هدای قدس سره آلهیاتنده کلور * طلسم اولوب بنی آدمده
صورت * قولش ائمه اسرار حقیقت * پس بو طلسم صورتی فتح ایدوب
معنایه دخوله قادر اولان کیمسه دفتیه دست رس بولدی که اسرار
و حقایق و علوم و معارفدر (بونده اشارت وارددر که بوجسد و صورتی
فتح ائمه ده صعب و بت وارددر طلسم کی پس آتی اربانه اچدر مق
کر کدر که حکماء آلهیه و مغاربته جفریه ذوقیه در زیر بونلر تسلیکه
قادر و تصبیده ماهر لدر ساولک ایسه ابتداء ریاضت ایله طبیعتی و مجاهده
ایله نفسی اصلا حدر که جسد دیدکاری فی الحقیقه بویکی قوتدن عبارتدر
پس بویکی قوتک حکمی زائل و جوهری ذاهب اولسه طلسم وجود منفتح
اولوب دفائن قلبه وصول و کنوز سره دخول حاصل اولور و بونده
رحم وارددر که جسدك حدوشتدن قلبك حدوشتی لازم کلرز برا جسد
خاکدن مخلوق و مخلوقدن مخلوق اولان دخی مخلوقدر که عالم ملکک ناظر در
قلب ایسه تجلی الهی ایله ظاهر اولمشدر که عالم ملکوتدن در ظرفك
مضغه صنوبریه اولدیغی حدوشتی موجب دکلدر الحاصل حادثه
تجلی اولماز اکر چه حادث دخی تجلیاتدر ندر پس قوی و اعضایه
سریان نور ایتک تجلی قلبك رشاش و رشحاتدن در فاعرف فانه دقیق

چون کنی بر بی حسد مکر و حسد

زان حسد دل را سیاهیهار سد

بی حسد ترکیب نفس اهلیدر سیاهیها سیاهیك جیهدر که بامصدر یدر
(معنای بیت) بودر که چونکه سن نفسی رذیله حسد و امثالندن ترکیب
و تصفیه اتمش بروایتک اوزرینه مکر و حسد ایده سن و کزلی سعی بالفساد
اهلی اوله سن سنك اول مکر و حسد کدن قلبکه سیاهلقلر ایشور
ز برا قلب انسان آینه مثالدر و مکر و حسد و سار صفات رذیله غبار
و بادود کیدر پس آینه اوزرینه غبار قونسه و یامر کب تقاطر ایلسه

آنک یوزی بو یوزدن نیجه تیره و ظلمانی اولور سه صفات رذیله نك دخی هر برندن
بردورلی ظلمت حادث اولوب قلبك قرار مسنه سبب اولور تنکم غین ورین
دبرلر غین اول حجاب رفیق و پاس قلبدر که تصفیه و نور تجلی ایله زائله
اولورن بر ایمان و اعتقاد باقیدر انکی چون دیشلدر (الغین هو الا حجاب
عن الشهود مع صحة الاعتقاد) ورین اول حجاب کشف وژنك دلدر که قلب
ایله ایمان ار اسنده حائل اولمشدر پس رین غیندن بتردر وایکی سینك دخی
سببی ظلمات اوصافی و معاصیدر تنکم دیشلدر بر مؤمن برجه ترك ایلسه
قلبی اوزرینه بر سیاه نقطه وضع اولور ایکی ججه ترك ایلسه ایکی نقطه
قونیور اوج ججه ترك ایلسه آینه دل سر ایا سیم سیاه اولور ورین مرتبه
سن بولوب بردخی معالجه دن قانور تنکم کاستانده کلور آهنی را که مورانه
بخورده نتوان برداز و بصیقل ژنك * وجه دن ضله ججه فتحله انتقال ایدوب
بویله دیمک ممکندر که بر کیمسه ابدی فرق ایچنده قالوب حالت ججه دن اصلا
حصه مند اولسه اول کیمسه بتون پاس طوتمش آینه کی اولور انکی چون قروی
کاهیجه شهری اولق کر کدر ز را شهر ججه و جماعتی مشتمل و انواع منافی
متضمندر بر کیمسه عمر ندر وایح طیه استشمام ایتسه آنک دماغنده فضلات
غذایه و هوایه منجس و مخصر اولوب بعض اوجاع و امر اضه باعث
اولور پس کر کدر که بعض احیانده (انی لا جد نفس الرحمن من قبل الین)
وقفجه جانب ججه دن نفس رحمانی ایله استرواح ایلله تا که عالم فرقك
مشام دلدن منجس اولان کدوراتی مضحل و زائل اوله بونده اشارت
وارددر که هر کسك سو، حالتك و بالی کندی نفسنه عائددر تنکم قرآنده
کلور (ومن اساء فعلیها) وینه وارددر که (ولا یحیی المکر السی الاباهله)
وفی نفس الامر حسد اهلی اولانه بله حسد ایتک بوقدر فکیف که
بی حسد اولانه ز برا ایل حسد اولسه ضرری کندینه در فخر الدینك
سلطان العلامیه حسدی کی پس سن بی حسد اولکه سکا نفعی اوله
و بوقدر بدن ظاهر اولدی که حسدك مطلقا ضرری وارددر ولیکن بی حسد
اوزرینه اولان حسد سار حسدلر دن بتر اولغله تصریح اولندی
(لحرره) هر کسك خیر و شری کندینه در * رقم کاری کندی آنده در *
سکا نسبت اولور جرم و قصور * صانعه حقل آتی ایجادنده در

❖ خاك شو مردان حق را ز بر پا ❖
❖ خاك بر فرق حسد کن همچو ما ❖

* مردان * مردك جمعیدر مرداردیكدر رجل معناسنه حد بلوغه وارمیجنه
مرد دینار بورا ده مردان حق ايله مراد اولیاء الله در كه عالم حقیقه
بلوغه كرجك اراولمشدر شویله كه انلره نسبت ايله اهل غفلت و احتجاب
زن حكمنده در زبرا زن كبی ناقصه لردر نتكم حضرت هدایى قدس سره
بو كلامی اشارتندن مفهومدر كه بیورر حق اكلامق مراد ایشیدر *
عقلی دكل نرد ایشیدر * فرق اختریده دیر كه فرق فتحله آیرمق وهرنسنهك
دپه سی وباشی انتهى وقا موصده كلور الفرق الطريق فی شـ رالر أس
والمفرق كقعد ومجلس وسط الرأس وهو الذی یفرق فیہ الشـ انتهى
ظاهر اولان بودر كه كچه وسط رأسه مفرق دیرل فاما وسط رأس فرق
شعره محل اولغله فرق دخی دیدیلر پس دپه معناسنه شایع و مستعملدر
نتكم فرق فرقان فلاك دیرل یعنی فرق قدان فلاك دپه سی و بعض نسخده
(خاك بر سر كن حسدرا) واقع اولمشدر ماء * صودر كه عناصر اربعهك
بریدر اصلی موه در ها حذف اولنوب واو الفه قلب اولمشدر نتكم جمنده
امواه ومیاه وتصغیرنده مویه دیدكلى اكادلیل و برهاندر (معنای بیت)
بودر كه رجال اللهك ابغی الشده خاك اول وانلره تواضع ايله وتساییده
فناء تامه ایرشـ و یله كه یرایاقلر الشده ساكت و ساكن اولدیغی كبی
سن دخی انقیاد كوستر حسدك دپه سی اوزرینه طپراق صاچ وآنی
خوار و ذلیل طوت واصل وجود و یرمه صوكبی كه یوزی یرده درو عنصر
نارك اثری اولان كبر و حسد آنده یوقدر و باخود صوی طپراق اوزرینه
صاچوب هیجان غباری تسكین وحر كندن آنی متقاعد و بی تمكین
ایتدكلى كبی پس بونده خاك وآنك شرفنه وآتش وهوانك ذلته اشارت
واردر زبرا آدم علیه السلام خاك وآبدن مخلوق اولغله تواضع اوزره
اولوب (من تواضع رفعه الله) حسبجه علوجاه بولد یغی كبی شیطان
آتش وهوادن مخلوق اولغله كبر و حسد اوزره اولوب (ومن تكبر
وضعه الله) وفقجه صغار وذات بولدی پس آدم انسان كامل
حقیقی اولغله اكاسر فرو ایدن كیمسه ملك مشرب و سر كشاك ایدن دبو
طبع اولمش اولور سر فرو اودر كه كاماك مرتبه سن بیلوب اولو حسن

اعتقاد وثانیاً خدمت خالصه ايله انتسابدر و مالفظنده ابهام واردر زبرا
ماهی همزه نحن معناسنه در کویامولانا حضرتلری دیمك استرل كه بزم كبی
ستدخی حسدك باشنه طپراق صاچ واهل حسد اوله زبرا بركیمسیه
حسد ایتمز حسد ایلستك بلخ شهرنده فخرالدین الرازی یه حسد ایلردك
ولكن بزبی حسد اولغله امر حقه امثالا دیار رومده قونییه ده هجرت
ایلیوب شیخ شمس الدین النیر یزینك یولنده خاك اولدق وعزت بولدق
وفخرالدین پر حسد اولغله شیطانة تابع اولوب آخر بلخده ذایل اولدی دنیاده
ذاتی هجوم صفات نفسانیك صورتی اولان استیلاء تاتارده واقع
ومعلوم اولان حالدر كه بعض روایاتده قتلدر و آخرتده ذاتی نجات تقدیری
اوزرینه درجات مقر یندن تنزایدر فاما محسودی دارینه عز یزد
نتكم شواهدی یوزدن روشـندر اكر فخرالدین اعلم علماء الرسوم
ایسه ده محسودی سلطان علماء الرسوم والحقایقدر جمیعاً زبرا اكر مولانا
واكر والد ماجدلى علم ظاهر و باطنده بد طولی صاحبلى ایدی نتكم
شهرتلى تقریردن مغنی و اثرلى تعلیم و تفهیمدن مستغیدر مشهوردر كه
حضرت مولانا بعد السلوك فقر و فاقه قبول ایلش و حضرت شیخ
صدرالدین ایسه كمال دولت بولش ایدی بوجهتدن حضرت مولانا
بیوردیلر كه (فقیرانه كچه لم ملوكانه یاتلم) و حضرت شیخ بیوردیلر كه
(ملوكانه كچه لم فقیرانه یاتلم) بوسـبندن تربیه مولانا محتشمانه اولوب
تربیه صدرالدین بنا قبول ایتمشدر نتكم بوفقیه برقی دفعه زیارتلى
میسر اولمشدر (لحرره) خوشدرر حال رجال اللهك * كرموكانه
كرفقیانه * نظرنده بلی درو یشاك * مستویدر سرای و ویرانه
❖ آن وزیرك از حسد بودش نژاد ❖
❖ تاباطل ككوش و بی بی داداد ❖

* نژاد * نوك فتحی و كسری وزاء عجمیله اصل ونسب معناسنه در * بی بی *
بور وندر كه بیته منسو بدر بین كور یجیدر كه چشمك ایچنده عضو
مخصوصك صفتیدر انسانك یوزده اول كور بین بورنی اولغله بی بی
دینلدى نتكم طلعت اصلنده كورمكدر صكره عجم یوزده استعمال ایلدی
انسانك اقبالنده اول كور بین یوزی اولدیغیچون وعرب بورونه انفدر
زبرا انف مد وقصرله برنسنهك اولنه دیرلر پس بورون اول الوجه

اولمغه انف دینادی فاعرف * بادداد * بادداد و یا خود بباد تقدیرنده در
(معنای بیت) بود که اول وزیر چک که بعض روایاتده بواس دیرلردی
حیله ایل قوم عیسی اراسته مکر واضلال ایچون کلدی آنک اصلی ونسی
حسدن ایدی تاکه وجه باطل ایل و باطل یره قولاغنی و بورنی هوایه
و یردی واتلاف ایلدی وحسد اوچندن کندنن مثلیه قائل اولدی
بونده وزیری کاف تصغیر ایل تحقیر ایتدی ز برابر کیمسه ده صفات نفسانیه
غالب اواسه و آنده غرض دین اولمسه فی نفس الامر حقیر و ذلیلدر اگرچه
بحسب الظاهر خلق اراسته عظیم و عزیزدر و کذلک بعض اعضاسن
اختیار یله لاجل الحسد قطع ایتدر مک حسیه کنه دینی خوار ایلدی
پس بر کیمسه کندی نفسی اختیار یله خوار ایلسه خلق دخی آنی تذایل
ایتمک جائزدر و آنک اصل واتنسای حسدن اولمق عناصرنده شیطان
کبی نار غالب اولمغه اشارت و شیطانی اولدیغنه دلالت ایدر انکیچون
شیطانن صادر اولان رذیله اندن دخی صادر اولدی و باطل ایل
قید ایلدی زیراحقه توسل ایچون بعض صور شنیعه اختیار ایتمک
مستبعد دکلدر و کوش و بینی نک اشاراتی بالاده مرور ایلدی

بر امید آنکه از نیش حسد

زهر او بر جان مسکینان رسد

* نیش * آغولی حیوانات اکنه سی و دکن و نیشتر بوراده مراد اولمکی معنادر
* زهر * اصلنده قاتی آجیدر صکره آغوده اعلام غالبه دن اولمشدر
اوده زهره دیدکاری اکانسبت ایلدر زیرا آخرنده که هاء نسبت اختصاص
افاده ایدر * مسکین * غایبده فقیره دیرلر که بر کونلک بیچکی اولمیه و فی القاموس
المسکین و یفتح میه من لاشی له اوله مال یکفیه اواسکنه الفقرا ی قلل
حرکته و الذلیل والضعیف انتهى بوراده مسکین ایل مراد معنای ذلیل
و ضعیفدر (معنای بیت) بود که وزیر مزبور طریق باطله سلوک ایدوب
بورتن و قولاغنی قطع ایتدردی اولامیدور جاووزینه که حسدا کنه سندن
آنک زهری ذلیل و ضعیف اولنلرک جائنه ابریشمه که قوم عیسادر
بونده وزیری آغولی حیوانه و حسدن آغولی حیوان اکنه سنه و حسدک
اثر خارجینی زهره تشبیه ایلدی زیرا بری صورتا و بری معنی مضر
و مهلکدر انکیچون جانی تخصیص ایلدی و قوم عیسایه مسکین دیدی رحم

طریقه زیرا بوخصوصده مظلوم اولدیلمر شول سببده که وزیر مزبور
انلره صورت حقندن کورینوب اضلال ایلدی و فطرت اصلیه لرینی
تغییر و اعتقاد لرینی تبدیل قیلدی بو ایسه غایبده خسارت و ظلم
و هلاکتدر قوم مذکور وزیرک حلاوت معرفتندن چاشنی دار اولالم
و عسل مصفای حقیقتندن ددرلره درمان بوله لم دیرکن خلافی ظهور
ایلیوب بختلری دوندی و او وزیرلرینه زبور پریش قوندی بونده
اشارت واردر که اهل انفسک آثار صفات رذیله سی زهر کی نیچه
خالی الذهنک فساد استعداد و هلاک معنویسته سبب اولدیغی کی
اهل تزکیه نک آثار صفات جیله سی دخی عسل کی نیچه مستعد لک
صلاح دل و حیات قلبیه سنه باعث اوور بوسیدندر که قرآنده کلور
(فیه شفاء للناس) بوندن فهم اولنور که انسان دنیاده اولد قجه
اضدادی جامه در زیر نفس و طبیعتک حکمی زهر و قلب و روحک
اثری عسل کیدر فاما آخرتده اهل جنته کوره عسل لطف صرفدر که
انده زهر قهری و قدر و اهل ناره کوره زهر قهر محضدر که انده عسل
لطف بوقدرتکم (حتی یضع الجبار قدمه) حدیثنده تحقیق مرور ایلدی
و بوندن ظاهر اولور که افراد ناسک اکثری خالی الذهن و ساده
دل و ابله مقوله سیدر که دین و دنیا لرن کما ینبغی محافظیه قادر
دکلدر پس عاقل حذر او وزیرینه اولمق کرکدر و بونده رمز واردر که
نیجه امانی واردر که خیر و شر هر نه ایسه حصوله کلور زیر احصوانده
حصول حکمت و ظهورنده ظهور قدرت واردر و نیجه اعمال دخی وارد که
وقوعی غیر مقضی و وجودی غیر مرضی اولمغه کتم عدم ده نابید اولوب قالور

هر کسی کواز حسد بینی کند

خویشتن بی کوش و بی بینی کند

* کند * کاف عربینک قحیله مضار عدد کندنن کندنن قویرمق و قازمق
و برنسنه بی چقرمق و یولمقدر ایکنجی * کند * کاف عربینک ضمیمه در
کردنن کردن ایلمک معناسینه در * خویشتن * و خویش
واور سیمله کندی دیکدر خویش و خویشاوند خصم و قوم
معناسنه در ظاهر اولان بودر که خویشتن اصلنده تن خویشدر بعدذا
مصرع اولده محذوف واردر تقدیری هر کسی که اواز حسد کوش

و بینی کنند دیگر بیت سابق قرینه سیله و بوی کوش و بینی دن مراد
کوش و بینی حسی و صوریدر نیکم مصراع ثانیه اولان کوش
و بینی ایله مراد کوش و بینی معنوی و حقیقه بدر بیت لاحق
قرینه سیله (معنای بیت) بودر که هر کسه که وزیر من بوی کبی حسد
اوچندن ظاهر قول غنی و بورنی قویاره و قطع ایلله اول کسه
فی الحقیقه کندونی قولاقسز و بور نسز ایلر یعنی باطن قولاق غنک
و بورنک قطعنه سبب اوور زبیرا ظاهرده اولان حالی حسد اوورینه
مبنی اولغله باطنه دخی سرایت ایاموب کوش باطن ایلله عالم غیبک
خطابی و بینی باطن ایلله جنتک و عالم ملکوتک (روایح طیبه سنی استشمام
ایتمکدن محروم اولور فاما اگر لاجل الحسد اولسه مشاعر باطنه نک
انفتاح و انکشافنه سبب اولوردی زیرا ظاهر دن مسکوب اولان نسنه نک
قوتی باطنه انتقال ایدر و بر نسنه یوقدر که الله تعالی آئی انساندن اخذ
ایدوب یرینه خیر و عوض و یریه * بونده اشارت واردر که صفات
رذیله انسانک نقصانی باطنه سببدر پس ظاهرده مقطوع الیده
مثلا انسان دیمک حقیقت قاصره اولدیغی کبی باطنده مقطوع
اولان دخی بویله در زیرا انسانک انسان تام اولدیغی اعضاء عامه
وقوای تاهه سبله در پس بر عضو یا قوت ناقص اولسه انسان دخی
ناقص اولور و بلکه نقصان ظاهر دن نقصان باطن بتدر زبیرا مقصود
صورت دکل سیرتد ر صورتک مقصود اولدیغی سیرت توصل ایچوندر
نماز کبی که آئی اقامت ایچون اعضاء و جوارح اولسه مناجات مخصوصه
دخی حصوله کلز (لحظه) * چونکه وار سنده نماز آلات * ایتمه مؤمن ایسک
عبادت لات * ظاهر شرع رعایت ایدنه نک * باطنی طوبی و اولور حالات *

* بینی آن باشد که او بوی برد *

* بوی او را جانب کوی برد *

* بوی * ده اولان یا ثانیه نوعیت افاده ایدر که بوی معنوی در بیت لاحقده
اولان تفسیر قرینه سیله و کذلک کوی ده اولان یا دخی نوعیت افاده ایدر
که کوی معنوی در و جازدر که عام اوله پس بوی صورتی کوی صورتی به و بوی
معنوی کوی معنوی به موصل اولور و کوی صورتی معشوق مجازی نک منزلی
و کوی معنوی معشوق حقیقی نک محلید را اگر چه که اوراده فی الحقیقه

حال و محل یوقدر بلکه مراد مجرد تمثیل و تمثیل ایلله معنوی تنویردر
و کوی * محله معنا سینه در نیکم بیانی مرور ایلدی حقه کوره قرب
معنوی و وصلت ذات مراد اولور (معنای بیت) بودر که بورون
فی الحقیقه اول اولور که بوی حقیقی ایلده و حقیقتد رایحه معنویه
استشمام ایتمک قادر اوله * و بوسیدن بوی صورتی اولان بوی جنت ایلله
دخی معطر اوله نیکم محمدیه ده نعت رسول الله صلی الله علیه و سلمده
کلور * قودی بورنده بر خصلت که ایرردی مشامینه * خصوصاً
جنت عدنک کلوردی ریح الوانی * و قرآنده کلور که (انی لاجدر یح
یوسف) یعنی یعقوب عایه السلام لطافت زائده سی حسبله رایحه
قبض یوسف علیه السلامی مسافه بعیده دن حس ظاهر له استشمام
ایلدی سائر لاسر و اح ایدم دبلر * زبیرا کشف وجود و کدورت
دل مانع ایلدی و چون یوقدر یک باقی راهدن رایحه جنت استشمام
ایتمک جائز اوله ارض کنعان و ارض مصر قنده قالدی و لطافت بدینه
فانوس بلور کبیر یعنی بلور شمع حجاب اولدیغی کبی بدن کمال
دخی شمع و شمع حجاب دکلدر (نیکم مجوم زاهره نک انواری ارضه
منعکس اولغله اجرام علویه حائل اولمز زیرا زیاده لطیفدر و حدیثده
کلور (انی لاجد نفیس الرحمن من قبل الین) و مقرردر که انسانده
بینی معنوی اولدیغی بینی ظاهر بومقوله روایح طیبه بی استشمام
ایده مز و الاعوام و خواص مساوی اولمق لازم کلور * بوندن صکره
ناظم قدس سره بیورر که بوی معنوی آئی کوی حق جاننده ایلده
و اول طرفه دلیل اوله و لاجب و لایق عالمده ایرشودره زیرا استشمامدن
مراد مشعوم اولان نسنه نک محله وصولدر * یعقوب علیه السلام
رایحه قبضی استشمامدن نفس قیصه و نفس یوسفه و اصل اولدیغی کبی
و بعض یریه لرده و لیلر یک شمع تراب ایلدی یکی دخی بوقبیلدندر
زبیرا ارضک رایحه ترابی بر کونه در پس اول رایحه به واقف اولان
شمنه استدلال ایدوب راه راستدن چقمز و یمین و یساره منحرف اولماز
بلکه طوغری منزله کبیر و آخر مرادینه ایرر * بوندن معلوم اولور که
بوی حقیقی اول کوی حقیقی کلستانک کلنک رایحه سیدر انسان ایسه
کل استشمام ایدم کده کلستان حاطرنه کلور و آخر اول بو آئی طرف

کشته جذب ایدرودیوان حافظه کلور* کس ندانست که منزله معشوق
 کجاست* این قدر هست که بانگ جرسی می آید* بانگ جرس ایل
 صلصله جرس قصه سینه اشارت ایدر که طرق وحیک اشد یدر
 نتکم محله میندر و بومعنی کل اولیایه دخی الهام محله حاصلدر*
 یعنی کرچه ظاهر ابر جرس آوازی کلوب قافله نک سلوک و سبایله نک
 سیرنه قوت اولور فاما فی الحقیقه منزله معشوق تعیین ایتک یوقدر
 زیر امکان دکلدر پس کوی حقه دن دخی قلبک لی مع الله مرتبه
 سنده حقه خصوص قر بی مر ادر و الا کنهنی ادراک و حقیقتی
 معرفته طریق یوقدر فاما بومنزله غایتی ایرمک ممکن اولدیغی
 صورته باری یولنده بولمق کر کدر که آواز جرس و استشمام بوی
 و بونلرک امثالی سائق وقائد و دلیل و شاهد مقوله سیدر پس بی دلیل
 سلوک ایتک مورث حیرت مذمومه و بادلیل سالک راه اولمق موجب
 حیرت ممدوحه در کرچه که ایکی صورته دخی حیرتن خلاص
 اولمق یوقدر نتکم محله ده کلور* ع* بودردیله بوعالم دن کیدر لوشویله
 عاشق* بعد ذابوی مطلق کامله مصروف اولور ایحه طیب
 مر ادا اولور خصو صا که مقام مدح اکافرینه درو بوی جنت
 و امثالی روایح طیبه مقوله سندن در انکیچون رسول الله صلی الله علیه وسلم
 طیب مقوله سی مطلقا تحبیب اولندی نتکم حدیثه (حبیب
 الی من دنیاکم ثلث الطیب والنساء و قرة عینی فی الصلوة) کلدی
 پس بوندن فهم اولدی بکه جنته رایحه کر بهه اولماز
 لون سیاه اولدیغی کبی زیر اکر به نسنه نفس
 و طبیعتک اواز مندن تولد ایدر جنته اینه نفس و طبیعت اولماز
 و انسان کاملک قلبی جنت عاجله مقوله سندن اولغله انده دخی
 رایحه کر بهه به آرزو بولماز* بوسیدندر که آدم کامل رایحه طیبه دن
 احتیاط ایدر و رایحه کر بهه به اصلا وجود و یرمز* زیر احکام حال
 و مقتضای مقام دکلدر بومقوله نک وجودی کدور اتدن طیب
 و طاهر و کثافتدن مبرا و معرا اولمق حسیله فضلات بدنیه لنده به
 رایحه کر بهه اولماز بلکه رایحه مسک اولور نتکم بعض ارباب
 ریاضتدن مقولدر و رسول الله علیه وسلم بورتبه نک ذروه سینه

واصل و بومعنی نک حقیقتنه کاینیغی نائل اولغله فضلات بدنیه نک
 طهارتی خصا بصندن عد اولندی نتکم شیخ عزالدین عبدالسلام
 بعض مؤلفاتنده کتورر (فضلاته علیه السلام طاهره علی الاصح
 یتبرک بها و یستشقی بها) فانظر ما عجب هذا الشأن* و کن من
 اکامل الانسان لعلک تحظى بهذا* و تخلص من الاذی
 (لحرره) دلریسک حقه نشان صرح* قوقه کورجان ایچنده طیب ریح
 ❖ هر که بویش نیست بی بینی بود ❖

❖ بوی آن بویست کان دینی بود ❖

* دینی* بانیست ایچوندر دین دنیا دن احتراز در قار الحدادی فی تفسیره
 الدین اسم لجمع ما تعبد الله به خلقه و امرهم بالاقامة علیه و هو الذی
 امر و ان یکون ذلك عادتهم و الذی به یحزون فان الدین فی اللغة العادة
 و الجزاء انتهى و باقی البیان و التحریر قد تکفل به کتب التفسیر (معنای
 بیت) بودر که هر کسه که آنک ذکر اولان بوی کبی بوی یوقدر
 اول کسه فی الحقیقه بورونسز اولور کر کسه ظاهرده بورنی اولسون
 بوی اول بوی در که دینی اوله یوخسه دنیوی اولیه یعنی معتبر اولان بوی دینی
 و معنوی و حقیقی در بوی دنیوی و صوری و اعتباری دکلدر زیر
 دنیوی اولان بوی ظاهری بورنی استشمام ایدر و کسبه اختصاصی
 اولماز فاما دینی اولان بوی انجق باطن بورنی استشمام ایدر که خواصک
 صفتیدر (بونده اشارت واردر که حواس ظاهره و منافع صوریه نک
 مخلوق اولسی حواس باطنیه و منافع حقیقیه به انتقال و توسل ایچوندر
 چونکه بومعنی حصوله کلیه و وجود بولییه حواس معطل و منافع ضایع
 و باطل اولور برکسه کیمانک اجزاسنی بلسه ولیکن علمه قادر اولسه
 جاهل اولان ایله برابر در که ایکی سیده تعطیل اهلیدر
 و کذلک برکسه عز کوم اولسه رایحه کل دن نه بولور و کذلک برکسه
 مرور المزاج اولسه حلو و عذب اولان غدادن اگاه کلور و علی هذا
 پس مؤف المشاعر اولانلر ظاهرده منافع حسیه دن محروم اولدقلری کبی
 مؤف الباطن اولانلر دخی منافع معنویه دن محروم در بناء علی هذا
 انسان صورتنده حیوان اولور لر و بلکه حیوان انلردن افضلدر
 زیرا حیوانات عند المحققین لسان عبارت الیه تسبیح ایدر لر و حقه

ارتباطی نوجوهله ایسه آنک مقتضاسندن انحراف کوسترمنزل پس
انسان ناقصه کوره ظاهرلی ناقص و باطنی کامل اولور کمالیخی
علی الانسان الکامل (و بونده تصریح وارددر که بوی ظاهره اعتبار
یوقدر زرا مقصود بالذات دکلدر مکر وسیله اولدیغیچون معتبر اوله
و وسیله ایله متوسل الیه من وجه برابردر مثلاً انبیا علیهم السلام
وجود لری وجود رسول الله صلی الله علیه وسلمه وسیله در انکیچون
(اولا یا محمد ما خلقت الکائنات) وارد اولدی نتکم برهان القرآنده
مستوردر و بوندن سائر انبیای تحقیر لازم کلز و سائر مبادی امور و مقدمات
احوال دخی بویله در مثلاً علوم ادبیه مقاصد علومه موصل اولدیغی جهندن
مقبولدر و کذلک مبادی و مقاصد علوم ظاهره دخی علوم باطنیه
و معارف حقیقیه و سائل اولغله قبوله قریندر نتکم حدیثه کلور
(من عمل بما علم ورثه الله علم ما لم یعلم) یعنی علم کسی علم و هبی به موصلدر اگرچه
علم و هبی فی الحقیقه اختصاصاً اختصاصاً صنددر که اختیار حق اوزرینه مبنیدر
سلطنت کی کسبته حاصل اولماز وزارت کی و بونده ارباب انکاری جرح
و حالرن تقبیح وارددر زرا روایح معنویه استشمامنه عدم اقتدار لرندن
ناشی علماء حقیقیه مجالسنه تردد ایتمزل و کل ناس محافلنه بر آدم کتمزل
مع هذا اول مجالس شریفه و محافل لطیفه کلستان مقوله سیدر که
آده روایح عطره استشمام اولنور * زیرا هر کفته لری کلشن
حقیقتندن بر کل و هر نکته لری بوستان معرفندن بر سنبادر پس منکر
حیوان مقوله سیدر * یعنی حیوان کلستانه ایدوکن بلیوب
کل ولاله و سنبل و سائر ازهار و انوار و اوز ادیاننده نباتات
ریه عامه ایله برابر اولدیغی کی منکر دخی علوم قشریه ولییه
عندنده یکساندر بلکه قشربندن احبدر زرا سنبل ترا و تلق آهوی
مشکک صفتیدر انکیچون نافه سی مرغوبدر انکیچون دیمش لردر
خرو زعفران چه باشد و بلکه منکرک حس باطنی سلیم اولم
حسبیه سلامت اهلک رایحه طیبیه استشمام ایندکلی مواددن
آنلر رایحه کریهه شم ایدرلر (بوندن فهم اولنور که بر ماده ایکی شخصه
کوره متفاوت اولور نتکم باران نیدان صدفه کوره لؤلؤ و ماره کوره زهر
قاتل اولور (لحرره) کلشن معرفندن آل خوش بو * دم کچر غافل اوله قالماز بو *

چونکه بوی برد و شکر آن نکرد
کفر نعمت آمد و بینیش خورد

بو کلامک تقدیری چون هر که بوی برد دیمکدر پس بردک فاعلی
هر که در وزیر مذکور اولمق دخی بعید دکلدر * شکر * اصلنده بر نعمتی
تصور و آنی اظهار ایتکدر کما قال فی القاموس الشکر بالضم عرفان
الاحسان و نشره نتکم آنک ضدی اولان کفر بر نعمتی نسیان و ستر
ایتکدر بوسیدن دیمش لردر که شکر کشرک مقابو بیدر کشرایسه
کشف دیمکدر و شریعتده اول معروفه دیرلر که نعمته مقابل اوله
کرک اسان و کرک یدو کرک قلب ایله اولسون پس شکرک موردی
عام و حدک موردی خاصدر زرا اسانه مخصوصدر * نعمت * اصلنده
شول حالت طیبیه در که انسان آنی استلذاذ و استعطابه ایدر صکره
شول امور انذیه اطلاق اولنیدیکه طبعه ملایم و اول حالت طیبیه
مؤدی اوله انعام نعمتی غیره ابصال ایتکدر اول غیر ناطق اولمق شرطیه
پس انعم فلان علی فرسه دینلر * خورد * اصلنده ضم خائله ماضیدر
اکل ایتدی معناسنه بوراده خائک ضمی فتحیه اماله ایله تلفظ اولنور
نکرده موافقت ایچون وقو پاردی و ازاله ایتدی معناسی دخی مراد اولنور
مع هذا بی بینی اولان کسه نک بورنی مأ کول صورتنده در فی الجملة مأ کوالدر
(معنای یت) بودر که چون هر اول کسه که بورنی اولوب حس شمی
تسلیم اولمق جهتیله بوی ایلندی و رایحه طیبیه فوقدی و اول رایحه بی
استنشاق ایدن بورونه و کذلک استنشاق اولان رایحه و نفس استنشاقه
شکر ایلندی کفر نعمت کلدی و آنک بورنی اکل ایلندی و ازاله قلدی
یعنی مشاعر و حواسک هر بری حقندن نعمت جلیله در از جمله بورون
نعمتی که خاصیتی استشمام روایح ایتکدر و طبیی استعمال و استرواحده
ایسه منافع کثیره وارددر انکیچون رسول الله صلی الله علیه وسلمه
طیب تحبیب اولندی پس برکده نعمت مذکوریه شکر ایتسه ما خلق
لهنده عدم استعمال ایله آنک زوالیه معاقب و مبتلی اولور زرا هر جزاء
عمل جنسندن و عمله مناسب اولان صورته وارد اولور و دیمش لردر که
شکر نعمت نعمت افزون کند * کفر نعمت از کفت بیرون کند *
پس نیجه کسه لک بورونلر اولدقلری بورونلرینه متعلق اولان نعمته

کفرانلری سببیلہ در بعض آفات ایلہ حس شم زائل اولوق واحسانا
انسان من کوم اولوق دخی بی بی اولغه ملحقدر (سؤال اولورسه معنای
مذکور اهل کفرانه کوره در مع هذا آفات مقوله سی صبیانه دخی عارض
اولور) جواب بودر که کرچه صبیان وامثالی اهل کفراندن دکلدر
ولکن ابتلارنده حکم خفیه واردر ازجمله ابتلاک حکمی آنلرک افارینه
راجعدر نیکم صبیان اوزرینه اولان تشدید محنت موت دخی بونکله
تعلیل اولمشدر والاصبیانده حیا ومیتا مؤاخذه به مدار اولور اسباب
یوقدر مکر قصاص مقابله اعتبار اوانه که بعض اهل حقایق ذاهب
اولمشدر فافهم بونده اشارت واردر که وزیرمذکور دین
نصارادن بوی حقانیت استشمام ایتش ایدی ولکن حسده دوشمک
سببیلہ حسدآنی بوروندن چیقاردی یعنی حسدیوزندن بی بی باطنی
مؤف اولغه ظاهرده بی بی اولوق آفتیلہ دخی مبتلی اولدی زیراهر
باطنک ظاهرده برآری واردر دین اولان نوائک وجه ارضده اوراق
وثره سی کی * وبونده بوی معنوی به رمز واردر یعنی برسالک که
اثناء سلو کد جانب حقندن استشمام ایتدیکی رایحه معنویه به شکر ایتسه
وبعض آفات حسبیلہ طریقده وقفه وحالده تفرقه بولسه وبوسبیدن
توفر رغبت وجع همت وعمله عزیمندن قالسه اول بوی معنوی بی
استشاقندن محروم ومفقودینه مترقب دکل موجودنده بله خسارت بولور
زیرا کفرانیلہ تغیر نعمت ایتش ایدی وقرآنده کلور (ان الله لا یغیر ما بقوم
حتی یتوبوا ما بانفسهم) بعدذا بوتقریراندن عطسه وانک سببیلہ مسام
بدنک انفتاحنده اولان نعم جلیله ظاهر وعطسه قاتنده حدک لزومی
وشکرک سری باهر اولدی پس نعم ظاهره وباطنه بی شکر جزیل ایلهربط
ایتک کرکدر (لمحرره) ایلدک چونکه مرغ نعمتی صید * رشته شکرله
آنی ایلہ قید * شکر ایلہ اولدی سلیمان سلطان * جدله طوتدی دولتی ذوالاید

* شکر کن مر شا کر ارا بنده باش *

* پیش ایشان مرده شو پاینده باش *

* پاینده * باقی و دائم و بمعنی همیشه اصلنده آینه پادرایاغه کلجی
واباقی اوزره طوروب ثابت اولجی معناسته به دذا مر شا کر ارا الخ
ما قبلنده شکر کن جمله سنه تفسیر واقع اولمشدر (معنای بیت) بودر که

شکر ایلہ مطلقا وشکرک انواعندن بری دخی بودر که شا کر اولنره بنده
وانلره خادم اول زیر اشاکره مضاف اولان دخی شا کر در اول شا کر لک
حضورنده میت کی اول تا که حیات باقیه اهل اولاسن وفسالینچنده
بقابولاسن بعد ذامیت حکمنده اولوق حرکات نفسانیه دن سکون بولوق
وترک اعتراض ایدوب تسلیم اهل اولوق ایلہ در زیر اشاکر حقیقینک
وجودی نعمت جلیله در وشاکر حقیقه که اهل تزکیه وتکمیل در اعضا
وقوی نک مجموعنی ما خلق لهنه صرف ایدرلر وجمله احوالده ره راست
فرمانه کیدرلر انکیچون دائما انلردن خصایص اعضا وقوی صادر
اولغده در شوبله که حس شمیری رواج جنتی بوقدر مسافه دن استشاق
ایلر وحس شمیری خطابات آلهیه بی ایشیدر وتسبیحات اشیایی
استماع ایدر وحس بصیرلری مسافه بعیده دن ادراک ایلرنتکم
حضرت عمر رضی الله عنه منبر رسول الله صلی الله علیه وسلم اوزرنده
ایکن برآیلوق یولده سرع سگری اولان ساریه بی کوردی وخطاب
ایتدی ساریه دخی آنک خطبان اشییدوب اکا کوره عمل ایلدی پس
هر عضوک بررهانی واردر که آنک خاصه سیدرنتکم قرآنده
کلور (یا ایها الناس قد جاءکم برهان من ربکم) یعنی الله تعالی
رسول الله صلی الله علیه وسلمی بجملة الوجود برهان قلدی
* زیرا هر عضونده برهان مخصوصی واریدی وبوبرهاندن وارثلری
دخی حصه داردر ودائما شکر نعمت ایلہ مقید اولمالریله مزید
ایلہ مشرفلدرر وبومقوله شا کرلر جمیع افراد انسان اعضاسی
کیدر پس بومقوله لک وجودلرینه شکر ایتیلر واعتقادو خدمتلرینه
قیام کوستر مینلر کویاکنندی وجود لرینک برهانی ازاله ایدوب
ازجمله بی انف قالمقدر الحاصل کفرانده تلف اولدیغی کی شکرانده
خلف واردر وشکرک بر قسمی شا کرلرک یوانده افنا وجود ایتکدر که
ثمره سی حیات باقیه در وحیات باقیه شول حیاتدر که بدنک بوموطنندن
انتقال ایلہ متغیر اولماز * زیرا متغیر اولان حیات فانیه در که جسده
متعلقدر وحیات باقیه که قاب وروحه متعلقدر * روح سلطانیکنک
جسدندن مفارقتندن صکره زائل اولماز بلکه حیات دنیاده اولان
کیفیت اوزرینه باقی قالور * بو حیات باقیه نک تأثیرنددر که ابدان کل

انحلال بولماز والی یوم القیامہ منفسخ اولماز * کویا که انلرده حیات
فانیه یوقدر بلکه جمیع احوالده حیات باقیه ایله متصفلدن بوجهتدندر که
رسول الله صلی الله علیه وسلمک جسمه نظیفلری غسل اولنورکن
بی تحویل کس یمینا و یسارا متحول اولورلر دی و بعض کمل دخی
حین غسلده کوزلرین آچوب غاسله نکه ایتلریله غاسادن حیوة بعد
الموت صادر اولدیغی مصر حدر وعلی هذا و بوندن ظاهر اولور که
ذکر اولسان شا کرله تسایم اولیان منکرلر و معتضلر حیات ایچنده
نمانده کیدر زیرا وجود فانی معتبر دکلدن بس کر کدر که انسان اهل
کالاک و جودنی غنیمت یلوب عهدہ شکر دن کله نیکم حضرت پیر
هدای قدس سره نظمیده کلور * اگر بولد کسه براهل کالی * یولنده
خدمت ایت قوم کرو آلی * یعنی بالکرا اعتقاد کفایت ایتز بلکه حقده
وصول ایستین کسه ارباب کمال ایله صحبت سلوک و خدمت خاص
ایتمک لازمدر تا که نفس نفیس ایله حیات تازه حاصل اوله

چون وزیر از رهن مایه مساز *

خاق راتو بر میا و راز نماز *

* رهن * اصلند زنده رهدر بول اوروجی معنایه که قاطع الطریق قدر
* نماز * معروفدر عرب صلوة دیر بوراده مراد توجه دلدر زیرا توجه دل
و حضور قلب نمازک اعظم ارکاندندر شویله که فی الجملة توجه و حضور
بولنمیان نمازده اصلا ثواب یوقدر و توجه بودر که انسان حال صلوتده
وجه ظاهرنی که بهیه ووجه باطنی رب که بهیه توجه و تحویل ایلیه یعنی
بوندن مراد ماس وادن اعراضله حاصل اولان مشاهده در که قلب
انسانده حقندن غیرینک همی قالمیه (معنای بیت) بودر که وزیر
مذبور کی رهن لکدن مایه دوزمه یعنی سنک مایه اصلک و اساس
دینک طریق حق قطع ایتمک اولسون سن خلق عالمی نماز و توجهدن
یوقارو کنورمه و قالدرمه و مانع اوله زیرا دین صحیح و مذهب حق
اوزره اولان کسه شول طریق مستوی اوزره مقصدنه متوجه اولان
ابن سبیله بکرز پس آنی مقصودندن صرف و اعتقادنی افساد و حالنی
تغیر ایتمک بولنجه کیدن ابن سبیلی اورمق و مقصدندن تحویل ایتمک
و مالی نهب و کندی قتل ایتمک کیدر الحاصل ایکیسی دخی اهلا کدر

اگر چه بری حسی و بری معنویدر بر بر طره فاسد اولسه حیر انتفاعدن
خارج اولدیغی کبی فطرت اصلیه و استعداد اولی دخی بعض عوارض
حسبیه متغیر و متبدل اولسه صاحبی هالک حکمنده اولور زیرا حیات
ایله انتفاعی یوقدر بوندن فهم اولنور که طریقندن ضال اولان آدمی
یوله دوندر مک هدایتدن و نازده قبله دن منحرف اولانی قبله توجه ایتمک
اصابتدندر و بوندن ارباب انکارک حالنه اشارت واردنر زیرا کمال
حسدلندن فقراء اهل سلوکی طریق حقندن منع ایدرلر و سترک طریق
سلوکه کر طریق جمهور دکلدن جمهوره مخالفت ایسه قوت خطادندر
دیرلر و بونک امثالی مقدمات کاذبه و قیاسات عقیقه ترتیب ایلیوب
اضلالده شیطان قدر کوشش و اجتهاد ایدرلر بیلرلر که طریق تقوی
و عزیمتده جمهوره مخالفت لازمدر زیرا موافقت ایله مقصود حاصل
اولماز اول سبیدندر که جمهور ناس مرکز طبیعیارنده قائم و طینت
عنصر یه لریتمک احکامنی اجراده دائلردن پس انلرماء را کده بکرزدر که
طول مکشله متغیر اولمش و تأثیر عفونت هواء کدورت طینله تعفن
بولمشدر و یاخود شول سایه پرور کیدر که عمرنده سفر ایتمش
و یرندن بر مسافه یرکیتمش بلکه سایه و کنش تأثیر یله پرورش
بولماش خام میوه کبی قالمشدر و بوجهدن انلر مرض معنوی ایله
مریضلردن اقامت ایسه باعث ازدیاد مرضدر سفر باعث صحت اولدیغی
کبی نیکم حدیثده کلور (سافروا تصحوا) پس بونده سفر معنوی ایله حاصل
اولان صحت وجوده اشارت واردنر

ناصر دین کشته آن کافرو زبر *

کرده اواز مکر در لوزینه سیر *

* ناصر * نصحندر قول و فعلده خلوص دیمکدر نیکم حدیثده کلور
(الدین النصیحة کله) یعنی دینده غل و غش و خیانت اولماز
بلکه دین اهل صلی و خلوصله متصف اولق کر کدر و نصیحت خیاطت
ثوب معنا سنه دخی کلور ناصر اولان کسه نصحه منصوص لهک
صلاحنی تحری ایتمکله آنک فعلنی خلل ثوبی سده تشبیه ایتدیلر نیکم
بلاغات زنجشیریده کلور (ما منع قول الناس ان یروفاک و هو
الذی ینصح خروفاک) یعنی قول ناصحی نه معنی منع ایتدیکه سکا
عجب و خوش کلدی ناصر خود سنک بر تقاریکی دیگر و یرتق دکک

کلاتند در انکچون ارباب ارشاد پینه دوز صورتند کور بنور و لطائف
الامده کاور * آن پسر پینه دوز * شب همه شب تابروز * بانگ کند چون
خروس * کشف کهن در که هست * یعنی هر کجبه الله تعالی طرفند
اسکی پابو ج کیمده وارد یوندا کاور مقصود لیله * معراجده شاب امر د
صورتند تجلی * صفات ایله تجلی اولان الله تعالی قولارینک کاهلرین
مغفرت و حاللرین نجدید و شانلرین اصلاح ایتدو کن بیان و تمثیلدر
پس رباعی مذکورده اصلا محذور و غبار یوقدر و ناصح عسل خالصه
دخی دبرلر پس نصح عسلی شمعدرن تصفیه در یعنی انسان قولنی غشدرن تخلص
ایتمک عسلی خلطدن تخلص کبدر کافر بالاده تفصیل اولندی عرب
فالک کسری و عجم قحیله او قور * لوزینه * باد ملی حلوا در زیر عرب بادمه
لوز دیر آخرنده یاه نسبت و همامنای عامدن معنای خاصه نقل علامتیدر
پس لوزینه بادمه منسوب و اندن معمول حلوا دیمک اولور تعریب
ایدوب لوزینج دیرلرنتکم لطافده کاور (من نکد الدنيا مضرة اللوزینج
و منفعت الهلیج) سیر * کسرله صرمساقدر (معنای بیت) بودر که
اول وزیر کافر بالله صورتاقوم عیسی اراستنده ناصح الدین اولاش ولیکن
فی الحقیقه غش اهلیدر که مکرو حیلله ایلله بادملو حلوا به صرمساق واجی
نسنه قاتمش و قارشدرمش کبدر یعنی ظاهر حالی حلوا کی طئلو
کور بنور فاما فی نفس الامر کلامی غرضدن خالی اولماق حسبه
زهرنا کدر که آجی و مضر نسنه ایلله مخلوط اولان حلوا عده بی افساد
و مزاجی تغیر و بلکه هلاک صوریه مؤدی اولدیغی کبی آنک کلامی
دخی افساد دین و تحویل عقائد و اهلک قلوبه باعثدر پس جاهل اولان
اکل ایدوب هلاک اولور و عالم اولان حذر اوزرینه اولوب نجات بولور
بونده دینی و کلام حتی حلاوتده حلوا به تشبیه ایلدی نتمک خبرده کاور
(المؤمن حلویحب الخلو) و دینی افساد ایدن نسنه بی و کلام باطلی
آجی نسنه تشبیه ایلدی و ایکی نسنه نک مزاجی بری برله فی الجملة متوافق
اولسه انلرک ترکی هلاک مؤدی اولور طئلو صورتند اولسه بله سدا ایلله
بالق کبی نتمک جاحظ منکلم بوکا اعتماد ایتوب سدا چنده مطبوخ اولان
بالخی اکل ایلله مفلوج اولدی پس ایکی ضدک حالی دخی بوکا قیاس
اوانه عسل و زهر کبی زیر برکسه بی خفیه قتل ایتک اسنسلر طعام شیرینه

زهر خلط ایدوب یدرلر طعامک شیرینلکینک تأثیری اولیوب زهر غالب
اولغله اهلک ایدر بر ماده ده نهی و خلافی مجتمع اولسه نهی راجع
دیدکاری بوسره دایر در و معنای مذکورک نظیری حبه در زیر ایلانی
مس ایتسک ظاهر احریر کبی یومشقدر ولیکن دندان زهری مشتملدر که
مهلکدر پس برکسه بر سوزده تعبیر اولنان معنای زهر مثالی ادراک
ایتمسه آنی اعتقادله باطنی افساد و عمل ایلله ظاهر بی اتعاب ایدوب صورة
و معنی دینی مختل و مشوش و پر کدر و پر غش اولور و بوندن فهم
اولور که حیلله اهلی کافر کبدر اگر چه مؤمندر زیر ایدینه حیلله و خیانت
اولماز پس آنک صاحبی حکما کافر کبی اولور زیر اصغار معاصی کباره
موصل و کبار دخی اکبر الکبار اولان کفره وسیله در و بونده حلوا لسان
اولان مدعیلره دخی اشارت وارددر پس آنلرک مقالات سمیه لرندن احتراز
لازمدر زیرا انلرک کلامی عسل زبور خر کبدر که زهرنا کدر و بونده عقل
معاشه دخی اشارت وارددر که عیسای قلبک دینی اولان عشق الهی به کافر در
* هر که صاحب ذوق بود از گفت او *

* لذتی می دید و تلخی جفت او *

* ذوق * ایکی قسمدر بری حسیدر و بو ذوق بر قوتدر که جرم لسان اوزینه
مفروش اولان عصبده متفرقدر فده اولان رطوبت لهاسیه مطعومه
مخالطه ایتک سبیلله انسان اول قوت ایلله طعمی ادراک ایدر و بری دخی
ذوق وجدانیدر و بو ذوق بر نور عرفانیدر که حق تعالی تجلی سی حسیه
اول نوری قلوب اولیایه قذف ایتشددر شویبلکه اولیا اولنور عرفانله حق
و باطلاک میاننی فرق ایدر و کتاب و یاغیری نسنه دن نقله محتاج اولماز
و فکر و ترتیب مقدمات ایتدن اشیایی ادراک و نتایجته واصل اولور
و بو ذوقک لواحقنددر اول قوت ادراکیه که آنک ایچون اطائف کلام
و وجوه محاسن خفیه بی ادراک اختصاصی وارددر یعنی علماء بلاغت
قتنده ذوق صحیح اول کیفیت نفسانیه در که خواص ترکیب بلغای
استقراء و تتبع ایلله حاصل اولور و بو کیفیت ایلله لطائف وجوه مذکوره
بلنور پس بوکسی و ذوق عرفان و هبیدر و اولکه ارباب عیش
و عشرت اراستنده ذوق اطلاق ایدر ما کولات شهیه و مشروبات لذیه
اعتبار بله و قوت طبیعیه ده ادراک ایتدکاری لذت زائله حسیه در لذت

المق نقيضيدر يعني ادراك ملائدر حاسه ذوقك طعم حلاوتى وحاسه
بصرک نوری ادراکی کیدر لذتیده یا تنکیر ویا نوعیت ایچون و تلخیده
یا مصدریه در * جفت * ضمه شول عدد در که کسر سز تنصیف قبول
ایلیه عرب زوج دیر که فرد مقابلیدر مقارن معناسنه دخی کلور زبرا
زوجین بری برینه مقارندر بوراده مراد بودر (معنای بیت) بودر که
قوم عبادن هر کسه که ذوق و جندانی صاحبی ایدی وحق و باطلاک
میانی فرق ایدر نور فراست و ضیاء معرفته مظهر دوشمشیدی اول
وزیرک سوزندن لذت کوردی یعنی حلاوت ادراک ایلدی ویا خود برنوع
لذت بولدی که آنکله آجیلای جفت و مقارن ایدی یعنی سوزی صافی لذت
مقوله سندن دکل ایدی بلکه آکا آجی قارشمش طتلونسنه کی ایدی
زیراحیل و مکر اوزرینه مبنی اولغله اهل ذوق صحیحک دماغنه حلاوت
کامله ویرمیوب غرض اوزرینه مبنی و نصیحت صورتنده خیانت و غش
اولدیغی ظاهر ایدی بوندن ظاهر اولور که بی مذاق اولان عوام ناس
بومقوله کلامی لذت صرفه صانوب اول مقلد حلوالسانک تقریرینه
مغرور اولدیله و مکس وار زبور زردک انکبین زهرناکنه بولاندیلر
وورطه هلاکه وقوعله بلالین بولدیله و بونده اشارت واردر که لذت
کامله ناصحک کلامی ابراث ابتدکی حلاوت تامه در خصوص نفسی
غل و غشیدن تزکیه ایدن ارباب صفاس سوزلندن حلاوت حقیقه چکیده
وقلمسانلرندن صحائف قلوبه ارقام قبول و تأثیر کشیده در پس بونلر
مشرّب صحیح و ذوق صریح اهلی اولغله مقاله لری تقلیددن معرا
ودعوادن مبرا اولدیغندن ماعدا مستملره دخی عسل کی شفاء صدر و برر
و کوش هوش طوتنلر جهلیدن پایه علم و معرفته ایر کورر و بوندن فهم
اولور که مطعوماتک مضرنندن اجتناب اولاندیغی کبی مقولاتک
مهلکندن دخی احتراز لازمدر و مقولات مهلکه مقالات نفوس
ضایعه و کلمات ارباب طبایع و مذاهب واسعه دروخواجه حافظ نظمنده کلور
پاک و صافی شو و از چاه طبیعت بدرآی * که صفایی ندهت آب تراب آلوده
* نکته های گفت او آمیخته *
* در جلاب قند زهری ریخته *

قال

(قال فی القاموس النکت ان تضرب فی الارض بقضیب فیؤثر فیها
* جلاب * اصلنده جیمک ضمی ولامک تشدیدله ضبط اولمشدر کلابدن
معربدر که کل صوبیدر ماء الود کی صکره کلاب آمیز اولان
اطبف و صوفی شربتده استعمال اولندی نتکم قندی شمرنده کلور
قنده قندم ای صنم جلاب اعلاک قنده * کیم بکا قندی دیو بهستان
ایدر سن دمبدم * ونفعی قصیده سند کلور * بنی جلاب جام لطفک ایتدی
شویله شیرین کام * که شعر مده بولور هر کیم او قورسه لذت سکر * بوراده
وزنچون لام تخفیف اولمشدر * وفی معربات الجوا لبق روی فی حدیث
عائشه رضی الله عنها (کان علیه السلام اذا اغتسل من الجنابة
دعا بشیء مثل الجلاب) ماء الورد و هو فارسی معرب قال الهروی اراه بشیء
مثل الجلاب وهو الاناء الذي تحلب فيه ذوات الحلب یعنی انه المحلب
لاماذ کر * قند * لغات فارسیده شکر در دیمش و فی القاموس القند عسل
قصب السكر اذا جمد معرب انتهى * وفی المعربات القند فارسی معرب
وقد جاء فی الشعر الفصیح وقد استعملته العرب فقالوا سوبق مقنود
ومقند * زهر * معروفدر اوده زهره دیدکاری اکا نسبتله در زهر قاتل
وسم هلاهل دیرل هلاهل سند اقلیمده بر شهردر که ایده زهرلر دن
بردورلی زهر بترانه ایکن یرلر زبانلر اماغیری اقلیمده اهلاک ایدر نقل
اولوب صاتان کو کیدر اول زهره فارسیده بیش وعر بیده هلهل دیرلر
(معنای بیت) بودر که اول وزیر قاریشق نکته لر و صافی اولدیق
سوزلر سوبیلدی کو یا شکر شربتده زهر قارشدرمش ایدی * یعنی حقیقت
یوزندن سوبیلدیکی مقاله لری شکر شر بتی وضعنده مندر رج اولان
اغراض فاسده و معانی مخرفه زهر کی ایدی انکیچون ارباب ذوقه
تأثیر ایتندی زیرا ارباب ذوق انک ظاهرنده اولان طمطراق و محاسن
و آرایش نظر ایلر بلکه باطننده صدق و استقامت و حلاوت و ملاحظی
کوزلر لردی چونکه بومعنی خالص دکل ایدی لاجرم کلامی مهجور
ایدر لردی زهر آمیز اولان شربت بیلن یاننده منفور ایدیغی کی
* بونده اشارت واردر که حق و باطل بریده مخلوط اولسه عالم اندن
حق اخذ ایدوب (خدمه صفا دع ما کدر) مو حنجه باطلی طرح ایدر
فاما جاهل اولانه کر کدر که ارباب تمیزدن استفسار ایلیه زیر برنسته که

صورت خیره اولوب شیره مؤدی اوله آنی خیرایسه ده ترک ایتک کر کدر
ولکن شیره مؤدی ویاخود فی نفس الامر شیرایدوکن هر کس بلز (وبونده
رمز وارد که کلمات ناصح شربت کبیر زیر شربت حرارت ظاهره یی
دافع اولدیغی کبی کلمات حقانیه دخی حرارت باطنیه یی دافعدر وگاه
اولور که حرارت باطنیه دن حرارت ظاهره دخی حادث اولوب ایکی وجهه
معالجه محتاج اولور حرارت ظاهره دن مراد یز حرارت حسیه
و حرارت باطنیه دن مراد حرارت معنویه در که قالبک ظاهر و باطنیه
تعلق ایتن بلکه قلبه تعلق ایدر (لمحرره) کرم اولور سه نوله قلب عاشق * نار
عشقبه اولوب در تنور * نور دن گاه اولور که نار طوغر * نار ظاهر اولوب کور غمزنور

❖ ظاهر ش می گفت درره چست شو ❖

❖ وزاثر می گفت جانرا سست شو ❖

* چست * جیم عجمینک ضمیمه چاپک معناسنه * اثر * بر نسنه ک وجودنه
دلالت ایلینه دیرلر نیکم آثار دیرلر اول طریق قلمره که انلرله تقدم ایدنلر
اوزینه استدلال اولنه (معنای بیت) بودر که اول نکته لک ظاهری
مخاطب و مستمع اولانه طریق حقه چست و چاپک اول و مسارعت
و مسابقه تقدم بول دیر و حث و تحریض ایدردی ولکن اثری یوزندن
جانه سست و فتور اوزره اول وسیر و حرکندن تقاعد اهل اول دیو
سویلردی معلوم اوله که بوراده اثر دن مراد دل و جانده حاصل اولان
فتورک عینیدر یعنی اثری شویله ایدیکه اول کلامدن ذوق اهلنه فتور ورد
کلوردی یوخسه نشاط و قبول کلزدی نیکم بومعنایه ایسات لاحقه
قرینه در بونک نظیری لقمه حرامدن بدنه حاصل اولان فتور در یعنی
حرامدن حاصل اولان قوئدن بدنه نشاط و عباداته سرعت ابله
قیام کلز بلکه بدنه نشاط کلک امور عادی و احوال طبیعیه کوره در
بونده مدعی حالته اشارت وارد زیر مدعینک کلامی دخی کرچه
صورتا سمند سلوک تازیانه در فاما فی الحقیقه سالک تقاعدند باعذر
بعض مجالسه دخوله انبساط و بعضنده انقباض حاصل اولوب بوسره
دائر در (سؤل اولور سه که دعوت انبیا و ارشاد اولیا بالکلیه حق و کلاملری
حقانی ایکن نیچون بعضیلر دعوت و ارشاد قبول ایتدیلر و داعی الی
الله اولنلرک کلمات حقانیه لرندن متأثر اولدیلر (جواب بودر که قبول و تأثیر

محلده قابلیت کر کدر بوندن هر کله نک تأثیری لازم کلز اگر چه فی نفس
الامر تأثیر ایتک شانندندر مثلاً باران بو قدر اطسافت طبیعیه سنک خارا
اوزینه واقع اولسه کار کر اولماز پس گاه اولور که ادوار ودهورده تفاوت
بولوب زمانک ظلمته بنه ارباب زمان دخی ظلمانی اولوب قبول انوار
دعوت و ارشاددن محروم اولورلر نیکم بعض انبیا علیهم السلامه
اصلاً متابعت کوسرمدیلر بوسیدن دیمشدر که * علی نحت المعانی من
معادنها * و ما علی اذالم تفهم البقر (لمحرره) چوقدر عالمده آدم مقبول * هر
کسک شانی دکل لیک قبول * آدم قابل ایسک دنیا * و اراهل قبولی سن اره بول

❖ ظاهر نقره کر اسه پیدست و نو ❖

❖ دست و جامه می سیه کر دد ازو ❖

* نقره * ضمیمه عربیدر التون و کومشدن قطعه مذابه معناسنه یعنی التون
و کومش پاره سی که مضروب اولیه سبیکه یه نقره دید کلری منقور و مضروب
و مسکوک اولوب شانندن اولغله در مع هذا بعض مذاب اولان نسنه دخی
لاجل الاصلاح نقر و ضرب اولنقدن خالی دکلر * و فی المفردات النقر
قرع الشیء المفضی الی النقب * اسپید * و سپید و سفید کسرله آق معناسنه در
* نو * ضمیمه و فتحله جدید معناسنه فتحله استعمالی اکثر در (معنای بیت)
بودر که التونک و کومشک ظاهری کرچه بیاض و جدید در ولکن خاص
و خالص اولمایوب مخلوط و مغشوش اولسه انسانک الی و جامه سی آنی
مس ایتکدن سیم سیاه اولور نیکم بزم اعصار بمنزده اولان سکه لرده زیاده
روشندر پس قلب و مغشوش اولان سکه نک ظاهرینه مغرور اولمایوب
بلکه اثری سیاهلق دن عدم جودتنه استدلال و زبوف و نهج
اولدیغنه انتقال ایتک کر کدر (لمحرره) نظر ایتن خضاب و وسیمه
مرد * پیرلکدن زن اولسه کر قبور * پای پستی خلل پذیر اولسه * جسرک
اوستندن ایتن آدم عبور * بوندن ظاهر اولور که سکه دن سبیکه فرق
اولدیغی کبی کلامدن کلامه و انساندن انسانه فرق وارد نیکم دیرلر
ناس و نو یس بعدذا دست و جامه یی تخصیص بالذکر ایلدی * زیرا اثر
مذکور بوایکسنده زیاده روشندر مع هذا هر کسک متعارفیدر و دستدن
مراد فی الحقیقه دلدر * زیرا ظاهر قدرته دست مظهر اولدیغی کبی باطن
قدرته دخی دل مجلا در و جامه دن مراد وجوددر * زیرا حقیقت انسانیه یی

مشکل اولشدر ابراس وجود ظاهری مشکل اولدیغی کبی ونسیعی نظمده
کلور * استدوکل بوله سن چون نسیمی اوله سن * برکون اوله بله سن جبه
ودستارندن * جبه ودستاردن مراد آفاقه کوره وانفسه کوره و جوددر
زیرا حقیقت آلهیه وروحک جبه سیدر پس دیمک اولور که انون مثال
اولان آلام حقیقت مغشوش اولسه قلبه کدورت و کشف ابراث ایدوب
خصوصا توجهده بی تاب وفرایدرو آتی جانب قدسه انجذابدن منع
ایلر وکذلک کوشش مثال اولان آلام شریعت مخلوط اولسه وجوده
ضعف وفتور کتوروب آتی طاعات وعباداتدن ایقورو بالقرض
فعله کتوردیکی صورته دخی کسلناک اولمقدن خالی اولماز و جائزدر که
کوشش صفاته د ابراولان کلمات و انتون ذاته متعلق اولان
مقالات اوله زیر صفات و ذاتک نسیم و زک نسیم کبی در *

* آتش ارچه سرخ رویت ازشرر *

* توز فعل اوسیه کاری نکر *

* شرر * جبل وزنده عربدر قعجلم دیدکاریدر که یلدز کبی آتشدن
قطایر ایدن (معنای بیت) بودر که آتش اگر چه سرخ رو در قعجلم
وعلو یوزندن یعنی قعجلمی وعلوی وقوری قزل رنگدر سن انک فعلاندن
سیه کارغه نظر ایلر و اثری مطالعه ایدوب کور که اصابت ایدیکی یری
نیچه سیم سیاه ایلر شویله که کومره دونه در پس صورتی قزل
اولدیغی معتبر دکلدر کویا اصلی اولان هیزمک ذاته مطبوع اولان
صفت سیاهی اکا انتقال ایتشدر و هیزمده اولان صفت مذ کوره نک
اثری و دودی سیاه اولدیغی کبی آتشدن دخی مضمحل اولان سوادک اثری
دست وجامه ده ظاهر اولان لوندر و بوندن (کل شیء یرجع الی
اصلیه) سری باهر (وکل اناء یترشح بما فییه) مضمونی ظاهر
اولور بونده شیطانک حالته رمز وارددر زیر شیطان اگر چه نار
علویدن خلق اولندی فاما اول نازک آثار قبیحه و اوصاف فاسده سی
ایله ظهور ایلدی از جمله سیاهلی کبی انکی چون شیطانی کورنلر زیاده
سیاه رنگ و قبیح اللون کورر تکم بوقعیر دخی بر کره شخص زشتی
رؤیت و دفعه دخی کلامنی استماع حاصل اولمشدر تحقیق واردات
حقیقه نام کتابمده در فاما آدمه نظر ایلر که خاک تیره دن مخلوق ایکن

نیچه نورانی و مطلع انوار حسن و جمال و منبع اسرار ملک متعالدر
و بونورا نیتک سری تجلی آلهیدر تکم حدیثه کلور (ان الله خلق
آدم فجعلی فییه) پس خاکده قابلیت اولسه تجلی حاصل اولمز دی
واولکه بعض اولاد آدمده شقاوت حسبیه آثار ظلمت حس اولنور
عنصرنده نازک غلبه سندندر که شیطانله آنده اشتراکی وارددر تکم
بالاده تحقیق اولمشدر الحاصل آتشدن سیاهلی مضمحل اولمغه لونه
نظر اولمغیوب اثری اولان سیاهلی ایلر حقیقتنه استدلال و خاکده بیاضه
قابلیت مندرج اولمغه صورته رنگنه التفات اولمغیوب قابل اولدیغی
بیاضلیق ایلر ذاته انتقال اولندی و بویله دیمک دخی فی الجملة وجهدر که
خاکت اثری تبییضدر آب حسبیه زیرا خاکت طین اولدیغی آبله در
و بویکی عنصر جوهر آدمده غالبدر آبک صفتی ایسه تبییضدر
ونازک اثری تسویددر هم کندی ذاتی اعتباریله وهم ممتزج اولدیغی
هوا حسبیه زیرا بویکی کسی ماده وجود ایلشدن و هواده کر چه لون
یوقدر فاما اثری ظلمتدر زیر نور عارضدر (فاعرف فانه من المعانی
الثوانی * ولا من حاجة فی النکات والمعانی * بونده آتش ایلر غضبه
دخی تلویح وارددر زیر اغضب حالته انسانده حرارت نار کبی حرارت
ظاهر اولوب خون جگر انکه غلیان ایدر و اوداج متفح او اوب دیده
ورخسار قزل رنگ اولور و غضب عین سیاه کارلقددر که اثری ظلمت مغویهدر
زیرا قلب انکه قرارر و غاضب دخی غضب باطل حسبیه کویا ظلمتده قالور
مثلا خاتونه طلاق ویرسه و یا خود الفاظ فاحشه و افعال قبیحه ایلر کسر
عرض و یا مغلوب غضب اولوب بغیر حق قتل نفس ایله صکره نادم اولوب
اوزرینه ظلمت کبی حالت مستولی او اور و کذلک مغضوب علیه و اولیا سی
دخی ظلمت غمه دوشلرواندن بر صفت ظلمتیه و صورت تیره حادث اولوب
دنیا ده معنی و آخرته انکه معذب اولور پس بو حالتلر کجمله سی
غضبک سوء اثریدر نعوذ بالله تعالی * و بونده آتش عشقه دخی
اشارات وارددر زیر اوصاف وجودی احراق ایدوب سیم سیاه ایلر
عدم اصلیه نه تحویل ایدر تکم حدیثه کلور (ان الله خلق
الخلق فی ظلمة) یعنی خلقی ظلمتده تقدیر ایلدی بیکه ظلمت عدمدر
انکی چون صوفیه خلوتیه اسم سابعده نور سیاه مشاهده ایدر که
فناء تامه دلیلدر * و بوسره اشارت ایدوب نظمده کلور * هفت

رنکبست زیر هفت اورنگ * نیست بالاتر از سیاهی رنگ * پس
 بصورتی که اثر مذکور صفت ممدوحه اولور زیرا اثر ده عبارت
 و اشارت مطابق و متوافق اولی شرط دکلدر انکیچون
 دیشلر در قرآنه مواضع ذمک جمله سی خواصه کوره
 صفت مدحدر زیرا مقصود اشارتیدر عبارت دکل بعض اهل
 انکار که زیاده غلودن ناشی شیخ اکبر قدس سره الاظهر حضرتلرینه
 حاشا شیخ اکفر دیرلر بوزم یا نمرده صفة مدحدر زیرا بالا اشاره
 مقصود کفر وجود و کفر وحدت و امثالی دکلدر بکله کفر
 طاغوتدر که محض ایماندر تکم تنزیه کله (فمن یکفر
 بالطاغوت و یؤمن بالله فقد استمسک بالعروة الوثقی) و کفر طاغوت
 فی الحقیقه کفر ماسوا در انکیچون ایمان او زیننه تقدیم اولندی زیرا
 تخلیه یابنددر (لحرره) * کفر طاغوت ایچره در ایمان بالله ای
 پسر * طوته کور زنار عشقی بولغه کفری قوسر *

❖ برق اگر نوری نماید در نظر ❖

❖ لیک از خاصیت دزد بصر ❖

❖ برق * بلدرمدر که سحابدن ظاهر اولور و یا خود ملک سحابک سحابه
 ضرب و تخریکیدر که اندن آتش کورینور و بعض کتب معتبره ده کلوز که
 تحت السماء پرده رقیق وارددر که ادیم سما اول پرده نک و راسندن کورینور
 سمایله اول پرده نک راسنده آتش وارددر که بلدرم اندن حاصل اولور *
 یعنی اورادن آتش بیرون اولوب پرده بی فتق ایدر بوسه سبدن صوت
 شدید وجوده کلور * خاصیت * اصلنده یانک تشدید یله در بوراده وزنیچون
 تخفیف اولمشدر خاصیت اودر که برنسنه دن بر اثر مخصوص ظاهر
 اوله ولکن سببی خفی اوله نتکم دیرلر خاصیه المقناطیس جذب
 الحدید یعنی مقناطیس دید کلری طاش که سواحل هندوتر که ده
 بولنور انک اثر مخصوصی جذب حدید در ولکن جذب مزبورده سبب
 نه ایدوی ظاهر دکلور کهر با و امثالی دخی بو کقیاس اوله پس بومقوایه
 خاصیت دینلور خاصه دینلر بوندن خاصه و خاصیت میاننده فرق ظاهر
 اولدی * و بومجلده برق دخی اختطاف بصر ایتدیکی برق خاصیتیدر
 زیرا سببی خفیدر * (معنای بیت) بودر که بلدرم اگر چه نظرده

نور کورینور و نور در دینلور ولکن خاصیتی یوزندن نور بصرک دزد
 سارقیدر زیرا نور بصری طرار کبی اختطاف ایدوب تغریقه باعث
 اولور پس انک دخی ظاهرده نور اولدیغنه نظر اولماق کر کدر که زیر
 اثری ظلمتیدر که نور بصر ربا اولغله بصری پر ظلمت ایدر بصرک
 رؤیتی ایسه نورله در و برنسنه که فی الحقیقه نور اوله آنک شانی
 تنویر و اضاءتدر یوخسه خلافی دکلدر * و بونده اعمانک حالت
 رمز وارددر زیرا نور بصری اولماق حسیله نور و ظلمت انک یابنده
 یکساندر بصیرت حالی دخی بوکا قیاس اولنه زیرا انوار معنویه بی
 مطالعه ایتک اهل بصیرت شایندر (لحرره) دیده باطن اولسه
 مفتوح * ظاهر اولزده اموار فتوح * و بوراده برقله تجلی ذات
 اشارت وارد زیرا تجلی ذاتی حاصل اولدقه سمالکک بصیرتی
 بردخی اشایی کوره مزاکر چه اشیتک فی نفس الامر وجودی وارددر
 ولکن خاصیت تجلی برق کثرتی اخفا و وحدتی اظهاردر * و بومعنی
 برق صفة ممدوحه سیدر بوندن معلوم اولور که نور نجم قلب و نور
 قمر روح و نور شمس سر برق قیله دن دکلدر * بکله برق بونلرک
 و راسندن حاصل اولان تجلی سر السر در که انک نوری نور ذاتدر
 و برق صوری ظهورنده آن غیر منقسمده اطراف عالم و اقطار
 ارضی اضاءت و اشیا خفیه بی اظهار ایلدیکی کبی برق معنوی دخی
 آن واحدده علوم غیر متشاهیه ایراث ایدر * ولکن بو برق علی
 الدوام دکلدر والا وجود انسان متلاشی اولور نتکم انک حقیقه
 دینلشددر * و ایکن زائل اولور یننه اولدم * ایرشمنز آکه پیک عقل
 آدم * تجلی افعال و صفات ایسه بویله دکلدر (سؤال اولنور سه
 کمال اولیا نک حقدن طلب ایدوب متحقق اولدقلری تجلی ذاتی دائم
 وابدی در تکم حدیثه کلور (صنف من اهل الجنة لایستترالرب
 عنهم ولا یخجیب) زیرا جسته اولان عدم احتجاب دنیا ده اولان
 حالت باطنه نک صور تیدر (جواب بودر که بوشهود دائم و تجلی ابدین
 مراد بر قینک غیر یدر که تو حید ذاتله حاصل اولور پس دوام
 تجلیدن دوام تجلی برق لازم کلن بلکه شهور دائم
 اهلنه احیاناً تجلی برقی دخی حاصل اولور * زیرا نور ذاته و صولک

اثر در بو خصوصه قصه موسی علیه السلام و احوال طور ملاحظه
اوله (لحرره) چشم انسان نظرد و اولسه حدید * حدت نور شمس
آنی اریدر * بقامت نور ذاته چشم ضعیف * اکا طاقت کتورن ذات
اریدر * بعدذا بو محله دك سرد اولنان تمثیلات مختلفه دن فهم اولنور که
وزیر مزبور ک قوم عیسایه ایراد ایلدیکی نکته لرا کوان مقوله سندن
ایدی نیکم جلاب تبلی مرتبه انسان و حیوانه شار تدر زیر آب و شراب محی
اسمه مظهر در وجه ارضه بالفعل حیات ایله متحقق اولان ایسه انسان
و اکا نابع اولان سائر اصناف حیواندر و قند نیاته و نقره معدنه و آتش
عناصره و برق آفلا که ناظر در و بونلرک انفسده نمونه لری واردر *
جسد * و روح * و شعر * و مخ * و امثالی کبی ولیکن بومر اتیک حقایقه
حقایق اکوار دیرلر که حقایق عالم آله بونلرک فوقیه در نیکم بالاده تحقیق
اولمشدر پس عقل معاش جزئی بو حقایق دن بالفرض خبردار اولسه تقریر
و تحقیقه بطریق تقلید اقتدار بواسته یته عشق پایه سنه کوره حالی پسدر
زیرا عشق پایه سی عالی و زردبان عرفانی عالم و جو به طوغری متعالیدر

* هر که جز آگاه و صاحب ذوق بود *

* گفت او در کردن او طوق بود *

ذوق * مفصلا شرحی مرور ایلدی طوق فتحله عریدر حلقه وزینت
ایچون کردنه تعاقب ایتد کبری بو غمقدر نیکم بوفقیه بعض نظمده کلور
* سزادر اهل انکار اولسه کردن پیچ ذکر الله * که ز بر طوق سیم اولیادر
حلقه توحید * و مثله کلور (تقلدها طوق الحمامه) یعنی خصلت قبیحه پی
طوق حمامه کبی تقلد ایلدی شویله که طوق حمامه که حمامه نک کردند
اولان خالق و جلی خلقه در حمامه دن مفارقت ایتدیکی کبی اولدخی اندن
مز الیه ایتز و قر آند کلور (وکل انسان الزمناه طاهره فی عنقه) یعنی
انسانک عملی انسانه لازم غیر مفارقت لزوم قلاده و غل کبی (معنای بیت)
بودر که هر کیمسه که وزیر مزبور کبی حق دن آگاه و صاحب ذوق معنوی نک
غیری یعنی غافل و بی مذاق و مبتدا اوله انک کلامی و کلامک مشتمل اولدیغی
نکته لری انک بوینده حلقه و بال و قلاده عذاب و نکال اولور شویله که
انک کردند مفارقت ایتز زیر نفسانی سوزده خیر یوق و غرض
و تقلید اوزرینه مبنی اولان کلامک غائله سی پک چوقدر و هر کس اگر خیر

واکر شرکار نک جزاسنی بولور یا نعم یا معذب اولور نیکم نظمده کلور
* هر که او نیک میکند یابد * نیک و بد هر چه میکند یابد * بونده ارباب
غرضی تحذیر و محجوب و غافل اولنلری سجاده خواص دن رفع ایتک لازمدر
زیرا کیمسه که (اذا نطقوا نطقوا بالله و اذا سکتوا سکتوا بالله) سرینه
مظهر اولیه و مائده شهود و عیان دن حظ اونی بولیه انک افعال و اقوالی
کنیدینه و بال اولدیغدن ماعداسار خلقه دخی زیان ایلر و بونده اشارت
واردر که شیطانک بوینته خلقه لغت تعلیق اولنوب اول خلقه الی
یوم الدین والی ابد الابد اندن مفارقت ایتدیکی کبی سائر مضل اسمنه
مظهر اولنلرک حالی دخی بویله در و هر کسک حاله کوره کردند
قلاده سی واردر پس اول حلقه اهل حقه کوره حلقه رحمت و قلاده
زینت و اهل بطلانه کوره حلقه لغت و قلاده محنتدر خصوصاً که
مقلد و مدعی نک متصف اولدیغی صفت تنزل جسته داخل اولسه بلیینه
ذاتنه لازمدر زیرا قرب حق مراتب معرفت حقیقه حسیه در
و بوندن فهم اولنور که حق دن خبردار قلیل و اصحاب ذوق نادر و ماعداسی
کثیر و شاید پس بومعدا مخاطره دن خلاص اولماز زیر اخلصلر خطر
عظیم اوزرینه اولیچق انلردن پایه ده کتزا اولنلرک حالی نه اولمق کر کدر و اقد
صدق ذوالنون قدس سره حیث قال (الخلق کلهم موتی الا العلماء و العلماء
کلهم نیام الا العاملون و العاملون کلهم مغترون الا المخلصون و المخلصون
علی خطر عظیم) کذافی منهج العابدین الامام الغزالی رحمه الله علیه و اسعه

* مدت شش سال در هجران شاه *

* شد وزیر اتباع عیسی را پناه *

* مدت * دهر دن زمان طویله دیرلر کافی القاموس و اهل تفسیر فرق
ایدوب دیمشدر در که مدت مطلق فلک اطلسک ابتدای دن انتهایه دك
حرکتک امتدادیدر زمان ایسه ماضی و حال و استقباله مقسوم اولان
مدت در وقت ایسه بر خصوصیتون فرض و تقدیر اولنان زماندر
و بعضیلر دیدیلر که وقت مطلق آند بر نسنه واقع اولان زمان کرک
آنک وقوعی بر مقدر تقدیر اینسون کرک ایتسون میقات ایسه تقدیرله
اولاندر * هجران * کسرله و هجر فتحله عریدر قطع و ترک معناسنه
اکثر محایینک فراغنده شاید * اتباع * تبعک جعیدر حرکت ایلله تابع دیمکدر

واحد و جمع اولور (معنای بیت) بود که الی یل قدر زمان شاه یهودک
هجران و مفارقتند یعنی وزیر مرز بورشاه یهودی ترک و جوارندن مفارقت
ایدوب مدت مذکور اتباع عیسی اولان نصاری و پارسایان پناه و ملجا
اولدی شویله که پادشاه وزیر یی امور عامه دنیویه ده التجا واستناد
ایلدیکی کبی قوم مسطور دخی امور خاصه دنییه ده اکا اتکا و اعتماد
ابتدیلر بوراده الی سنه (خلق السموات والارض فی ستة ایام) سرینه
اشارتدر زیر الله تعالی عالم کبرایی الی قسمدن ترکیب ایتشدر که
افلاک و کواکب و عناصر و حیوان و نبات و جماددر و عالم صغریایی دخی
الی نوعدن ترتیب ایتشدر که ارواح و اشباح و نفوس و قلوب و اسرار و سر
الاسرار در پس اگر عالم عالم کبری و اگر عالم صغرادر بود ذکر اولثان اقسام
سنه دن خارج دکلدر و الی کون الی یک یله منفصلدر زیر یوم الاهی الف
سنه درنتکم قرآنده کلور (وان یوما عند ربك کالف سنه مما تعدون)
پس بوندن اخذ اولتدیکه وزیر مرز بور الی بیک ییل ایچنده حکمت آلهیه
اوزر بنه مبنی اولان تدریج و تانی ایله ترکیب و ترتیب اولسان عالم کبری
و صغرائک بحسب الاجال الی سنه ده فسادنه سبب اولوب مفتاح الشر
اولدی زیرا دنیائک فسادی دینک فسادی اوزره مبنیدر و برنسنه نک
اساسنی هدم ایتک بناسندن اهنودر نتکم دیمش لردر * اری الف بان
لابقام بهادم * فکلف بیان خلفه الف هادم * و ترجمه ده دیمش لردر که
بیک کشی باید یغن یقر بر کس * امر عکس اولیچک امیدک کس * و بونده
عقل معاشه دخی اشارت وارد در زیر عقل معاش که عقل جزیدر
سلطان روحک فی الجملة و زراسندن معدود در و لیکن بو و زیرک
وجه ظاهری روحه و وجه باطنی نفسه ناظر در بو سیدن نفسه
اعانت ایتدن خالی دکلدر پس من کل الوجوه عقله استناد ایدن
کیمسه نک دینی خراب اولور بناء علی هذا که ر کدر که عقلک حیل
و خدعندن احتراز اولوب عقل کل و عقل معادک موجب اشارت یله عمل
اولنه زیرا بو عقل ذو الوجهین دکلدر بلکه صادق و مخلصدر

✽ دین و دلا کل بد و پس پرد خلق ✽

✽ پیش امر و حکم اومی مرد خلق ✽

* پسرد * بآ اولینک ضمی مابعدنه موافقتدن اوتوریدر سپردن ضمه

اصمراق قدر خلق * مخلوق معناسنه در مجاز اعمل معمول معناسنه اولدیغی کبی
امر و حکم بر معنایه محمولدر که خطا و بطریق الاستعلاء کلامدر
و جائزدر که حکم امرک اثری اوله حکم شرع دیرل خطاب حقله ثابت اولان
اثر معناسنه وجوب و حرمت و ندب و کراهت و اباحت کبی پس بو صورتده
حکم مجازا محکوم معناسنه اولور (معنای بیت) بودر که قوم عیسی
دین و دلتک مجموعنی اول وزیر اصمراق و ابیکسنک دخی خصوصنی
اکا تفویض ایتدی و انک امر و حکمی قائنده میت کبی اولدی شویله که
میت غساله نیچه تسلیم اولدی ایسه اول کروهدن دخی وزیر حقیقه
انقیاد نام ظهور ایتدی و اعتراض و انقباض در و نلندن بالکلیه کتدی
بعد ذابوراده امر و حکم ذکر ی اکتفا قیلنددر مقصود امر و نهیک
مجموعیدر زیرا هر شریعت نخلیه و تحلییه اوزر بنه مبنیدر و نهیدر
مقصود بالذات عوام و امرده خواصدر زیر اخواصک اطاعت ایتک
شانی و مأمور بهیک سر یله متحقق اولوق مقتضای حالدر انلره کوره
نهی تعریضه محمولدر (ولا تکنون من المشرکین) و امثالی کبی و بعض
امر صورتده وارد اولان آیات دخی بویله در نتکم تنزیله کلور
(یا ایها النبی اتق الله) زیرا امر مذکور صغیری کیرله تأدیب قیلنددر
پس مراد امر سل الیه در رسول دکلدر و الا تقوای حقیقی رسولک
شان ذاتیسیدر و بونده دین و دلی جمع ایلدی زیرا دین ظاهره متعلقدر
اول سیدنکه اهل دین آنی ظاهرده اقامت ایلوب جوار حله عمل ایدرلر
و دل باطنه متعلقدر که مدار اعتقاددر پس دین و دلی تسلیم ایتک ظاهرا
اعمالده و باطنا اعتقادده انقیاده اشارتدر اگرچه که دینک ظاهری و باطنی
وارددر که ظاهری شریعت و باطنی حقیقتدر و مضل عام اولان کیمسه احکام
شریعتی تغیر الیه سبب غضب عام اولدیغی کبی مضل خاص اولان دخی
آداب طریقی تبدیل ایله سبب غضب خاص اولور و لیکن حکمی خسران
جنت و ابیکجینک اثری حرمان قریبدر پس شریعت و سبب حقیقت
اولدیغی جهندن محافظه سی لازمدر بالکلیه ظاهر دینده مضله موافقت مضر
و باطن دینده متابعت اضردر زیر برنسنه نک باطنی اساس کیدر اساس خراب
اولیچق بنا دخی منهدم اولدیغی کبی اعتقاد متغیر اولسه ظاهر دینده
اعتبار قائم و بوا عصارده اسباب تنزل یسبار و امور منکره بی حد

و بشمارد ر پس بصیرت نامه کر کرد که مصل و هادی تیر اوله واعتقاد
و عمل مفسد اتدن خلاص و نجات بوله * دوشه چاه غم افق عینک *

❖ در میان شاه و او پیغامها ❖

❖ شاه را پنهان بدو آرامهان ❖

* پیغام * بایعجه میله شول خبر در که بر کیمه دن آخره ایصال ایدرل انکیچون
انبیا علیهم السلام پیغام بر دید بلر ز را امنلرینه یا بالذات و یا جبرائیل
وساطتیه حق تعالیدن خبر نقل ایدرل غنی حذف ایدوب پیام دخی
دبرلرتکم بویتده واقعدر * ای باد اگر بکشن احباب بکذری * زنههار
عرضه ده بر جانان پیام ما * وگاه اولور که الفی حذف ایدوب پیغامبر
و پیامبر دیکر برده پیغامبر و پیبرد برلر جزء ثانیسی اولان بر افطی اسم فاعلدر
بردندن اصلی برنده در ترخیم اولمشدر فلما برنده ده باضموم اولمغه برده
دخی مقتضای قیاس ضمه ایدی ولکن دفع اشتباه ایچون قحیه تبدیل
اولندی ز را بریدن دن مشتق اولان بر که کسبجی معناسنه در قاطع کبی
بانک ضمه له در پس بردندن مشتق اولان برده ده بامفتوح اولد یخی
بر بدنک مضارعنه التباسی دفع ایچوندر یعنی برده ده اوج وجهیه تغییر
وارد بری حذف نون و بری حذف یا و بری رانک کسره سنی قحیه تبدیلدر
پس برده ده دخی بامفتوح اولدی تا که انده دخی اوج وجهیه له تغییر بولنه
بری حذف نون و بری قحیه ایله تحریک و بری بانک ضمه له سنی قحیه تبدیلدر
* پنهان * بایعجه میله قحیه پیدانک ضدیدر تفصیلی مرور انمشدر (معنای
بیت) بودر که شاه جهودان ایله اول وزیر اراسنده خبرل و اسان
و نامه ایله کز او سوزلر متوارد و دوار ایدی شویله که شاهک اول وزیر
و آنک خبرل یله نهانی را احتلری و ارایدی یعنی ابتداده که ظهور دین نصاری
ایلله بی حضور اوامش و حسدن اضطراب عظیم بولاش ایدی وزیر انلری
حق صورتنده ابطال و هدایت هیئتنده اضلاله مباشرتیه خبرتوارد
ایندیکه خاطری آرام بولمغه باشلادی و فی الجمله شفاه صدر کلور اولدی
زیرا غرضنه مساعده بولدی انسان ایسه مهمنه ظفر بولمغه قحیه آرام
ایتمز وعدوسندن انتقام المدفیه ایثی بتمز بلکه مغلوب غم و اندیشه اولمغه
خسته اولور و بین الموت و الحیوة مضطرب قالور بوندن فهم اولنور که
وزیر موهودک اضلالدن غیری جاسوساق صفی دخی و ارایدی انکیچون

خبر نصاری خفیه شاه یهوده اعلام وید واسطه ایلله نامه ایصالنه
اهتمام ایدردی (لحرره) رازدل بوی غنچه در کویا * آچلنجه دوشمدهانه
صاقن * بزم عالمده چوقدرر جاسوس * سوزک او کنجه صاغ وصوله
باقن * و بونده عقل معاش طرفنده نفس اماره به تسلی بخش اولان
امورک و رودنه رمز وارد ز را عقل معاش نفسله روح اراسنده جاسوس
کپدر و دائما قوای روحانیه بی اضلال ایدوب معادی معاشه تبدیل
خصوصنده اجتهد ایدرل نفسک مرادی ایسه بونکله حاصل اولور و بونده
اهل دعوی حانه دخی اشارت وارد ز را افواه اهل حقیقتدن سرقة
رموز ایدوب اهل تقلیده القا ایدرل واعدای اولیایه ارباب نفاق کبی
صداقت و خلوص و ستروب طریق اولیایه چاه قازرلر و دائما
افساد نظام عالم ایچون چپ و راسته تکاپو ایدوب کز لر ولکن
دیمشدر که (الحق دولة و للباطل صولة) پس عاقبت حمیده اهل حقک
طراز اطلس حاللری و نشاط و سرور نعمت لذت بخش سماع باللر یدر

❖ پیش او بنوشت شه کای مقبل ❖

❖ وقت آمد زود فارغ کن دلم ❖

* بنوشت * اصلنده بامکسور و نون مضموم و لکن بانک کسره سی نونک
ضمه سنه اتباعا مضموم او قنور و نونک ضمه سی دخی و زنیچون اسکان اولنور
نوشت ماضیدر بنیشت کبی مصدری نوشتن و بنیشتن کلور یازمق معناسنه کتابت
کبی * مقبل * اسم فاعل صیغه سی اوزره مدبرک ضدیدر بوراده مر ادطالب
اقبال شاه دیمکدر اقبالدن دخی مقصود وزیره سپارش اولشان خصوصک
حصولیدر (معنای بیت) بودر که شاه یهود اولوزیر حضورینه نامه
یازدی بویله دیو که ای بنم اقباله طالب و حصول مراد مه راغب وقت و زمان
کلدی تیر بنم کوکلی فارغ ایلله و خاطره دن تخلیه و اندیشه دن آزاد قیل
یعنی شش سالدر که خصوص مزبور ایچون صبر ایدرم و حصولنه
مترقیم شدن صکره خاطرمی بالکلیه غمدن تخلص و مرادی بنجامه تحصیل
ایلله تا که طالع اقبال نور بخش عالم وجود و نقطه مقصود بلامرکز وار جلوه کر
د اثره شهود اوله و دین و دنیا بالکلیه بکا قاله شویله که طریق
اقبالده بکا مزاجم اولان دیار ادبار یول اله بونده اشارت واردر که
حضرت عیسان فخر عالم علیهما السلام دورنه کلنجه التیوز سنه در
واکثر کل حکمنده اولمغه کویا عصر عیسایه دک دور سنبله دن الی

يك ميل تمام اولمش ابدی پس بونده رمز وارد در که شاه من بور وزیر
مذکور دن کو یا افساد و اضلال استبدیکه مقدم مرور ایدن بش
بيک درت بوز سنه ده مظاهر مضله دن حصوله کلن اضلاله بدل اوله
وزمان بعث فخر عالم عليه السلامه کلنجه اولان التیوز سنه ده دخی اثری
ساری و حکمی جاری اولوب تبدیل و تحریف باقی قاله و بوعایتی تخصیصده
سر عالی بودر که بعثت مسطورده دن صکره فساد ماضی مرفوع و تحریف
سابق زائلد رنتکم حدیث صحیحده کلور (بعثت لکسر المزامیر و قتل
الخنزیر) زیرا بوندن مراد نهی منکرده مبالغه و دین یهود و نصاری
نه سخاوت الیه اشارتدر پس دین محمدیه اعلام شرایع عالیّه و (علماء امتی
کانبیاء بنی اسرائیل) موجبجه مقیم دین و محافظه راه یقین بسیار اولمغله
تواتر علما و تابع حکما الیه عصر ابعده عصر دین مجدد و عهد قدیم متأکد
اولوب الی یوم القیام و التلاقی رونقی دائم و باقی و مخالفنک سیف و سنان
و جت برهانه عرق نزاعی مقطوع و نقطه تشکیلی کرک قطع و جزمله
صحیفه عالم دن محکوم و مرفوعدر (لحرره) بقیه من کیمسه بنای دینی *
که اساس یقینی محکمدر * بانی دین بیکدن افزوندر * صفروش هادی
بردن کدر * بونده تلویح وارد که اهل ادبار یاننده مدبر مقلددر فاما اهل
اقبال یاننده مدبر درز بر اهیج بر مضلک اقبالی ادباره و تجارتی خساره منتهی
اولمدیغی یوقدر نتم تنزیده کلور (سنستدر جهنم من حیث لا یعلمون)
و بردخی اکابر ناس اصاغری خدمتده اهتمامه حاصل ایچون بعض
اوضاعن تحسین ایدر لر مع هذا قیامتده بری بر لرندن تبری اینسده لر
کر کدر نتم قرآنده کلور (اذتبراء الذین اتبعوا من الذین اتبعوا)
و بردخی بر امرده استعجال اتمک صفات افساندر نتم قرآنده کلور
(خلق الانسان من عجل) و بردخی دل انسان مستریح اولمسه بدنی
صورت استراحتده اولق مفید اولماز انکیچون پادشاهلر یوقدر نتم
ظاهر ایچنده ایکن ینه قلبلری کدر دن خالی اولماز و بردخی انسان مدنی
بالطبع اولمغله بنی نوعی الیه تعیشیه محتاج و امورنده استعانتده مقتدر در
انکیچون یامعین دینلور زیرا اعانتده تأثیرا کرچه الله تعالی دندر ولکن
معین اسمنک مظهری وارد که انلرک یوزندن صورت اعانت حاصل
اولور و قرآنده کلور (کلا تمده هؤلاء وهؤلاء من عطاء ربک) پس اهل

دنیا و اهل عقبانک مجموعی مدد اسمندن امداد اولورلر و اهل
قهر و جلال و اهل لطف و جمالک جمله سی اسان قال و حال
ایله سؤال ایتد کلری اموری مساعده ایله تدارک قنورلر زیرا
جبارک خزانه سننده یوقلق یوق و عطاسی حددن آرتو قدر
❖ گفت اینک اندران کارم شها ❖
❖ کافکنم در دین عیسافتنها ❖
❖ اینک * یونجغز و اشته دیمکدر این هذا کی قریبه اشارت ایچوندر
و آخرنده که کاف ساکنیه کاف تصغیر دیرلر و بو کاف قواعد فرس
تحریر اولنان کتب معتبرده کاف عربی دیو تصریح اولمشدر دقایقه
ابن کمال ایسه دیر که اول کاف عجمی که لسان ترکیده صاغر کاف دیرلر
لسان فارسیده تصغیر ایچوندر انتهی فاما بونده نظر وارد زیرا
صاغر کاف دید کلری کاف عجمینک غیریدر مثلاً که امیر معناسنه در
کاف عجمیه دروبک که خال معناسنه در صاغر کافله در و صاغر کاف
دید کلری نه لغت عربیه و نه لغت فارسیده موجود و مستعمل دکدر
❖ فتنه * فتن قتل و زنی اوزره اصلنده التون غشندن تخلص و ناراله امتحان
ایتمکه دیرلر صکره تشدید محنته و مطلق محنته و انسانه شاق اولان
اموره و حق تعالینک عبادی مبتلی قیلدیغی سننه لره فتنه دیدیلر
زیرا تفاوت وجود و طهارت قلبه سیدر نتم حدیثده کلور (ما اودى نبی
مثل ما اودى نبی) یعنی ماضی نبی مثل ماضیت زرا اذیت باعث تصفیه در
بوجهندن انید اوایلایت بلاد حاصل اولمشلر و تربیه و نمایی محنت الندن
بولمشلردر (معنای یت) بودر که شاه یهودک نامه سیوز بر مضله واصل
اولدقدده جوابنده یازوب دید یکه اشته ای شاه اول کار ایچنده یم که
دین عیسی ایچنده و قومی اراسنه فتنه لر براغم یعنی بزبوتر فده کار معمودی
سست طور ظن ایتده و امرنده مجد و ساعی دکدر دیمه بلکه بن کیجه و کوندز
اول کاره اهتمام ایدوب مراد شاهک حصوله سعی ایده رم و مقصود دخی
حصوله قریب اولمشدر پس بونده شاهی تسلیه و امری تقریب وارد
وترک استعجاله دخی رمز دن خالی دکدر و بوندن اخذ اولور که
وزیر من بور تصدی ایتدیکی کارده مبطل و مباشرت ایتدیکی ایشده
مفسد و رجحان حقندن ملعون و مبعود ایدی زیرا اثرده دکدر (الفتنة تامة)

لعن الله من يقضها) و بوندن فهم اولور که دینه فتنه القایدن دنیا به
 فتنه طرح ایدندن اشد درزیرا فتنه دین ایله نظام عالم مختل اولور بالکراختلال
 عالم ایله دین متغیر اولماز اگر چه اهل فتنه مطلقا مذهوم درنتکم
 اثر مذکور اکادالدرو بوندن ظاهر اولور که مصل اسمنه مظهر
 اولان کیمسه شیطان ایله برابر در انکیچون شیطان لهین دینلیدیکی کبی
 اکا دخی دینلیدی و بالفعل اضلال ایله اضلالک مقدماته مباشرت
 ایتک یکساندر پس مقدمات هدایت هدایتدن اولدیغی کبی مقدمات
 اضلال دخی اضلالدندر زیرا بربرده نیت مجرده مؤثر اولیجق فی الجملة
 مباشرت دخی کار کردر و بونده عقل معاش و نفس اماره نک زیاده
 طغیانلرینه اشارت وارد در زیر قلب و روح نه وجهله طریق حقندن
 اخراج ایده جکرن بلزلر و دائما اول هواده پرواز ایدرلر و اول بولده
 نکاپو ایدوب کیدرلر و ممکن اولسه برآنده نیتی تغیر و عملی افساد ایلرلر
 و دینی زیر وزیر ایدوب اهلنی زنجیر تشویشه چکرلر پس اعداء ظاهره
 و باطنه دن احتراز کر کردر و دین بر موبله مریوطدر که آنک بندگی کبی
 قطعی دخی سهلدر بوسیدندر که انسان جنته بر شبر قریب اولمش ایکن
 قضا الی سینه سنه اوروب یوزن جهنمه دوندرلر و کذلک جهنمه جزئی
 مسافه قالش ایکن تقدیر الی آتی اخذ ایدوب جنته یول کو ستر
 و جانب بلادن طرف ولایه کوندرلر الحاصل اولمق بلا
 ایکن مصل اولمق نه بیوک بلادر نتکم مهندی اولمق سعادت عظمی
 بس ایکن هدایت غیر ایله دخی مستعد اولمق عنایت خاصه در که شان
 اهل ولادر (لحرره) راه حقه مجد و ساعی اول * اهل پاکیزه
 مساعی اول ❖ نسال الله العون علی طاعته ❖ و نستزیده من هدیته ❖

❖ قوم عیسی رابد اندر دارو کیر ❖

❖ حاکما نشان ده امیر و دوامیر ❖

* دارو کیر * دار داشتن لفظندن امر در معناسی صقله در بوندندر که
 دینن صقلایجی و حفظ ایدیجی به دیندار دیرلر و حلیمی ده کلور که
 دار داشتن لفظندن صیغه مبالغه در طوتغان معناسنه انتهی و کیر
 دخی کافی عجمیله امر در گرفتن دن مشتقدر معناسی طوتدر امر محلی
 اولغله جنک و حربه دارو کیر و کیر و دار دیرلر کافی الدقایق و کلستانده

کلور * این همه هیجست چون میگذرد * تحت و بخت و امر و نهی و کیر و دار *
 و بحر الغرایبده کلور که کیر و دار لفظ واحد در که یوم حریده مستعملدر معناسی
 طوتدر انتهی بوندن فهم اولور که ذکر اولشان ایکی لفظک بری تأکید
 ایچوندر عرب خذو عجم دارو کیر و ترک طوت دیر نتکم حالاعدوی و امثالنی
 اخذ ایچون بحر یضده خلق ارا سنده شایعدر فاماد قایق تفسیری اوزرینه کیر
 دشمن اخذ و دار دشمندن کنندینی حفظه دائر در * امیر * عر بیدربک
 معناسنه امارتدندر کسر له بکک دیمکدر بوامتدن اسلامده ابتدا امیر اولان
 عبد الله بن جحش رخی الله عنه که رسول الله صلی الله علیه وسلم آتی
 سر عسکرایدوب بر قوم اوزرینه کوندر مشدر بوندن فهم اولور که امارت
 خلافت و امامتدن اعمدر * ده امیر و دوامیر * اون ایکی دیمکدر زیاده اون
 و دوایکیدر که مجموعی اون ایکیدر (معنای بیت) بودر که قوم عیسی ایچون
 جنک و حریده اون ایکی بک و ریس و ارایدی بوندن ظاهر اولور که حضرت
 عیسانک قومی محاربه اعدائله مامورایدی زیرا بهض ائم بالکز حجت و برهانله
 و بعضیلر دخی هم حجت و برهان و هم سیف و سنانله مامورلر ایدی و سیف ایله
 مامور اولان انبیاء علیهم السلام و اقوامی البته منصورایدیلر نتکم قرآنده کلور
 (انا لنصر رسولنا) و اولکله (و یقتلون الانبیاء بغیر حق) وارد اولمشدر
 بوانبیا ایله مراد قتال ایلله مامور او لمیلر در پس ایکی آیتک میاننده توفیق
 ظاهر اولدی و قتال و سائر اسفار و حرکاتده امیرک وجودینه ضرورت وارد
 نتکم حدیثده کلور (اذا کان ثلاثة فلیؤمر و احدهم) زیرا زمام امور
 ارباب تجارت و اصحاب سیاسته مدفوع و توقیر شیوخ و متابعت اکابر نهاد
 احداث و جبلت اصاغرده موضوعدر حیوانات بیله بی رئیس اولماز
 نتکم قطار کلنک و امثالنده مشاهددر و دیمشدر در که قوام عالم سیاستله در
 سیاست درتدر اولکیسی انبیاء علیهم السلامک سیاستیدر که خاص
 و عامک ظاهری و باطنه مستوایدر ایکنجیسی سیاست خلفاء و ولات
 و سلاطیندر که خاص و عامک ظاهرلرینه متسلطدر فقط او پنجیسی
 سیاست علماء و حکماءدر که خواص ناسک باطنلرینه ناظر در فقط در پنجیسی
 سیاست و عاظ و فقهاء در که عوام خلقتک باطنلرینه دائر در فقط
 و بوسیاستک بعد النبوة اشرفی افاده علم و تهذیب نفوسدر زیر باطنه
 متعلقدر بونده وجود انسانده اولان امراء ملکیه به اشارت وارد در که

بشدر و بونلره حواس دیرلر حاسة بصر و حاسة شم و حاسة ذوق و حاسة
سمع و حاسة لمس کبی و بو امراء حواس خسک امیر الامر اسی حس
مطلقدر که بونکه عددلری الی اولور زیرا جله سی حس مطلق
تحت اللواسنده در ظاهر جسد اعتباریله و کذلک امراء ملکوتیه دخی
اشارت وارد که انلر دخی بشدر و بونلره ارواح دیرلر روح حیوانی
و روح خیالی و روح فکری و روح عقلی و روح قدسی کبی و بو امراء
ارواح خسک امیر الامر اسی روح اعظمدر که قلب آنک سرینه مظهر در
انکچون قلب رئیس الاعضاء و القوادیر زیرا قوایه ریاستی اعضا به
ریاستی مستعددر و بونکه عدد امراء ملکوتیه الی اولور زیرا جله سی
روح اعظمک تحت اللواسنده در باطن جسد اعتباریله پس مجموع امراء
وجودیه اون ایکی اولور و بونلره امراء تسمیه سنه وجه بودر که امور
واو امر آفاقیه امراء ظاهره منوط اولدیغی کبی امور و او امر انفسیه
دخی امراء باطنیه مر بوطدر پس بونلر مقتضای حاللری اولان واردی
حقن اخذ ایدوب امثاله مبادرتندن صکره سائر لواحق اعضا
و قوایه دخی تحمیل تکلیف الیه تصرف کوسرلر و بونلرک دار و کیری
نفس و آنک قوا سیله دیر و بودار و کیر اجل مسمايه دك ماضی و مستمدر
و فی الحدیث (الجهاد ماض منذ بعث الله تعالى الى ان یقاتل آخر امتی
الدجال) کافی الوسیط بو حدیثه آخر امت قلبه و دجال نفس اماریه
اشارتد زیرا قلب و نفس روحک جسده تعلقتندن صکره تولد ایتشدر
پس ایکی سنک دخی وجودی متأخر در و لکن قلب رتبه ده نفسدن عالی و روح
دخی خلقتده جسدن مقدم اولغله بونده (سبقت رحمتی علی غضبی) سرنه
اشارت وارد یعنی روح و قلب سر لطف و جمال و جسد و نفس صورت
قهر و جلالت (لحرره) * غالب اولر سه نفس ظالمه روح * سدا و اوب شوبله
قالور باب فتوح * رتبه روح در نفس کوره * قاعه نسبت الیه مانند سطوح *

هر فریق مر امیری را تبع *

بنده کشته میر خود را از طمع *

* فریق * شول جماعتدر که غیر یلردن منفرددر نتم قرآنده کلور
(فریق فی الجنة و فریق فی السعیر) یعنی اهل جنت و اهل ناردن هریری
آخردن مفروق و مفصولدر و فریق کسرله قطعه منفصلیه دیرلر پس

بونندر که ناسدن منفرد اولان جماعته فرقه دیرلر طائفه دن اکثردر
والا (فلو لانفر من کل فرقه منهم طائفة) نظمده قلیل کثیردن انتزاع
اولنق صحیح اولمزدی زیرا انک معناسی دیمکدر که (فلو لانفر من کل
جماعة کثیره کتبیله و اهل بلده جماعة قلیله) تبع * حرکت ایله تابع دیمکدر
جمعی اتباع کلور نتمک بالاده ذکر اولمزدی * میر * کسر میله امیر لفظندن
تخفیف اولمشدر نتمک حلیی ده مصر حدر عرب امیر و عجم میر و ترک بک دیر
پس لغات فارسیه ده امیر و میر درج اولنق کثرت استعمال حسیه
الحاق قیلندندر طمع نفسک شهوت طریقله برنسته به میلنه دیرلر
و فی القاموس طمع فیه وبه کفرح حرص علیه انتهى و طمع اکثری
هو ی یوزندندر و کلام حکماءه کلور الطمع طمع یعنی دنس و صدأ
و الطمع بدنس الالهاب بوراده طمعدن مراد عسکری طائفه سنک رزق
موظفیدر نتمک قاموسده کلور الطمع محرکه رزق الجند انتهى فتحفظ علیه
فی هذا المحل فانه انسب من معنی الحرص (معنای بیت) بودر که
هر جماعت بر امیره تابع ابدی یعنی قوم عیسی اون ایکی جماعت اولوب
هر بری ذکر اولان امراء اثنی عشردن برینه تابع و تحت اللواسنده
موجود اولوب رزق موظف و علوفه دیواندن او توری کنند
امرینه کبی اولمش ایدی و امثال امر واقامت خدمته مبالغه ایدردی
بوندن فهم او تور که هر امیر مقسم الا رزاق اجناددر و جندیلرک
بیت المالدن رزقی قدیمدر بوا تمده ابتدا بیت المال و دیوان اتخاذ ایدن
حضرت عمر رضی الله عنه در دیواندن مراد جریده در که انچنده ولات
و قضاة و غزاتک اسماسی بازلش و علوفه سی تعیین اولمشدر فلان کیمسه
اهل دیواندنر دیمک اسمی جریده و دفترده مثبت معناسنده در و بونده
رحم وارد که رزق ایچون بر قپویه انتساب ایتک طمع و حرص قیلندندر
پس کر کدر که انتساب ایتک خدمت حقه وسیله و زرق خصوصنده
رزاق عالمه اعتماد اولنده و اسبابه نظر اولمیه اگر چکه واسطیه دخی
شکر لازمدر دیمش لردر که اگر من وسلوی بنی اسرائیل او زربنه دائم
و نعیم آسمانی قائم اولایدی خلق بی احتیاج اولمقدن ناشی بری برلرینه
متابعت کوسر مزملر پس چون که اسماء الهیه تفاوت او زربنه
اولوب تباین مراتبی مستدعی اولدی لاجرم خادمیت و مخدومیت

ظهوره کلدی (لحرره) * فقر او چندین رعیت اولدی فقیر * دولتیله
جهانی طوتدی امیر * شرف خدمت اولسه کشیده * یک اولور
اندن اقدی قطمیر * و بونده اشارت واردر که اعضادن هر عضو
وقودن هر قوتک حانه کوره رزق مخصوصی واردر که وجو دنده
انکله قوام بو اولور و بقاسنده اکا منتمی اولور و لیکن بور زفک ثمری
و بو غدناک اثری وجود طریق حقه افنا و فی سبیل الله انفاقدر
والانعمته کفران اوزره اولیق و عهد قدیمی نقض ایلک لازم کلور
کفران و غدرک ایسه ایکیسیده مذمومدر و تلویح واردر که مظاهره
کثرتی محض رحمت و امرانک و فرقی عین عنایتدر تا که هر فرقه کندی
مناسبته انجیاز بوله و اسمنک حکمنه کوره برحا که تابع اوله و الایین الناس
اختلاف فاحش بولمغله رشته انتظام کسمسته و در اطراد بسته اولوب
حکمنه مخالفت لازم کلور بو ایسه عقلا و نقلا فاسددر

این ده و ایند و امیر و قومشان
کشته بنده آن وزیر بدنشان

قوم و وزیر بالاده بیان اولمشدر * بدنشان * بد علامت دیمکدر نتکم
اشقیا حقه کله (یعرف المجرمون بسیماهم) (و وجوه بومئذ علیها غبرة
تر هقها قتره) و سعداء حقه کله (سیماهم فی وجوههم من اثر السجود)
(و وجوه بومئذ مسفرة ضاحکة مستبشرة) بوراده وزیر مزبورک
بدنشان اولدیغی ایکی وجهله در اولکیسی ظاهرده اولان مثله
اعتبار بله در که بورنک و قول غنک مجدوع و مقطوع اولدیغیدر
ایکجیسی باطنده اولان نفاق جهتله در که کلامدن مأخوذدر انکیچون
صاحب ذوق اولنله تأثیر اتمدی زیر بصیرت ایله کلامنی مطالعه ایدوب
طریق سداد و استقامتن منحرف کوردیلر و نشاندن استدلال ایدوب
(ان آثارنا تدل علینا) و فقیحه سر ضمیرنه ابر دیلر (معنای بیت)
بودر که بو اون ایکی امیر و آنلرک قوم و فریقی و تحت اللوا لرنده مجتمع
اولان چند نصرت رفیقی اول وزیر بدنشان و ضلالت شعار و خسارت
شائک بندسی اولدی و امور دینی و دنیویده اکا بغلوب قالدی
بر وجهله که وزیر انلری ظاهرا و باطنا نه جانبه جرو جذب ایدر سه
زمام اختیاری یدینه تسلیم ایدر و هر نه طرفه بول کو ستر سه

بلا تا خیر روانه او اوب کیدر لردی نتکم بنده اطلاق بو تقریر دالدر
بعدهذا قوم تخصیص بالذکر ایتک زیاده تقریر و تفصیلدن
اوتوریدر والا (الناس علی دین ملوکهم) خواستی اوزره امرانک وزیر
ارتباطی اقوامنک دخی ارتباطی مستلزم در بونده اشارت واردر که قضاء
میرم الهی و رودنده عقل معاد محجوب و اعمی اولوب جمله حواس و قوی
عقل معاشه تابع اولور و نفس اماره نك حيله سنه فریفته اولوب طریق
حقده سیر و سلوک کندن قالورل نتکم حدیثه کلور (اذا اراد الله انفاذ
قضائه و قدره سلب ذوی العقول عقولهم حتی اذا مضی قدره فیههم ردها
علیهم ليعتبروا فلو بقی لهم العقل لبقی لهم النظر) و بومعناک آفاقد
صورتی بعض احیانه نسائک رجال اوزینه تسلطیدر اگرچه که (الرجال
قوامون علی النساء) مضمونی اوزره استیلاء و تسلط رجالک شایندر نتکم
مصرده شجرة الدر نام جاریه و دیار ارمنده شیرین و کشور عجمده دخی
نیجه زنان تخت سلطنته جلوس ایدوب امر و نهیک حکمنی و بر مشایر
و نطع سیاستده نیجه پیاده اوزرینه شاه سور مشلدر بوسیدندر که
حدیثه کلور (ان یفلح قوم تملکهم امرأة) ولیکن امرأه ایکی نوعدر که
حقیقی و حکمیدر پس رجوائتی ناقص و مرؤتی قاصر و سیاسته غیر قادر
اولنله دخی زنانه ملحقدر انکیچون ظاهرده ضبط زن و باطنده قمع هوای
نفس ایدر کسه کیما بدر و خلاقی دخی بوکا قیاس اولنه یعنی نیجه زنان
وارددر که عقل کامل و تصرف تام ایله رجال حکمنده در و زینب شاعره
نظمنده کلور * زینب قومیلی زینت دنیایه زن کی * مردانه وارساده
دل اول ترک زیورایت

اعتماد جمله بر کفتار او
اقتدای جمله بر رفتار او

* اعتماد * طیانمقدر استناد کی بونده مراد اعتماد قلبدر پس بونده
فی الحقیقه تشبیه واردر زیرا عماد دیرک و عمود خیمه دره کی و انسانک الله
الوب استناد و اتکا ایتدیکی حدید و خشبدر * کفتار * کاف عجمیله سوز
دیز مکدر انجو دیزر کی عرب اکا نظم کلام دیراصولی آرنده کفتدر
سوز کتور یحی معنایه نظم کلام سوزی کتور مکه باعث اولدیغندن
اوتوری کفتار دیدیلر باعث فعله فاعل اسمن اطلاق ایدر هر دله شایندر

کافی الدقایق بویله برارده مقصود مجرد سوز در گفت کبی * اقتدا * کیمسیه
 اویق وایزجه کتمک ایستاء کبی قدوه دندر ایستاء اسوه دن اولدیغی کبی
 * رفتار * اسم مصدر در یورش معناسنه بوراده سیرت و طریقت
 مراد اولور اصلی آرنده رفت در کتمه کتور یچی دیمکدر پس وصف
 ترکیبی اولور رفتار کبی (معنای بیت) بودر که جمله امری و اتباعنک
 اعتمادی اول وزیرک کلامنه و مجموعنک اقتداسی آنک یور بشته و سیرت
 و طریقه ایدی کرک ظاهرا و کرک باطنا الحاصل ذکر اولنان امری و قومی
 زمام دین و دنیا بی آنک اننه تسلیم ایدوب هر خصوصه متابعت ایدر لدی
 شویله که آنک سوزنی کنیدیلر بنه سند ایتمش و فعله کنده کندیوی امام
 طوتمش لدی بعدذا کلامه کوره اعتماد دیدی زیرا کلامک صدق و کذب
 احتمالی وارددر پس قائل ثقه دن اولیجق قولنه اعتماد اولور و طریقت
 مسلو که سنه کوره اقتدا دیدی زیرا اقتدا فعله ارجحدر نتمک حدیثه
 کلور (صلوا کارایتمونی اصلی) پس فعلا اقتداده تأثیری زیاده در
 انکیجون (صلوا کما قلت لکم) بیورمدی و بونده اشارت وارددر که اقتدا
 قلبک و سائر قوای خیره نک صفتیدر گفتار ایسه قالبک شایندر زیرا عالم
 باطنه کوره گفتار اولماز بلکه اسان ظاهر قوت نطقیه و قوت نطقیه دخی
 قوت عقلیه مرآت اولمشدر و بونده عقل معاش و نفسک قولا و فعلا
 اعضا و قوای اضلاله رمز وارددر و قول و فعل شریعت پایه سی و نیت
 حقیقت مرتبه سیدر و شریعتده ضلال معاصی و مناهی ارتکاپه
 و حقیقتده ماسوایه متابعت و میل ایلدر پس کر کدر که قول و فعل و نیت
 سداد و استقامت و صدق اوزر بنه اوله تا که انفس و آفاق شریعتده
 و حقیقتده نظام تام بوله زیرا بی قالب روح معتبر دکل و بی روح قالب دخی
 مجرد آب دکلدر و ترکیبده فائده عجیبه اولمغه جوهر انسان ترکیب اوزر بنه
 ترتیب اولندی بوسیلندر که جزء لایتجزی بله اوصاف و خواص یوزندن
 مرکبدر (لحرره) * نظرایت ذات پاک مولایه * که صفاتده تعدد
 کورینور * ذات نفسنده کرچه واحددر * ایک قات قات لباسیه بورینور *

پیش او در وقت وساعت هرامیر *

جان بدادی کر بد و کفتی بمیر *

* ساعت * اجزاء زماندن بر جز در قیامته ساعت دیدکلی جزء مذکور

تشبیه طریقه در زیر سرعت حسابی وارددر نتمک فرآنده کلور (وهو
 اسرع الخاسین) * امیر * کذرایندی آل رسوله امیر دیدکلی شرف سیادتده
 کوره در پس بوطلاق تعظیبه دائر در و ویسی لطائفه کلور * امیر کامران
 اولسه کام التسه دلبردن * او سلطان سرآمد خلی خوب اما امیر انجق * بمیر *
 بلك ضمیمه زیر امیم شفویدر میرامرد در مردن اول دیمکدر مت * کبی
 (معنای بیت) بودر که هرامیر وقت و وساعتده وزیر مزبور حضورنده
 ایدی یعنی وقت و ساعت کچمزدیکه انتر اول مجلسه حاضر اولیاردی
 هر بری آنک یولنه جان ویر و وجودنی فدا ایدردی اگر اکا اول و بنم
 یولنده فنا بول دیدی بونده امر آنک وزیر بزاده متابعت و نهایتده موافقتلر
 بیان و غایتده سودا و محبت و اعتقاد و ارتباطلر عیان وارددر زیرا
 کنیدیلری متبوع و رئیس اولدقلری حیثیتدن کسه دن پرواری یوگیکن
 بالا اختیار آنک ایامنه واروب صحبته ملازمت ایلدکلی معنای مذکور
 اول دلیلدر کویا امر بر عکس اولوب آنلر تابع و وزیر متبوع در پس جان
 بذل اتمکده عمل و بهانه ایتمک ذاتلر بنه الصق اشیا اولان اولاد و اموالی
 فدا قلمقده هیچ توقف ایتمز لدی زیرا هر لذیذ و محبوب اولان نسته جان
 عزیزه تابعدر و بوندن ذاتلر بنه چوقلق لصوق و اتصالی اولیمان امورک
 حالی دخی معلوم اولدی * بونده اشارت وارددر که حواس ملکیه و ارواح
 ملکوتیه بحسب القضا عقل معاشه جان و برلر و نفسه اویارلر و انلرک
 تدبیری بوانه سالک اولورلر پس چشمه آرایش دنیادن هر نه بی ترین ایلسه
 چشم آنک اردنجه قالور و کوشه هر نه القا ایلسه کوش آنی استماع ایچون
 آچیلور و سائر حواس و اعضا دخی بوکا قیاس اولنه و کذلک قلب دخی
 فطرت اصلیه و استعداد مقدماتی تبدیل و تحریف ایدوب هوای نفسه
 منحرف اولور و ماسوایه میل ایله مسامته حضرت احدیه دن انحراف
 بولور و سائر قوای و ارواح دخی بوکا حل اولنه زیرا بودنیانک کاری عجیب
 و یوفانینک امری غریبدر بونده اولان مظاهر قدرتی مقدماروح مطالعه
 قلمش و حواس دخی بویله رنگ تعلق قبول ایدر اشیا کورمش و اشتماش
 ایدی بوجهتدن عالم اصلک حکمنی اوتدیلر و عهد ازلی بی محافظه ده
 قصور ایدوب کنیدیلر بنه اسباب بعده تعلق ایله کورنیلر ایتدیلر پس
 بومعنی فی الحقیقه خر کوش ایله شیر حکایه سنه دوندی یعنی شیر بو قدر

سطوت ايله بحسب القضا خر گوشه زبون و مغلوب اولديغي کي بوقدر
اعضا و حواس و قواي و ارواح دخی بر عقل جزئی و نفس زن مثاله اتباع
ابدوب و قارلرن خفته و عزلت لرن ذلته تبديل ايلديلر و بونده رمز و اردر که
طریق حقّه اهتدا عسیر و ضلالدن صکره هدی نادر و قطع علاقه
صعبدر و بر دایره مدار اوزرینه دور ایلدیگی کي دایره وجود دخی
قلب اوزرینه دایره قلب ماسوايه میل اولیچق سائر قوايه دخی آرام
قالماز و قوايه تابع اولان حواس و اعضا سکون و راحت بولماز (لحرره)
* اولسه که قلب تابع و سواس * قلبه تابع اولور اعضا و حواس *

* ساخت طوماری بنام هر یکی *

* نقش هر طومار دیگر مسلکی *

* طومار * عربدر صحیفه مناسبه طامور کي کافی القاهوس و نعمة
اللهم ده کلور که طومار اوزرینه دورلش نسنه کاغد اولسون
و غیري اولسون و اختریده دخی کلور که بوجه اوزره تفسیر اولمشدر
* نقش * بر نسنه بی ایکی لون و یازیده ايله تلون ایتمکه دیرلر تکم بالاده
مرور ایلدی نقش خلقی و عادی اولانه شاملدر تکم مرویدر که مغربده
بلاد اندلس قاعدسی اولان قرطبه نام شهرک جامعده اوج عدد
عماد اجر و اردر که خلقت ربانیه ايله اولکسنک اوزرنده محمد علیه السلام
ایکنجسنک اوزرنده صفت موسی و عیسی و اهل کهف علیهم السلام
واوچنجسنک اوزرنده صورت غراب نوح نقش و تصویر اولمش ایدی
(لحرره) کلک صنع ازلی یازدی آتی * اکا بکرز جهانده نقش قنی *
* بر میدر یوسف ايله سائر خوب * طوتهلم نازک اوله سیم تنی *
* مسلک * مدخل مناسبه در بوراده مدخل معنوی مراد اولنور
و دیمشدر که سالک رونده و سلوک رفتن مناسبه در و اهل حقیقت
قائده سلوک رفتن مخصوصدر که جهلدن علمه و اخلاق بددن
اخلاق نیکه و هستی خوددن هستی خدایه حرکت معنویه در
(معنای بیت) بودر که وزیر معهود اون ایکی عدد امیردن هر برینک
نامه بر طومار و صحیفه دوزدیکه هر طومارک منقوش و مکتوبی بر غیري
مسلک و مدخلدر یعنی طریقت مسلک و مدخول بها اولدیگی
جهتدن بری برینه مغایر و برنده درج اولان احوال و شرائط او برنده

مندرج اولانه مخالف ایدی تکم اجمالا ایات لاحقه ده کسه کرکر
بونده وزیرک کذبیه دلالت وارددر زیرا فروعهده اختلاف اصواده
اتفاقدن صکره معتبردر و فروعهده دخی اختلاف فاحش اولیق بعیددر
و کذلک عقل معاش و نفس اماره نک حیلله و مکر نه اشارت وارددر
زیرا تلون احوالدن مراد لری قلب و روحی مسایلکرندن اضلال
و طریقت حقّه سلوکلرن ابطالدر دیمشدر که اختلاف اوزرینه اولان
قومک نجات بولدیقلری معهود دکلدر انکیچون قرآنده علمدن صکره
اولان اختلافدن نهی اولمشدر و بواختلافکه ذکر اولندی
(اختلاف الاثمة رحمة) مقاله سننده مندرج اولان اختلافک غیریدر
تکم بالاده اشارت اولمشدر و طومار دوزمک ضبط علوم
ایچوندر تکم دیمشدر که (العلم صید و الکتابة قید) و دیمشدر در که
کتب و تصانیف محدثدر که زمان صحابه و صدر تابعین ده بوغیدی
صکره هجرت نبویه دن یوزیکرمی سننه مرورنده حادث اولدی
زیرا صدر اولن اهلی کي ارباب حفظ و اجتهاد قالمایغه لاجل المصلحه
علوم نافعه طوامیر و اوراقده ثبت اولندی پس بو ثبت و تحریرک خلقه
منفعت ظاهره سی اولمغله بدعت سیئه دینلری و بوندن فهم اولنور که
علوم غیر نافعه یی اوراقده درج ایتمک منهیدر و بلکه آنک اوراقن
احراق بالنار ایدوب خلقی تشویشدن تخلص ایتمک کر کردر محکیدر که
استاذ کبیر جابرک تلیدی اولان عمرة الاطباء ابو بکر محمد بن زکریا الرازی
کیما علمنده ملوک سامانیه دن منصور بن نوحه بر کتاب تألیف ابتدا کده
منصور مقابله سننده هزار دینار بذل ایدوب بو کتابده درج اولان
علمی فاعله کتورمک ايله امر ایلدی رازی دخی عاجز اولیچق بلا فائده
خاکی اتماب و تخلید کذبیه رضا و یرمک مقتضای حکمتدن دکلدر
دیورازی نک سر نه سوط ايله ضرب و بغدادده نفی ایلدی و رازی
اول ضربدن آخر عمرنده اعنی اولدی و بونده ارباب طرق حقّه نک
اجازت و وصیت نامه لرینه اشارت وارددر تکم بین الصوفیه
مشهور و متعارفدر اگرچه که زمانده ده اصحاب کماله تقلید ایدوب
اهل نقصان دخی اجازت نامه لر یازرلر و وصایا دوزرلر بلکه اصحاب
طریق باطله و مذاهب زانیغه ارا سننده بله جاریدر ولیکن رسم

مجرددن چه سود * ع * بناطونمزل ویران اولجده
 * حکمهای هر یکی نوعی دیگر *
 * این خلاف آن زیباان تابسر *

* حکم * بوراده امر و خطاب معنای در و جائز در که مجازا محکوم به
 اولان امور مراد اولنه و بعضی یلر دیدیلر که حکم عرفده محکومده
 علم اولشدر * نوع * جنسیدن اخصدر برنسنه نك ضربنه و كذلك
 صنفنه دیرلر نكهم انسان حیواندن برنوعدر و عرب و عجم دخی انساندن
 برصنفدر و نوعدر دخی دینلور زیر نوعیت و جنسیتده نوعاتغایر
 کفایت ایدر بوسیدنددر که رجل برجنس و مرأه جنس آخردر دیرلر
 * خلاف * بوراده ضدیمکدر خلاف ابله اختلاف فرقی مرورایلدی
 * پایان * آخر و برایشک صوکی نكهم نصوحی شعرنده کلور * ملک دل سنسر
 شهایقلدی ویران اولدی کل * انتهای فرقت و پایان هجران اولدی کل *
 (معنای بیت) بودر که اوزایکی طوماردن هر برطومارک ایچنده
 مندرج اولان امر و تکلیف برذیری نوع ایدی یعنی غایتدن باشه وارنجیه
 و باشدن نه سایشه ابرنجیه برطومار آنک خلافنه و اول طومار
 بونک ضدنه ایدی و امر و خطاب و تکلیفده اصلا موافقت یوغیددی
 بونده وزیرک مقدماتین عیسایه فتنه القایتمک اوزرنه یم دیدوکنه
 اشارت وارددر زیرا بومقوله طومامیرمتقه ابله دن غیری طرح فتنه و القاء
 فسادنوجه له اولور اکرچه که بعض احیانده متشابهات یوزندن
 دخی فتنه قائم اولور نكهم حضرت عثمان رضی الله عنه طرفندن محمدبن
 ابی بکر الصدیق رضی الله عنهم احاکم مصر تعیین اولندقدیده
 حاکم اول اولان ابن سعه خط ابانامه یاز یلوب طینده (اذا جاءك
 الامير فاقبلوه) درج اولمشدر و لکن بی نقط اولغله فاقتلوه ظن اولنوب
 اثاره فتنه یباعث اولدی که اول فتنده حضرت عثمان رضی الله عنه
 شهادت بولدی و بعضیلر دیدیلر که فاقبلوا کلمه سی اصلده با نقط ایدی
 قبولدن اولوق اوزره صکره کاتب نامه اولان مروان بن حکم باموحدی
 ناء مشات ایدوب قتلدن قلدی و اطائف فضولی ده کلور * قلم اولسون
 الی اول کافر بدبحریرک * که فسادرقمی سوزمزی شورایلر * کاه برحرف
 سقوطیله ایدر ناصری نار * کاه برنقطه قصوریه کوزی کورایلر *

و نتایج الفتوند، کلور که الله تعالی عیسی علیه السلام و حی ایدوب
 بیوردیکه (ولدتك وانت نبی) یعنی بنی سنی تواید ایتدم و سن پیغمبرسن
 ترسار تشددیدی تخفیف ایدوب و لفظ نبتک بعض ایچامن تخفیف
 ایتدیلر ولدتك وانت بنی اولدی یعنی بنی سنی طوغردم و سن بنم او غلبیم سن
 تعالی عما یقول الظالمون و تفسیر قرطبی ده کلور که توراته الله تعالی
 (یا احباری و انباء رسلی) بیوردیغن تغییر ایدوب برنه (یا احبابی و یا انباء)
 یازدیلر بوجه شدن الله تعالی بهود و نصاری تکذیب ایچون
 (وقالت اليهود والنصارى نحن ابناء الله و احبائه) نظمن تنزیل ایلدی
 پس دینک ظاهر و باطنده تغییرات و تحریفات ایتک قدمادن
 برامر هائلدر که الی هذا الان جاریدر بوسیددن اهل اهواء فرق
 مختلفه اولمشلر و ارباب سنت و بدعت بری بریله تضاد نام بولشلردر
 بونده عقل معاش و نفسک اعضاء و قوایی پراضطراب و تشویش
 ایتدوکنه اشارت وارددر زیرا خلاف و تضاددن اضطراب
 و تشویش و وفاق و اطراددن سگون و جمعیت حاصل و متولد اولور
 (لحرره) اعتماد ایتنه نفس ایلسه لاف * اولدی لاف و کذاب نفس
 خلاف * خلف قلبدر رنفس دنی * بر دکل صدقه اسلاف اخلاف *

* در یکی راه ریاضت را وجوع *

* رکن توبه کرده و شرط رجوع *

* ریاضت * بالاده تفسیر و تحقیق اولمشدر * رکن * برنسنه نك جانب
 اقواسنه و انسان آنکله تقوی واستظهار ایلدیکی ملک و چند
 و امثالنه دیرلر نكهم قرآنده کلور (فتولی برکنه) و مفرداتده
 کلور که قوت معنای اولان رکن استعاره طریقیله در وارکان
 عبادات جوانیدر که مبنای عبادات اول جوانب اوزرنه در شویله که
 ترک اولنسه بطلان لازم کلور مثلاً نمازده بلا عذر ترك قیام و قراءت
 و امثالی کبی پس هر نسنه نك رکنی بناتک اساسی کیدر که اساس اولسه
 بنامهدم اولدیغی کبی رکن الشی دخی بولنسه اول شی باطل اولور
 فلان مکه شهرک رکن اعظمیدر دیرلر شهرک جانب اقواسی معنایسته
 زیر ایدین و یاد نیابو یا مجموع ایله قوام شهر آنکله در * توبه * ترک ذنب
 و اساعت ایتدم ایسه اندن اقلاع ایتدم دیواعتذاردر نكهم بالاده شرح

اولدی * شرط * شول حکمدر که بر امره متعلق اوله شو بیه که اول امر آنک وقوع بیه واقع اوله نمازه نیت ابله وضوء کبی رکنله شرطی جمعه لطفافت وارد رز برار کن داخل و شرط خارج اولانه درلر تکم تفصیلی محاسبه میندر * رجوع * دن مراد انابت دیدکری معنادر که حقه رجوع عذر و انابت تحقیق تو به اوزرینه مبنی اولمغله تأخیر ایلدی (معنای بیت) بودر که اول طسوا میراثنا عشرک برنده طریق ریاضت وجو عی توبه نصوح واعتذار صحیح رکن و اساسی و حقه انابت و رجوع عک شرطی ایلش ایلدی یعنی بویه نیت انتمش اید بیکه توبه و طرق حقه دخول و معاصی و ماسوادن حقه رجوع رکن و شرطی ریاضت وجو عذر شویله که ریاضت وجوع اولسه توبه و رجوع صحیح اولماز (بوند ه جو عی ریاضت اوزرینه عطف خاصی عام اوزرینه عطف قیاسی و مناسبت زیر ریاضت اصلاح طبیعت و حکم طبیعت اکل و شرب و منام و وقاعدری ریاضت کامله اولدر که راض اولان کسه امور مذکوره بی تقلیل ایلله ولیکن بوجه دن جو عک زیاده تأثیری و سائر اوزرینه مزیتی اولمغله تخصیص بالذکر ایلدی تکم دیشلردر که * تجوع ترانی مجرد اصل * ایشک دل سک یمکدن کسل * پس اصلاح طبیعت زیاده مدار اولان حاسه ذوق حبسدر اندن لمسی منع و اندن بصری سددر فاعرف و ریاضتی توبیه رکن قیادی زیر اخلافتده خطا چوق خصوصاً کثرت اکل ابله حاصل اولان سیئات حددن ارتقودر حتی بطن و فرجه اشارت ایدوب دیشلردر * مادامکه این برخاست آن بر پاست * و رجوع عه شرط ایلدی ز برار جو عده اصل اولان صفت قلبدر و لکن صفت قلبک ظهوری فی الجملة اصلاح ظاهر اوزرینه مبنی و امور مذکوره بی رعایت اوزرینه موقوفدر * پس بوندن ریاضتک فائده جلیله سی فهم اولندی و طریقته بومعنا بیه اهتمامک نفعی بلندی

در یکی گفته ریاضت سود نیست

اندرین ره مخلصی جز جود نیست

* مخلص * اسم مکاندر محل خلاص و نجات معنایه و جائزدر که مصدر میی اوله سبب خلاص معنایه * جود * قبل السؤال ابتدا اولان عطادر و کرم طیب نفس ابله بعد السؤال عطادر و سخا بقدر الحاحه

اولان عطادر و ایثار محتاج اولدیغک نسنه بی غیره بذلدر تکم قرآنده کلور (و یؤزون علی انفسهم و لو کان بهم خصاصة) پس بوجهارک میاننده فرق ظاهر اولدی (معنای بیت) بودر که بر طومارده دخی دیدیکه ریاضتک فائده سی یوقدر کویاسؤل کلدیکه یار ریاضتک نفعی اولما یحقی چاره خلاص ندر پس جواب و برر که بوطریق حقه جود و عطادن غیره خلاص اولاجق محل و سبب خلاص یوقدر تکم حدیثه کلور (الصدقة ترد البلاء) و قرآنده کلور (ومن یوق شیخ نفسه فاولئک هم المفلحون) بعدذا فائده ریاضتی سلب ابتدی زیر ریاضت عند المحققین تحسین اخلاق و عند الحكماء تصفیه محل ایچوندن و علی کل حال ریاضت دیدکری نه نفس قتح و نه خود منتج قتحدر بلکه قتح فضل آلهی و منت ربانیه در اگر قتح سبب منجی اولسه مکتسب اولق لازم کلوردی (سؤال اولنور سه که پس اشتغال دائم و محافظه اوقات معنای سی ندر) جواب بودر که تا که اوقات و ساعات عبادات شریعه ابله گذر و انفساس ذکره اشتغال ابله مرور ایلله و خدمت عبودیت برن بوله بوجهتدن دیشلردر که عابد عبادتیه و ذاکر ذکر یله حضرت مخصوصه قصد ایتمک کر کدر بلکه شویله کر بسته اجتهاد اولوب حقک جود و احسانی آنی نه وجهله تدارک ایدر سه اکامترقب اولق لازمدر (سؤال اولنور سه که فائده ریاضت مطلقاً سلب اولمقی فائده در زیر ذکر اولان تحسین اخلاق و تصفیه محل دخی فوائد جلیله دندر) جواب بودر که مقصود بالذات اولان فائده قتح باب قلب و مکاشفه اسرار غیبدر بویسه ریاضت مجرد ابله حاصل اولمز تکم مرور ایلدی و محمدیه ده کلور * ع * بزم عرفانز بحری اکاعین ریاضتدر * یعنی عرفان ریاضتدن افضلدر زیرا ارضه هبوط و تناسلین مقصود اصلی معرفتدر تکم قرآنده کلور (وما خلقت الجن والانس الا ليعبدون) ای لیعرفون بعد ذاجود ایکی وجهله دربری جود مال و بری دخی جود نفسدر یعنی بالا اختیار زیراجود مالد اختیار و طیب نفس اولسه معتبر اولدیغی کبی جود نفس دخی بویه در زیر هر نفس بالاضطرار بدندن مفارقت ایدر تکم قرآنده کلور (کل نفس ذائقة الموت) وینه برمو ضمه

کلور (ان تنساوا البر حتی تنفقوا بما تحبون) یعنی بالاختیار محبوب
اولان مالی انفاق ایتمد کجه بر اولان جنته دخول و مر غوب اولان
نفسی بذل ایلمد کجه بر اولان حضرت و وصول ممکن دکلدر زیر
حضرت و وصول سرالسر مقامنده در * پس آنک ما دوتنده اولان
مقامات روحیه و قلبیه و منازل نفسیه و طبیعیه مقتضیاتنی انفا
واحکامنی ازاله و تعلقاتنی قطع ایتمک کر کدر * و بوندن فهم اولند یکه
مخلص ایکدر بری عقبات قیامتدن خلاص بولوب مقامات جنته
فوز و ظفر در که بذل مال و طریق عبادتده اجتهاد بی کلال ایله
حاصل اولور و بری دخی برازخ اغیار و قیود ماسوادن نجات
بولوب درجات قرب و وصلته ترقی و تصاعددر که انفاق نفس و طریق
فناده کوشش دائم ایله وجوده کلور * اولکسی مخلص عوام
و ایکنجسی مخلص خواصدر و مطلقا نجات مقصود باذات در
اگرچه که حقیقت مرتبند اولان نجات شریعت مرتبه سند اولان نجات
فوقنده در زیر نجات مطلقه و حقیقه در شریعت مرتبه سند اولان
نجات مقیده و اعتبار به در انکی چون اهل جنت جنته دخی قید اهلیدر
والا خصوص اهل جنت ایله یکسان اولق لازم کلور بوا یسه حکمنده
معکوس و حقیقتده مقلوبدر و بوتقیردن وزیر من بورك کذب
ظاهر اولدی زیر طریق حقه جله اسبابک وجودی لازمدر کرک
منج اولسون و کرک اولسون زیر فائده دن خالی دکلدر و بی
ریاضت اولان سالکه بذل مال ایتمک صعبدر پس آنک اوزرینه
مبنی اولان بذل نفس نیجه آسان اولور (المحرره) ریاضت
پوته و جوهر در انسان * ایچنده قال اولوز آنک تمامت * انکی چون
زرد اولور رخساری چون زر * بولور صراف الله عالی قیمت *

در یکی گفته که جوع وجود تو *

شرك باشد از تو بامعبود تو *

* شرك * و شرک بر معنایه در که اصلنده ایکی ملکی بری برینه خلط
ایدوب اورناق اولقدر و یا خود برعینده و یا بر معناده مشارکتدر
انسانله فرسک حیوانینده و فرس ایله فرسک کیت و دهمتده اشتراکی کبی
ودینده شرك ایکی ضرب در اولکسی شرك عظیمدر که الله تعالی به

شريك اثبات ایتمکدر ایکنجسی شرك صغیردر که بعض
امورده حقلک غیر بی حقلله بله مرعات ایتمکدر یا و نفاق کبی
(معنای بیت) بودر که بر طور مارده دخی دیمش که سنک ریاضت
و جوع و انفاق وجودک سندن سنک معبود که شرك اولور و وحد
حقیقی ایسه معبود حقیقی اولان حقلدن غیر بی اثبات ایتمز بلکه
توحیدده تعلق و تجریده تخلق و تفریده تحقق اهلی اولغله
هم بیاور و هم بولور و هم اولور بولور بولور بولور بولور بولور
رمزخنی وارد زیر جوع وجودی و کذلک جوع وجودک
صاحبی اولان مخاطبی و کذلک مخاطبک معبودی اولان الله تعالی بی
اثبات ایتمک وارد در حقله خلقک وجودی اثبات ایسه عین شرکدر
زیرا دیمشدر که (لیس فی الدار غیره دیار) و کلمات افناده قدس سرده
کلور * اهل عرفان دیدلرسن چقمینجه آرهدن * بله مز سن کیمدر
کنندوی پنهان ایلین * یعنی اضافت کونیه بی اسقاط ایتمد کجه توحید حقیقی
حاصل اولمز زیر توحید دیدلری اسقاط اضفاندر مطلقا وجودا و ذاتا
وصف و فعلا پس بریده که طاب و معبود و عبادتک مجموعی اثبات
و ملاحظه اولنه نه وجهله توحید حاصل اولور و بر صورتده که باذل
و مبذول ایسه جله سنه وجود و بریله تفرید قنده قالور بناء علی هذا
کر کدر که مبذول باذله و باذل دخی مبذول ایسه فناء تام بولوب ذات
وصفت و فعل مضمحل اوله و حقله قیام ایتمک حصوله کله زیر انسانده
ایکی حقیقت سری واردر که بری حقیقت انسانی و بری حقیقت آلهیه در
و حقیقت انسانی حقیقت آلهیه ده فنا بولمشدر اگرچه که صورتا حقیقت
آلهیه نک خلفه سیدر و بوسره اشارت ایدوب قرآنده کلور (وانفقوا
مما جعلکم مستخلفین فیه) یعنی انسان حقیقت انسانیه یوزندن ماله مالک
و حقیقت آلهیه جهتمدن مالی منفقددر یعنی انفاقه مالکدر پس انفاق
ایدن حقددر انسان صورتنده زیر حقیقت آلهیه حقیقت انسانیه نک
و ایسیدر و بوا اعتبارله تعددک حصولی وحدت ذاتیه بی منافی دکلدر
(المحرره) * اولسه فی الحقیقه حق آخذ * دوشمن بدی صدقه حق الله *
آخذ و هم متصدق اولدر * دوشه کور ایمدی بو وحدت ایلنه *

جز تو کل جز که تسلیم تمام *

در غم و راحت همه مکرست و دام *

* توکل * حقه اعتماد و حق وکیل اتحاد ایتکدر * تمام * مصدر در بروراده
نام معنای بیت) بود که غم و راحت و کدر و صفوت و ذلت
و عزت و قهر و اطف و جلال و جمال و غربت و قربت و ضعف و قوت و
حقه توکل و تسلیم نام دن غیر بی جله سی مکر و کید و دام قید در یعنی راه
حقده معتبر اولان هر حالده توکل و تسلیم نام و اموری تفویض ملک
علام در بوخسه اسبابه تشبث و وسائطه تمسک و وسائله ارتباط و اتصال
دکدر نیکم حضرت ابراهیم علیه السلام ناره القا اولانده قدغه جزع
و فرزع ایتدی مع هذا محل قهر جلال ایدی و حقده ن غیره حتی جبرائله
بله اعتماد و التجا قلمدی نیکم قرآنده کلور (قال استلم رب العالمین) مقصود
قولا و فعلا استسلام و انقیادنی بیاند زرا انبیاء علیهم السلام اقوالانده
صادق قدر انکیچون افعالی اقواله تطبیق ایدرلر و بونده غم و راحت ایلله
صفت قلبه اشارت ایلدی زرا مثلون اولان قلب راحت حالانده بر اون
و غم و قننده دیگر لون اوزرینه اولوب اضطراب و اختلافدن قورلمز بو خود
نقصاندر ممکن اولان قلب ایسه هر حالده بر اون اوزرینه ثابت اولوب
دریاکی متغیر اولان بو خود کالدر ولکن بو تمکینک اربابی کبریت احردن
اغزو مسک از فردن اندر در زرا بو معنی عالم ذاته وصول و مبدء قهر
و لطفه دخوان صکره اولور و بلکه حقیقی بقا باللهده حصوله کلور
و بو بقانهایاننده حاصل اولان تلون مقبولله وجود بو اور و بوند توکل
و تسلیم ایلله توحید افعاله اشارت وارد در زرا توکل و تسلیم آفات
و حوادثک حدو شننده ظاهر اولور آفات و حوادثه ایسه مؤثر حقیقی الله
تعالیدر انکیچون قرآنده کلور (انهی الافتنک) و غم و راحت حوادث
دهر در مطلقا و مکر و دام آفات در قطعاً (لحرره) * ندر عالمده
ای ککول توحید * اولاسن حقله فرید و حید * بولاسن
برفناهی تامی اجل * دیمه دن سا که کنت منه تحید *

در یکی گفته که واجب خدمتست *

ورنه اندیشه توکل تهمتست *

* تهمت * اصلده تانک ضمی و ها و یمیک فتحه لایله اتهام معنایست اسمر
بوراده ضرورت ایچون ها اسکان اولمشدر اگر چه که بعض علمادن

سکون ها دخی مرویدر ولکن ابو السعود افندی اغلاطنده اغلاطنددر
اصلده و همه ایدی و او تابه قلب اولندی اشتقاقی و همدندر یقال و هم یهم
اذا ذهب قلبه الی شیء و اتهمته اخذته مکانا الوهمی (معنای بیت) بود که
برطو مارده دخی دیمش که واجب و لازم اولان خدمت حق و سعی مطلقدر
بوخسه اندیشه توکل تهمت مقوله سیدر زرا الله تعالی اشیا بی برینه
ر بط ایلدی وجود انسانده بو قدر اعضا و قوی ترکیب قلمدی تا که اول
وسائل ایلله مقصوده توسل ایده پس حق تعالی کسب و سعی ایچون آلات
و اسباب خلق ایتش ایکن خدمتدن تقاعد و اسبابدن تعطل ایدوب ذیل
توکلله تشبث ایتک تهمت قیلنددر و بی آلات و اسباب اولان کسه
حقدن تشکی ایتک و کفران نعمت اولمقدر بونده خدمت مر شده اشارت
وارد در زرا طریق حقده ایکی نسبه لازمدر بری خدمتدر که مرید
جانبه راجعدر و بری دخی نفسدر که مر شد طرفه عائددر و مر شده
خدمت ایتک حقیقتهده حقده در زرا مر شد حقده فنا بولمشدر نیکم
مر شد ایلله صحبت ایتک حقله صحبتدر زرا حقک کالاتی انده ظاهر در
نظر ایسه کالاته در صورته دکدر بلکه صورت مر آتدر اگر چه که مر آت
دخی انواع تجلیاتدر و بوندن اعتراض و انکارک زیاده قبحی
ظاهر اولدی پس مریده کر کدر که تسلیم و اقرار اوزرینه اوله و خدمت
شایسته ایلله مر شد کالمدن نفس نفیس بوله و خدمت کسب و سعی
مقوله سیدندر و ارباب بدایته کوره کسب توکلله منافی دکدر نیکم ارباب
حراثت مرزعیه حبوبی القادن صکره توکل ایدرلر اصحاب نهائیک
ایسه احوالی کونا کوندر انکیچون نیجه لینه سمدان بی کسب مانده
نزول ایتش و غیبدن سقاط ظهور ایلمشدر پس بونلرک حالی غالباً توکل
محضدر اگر چه که توکل صفتی انلردن فنا بولمشدر فاعرف * و بو معنی رزق
صوری یه کوره در والا اسباب رزق معنوی اولان تکالیف عبادات
کسه دن ساقط اولدیغی یوقدر (لحرره) * سرد در ع ایدی کاری
داودک * عمل ایلدی سلیمان زنبیل * هر که بر کاره اولیه مشغول * سن
اونامردی جهانده زن بیل * وله * درد که استریسک درمائی
* طونه کورتا و انجه فرمانی * کسمه زنهان نهان علی
* یوری حفظ ایت درخت ایمانی *

❖ در یکی گفته که امر و نهیهاست
❖ بهر کردن نیست شرح عجز ماست

* عجز * انسانك عجز مؤخریدر ضد قدرت معنای اولان عجز که ناتوان شدن ایله تعبیر اولور اندن مأخوذ در زیراً آخر امور مؤیدر کا فی التفاسیر وقال الراغب فی المفردات العجز التـأخر عن الشئ وحصوله عند عجز الامر ای مؤخره و صار فی المعارف اسماً للتقصیر عن فعل الشئ (معنای بیت) بودر که بر طومارده دخی درج ایلوب سویلش و بویله یازمش که امر و نهیهاست که وار در مأمور و منهی اولور انلری فـهـله کتور و بـاشـلـکـدن و ترک ایلـکـدن و توری دکلدر بلکه بزم عجز منی و اول بابده بی اقتدار اولور بغیر منی شرح و بیاندر یعنی طاعتله که مأمور و مناهیدن که منهی اولور و در مقصود الهی اول طاعتک فعلی و اول منهینک ترکی دکلدر بلکه مجرد عجزی بیاندر زیرا انسان فی الحقیقه کندی قدرتیله فعل و ترک قادر دکلدر زیرا قدرتی یوقدر حاصلی امر الهی تحت قدرته داخل اولان نسنه به تعلق ایدر که اکامقدور دیرلر قرآنده ایسه کلور (لا یكلف الله نفساً الا و سعه) عبد ایسه جلب طاعت و سلب معصیت ایتمکه قادر دکلدر نتکم تنزیله کلور (وان یمسک الله بضر فلا کاشف له الا هو وان یردک بخیر فلا راد لفضله) جواب بودر که کرچه هر نسنه نک حصولی توفیق و اقدار حقله در و لکن عبده اختیار جزئی واردر که انکله بر نسنه نک اختیار بنه قادر اولور و فاعل مختارده اختیار بولمق امر بدیهیدر پس عبد ایچون اختیار واردر که ارادت حق اوزر بنه سابقدر یعنی ابتدا عبد بر نسنه بی اختیار ایدر ثانیاً حق تعالی انک مختارنی ارادت و خلق ایدر پس بلا اختیار جبر ایتمز اگرچه که ارادت جزئی به دخی فی الحقیقه ارادت حقله در نتکم قرآنده کلور (و ما تشاؤون الا ان یشاء الله) و لکن بومحل اسرار قدر دندر که هر کس مطلع دکلدر مطلع اولدیغی صورته دخی فضا و قدری افشا ایتمک حرام و مباحه سی ممنوع و منهیدر (سئل رجل عن علی بن ابی طالب رضی الله عنه فقال یا امیر المؤمنین اخبرنی عن القدر فقال طریق مظلم لا تسکله فاعاد السؤال فقال بحر عمیق لا تلجه فاعاد السؤال فقال سر الله فی الارض خفی علیک لا تنفشه) و بونده اشق طائفه سنک مذهب باطلنه اشارت

واردر زیرا انلرا امر و نهی قیدنده دکلدر انکیچون دیرلر که مقصود حقه توجهدر نه طریق ایله اولور سه و مقام محبوبیتـه و اصل اولنلردن قیود شریعت و تکلیفات مرتفع اولور اولک هم الملاحده لعنهم الله علی حده) قال الشیخ بالی الصوفیوی قدس سره اعلم ان رؤساء الطائفة الحیثیة المشهورة باشق مثل السید نسیمی و فضل الله الحروفی و عثمان بابا و غیرهم کلهم زنادقة یبجحون ترک الصلوات انتهى تأمل فی هذا الکلام تکن فی الدین من اهل السلام *

❖ تاکه عجز خود به بینم اندر آن ❖

❖ قدرت حق را بدانیم آن زمان ❖

(معنای بیت) بودر که تاکه اول امر و نهی وقوعنده و تکلیف خصوصنده کندی عجز منی کوره لم و ادراک ایدلم و اول زمان عجزده و یا تکلیف وقوعنده قدرت حقی بیللم و اکام مطلع اوللم زیرا هر نسنه ضعیفه متبیین اولمغله عبده عجز ظاهر اولمده فقه قدرت حق معلوم اولماز و ضعف مخلوق فـهـله کلد کرچه قوت خالق قوت در اکیه کنجایش بولماز الحاصل دیمک استر که بزم عجز من امتحان ایله بیلینور و ضعف من بحسب الظاهر تجربه ایلله ادراک اولور پس حق تعالی امر و نهی بی بوعجز وضعفی اظهاره وسیله ایتمشدر بوخسه حقیقتنی مراد ایتماشدر بناء علی هذا بزائی ترکله معذب اولماز (جواب بودر که کرچه انسان (الا یقدرون علی شئ من فضل الله) و فقیحه عجز اوزر بنه مطبوع (و خلق الانسان ضعیفاً) موجبجه ضعف اوزر بنه مجبولدر و لکن خلیفه حق اولمق حسبیه اقدار حقله قادر و تقویت خالق ایلله قوی و متیندر و سائر اسماء آلهیه ایلله انصافده دخی بویله در نتکم قرآنده کلور (وان چند نالهم الغالبون) یعنی احبـایک اعدا اوزر بنه غالبیتی مظاهر قدرت اولمق جهتیله در اگرچه که بعض احیاینده عساکر و جنوک عدمیه دخی مصلحت حاصل اولور نتکم دیوان حافظده کلور * تبخی که آسمانش از فیض خود دهد آب * تنها جهان بکیردنی منت سپاهی * پس عبـادک کمالات آلهیه ایلله فتحلی اولمق شانلردن اولسه (تخلقوا باخلاق الله) امری ضایع و سائر خطابات سماویه باطل اولمق لازم کلور و اختیار جزئی سلب اولمق اقتضا ایدردی لاحول

ولا قوة الا بالله (واصبر وما صبرك الا بالله) بعد ذابونده عجز
وضعتك نهاية المراتب وغاية المطالب اولديغنه اشارت واردر تنكم
صديق رضى الله عنهم منقولدر كه (العجز عن درك الادراك
ادراك) ولكن بعجز وضعف في الحقيقة صفت قلبدر پس ظاهرده
وجود تكاليف منافی دكلدر الحاصل بمخلده عجز باطن وقوت ظاهر
مجمع اولور (لحرره) * كال عجزله برقل درونی * كتور قوتلری
فعله برونی * چو وارد در مایه قدرت الكده * یوری ضبط
ابت شر نفس حرونی *

❖ در یکی گفته كه عجز خود مبین ❖
❖ كفر نعمت كردنست آن عجزهین ❖

* هین * آگاه اول وعجزله ايله ديمكدر وكلمه تحذیردر صاقن معناسنه بوراده
انساب اولان بومعنادر (معنای بیت) بودر كه بر طومارده دخی تحریر
ایدوب دیمش كه كندی عجزی كورمه زیرا كندنده عجز كورمك شكر
نعمت یرینه كفران وضع ایلکدر بوايسه ظلم قیلندندر صاقن بومقوله
عجز كورمكدن وكفران نعمت اولمكدن ونفسه ظلم ایلوب خسارت
دوشمكدن الحاصل الله تعالى سكا آلات واسباب ویرمش وقوت
وقدرت صورتی كوسه ترمش ایكن اول آلات واسبابی اعمال ایتوب
تعطیل ایتك وقوت وقدرت ظاهره به التفات ایتوب طریق عجز
وضعه كتمك نعمت حقه كافر اولمكدن كه آنی ترك شكر ايله ستر ایتكدر
پس كلمه تحذیردن فهم اولور كه انسان قدرت تامه ايله متصفدر
شویله كه اظهار عجزه اصلا مسامح بوقدر ولكن بو معنی نفس
الامر مخالفدر زیرا انسان قدرت ايله متصف اولدیغی كبی عجزله
دخی متصفدر پس قدرت اقدار حقه وضعف وعجز نفس الامر كورهدر
انكیچون دیمش لردر كه قطب الاقطا بدن عاجز واندن قادر بوقدر
یعنی اندن ظهور ایدن عجز اصلی وضعف ذاتی سائر مخلوقاتده ظهور
ایتمشدر و بومعنی فناء تامه حاصل اولور وكذلك انده ظهور ایدن
قدرت ربانیه وقوت حقانیه سائر موجوداتده ظهور ایتمشدر *
و بو معنی بقاده تمكیندن صكره وجود بولور (فسبحان القادر القوی
فی كل امر صوری ومعنوی) بعد ذاقوت وقدرت ابتدا انسانك

صفت باطنه سی وثانی صفت ظاهره سیدر وعجز وضعف دخی
بویله در پس بوقدر معجزات وكرامات كه خارجده صادر اولمشدر
قوت قدسیه دندر وبوقدر عجز وابتلا كه ظاهرده واقع اولمشدر
ضعف حقیقیك ثمره سیدر *

❖ قدرت خودیین كه این قدرت ازوست ❖
❖ قدرت تونعمت اودا كه هوست ❖

* هو * الله تعالى به راجع ضمیردر كه اولفظنی تفسیر واقع اولمشدر وغیری
وجهله دخی تاویله مسامح وارددر تنكم تصویر معناده كلور (معنای بیت)
بودر كه كندی قدرتکی كور واكا نظر دقیق ايله نظرایله كه اوقدرت
حادثه الله تعالى دن فائضه در سن كندی قدرتکی ووجود كده ظاهر
اولان قوتکی حق تعالیك نعمتی بیل كه حق منان ورب محساندر
ويا خود سنك قدرتك فی الحقيقة نعمت حقدور وآنی انكاره مجال بوقدر
پس آشكاره قدرتی مطالعه ومقتضاسیله عمل ایتوب عجز كورمك
نعمت حقه كافر اولمكدن بناء علی هذا قدرتی اظهار ونعمتی اقرار
ووجودی طاعات وعباداته اعمال واتعاب ايله شكر كر كدر بونده
جميع اشیاده تأثیر الله تعالى دن اولدیغنه اشارت واردر ولكن متأثر
اولانك قابلیتی كه اثری اظهار ایدر تنكم جمنك وجودی مستكمل
اولدقده اثر حیات ظاهر اولوب جنبشه كلور وریاح هبوب ایتد كده
تحرك ایتك شاندن اولان اوراق ومیاه وامشالی متحرك اولور (لحرره)
ایلسه بادله تجلی حق * باغده جنبشه كلور بیرق * قلم الدقده دسته
كاتب * متحرك اولور كور یحك رق * وقدرت ايكیدر كه قدرت
ضعیفه وقدرت قویهدر قدرت ضعیفه قدرت عدمدر كه قوت قدسیه
ايله مؤید دكلدر وقدرت قویهدر قدرت خواصدر كه نشأه قدرت
قاهره حقدور واوتاد اربعه دن عبدالقادر طرف جنوبه موكل وناظر
اولندر زیرا قوت وقدرتك بمناسبت اختصاصی واردر جنوب ايسه یمین
كبهدر بوندن فهم اولور كه مظاهر قدرتك اكثری جانب جنوبدهدر
وفی الحقیقه عبدالقادر اودر كه اسم قادر اكا تجلی ایلوب جميع
مقدوراتده قدرت حق مشاهده ایلیه پس عبدالقادر بدالهیك صورتی
اولمش اولور شویله كه هر حالده حقه بطش ایدوب انك اوزرینه

مراد شدن بر نسنه ممتنع اولان و بر ممکن حصول اکا کوره صحو بت بولماز
زیرا قرآند کور (ید الله فوق ایدیهم) واسم اعظم جامع اسماء اولدیغی
کی مظهری دخی بویله در وهر نسنه ده حق تعالی ک مؤثر بتی و مدد
وجود ک معدوماته دوام اتصالی مطالعه و مشاهده ایدر یعنی اشیا کندی
ذاتره معدومه ایکن وصول فیض وجودله بقا بولور اثر وجود حقانی
ایله دائم اولور شوبله که کافر ک بیلاندن مستفیض وجود اولدیغی عیانه کور
و بو معنای مشاهده قیادرا و لایک نفسی دخی فی نفس الامر معدومه
ایکن ینه اشیا ده قدرت حقله مؤثر اولدیغی بیلور زیرا تأثیر ایتک حقیقت
آهیه یه مظهریتی جهتنددر بس بونک صاحبی معدوم و موجود
وفانی و باقی و متأثر و مؤثر و عاجز و قادر و ضعیف و قوی و عزیز و ذلیل
و غریب و قریب مقوله سندن اولور و بو بر امر عجیدر که بلا مکاشفه
ادرا کنه بول بوقدر (لحرره) ایدسه توحید ایله تأثیر الله * خلق عالم اولور
اللهه کواه * نفس حق قبول ایلمن * دیه صو ک دم نفس سرده واه *
و کذلک نعمت دخی ایکیدر که بری نعمت ظاهره و بری نعمت باطنه در نعمت
ظاهره ظاهر در که حظ جسد و نصیب بدن و اکا ملحق اولاندر و نعمت
باطنه حصه دل و بهره قلب و اکا اتصال بولاندر و قدرت و امثالی
باطنه متعلق اولان نعم آهیه دندر اگر چه که ظاهرده دخی اثری وارد
بطش و امثالی کی فاما امر باطنک ظاهرده آناری روح سلطانی یه
نسبتله روح حیوانی و امثالی کیدر * و بر نسنه ک ظاهرده
حصولی باطنه مبدئه دلالت ایدر بو سیدندر که جبان
اولان کسنه ک ظاهرده الی طومر و وجودی لرزه دار اولور * فاعرف *

* در یکی گفته کزین دودر کذر *

* بت بود هر چه بکنجد در نظر *

* بت * کافر طیدیغی صورت و استعاره طریقیله محبوبه دخی اطلاق
اولور زیرا محبوب مهویدر و هوایه آله اطلاق اولنشدنر نیکم قرآند کور
(افرايت من اتخذ آلهه هواه) بس عاشق معشوقه و محب محبوبه زیاده میل
و تعاق ایتکله آنی معبود اتخذ ایدنش کی اولور و بعض روایاتده
کور که ترکستانده ارض چکله بر کنیسه وارد که انده خدمت اصنام
ایچون جواری حسناء اتخذ و تعیین اولنشدنر شوبله که انلرک سبیلله

اصنامه میل ایدر لر پس بوسیله اصنام فی الحقیقه اول جواری او اور
و مفتی یحیی افندی نظمده کور * جهان ایچره بت دیره طینلر کر چه
کافر در * سنی اما کوریده طیمه مق کفره برابر در * و بعض لطائف کلام دخی
بالاده مظاننده ذکر اولنشدنر * کنجد * مضار عذر مصدری کنجیدندر
صغیر معنایسته بهضیلر آنی کاف عربی ایله تصحیح ایتشدنر * نظر * کوزله
بر نسنه بی تأمل ایتکدر بوراده مراد التفات قلبدر * (معنای بیت)
بودر که بر طومارده دخی درج ایدوب دیش که بویکیمندن یعنی ذکر
اولان عجز و قدرتک مجموعندن کج و برینه التفات و میل ایله زیرا
هر نسنه که نظر و التفات کنجایش بوله و اکا تعلق حاصل اوله بت مقوله سیدر
بونده متعلق نظر اولان اموری بته تشبیه وارد و لکن بالفعل تعلق
بولنجدیقه بت اطلاق اولنر نیکم محبوبه کوره ماسوی الله دیرلر مکاشفه
کوره ایسه اشیا صور اسماء و صفاتدر پس محبوبه ماسوایه التفات
ایتک بت پرست اولق کیدر انکیچون قرآند کور (واجبني وبنی ان نعبد
الاصنام) زیرا بو اصنامدن مراد یا لکن اصنام کفار دکلر بلکه رنک
تعلق قول ایدن امورک جمله سیدر و لکن نقدین یعنی سیم وزر معظم
متعلقات اولغله امام غزالی قدس سره اصنامی انکله تفسیر ایتشدنر
بعد ذا مصراع ثانی تعمیم بعد التخصیص مقوله سندنر زیرا نظر یا لکن
عجز و قدرته تعلق ایتر بلکه جمیع امور ظاهره و احوال باطنیه عمومی
واردر انکیچون هویت احدیه یه منتهی اولنجه میباند اولان مراتب
عینیه و علیه بر ازخ و قیود عد اولنشدنر زیرا امور ظلماتیه کی امور
نورانیه دخی حجابدر پس تعلق مرض عظیمدر که سالیکی جانب علوه
حرکتدن مانع اولور و انک شفای توحید و تجرید و تفریددر بوندن
اخذ اولنور که عجز و قدرت امور متقابله دن اولغله احدیه یه تعلق
آخره تعلقدن خالی اولماز پس ایکسینی دخی ساحه و همدن ازاله
ایدوب بی رنک اولق ککر کذر (لحرره) اولدی چون
التفات غیر قصور * نظرك حقه ایده کور مقصور *

* در یکی گفته مکش این شمع را *

* کین نظر چون شمع آمد جمع را *

* مکش * نهی در مصدری کشتن در دینک معنایسته بوراده سویندر مک

مراد اول نور تنگم بعض مواضعه سویندرمک اخفا و ستره مجواهر مثلا
آتش سویندر دیرل خاکستر ایله ستر معناسنه * شمع * لفظ مولد در
مطلقا استصباح اولسان موم و یا خود خصوص اوزرینه بال مومیدر
کافی القاموس بوراده شمعدن مراد نظر در ولیکن نظر دن شعله تیره
اطافت زانده وارد در زیر اشیاء خفیه صوریه شعله روشن اولدیغی کبی
امور خفیه معنویه دخی نظرله ظاهر اولور پس نظر اراثت اظهارده شمع
جنسندرا کرچه که بری صوری و بری معنویدر مع هذا بصرك نظری
مساعده نورله در زیر کوزده نور اولسه اشیایی رؤیت حاصل اولماز
* جمع * جماعت ناسد رجعی جوع کلور جمع کبی کافی القاموس (معنای
بیت) بودر که بر طومارده دخی رقم کشیده اولوب دیمش که بو شمع نظری
سویندرمه وانکله عملی ترک ایتمه زبرا بو نظر والتفات فی الحقیقه جماعت
ناسه شمع کبیدر پس کجه لرده بی شمع اشیاء خفیه روشن اولدیغی کبی
ظلمات جهلمده دخی نظر واستدلال ایله روشنائی بولنسه جمال
مقصود جلوه کر حیز شهود اولماز و حقایق اشیاء دخی اک کرچه
مکاشفه صحیح ایه ادراک اولنور فاما نظر واستدلال انک مقدمات و مبادی
سندندر و نظر و مکاشفه طریقله اشیایه تعلق ایتمک و لا جل المصلحه
موجوداتی ملاحظه قلمق و امور ظاهره و باطنیه ارتباط کر ستر عک
پت پرستلکدن دکلدر والا انبیا و اولیا تعلق ایتملردی * پس لا جل
المصلحه تعلق ایتمک فی الحقیقه تجردی منافی دکلدر * و کمل بشرک
قوت قدسیه ایله مؤید اولان نفوس زکیه لرنده کمال استعداد و تمام قابلیت
اولغله عالم اشباحه تعلق ایتمک اثری معالم ارواحه عروجدن عوق
و مصالح خلقه ملاسده شؤن حقه استغراقدن منع ایتمدی * بوسیدن
نبوت و ولایت ریاستلرینک میانلرین جمع ایلدیله شویله که قابلری خلقه
و قابلری تجلیات حقه مستغرق اولدی و دیمشلدردر که عالم معنایه
دوام اتصال ممکندر تنگم بعض متألهینه حاصل اولمشدر ممکن اولمیلره
کور بدن قمیص کبی اولوب کاه آتی تلبس ایله انوار غیبدن محتجب و کاه
آتی خلعیله اول مشاهده قادر اولور * و بوندن فهم اولنور که قلوب
کمل مرآت مصیقل کبیدر و بدینلرینه دخی کمال تصفیه نک اثری ساری

* اولغله *

اولغله قلب پایه سن بولمش و بحساب اولمقدن قور تلمشدر بو جهتدن
انوار غیبک آناری دائم منکس اولمقدن در تنگم اجرام نیره
علویه ده بری برینه نسبت ایله حیوانات یوقدر انکیچون انوار
کوا کبیا لادن بسته انعکاس بولور (لحرره) یوقدر
قلب که حائل زیر * جسم آینه کبیدر جسمک * چون
سمی نظر ظاهر اوله * یرتا و یرده سی رسم واسمک *

* از نظر چون بکذری و از خیال *

* کشته باشی نیم شب شمع وصال *

* نیم شب * نصف اللیل دیمکدر نیم روز نصف النهار اولدیغی کبی
* وصال * فصل و فراقک ضدیدر اعیان و معاینده مستعملدر تنگم
وصل رحم دیرلر (معنای بیت) بودر که چونکه قوای روحانیه دن
اولان قوت مفکره ایله تفکر دن وقوت متخیله ایله تخیلدن گذر ایده سن
وانلرله عملی ترک ایله سن و ما خلق لهنده اعمال دن معطل اوله سن کویا
نصف اللیلده شمع وصال سویندر مش اولور سن یعنی اول شمع
که وصال محبوب و صحبت معشوق ایچون اشغال و اسراج اولمشدر
کر کدر که صباحه دك سوزان اولدو الانصف الیلده وصال فراقه
مبدل اولوب اول فراقک ظلمتده قالمق لازم کلور و کار انجام نارسیده
ناتمام قالور پس نور شمعی نور صباحه متصل قلمق ضروری
اولدیغی کبی نور نظر و خیالی دخی نور کشف و تجلی به
ایصال ایتمک لازمدر زیر نظر و خیال نصف طریققدر
و وسط طریققدر توقفک معناسی یوقدر و کلمات هدایی قدس سره ده کلور
* عقله باقمه ابر تجلی نورینه * شمع حاجت قالمز اولدقده صباح * یعنی عقل
نور شمع و تجلی نور صباح کبیدر و نور شمعدن مراد نور صباحه وصول
و خانه تجلی حقه دخیلدر و نور صباح نور شمعدن نیجه افضل ایدسه نور
تجلی دخی نور عقلدن اولی در زیر عقلمده تقید و تجلیده اطلاق
وارد اطلاق ایدسه تقیددن اقوادر پس بوندن هیچ عقله حاجت
اولماق فهم اولمز زیرا عقل عشقک مقدمه سی و عشق دخی تجلی
و مکاشفه نک طریققدر و عقل اگر قدسی اولسه آنک نوری نور تجلی به
قرب اولور تنگم قرآنده کلور (یکادزیه ها بضی ولولم تمسسه نار) یعنی

نارنجلی مس ایتمدن دخی نفس قدسیه وعقل قدسینک نوری اضاعت
واشراف ایتکه قریب اولور مقصود اول معنایه زیاده استعدادی بیان
ومقصودنک حصولی قوت قریبه ده اولدیغن عیاندر بوندن ظاهر
اولور که حقه وصولدن صکره دلیل تمشی ایتن تنکم حرم کعبه ده قبله نمایه
نظر اولماز تنکم دیمشدر * ع * ساکنان حرم از قبله نما آزا دند * ولکن حرم
کعبه دکلزومی مقرر در * پس اول معنی که حقیقه وصوله بهانه ووسبله در
حقیقتک حصوله دکل انکله عمل ایتک باقیدر (سؤال اولنور سه که شرایع
واحکامک حالی نیجه در) جواب بودر که تکالیف شرع جمال مکاشفه
آینه کیدر پس حقه وصولدن صکره دخی دائم در زیرانی واسطه مرآت
مشاهده ممکن دکلدر انکیچون بواسیا اولسه دخی حقی معرفت ممکن ایدی
دیمک ابوسوز دکلدر دیمشدر در زیر امر تبه مرآتیت باطل اولق لازم کلور

❖ در یکی گفته بکش بای مدار ❖

❖ تا عوض بینی نظر را صد هزار ❖

* باک * بآء عربیله قیور مقدر که عرب مبالات ایله تعبیر ایدر آخرنده یاننکیر
ایچوندر * عوض * غنبلوزنی اوزره خلف و برنسنه مقابله سنده ویر دکاری
اجر و عوض ایله بدلاک میاننی فرق ایدوب دیمشدر در که بدل مبدل منه
موضعنده واقع اولور عوض ایسه موضعنک غیریده دخی واقع اولور
پس ارالنده اولان نسبت عموم مطلقدر و بعضیلر دیدیلر که عوض ایله
معوض عندهک مجموعنی جمع ایتک جائزدر زیر محمله اختلاف وارددر بدل ایله
مبدل منهک جمله سنی جمع ایتک ایسه جائز دکلدر زیر محمله اختلاف وارددر
(معنای بیت) بودر که برطومارده دخی نحر را بدوب دیمش که شمع نظر و خیالک
نورنی اطفا ایله قیور مق طوته قوسوینور سه سوینوسن تا که اول اطفا
ایتدوکلک شمع نظره صد هزار عوض و خلف کوره سن و بس یار ثمره
بولاسن یعنی نظر والتفاتیه عدم نظر والتفاتیه چوق فائده وارددر زیر
غایتی تجلیدر برنجلی ایسه یوزیک نظر وفکر کردن خیرلوردر نور خورشید
صبح شمع کثیره شبدن افضل اولدیغی کبی تنکم سری بیت لاحقه روشن
اولور ونظرله مکاشفهک میاننده اولان فرق بالاده دخی مرور ایتمشدر
حاصل بودر که نظرده تقیید و مکاشفه ده اطلاق وارددر و برکسه مثلا
زبدی یالکز جهت کتابتله بلسه زیدک کندینی بلیک کبی دکلدر زیر ذاتی

معلوم اولسه جمیع اوصافی دخی اکاتباع اولور پس آنی بووجهله بلن کسه
جهت واحده ایله تقییددن قورتلور و کذلک فطرندر یجیدر زیر ترتیب
مقدماته محتاجدر کشف ایسه دفعیدر مع هذا هر ترتیبده انتاج صحیح یوقدر
بلکه عقیم کلدیکی دخی اولور پس علم ضروری علم استدلایلدن افضل
اولدیغی کبی علم وهبی و کشفی دخی سائر علوم مکتسبه و ضروریه دن
اولی واقوادر زیر اگر چه علم ضروریه کمال یقین وارددر ولکن مکاشفه
طریقیه حاصل اولان علم کبی دکلدر مع هذا مکاشفه ایله حاصل اولان
عیندر یوخسه علم دکلدر والا مکاشفه مستغنی عنه اولق لازم کلور دی
و حدیثه کلور (فضل العالم علی العابد کفضل القمر لیلله البدر علی سائر
الکواکب) ارباب حقیقت مذاقی اوزره عالم مذکوردن مراد عالم باقی
بالله وعالم مکاشف و عابددن مقصود عابد فانی فی الله وعالم علم معامله در
(و کذلک فضل العالم علی العابد کفضل علی امتی) حدیثنده مندرج
اولان عالم و عابد دخی بویله در زیر علم معامله عمله تابع و آنک شرطیدر
شویله که بر عمل علم معاملیه مقرون اولسه معتدبه اولماز پس علم معامله ایله
عالم اولمیان عابد دیمزلر (لحرره) لغوا اولور مدعینک دعواسی * اولسه
الدهجت و رهان * عمله ایتسه شها دت علم * چکیلور اوستینه خط
بطلان * (سؤال اولنور سه که گاه اولور که مکاشفه دخی نظر کبی عقیم
کلور) جواب بودر که کمال اولیانک مکاشفه سنده خطا یوقدر زیر اقبض
پاکده کدورت اولماز و حضور اهلی ارباب سهو ونسیان کبی پاکیز *

❖ که ز کشتن شمع جان افزون شود ❖

❖ ایلی ات از صبر تو مجنون شود ❖

* شمع * جانہ مضافدر شبهه بهک شبهه اضافتی طریقیه و جائزدر که
شمع اضافتدن مقطوع و کشتن اختلاس کسره ایله شمع مضاف اوله معنی
جهتدن بوابلندر تأمل تمل * لیلی و مجنون * بالاده شرح اولمشدر * ات *
ادات خطا بدر جمعی تان کلور عمرتان کبی اصلنده لیلی بت در زیر بوتانک
ماقبلنده حروف مددن واو ویا اولسه اوج وجه جائزدر که بری اول حرفی
ساکن و بری مفتوح اوقق و بری دخی مابعدنده یا زیاده قلمقدر ولکن
فارسیده همزه ایله یانک میاننده مبادله اولق حسبیه یاددن بدل همزه
اوقورلر و یا خود یانک بری حذفدن احتراز همزه به قلب اولمشدر زیر

ایلیت دیناسه فتح یائله یانک بری حذف اولمق لازم کلور (معنای بیت)
بودر که شمع نظری سویندر مکن شمع جان اتر و قوت بولور و یا خود
شمس جانک نوری زیاده اولور نیکم اعمالک قوت بصری قوت حفظ و قوت
شهوویه به انتقال ایدر و کذلک بویک ریاضتله انتقا صندن کمال روح وجوده
کلور و سائر دخی بونه قیاس اولانه نیکم دیمش لردر که ظاهر دن منتقص
اولان باطنده مندرج اولور و بالعکس پس نظر غایتیه و مغالوبیته در نیکم
فرعونک ذبح ایلدیکی اولادک ارواحی باطن موسی علیه السلامه قوت
اولوب امداد ارواحله دشمنه ظاهرا و باطنیا ظفر بولدی فاعرف جدا
بوندن صکره حضرت مولانا قدس سره بیورر سنک ایلی و معشوقک
صبرک یوزندن سکاجنون و عاشق اولور یعنی صبرک سببیه معشوقکی
کندو که عاشق ایدر سین پس مطلوب ایانکه کلور نیکم حضرت شیخ
عطارد قدس سره نک منطق الطیر نام کتابنده میندر که هر که اودر
عشق صادق آمدست * بر سرش معشوق عاشق آمدست * کر بصدقی
عشق پیش آید ترا * عاشقت معشوق خویش آید ترا * یعنی معشوق
خویش عاشق آمد ترا بعد از مصراع ثانیکنک ماقبله موافقتی خفیدر
مقصود بودر که شمع نظری اشغال ایتمدن مراد منظور الیه ده اولان
سره وصول و باب حقیقه دخول ایچوندر بونده ایسه نوعا استعجال
واردر زیرا اسبابه مباشرت یوزندن طلب و طلبده دخی تدبیردن خالی
دکدر بواسباب ترک اولوب مرادک من عندالله حصوله ترقب اولنسه
حصولی اولکدن مستعجل اولور زیرا اقبالده ادبار وادبارده دخی اقبال
واردر پس صبر طلب مقامنه قائم و بلکه اندن زیاده کار کر اولور نیکم
دیمش لردر که * الرزق یطانی و الرزق اطلبه * و هوا کثر لفتی طلبا (سؤال
اولور سره که صبر دخی اسبابدنر پس هر چند که اسبابدن فرار
ایدر سن مخلص بوله من سین (جواب بودر که صبرده توحید عزیمت
و تجرد نیت و خلوص طوبیت واردر سائر اسباب ایسه بویله دکدر
الحاصل بی رنگ اولمغله دورنک اولمق یکسان اولماز مثلا حارث اولان کسه
القاء بندر صکره توکل ایدر فاما توکل صرف کبی دکدر بونده اشارت
واردر که جمیع اشیا را سنده اسباب خفیه ایله ارتباط و انجذاب واردر و ارتباط
حیات حقانیه بی مستلزم در نیکم بالاده دخی اشارت اولمشد (لحیره) اوح

رخنده کور مسه نقش و فاهزار * بی وجه ایدر میدی کله کاشنده آه و زار *
ترک دنیا هر که کرد از زهد خویش *
پیش آمد پیش اودنیا و پیش *
زهد * لغتده برنسنه به میلی ترک ایتمکدر اصطلاح اهل حقیقه ایسه
دنیا به بعض واندن اعراضدر و لکن بوندن مراد جمیع ماسوادن
اعراضدر دنیا معظم حجاب اولمغله تخصیص بالذکر اولمشد و به مضایر
دیدلر که یدک خالی اولدیغی نسنه دن قلبک دخی خالی اوله یعنی اهل
افکار اولیه سین بوا یسه قوت توحید و ماسوایی قلبدن نفی ایله اولور
* پیش * بآء عجمیه اوک وایلو دیکدر بوراده اولکی پیشدن مراد
عجله و مسارعت و ایکنجیدن حضور مراد اولور که عندایله تعبیر
اولور * پیش * بآء عربیه زیاده معناسنه در پیش ایله افزونک فرقی مرور
ایتمشد (معنای بیت) بودر که هر کیمکه دنیایی کندی زهدندن ترک
ایلدی یعنی کرچکدن اندن اعراض ایتمدی و آتی قابندن چیه اوردی
دنیا آنک حضورینه عجله و سرعت ایله زیاده کلدی زیر احقه خادم
و عبد محض اولانه دنیا خذمتکاردر نیکم حدیث قدسیده کلور
(یادنی اخدمی من خدمتی) وینه رحیث قدسیده دخی کلور (من تقرب
الی شبرا تقربت الیه ذراعا و من تقرب الی ذراعا تقربت الیه باعا و من اتانی
مشیا اتیه هر واة) یعنی فیض حق ساغر خیاله کجایش بولمندن بیرون
اولمغله عیددن توجه جزئی آتی مستنزل و عجله حصوانی مستلزمدر
و بلکه الله تعالی جواد اولدیغی جهتدن قبل السـ و آل بله اعطا ایدر
الحاصل اهل دنیا سعی و کسبی قدر فائده بولور و گاه اولور که سعی دخی
عقیم کلور اهل آخرت ایسه زهدی سببیه دنیایی هم آرتوق اله کتورر
و هم حصولی مستعجل بولوب مقدم ایش بتورر زیرا مجربدر که مطلوب
اولان نسنه طالبدن فرار ایده کاشدر و دنیا طالبدن هارب و هارب
طالبدر چنانکه طلب نسبتی فنا بوله و تعلق قلب زائل اوله مطلوب
طالبه اقبال ایدر و سرع الحصول اولور پس تعلق دل بر نسنه نک
حصوله مانع و یا خود سرعت مجبئنه حائلدر بوسیدندر که آخرت
اهلی دنیاده راحت ایله تعیش ایدر زیرا معاشلری ایاقربینه کلور
ورنج سعی و کسب کور منزل اول جهندنکه عندالله عزتلی سبب

اگر آمد و بر پادشاه کریم بر شخصه اکرام اینسه توسیع رزق ایدر
فکیف که حبیب اوله (سؤال اول نورسه که نیجه اهل آخرت وارد که
مضیق الرزق در تنکم اصحاب دن بعض اهل فاقه رسول الله صلی الله علیه
وسلم دن (دم علی الطهارة یوسع علیک الرزق) صادر اولدقدہ دیمشدر که
کم من مستدیم للطهارة لا یترب کفایتہ فضلاء عن ان یوسع علیه (جواب
بودر که بر مانع سبیلہ اثرک تخلفی اقتضای منافی دکلدر یعنی اگر چه که
علت معلول و اثری اقتضا ایتشدر و لیکن عدم حصولی بر مانعک
توسطنه بنادر خصوصاً که تضیق رزق صوریدن تضیق رزق معنوی
لازم کلر بلکه صورتاً مضیق الرزق اولئرک جمله سی طالب حق اینسه
حتماً معنی موسع الرزق و یا خود مقابله سنده بر امر مناسب ایلہ مقدار کدر
و بومقامک بعض تفصیلی بالاده مرور ایتشدر و بوندن ایراد آخر دخی
من دفع اولدی ز بر مقتضای طلب بوایدیکه هر مطلوب حصوله کله
فاما طلبده قصور واقع و یا غیری مانع اولغله و یا تشدید محنت ایچون
تخلف ظهور ایدر و کاه اولور که عرت مطلوبه اشارت ایچون تأخیر
اولور و یا خود بعد الوصول طالب قاتنده اخذ و حفظ و ضبطه داعی
اولسون دیو توقف بولور پس هر سؤال و طلبک جواب و اثری مقرر در و لیکن
تخلف و یا جواب و اثرده مخالف امر خفی به منیدر و دیمشدر که
توفیق دعاء اجابتی استمدادندر یعنی الله تعالی اجابت مراد اینسه
سائلی سؤاله موفق ایتزدی پس هر فیضک بدایت و نهایتی الله تعالی
دندر که مؤثر حقیقیدر (لحرره) ایتدی چون قدرت مولی تأثیر
* عبد عاجز دعایه اولدی اسیر *

* در یکی گفته که آنچت داد حق *

* بر اوشیرین کرد در ایجاد حق *

* آنچت * اصلنده آنجهات درات ادات خطابدر تنکم مرور ایتدی زیرا
آخرنده هاء علامت اولان کلمه تاء خطاب متصل اولسه همزه
مجتلبه زیاده ایدر و کاه اولور که ضرورت شعر ایچون هاء علامتی
حذف ایدوب تایی همزه سز تلفظ ایدر و هانک ما قبلانی رسمده تابه
متصل قیلورلر بوراده واقع اولان آنچت کبی و آنچتده جیم عجمی
مفتوحدر ز بر همزه نك فتحه سی جیمه نقل اولمشدر که ازدن تخفف

اولان کزلفظی کبی تنکم بوستانده کلور * عزیزیکه هر کزدرش
سربتافت * و کلستانده کلور * کز عقبش ذکر خیر زنده کند نام را
* و اگر همزه حرکتی ایلہ حذف اولورسه جیم کسرله اوقفورکت
و کش افظرلنده شایع اولدیغی کبی که اصلنده که ات و که اش در
* ایجاد * عدمدن وجوده کنور مکدر (معنای بیت) بودر که بر طومارده
دخی ثبت ایدوب سوباش که آنی که حق تعالی مطعمومات و مشروباتدن
سکلو یرمشدر سنک اوزریکه ایجاد و حلدہ آنی شیرین و لذیذ و خوب
ایتشدر یعنی حلال طیب اولدیغی حالده خلق ایتشدر شوبله که آنی
تساول ایتک سکا محظور دکلدر پس آنک جمله سی ایلہ تلذذ و تمتع ایتک
مباحدر بناء علی ذلك انسان انده حظر و تمتع ملاحظه سبله عیشده
تلذذک اولماق کر کدر و قرآنده کلور (هو الذی خلق لکم مانی الارض
جیمه) قائل مذبور دیمک استر که اشیاده اصل اولان ابا حدر و انسان
ایچون خلق اولنان اشیانک بعضی سنده حل و اباحت و بعضی سنده
حرمت و حجر اولغله تفاوت یوقدر (جواب بودر که ذکر اولان
اباحت مطلقه مذهب اباحیه در که انلرفرق ضالته متصوفه دن
بر طائفه در بلکه الله تعالی حکیم اولدیغی جهتدن اشیای امنحان
ایچون خلق ایلوب حل و حرمت اوزرینه دائر قلمش و امر و نهی ایلہ
خطاب ایتشدر بر ماده ده دلیل محرم اولیجق اباحت مرتفع اولور و یا خود
شبهه بولینجق قیاس و اجماع ایلہ عمل و اخذ اولور فاعرف جیدا
بونده اشارت وارد که نفس بدخلع العذار اولغله دائماً انسانی
مستهیات طبعی تناوله حث و جل ایدر هیچ اولر سسه تأویلہ ذاهب
اولوب بر طریقله اباحت کوستر و بوجله ضلاله دوشورر تنکم اهل
ارتکاب اکثری بوقیلدندر و رمز وارد که مخلوقات ایکی نوعدر که
بری جسمانی و بری روحانیدر و قلبک بوایکی نوعه تعلق ایتک شانندندر
فاما سالک حقه کر کدر که (ففرؤا الی الله) موجبنجه وسط طریقده
توقف ایتبوب مقام وحدت ذاتیه دک سیر ایلیه و برازخ علم و عیندن
کذرایده و ما سوای حقدن بر سنهیه مطلقاً تعلق ایتیه شوبله که حقه
تعلق نسبتدن بله فتا بوله تنکم قرآنده کلور (و یحذرکم الله نفسه) الاية

(لحرره) واریکن اور تاده بونجه اغیار * نیجه یوز کوستره سکا اول یار *
نظر انداز عالم غیب اول * دیده جانی شهادت دن او یار *

* بر تو آسان کرد و خویش آرا بکیر *

* خویش تن را در میفکن در زحیر *

* خویش آسان اوزرینه معطوفدر مقصود بیت سابقه اولان
شیرین کدر مایه دینه ناظر اولق دخی محتمل در و لکن بوصور تده ظاهر
اولان واوی ترک ایتکدر * زحیر * حاء مهمله ایله امیر و زنده عریسدر
شدت ایله اولان استطلاق بطندر که اسهال دخی دیر لر و انساک یورکی
طوغرا نوب قان کل که دخی زحیر دیر لر انواعی وارد ر اطباء قاتنده
معروفدر (معنای بیت) بودر که الله تعالی ایجاد ایتد یکی اشیایی
سنگ اوزر بکه آسان و خوش و شیرین و حلال ایلدی پس سن جله سنی
اخذ ایله و بی باک تناول قیل کند و کی اسهال زحیره طرح والقایته
یعنی بعضی سنی تناولدن امتناع ایتکله شدت وزجت و عسرت دوشمه
نتکم آسان لفظی بو کاقرینه در پس شدت زحیر مرضنک اوزر مندن
اولمله بوراده زحیر مطلق شدتده استعمال اولندی بونده دلالت واردر که
بعض اشیای امر اضه دارو در پس انسان آتی تناول ایتسه هلاک اولور زحیره
کوره امور قابضه کی و وقت ضرور تده محرم ایله استشفای ایتک مرض
ارلدیغی ابن کمالک حدیث اربعین شرحنده و غیره کتب معتبره ده
میندر و مرض واردر که انسان زیاد مشتهای اولان نسنه بی تناولدن
امتناع ایتسه ایچی ابر و از بلور و اسهاله او غرار (لحرره) اولدک
ایسه جهانده دار و جو * مرض جان شفا در پرهیز * آرزودن هلاک اولور
آدم * آرزو اولدی خنجر خونریز * بعد از اجلال و حرام دیوب هر بولدیغی
نسنه بی تناول ایدن کسه به خوش علف دیر لر نتکم خواجه حافظ
شعرنده کلور * صوفی شهر بین که چون لقمه شبهه میخورد * پاردمش
در از باد ابن حیوان خوش علف * مقابلی بد علف در صوفیدن مراد
زاهد در نتکم موافقندن مستبیدر و بومعنی اگر استحلال طریقله ایسه کفر
والافسقدر و قرآنده کلور (بحسب الانسان ان یتک سدی) یعنی انسان
ظن ایدر بکه خالی اوزرینه تخیله او انوب امر و نهیه له مبتلی و مکلف
اولیه و عملنه کوره قیامتده جزا بولیه نتکم رموضه ده دخی کلور

(انجسبتم انما خلقناکم عبدا) پس کر کدر که (واطیعوا الله واطیعوا الرسول)
و فقیجه او امر و نواهیده الله و رسوله اطاعت اولنه و انقیاد یوانده
بونده عوام ناسک بسر و سهولت و رخصت ایله اخذ و عملاینه اشارت
واردر انکی چون الله تعالی کوج بیور ما مشدر دیو نوافل طاعاته مقید
اولازل مثلا نافله اورج طو توب و نافله نماز قیازل و مشتهیات طبعی
مطلقا تناول ایتسه لایح اغریسنه او غرار لر دیر لر که عزیمت ایله
عمده ترقیات و لطیف وجود سببیه تجلیات واردر و قبلک حالنه
دخی رمز واردر زیر مظاهر و بحالی به تعلق و عشق ایتک شانند در
و نیجه لر غلطه دوشوب بزم مظاهره تعلقدن مراد من ظاهر و مجالی به
تعلقدن مطلوب من الله قاهر در دیو محاسن اشیایه دخی دلبند و علاقات
ماسوی الله ایله در کنند اولور لر نتکم اشق مشرب اولور لر شانیدر
(لحرره) یوم کوزک ماسوای فانیدن * وحدته ایرکوب مثابیدن

* در یکی گفته که بگذار آن خود *

* کان قبول طبع تور د ست و بد *

* آن خود * قافیه ایچون خاک ضمه سی فقه جاننده اماله ایله تلفظ اولور
آن خود کند و نک و کند و سنک یعنی مشتهای طبع و حظ نفسک دیمکدر نتکم
آن آن آنک و آن این بونک معناسنه در * قبول * مقبول معناسنه در * رد * مردود
معناسنه اولدیغی کی * طبع * و طبیعتک معنای و فرقلری مر و رایندی
(معنای بیت) بودر که بر طومارده دخی بو مضمونی کشیده سلتک تقریر
ایلیوب دیمشکه کندی مشتهای طبع و حظ نفسک اولان اموردن کج
و آتی ترک ایله که سنک اولطبعک مقبول و مشتهای طوبیغی نسنه
فی نفس الامر مردود و بد در زیر حظ طبیعت اولان نسنه شهوتدر
و شهوت شرعا حلال اولدیغی صورتده بلکه آفتدر پس آنی ضدی
اولان عفت ایله معالجه ایتک کر کدر فتوی مرتبه سنده عفت اودر که
حرام و یا شبهه اولان نسنه دن پرهیز اید و تقوی مرتبه سنده عفت اودر که
لذا تذمبات و طبیات حلالا تندن دخی حذر ایله زیرا اکثر مباحات
و حلالات حرمان مناجاه سبیدر انکی چون ارباب سلوک ریاضتده اهتمام
واغذیه ده احتیاط ایدر لر زیرا بعض غدا ده حجاب غالبدر پس اول نسنه که
کثافت وجود باعث و احتجاب قلبه سبب اوله اگر اکثر طریقله

واکری اکثر در اندن احتراز لازم در بونده اشارت وارد که
شهوای قبول ایتک طبعک صفی تنکم عفت ایل عمل ایتک عقل قدسینک
شاید انکیچون عقل دیندی زرا طبعی شهوات و نفسی هواندن
عقل و منع و حبس ایدر و انسان عقل و شهوات مجموعنی مشتملدر اگر
عقل قدسی به تابع اولوب شهواتدن اعراض ایدر سه بجزدی حسبله
ملائکه مشرب اولور تنکم ادریس علیه السلام قوت ریاضتله عقل
محض اولوب مقام ملائکه صعود ایلدی و اگر شهواته میل ایدر سه
تعاقب سبیلله حیوانات عجم ایلله برابر بلکه انلردن کتر و بدتر اولور تنکم
قرآنده کاور (اوائک کالانعام بل هم اضل) پس بوندن انسان نه وجهله
خبر البریه و نه وجهله شر البریه در مفهوم اولدی و بونده تلویح وارد که
عقل سلیم و قلب مستقیم تعلق ایتدیکی نسنه مقبول و نیک دکلدر
زرا عقل و قلب آفاندن سلامت اولسه منکره میل ایتز و بلکه مکاشف
اولر اشباه حقله میل ایدوب تصرفلرنده حقانی اولر بله تعلقدن بری
و طعن و تشنیعدن عری اولور ل حاصل اصلاح طبع ایدن کسه نک طبعی عقله
منقلب و شهوتی عفته متبدل اولور (لحرره) دیمه بو قدر لطافت معنی
بو کثافت نماهیا کلد * صور تا خاک حقیر ایسه نوله * نه کهر لر باتور آب و کلد

* راههای مختلف آسان شدست *

* هر یکی را ملتی چون جان شدست *

* ملت * دیندر ولیکن املال و کتابت اولند یغی جهتدن تنکم بالاده
مرور ایتدی بعد ذابو بیت و بیت لاحق مقولات مولانا دندر که نفس
الامری بیان ایچون تذیل ایتشد و مقولات وزیردن اولوق دخی محتملدر تنکم
ایات لاحقده دلالت وارد و لیکن دقت و تأمل کر کدر (معنای بیت)
بودر که مختلف بولر آسان اولشد یعنی دین ایچنده بطلان ایلله موصوف
طریق مختلفه معنویه و مذاهب متفرقه شهویه وارد که سالک و ذاهبلرینه
سلوک و ذهابی آسان اولشد در اول طرفدن هر سالکه بر ملت و دین
و مذهب جان کبی اولشد که محبوب و عزیزدر یعنی کندی اخذ ایتدیکی
ملتی و سالک اولدیغی طریقتی جان کبی عزیز و محبوب طوتوب احیاسنه
سعی ایدر و آندن رجوع ایتک خاطرینه کلزیرا حق اولوق اعتقادی
اوزرینه سلوک ایتشد بلز که مجرد نفسنک هواسی و طبعنک مقتضاسی

و آنی او اطر بقیه تسلیم ایدن ضال و مضلک القاسمیدر و سهوات ساوک
و نهی اسبابی حق اولدیغنه دلالت ایتز تنکم کلسه کر کدر بوندن فهم
اولور که دنیاده ادیان مختلفه و هر دینده دخی مذاهب متعدده وارد که
انلرک اربانه اهل بدع و اهواء و اهل زیغ و ضلال دیرلر تنکم بوامت
ایچنده عموما یش ایکی فرق ضالیه و خصوص اوزرینه متصوفه دن
اون بر طائفه غایبه وارد پس دین حق اهلی کندی دیننه نیجه ارتباط
کوسر تر و نه وجهله تمسکده اهتمام و احتیاط ایدر سه دین باطل اهلی
دخی بویه در بلکه اش در تنکم قرآن ذی شانده کلور (فانهم یألمون
کما تألمون و يرجون من الله ما لایرجون) یعنی اهل شرک مؤمن آخرت
اولوق حسبله الله تعالی دن ثواب امیدنده دکل ایکنینه شهوات حرب
اوزرینه زیاده صبرلری و موطن قتالده صلابتلی و مقابله رغبتلی
وارد پس مؤمن اولر انلردن ارغب و اصبر اولوق کر کدر بونده
اشارت وارد که قوت شهویه طبعک دینی وهوی نفسنک
مذهبدر و مقتضای طبع و نفس اولان شهوات و هوائ حصولی
فی نفس الامر توفیقدن دکلر بلکه خذلاندن زرا خبرده وار د
اولشد که (ان من العصمه ان لا یجد) پس سالک امور طبعیه و نفسانیه
سهوات ایلله حاصل اولوق و اغراض دنیویه بی آسان بولوق
مکرا آلهیدن عد اولور شویه که انک عدمنی نعمت بیک کر کدر

* کر میسر کردن حق ره بدی *

* هر جهود و کبر از او که بدی *

* میسر * میسرک ضدیدر تنکم اشغه ده بری برینه مقابل ذکر اولور پس
بوراده تیسیر که بر نسنه بی سیر و آسان ایلکدر تیسیرک ضدیدر که بر نسنه بی
عسیر و دشوار ایلکدر و بر تیسیردخی وارد که نهی معناسنه در تنکم
حدیثده کلور (کل میسر لما خلق له) ای مهیله و قرآنده کلور (فسنیسره
للیسری) ای فسنهیه من یسر الفرس للرب کوب اذا اسرجها
والجمها بو صورنده تیسیر تیسیرک مقابلی اولماز تنکم ابن کالک حدیث
اربعین شرحندن مفهومدر * کبر * کاف عجمی و سکون باده و حده ایلله
محوسی و مطلقا کافر در بوراده مراد تر سادر جهود قدر بنه سیه * آکه *
آگاه دن تخفیف اولمش در خبردار معناسنه (معنای بیت) بودر که اگر

حق تعالیٰ بر طریقه سلوکی آسان و اسبابی مهیا اینک ملک کی آنک صدق و صحت یول و نشان و علامت اولاد ی هر جهود و ترسا و سائر دین باطل و مذهب فاسد اهلی حق تعالیٰ دن آگاه و خبردار اولوردی و لیکن هر چند که اسباب سوا و کوری مهیا و لوازم دینلری مسهل اوله ینه اولاری سر نکون و راه همدادن در و مقام قربدن مر دود و مجبور لر در پس بر کارک سهوات ایله حصولی حقانیت دلالت ایتز بلکه نیچه کار سهل وارد در که باطل و نیچه امر دشوار وارد در که حق قدر بوسیدندر که غنائک حصولی عند الله اکرامه و فقرک وجودی اهانت داتر دکلدر و دنیا ده مشاهد در که نیچه فجارک موت و نزعی صورنا آساندر مع هذا مؤاخذ و معذیر و نیچه اخیارک مرک و انتقالی ظاهرا دشوار در مع هذا مبشر و منعمدر بوسره مینیدر که الله تعالیٰ بعض احیانده کفار طرفندن مؤمن اولنلر اوزر ینه تشدید محنت ایدرتا که اختیار باقی قاله و امتحان یرن بوله و ارباب انحراف اصحاب استقامتدن مقیم اوله بونده بهودله نفس اوامه و نصاری ایله نفس ملهمه به اشارت وارد در ز برانفس اوامه و نفس ملهمه اهلنک حقه و صولی ناقص و سر و حدتدن خبری قلیلدر بناء علی هذا بونلره فی الحقیقه اقتدا ایتنک درست دکلدر ز برابی خبر اولادن آواز ارشاد کلز و مر یض اولان کیمه غیر بنک طبایفه قادر اولمز دیمشدر که نفس ملهمه ارباب حجابک نهایت سلو کیدر آنک فوقنده نفس مضینه و راضیه و مر ضیه وار در که اصحاب کشفک غایت سیر یدر اگر چه که سیر الی الله نهایت یوقدر نتکم مر اراتقر بر اولندی و بونده رمز وارد در که کر چه ضلال اهلنک دخی سلوکی حقه و لیکن مضل استندندر نتکم هدی اهلنک سلوکی هادی استندندر و مضل استندن هادی اسمنه تحول ایتنک مقتضای استعداد اولغه منوطدر هیچ اولر سه تحول ایله ما مور اولق دخی مقتضای عین ثابته دندر فافهم جدا (سؤال اولنور سه که مقصود اولان مطلقا حقه سلو کدر بوابسه مضل استنده دخی بولنور) جواب بودر که اسم مذکور طریق سخطدر اسم هادی رضا اولدیغی کبی پس سخط ایله رضا بر دکلدر انکی چون دارین اهلنده تباین و تفاوت وارد در شویله که اهل ناره سر هویت منکشف و وحدت ذاتیه نمایان اولدیغی صورته بله نعبم صفات ایله تعمیری یوقدر بلکه وحدانی مذهب و فردانی مشر بلردر (لحرره) نار ایچنده آب اولور

پیدا و هم آب ایچره ناره * کیمی نار ایلله اوینار کیمی آب ایچره ینار
 * در یکی گفته میسر آن بود *
 * که حیات دل غدای جان بود *
 * غدای جان * و او عاطفه تقدیر یله حیات دل اوزر ینه معطوفدر و جائزدر که تعداد طریقه اوله * خدا * جسمک نما و قوامنه سبب اولان مطعوماتدر جان ایلله مراد روح سلطا نیدر حیوانی دکل زیر اروح حیوانی غداده جسده تابعدر جسدتک غداسی ایسه ما کولات و مشروبات و روحک غداسی طاعات و عباداتدر (معنای بیت) بودر که بر طومار دده دخی ایراد ایدوب دیمش که میسر اول اولور که حیات دل و غدای جان مقوله سی میسر اوله یوخسه اسباب معاش و امور طبیعه بنک میسر اولدیغنه اعتبار یوقدر ز برابونده کافر و مسلم برابر در نتکم بوسه تانده کلور * ادیم زمین سفره عالم اوست * یرین خوان یغما چه دشمن چه دوست * و بردخی بونلر شهوات قسمندندر که جسدتقانی به تعلق ایتش و حیات زائلیه ارتباط طو تشدر بلکه اعتبار غدای جان اولان طاعات و عبادات و توجهات و اسباب حیات قلب اولان ایمان و اسلام و احسانک میسر اولماسته در و قرآنده کلور (من عمل صالحا من ذکر او انثی فلنحیینه حیوة طیبه) و بر محله دخی کلور (کلوا من رزقه) ز برابور زقیا لکن صوری اولانه منحصر دکلدر نتکم مشویده کلور * فهم نان کردن نه حکمت ای رهی * زانکه حق گفت کلوا من رزقه * و امام غزالی قدس سره (وازلنا معهم الکتاب والمیزان) آئینده مندرج اولان میرانی میران معنوی اولان معرفه الله جل ایلشدر ز برامیران ایلله بحسب الغالب ارزاق وزن اولنور ارزاقده عمده ایسه معرفه الله در که غدای روح در و کذلک معرفه الهیه هر فستنه نک میرانیدر شویله که بومعرفت اولسه صحیح و سقیم و ثقیل و خفیف بیلنر الحاصل غدای معنوی معتبر اولدی ز بر اقلب ملکوتی و جان جبروتیه متعلقدر که اکافنا کلز بوسیدندر که جنت و عرش و کرسی به زوال عارض اولمز ز بر وجود انسانده قوای روحانیه و صدور و قلبک صورتلر یدر پس روحه ولوا حقه بر موطنده اصلا فطاری اولدیغی کبی صورته دخی طاری اولماز و بر فستنه که جاودان اولدی فانی اولادن اولی در انکی چون دیمشدر که آخرت حذفن و دنیا جو هر دن اولسه ینه آخرتی اختیار ایتنک کر کدر که دنیا فانی و آخرت باقیدر فکیف که دنیا حذف و آخرت جوهر مقوله سیدر

وامور دنیویه واسباب معاشه اعتبار اولدیغندن محجیه نه کاور * نه بک
نه ایچمک نه کلمک عزیز * قوسی چون آخر اولد سر هبا * واکن اهل حجاب
اراسنده عزیز در انکیچون صیامی استتقال واسباب عیش وعشرت
وطرب ونشاطک حصواندن حظ ایدرل ومقتضای طبع ونفسده منع
وحر اولدیغندن ممنون ومسرور اولورل بوسیدن اوقات نفیسه بی
اکل وشرب وهای وهوبله کچورلر وقلب وروح زهر هلاک ایچورلر
زیرانفس وطبیعت قوت بولد قجه قلب وروح ضعف قبول ایدرل وانلر عزیز
وزنده اولد قجه بونلر ذلیل ومرده اولورل الحاصل بدل مایخیالک امدادی
بقای جسمه سبب وانقطاعی فنا وهلاک کنه باعث اولدیغی کبی طاعات
واذکارک دوامی دخی حیات قلب وروح وسایله وانفصالی مما تلبسه
بهانه در زیر ظاهر بدن عالم شهادتدن وقلب وروح عالم ملکوتدندر
ومعارف قلب وروحدن جوارح واعضایه آثار منحدر اولدیغی کبی
احوال خارجیه دن دخی قلب وروح آثار مرتفع اولور انکیچون حق تعالی
فرائض ایله امر ایتمشد در تاکه عالم غیب وشهادت بری بریله منتفع
ومرتبط اوله وبوندن فسق وفجور له نفس وطبیعتک حالی دخی ظاهر
اولدی پس شهوات ایله طبیعت امداد ایتمک خطای محض وهوائله
نفسه اعانت ایلمک افساد فی الارض در وقر آند کاور (ولاتفسدوا
فی الارض بعد اصلاحها) زیرا بونده فطرت اصلیه ایله وجودک صلاحته
ویا خود ظلم نفسله افساد وبعده توبه ایله اصلاحته اشارت وارد نسال
الله توبه نصوحا (لحرره) صفتی توبه نک اولر سه نصوح * اولسون ای دل
اوتوبه توبه * توبه مرآت دله صیقلدر * طو تسه رخسارنی رنگ حوبه

* هر چه ذوق طبع باشد چون گذشت *

* بر ندارد همچو شوره ربع وکشت *

* بر * نصیب وحاصل ومبوه * ربع * قحله ویا مشنات ایله نماوز یاد * کا
فی الصحاح یقال راع ربع نماوزاد کا فی القاموس وارپه و بغدادی
وعند البعض مطلقا غله ارض معنایه کا فی الاختری * کشت * اصلنده
کاف عربینک کسر یله اکن معنایه در کشت زارا کنلکدر بوراده وز نیچون
قحله اوقنور ویا خود گذشت ده ذلک قحله سی کسره جانبته اماله اولنور
والله اعلم بعد ذاک کشتی ربع اوزینه عطف عام خاص اوزینه عطف

قیلندندر تعمیم ایچون مکر ربع مطلقا غله محمول اوله تنکم بعضیلر
ذاهب اولمشلردر (معنای بیت) بودر که هر نسنه که ذوق طبع وشهوت
نفسانیه اوله چونکه کچه وانندن آرزو برن بوله حاصل کتور من چورق
یر محصول وغله کتور مدیکی کبی بونده ذوق طبع اولان مشتهیات
شوره زاره تشبیه ایلدی زیرا ایکسینکده ثمره نافع و نتیجه مفیده سی
بوقدر پس شوره زاره کشت زار اطلاق ایتمک نیچه ایسه مشتهیات
طبعه دخی ذوق ذیمک بویله در زیر ذوق اودر که اسبابک زوالیه زائل
اولیه بلکه داد باقی قاله ارباب مکاشفه فتنک وجداتی کبی مطعومات
ومشروب باتک لذتی وآواز ساز و نعمات رخیمک حلاوتی ایسه بویله
دکدر بلکه فایدر انکیچون اهل الله قاتنده اسباب وعدمی مساویدر
مثلا نیچه ریاضت کشلر واردر که غدا نک فقدانی انلر لذت وجدانی
منافی دکدر تنکم فخر عالم صلی الله علیه وسلم اشارت ایدوب بیورر
(ایت عندر بی طعمی و یسقینی) ونیچه لر دخی بوقدر بعد مسافه وار ایکن
آواز افلاک وحرکات علویات استماع ایدرلر شویله که مجالس دهرده
اولدیغی کبی سار استماعنه حاجت لری اولماز ورنسنه بی مقامات موسیقیه
ایله استماع ایتمکله ساده کوش طوتمق یانلرنده یکساندر زیر قوت
توحید ایله قلبلرنده ذوق کلیری واردر شویله که ابدی انلردن مفارقت
ایتمز بوسیدن ارباب طرق اراسنده اسبابله حاصل اولان ذوق معتبر
دکدر مکرمت دیرلر نفوس را کده لرینی تحریرک ویا مغلوب الحال اولنلرک
شدت انزعاجی تسکین ایچون اوله تنکم (کلینی یا حیرا) ده بوه مشایه
دلالت واردر * قال الشیخ الاکبر والمسلم الاذفر والکبریت الاحمر
قدس سره الاطهر فی کتابه سجون المسجون اذا کان الذکر بنعمه لذیذ
فله فی النفس اثرکما للصورة الحسنه فی النظر (لحرره) بزم عشاقده
اصوات حزین * ساز اهل طربه اولدی بدل * مسئله ذوق دله دأردر *
ایتم زاهدله بومعاده جدل * بونده اشارت واردر که شوره زاره تنخم
افشا اولان برزکرک مال کاری ندامت وتحسر اولدیغی کبی مشتهیات
صرف مقدور و بذل مجهود ایدن اهل طبیعتک نهایت حالی دخی واولا
ویا حسرتادر زیر مشتهیاتک ذواتی کرچه اکل وشربله فنا بولور ولیکن
معصیت اولدیغی صورته صور قیحه سی باقی قالور تنکم بالاده اشارت

اولنشد (لحیره) نه بلاد که کچه موسمی کل * قاله کل آردینه خار و خاشاک *
صانه شربت صور بوجام فلك * شربتی زهر در اوله بوکاشاک
* جز پشیمان نباشد ریع او *
* جز خسارت پیش نارد بیع او *
* پشیمان * نادم معنایست در و ندم واقع اولان کار اوزرینه غم دانه دیرل
عدم وقوعی غنی ایله به آخرنده بیا مصدریه در * خسارت * زیاندر یعنی رأس
مالک انتقاد در مال و جاه کبیرده استعمالی اکثر در اگر چه که صحت و سلامت
وعقل و ایمان و ثوابك فقدان کوره دخی مستعملدر دیشلدر که قرآنده
مذکور اولان خسراتك انواعی خسرات معنویه به محمولدر * بیع * ثمنی اعطا
و ثمنی اخذدر شرا ایسه بونک عکسیدر و بیعه شری و شرایه بیع دخی
اطلاق اولنور ثمنه ثمن و ثمنه * عن معنای تصور و ملاحظه ایله و گاه
اولور که اکتفا طریقیله یا لکن بیع ذکر اولور نتکم قرآنده کلور (لا تلهیهم
تجارة ولا بیع عن ذکر الله) (معنای بیت) بودر که شوره زارک اکنی و حاصلی
پشیمانلق دن غیره نسنه اولماز یعنی اوراده محصول یرینه پشیمانلق
بتر زیر غایتی پشیمانلقدر نتکم دیرل (من بزرع شوکا یحصده ندما)
و آنک بیع و شرایه آنک حضورینه خسارت وزیانندن غیره نسنه
کنور من یعنی بیع و شرادن فائده و سود برینه خسارت وزیان اله کنورر
بونده ذوق طبع اهلنک حالنی بیع و شراده خسارت اهلنک حالنه تشبیه
ایلدی زیرا ایکی صورته دخی زیان واردر اگر چه بری صوری و بری
معنویدر نتکم قرآنده کلور (ذلك هو الخسران المبين) و بر محله دخی
کلور (خسر الدنيا والآخرة) بونده اشارت واردر که کشت زارده اولان
حبوب نما و زیاده لك قبول ایتدیکی کبی نادمک ندامتی دخی افزون
اولقده در ز را کتدیکه شداند آخرت تفاوت اوزره در و پیش
لقظندن تراش اولنور که خسارت خاسرک یاننده حاضر و موجوددر
اگر چه که بحسب الظاهر مفقوددر زیرا غایه الامر خسارتدر و بعض
مستقبل دخی حال حکمنده در و بر نسنه نك سسینه اتصال کنندینه
اتصال کبیدر و صورت و معنی ایله تفاوت اهل حجاب کوره در و الامکاشفه
اهلی معانی و اعراضی کنندینه مناسب اولان صورت و جوهرده کورر
واحدهک نظمده کلور * واعظ بزی قورقتمه جهنمه اود اولمز * نیاغه

اودین هر کشی بوندن ایلنور * پس کویا آتش و اسبابی دنیاده مستحیدر
و بونده رمز واردر که ذوق طبع اهلی اولان کیمسه بیع و شرایی عکس
ایتمکله زیانه دوشیدی فاما اگر (ان الله اشترى من المؤمنین انفسهم
واموالهم) و فقیحه نفس و مالی بذل و طبع ایتدی حب ماسوادن
خلاص اولوب تجارت رایحه ایدردی زیرا بذل مال مقابله سنده جنت
صوریه و بذل نفس و طبیعت بدانه جنت معنویه بولوب ایکی نفعیم ایله
منهم و ایکی سعادتله مستعد اولور دی جنت صوریه آجمله در که
دار آخرته در و جنت معنویه عاجله در که دنیاده در اگر چه که آنک نفعیمی
دنیاده و آخرته باقیدر و دنیاده جنت صوریه اولغ، دخی امکان واردر
ولیکن نظر دقیقده ظاهر و کشف صحیح ایله باهر اولور نتکم محمیده
کلور * ع * مکرین جنت ایچنده کزرون کیم بو عالمده * بو معنای نظیری
چو قدر مثلاً دم شهید که آخرته مسک رایحه سیله ظاهر اولسه
کر کدر مکشف اولانه کوره حالا رایحه مسکه مشمومدر
و علی هذا الحاصل چونکه جنت صوریه نك حکمی دنیاده اربانه
ظاهر اولدی پس دنیا انلره کوره جنت اولقندن خالی اولدی
کرک سن اکا قائل اول و کرک اوله (لحیره) * چشم ظاهر
ایلز ادراک باطن حالنی * چشم باطن بیندن صور باطنک احوالی *
پرتوشمی نیچه ادراک اید اعمی اولان * یانه وجهیهله کوره
ماهک یوزنده حالنی * اللهم یسر لنا هذه الحالة

* آن میسر نبود اندر عاقبت *

* نام او باشد معسر عاقبت *

میسر و معسر و عاقبت لفظلر نك معنای سبقت ایتشدر (معنای بیت)
بودر که اول ذوق طبع و مشتتهای نفسانی که سهولت ایله دست داده
اولشدر حالا کر چه آنک نامی میسر در ولیکن عاقبتده معسر اولور
زیرا عذاب جسمانی و روحانیسی ظهور ایدوب معذب اولان کیمسه ظاهرا
و باطنا عسرت بولور نتکم بوفقیهك بعض کلماتده کلور (اذا مضغت
حلوة فترقب قرحة واذا اصبحت لذة فقد استزلت نزله) و بر کیمسه
انبارنده مجتمع اولان محصولات شوره زاره تفریق ایله عمل یوزندن
قابلا زحمت چکدیکی کبی زیان جهنندن قلبا دخی غم و عسرت دوشن

مع هذا ضياع محصولك بدنه دخی ضرری وارد در که جوعله هلاك
وجود در زبرا وجودك بقاسی غداالله در و دیشلدر که ضررك عاقبتی
ثواب اولسه فی الحقیقه ضرر اولماز ونفعك غایتی عذاب اولسه فی الحقیقه
نفع اولماز و حزن و سرور دخی ضرر و نفعدن معدود و محسوب در مثلا
حزن فراق یعقوب علیه السلام که سرور وصال یوسف علیه السلامه
متصل اولدی حکما سرور دینلدی و فرح اهل دنیا که بالاخره ترجمه
انقلاب بولدی فرخی عین ترخ اولدیغی بلندی و گاه اولور که اولادك
ولادتلرنده طرب کوسستروب سور ایدر لر بعد زمان وفاتلرنده ماتمه
دوشر لر و بونده نفس و طبیعت فی الحقیقه عین عسرت اولدقلرینه
دلالت وارد در زیرا غایتلری عسرتدر که یاعسرت حجاب و یاعسرت
عذابدر بوسیدن ارباب طبیعت اشتغال ریاضت و اصحاب نفوس را که
مواظبت مجاهده ایدر لر تا که عسرتدن خلاص اولوب عسرت ایله
مستسعد اولار و قرآنده کلور (یریدالله بکم البسر ولا یرید بکم العسر)
و بونده اشارت وارد در که اسم مسمانك عینیدر انکیچون آنک نامی
معسر اولور دیدی مسمانی معناسنه والا برنسنهك اسمی معسر اولمقدن
مسمانی دخی معسر اولق لازم کلز مثلا شجیعہ جبان دیسه لر چه ضرر
و جبان دخی شجیع اوقوسه لر جه سود و اهل حقیقت قاتنده اسمدن
مراد تعین ذاتدر زیرا ذاتك تعینی اولمقدجه اسم وضع اولنمز نتکم
محمدیه ده کلور * چون اوغلان طوغدی و یردم بر کوزل آد *
و بونده رمز وارد در که مسمانك صفاتی اختلافیله اسمادخی مختلف اولور
مثلا برکیمهك صوتنده حلاوت اولسه شکر و الحان متنوعه سنه کوره
بلبل دیر لر اوصاف متبدل اولسه اسمادخی متحول اولور نتکم لطیفه
ایسوب محبوب حقنده دیشلدر * شمدی چشم سپاهدر لقبك * صقالك
ایریجك فرا کوز اولور * ونیجه صلاح صورتنده اولنلرك فسقلری
ظهور ایتکه بدنام اولشلدر (محرره) * اینسه پرواز او صوت فاخر *
زاغ اولور نامی بلبلك آخر *

* تو میسر از معسر باز دان *

* عاقبت بنکر جمال این و آن *

* باز دان * فرق و تمیز ایله دیکدر این معسره آن میسره اشارتدر

(معنای یت) بودر که سن میسری معسردن فرق و تمیز ایله نظر قبل
معسر ك حالته و میسر ك جالنی کور که قنغیسی خوب و محبوبدر یعنی میسر
فی الحقیقه اودر که صورت حسنه ایله تصور و تمثیل ایده و غایتی کوزل کله
و میسر دخی فی الحقیقه اودر که تشکل قبیح ایله شکل ایله و عاقبتی
زشت اوله یو خسه اولی میسر و آخری معسر اولان میسر دکل
و ابتداسی معسر و انتهایسی میسر اولان معسر دکلدر پس میسر
و معسر ك هر بری صوکنده صور تندن بلاودر بوندن فهم اولور که
هر نسته نك حالته کوره صورت معنوییه سی وار در که آخرنده صورت
حسیه ایله تمثیل اینسه کر کدر اگر خوب و اگر زشت نتکم قرآنده کلور
(فینبشکم بما کنتم تعملون) زیرا بو تنبشه دن مراد صور اعمالی اظہاردر
نتکم تفسیر ارشاده ابو السعود ذاهب اولمشدر و بوندن اخذ اولور که
آخرت دنیادن خوب و قلب و روح نفس و طبیعتدن محبوبدر و اهل
ریاضت و پرهیز اولنلر اهل اکل و شربدن عزیزان جوانان جوینه اطعمه
نفیسه دن لذتدر و بونده رمز وارد در که الله تعالی کیشنك ظاهرینه
نظر ایتن نتکم حدیثده کلور (ان الله لا ینظر الی صورکم و امواکم
بل الی قلوبکم و اعمالکم) یعنی اکسر سزك قلوب صادقہ و اعمال
صالحه کز و اریسه مطلقا مقبول اولور سکز کز صور حسنه و اموال
فاخره کز اولسون و کز اولسون والا مطلقا مر دود اولور سکز و اشارت
وارد در که بو معنی حالا ارباب بصیرته نما یاندر زیرا معانی و اعراض
مقوله سی دائما انلره تجسد ایدر و صور جواهرده کورینور نتکم بالاده
اشارت اولندی و قرآنده کلور (انما یا کلون فی بطونهم نار) فاعرف جدا
(محرره) * کشفله ظاهر اولور صورت حال * نه بیلور امر باطنی
محبوب * نظر ایله جهانده اعمالیه * که برابر در اکا زشته خوب *

* در یکی گفته که استیاذی طلب *

* عاقبت یتیمی نیایی در حسب *

* استاذ * ذال معجه ایله معلم و حائق و ماهر معناسنه در تفصیلی مرور
ایتمشدر * طلب * امر حاضر در ظاهر اولان بودر که اصلنده طلبدر ۹ زیرا
امر حاضر مستقبلدن مأخوذ در آخرنده دالی حذف ایله و جائز در که
اصلنده طلب بکن اوله نهی ایچون اولان مطلب دخی بوقیاس اولته

۹ حقیقتی بودر که طلب
اصلنده طلبیدن در
مصدر در که معنایی
استمکدر آخرنده یاه
حذف و اولته باز یاده
قلوب بطلب دیندی
زیرا امر با ایله مستعملدر
صکره ضرورت حسبیله
بادخی حذف اولتوب
طلب دینلدی پس
طلبیدن عربیله فارسیدن
مر کبدر طرازدن کی
طراز عربیدر دیه نه
کوره فاعرف ۱۰

* عاقبت بینی * آخرنده یاء مصدریه اواق ظاهر در یعنی عاقبت کور مملکت
و بر کارک غایت و نتیجه سنه مطالع اوراق * حسب * سینک فتحه سیله
محسوب معناسنه در یعنی مفاخر آباء واجداددن محسوب و محدود
اولان نسبه پس نسب دخی اصلده حسبنددر مثلاً هاشمی اوراق
مفاخردن محدود و بر کمال ابله امتیاز بولمق ماکردن محسوبدر و لکن
فلان کیمسه حسب و نسب اهلیدر دیدکاری یرده حسبندن مراد نسبندن
غیری وجهله اولان مفاخردر زیراعام خاص مقابله سنده ذکر اولسنه عامدن
مراد اول خاصک ماعداسیدر (تنزل الملائكة والروح) نظم کریمده
ملائکه دن مراد روحک ماعداسی اولدینگی کی و بوندن غیری دخی
کلام فروق نام نگارنده در (معنای بیت) بودر که بر طومارده دخی
منقار قلم دن چکیده و سلاک و صبت کشیده قیاب و دیش که ای طالب
وصول مطاب کنندک ایچون استاذ طالب ابله تاکه سکا علوم
لازمه بی تعلیم و حقیقه الحالی تفهیم ایلسون و طریق حقه ضار و نافعی
سویلسون زیرا حسب و نسب ایچنده عاقبت بینک بولز سن یعنی بر کیمسه
حسب و نسب اهلی اواق ابله عاقبت بین اواق لازم کلز انکیچون نیچه لر
بو پرده ابله محبوب او اوب مراده و صولدن محروم اولمشلر و مفاخر
ظاهره لرینه مغرور او اوب مآثر باطنه طرفه حرکتدن قالمشلردر
پس حسب اعتبار ایچوب * ع * بر ادیب کاملی کور دکده طفل مکتب
اول * خواسی اوزره استاذ حاذق و مرشد کامل تحصیل ایدوب
اکا سرفروایتک کر کدر تاکه آنک بوزندن جلال عاقبت مطمع اولوب
فعلا و ترکا بصیرت اوزرینه حرکت ابله دیشلردر که عرب ایچنده
دعوی جاهلیت ایدوب افتخار طریقله یا آل فلان دیرلر و یا خود
استغائه وقتنده یا فلان دبوسویلرلردی پس بومقوله کلماتی و انتسابی
مشعر اولان الفاظی ذم و دعوی جاهلیت ایدنلری اندن نهی ایچون
حدیثده وارد اولدیکه (من تعزى بعزاء الجاهلية فاعضوه بهن ابيه
ولا تکنوا) و بعض روا یانده کلور که (اذا رايتم الرجل يتعزى بعزى
الجاهلية فاعضوه بهن ابيه ولا تکنوا) یعنی من انتسب الانتساب
الجاهلی فقولوا له اعضض علی ذکر ابيک اویر ابيک ولا تکنوا
عن الذکر و الایر بالهن ولا تقولوا له علی هن ابيک بل صرحوا به تنکیلا له

زوجرا عما اتی به کما قال فی المغرب وهذا امر تأدیب و مبالغه فی الزجر
عن دعوی الجاهلیة و بعض لطائف کلامده کلور * مجلس اهل
معرفت اولسه * هرکشی یری تدبر ایدر * سفهاتک کیمی انکیچون *
* چاپی بن دبوتفخر ایدر * لیک مجلسده اولسه بحث علوم *
* نه بلا در دبوتصور ایدر * کندویه ناکهان خطاب اولسه * بلی پس برله
مجلسی پر ایدر * چاپی سنده سوبله کیسه لر * باشلر انسابی تذکر ایدر *
* سوبلدر اولسک ایچدی بلز * اب و جک ابله تفخر ایدر * من تعزى
حدیثی بلز * نه تصور نه خود تفکر ایدر * و ابن کمال رحمه الله بعض
معارفنده کلور * چاپی لکده یلک مدخلی بوقدر نسبک * علمه متصف
اولان کشی او اور چاپی * بونده اشارت واردر که صنایع و حرفه
استاذ ظاهر اولدینگی کی علوم و معارف حقیقه ده دخی استاذ باطن
لابددر تاکه آنک ارشادی بوزندن عاقبت مطمع اولان قرب حق
و وصول سر مطابق حصوله کله نتکم ناظم قدس سره حضرت
صدیق رضی الله عنه اولادندن و علوم رسمیه و قوانین کلیه و جزئیده
بوقدر مهارتی وار ایکن ینه شمس تبریزی رحمه الله صحبتده دخول
ایلیوب ارشادینه سرفروایتدی و بوندن فهم اولنور که دولت وصول
الی الله ابله مستعد اولبان کیمسه علوم کسبه دن نقدر سیر اولسه ینه
محتاج و فقیر و عاقبت بینلکدن محبوب و ضریر در پس اومقوله
اقتدا ایتک صحیح دکلدر زیرا مختلدر که کعبه دیر کن ترکستانه
ایصال ایده و بونده قلب و روحه دخی اشارت واردر زیرا قلب و روح
علوم او اغله حسب صاحب لیدر نتکم نفس و طبیعت سنلی اولمغله
رتبه دن دور و ساحه احتشامدن مهجور لر در و لکن قلب و روحک
مجرد عالم ملکوتدن اولدقلری عظم شان و علو مکانلرینی مستلزم دکلدر
بلکه عالم ملکدن اولان جسده مقارنت و تعلق ایتکله خساست و دنات
قبول ایتشلردر پس تنزلی ترقی یره تبدیل و شرف عارضی بی شرف
ذاتی یره تحویل ایچون مرشد کاملک ارشادنه محتاجلردر زیرا بوارشاده
ملکات زانده ابله متصف اولدقلری حالده وطن اصلیلرینه رجوع واردر
عالم ملکه تنزلدن ایسه مقصود بومعدار نتکم قرآنده کلور (قلنا اهبطوا
منها جميعا فاما یأینکم منی هدی فن تبع هداى فلا خوف علیهم ولا هم

بحزنون) بو مقامدن اخذ او انور که مجرد شرف عارضی به اعتبار بو قدر بلکه شرف عارضی نک تبر او لدیغی شرف ذاتی به انضمام ایله در و اطائف ابن کالده کلور * صورته باقر نظر اهلی او لئلر غم دکل * دلبر سیمین بدن بولمز سه زرین جامه * نه مذهب جلد و رغبت وارنه زرین اوحیه * نظم فردوسی در رمی غوب ایدن شهنامه * بوندن ظاهر او لور که برکسه نک کمال معرفتی ککننده حسب اولق جهتدن کافیدر (لحرره) * صابنر باب معرفت اصلا * صفر کبی حسابیه احسابی * نسک نفی بو قدر عقیده * اوقور آده فلا نسابی *

* عاقبت دیدند هر کون ملتی *

* لاجرم کشتند اسیر زاتی *

* عاقبت * بالاده شرح اولمشدر بوراده فعل مؤخرک مفعولیدر * هر کون ملت * هر نوع ملتدر که ملل کفر و زیغ و ضلالتک جمله سنه شاملدر * لاجرم * حقاً منزله سنه در که تحقیق و تأکید ایچون مستعمل کلمه مرکبه در فرادن منقولدر که لاجرم اصلنده لابد و لاحاله معناسنه در صکره کثرت استعمال ایله معنای قسمه تحول ایدوب حقاً معناسنه مأخوذدر انکیچون لامله محاب اولوب لاجرم لافملن دبر لر باقی تفصیل سوره هو دده (لاجرم انهم فی الاخرة هم الاخسرون) آیتی تفسیرنده میندر * زلت * زاء معجمه نک فحیله خطا معنا سنه در یعنی من غیر قصد صوابدن زوال وانحرافدر زله انبیا دیدکری افضلدن فاضله تنزل ایله زال واقع اولدیغیچون در قاما فی الحقیقه انبیا معصوم و اولیا محفو ظلدر فاعرف جدا بعد ذایت لاحق دلالت ایدر که بوییت مقولات و زیردن دکلدر بلکه مولانا قدس سره دن بطریق التهکم صادر و واقع الحالی بیاندر غفلت اولمبه (معنای بیت) بودر که ملل مختلفه دن هر کوته ملت و ارباب بدع واهوادن هر نوع اهل ضلالت عاقبتی کوردیلر و سرانجام کاره مطلع اولوب کنهنه ابر دیلر لاجرم اسیر زلت و خطا اولوب ضلالت و غوایته دوشدیلر یعنی اکرا لئلر عاقبت بین اولسه لردی طریق و مذهب لرینک سوء عاقبتنه مطلع او اوب رجوع ایدر لردی و لکن استاذ حاذق و مرشد کامله عدم مقارنه تندن ناشی تبه ضلالت تابه و مخیر قالدیلر و حقه انابتله طریق صوابه مهتدی اولمدیلر و قرآنده کلور

(صم بکم عی فهم لایرجعون) و صائب نظمنده واقعدر * واقف نمی شوند که کم کرده اند راه * تار هر وان براهمنای نمی رسند * بونده عقل قاصر ایله نظر و استدلال طریقته سلوک ایدوب قرآنی تاویل و تصدی ایدن یتش ایکی فرقه ضاله نک حالی بیان و سلوک غیر صحیح ایله راه حقندن عدول ایدوب زیغ و ضلاله دوشن اون عدد طائفه متصوفه هالکه نک عاقبت امر لن عیان وارددر محکیدر که خول متکلمیندن محمد شهرستانی که کتاب الملل و النحل صاحبدر آخر عمرنده امرنده عاجز و ادله سنه مخیر اولوب مذهب عجمانه رجوع ایدوب (علیکم بدین الجواز فانه من اسنی الجواز) دیردی و بو نظم عجیبی دائم انشاد ایدوب سویلردی * لقد طفت فی تلك المعاهد كلها * وصبرت طرفی بین تلك المعالم * فلم ار الا واضعا کف حایر * علی ذقن او قار عا سن نادم * و فاضل مزبورک غایت مقالات و نهایت کلماتی بو اولدیغنه وجه بودر که عبد دینی محمد علیه السلام نه تنزیه و نه تشبیه ده نظر عقلدن بر نسته ادخال ایتیه بلیکه ذات و صفات حقده وارد او لان آیاته علی بابها ایمان کتوره و علمنی حقه تفویض و احاله ایلیه اشته طریق سلامت و دین صحیح بودر که صحابه و سلف صالح آنک اوزرینه ثابتلر و راسخ فی العلم اولئلر آخر امر لرنده اول وجهله معتدل و متحققلر در پس بر کیمسه کندی نظر و اجتهادی اوزرینه مصر اولسه و عقل و رأینه اعتماد ایلسه اول کیمسه رسول الله علیه السلامک جانب حقندن کتور دو کی امر دینده مطلقاً متبع دکلدر اشته طالب سلامت او لئلر و صیتم بودر زیرا مراد حق قطع ایتک عسیردر انکیچون عقلا ادله ده اختلاف ایتشلدر شویله که معتزلی اشعریه مخالفدر و بالعکس و بونلر حکماء ایله متضادلر در و بالعکس و هر طائفه آخری نجھیل و تضایل و تکفیر ایدر پس معلوم اولدیکه معنای مذکورک سببی نظرده اختلاف و دلیل صحیح اوزرینه عدم عشوردر انبیا علیهم السلام دن ایکی کسه قطعاً اختلاف ایتمشلدر و بلکه جمله سی خلقی حقه باب واحد اوزرینه دعوت ایتشلدر یعنی اصول شرایعده متخدلر و فروعه ده مختلفلدر در فروعه ده اختلاف ایسه مضر دکلدر بلکه مضر اولان اصولده اختلافلدر زرا بو صورته دعوت صحیح اولمق لازم کلور دی اول سببندنکه برینک دعوت ایتدبکی

آله آخرك دعوت ايتديكي آلهك غیری اولوردی قرآنده ایسه کلور
(واللهكم آله واحد) وبو خطاب آدم علیه السلامدن قیامتهدك كلن
طوائفك جمله سنه شاملدر انتهى ترجمه كلامه بالاجال وبعض كبار
بیور مشلدر که کتاب وسنده وارد اولان آیات صفاتی قبول ایتده
عقولك توفی ضعفندن وعدم ذوقندن **ا**کر ذوق انبیا وایمان
اولیاکی ذوق وایمانلری اولایدی اول اوصافی حقه نسبت ایتکده
توقف ایتزلر وعقل قاصر لرله تأویل یولنه کتمزلدی ولکن نتیجه
عدم وقوفلرندن زیغ اهلی اولدیلر وعاقبتهم عدم عثور لرندن تأویل لرله
خطا اوزرینه مصر اولوب قالدیلر وحالرنجه بلالرین بولدیلر وبونده
هر کون ملت نفس وطبیعت وقوای شریره اشارتدر زیر بونلر قلب
وروح وقوای خیره نك ارشادینه تابع اولما یوب هر بری خطا اوزرینه
قالدیلر نفسك خطاسی هوا وطبیعتك زله سی شهوات ماسوادر
وبونلر مظاهر قهرك تأیدیه محو العاقبه اولدیلر زیر عاقبت بین اولیانه
تابع اولان غائله دن خلاص اولمز نتکم وزیر مزبور استاذاق ادعاسنه
دوشوب زعیمجه خلقه ارشاد صورتن کوستردی وبویوله سلوک
ایدیکز غایتی حمیده در دیدی پس جله سی اهل مکر اولوب نار فرقت
وحرقتده متعذب ومحترق اولدیلر وقرآن **ک**ر بده کلور (فکان
عاقبتهم انهما فی النار خالدین فیها) * ع * کر هه تابع اولان
کر هدر * اللهم احسن عاقبتنا فی الامور

* عاقبت دیدن نباشد دست باف *

* ورنه کی بودی ز دینهها اختلاف *

* دست باف * وصف ترکیبدر باف یافتن دندر طوقیق مناسبه نتکم
دیبا باف دیرلر دیبا طوقیقی به وبوریا باف دیرلر حصیر طوقیقی به ولکن
دیبا باف وامثالنده اولان باف لفظی اصلنده بافنده در اسم فاعل اولمق
اوزره که بافد کلمه سندن مشتقدر دست بافده اولان باف ایسه اصلنده
بافنده در اسم مفعول اولمق اوزره که بافت لفظندن مشتقدر زیر اسم
فاعل مضارع دن واسم مفعول ماضیدن مأخوذدر نتکم محلینده میندر
پس ماضینك آخرینه هاء غیر ملفوظه الحاق اولنسه اسم مفعول اولور
نتکم هاء مذکوره مضارع آخرینه الحاق اولنوب حرف اصلی

نون ساکنه دخی زباده قلنسه اسم فاعل اولور پس دست بافك اصلی دست
بافته اولورال طوقیقی مناسبه که عرفا کسب یدمراد اولنور * ورنه *
واکر نه دن مخففدر بوخسه مناسبه والاکی * ز دینهها * مضاف مخذوفدر زاهل
دینهها دیمکدر تا که حرف جرک فعل اختلافه تعلقی درست اوله
(معنای بیت) بودر که عاقبت کورمکک کسب ید اولماز یعنی کسب وسعی
و عمل ایله عاقبت بین اولمق ممکن دکلدروالافان اهل دین اولنلر دن اختلاف
اولور وبری برلرینه مخالفت وجوده کلور دی زیر اهر بری نظر واستدلال
بوزندن مطالبی کسب ایتش لر وعاقبت الامر وصول ایچون چب
وراست فکره کتمشدر پس بومعنی کسب یدله حاصل اولمز بلکه علم ضروری
ویاکشف صحیح ایله دست داده اولور بوسه پیدندر که علما بالله ارالنده
اختلاف یوقدر حتی وارد اولان فیض والهامك الفاظ وعبارتنده بله
موافقت اوتحداد واردر علماء رسوم ارالنده بعض معاینده توارد خاطر
اولدیغی کی واول اختلاف که بعض ارباب سلوک ارالنده واقعدر کشف
صحیح اولدیغندندر شیخ اکبر قدس سره وبعض کباره مخالفت ایدنلرک
مخالفتی کی پس مخالفت قاصر لر جائزه ناظر در الحاصل کسب موصل
عاقبت ومنج مطالب اولماغله اهل کسب ارالنده اختلاف واقع
اولمشدر بوجهتندندر که معتزلی وامثالی اهل سننه مخالفت ایتشدر در مثلاً
معتزلی انکار رؤیت ایدر اهل سنت قائل اولدیغی کی رؤیته قائل اولماز
بلکه عقل قاصر بله نظر واستدلال وتأویل ایدوب آیات رؤیتی ظاهرندن
صرف ایدر لاجرم رؤیت مظله لوبدن محجوب اولور زیر انك ذاهب
اولدیغی نسنه علم صحیح اهلنك مسلکندن خارجدر اکرانده عاقبت بینلک
اولایدی اعتقادده اهل سننه موافقت ایدروانلرک ذاهب اولدیغی رؤیته
ذاهب اولوب بووجهله میاندن خلاف مرتفع اولوردی سارملل
مختلفه نك دخی دین اسلامه مخالفتی بوکافیاس اولنه (لحرره) مرغی
پرکیدرتیر نظر * ایرمیوب منزله قالور بولده * کشفله سالک اولوب
حقه ایریش * قاله عفاك ایله صاغ وصولده *

* در یکی گفته که استاهم توی *

* زانکه استاراشناساهم توی *

* استا * استاذ لفظندن تخفیف اولمشدر ولکن مصراع ثانیده اولان

استادیهامدن خالی دگلدر زیرا استاضله تفسیر صحف ابراهیم علیه السلامدر جمیع ملل مختلفه ایسه حضرت ابرهیمه قائل و صحفنی معتقد وقاری در شناسا* صفت مشبه در دانا کی باجی و اکلا یجی معناسنه (معنای بیت) بودر که بر طومارده دخی نکاشته قلم قلمش و بووجهله نصیحت ایلش که استاذهم سنسن اول سیدنکه استاذی اکلا یجی و فرقی ایدیجی سن واستاذی فرق ایتک دخی استاذ لقدندر زیرا مبتدیه اول بصیرت یوقدر که مبتدی ایله منتهی میانن تشخیص وتمیز ایلله و بونک نظیری بودر که دیرل* اره ایشلردخی اردر* واطائف فضولیده کلور* کمال حسن مشرب عاری اولمقدر تعرضدن* ریا اهلینسه هم چوق اعتراض ایتک ریادندر* الحاصل استاذ فرق ایدن و صحف ابراهیم وانجیل عیسی علیهما السلامی اوقیان خار جدن استاذ تحصیلنه محتاج دگلدر بلکه کندوسی استاذ و تربیه اهلیدر نتمک حضرت موسی علیه السلام ظهور ایتد کده سقراط حکیم دیشدر (نحن قوم مهذبون لاحاجة بناالی تهذيب غیرنا) ولکن بومعنی غلطدر والاجمیع حکماء ریاضیه طریق حق اوزرینه اولق لازم کلور حقیقی بودر که استاده متابعت ایلله مأمور اولان کسه البته بی متابعت سر منزل مراده واصل اولمز کرک ذاتنده ریاضت و بعض کالانی اولسون و کرک اولسون مکر که اویسی مشرب اولوب من عندالله بلا واسطه اخذ فیضه قادر اوله بوضورنده متابعت استاذه محتاج اولمز ولکن بویله ایکن ینسه شرایع انبیادن برینه موافقت وانکله عمل کرکد راویس القرنی کی که شریعت مصطفی علیه السلامه تابع ایدی پس حقیقته نظر اولنسه ینه بی استاذ و رهبر سلوک امکان یوقدر ولکن صحبت جسمانیه و یارو حانیه اولماق حسبیه اویسی دینلور راویسک ایسه رسول الله ایلله کرچه یا جسمانی و یارو حانی صحبتی واندن بویکی طریقک برله اخذ ایتکلیکی یوقدر ولکن آنک هداسنه تابعدر پس حقندن اخذی ینه آنک توسطیلله در اولاهل نخلت کی اولور یعنی ملت اودر که منهاج نبوی اوزره اجتماع ایتک حاصل اوله حفظ وعمل ایچون نخلت ایسه استبداد بالرای واستقلال بالنظر در نتمک اهل ملل ونحل دیرل بعدذا استاذ اولق مراتب اربعه ده

کالدن صکره در پس مرتبه حقیقته قدم بصمین کسه استاذ مطلق اولماز زیرا ناقصدر و ناقصک ارشادی دخی ناقصدر

* مردباش و سخره مردان مشو *

* روسر خود گیر و سرگردان مشو *

* سخره * غرقه و زننده من یسخر منه معناسنه در یعنی اول کسه در که آنی مسخریه آکولر واستهزا ومضاحک ایدرلر * سر خود گیر * کندی باشک طوت و باشک آل کیت معناسنه در ولکن بویله مواضعده کار مهمه که مشغول اول دیمکده مستعملدر * سرگردان * حیران و سراسیمه زیرا انسانک باشی دوند کده ترکیده صانعلا تمق ایلله تعبیر اولنان حالت حاصل اولور (معنای بیت) بودر که مرد حقیقی اول و سخره مردان اولیه یعنی اگر مرد حقیقی اولمز سک مرد حقیقی اولانلریاننده مسخره حکمنده و یا خود حقیقته مسخره اولور رسن نتمک (فالیوم الذین آمنوا من الکفار یضحکون) مفهومیانده اکا اشارت واردر بوری کار که مشغول اولومضطرب وحیران اولمه زیرا استاذ اولان کسه ثبات و رسوخ صاحبیدر تردد و خلیجان شاگردلرک صفتیدر اول سیدنکه هنوز نائل مراد اولمشلردر و تجارت کثیره و ممارسه و فیه ایلله احوال وامورده استقرار و مکنیت بولمشلردر بوندن استفاده اولنور که بر خصوصده سرگردان اولان کسه سائر یاننده سخره کییدر زیرا حرکاتی عاقلانه و اوضاعی عارفانه دگلدر و بونده اشارت واردر که مرد ناقص اولان مرد کامل یاننده زن حکمنده در زن ایسه رجال مجلسنده عار عییدن خالی دگلدر و بونده قلبیه خطاب واردر زیرا اضطراب قلبک صفتیدر که نفس امارهک تلوییناندن منعکسدر پس چون قلب تلویینات نفسه تابع اوله روح یاننده خوار و ذلیل اولور زیرا قلب وادرو حدر بناء علی هذاروح ذکورت صفتیلله متصفدر ذکورک شانته لایق اولان ایسه وقار و سکینتدر نتمک انانک مقتضای جنابتی خفت و طیشدر وقار اهل یاننده ایسه خفیف اولان مهاندر الحاصل آباء مر اجمیع ورزانه تابع اولمیان اولاد مجانین و سفها حکمنده اولور پس کرکدر که (الواد سراپیه معناه فیه مافیه) سری اوزر ینه ولدتابع والد اولمغله وقور اوله بوندن اخذ اولنور که هر مولود فطرت

اصلیه اوزرینه تواند و فطرت اصلیه متضای اولان طبایع مدوحه
و غرائز مقبوله اوزرینه انشاء ایشدر و لکن بهض امور خارجیه و احوال
عارضه حسیله تغیر خلقت و تبدیل فطرت ایشدر نتکم نفس و طبیعت
مقارنتله قاب دخی ضلاله دوشوب طریق هدای روحدن چیقوب
گمشدر بعدذا مر دکامل تکمیل مراتب ایلین و مر د ناقص برازخ
و قیود اهلیدر و لکن مراتب و برازخ نه اولدیغی تفصیله محتاجدر
اربابی بیلور * نه بلسون بحر حالن اولکه منزل گاه سعادلد * *

* در یکی گفته که این جمله یکبست *

* هر که اودو بیند احوال مر دکبست *

* این جمله * اقواله اشارتدر نتکم مقام و سیاق قرینه در خصوص صا که اشغیده
قول مصر حدرد * احوال * شاشیدر تفصیلی مر ورا ایشدر * مر دک * آخرنده
کاف اصلنده تصغیر ایچوندر ارجکز معناسنه و گاه اولور بومقوله
الفاظدن معنای تصغیر منسلح اولور کبرک کی (معنای بیت) بودر که
برطوما رده دخی درج ایدوب دیش که بوجمله اقوال که طوامیر متعددده
نحر بر اولمشدر قول واحددر هر کیمکه آنی ایکی و متعدد کوره و بری برینه
فی الحقیقه مخالف و ضد قیاس ایده شاشی مر د جکر در پس تصغیر احوالیندن
اوتوری اوور بونده اشارت وارددر که جمیع اشیایه هویت آلهیه سری ساری
اولغله فی الحقیقه امر واحددر زبیراهو یته تعدد بوقدر نتکم قرآنده کلور
(هو الله الذی لا اله الا هو) الحاصل ظاهرده کثرت اسما و صفات حسیله
تعدد کورنک هویت جهتیه و وحدتی منافی دکلدر زبیرا تعدد تعیندن
ناشیدر تعینانک تعددی ایسه وحدت معینی قدح ایتمز مثلا زوجیت
و فردیت متافین ایکن تحت عددده داخل و کذلک سواد و بیاض
متضادین ایکن تحت اونده مندر جلدر و علماء رسوم دیرلر که الکلام
اما خبر و انشاء یعنی کلامک خبر و انشایه منقسم اولدیغی دلالت
ایدر که خبر و انشادن هر بری تحت کلامده داخلدر زبیرا اقسامک
بری برینه اوصاف عارضه سببیه ضدیتی مقسمه دخی ضدیتلرینی
مقتضی دکلدر و الانوعده جنس بولماقی لازم کلور پس بوندن (هو
الاول والاخر والظاهر والباطن) سری ظاهر اولدی یعنی الله تعالی
اضدادی جمع ایشدر شویله که عین اولیتده آخر و عین ظهیریتده

باطندر اگر چه که مراتب مختلفه حسیله اسما و صفات میاننده تباین
و تفاوت وارددر انسان دخی بویله در نتکم (تخلقوا باخلاق الله)
اکدالدر و لکن وجود مجازی اعتباری سبب احوالدر پس حقان وجود
حقیقی سری ظاهر و وحدت وجودنوری باهر اوله نظر اثبیت بالکلیه
مسدود و توهمات و تخیلات باسرها مر فوع اولور نتکم بالاده شرح
و بیان اولمشدر و بوندن اخذ اولور که مجاز اهل حقیت اهل یاننده
مصغر و محقر در زبیرا هر کسک قدری علم و شهودی مقدار یدر پس
چونکه علم بالله و شهود مع الله اولیه * چو کور مر یوسفک یوزین چه
حاصل چشم اعتماد * خواستی اوزرینه هست و نیست مقوله سی اولان
بصرده فائده اولمز و بومقام عزالق اقدامند زبیرا وحدت وجود
سرینه و صوله نظر و استدلال کفایت ایتمز بلکه کشف صحیح و ذوق
و فیض صریح لازمدر * بوندن ظاهر اولور که وزیر مذکور نصاریه
حقایقندن دخی دم اوردی نتکم استاذیت و ارشاد ادعاسی آنی ناطقدر
ولکن آنک حالسه فی الحقیقه صائبک بوییتی مصداق در دیشدر
* زبی دردان علاج درد خود جستن بآن ماند * که خاراز پابرون
آرد کسی بانیش عقر بها * و بوندن مستفاددر که هر کسک فضا حتی
حدنی تجاوز اتمکده و کنیدن سوء مقال و یا خود قبح فعال صادر
اولمده در نتکم صائب نظمده کلور * یامنه بیرون زحد خود سعادت
مندباش * نیست کمتر از همتا جفدر و برانه است * و لکن کنندی
حالی سترایتک سببیه دنیاده مفتضح اولمیان آخرته رسوای اولور
بوایه فضوح دنیادن اشددر (لحرره) برک کافحه ابله کندن خار
* سترایدر تا که اولمایه رسوای * برک ریزان اولوب کله چو خزان *
* دل اولوب خارده بدم دیر وای *

* در یکی گفته که صدیک چون بود *

* این که اندیشد مکر مجنون بود *

* چون * اشباع و اوله کیف معناسنه در * این که * که بوراده استفهامی
متضمن اسمدر (معنای بیت) بودر که برطومارده دخی اجراء خانه
دوزبان و مداد پاش محبتک دهان ایدوب دیشکه صدنه کیفیت ابله
یک اولور و کثیر اولان نسبه قلیل ابله نوجهله اتحاد مرتبه سین بولور

مع هذا ارالنده تفاوت فاحش وارد زيرا بوزده عدد ديت موجود
برده ايسه اول معنى مفقود در پس يوزك بردن طقس ان طفوز مرتبه
تفاوتى وار يكن يوزنه كيم دير كه بر در و بومعنايى كيم فكر ايلر و بواطلاق
كيم ايدر مكر مجنون اولوب فكر و اطلاق ايله الحاصل يوزنه برديك
و كثير ايله قليل برابر در ديوسو يلك مقتضاي عقل دكلدر بلكه بوسوز
ديوانه سوز بدر زير اديوانه عديم العقل اولغله بي اندیشه سويلر و كلامك
واقع مطابقت و عدم مطابقت بين عاقل ايسه بويله دكلدر بونده
اشارت وارد كه مجنون حقيقى اولان مكاشف يوزنه بر ديواطلاق
ايدر زير جاني بحر شهود و سري در ياي وحدته مستغر قدر نكتم
بعض والهينه سؤال ايدوب اسمك ندر ديشلر اولدخى هوديش
سن كسن ديشلر اولينه اولكي جوابي و يروب هوديش بنه سؤال
ايدوب نه جانبدن كلور سين ديشلر بنه هوديش بنه سؤال ايدوب هو
لفظي ايله مرادك نه در ديشلر بنه هوديش پس هر نه دن سؤال ايتديلر سه
جمله سنه هوايله جواب و يرش صكره سؤال ايدن كسنه بلكه هوايله الهى
مراد ايدر سن ديدكلى كى بر كه صبحه ايدرك تسليم روح ايدوب
وداع عالم فاني قلمش اما عهلا كه اهل حجابدر وجود حقيقى و وجود
مجازى وزيد و عمرو و حجر و شجر و ارض و سما و بونلرك امثالي وجودات
كثيره اثبات ايدوب ثنوى اولورلر و ثنويتده رايحه مجوسيت وارد
و بونده مراتب وجوده اشارت وارد طبيعت و نفس و قلب و روح
و خفي و اخفي كى كه بونلر ارباب مكاشفه و حق بين اولنر قائلرنده امر
واحددر و ليكن تجليات حسيله تنوع ايتش و اعتبارات سبيله مختلف
اولمدر نكتم رسول الله صلى الله عليه وسلم حضرتلر بنه عقل و روح
و قلم و امثالي اسماء جليله اطلاق اولمدر حقيقى ايسه جوهر واحددر
فاما ظاهر بين اولنلره كوره امر مشكلدر زير اوصافك كثرندن كثر
ذوات اثبات ايدرلر و نفس ديدكلى في الحقيقه قلب دكلدر ديرلر بزم
كلامز ايسه جمع اهليله در فرق اهليله دكلدر اكر چه كه بزديخي فرق
مرتبه سنده بونلري على حده اثبات ايدورلر (لحظه) آينه صدهر ار
و در بر در * كور بن هر برينك بر سر در *

هر يكي قوليت ضد همدگر
چون يكي باشد يكي زهر و شكر

* ضد * اضداد دندر مثل و مخالف معنالي بنه كلور نكتم قاموسده
مصر حدر بوراده مراد معنای مخالفدر * يكي باشد يكي * اينكجى يكي
تا كيدا چوند * زهر و شكر * بالاده شرح اولمدر بوراده زهر و شكر دن
مراد آجى و طنلور در زير زهر آجيده و شكر طنلورده علم اولمدر
(معنای بيت) بودر كه هر برى او برينك ضد و مخالفى بر قولدر يعنى
طواميرده مندرج اولان اقوال و وصايدن هر برى مؤداده آخره
مخالفدر زير اينچه بر اولور زهر و شكر يعنى زهر و شكر في الحقيقه
بر اولمديخي كى اقوال مسطور و وصايد مشفوره دخی بر دكلدر
زير ايكى مخالفدر زهر كى و كيمى موافقدر شكر كى بونك جوابي
بيت سابقك شرحندن مفهوم او اور حاصلى بودر كه قهر و اطفك
مبدائی بر در و اول مبدأده اندر اجلوى حسيله امر واحد دينلور نكتم
زهر و شكر تحت وجودده داخلدر اكر چه كه زهر ديدكلى نسنه
كندى اوصافى تعين ايله تعين اولدقه شكره مخالف كلشدر و بالعكس
و بوندن دخی اظهار برينساندن تقاطر ايدن قطراتدر كه صدفده
تعينى حسيله زهر اولور و بواختلاف خدام اولان اسماء تربيه سيله
تعين يوزندن حاصل او اور پس اسما اسم اعظم تحتنده داخل اولدقلى
كى حقايق اسمادخى اسم اعظمك حقيقى تحتنده داخل اولمدر لردر
ولكن و زير رمز بورك تلويح كلامدن مقصودى ارباب طواميرى
سر كردان ايدوب ميانلرنده اختلاف ايقاع ايتكدر تا كه بواختلافله
متشنى و متسلى اوله زير مقالا تده اختلاف ظهورنده هر كسك دفع
تعارضه قوتى يوقدر خصوصاك بهص اختلافات توفيق كنور رمز
ايمان و كفر كى يعنى ايمان و كفر هر برى حقه تعلق ايتسه ضدينك
اجتماعى لازم كلور مكر ايمان حقه و كفر ماسوايه تعلق ايده نكتم
بالاده تحقيق اولمدر فاعرف جدا

تاز زهر و زهر شکر در نكذرى

كى تواز كلزار و وحدت بوبرى

* وحدت * كثرتك ضد ايدرك بر نسنه نك عدم انقساميدر جزء لايتجزى

وحدتی که بی براده و وحدت ایله مراد احدیتک حکمی اولان
معنادر که ذات حقده تعدد اسماء و صفات و نسب و اضافات اعتبار
ایتمکدر تنگم کثرت ایله مقصود و احدیتک اثری اولان معنادر که ذات
حقده ذکر اولان امور اعتبار ایتمکدر انکیچون عبد الاحد
حضرت احدیه و عبد الواحد حضرت واحدیه اهلید رو احدیت
مرتبه سنک صاحبی و حید الوقت اولوب قطیت کبری ایله
دخی متصف اولور زیرا قطبک اسم اعظمه مظهر یتیله نظیری یوقدر
اسم اعظمک نظیری اولدیغی کبی بحر محیط و جبل قاف و عرش اعظم
و سلطان عالم بومرتبهیه ناظرلدر و بو وحدت منتهای مراتب اهل
سلوکدر که بومرتبهیه علایق بالکلیه منقطع و مرتفع اولور تنگم
حضرت هدایی قدس سره نظمیده کلور * وحدت شرابن کیم ایچمه
* فانی علائقندن کچه * و بومرتبهیه صاحبی اغرب غربادندر تنگم
خبرده کلور (فطوبی للغریاء) زیرا بونک صاحبی هر حالده حقله آشنادر
و بو آشنایقه اکا آشنایوقدر پس خلق اراسنده غریب اولور (معنای
بیت) بودر که تا که زهر و شکر دن کچمه سن فین کلزار و حدتدن قوقی
ایلدر و رایحه طیبه شم ایدرسن و نفحات آلهیه و انفاس رحمانیه
بولور سن یعنی زهر که عالم قهر و جلال و شکر که عالم لطف و جمال در
اضافاتدن اولغله بونلرک تعلقاندن فناء تام بولوب مبداء اولان قهار
و لطیفه و اصل اولمدقچه و انذینیتدن نجات بولمدقچه کل کلزار و حدتدن
استرواح و استشمام ایتمک ممکن دکلدر زیرا قهر و لطف عالم صفاته
کوره در که مرتبه قاب قوسین در و مبداء کل عالم ذاتدر که اودانی
درجه سنه ناظر در پس عقبه اودانی اولان قاب قوسین قطع اولمدقچه
هویت ذاتیه منزلده وصول حاصل اولماز تنگم مراراذ کری سبق ایتمشدر
بونده عالم وحدتی کلزاره و آنک تجلیات ذاتیه سنی کله و اندن حاصل اولان
نفحه معنویه بی بوی کله تشبیه وارد روکاه اولور که هنکام تجلیده رایحه
صوریه دخی حس و شم اولنور زیرا عالم صورتک کلاقی عالم معنایه
تابه در و کلزاره تشبیه اولنقی کال لطافت و طیب نسیم و ایراث انبساطندن
اوتوریدر و بو کلزار جمیع مواظنده اربانه ترو تازه در زیرا آنک اوزرینه
عواصف نفس اسمن و قهر و جلال آنک سیم بهارن کسمز پس سروکی

هر دم تازه در حقیقتی بودر که خزان تغیر دلالت ایدر بو عالمده ایسه
دنیا ده کبی تغیر یوقدر زیرا دنیا که عالم ملکدر مبداء تغیر در قلب ایسه
عالم ملکوتدن اولغله اربانک تجلیسی دائم و شهودی باقیدر شو قدر
واردر که تجلیساته تلوین واردر ازهار و ریاحین و اورادک انوای
اولدیغی کبی بو ایسه مدو حدر و دنیا ده بعض ارض طیبیه واردر که انده
فصول اربعه معادل اولغله اکا جنت الارض دیرلر پس بوجنت الارض
جنت معنویه کله ناظر در که الی یوم القیام رونق و نضارتی باقیدر
(لحرره) بوله کور بولم جای پر رونق * طوته کور انده صفایله قونق *

* این غط وین نوعده طومارودو *

* برنوش آن دین عیسی را عدو *

* غلط * حرکت ایله طریقت و برنسنه نک نوعی معنایه کلور * عدو * حبیبک
ضدیدر عدو اصلانده تجاوز و منافات الیامدر کاه اولور که قلب ایله اولور که
اکا عداوت و معادات دینلور و کاه اولور که مشایله اعتبار اولنور که
اکا عدو دیرلر و کاه اولور که عدالته اخلاص ایله اولور که اکا عدوان
دینلور و بونده برای قافیه یاد و اشباع یا خود عدو قصر اولنور (معنای
بیت) بودر که بو ذکر اولنان طریقت و جهت واسطوب و نوع اوزره
اون ایکی طومار یازدی اول دین عیسایه عدو و دشمن اولان وزیر مذکور
(سؤال اولنور سه که یازیلان اون ایکی طوماردن زیاده تنگم دریکی گفته
لفظ لربنک عددی دلالت ایدر) جواب بودر که تصریح اولنان دریکی
گفته الفاظندن مراد طوماری حصر و یا عدم حصر دکلدر بلکه
طومامیرده مطلقا مور متضاده درج ایتدو کن یاندرو ردخی بودر که بعض
طومامیرده متوافق اولان کمنه لربک ایکی سنی و یاز یاده سنی جمیع مانع یوقدر
زیرا مانع اولان متخالفینی در جدر و مانع بودر که بودر ج آنک طوائف
نصارایی اضلالانده مانع در فاعرف جدا بونده قلب و نفسک احوالنه
اشارت وارد زیرا قلبک صفتی بودر که قرآنده کلور (اولک کسب فی قلوبهم
الایمان) ایمان قلبده مکتوب و مثبت و ایجاق اثری جمیع اعضا و قوایه ساری
اولور و بو کتابت واحده کفایت ایدر و نفسک صفتی بودر که (ولماید خل
الایمان فی قلوبهم) ایمان قلبده مکتوب و مثبت و ایجاق حواس ظاهره
و باطنه و شهوت و غضبک حکمی اجزاء وجوده مثبت اولوب هر بری

کندی هوای مقتضای اوزره بر دین باطل اتخاذ ایدر بو سیدرند که
اهل هوی اولان اهل هدایه یار اولمز زرا وجودنده عیالات
اصنام چسوق و قلبک محمل واحده ارتباطی یوقدر (لحرره)
کوستر موجلرین بحر هوی * غرق او اورانده طالبان سوی *

✽ اوزیک رنکی عیسی بونداشت ✽

✽ وز مزاج خم عیسی خونداشت ✽

✽ مزاج * طبایع اربک اجتماع و ترکیب حاصل اولان کیفیتدر
وقی القاموس المزاج من البدن مارکب علیه من الطبیاع * خم * ضمه کوپ
معناستنه در که عرب دن وجب و تفسیره دیرلر بعدذا خم ایله مراد آب
معمودیه دکلدر بلکه صبغ ثوب ایچون اتخاذ اولنان کو پدر نیکم تقریری
کله کر کدر زرا آب معمودیه اصلنده برصودر که حضرت عیسی علیه
السلام ولادتک او چنجی کونی اول صوبله غسل اولمشدر صکره نصاری
اول صوبی اصفر قلوب معمودیه دبو تسمیه ابتدیلر و مولودلری دنیایه
کدیکه اول صوبه غمخس ایدوب الآن صار نصرانی احقادیرلر و اول
صونقصان پذیر اولدجه اوزرینه ماء آخر قوبوب مزاج ایدرلردی نیکم
قرآنده صبغه الله آیتی بوقصه به اشارتدر و لکن غاب اقطارده واقع
اولان کنائسده ذکر اولنان صوبوقدر بلکه کابدل آب ازهار واردر یعنی
فصل ربعده انواع ازهارک صوبین چیقاروب و ایدرلرینک بوزرینه اندن
سیرلر و زعملرنجه تبرک ایدرلر (لحرره) اولسه مر داره ملاقی طاهر * اوده
مردار اولور بلی طاهر * زمزمه دوشسه قطره صهبا * آتی نوش
ایده دینر صحا (معنای بیت) بودر که اول عدو رؤساء نصاریه دین
عیسایه متعلق طوامیر مختلفه عرض ایتسایله حضرت عیسی نک یکر نک و ساده
مشر بلکندن وجهت وحدتندن قوی طوندی و شمه طوندی و اکا صبغ
ثیاب مختلفه ایچون اختصاصی اولان خم معهوک مزاج و کیفینندن خوی
و طبیعت طوندی و مطلع اولدی اکر اول وجهت وحدتندن خبردار
اولایدی کثرت طوامیرله خالق تفرقه دوشور مزدی الحاصل حضرت
عیسی علیه السلام فی الحقیقه یکر نک ایدی و انک یکر نکی درونی کوپ
ایچنده مجتمع و مخلوط اولان اصباغ مختلفه به بیله تأثیر ایتسیدی زرا
(وجعلناها و ابنها آیه للعالمین) آیتی ذیلنده بعض تفاسیر جلیله ده عجایب

عیسی علیه السلام دن اولق اوزره مشتدر که حضرت عیسی و والده سی
مریم علیهما السلام بر صباغه کو تروپ آل شوغلامی و اکا صنعتدن بر نسته
تعلیم ایله دید کده استاذ دخی قبول ایدوب اسمک ندر یا غلام دبو سوال ایددی
اول دخی جواب و یروب عیسی بن مریم دیدی استاذ دخی یا عیسی طوت شو
دستی بی و ایرمقدن شو کو پاری طوادر دیو امر ایددی اول دخی امری
یرینه کتوردی صکره استاذی اکا صباغ و ثیاب تسلیم ایدوب وار هر لوق
ثوبیله باشقه کو په وضع ایله دیدی و عیسای صباغ خانه ده ایقوبوب
کندیسی منزله کندی عیسی دخی ثیابک جله سنی بر کو په وضع
ایدوب صباغک جله سنی دخی اول کوپ ایچنه القا ایدوب والده سته کندی
و ایرته سی کون کادی صباغ دخی کلوب ثیاب و صباغک مجموعنی بر کوپ
ایچنده کورد کده بی حضور اولوب غضبه کادی و عیسایه عتاب ایدوب
بنی هلاک و ثیاب ناسی اتلاف ایدک دید کده عیسی دخی استاذنه سوال
ایدوب دینک ندر دیدی اول دخی یهودیت دیدی پس عیسی اکا تلقین
ایدوب لاله الا الله و ان عیسی روح الله دیو اقرار و تصدیق ایله والکی
کو په ادخال ایدوب هر ثوبی باذن الله تعالی صاحبک مراد ایدوی اون
مخصوص اوزرینه اخراج ایله دیدی بو کلام روحانی استاذنه تأثیر ایدوب
خلافدن مصون و هدایت حقه مقرون اولوب اقراره کادی و عیسایک
دیدیکی کبی ایددی و سوز عیسایک چقدی نیکم قلب واحده تجلیات مختلفه
ظهور ایدرا کر چه که بو اختلاف ضروری فی الحقیقه بحسب المبدأ اتحاد
معنوی بی منافی دکلدر بوقفیک بعض وارداتنده بو عبارتله کلور (اقراب
انسان درجه من الانسان الصباغون) یعنی انسان کامله درجه جهتندن
خلفک اقرابی صباغلردر زرا صباغلرک الوان صبغی انسان کاملک انواع
تجلیسته متشاکلدر نیکم واردات حقیقه نام تکبیرد مفصلاً تبیین اولمشدر
و بوند یکر نک ایله مخلصه اشارت واردور زرا ظاهر و باطنی متوافق
اولانه یکر نک و منافق و مرانی به دورنک دیرلر و اخلاص اسرار حقندن
برسر عظیم در که انک حقیقی مقام ذاته و صولدن صکره ظاهر اولور
انکیچون انبیا و کمل اولسایه زیاده اختصاصی وارد و جمیع معجزات
و کرامات و کالات انک اوزرینه دائر در زرا هر کالک ظهوری توجه
احدی به متوطدر بو توجهک تأثیری ایتسه تدقیق اخلاصه ناظر در فائز

جدا واجتهد ان يكون ذلك من كالاتك وسرا لك في جميع حضراتك
(لحرره) اولسه دله مایه اخلاص * سود ویر من اكا كالاتی *
داخل بیت دل اولز کیسه * قمر سدن آنده منات ولاتی
جامه صد رنگ ازان خم صفا *
ساده و بکرتک کشتی چون صبا *
صبا * کونیه کیجه برابر اولد قده شرق جانبدن اسن یله دیر لوجه تسمیه
بودر که صبوت هوایه مل ایلمکدر باد صبا به دخی نفوس میل ایدر ز پرا
طیب نسیم و روحی وارد در تفصیلی کذرایتشدر بعد ذاباد صبانک بکرتک
اولد بیخی بودر که جانب واحد دن هبوب ایدوب ساثرر یاج کی انده
فی الجملة اختلاف یوقدر و بردخی صبانک هبوب یله انواع ازهار والوان
برک ووردور یحان و آثار ظاهر اولور ز پرا مومیم بهارده واقع اولمغه جمیع
تألیفات و انبیا تاب اکامضا فدر تکیم میوه نک انضجی شمس واونی قره
و طعمی کواکبه منسوب بدر و بومعنائی تصریح ایدوب محمدیه ده کلور
ع * صبا نقاشی رنگامیز ایدوب یازدی هر آرای * پس کر چه الوانده
وحدت یوقدر ولکن هر اوند ه ظهور ایدن وحدت نوعیه و تخصیه
صبا به مستند در فاعرف جدا (معنای بیت) بودر که اول صفایه مضاف
و مخصص اولان خم صیغه دن بوزرنگ یعنی اصباغ مختلفه اوزرینه مصبوغ
اولدی مطاوب اولان جامه و ملبوس صبا کی ساده و بکرتک اولوردی
یعنی صبا ده اولان بک رنگاک وجهت وحدت قابل رنگ اولان اشیایه
تعلق ایتد کده هر بری کنیدی لون مخصوصی اوزرینه ساده و بکرتک
ظهور ایتدی کی حضرت عیسانک تأثیر نفس نفیس و ظهور آثار
وحدت جامه سیله دخی الوان ثباب انواع اصباغ اوزرینه ساده و بک
رنگ ظهور ایتدی که هر بری ساده بر لون اوزرینه ایدی تکم * فنی کل شیء له
آیه * تدل علی انه واحد * نظمنده وحدت مذکوریه اشارت وارد
بوندن ظاهر اولدیکه دورنگ اولق ترکیب حسیه در یعنی تجلیاتک
تنوعیه در تکم بعض ازهارده مشاهد در و بو وحدت (کنت کثره)
مقاله سنده تاء وحدت ناظر و کثرتی اسما و صفات مشعر در (لحرره)
سکا کشف ایلدم بوسری اخی * نه دبعک لازم اولدی دخی * عبقری
بر بساطی قلدن فرش * نیلر آئی بولان جهسانده نخی * بومقامده

بومعنی دخی ممکندر که صدرنگ اولان جامه لک اصلده رنگی ساده و بررنگدر
ولکن متعلقات اعتبار یله صدرنگ اولمشدر صبا کی که هبوبی یک رنگ
و آثار صدرنگدر بوضوح کثرت وحدت ارجاع اولمش اولور صورت
اولی ده عکس اولدیغی کی و صورت ثانیه مقامه انسبدر ز پرا اختلاف
اتفاقه رجوعی بیان مقامیدر بونده خم ایل قلب انسانه اشارت وارد
ز پرا قلب انسان کدورات سوادن صفوت پذیر اولد قده خم عبسی کی
انده تجلیات متنوعه ظهور ایدر که هر بری بر کونه در ولکن بومعنانک
ظهورنه بکرتکی سرتک تأثیری لازمدر بکرتکی عیسانک تأثیری اولدیغی
کی و بومعنی به ده قلب صبغه الله سرنه مظهر اولور و جامه اعضا
و قوایه رمز در ز پرا هر بری وجود انسانه بر ثوب کی اولمشدر و بونلرک
انصباعی حالرینه کوره تجلیات مختلفه دن بهره مند اولد قلر بدر مثلا
سمع حقله استماعی و در ونه خطابک و وصولی و بصرت حقله رؤینی
و مسافه بعید ده اولان نسبه بی مطالعه سی و شمع روایح جنتی
استشمامی کی و علی هذا مع هذا قلبه واقع اولان تجلیات حرارتدن
خارجده آثار دخی لایح اولور * والارض من کأس الکرام نصیب *
فخواسی اوزرینه اعضا و قوی دخی اول حالت شهیه دن مستفیض اولور
مثلا رخسارده اثر حررت ظاهر اولور اول سیدنکه ظاهر انسان باطننه
آینه واقع اولمشدر * تکم باطن دخی جانب غیبدن توار دایدن لایح و انواره
مرآت دشمشدر (لحرره) فطوبی ثم طوبی ثم طوبی * لمن فی جنة العرفان
طوبی * ففی الاغصان من طوبی نصیب * لمن الحق فی الحق نصیب
* نیست بکرتکی کر و خیزد ملال *
* بل مثال ماهی و آب زلال *

* خیزد * مضارع در مصدری خیزیدن کلور کسرله ایاق اوستنه قالمق
و ادوری طور مقی معنایه بوراده مراد قیام حصوله ملال عریدر تألم و انفعال
معنایه تکم نعمه اللهده مصر حدر و تاج المصادره کلور که ملال و سامت
سیر برآمدن یعنی بر نسته دن طوق اولق و اوصاف انوب آنک کثرت مزاوله
سندن نفسه ففور و کسل عارض اولق ماهی * بالقدر ظاهر اولان بودر که
اصلنده ما بیدر همزه ایل صکره تخفیف ایچون همزه هایه قلب اولمشدر
مائیت و ماهیت کی مرغ آبی به بحری دید کلری دخی بوکا شاهد در

ولكن آبه اندساب اينك ابكي وجهله در اوليكسي قراده حاصل اولوب
صكره آبه شدت تعلق و كثرت اتصاله در اينكيجيسي آبه تواد طريقيه در
ماهي كبي وليكن ماهينك آبه زياده اختصاصي اولغله بطريق المبالغه
اصل ماهي آبدرد بنلور نكتم مشويده كلور * ع * اصل ماهي آب و حيوان
از كلست * سري حياتي آبه منوط و بقاسي آيك بقاسنه مريوط در اكر چه
جميع اشيا في الحقيقه آب اوزر ينه مجبور اندر نكتم قرآنده كلور (وجهلنا من الماء
كل شي حي) تفصيلي تفاسير دن تفنيس اوئه * آب زلال * عذو بت و پروت
وصفوت و سهوات و سلاست ايله متصف اولان صويه ديرلر كافي القاموس
ولكن حيوة الحيوان نام كآبه كلور كه زلال زاء معجمه نك ضميمه قاراچينده
حاصل اولور بر قوردر در كه اوزر ينه صاري رنگ نقطه ل اولور جرمي
بر بر مغه قرييدر خلق ماء باردی زلاله تشبيه ايدرلر شدت پروت تنن او توري
(معنای بيت) بودر كه سكا ديد يكم يكر نكلك اول دكلدر كه اندن قلبه
ملال و انفعال قائم اوله و جانه فتور و سامت حصوله كله قرا و انده حاصل
اولان حيوانك يكر نكلكي كبي بو يكر نكلك تفرقه دن خالي دكلدر بلكه
بالق و آب زلال يكر نكلكيدر يعني بالق صو ايچينده صويه يك رنگ اولوب
فقط تعيني باقي و بلكه تعيني بله آبه همرنگ اولوب صوده فناء تام بولديغي
كبي شويله كه احدهما به اشارت آخره اشارت در فنا في الله اهلي دخي
حالت جمعه شهود ذاته و اصل اولد قلنده در ياي وحدت ايله يكر نك
اولوب (انا من اهوى ومن اهوى انا) خواهي و ابوي زيد بسطامي
قدس سره نك (انسخت من نفسي كاي نسلخ الحية من جلدها فنظرت فاذا
انا هو) مقاله سنك مقتضاسي اوزر كثرت موهومه دن نجات و انديت
مخيله دن خلاص اولور لر شويله كه حقيقه الحالرينه بور با عي سري
مرآت كلور * رق الزجاج و رقت الخمر * و تشابهها فتشاكل الامر * فكأنما
خروج لا قدح * و كأنما قدح ولا خمر * الحاصل عالم كثرت كه عالم اسما و صفات
و عالم وحدت كه عالم ذاتدر چون سالك قاب قوسين مقامنده قيام ايله
قوسين توهميله كتر دن خلاص اولماز چنانكه سري ترقى ايدوب او ادني
مقامنده بحر وحدته دخول ايله استغراق تام ايله جميع انبيات و تعينات
كیده حقيقت يكر نكي ظهور و جمال عين الجميع تجلي ايدوب دور نكي
كتر دن دور و قيد تفرقه دن آزاد اولور و بومقامده اشيا كوز ينه كورنر
اولور نكتم بر كيمسنة حدث ايله شمسه نظر ايدوب صكره اشيا به التفات

ايلسه تفرق بصردن اشيايي كور من بلكه هر يره بر تو آفتابي كوردر
و كذلك بر غواص در يا ايچينده صودن غيري نسنه كور من و بو يكر نكلك
سرنك ظهور ننددر كه بعض تجرد اهلي صوره دخي يكر نك اولور شويله كه
لباس و غذاء مخصوص ايله تقيد كلفتندن قورتلور انكيچون بعض كمل
صوره و معني جميع صورده تمثل ايدرلر پس بو تمثل خم عيساك تلوني كبي
اولور كه في الحقيقه يكر نكلك اوزر ينه داردر بوندن فهم اولور كه در يا
حالت جمعه و قرا حالت فرقه ناظر در وجهده موجود اولان يكر نكلك
فرق دن مفقود در در يا قرا و امثالي كبي و در ياك حالت جمعه ناظر اولديغي
احاطه سي سيبيله رخصو صا كه آب علمه اشارت در جمع ايلسه عالم
علمه كوره در و الا عالم عينده جمع اولماز زيرا عالم عينك جمعي كفو الحاد
قييلنددر پس كر كدر كه قلب علم و شهود ملازم و قالب عمل شرع
و رعايت احكامه مواظب اوله نكتم حضرت هدايي قدس سره بيورر
طول سه سر كه نور حقيقت * كر كدر ظاهر كده فرض و سنت * بعد ذاتقرير
مذكور دن عدم فهم سيبيله زنه ار كه الحاده دوشميه سن و يا خود
بو مقوله مقالات اهلنه طعن ايتيه سن زير الامر و حدتي ادرا كه يا عقل سليم
و يا كشف صحيح لازم در وحدت ديك وجود مجاز ينك فناسي سيبيله وجود
حقيقتينك ظهوري ديمكدر پس مقصود مجرد فناء تامله حاصل اولان
شهود و حدتي تشيلدر و الاعداد في الحقيقه رب ورب دخي في الحقيقه عبد
اولماز نكتم بومقامك بعض حقائق بالاده دخي كشيده سلاك بحر قلمشدر
(لحرره) التفاتك وار ايلسه حقدن يكا * ديدنه سريله يا هو باق
سكا * ايتدي هر يوزدن تجلي اول قديم * اولدي هر مخلوق آينه اكا *

* كچه هر خشكي هزاران رنكه است *

* ماهيانرا بايوست جنكه است *

* خشك * قور بيدر كه ترك ضد بيدر كه ياشدرو بوزاده مراد قرا در كه
در ياك مقابليدر نكتم بر و مجرد برلر * پوست * طبائع ار بعد دن رطوبتك
ضد بيدر مراد مذكور اولان خشكدر (معنای بيت) بودر كه كچه قراده
هزاران رنكواردر زيرا عالم صفات و مظهر اسما و مرتبه فرق اولديغي
جهت دن انده الوان موجودات و انواع مكنونات و اشكال مختلفه و اصباغ
متنوعه واردر كه جمله سي صبغة الله سرنه اشارتدر وليكن ماهيلر ك

بیوست و قرآن جنک وجدل و محاربه لری وارد زرا آبدن مخلوق اولمغله
بیوست انلرک نشانلرینه مخالفدر نتکم خاکی اولنلرک دخی رطوبتدن امتناع
وتحاشیلری وارد زرا انلرک دخی رطوبت خلاف نهادلریدر پس نه ماهی
خاکی ونه خاکی ماهی اولور نتکم مشویده کلور * ماهیانرا بجز نکذارد برون *
خاکیانرا بجز نکذارد درون * پس بوندن جمع و فرق اهلنک حالی دخی
معلوم اولدی زرا ماهی اهل عشق و فنا و خاکی اهل زهد و ریاضه اشارتدر
پس زاهد دریای عشقه طالوب حالت جمده بی حصه اولدیغی کبی
نتکم طبعی اشتیجی دیمشدر * قعر بحر عشقه دکشیدی عصای اهل درد *
زاهدک دخی صواوستنده یوزر سجاده سی * عاشق دخی صحرای تفرقه
چقبوب بی حضور اولماز زرا اقراده اولان بکر نکک باعث فتور و دریاده اولان
بکر نکک سبب شهود و حضور در نتکم بیت سابقده شرح اولندی الحاصل
شول کیمسه که انک سری عالم فناده جولان و فضای جمده سیران
وهوای استغراقده طیران ابلیه عالم فرق اکادشمن کبیدر زرا عالم فرقه
ثقلت و کدورت و عالم جمده خفت و صفوت وارد بوییدندر که
عالم بقایه مر دود اولان کل اولیا دخی اوجاع و آلام و مصائبه اسفل
سافلین اهلی ابله برابر اولوب مقام ارشاده اولد قبحه زجت چکر لر
و مشروح الصدر و منور القوم اولد قلمری انلردن مضایقات آفاق و ظلمات
خلقی علی الاطلاق دفع ایتمز زرا عالم تنزلک حکمی دخی بحسب الظاهر
تنزلدر بو جهندندر که موت دخی نبوت و ولایت ابله تفاوت ایتمز زرا موت
دخی سائر بلا یا کبی بشرینه عارض اولور بوندن ظاهر اولور که سالک اولانه
لازمدر که جانب مبدئه ناظر اوله و صفات حسنه التفات ایتمیوب عالم وحدتده
بکر نک اولمغه سعی و اهتمام ابله نتکم حضرت هدای قدس سره نظمیده
کلور * کلک رنگینه الدائم کچه کور * بو کثرت مر غزارندن اوچه کور *
واروب وحدت شرابندن ایچه کور * بوری ای دل بوری دوست ابلارینه *
یعنی کلک رنگی عالم کثرته ناظر در پس عالم وحدتده رنگ بوقدر بلکه عالم
وحدت جله رنگلرک مبدئیدر بونده کلدن مراد بالکز کل مهور دکلدر
بلکه قابل رنگ اولنلرک جموعیدر که کل مهور دخی انلردن بر فرددر
بعد ذاجع و فرق حکمی حیوة و علم و ارادت و قدرت اوزرینه دأردر
زرا اهل حقایق فاتنده حیوتک طبعی حار و علمک طبعی رطب و ارادتک

طبعی بارد و قدرتک طبعی یا بسدر پس بو طبعی عالم صفات و اسماده
تأثیر وارددر ولیکن بالفعل طبع حرارت اوزرینه اولان صفتده باقی
طبیاع دخی بالقوه مندر جدر پس حرارت ظاهر و غالب و باقی باطن
و مغلوبدر سائر طبع رطوبت و برودت و بیوست اوزرینه اولان
صفات دخی قوت و فعلده بوکا قیاس اولنه پس بو آثار کونیه
خصوصا کون جامع انسانی مظاهر اسماء و صفات الهیه اولمغله کرک
بالفعل انسان کبی و کرک بالقوه سائر موجودات کبی زرا اگوانده صفاتک
اکثری باطن و بالقوه در انسانده که کبی انلرده ظهور یوقدر
بناء علی هذا اقتضا ایتمیکه بعض افراد انسان طبع حرارت و بعض
افراد دخی سائر طبعی ظاهر و غلبه سی اوزرینه تولد ایلله بو جهندندر که
بعض اولادک طبعنده حرارت و رطوبت غاب اولمغله سر حیاله دأر
و فیض علم ایلله قائم اولوب حقه ارتباطی قوی و عالم جمده انسانی مبتدر
شویلیکه آباء اصلیه به التحاقده صعوبت کورمز و سیر الی الله ده غبارینه
کوز ایرمز زرا بونلرک نشئه لنده احکام و جوب احکام امکان اوزرینه
غالبدر نتکم بالاده دخی اشارت اولمشدر و بعض اولادک طبعنده برودت
و بیوست غاب اولمغله سر ارادت و قدرت اوزرینه ظاهر اولوب
حقدن بعید و عالم فرقه علاقه سی شدید اولمشدر شویلیکه شجره یابسه
میوه دار اولدیغی کبی اول طبع برودت و بیوستک مغلوبی اولان کسه دن
دخی خیر کلز و برخوردار اولوب او کوب تمز (لحرره) نیلسون باردا اولان
آدمه پند * ایلمز پند او کونه وحشی بی بند * شولکه طبعنده هوا غالبدر * طوتمز
ارشاد هدایله کند * و بومعنی کرچه ظاهرده صفاته ناظر در ولیکن
فی الحقیقه عین ثابته سنک حالی در که انکله بله دأردر زرا وجود علمی
علم حقه اول صینک مقتضای اولان احوالی اعطا ایدر پس علم حق
عین ثابته اولان معلومک حالته تابعدر اگرچه که خارجده وجود عینی
و آنک آناری علم الهی به تابعدر ولیکن بو اعتبارله علم الهی متبوع اولمق
اعتبار اول ابله تابع اولسنی منافی دکلدر و بومقامک سرینه اشارتدر شول
آیت شریفه که قرآنده کلور (وما ظلمهم الله ولیکن کانوا انفسهم یظلمون)

کبست ماهی چیست در یادرمثل

تا بدان ماند ملک عز و جل

* کیست چیست * اصلنده که است و چه است در نیست نه است اولدیغی
 کبی ترکیب اولدیغی حق هاء حذف اولوب الف بایه منقلب اولمشدر * مثل * حرکت
 ایله قول سائرده حقیقت عرفیه اولمشدر صکره هراهمی غریب و صفت
 عجیبه ده بطریق الاستعاره استعمال اولندی زیرا غرابنده قول سائر
 مشابهتی وارد بویله موافقه مثل ایله تمثیل و تصویر مراد اولنورنتکم
 بالاده مثال ایله تعبیر ایلدی و معانی * معقوله بی امور محسوسه ایله تصویرک
 فائده سی بودر که فهمه اقرب و اقباله انسبدر * ملک * میم فتنی و لامک
 کسر یله الله تعالی در پادشاه معناسنه و ضمه قفل وزنی اوزره امری و نه یله
 جه - و ناسده تصرفدر پس سیاست ناصقینه مختصدر انکیچون
 ملک الناس دینلور ملک الاشیاء دینلور سوره فاتحه ده ملک یوم الدینی
 قرائتی بومعنائی منافی دکلدر زیرا یوم ظرفدر یوم دینده ملک دیمکدر
 پس یوم مملوک اولوق لازم کلزا کرچه که مالک لفظنه کوره مملو کدر * عز *
 ماضیدر مصدري عزتدر غلبه و قهر معناسنه پس عز بز قاهر و غالب
 و غیر مقهور و مغلوب دیمکدر نتکم دیرل یاغا لباغیر مغلوب و امام غزالی
 قدس سره نك اسماء حسنی شرحنده کلور که عز بز اول خطیر نسنه یه دیرل که
 آنک کبی نك وجودی قلیل واکا حاجت مشتمد و وصول صعب اوله
 و بواج معنی مجتمع اولدجه عز بز دینلور پس عز بز مطابق الله تعالی در
 * جل * دخی ماضیدر معناسی شول اشیاء جلیله خلق ایتدیکه انکله وحدت
 وجودی اوزرینه استدلال اولنور دیمکدر زیرا جلیلک فعلی دخی جلیلد ر
 و یا خود جلالت و عظم قدرده درجه قصویه متناهی اولدی دیمکدر
 و بعضیلر دیدیلر که جلیل اودر که شانی عظیم و امری ظاهر اوله
 شویله که ذات و صفات و افعالنده اکا موازی و مدانی اولیه و بومعنی
 معنای ثانی به مقاریدر (معنای بیت) بودر که ماهی کیمدر و در باند
 تمثیل و تصویرده تا که الله عز وجل اکا بکزه یه و وحدت ذاتی اکا نظیر
 اوله زیرا الله تعالی قدیم و بونلر حادثدر و قدیمی حادثه قیاس ایتک یوقدر
 الحاصل کرحه تمثیل سابقدن فناء تام اهلنک حالی ماهی و وحدت
 وجودک شانی دریا کبی اولوق فهم اولندی و لیکن بو کلام مجرد تصویر
 و تمثیل ایچوندر تا که مبتدیلرک فهمنه بهانه اوله و الافناء تام اهللی غیبت
 زانده مستبحن اولوق حسب یله کسه اکا بول بولماش و کنهی اوزره آنی

حق تعالی دن غیری بر فرد بولماشدر پس مجهول اولان نسنه و جهله
 ماهی ایله تنظیر اولنور الحاصل سرانسان کاملی بومقوله تنظیردن
 تنزیه ایتک کر کدر و کذلک ذات و صفات و اسماء و افعالنده غیر
 متناهی اولان الله تعالی متناهی اولان دریا ایله و سرانسان کامل آنکله
 یکرنک اولوق ایله نیجه تمثیل اولنور مع هذا قرآنده کلور (لیس مکمله شی)
 پس حق فی الحقیقه تنزیه و تشبیهک مجبو عندن مطلق طوتمق کر کدر
 زیرا تنزیه و تشبیهک هر بری تقید دن خالی دکلدر بوسیدندر که
 عقول ضعیفه و کشف و تخیفه اهل رازخ و قیودده قالمشلر و حق اطلاق
 حقیقیسی اوزرینه معرفندن عاجز اولمشدر لردرا کرچه که کمال بشره
 کوره دخی معرفتده حد معین وارد زیرا کنه حق مدرك دکلدر و قرآنده
 کلور (و ما من الا الهه مقام معلوم) ای لاینجاوزه لاعقلا ولا کشفه و الیه
 الاشارة بقوله (ما عرفناک حق معرفتک) ای ما عرفناک بحسبک و لیکن
 عرفناک بحسبنا (لحرره) عقل قاصر در حق بلیکن اولدن دخی * بلدی
 کشفله آنی کسه کلمدن دخی * بومقامده عز وجل کلمه لری زیاده محذوفه
 واقع اولمشدر زیرا عزت و جلالات حق بیان موقعنده در معلوم اولکه
 الله تعالی نك وصفنده خالق الاشیاء و امثالن اطلاق ایتک صحیحدر و لیکن
 اخس اشیا به نسبت اولنوب خالق الخنازیر و القازورات دیمک درست
 دکلدر زیرا جلالت شاننه خلل کنور را کرچه که مخلوقات بری برینه
 نسبت ایله جلالتدن و هریری سر حکمتدن خالی دکلدر بنان ثقات
 سر دایتدیکی اخبار و قهاروات ثبت ایتدیکی اثار دندر که بر کسه یول اوزرنده
 بر خنفساء کوروب بطریق التحقیر بونک خودش کلی حسن و بار اجماعی
 طبیب دکل پس بومقوله نك خلقندن مراد ندر دیر صکره اول کسه بی
 الله تعالی بر قرحه هاله ایله مبتلی قبلور شویله که حذاق اطباء معالجه دن عاجز
 اولورل بالاخره بر کسه ظاهر اولوب بر خنفسائی احراق ایدوب خاکسترن
 اول قرحه اوزرینه وضع ایدر بوسیدن قرحه دن خلاص اولور و اقراره
 کلوب بوندن حق تعالی نك مرادی بحسب الحکمه اخس مخلوقات اعز
 الادویه اولدیغی تعریفدر و رومن بعد مخلوقات تعظیم ایله مقید اولور
 و دیمشدر که * خوار بقمه غریب و درو بشه * نه بیلور سنکه شاه زاده اوله
 و بو ستانده کلور * غم جله خورد در هوای یکی * مراعات صد کن برای یکی *

کسی را که نزدیک ظنبت بد اوست * چه دانی که صاحب ولایت خود اوست *
 * صد هزارن بحر و ماهی در وجود *
 * سجده آرد پیش آن اکرام وجود *

* جود * قبل السؤال اولان عطا در و حق تعالی بویکی صفت جلیله بی
 جامع در زیر اقبل الوجود جود ایلدی و بعد الوجود دخی کرمی مسترد
 (معنای بیت) بود که نیجه یوز یک دریا و ماهی که جود حقه عالم
 وجود ده موجود او اش و عین خارجی ایله تحقق بولمشدر اول اکرام
 وجود که حق تعالی نک صفة ذاتیه و فعلیه سیدر انک او کنده
 سجده کنور واکا سرفروایدر و اول در یابی جود واکرامده فنا بولوب
 کندینه وجود ویرمن تنکم سجده افظندن مفهومدر الحاصل ماهی
 و بحر و سایر موجودات لباس وجود له ملبوس اولمغله وجودلنده
 حق تعالی نک جودنه مضای اولمشدر و اول اکرامی حقندن بولمشدر پس
 مخلوق ایله خالقک مناسبتی و فقیرله غنینک مشابهنی یوقدر که بو بهمانیله
 بری برینه نظیر اولنه پس بوندن مقصود شان حق تکبیر و حال خلق
 نصبردر (سؤال اولنور سه که جودله تعبیردن فهم اولنور که اشیانک
 وجود خصوصه نده اصلا استعدادی اولیه مع هذا لسان استعدادله
 طلب متحققدر) جواب بودر که لسان استعدادک سؤالی دخی حقندن
 فائضدر بوسیدن هر یکالک نهایی حقه راجعدر اگر چه که بعض امور
 کسبیه بی کشتی بحسب الخارج کندی نفسنه اضافت دخی جائزدر والا
 کسب و سعی مرتبه سی باطل اولمق لازم کلور و بردخی بودر که سؤال
 علمی و استعدادی سؤال عین خارجی کبی اولمغله اعتبار اولمندی
 و بوندن فهم اولنور که مسجود ساجدن افضلدر و افضلی مفضوله
 تشبیه ایتمک قلب حقیقت مقوله سیدر مکر بعض فوائد اظهار یچون اوله
 پس آدم علیه السلامک مسجود ملائکه اولمستندن فضلور بحمانی
 ظاهر اولدی و سجده فی الحقیقه عالم فرقدن عالم جمعه و طرف ناسوتدن
 طرف لاهوته و جانب شهادتدن جانب غیبه و مرتبه امکاندن مرتبه
 وجوبه در که سر انسان بویکی معنایی جامعدر انکیچون اسم ظاهر
 یوزندن مثال بره و صحرا و اسم باطن جهتدن مانند در یادری و لکن وجوب
 وجودک حقه اختصاصی واردر اگر چه که سر انسانده تجلی ایتمشدر

بوسیدندر که بعضیلر دعوائی ربوبیت والوهیت ایتمشدر در قاماسر
 وجوبک ظهور نه مظهر اولان واجب اولمق لازم کلز پس کر کدر که
 مقام عبودیتده ادب رعایت اولنه زیر رسول الله صلی الله علیه وسلم
 عبودیتی اختیار ایتمشدر انکیچون بیورر (اناسیدو لد آدم ولا فخر) یعنی
 بنم فخرم عبودیتله در یوخسه غیری سیادتله دکلدر و انسانده فی الحقیقه
 وجوب وجود اولدی بغنه انفعالات و انقلاباتی دایمدر تنکم والدیت
 و مولودیت و ضحک و بکا و صحت و سقم و شباب و هرم و بونلرک امشالی
 صفات حادثه بشریه ایلله متصفدر پس انسانک باطنی کر چه تمکینه در
 و لکن ظاهری تلونیده در و قلبی فلک قره ناظر اولمغله سرعت خواطر
 و کثرت ضماری اسما و صفاتک تجلیات متوعه سنه اشارت اولمغله
 فی نفس الامر مرتبه تمکینه استقرار نه مانع دکلدر فاعرف
 جدا * لحرره * دل انسان اولسه دریا * غایت اولنر ایدی
 فیضنه یا * علمی صحرایی ایچنده آنک * دانه خردله بکر ز اشیا *

* چند باران عطا باران شده *

* نابدان آن بحر در افشان شده *

* عطا و منح میاننده فرق بودر که عطا بر نسنه نک اصلنی و منح منفعتنی هبه در
 و بعضیلر دید بیلر که منح تملیک در فقط عطا ایسه تملیک و اباحتیه شاملدر
 * باران * اولکی باران فائده لو یغور معنای در ابکینجیسی صفة مشبهه در
 یغغان معنای مصدری باریدن در یا غرق دیمکدر * آن بحر * بیت سابقده
 مذکور اولان بحر عاشادر * در * ضمه و رانک تشدیدله عربیدر انجو معنای
 اولو دخی دیرلر عجم مر و اید دیرو بحرک در افشانلغله انصافی صدق
 اعتباریله در ز را حقیقتده در افشان اولان صدق دید کلری حیواندر تنکیم
 شرحی مر و رایتمشدر (معنای بیت) بودر که نیجه باران عطا وجود و هبه طریقیه
 یغغان اولمشدر تا که اول یغور سبیلله ذکر اولتان صد هزاران در یا انجو
 سلکیچی و صاچیچی اولمشدر یعنی اگر عطای حقه مضاف اولان باران نیدان
 اولسه در یاده انجو تکون ایتز و نیجه مرجان بنزدی پس زینت ناس
 ایچون تکون ایدن انجو بارانه مضاف و باران دخی عطاء آلهی به وجود
 فیاض و وهابه منسوبدر (سؤال اولنور سه که انجو بحر هئدو بحر فار سده
 تکون ایدر تنکم خریده العجاوبده و غیری کتب معتبره ده مصرحدر عدد

بحار ایه بدیدر نیکم کذر ایتشدر پس صد هزاران عبارتی نه وجهله
صحیح اولور (جواب بودر که صد هزاران مردن مراد تکثیر در وانجو تکون
ایدن در باکرچه ذکر اواند یغی اوزره ایکیدر ولکن بخارج صد فده
کثرت وارد و بردخی انجو و آت حکمنده اولان منافع کثیره به اشارتدر که
بحار سبعة وانهار هفت و بونلک شبهه و خایجلندن استخراج اولور
و بردخی قدرت حق عدم نهایت بیاندر یعنی الله تعالی نیک قادر بی
بر حده منتهی اولماز که اندن صکره ایجاد صحیح اولیه زیر قدرت حق تعالی
مقدورات غیر متناهی به قادر در مع هذا امور ما لانهایه نیک حدوثی
محال در فافهم جدا و بوندن فهم اولور که هر نسبه عطاء الهی
و اختصاص ربانیدر ولکن بعض امورک حصولی کسبه منوط و سببه
مر بوط اولغله جاهل و محجوب اولان کسه سبب و کسبه حاصل اولدی دیو
توهم ایدر و تأثیر حق مشاهده دن ذاهل اولور (لحرره) قدر ایلر یسک
کسبه سبیل * ینه تأثیرن آنک الله دن بیل * و بوندن باران ایه فیض الهی به
اشارت وار در که بارانک مر اتبندده تفاوت اولدی یغی کبی الیک دخی
طبقاتنده تباین وارد و بحرله مراد بحر در که در افشان اولدی یغی
معارف الهیه اظهار ایدر یکیدر زیر الا لی زینت زنان اولدی یغی کبی معارف
حقیقه دخی زبور رجا در الحاصل حق تعالیدن در بای قلبه فیض پاکله
امداد حاصل اولسه جواهر معارف و حقایق ظهور ینه باعث اولور
انکچون علوم حقیقه دن بی بهره اولان قلوب صد فدن خالی اولان بحار
کبیدر زیر علوم غیر حقیقه به اعتبار یوقدر هر چند که اربابی یاننده
فضائل و ملکاتدن معدود در (سؤال اولور سه که علوم شریعت قنغی
علومند در (جواب بودر که علوم حقیقه نیک و سائلند در و سائل ایه
مقاصده ملحقدر شوقدر وارد که و سائل اطلاق اولنان علومک
بوموطنه اختصاصی وارد انکچون موله تکلیف ساقط اولور فاما علوم
حقیقه جمیع مواطنده اصحابندن مفارقت ایتز پس اصحابی اکامستحب
اولد قلمری خالده جسته دخول ایدر نیکم بالاده دخی رمز وایما اولمشدر
الحاصل علوم و معارفده درجات ناس طبقات بحر سیاه و بحر سفید
و بحر محیط کبیدر پس اولکه علوم ده اوسه در حقه اقریدر
(لحرره) بری برینه منوط اولدی دلا * رتبه علم ورتبه معلوم * فضل

زائد بواور سه معلومات * اکا تابع اولور شرفده علوم *

چند خرشید کرم افروخته

تا که ابر و بحر جود آموخته

* خرشید کرم * مشبهه بهک مشبهه اضافتی قیلمند در لجین الماء کبی بالاده
ذکر اوانان باران عطا کبی دکلدر مکر خرشیدله بطریق التغلیب سائر سیاره لر
دخی مر ادا وانه فاعرف * افروخته * بوراده بیت لاحق قرینه سببه ماضیدن
قسمدر معنسی الله تعالی یا الکلندر مش و اشغال و تنویر ایتش دیمک اولور
سائر مفردات بیت شرح اولمشدر (معنای بیت) بودر که الله تعالی نیچه
خرشید کبی اولان کرم و اطفن اشغال ایتش و عالمی سرایا آنکله انارت
واضاعت ایشدر شویله که اوجده اولان سحاب و حضیضده اولان بحر
اندن جود و عطا او کرشدر مقصود فلک شمس جود و عطاده سحاب
و بحر دن اوسع اولدی یغی کبی کرم الهی دخی اوسعدر دیمک در زیر سحاب
و بحر دکل بلکه خرشیدله اول و سعتی کرم حقندن استفاده ایتشدر پس
بو تقریردن شمس و سحاب و بحرک طبقات جودده تفاوتی مفهوم اولدی
یعنی خرشیدک طلوعی جمیع اقطار اوزرینه در و انارتنده مواضع مخصوصه به
اختصاصله بخل امساک یوقدر مکر کم بعض عوارض حسبیه حیوانات
واقع اوله ارض ظلمات کبی سحاب و بحر ایه بویه دکلدر زیر سحابک
فیضی اما کن مخصوصیه کوره در نیکم حدیث مر فوعده کلور (مامن
ساعة من لیل و لانهار الا السماء تمطر فیها یصرفه الله حیث یشاء)
بحر دخی بویه در زیر کرچه بحر بردن اوسعدر ولکن وجه ارضی بتون
مستوعب اولما مشدر بحر محیطک اطه سی ایه جوانب ارضه کوره در
بونده کرمی تعمیم ایه بر تور و حیاتک جمیع کائناته سریاننده اشارت
وارد و لکن کیمنده جلی و کیمنده خفی در و بردخی خرشید ایه سرانسانه
رمز وارد که جمیع تعینات علویه و سفلیه به شامل و اسرار اسماء
وصفات محیطدر و ابر و حدر که اندن ارض قلب اوزرینه آنکله فیض
وامداد حاصل اولور و بحر قلب در که جانب جسمانیت و روحانیتی
جامعدر پس تعین روح تعین سرو تعین قلب دخی تعین روح تحتده در
سموات مقبیه کبی ولکن قلبک تجلی مخصوص حسبیه باشقه و سعتی
وارد که آنکله سائر تعیناتی جامع وجهله دن افضلدر نیکم حدیث

قدسیده کلور (ماوس یعنی ارضی و لاسمائی و لکن و سنی قلب عبدی المؤمن) و قلب سطح روح اولغله بره و جمعیت و احاطه سی سببیه بحره تشبیه اولور * و سائر حقایقه دخی تقلبی اولق سببیه جمله سنک حقیقی ایله ظاهر اولور انسان کامل کبی و بونده تلویح واردر که بخل و امساک انسان ناقصک صفتیدر که اخلاق اکهیسه ایله متخلق اولما مشدر پس انسان کامل اودر که جود و عطا ایله متصف اولوب سما خنده شمس و سحاب و بحر و ریاح کبی اوله (لحرره) بلین کسه ندر سر وجود * نه یلور کم ندر حقیقت جود * جود اودر کم سنی ایجاد ایدنه * ایدنه سن باش و جانک ایله سجود *

* پرتودانش زده بر خاک و طین *

* تاشده دانه پذیرنده زمین *

* دانشتن * اسم مصدر در بلی معنا سنه داشمند یلور دیکدر دیشلردر که حاصل بالمصدر مراد اولنسه کاه اولور که کلمه تک آخرنه بالحق اولور نیکی و بدی کبی ابولک و برامزاق معنا سنه و کاه اولور که امرک آخرنه ماقبلی مکسور شین مجسمه الحاق اولور دانش و روش و پرورش کبی بلی و یوزومه و سو یله معنا سنه پس بوشین ملحقه ضمیر مقوله سندن دکلدر * طین * مائله مختلف اولان تر ایدر و لکن قوت ماه زائل اولدقد صکره دخی طین دینلور * دانه پذیرنده * وصف ترکیبدر دانه قبول ایدیحی معنا سنه (معنای بیت) بودر که الله تعالی قوری طپراق و بالحق اوزرینه دانش شعله سن اور دی و معرفت قوتن و پردی تاکه زمین دانه پی قبول ایدیحی اولدی و آتی تر بیه ایدوب کالنه ایرکوردی یعنی زمینک که بعض مواضعی خاکدر که قح و شعیب و امثالی حبوب مختلفه بتورر و بعضی اماکنی طیندر که ارمز و نظائر نیسنه حصوله کتورر پس اگر زمینده شعور و ادراک و قابلیت پرورش اولمایندی نه وجهله دانه پی قبول ایدر و شینا فشیانی سنبله مرتبه سنه ایصال ایلردی بونده ارباب رسوم و اصحاب حجابک حالنی انکار واردر زربونلر زعم ایدرلر که جاداتده حیات حقیقه و ادراک و شعور حقیقی اولیه پس بونلرک زعملری فاسدور یلری کاسددر زبراجله جادات حیات وادر اکدن خالی دکلدر نیکم

ارباب مکاشفه کشف ایتشلر و اجزاء عالمک شعور و حیاته مطلع اولمشلردر و نصوص قطعیه دخی بونلرک مدعی لرینه دلالت ایدر نیکم قرآنده کلور (فلما تجلی ربه للجبل جعله دکا) یعنی اندکاک جبل طور فی الحقیقه ادراک و شعور دندرو بر موضعه دخی کلور (واولنا هذا القرآن علی جبل رایتیه خاشعاً متصدعاً من خشیه الله) یعنی جبلک خشوع و تصدعی ذکر اولنان معنا دندر نیکم مقام الزامک مقتضا سی بودر فاعرف جدا و نیجه موضعه کلور (یسبح لله ما فی السموات وما فی الارض) و عموم اوزرینه کلور (وان من شیء الا یسبح بحمده) الحاصل رحم انسانده دانه کبی ولد حاصل اولور پس بوقدر انباتله بطن ارض بطن ام دن کتزد کلدر بونده خاک و طین جسد آدمه اشارتدر که سعادت علم ایله مستعد و پرتو تجلی ایله منور اولمشدر نیکم نیز یلده کلور (وعلم آدم الاسماء) یعنی آدم علیه السلامک طیندن مخلوق اولد یعنی انده علم و معرفت ابداع اولنقه مانع دکلدر بلکه انک حالی ظلمات و ماء الحیوة حکایه سی کیدر و معرفت کرچه قلبک صفتیدر و لکن (وللارض من کأس الکرام نصیب) فحواسی اوزره اعضا و قوایه دخی بروی ساریدر بوسبب ندر که انطاق حق و اذن مطلق ایله جمیع اجزاء وجودنا طقدرو بونده زمین قلبه دخی اشارت واردر زربازمین قلب دانه محبتی انبات ایدوب کمالنه ایرکوردی و قلب زمینده تشبیه اولندی زربار روح و جسدک ازدواجندن صکره حصوله کلوب طرفینک احوال و احکامیه ظهور ایتشدر پس من وجه جسد دن معدود در خصوص صامضغه صنوبریه اولق حسابیه اجزاء جسد خاکیدندر و جسد من وجه خاک و من وجه طین دینلور

* خاک امین و هر چه در وی کاشتی *

* بی خیانت جنس آن برداشتی *

* کاشتی * یا خطاب ایچو ندر کاشتن اککدر اکن اکک کبی * خیانت * امانتک نقیضیدر یعنی حقه مخالفقدر نقض عهد ایتکله علماء دیشلردر که خیانت و نفاق بر معنایه محمودر شوقدر واردر که خیانت عهد و امانت و نفاق دین اعتباریه مقولدر (معنای بیت) بودر که خاک امیندر و هر نکه خاکده اگر سن بی خیانت اکد و کلک نسنه تک جنسنی

خاک کدن یوقاری طوئرو تحصیل ایدر واله کتورر سن یعنی خاک
امانتدار در شویله که سنک اکدوکلک نسینه خیانت ایتز بلکه انک
بطنه هر نه وضع ایدرسک انک ثمره سن بولور وانکله متمتع اولور سن
مکر که بعض عوارض حسیه صفتی متغیر و یا صورتی محمول اوله
پس بغدادین بغدادی و آر په دن آر په حاصل اولور و علی هذابو خسه
بغدادین آر په و آر په دن بغدادی بجز زراهر جنسک دانه سی نطفه کبیدر
و هر نوع نطفه دن بر نوع مخلوق تواند ایتدیکی کبی هر جنس دانه دن
دخی بر جنس محصول وجوده کلور والا خاک خائن اولمش اولور
* پس خاک بویله امانت اوزره اولدی بغی و دانه بی کالنه دك شیئا
فشیئا تر یسه قبلد بغی حیات حقانیه و علم حقیقی اهلی اولقدن
ناشیدر حتی دانه دن حاصل اولان ناند ببله حیات مذکوره واردر
والانان جساد ایکن نوجهله اجزاء حییه ملحق اولور و قوقی عروق
سریان ایتمکله انسان رتبه سن بولور و بوندن جمیع اغذیه و ادویه نك
حالی معلوم اولدی بونده اشارت واردر که جسد آدم که طیندن
مخلوق قدر دنیا آخرتک مزرعه سی اولدی بغی کبی اول دخی قلب
و روحک مزرعه سیدر یعنی ارض جسده نمابولان اعمال و افعال
قصور و نوجهاتک ثمره سیدر کرک خیر و کرک شر پس صالحدن
صالح و فاسدن فاسد و وجوده کلور بوخسه صالحدن فاسد و فاسدن
صالح وجوده کلز زرا جسد امانتکار در که آنده خیانت متصور
دکلدر و قرآنده کلور (فن یعمل مثقال ذره خیر ایره و من یعمل مثقال
ذره شر ایره) یعنی صور اعمالک جمله سنده خیانت یوقدر زیرا اجزیه دخی
اعمالک نه یجیدر و قلبه دخی اشارت واردر زیرا اگر قلبه اعمال صالحه
قابلیه بوزندن نور منعکس اولور سه ظاهر اولان ینه نور در و اگر اعمال
طالحه جسده جهتدن ظلمات منعکس اولور سه ظاهر اولان
یته ظلمدر * پس خیر و شر و نور و ظلمت هر کسک اعمال و قصور نك
ثمره و نتیجه سیدر * و بونده اصلاح باطنه تنبیه واردر نیکم حدیثه کلور
(ان فی الجسد المضغه اذا صلیحت صلیح الجسد کله و اذا فسدت فسد
الجسد کله الا وهی القلب) پس نفس شومده خیانت و نفاق قوت
بولسه قلب و روحه ساری اولوب جمیع اجزاء وجوده

فساد و اختلال طاری اولور (محرره) دل انسان مثال سلطان در * جمله
اعضا اکا رعایادر * کورینور آنده صورت سلطان * که رعایا همان مرایادر *
* این امانت زان امانت یافتست *
* کا قتاب عدل بروی یافتست *
* عدل * افراط و تفریط میاننده توسطندر و کاه اولور که فضل مقابله
سنده ذکر اولور نیکم حدیثه کلور (الظالم عدل الله فی ارضه
یتقم به ثم یتقم منه) زیرا بوحد یشده عدل ایله مراد هر کسه عملته کوره
مقابله در ان خیرا فخیروان شرافشر فضل ایسه مثلاً مسی اولاندن
عفو در و قرآنده کلور (ان الله بامر یا عدل و الاحسان) یعنی الله تعالی مکافانده
مساوات ایله امرایدر ان خیرا فخیروان شرافشر و احسان ایله دخی امرایدر که
خیری کندیدن اکثر و شری کندیدن اقل ایله مقابله در پس عدل حقیقتده
مساوات معناسن اقتضا ایدر و بصیرت و بصیرایله ادراک اولسان اموره
مستعملدر بصیرت ایله ادراک اولسان احکام در (او عدل ذلک صیاما)
کبی و حاسه ایله ادراک اولسان موزونات و مکیلات و معدودات کبی و عدل
ایکی وجهله در بری ابدی منسوخ اولماز محسنه احسان و موزیدن کفاندی
ایتمک کبی و بری دخی بعض ازمانده منسوخ اولور قصاص وارش
جنایات و اخذ مال مرتد کبی (معنای بیت) بودر که خاک بوامانتی که
ذکر اولدی اول امانتدن یعنی حقک امانتندن بولمشدر که انک اوزرینه
حقک آفتاب عدلی طوغش و پرتو صالمشدر یعنی امانت دید کلری معنای
عدلنددر و عدل فی الحقیقه حق تعالی نك صفتیدر و لکن جمیع مخاوفات
مظهر اسمها و صفات اولغله خصوص اوزرینه عدله دخی متصف
اولوب از جمله زمین حبوب و تر یسه حقسنده بالفعل اول صفت جلیله ایله
متصف اولمش و اول جهتدن امانتداراق رتبه سن بولمشدر پس زمینک
عدل و امانت و تر یسه سی حقک عدل و امانت و تر یسه سنندن مأخوذ
و مستفاد و مستنبطدر نیکم قرآنده کلور (رب العالمین) یعنی مربی حقیقی
الله تعالی در و لکن مظاهر اسمها و صفاتی اولان اشیا بوزندن پرتواند از
تر یسه اولمشدر انکی چون حقوق نعمت محافظه اولور و شکرله قدری
بیلور بوسیدندر که دیمشدر (الدنیا امک) حقوق ام ایسه حقوق حقه
مقارندر نیکم قرآنده کلور (وقضی ربک الانعبدوا الا اياه و بالوالدین

احسانا) واحسانك مكافاتی احسانه در نتكم قرآنده كلور (هل جزاء
الاحسان الا الاحسان) بوندن فهم اولور ككه جيع اشياده والدیت
ومولودیت سری واردی یا حقیقه ویا حکما پس والد ایسه می یسدر
ومولود ایسه حق نعمت ایله مطالبدر فاعرف جدا بونده اشارت واردی که
نور آفتاب وجه ارضه منه کس اولوب انبائه صالح اولان اشیائی انبات
ونضج ایلدیکی کی عدل دخی شعله فروز تر یسه اولمشدر بوسیدندر که
حدیثه کلور (بالعدل قامت السموات والارض) زیرا ظلم وجور سبب
اختلالدر وبونده امانت قلبه دخی رمز واردی زیرا اسرار حق اغیاره
افشادن ممنوعدر وعدلی بودر که طریق استقامت اوزره ثابت اولوب دائماً
حقه میل ایدر وما سوایه التفاتله مرکز توجه احدیدن منحرف اولماز
وبومعنی انك امانت عظمیائی حله دالدر انکیچهن کندی حاللرنی حفظ
ودلارنی ضبطه قادر اولیلر خائنلر عدادندن اولمشدر پس بومقوله خائنلر
اوزرینه فی نفس الامر آفتاب عدل بر توصلمش وبونلردن بر فردهنوز
تاریکی نفسدن قور تلمشدر (لحرره) * ایله اسب بیانی تحریک * شب
نفس ایچره وار یکن تاریک * نیچه سالک اوله سن بی پروا * شب چوتاریک
وراه حق باریک * اللهم یسر هذا العبد *

* تانسان حق نیسارد نو بهار *

* خاک سرها را نکرده آشکار *

* نو بهار * شرح اولمشدر بوراده مراد موسم ربعدر * سر * مخفی
ومستور نسته در * آشکاره * نهانك ضدیدر نتكم پیدا پنهانك مقابلیدر
فرقلری بالاده آشکار اولمشدر (معنای بیت) بودر که تا که موسم ربیع
نشان حق کتوره یه واشجار شهادت حق ایدوب اوراق بتور میسه تراب
دخی مخفی ومستور اولان نسته لری انبائه آشکاره ایلمدی زیرا بطن ارضه
اولان مخفیات بطن امده اولان جنین کیدر وجنینه ادنای مدت حل
اولان الی ای شهادت وظاهر حال دلالت ایتدیکه رجک انی القا ووضعی
خیانت اولدیغی کی مستورات ارضه دخی الی آیدن عبارت اولان
فصل خریف وشهتانك کذرائی شهادت وظاهر حال دنیا دلالت
ایتدیکه ارضك آنی انبات واطهاری دخی خیانتدر مکر کیم اختلاف
فصوله ظاهر حال مختلف اوله ونباتات واوراق مدت مذکور ددن مقدم

ومؤخر نشو ونما بوله نتكم حرارت وبرودت ایله مختلف اولان اماکنده
محموس سدر بونده اشارات واردی که (اولکیسی بودر که اسرار خاکدن
بری دخی موتادر پس موتانك بطن ارضدن بعث ونشوری دخی وقتسه
مرهوندر نتكم قرآنده كلور (والقت ما فیها ونخلت) ورموضعه دخی
کلور (واخرجت الارض انقالها) پس بوصورته نو بهار دن مراد
اول موسم مناسب اولان تجلی جدیددر (ایکنجیسی بودر که باطن قلب
بطن ارض کیدر که انده معانی مستوره وحقایق مخفی واردی ولکن
ظهوری نو بهار تجلی به موقوفدر پس حق تعالی دن قلبه تجلی واقع
اولد. سه اول معانی وحقایق وجوده کزن ولکن تجلی مذکور بعض
قلوبه کوره اسباب ظاهره معاونتیه حصوله کلور نتكم کثرت ریاضت
ومجاهده دن آینه سنده صفوت جلوه کر اولور وتعلقات ماسوا دن
انقطاع وفتا بولور پس اول وقتده جمال مقصود پرده غیبدن آچیلور
وبعض قلوبه دخی بلاک سبب ظهور ایدر ولکن نادر در معتبر اولان
اولکیسدر زیرا اکسالک مجذوب دیرلر که مشاهده سی مجاهده سندن
متأخردر وایکنجی به مجذوب سالک دیرلر اولکینک عکسیدر وبونده خطر
چوقدر مجانبینك اکثری بونوعه دندر نتكم بالاده شرح اولمشدر
(اوچنجیسی بودر که مکاشف اولنلر ک حالی نو بهار له تمثیل اوانیجق
محبوب اولنلر ک حالی فصل زمستانه تشبیه اولنق لازم کلدی زیرا فصل
زمستانده روی زمینده کمال انجماد وانبساطدن آثار ارضیه ظاهر
اولدیغی کی محجوبك دخی قلبنده نهایت احتجاب وغلظت حجابدن
آثار فیضیه ظاهر دکلدی وبوندن اخذ اولنور که نو بهار اطف وجمال
وفصل زمستان وخران قهر وجلاله اشارتدر ونو بهارک حصولی
زمستانك مضی ومرتوی اوزرینه مبنی اولدیغی کی لطف وجلالك ظهور
آثاری دخی قهر وجلالك تقدم منه منوطدر پس بونده (ان الله خلق الخلق
فی ظلمة ورش علیهم من نوره) سرنه اشارت واردی یعنی ظلمت نوردن
مقدم واصل ونوراندن متأخر وفرع اولدیغی کی عدم دخی وجودن
اقدامدر (در دنجیسی بودر که عباد مجاهد کر کدر که قلبنده مودع اولان
امانتی استحصال وسرنه وقوفده استعجال ایتیه زیرا استعجال ایتك وضع
حکمه مخالفدر نتكم ساعات شب مرور ایتدیکه روز بوز کو سترمز وفصل

زمستان چکه نوبهارال و یرمز پس بونده صبر و تانی به حث
و تحریض وارد زرا وارد اولشدر که (الامور می هونه باوقاتها)
و دیشدر که (من استعجل الشیء قبل آوانه عوقب بحرمانه) بشجیسی
بودر که بطن ارض دانه بی فباله تربیه ابتدی کی مر شد کامل دخی
بطن قلبده سالکک حبه فؤآدن فباله تربیه ابتدی کر کدر پس دانه
اولافنا بولمقد فجد ثانیاً وجه ارضده بقا بولمدیغی کی دانه فؤاد دخی
بویله در و بوندن فهم اولنور که برنسنه نك ابتداء فنا بولان صفات
رذیله سی واتهاده بقا بولان صفات جمیله سیدر نتمک عالم صناعیده اجساد
وصفات ردیه سندن تزکیه و تطهیر اولمقد فجه اکسیر مر تبه سن بولوب
نحاس ایکن مثلاً سیم و زر مر تبه سن بولماز و اول وصفه ظهور ایلز و تلقیح
اشجارده دخی محسوسدر زرا اول بری اولان اغصان قطع اولمقد فجه
اهلی اولان اغصان بتر مبونک حصولی ایسه بواغصان سهلیله اوزر تبه
موقوفدر اغصان جمیله اوزرینه دکل و اثن سلم میوه کوهی نمکین و شیر بن
دکدر و بوفنادن صدق دخی اخذ اولندی یعنی فناده صدق اولسه دانه
متفاسد اولوب سنبله و یرمز پس صدق صفتی حصول کاره نشان قویدر
(لحرره) * اولسه صدق ارادت دلده * قالور البته سالکان بولده *
صدق دعوا به کر کدر شاهد * صاغده کی قوت اولور می صولده *

* آن جوادی که جادی را بداد *

* این خبرها وین امانت وین سداد *

* آن جوادی * مبتداً در که خبری محذوفدر تقدیری الله تعالی آن جوادی
دیمکدر و احتمال وارد در که آن جواد مبتداً اولوب بیت لاحق جمله سی
خبر اوله جواد الله تعالی در که ابتداء یعنی قبل السؤال عطفا ایدر
* جاد * بی روح اولانه دیرلر ولیکن حقیقتی بودر که جاد مولداتدن
اکا دیرلر که نموی اولیه مجرد خاک کی نبات ایسه بویله دکدر
زرا نباتده اصل فطرت جادیله اوزرینه نمودخی زیاده اولمشدر
پس بواغباریله حجر جاددر نبات جاد دکدر انکیچون فن حکمنده
کلور که قوای مختلفه بی مشتمل اولان جسم مر کبک بر قسمی اودر که
مبتداً نواولیه معدن کی و بر قسمی دخی مبتداً نواوله فقط نبات کی
و بر قسمی دخی مبتداً نواو وحس و حرکت اختیاریه اوله حیوان کی

وجود لغتده ذوبانک ضدیدر طو کق معناسنه و جادی جباری وزنی
اوزرینه اسماء شهور دندر جادی اولی و جادی الاخره
ویا جادی الاخری دیرلر پس قح جیم و اعجام دال غلط عوامدندر
وجه تسمیه بواسمی ابتداء وضع ابتدی کلرنده زمانک برودتیدر
و قطب الدین شیرازی شرح تقویمده خلافنه ذاهب اولوب زمانک
حرارتیدر دیشدر زرا جمد ضمتین ایله مکان صلب و مر تقف و خشندر
زمان ایسه بواسمیله ابتداء وضعده حار و امکنه نك دخی تأثیر حراندن
صلابت و ارتفاع و خشونت و ارایدی و لکل وجهه باقی تفصیل
روح البیان نام تفسیر یزده (ان عده الشهور) آیتی ذیلنده در * سداد *
فتحه استقامت معناسنه در و کسرله کدک و در بند انکله سدا و انسان
نسنه در نتمک شعرده کلور * اضاعونی وای فتی اضاعوا * ایوم کریمه و سداد
نغر * بیت مشنوده سداد فتحه در (معنای بیت) بودر که الله تعالی
اول ابتداء عطا صاحبیدر که جاد اولان خا که بوخبرلری و قوف
و شعوری و بوامانت و استقامتی و بردی خبردن مراد وقت بهاردن
آگاه اولدیغیدر جمع ایراد اولمدیغی نظائری اعتباریله در امانت
و استقامت شرح اولندی بوندن اخذ اولنور که جادک شعوری
انسان کی ابتدادندر بلکه انساندن غیر نك کمالی دفعیدر و انسانک
ندر یجیدر انکیچون کثرة تجارب و وفرت ممارسه ایله فهم و دانش زیاده
اولمقد در و بوندن فهم اولنور که اجزاء وجودک جمله سی فی الحقیقه
حقدن خیر و امانت کار و طریق استقامت اوزرینه در ولیکن قلبک انحراف
و جهل و فساد سیبیلله انلر دخی منحرف و جاهل و فاسد اولورلر
الحاصل عناصراربعه آفاقیه ده ذکر اولنان اوصاف شعور و امانت
و استقامت موجود اولیجق عناصراربعه انفسیه ده دخی موجود
اولق لازم کلدی ولیکن بعض عوارض و علائق حسبیلله خلافنه
مبدل اولدی و الا مجموع عناصردن مر کب اولان اجزاء انسانیه نك
هر جزوی و عضوی باشقه بر برهاندر نتمک بالاده شرح اولمشدر
قال الله تعالی (یا ایها الناس قد جاءکم برهان من ربکم) یعنی مجموع
اعضا و قوای نبویه علیه السلام برهان اطلاق اولندی فاعرف جدا
و بوقر بردن استنباط اولنور که جاد دیمک تسمیه مجرد قیلندندر

و یا خود عوام ناسه کوره در والا خواص ناسه کوره حی ایلہ برابر در
(لحرره) حقہ دن آگاہ اولہ چنکم دل * هر سرخار اولور اکابر دل *
حق تسبیح ایدر قمو اشیا * وارمی اشیا به بوايشده اش یا * فهم ایدن
کسه منطق الطیری * دکلز حقہ دن اوز که سن غیری *
* مر جادی را کند فضالش خیر *
* عاقلانرا کرده قهر او ضریر *

* خیر * بر نسنه نك باطنه وشهید ظاهره وعلیم مطلقا مطلع اولاندر
* ضریر * ضاء معجبه ایلہ امیر وزنی اوزره ذاهب البصره دیرلر ومفرداتده
کلور که رجل ضریر فاقد البصر دن کنایه در زیر
ضر ضمه اصلنده سوء حالدر یا نفسده قلت علم وفضل وعفت کبی
ویابنده عدم جارحه ونقصان کبی بوراده عمی ایلہ مراد حجاب قلب
وفقدان بصیرتدر انکیچون خبر مقابله سنده ذکر اولندی وبونده
قهری فضل مقابله سنده اراد ایتکدن فهم اولور که یا فضل
لطف معناسنه و یا خود قهر عدل معناسنه مأخوذ اوله زیرا فضلك
مقابلی عدل ولطفك مقابلی قهر در وجاز در که فضل لطف
معناسنه اوله تنکم لطف برینه ارادی دالدر زیرا تبدیله وزنه
خلل کلز پس فضل لفظی ضرورته محمول اولماز (معنای بیت)
بودر که حق تعالینك فضل واطفی جماد اطلاق اولسان خای
خبردار ایلر عاقل اولان انسان ایه عدل وقهری اعمی ایلر شو یله که
وزیر مزبور کبی رؤیت حقہ دن محبوب اولورلر وعقلاری بر نسنه بی
مفید اولمایوب حیوانیت مرتبه سن بولورلر الحاصل کائناتك اکثری
جماد صورتنده ایکن ینه حق دن خبردار در خصوصاً که انسانك
تفصیلی واقع اولشدر انسان ایه عقلان و جله اسماء وصفاته
اجمالاً مظهر اولش ایکن ینه حق دن غافل ومحبوب در پس انسان
محبوب صورت عقلمه ایکن بی ادراک وجاد خیر صورت بی شعورده
ایکن بر ادراک اولق عجبدر یعنی اولکیسی جلالة وایکنجسی جماله
مضاف در بوندن (ینخرج الحی من الميت) سری فهم اولنور
زیرا بو عالم جمیع اجزاء وابعضیه حقیقت انسانیه دن تولد ایتشکن
والداولان جاهل ومولود اولان عالم اولدی پس بوندن حیه جماد وجماده

حی دیمك لازم کلدی زیرا بری صورت حی ده میت و بری دخی صورت
میتده حیدر و بونده تنبیه وارد که لطف وقهرك مجموعی حقہ مستنددر
ولکن عبده ادب بودر که لطفك اثری اولان کالی حقہ وقهرك ثمره سی
اولان نقصانی نفسه نسبت ایلله وبومعنی کرچه شرک صورتنده در
ولکن حقیقتنده توحیددر وتلویج وارد که باطنی خبردار اولان
کسه نك ظاهری ضریر ایه ده ینه بصیردر وباطنی غافل اولان
کشینك ظاهری بصیر ایه ده ینه ضریردر زیرا بصردن
مقصود بصیرته انتقال وبصیرتدن مراد بصری اعمالدر بوايشه
غافلده مفقوددر وایما وارد که باطنی بصیر اولان کسه نك ظاهری
دخی بصیردر یعنی بصیرتی ایلله عالم ملکوت حقایقنه مطلع اولدیغی کبی
بصری ایلله دخی عالم ملکوت آثارنی کاینذیغی مطالعیه قادر اولور محبوبلرک
ابصار ظاهره سی ایه بومطالعهدن دور ومهجوردر وبصرک
بعض برهانی بالاده تبیین اولمشدر پس بصیرتله بصرک میاننده
فرق عظیم وتفاوت فاحش وارد (لحرره) کر نهان اوله کوزمدن بردم
اول نور بصر * ایکی کوزم ایکی کوزم ناکهان ظلمت بصر * کورمز
اولور دیده افلاک آخر عالمی * روی شمس شب چان تاریک دن برده اصر *

* جان و دلر اطاقت آن جوش نیست *

* با که کویم در جهانیک کرش نیست *

* طاقت * اسمدر وسع وقدرت معناسنه اصلی اطاقتدر طاعتك اصلی
اطاعت اولدیغی کبی زیرا فعلاری اطاق واطاع در ومفرداتده
کلور که الطاقه اسم لقمه دار مایمکن الانسان ان یفعله بمشقة وذلك
تشبیه بالطوق المحیط بالشیء کطوق الحمامة المحیط بعنقها ونحوه
من طوق الذهب والفضة (معنای بیت) بودر که جان و دله اول
جوش وخروش طاقت وقدرتی یوقدر یعنی دریای جان ودلك
نیچه جواهر اسرار وحقائق ایلله جوش اتمسچون باد صبای همت
هبوب ایدر کن ینه بعض موانع عارض اولوب جوش ایتکه قومز
زیرا جوش ایتك تکلم طریقله اولور بن ایه جهاند کیمه سویلیم
واسرار حق اکایسان ایلیم چونکه کلامی اصغایه صالح برکوش
یوقدر یعنی قابل خطاب اولدیغی برده سکوت وسکون لازمدر

زیرا جواهر اعناق خنازیره تعلیق اولمیز واسرار سلاطینی سیایس
مقوله سنه دیمک اولماز وسوق دجا جده جل صاتلر (سؤال
اولنور سه که اعصار امت مر حومه دن هر عصر ده یوز یکر می
درت بیک و بلکه زیاده اولیا موجود در دیو مبتدر بونلرک جله سی بحسب
المراتب قابل خطابدر پس بر کوشش یوقدر دیمک نیجه صحیح اولور
(جواب بودر که قابل خطاب اولنلرک وجودی فی نفس الامر حضرت
مولانک انلری وجدانی مستلزم دکلدر زیرا اهل حال اولنلر غریب
و ینیم حاصل اوله کلمش لدر و بردخی بو کلام مقتضای سکر در سکر
اهلنه ایسه کندی رتبه لرنده کیسه کورنمز (سؤال اولنور سه که حسام
چلبی که سبب تحریر مشنوی و حین تحریرده مخاطب حضرت مو او بدر پس
آنک کوشی اصغایه کافی دکلدر (جواب بودر که حسام چلبی حضرت
مو او بیک فی الحقیقه مربی و شیخی اولق اوز ره در پس وجه کلام اندن
غیر به ناظر در و بویله دیمک دخی اولور که حسام چلبی دنیاده کور رسک که
قابل خطاب قالمشدر پس بواسرار ی سنن غیری که جوش ایدوب
سو بلیم مع هذا لسانه کلن مرتبه دن دلمده اولان افزوندر پس هر دله
کلن لسانه کلز و کلمک حسیله درد و بلار توب حیرت ال ویرر زیرا نطقه
مجال اولسه فی الجملة تسلی حاصل اولوردی و منطق الطیر ده کلور
* چونکه خواهم کز غمت آهی کنم * چون علی سررا فرو چاهی کنم *
و جلد رابعه آبکیر و صیاد قصه سنده کلور * نیت وقت مشورت
هین راه کن * چون علی تو آه اندر چاه کن * محرم آن آه کیابست و خوش
شب رود پنهان رو کن سووی عش * بوندن فهم اولنور که نامحرمه
افشای راز ایتکدن ایسه غلیان دل واقع اولدقده چاهه آه انداز اولق
یکدر و فضولی شعر نده کلور * راز درونی طشره صالمق رواد کل *
بودر گاهی کیم آصلور دایما جرس * و بوندن زاهد ایله عاشقک حائنه
اشارت واردر که زاهد اولان عاشقک حائنه محرم دکلدر زیرا حال اهلی
حرارت اهلی و قال اهلی برودت اهلیدر و حرارت و برودت مثلاً یازوقیش
بر برده مجتمع اولد یغی کبی قال و حال اهلی دخی نه هم مجلس اولور
ونه راز در و نه محرمیت صورتن بولور و کال خجندی نظمده کلور
* باناصحی درد نکویم غم خویش * بیهوده سخن محرم آن راز نباشد *

و بوندن فهم اولنور که حرارت معنائک محلی جان و دلدر تنکم حرارت
شهوانک مقری طبیعت و حرارت هوانک مکائی نفس اماره در
زیرا اعضا و قوادن هر بری امر مخصوص ایچون مجبول
اولوب اوصاف زانده ایله بری برلر ندن متمیز اولمشلدر
* هر یک کوشی بدازوی چشم کشت *
* هر یک اسنکی بدازوی یشم کشت *
* سنک * طاشدر وزن معنائنه دخی کلور پس سنکین طاشدن دوزلشه
و وزنده آغراولانه دخی دیرلر وزنه سی آغراولانه کران سنک دیرلر * یشم *
بریشل طاشدر خاصه سی اولدر که اولدیغی بری آتش یاقز و یلدرم
اصابت ایتمز حتی دیرلر که برشهره چوق کره یلدرم دوشراولسه ایدی
اول شهره برمناره کبی میل بابوب علم برینه یشم قوسه لردی بامر الله تعالی
اول ستمه ارتق صاعقه اصابت ایتمه و خریدة العجائب نام نگایده کلور که
بحر یشم معدنیدر بر کیسه آنی کور سه حراب و خصوصاً مانده کیسه اکا
غالب اولیه و بر تشنه آنی آغزیننه اسه عطشی ساکن اوله و خاصه سی سبیل
ملوک آنی قوشاقلرنده و سلاخلرنده و آت اسبابنده اتخاذا یدرلر و یشم شب
دید کلرینک غیر یدرا کر چه که میانلرنده مشا بهت واردر زیرا یشم
معدنیدر که ذکر اولندی و یشم بمن در یاسندن کلور و یشم دن یومشاقدر
و هر نه اونه مراد اولنور سه بویانق قابلدن (معنای بیت) بودر که هر قنده که
حقیقت اوزرینه کوش اوله و خطابه قابلیت مرتبه سن بوله او کوش کندی
مرتبه سندن ترقی ایدوب فیض حق و تأثیر مطلق ایله چشم اولدی انکیچون
حضرت موسی علیه السلام خطاب حق ایله مسند اولدقده باطنی پر بصر
اولوب معشای خور و حالند و بیت حقله شرفیاب اولدی و فخر عالم صلی الله
علیه وسلم دخی ایله معراجده حضرت موسی مرتبه سندن ترقی ایدوب ظاهر
و باطنی پر بصر اولوب جمیع اجزاء و جودیه حتی شهود ایلدی و کوش ایله
چشمی برابر اولدی اگر چه که کوش و چشمک هر برینک باشقه ما خلق لهی
واردر و هر قنده طاش ایدی اول طاش تجلی آلهی الیه یشم اولوب قیمت
و رغبت بولدی یعنی کوشه تجلی حق واقع اولمقله چشم مرتبه سن
بولدیغی کبی سنک سیاه و سخته دخی نظراً لهی واقع اولسه یشم مرتبه سن
بولور تنکم طور موسی علیه السلامه تجلی واقع اولدقده جله احجاری

لعل اولدی زیر تاب تجلیک تأثیری شمس و قمر و کواکبک تأثیرند زیاده در
چونکه اجرام نیره نک تأثیری ایلله احجار نفیسه تکیون ایلله اول اجرامک
خالق اولان حقک نظرندن جواهر قیمتدار اولق بطریق اولی در پس
کلام نظر حقه در اگر چه که استعدادک دخی دخلی وارد و لیکن
استعداد دخی نظر حقن مستفاد در بونده اشارت وارد که چشم
مرتبه سی کوشک فوقنده در زیر الله تعالی اصطفا ایتدیکی کیمسه بی
ابتدا مقام سمعه مناجات اهللی ایدر ثانیامشاهده به تخصیص ایدوب ترقی
بخش ایدر انکیچون انسان اول قولقندن عاشق اولور بعده مرتبه ملاقاته
مرادن بولور پس مقدم محبوبک اخبارنی احرازه حریرص اولق کر کدر
تا که تعشقی ترقی ایدوب رؤیت ایلله استسعاد حاصل اوله و بونده رهن
وارد که دل انسان سنک سیاه کبیر که بی قیمتدر ز بر اقلک قدر و قیمتی
معرفت و شهودله در پس چون بومعنی حصوله کله وصفی متبدل اولوب
یشم کی قیمتدار اولور انکیچون احجار نفیسه نادر اولدیغی کپی
قلوب عارفه دخی کی ایدر و بومقوله قلوبک رواجی اربابی یاننده در والا
عوام ناس قاتنده بی اعتبار در اعمی یاننده جوهر و بویجق برابر اولدیغی
کپی * ع * قیمت در کرائیه چه دانند عوام * بعد ذالک سنک مثال
اولدیغی عدم تأثیرند بلکه نیجه قلوب وارد که سنکدن برتر در زیر
سنک وارد که متشقی اولوب اندن انهار تفجر ایدر تنکم قرآنده
کلور (و انهم الما بشقی فیخرج منه الماء) پس شول آب که فیض آلهی
صورتبدر حجر دن نوع اینسه بی فیض معنی اولان قلبدن افضل
اولش اولور زیر آب صورت حیات و فیض آلهی سر حیاتدر پس سر
حیات اولدیغی موضعه صورت حیات دخی کار کر اولور زیر آب جمیع
موجوداتک بقاسنه باعثدر (لحرره) فیض آبه محل اوله چو حجر * فیض حق
ایتمه ندن دل جر * آبله سرو برز مینده نبات * فیضله سر چکر چنده شجر *

کیمیا ساز ست چه بود کیمیا

معجزه بخش است چه بود سیمیا

* کیمیا * معلوم اوله که علم صنایعیه کیمیا دیونسمیه ایتمشله اصلیه کیم
در که عبرائی لغتده یاملک باسلطان دیمکدر تنکم امام جلدی کتاب
برهانده تصریح ایتمشدر و طاش کبری زاده نک مفتاح السعاده نام

کتابنده کلو رکه لفظ کیمیا عبرا نیدر که کیم به لفظینک معر بیدر معناسی
آیه من آیات الله دیمکدر و علم کیمیا نک تعریفی بودر که ذکر اولور
(علم یراد به سلب الجواهر المعدنية خواصها وافادتها خواص لم یکن لها)
* سیمیا * دخی لفظ عبرا نیدر که سیم به نک معر بیدر معناسی اسم الله دیمکدر
و علم سیمیا نک تعریفی بودر که ذکر اولور (احداث مثالات خیمالیه
فی الجول و وجود لها فی الحس) و کمال پاشا زاده دقایقه ابراد ایدر که سیمیا
اعمال حیلدن شول عملدر که ترک انک صا حینه کوز باجی دیرو کیمیا
اکسیر بلرک دوزدیکی عملی التوند و اول صنعته دخی کیمیا دیرلر اتمهی
و اکسیر ایلله کیمیا نک فرقی وارد در زیر اکسیر معر اتب عملدن هر مرتبه اوزرینه
اطلاق اولور کیمیا ایسه مجموع مر اتب اوزرینه اطلاق اولور پس اکسیر
اعمد و بوندن اخذ اولور که علم کیمیا علم کیمیدر که فی الحقیقه علوم انبیا
و کمال اولادندر تنکم کلمات موایه ده کلور * از کرامات بلند اولیاست * اول
شهرست و آخر کیمیاست * تنکم محمدیه اوزرینه فرح الروح نام شرخرزده مفصلا
تبیین اولمشدر پس انک حقیقته واصل اولیانلر آتی عمل و مز حرف نسته
قیاس ایدر بللی عملدر زیر اطوار و مر اتمده اعمال کثیره سی وارد
و لیکن مز خرف دکدر و لیکن کیمیا نک مراتبی وارد بری کیمیا
صناعیدر که جواهر ارضیه بی استحاله ایدوب سیم وزره تبدیل ایدر
اگر چه که ابوعلی سینا بوعلمه عدم وصولندن ناشی استحاله بی انکار ایتمشدر
استحاله نک ایسه آفاقده نظاری چوقدر آب هوا به منقلب اولق کپی
و بری دخی کیمیا السعاده در که تذهیب نفسدر یعنی نفسی رذائلدن
تزکیه و فضائل ایلله تحلیه در و بری دخی کیمیا عوامدر که مناع اخروی
باقی بی حطام دنیوی فانی به استبدال در نعوذ بالله تعالی و بری دخی کیمیا
خواصدر که قلبی ماسوی الله دن تخلیصدر (بسر الله لنا ولیکم بفضل
و کره) بوقیر کیمیا صنایع و کیمیا تذهیب و تخلیص ارباب ایلله صحبت
ایتمشدر و لیکن بودولنه فی الحقیقه واصل اولنلرک عجب حالری وارد که
غنائی قلبدن ناشی (القناعه کنز لایفی) ایلله عمل ایدرلر و حطام دنیایه
التفات ایلرلر زیر کیمیا صنایع که مولود الفلاسفه دیرلر مولود قلبک
صورتبدر پس سلوک اهلنک مقصودی و لدقلبی بولمقدر غیری دکل
والا برسالکک ماسوایه ادنی مرتبه لمحیه سی اولسه نظر حقن دور

و مقام زنی دن مهجور اولور (معنای بیت) بودر که حق تعالی به ایات سابقه متضمن اولد یغی وجهله مدح و ثنا ایتک بندن ترك ثنادر یعنی ترك مدح وعدم ثنا حکمنده در ز برابو مدح و ثنا و اراغه دایلد و ارا لقی ایسه خطادر پس خطایه شاهد اولان دخی خطا و ناصواب و اظهار وجود ایتک مذوم در بلا اریاب بلکه حقیقده ثنا و در که احصاء ثنایدن کسه دن حقه صادر اولا که فتنای الله مرتبه سنه وصوله و بی صحو حاصل اوله که عالم سکره دخول در نتکم اکل البشر و افضل بنی آدم صلی الله علیه و سلم من ایدوب بیورر (لا احصى ثناء عليك كما اثنيت انت على نفسك) یعنی عبدك مرتبه فرقه ایتدیکی ثنادن مرتبه جمعه ایتدیکی ثنا ایتکدر ز برابو مرتبه فرقه اولان ثناء محدثدر که محدثدن صادر اولشدر محدثدن صادر اولان نسته ایسه حقه ذات قدیمه صالح اولما ز پس اکا صالح اولان ثناء قدیمدر که مرتبه جمعه صادر اولان ثنادر ز برابو اول وقتده اولان ثنادر قدیم و وجود باقی و از اینک ثنایدن عبد اول ثنایه آلت و ظهورنه مرآت در فقط حقه کندی نفسنه اولان ثناسی سورة فاتحه در که بیورر (الحمد لله رب العالمین) الی آخرها اگر چه که بوسوره جلیله تک نصی ربك و نصی عبد کدر که و بهضیله دیدیلر که انسان نقدر کامل اولسه ینه حقه مظاهر کالاتندن بر مظهر بدر حق ایسه اوصاف آیاتی ایلهر مظهرده ظاهر در پس جمله ده ظاهر اولان جمله دن اوسعدر و مظهر واحد جمله دن اوسع اولان حقه حقه و فایتمکه قادر اولما ز مع هذا الله تعالی جمله دن غنیدر پس عبدك ثناسنه احتیاجی بوقدر ولیکن عبد عبودیتی حسیله ثنا ایتک لازم کسه ینه سر اولوهیته وصولدن صکره ثنا ایدر یعنی ذات و صفات و افعالی حقه ذات و صفات و افعالنده اقسا ایدوب حقه ثنا ایدر نفسله دکل نتکم ذکر اولندی ز برابو ثناده کندی ثناسنی ثناء حقه افنا ایتک وارددر پس حقیقده ثنا حقدن حقه در عبدن حقه دکلدر و بوندن عبد رب اولق لازم کلز ز برابو مرتبه سر و حدتک ظهورنه ناظر در نتکم مرار اشرح اولمشدر و بونده من لفظندن هستی فهم اولند یغی جهندن محلمده واقع اولمشدر (سؤال اولتورسه که بو ثنائک و اراقدن ناشی اولدیغی ندن معلوم او اور) (جواب بودر که بر نسته که قبله محفوظ و اسانله ملفوظ و اذله مسموع و بصراه محسوس و قلم ایلهر مکتوب اوله مجازه دائر در مجاز ایسه حقیقندن جدادر پس حقیقت صرفه

و مقام زنی دن مهجور اولور (معنای بیت) بودر که حق تعالی به ایات سابقه متضمن اولد یغی وجهله مدح و ثنا ایتک بندن ترك ثنادر یعنی ترك مدح وعدم ثنا حکمنده در ز برابو مدح و ثنا و اراغه دایلد و ارا لقی ایسه خطادر پس خطایه شاهد اولان دخی خطا و ناصواب و اظهار وجود ایتک مذوم در بلا اریاب بلکه حقیقده ثنا و در که احصاء ثنایدن کسه دن حقه صادر اولا که فتنای الله مرتبه سنه وصوله و بی صحو حاصل اوله که عالم سکره دخول در نتکم اکل البشر و افضل بنی آدم صلی الله علیه و سلم من ایدوب بیورر (لا احصى ثناء عليك كما اثنيت انت على نفسك) یعنی عبدك مرتبه فرقه ایتدیکی ثنادن مرتبه جمعه ایتدیکی ثنا ایتکدر ز برابو مرتبه فرقه اولان ثناء محدثدر که محدثدن صادر اولشدر محدثدن صادر اولان نسته ایسه حقه ذات قدیمه صالح اولما ز پس اکا صالح اولان ثناء قدیمدر که مرتبه جمعه صادر اولان ثنادر ز برابو اول وقتده اولان ثنادر قدیم و وجود باقی و از اینک ثنایدن عبد اول ثنایه آلت و ظهورنه مرآت در فقط حقه کندی نفسنه اولان ثناسی سورة فاتحه در که بیورر (الحمد لله رب العالمین) الی آخرها اگر چه که بوسوره جلیله تک نصی ربك و نصی عبد کدر که و بهضیله دیدیلر که انسان نقدر کامل اولسه ینه حقه مظاهر کالاتندن بر مظهر بدر حق ایسه اوصاف آیاتی ایلهر مظهرده ظاهر در پس جمله ده ظاهر اولان جمله دن اوسعدر و مظهر واحد جمله دن اوسع اولان حقه حقه و فایتمکه قادر اولما ز مع هذا الله تعالی جمله دن غنیدر پس عبدك ثناسنه احتیاجی بوقدر ولیکن عبد عبودیتی حسیله ثنا ایتک لازم کسه ینه سر اولوهیته وصولدن صکره ثنا ایدر یعنی ذات و صفات و افعالی حقه ذات و صفات و افعالنده اقسا ایدوب حقه ثنا ایدر نفسله دکل نتکم ذکر اولندی ز برابو ثناده کندی ثناسنی ثناء حقه افنا ایتک وارددر پس حقیقده ثنا حقدن حقه در عبدن حقه دکلدر و بوندن عبد رب اولق لازم کلز ز برابو مرتبه سر و حدتک ظهورنه ناظر در نتکم مرار اشرح اولمشدر و بونده من لفظندن هستی فهم اولند یغی جهندن محلمده واقع اولمشدر (سؤال اولتورسه که بو ثنائک و اراقدن ناشی اولدیغی ندن معلوم او اور) (جواب بودر که بر نسته که قبله محفوظ و اسانله ملفوظ و اذله مسموع و بصراه محسوس و قلم ایلهر مکتوب اوله مجازه دائر در مجاز ایسه حقیقندن جدادر پس حقیقت صرفه

اودر که آندۀ آثار وجود خارجی اولیه انکیچون تفرید در اول مرتبه که
 موحد اولان کسیه موحدی نفس و آفاده ملاحظه دن تقطیع ایلیه
 و موحدی سر پاکله ادراک ایلیه و بوندندر که دیرل (الآن علی ما کان
 علیه) فاعرف جدا و بوندن اخذ اولور که ارباب حالک بومقوله احوالی
 مجاز و هستی به محمول اولیجق ارباب قالک اقوالی نیجه اولق کر کدر قیاس
 اولنه انکیچون اصحاب ظواهرک اقوال و افعالنده ثمرات مضاعفی یوقدر
 زیر افضا عفو قوتنددر اصحاب ظواهرک حالی ایسه ضعیفدر زیر اکثری
 اغراض فاسده اوزرینه بنیدر بی غرض اولانک دخی مطالعه سی قاصر در
 بومعناده ایسه حضور قلب و جمع همت و شهود جمال حضرت لازمدر
 (لحرره) مرغ بی پریده مز پر ازی * مرد بی پروا ایدمز دروازی *
 شولکه صوت ضعیفه سویلر * فلکه ایر کوره مر آوازی *

* پیش هستی او بیاید نیست بود *

* چیست هستی پیش او کور و کبود *

* او * الله تعالی به راجع ضمیردر پیش او پیش هستی او تقدیرنده در نیست
 بود نیست بودن تقدیرنده در * کبود * کولر نکدر بوراده اتباع و مز اوجه
 طریقله مذکور در ولکن مناسبیدن دخی خالی دکلر زیر اکولر نک سیاهه
 قریبدر چشم کور ایسه ظلمانی و بی نوردر پس مقصود وارانگی ظلمت
 و سیاهلق ایله وصفدر که نور آفتاب حقیقه حجاب و حائلدر نیکم ایات
 لاحقه دن روشن اولور (معنای بیت) بودر که حق تعالینک وارانگی
 اوکنده و وجود واجبی یانده بوق اولق کر کدر یعنی وارانگی آنک وارفنده
 افنا و وجودی آنک وجودنده محوایتک لازمدر زیر مخلوقک وارانگی آنک
 وارانگی قاتنده ندر کور و کبود نسبه در یعنی عین ظلمت و سبب تفرق
 و باعث کدورتدر پس ظلمت لیل تمام اولوب ارادن چیتمقد قجه نور صباح
 باهر اولدیغی کبی ظلمت هستی مخلوق دخی آخر اولوب نور هستی خالق
 ظاهر اولماز مقصود ایسه نوره وصولدر یوخسه ظلمتده قیام دکل
 زیر اظلمت عدمه و نور وجوده ناظر در وجود ایسه عدمدن عز یزولذیدر
 بوجهتنددر که خواص بشر دخی عوام کی مهلکادن خوف ایدرلر
 (سؤال اولور سه که بوندن ظاهر اولدیکه وجود فنادن افضلدر
 پس وجودی افنا و ازاله نک معناسی ندر) جواب بودر که بزم وجودله

مرادیمز روحک جسمه تعلقدن صکره حادث اولان ایت و تعیندر پس واجب
 الازاله اولان بو وجوددر یوخسه وجود خارجی دکل بلکه وجود خارجی بی
 ذکر اولان وجودی ازاله اید نیجه محافظه لازمدر زیر اول منزله وصوله
 مطبیه در شهویه که بومعناک حصولدن مقدم نفس ناطقه جسددن
 مفارقت ایسه بردخی تدارکی ممکن اولماز بوندن ظاهر اولدیکه هستی
 خالق بو تعین و ایتندن فناء تام بولدقن صکره طلوع ایدن نور وجود
 حقیقی در که آندۀ اصلا شرکت یوقدر نکم نور شمسله سایه نک اشتراکی
 یوقدر بلکه سایه امر ظلمانی در که حادث اولمش و وجود صورتی بولشدر
 صورت وجوددن ایسه حقیقت وجود لازم کلز نکم سیمیاده و افعال
 حیلده معلومدر قطره نک باشقه وجودی یوقدر بلکه آنک وجودی
 وجود در یالله قائمدر کذلک شمسک پرتوی دخی شمسله قائمدر پس قطره
 و پرتوک وجودلری در یاوشمسده فنا بولشدر انجیق تعین اهلی اولنلر
 اصلدن محجوب اولوب فرعه باشقه وجود و برلر و ایتنیت ایله نظر ایدرلر
 وجود ایسه وجود واحددر بونده وارانگی زیاده تقبیح واردر شوبله که
 وارانگی اهلی کور کبیدر پس کور اولان کیمسه نظرندن محجوب اولدیغی
 کبی وارانگی اهلی دخی سر وحدتی ادراکدن اعماد و بونده رمز واردر که
 کولر نک الوان جلالنددر ولکن سیاهه ایکی نوعدر بری مبتدی
 صفتیدر که مذمومدر و بری دخی فناء تامده لایح اولاندر که مقبولدر
 بومعنایه نظم صابده اشارت طریقله کلور * کر بچشم پاک در صنع آلهی
 بنکری * کعبه مقصود خود را در سیاهی بنکری * و دیشلردر که * هفت
 رنگیست زیر هفت اورنک * نیست بالا تراز سیاهی رنگ * ولکن
 سیاهک ظاهری جلال اولغله جنت اعلا ده قاش و کرپک و صاچدن غیریده
 لون سیاهه یوقدر (لحرره) چون صفا بخش دکل رنگ سیاهه * بویانور رنگ
 سبزه برلک و گیاه * اون احضرده در جلاء بصر * نوردن اول بصره پرده اصر
 * کور نبودی کور زو بکد اختی *

* کرمی خورشید را بشناختی *

* کور * بوراده کوردن مراد کور و کبود اولان هستی مجازی صاحبدر
 نکم بیت لاحق اکافرینه در پس حضرت مولانا قدس سره کور اولان
 هستی بی بیاندن صکره کوره مصاحب اولانک دخی کور اولدیغی سیاهه

انتقال ایلدی * کرم * کافی عجمیله اسیدرنتکم یازه کرما دیرلرالف ملابسہ
طبیعیہ دلات ایچون زیاده قلمشدر پس کرما بالطبع اسبیه ملابس
دیمکدر (معنای بیت) بودر که اگر اول کور و کبود اولان هستی مجازی نک
صاحبی اهل صفتک ملابسہ سی سبیلہ هستی حقیقیدن کور اولیایدی
کندی وارلغندن ادر و قال اولوردی زیرا بصیرتی آچیلوب خورشید
هستی حقیقینک کرمین اکلر و بیلور وادراک قیلوردی و لیکن وارلق
آنی بوز کی طوکدروب تأثیری کرمی خورشید مذکورہ مانع و حائل اولدی
بونده هستی خالق خورشیدہ و هستی مخلوق قوت برودتہ و انسانی
یخہ یعنی بوزہ تشبیه واردر یعنی هستی خالق خورشید کی دائماً تاباندر
ولیکن زمهریر ایچنده واقع اولان قوت برودت هستی مخلوق قوت بولغله
وجود انسان یخ زمهریر کی اریبوب شو بله قالور بوندن فہم اولنور کہ
قابل و مستعد اولان انسانک حالی ایام تموزده تأثیر خورشید ایلہ یخ
حکایہ سیدر یعنی اول ایامده تاب خورشیدہ یخ طیانیدی کی جانب
فناہ اقبال ایدن سالک مستعدک وجودی دخی دمبدم تأثیر تاب هستی
وجود حقیقی ایلہ اریبوب کتمده د ر شوبله کہ تأثیر مذکور دن یخدن
نیچہ اثر قالمزسہ هستی سالکدن دخی اثر قالمیوب ذات و صفات و افعالی
بالکلیہ فنا بولور و ذات و صفات و افعال حقلہ قیام بولوب وجود حقانی
اہلی اولور و نفسک برودتندن ناشی اولان احوال عارضہ سایہ کی
چکلوب زوال مرتبہ سنبہ کلور و میدان شمس شغل سایہ دن فارغ اولوب
آچیلور (لحررہ) قوریلور بازی کوی و چوکان * آچیلور عشقہ عاقبت
میدان * بولور آخر وجود فانی زوال * کلدیکی یولہ دونر سایہ مثال *
و بونده اشارت واردر کہ بی بصر اولان کیمسہ تاب آفتابدن انجق
بر کر میت حس ایدوب پرتو انوار خورشیدہ منور اولقدن محروم
اولدینی کی بی بصیرت اولان دخی آفتاب حقیقی ایلہ بولہ در انکیچون
ارباب ظاہرک اکثری وجودده فتور وادراکده قصور دن خالی دکلدر
و بلکہ جلہ سنک مبالغہ معرفتی نفس ملہمہ مرتبہ سیدر و سالک محجوب
دخی بوطائفہ لمقدر اگر چه عشقی انکار ایتز * وزهدور یا اہلی
کی تعصب و عناد بولنہ کتمز * شوقدر واردر کہ نہایتہ انلرک
مزانندن مفارقت ایدر و نفس مطمئنہ طوغری حرکت ایدوب کیدر مکر

استعدادی ناقص و حجابی غلیظ و کثیف اولہ (لحررہ) بی بصیرت
جمال کورمز ابد * بی بصر دن دخی اولوبدر بد
* ورنیودی او کبود از تعزیت *
* کی فسر دی همچو یخ این ناحیت *
* تعزیت * قاعدہ عجم اوزرہ تاء طویل ایلہ کتابت و تلفظ اولنور نظاری
جو قدر ناحیت وزیادت و امثالی کی تعزیه اعطاء عزادر یعنی مصیبت واقع
اولدقدہ صبر و تسلیمہ حث و تحریر و قضاء حقہ انقیادہ متعلق کلامدر
نتکم بھنیہ سرورہ متعلق نسنبہ ظہورندہ خیر و برکت ایلہ دعا
و ہنیہ سالک دیمکدر بورا دہ تعزیتدن مراد نفس مصیبتدر زیرا لوازم
مصیبتندن اولغله میانہ اتصال واردر و تعزیه ما قبلانہ و ما بعدنہ
مرتبط اولق محتملدر نتکم تقریر معنادہ روشن اولور * ناحیت * کلمہ یابہ در
جانب معناسنبہ یعنی نخودن دکلدر بلکہ نخیدن نتکم قاموسدہ
مصرحدر (معنای بیت) بودر کہ واکر اول هستی مذموم و وجود
مؤہوم صاحبی مصیبت هستی دن کور و کبود و غافل و محجوب اولیایدی
چن بوز کی ناحیہ هستی دہ طوکوب قالوردی و لیکن غفلت آنی
اول هستی برودتندن یخ کی فسرده قیلدی اولدخی کر میت هستی
حقیقی بی ادراک و آنکله متأثر اولقدن قالدی و یا خود اکر
هستی مذکور سبب هستی ایلہ فی نفس الامر کرمی خورشید
هستی حقیقیدن کور و غیر متأثر اولیایدی کندی مصیبتہ و قوفدن
ناشی چنان ناحیہ هستی دہ فسرده قالوردی یعنی مصیبت هستی بہ
دوشوب آنکله مصاب و مبنی اولدینی یلوب ای نفس سن برودت
هستی فانی و وجود مجازی ایلہ افسردہ اولمش و بلای بولمش سین
دیو باشنہ جمع ایدوب اریمکہ چاشور و اریوب قال اولانہ بولشوردی
زیرا بی خدمت قیما چلر و بی دلیل در بند یکلمز بوندن فہم اولنور کہ
صاحب هستی اولان کسہ مصیبت عظمی اہلیدر کہ تعزیه بہ مستحقدر
زیرا مصیبت حقیردہ بحسب العادہ تعزیه اولماز و بوندن اخذ اولنور کہ
مصیبت و بلا نہ ایدو کین بلن کسہ البتہ دردنہ درمان آرر تا کاندن
خلاص و نجات بولور نتکم مرضی وارباب جروح و قروحده مشاہد

و محسوس در نیتکم دیشلردر (الغریق بتثبت بكل حشیش * درد
یوقدر کیم آنک اربابی اولماز چاره جو *

* همچوشه نادان و غافل بدوزیر *

* پنجه می زد باق-دیم ناکزیر *

* غفلت * انسانی حقیقه امور و وقوفدن منع ایدن معنادر پس هر نسنه دن
غفلت ایتمک قلبه آنی اخطار ایتمکدن عبارتندر * قدیم * حادثک مقابلیدر
یعنی اول موجودک اسیمیدر که آنک اولی اولیه قرآنده و آثار صحیحده
وصف حقه قدیم وارد اولماشدر ولیکن متکلمین حتی آنکه وصف
ایتمشدر * ناکزیر * کاف بحکمینک ضعیله لابد و ضروری معناسنه زیر آکریر
چاره دیکدر پس ناکزیر ناچار و ضروری دیمک اولور نیکم کاستانده
کلور * چو جنک آوری با کسی برستیز * که از وی کزیرت بودیا کزیر *
بوراده ناکزیر قدیمک صفتیدر واجب الوجود معناسنه زیر حادثک
وجود و عدمه ضرورت یوقدر قدیمک ایسه وجودینه ضرورت وارد
والایامکن و یا تمتنع اولق لازم کلور (معنای بیت) بودر که پادشاه
جهود کبی وزیر معهود دخی نادان و غافل ایدی انکیچون واجب الوجود
اولان قدیم ایله پنجه آوردی و محاصمه و مقاومت صد دنده اولدی
بلدی که حقک پنجه قدرتی رو بین و کندیکنک پنجه سی اثر طینه در
* کرچه شاطر بود خروس بچنک * چه زند پیش باز رو بین چنک *
و غافل اولدی اول معنادن که حق تعالیکنک احیا و انارت ایتدیکی دین
عیسایی سویندرمک ممکن دکلدر نیکم قرآنده کلور (یریدون ان بطغوا
نور الله بافوا هم والله متم نوره ولو کره الکافرون) بونده عقل معاش
ایله روح حیوانینک حالنه اشارت وارد زیر روح حیوانی نادان
و عقل معاش دخی حقیقت حالدن غافلدر انکیچون وجود انسانیده
مستعمل اولان نور قلبی اطفایه سعی ایدر یعنی نفس انسانیه بی کندی
مقتضای اولان مشارب و مشتهیه نه حل ایله مقاومت قلب صد دنده اولور
نیکم قرآنده بطریق اشاره کلور (وان قوتلتم لننصرنکم) یعنی ای نفس
وقوای طبیعیه اگر سز سیف ریاضت و روح مجاهده ایله مقاتله اولور سکر
بزنری قوای شهوانیه و حیوانیه و بهیمیه و سبعیه ایله تقویت ایدر ز
ولیکن الله تعالی بدن قلب و قوای روحانیه به امداد و اعانت اولیحق

سائر قوائک انلراوزرینه تسلطه مجالری اولماز و برنسنه آنلره غلبه
یوزندن ظفر بولماز زیر تقوای سبیلله معیت حقه مشرف اولمشدر
نیکم قرآنده کلور (واعلموا ان الله مع المتقین) و قلبک تقوای ماسوایه
میل و انحرافدن احترازدر زیر ماسوای اعدادر انکیچون حضرت
ابراهیم علیه السلامدن بطریق الحکایه تنزیله کلور (فانهم عدوی
الارب العالمین) نفس و طبیعت و قوای شیریه ایسه اعداء باطنیه
و انفسیه در پس دفع اعدا ایچون علاج جسمانی و روحانی واریکن
معالجه دن روگردان اولق عجز و کسلندر * بوندن اقویا و ضعفانک
حالی معاوم اولدی زیر اقویا زنه وزن حکمنده اولان نفسه زبون اولماز
نیکم حدیثده کلور (فضلت علی آدم بخصلتین کان شیطانی کافرا
فاعانی الله علیه فاسلم و کن ازواجی عوانی و کان شیطان آدم کافرا
وزوجه عوانه علی خطیئته) کافی اکام المرجان و بومر تبه دن وراثت
صحیحه حسبیلله کمال امت دخی بهره منددر و اولکه حدیثده وصف
زنانه کلور (یغلبن الکرام و یغلبهن اللئام) امور ضروری ده در
ضعفا ایسه بونک خلافتدر انکیچون دیشلردر که برخانه ده ماکیاندن
آواز خروس کله اول خانه ده ذلاح قالمز و حدیث صحیحده کلور
(لن یفلح قوم تملکهم امرأه) و بوح حدیثده زنان حکمنده اولان
رجاله دخی اشارت وارد نیکم واردات حقیقه نام کتابمزده مشروحدر
(لحرره) * ریش مرد اولسه قبضه زنده * مرده دی اولیه مرده
نه زنده * زنه مغلوب اولان صان ارزن در * قوت اولور می هیچ برار زنده *

* باچنان قادر خدای کز عدم *

* صد چو عالم هست کرد اندبدم *

* عدم * ایله قنائک میاننده فرق بودر که عدم سلب الوجود معناسنه در
کرک وجود سابق و کرک وجود لاحق قنائسه وجود لاحق سلبدر پس
عدم نشان اعدا الحاصل عدم اصالیسی اوزرینه باقی اولان نسنیه
معدوم دیدکاری کبی وجود حادثی مغلوب اولانه دخی دیرل فانی ایسه
وجود عارضیسی زائل اولاندر فقط * دم * نفسدر بر نفس و طرفه العین
و علی الفور مراد اولور و النفس الریح الداخل والخارج فی البدن
من القم و المنخر وهو کالغذاء للنفس و بانقطاعه بطلانها (معنای بیت)

بود که انجیلین قادر خدا که بر نفسده عدمدن یوز عدد یعنی نیچه بو عالم کبی
عوالم وارایلر زیر قادرک ذاته نهایت اولدیغی کبی صفی اولان
قدرته دخی نهایت یوقدر شویله که لانهایه عوالمک ایجادنه قدرت
نامه سی تعلق ایتمسه تخلف ایتمز وهرنه که مقدوردر وجوده کلور بعدذا
اگر عالم دن مراد دنیا ایسه انک حدی سموات سمادن تحت الثرایه دلدر که
جمله سی عالم کون وفساددر واکر مطلقا ذات حقه علم و نشان اولان
موجودات ایسه مجموع جسمانیات وروحانیات مشتملدر که عوالم کثیره در
شویله که دنیا اول عوالمدن بر عالمدر پس بوندن حقیق ملک واسعی
فهم اولنه و صوفیه قاتنده عوالم سیرانیه اوچیزوالتش بیکدر و بو عوالمده
عالم ذات و صفات و افعال داخلدر که عالم اکهدر اگر چه که غیر مخلوقدر
و بونده اشارت وارددر که جسمانیات و روحانیات عدمدن وجوده
کلشدر یعنی وجود حادثلری و ماهیت عارضه لری جهتندن معدوملردر
اگر چه که حقه قیاملری جهتندن بقاری واردر آینه ده مرئی اولان
صورتک رانی ایله بقاسی کبی مع هذا معدومدر زیر آینه ده محسوس
اولان صورت وجود ظلی مقوله سیدر حقیقی دکل انکیچون دیرلر (الآن
علی ماکان علیه) یعنی حالا اشیا وجودلری حالنده دخی معدوملردر
زیرا وجود حقیقی رایحه سن استشمام ایتمشدر و لکن بوموجود حادث
موجود قدیمه نشاند انکیچون (کنت کنزا) وارد اولدی پس کنوزک
وجودنه طلاس امارات اولدیغی کبی ذات حقه دخی طلاس صورتنده
اولان موجودات علامات اولدی و بوندن فهم اولور که هر موجودده
ایکی جهت وارددر که بری عالم خلق و بری دخی عالم حق ولی ایدر نتکم
شجره واحده هم عالم کثرتدن اولان فروع و اغصانه وهم عالم
وحدتدن اولان نواته ناظردر و بونده رمز وارددر که تجلی آلهی آنی در
یعنی آن غیر منقسمه حاصلدر اگر چه که اول آن اوزرینه
مترتب اولان آنات ودهورک نهایتی یوق و مراتبی حددن آرتوقدر
ولکن ترکیب و تجد دامنا ل حسبیه در پس بوندن فهم اولور که دم
برد مدر ایکی دکل نتکم بالاده مرورایدن * صوفی ابن الوقت باشدای
رفیق * نیست فردا گفتن از شرط طریق * بدی آنی اشعار ایدر
یعنی زمان ماضی و مستقبل زمان آنی و حاضرده مندر جدر انکیچون

مکاشفله حالایوم میثاقده و یوم آخرتده داخلدر پس ارباب مکاشفه
اراسنده ماضی و مستقبل ذکر اولنمز بلکه تجلی آنی به نظر اولور
اگر چه که محجو بلریاننده جمیع ازمنه اعتبار اولور نعم ارباب مکاشفه
قاتنده فقط زمان حاضره نظر ایتمک قیامت معنویه و شهود حقیقی
حسبیه در بوندن ایسه بحسب الزمان قیامت صوریه بی انکار لازم کلز
زیرا آخرت دنیا ک قلییدر پس قالبک کاری نهایت بولدقده قلبک احوالی
ظهور ایدر اگر چه که بو احوال قالبه متعلق حالنده اهل فنایه ظاهر
اولشدر و بوسره بناء اعتبارات جاریدر انکیچون دیمشدر در که
(لولا الاعتبار لبطلت الحقائق) مثلاً زمان اعتبار اولنمسه حقیقت آخرت
باطل اولق لازم کلور زیرا امور یالکن امور معنویه اوزرینه مقصور دکلدر
بلکه امور محسوسیه دخی شاملدر امور محسوسه اخرویه نک وجودی ایسه
انقضاء زمان صوری اوزرینه منوطدر پس اهل حق اولنمز حقایق
روحانیه و جسمانیه نک مجموعنی اثبات ایدرلر (لحرره) جسدتک حکمیدر
جسمانی * روحک اولدی اثری روحانی * بلدی اهل جسم روح ندر *
بلدی اما که اهل روح آنی *

* صدچو عالم در نظر پیدا کند *

* چونکه چشم را بخود بینا کند *

* در نظر * در نظرت تقدیرنده درنتکم مصراع ثابیدن روشندز خوددن
مراد الله تعالی در (معنای بیت) بودر که الله تعالی سنک نظر و مشاهده کده
عالم غیب و ملکوتدن یوز بو عالم کبی عوالم اظهار و آشکار ایدر چونکه
سنک چشم بصیرتی کنندی ذات و صفات و اسماسنه بینا و ناظر ایلیه
یعنی انسانک بصیرتی کشاده اولدقده نظری انحق بو عالم محسوسه
مختصر اولور که جمیع عوالمدن اضیقدر چونکه چشم بصیرت مفتوح
اولوب حقه نظر و عالم غیبه ملتفت اوله نیچه بونک کبی و بلکه دخی اعلا
و بالا عالمظرهور ایدر پس اول عوالم حالا موجود در و لکن مطالعه سنه
حجاب دل مانع در و اول حجاب حقیقتده غفلت دید کلریدر الحاصل ذکر
اولنمز اوچیزوالتش بیک عوالم سیرانیه بی سیر و مطالعه قلغه دلدن
حجاب غفلتی کشف و ازایه محتاجدر و بوازالده زیاده صعبوت اولغله
ارباب ارشادتک صحنه دخول و ذیل ارادته تثبیت لازم کلشدر و قرآنده
کلور (هل یستوی الذین یعلمون والذین لا یعلمون) یعنی عالم و جاهل

برابر اولمق حسـ بـیله علماء اولئر جهـ لای ارشاد ودالات ایتک اقتضا
ایلمشدر والله الهادی بوندن معلوم اولور که اهل غفلت ایله اهل
بقظه نك میانلرنده اولان فرق اعمی ایله بصیر میاننده اولان فرق کبیر
زیرا اعمانک رؤیت و مشاهده سی منامه مخصوصدر منامده دخی کال
تشخیصدن عاجزدر پس وجودات اشیایی کاهی مکاشفه و تمیز ایده من
بصیر ایسه بویله دکدر زیرا خارجه رؤیت ایله الفتنه بناء منامه
انسلانده دخی مشاهده سی حقیقت و کال تمیز اوزینه در و بصیرت
اهلی ایله بصیر اهلی دخی بوکا قیاس اولانه * زیرا بصیر اهلنک رؤیتی
محسوسات ظاهریه منحصردر بصیرت اهلی ایسه مطالعه ده عالم
ملکوته تجاوز ایدر و حقایق اشیایی کاهی ادراک ایلر زهی ادراک و نظر
(لحرره) * سکاسندندر غشاسندن * آچه کور کوزلرینی ابرکنندن *
ایتمدی کسه سیر روحانی * کچمینچه بو عالم تنندن *

* کرجهان پدشت بزرگو بی نیست *

* پیش قدرت ذره می دان که نیست *

* بنی * موحده مضمونه نك تقدیمی ایله بن دیب معناسنده در اغاجـك
اولسون غیرك اولسون آخرنده بازانده در * ذره * زیاده کچرک قارنجـه
وشـعاع شمسـده کور بنن او اچق نسنه (معنای بیت) بودر که کرچه
بو جهان محسوس که دنیادن عبارتدر سنک او ککده ویانکده اولو و بی عمقدر
یعنی دبی و نهایی یوق کبیر اگرچه که اجسام بی الحقیقه منتهیدر
انکچون دنیا نك طرف اعلا ده نهایی کرسی و طرف اسفلده هوای
مطلقدر یعنی عالمک سطح اخیری طبقه ترا بیه دن هوایه ملاقی اولان
محلدر الحاصل بو جهان صورتا بو قدر عظمت و وسعتله متصف ایکن
ینه سن آتی قدرت حق قائنده بر ذره بیل که بو قدر یعنی یوق حکمنده اولان
ذره کبیر بونده دنیا نك ماهیت عارضه سی جهتدن فنا سنه تنبیه واردر
زیرا ذره نك و كذلك سایه نك وجودنه اعتبار یوقدر نتکم بالاده تحقیق
اولندی (سؤال اولنورسه که الله تعالی بو اجرام علویه و سلفیه نك خلقتی
تعظیم ایتشدن نتکم قرآنده مواضع متعدده دن مأخوذدر پس دنیادخی
قدرت عظیمه سنه دال ایکن نه وجهله ذره اعتبار اولنور و امام غزالی نك
(لیس فی الامکان ابداع ممالکان) مقاله سی دخی ذکر اولنان عظم قدرتی

تأیید ایدر (جواب بودر که بوندن مراد فی الحقیقه عظم قدرتی بیاندن زیر
وجود دنیا تقدر معظم اولسه یننه فوقنده اولان قدرت مطلقیه کوره
امر حقیردر پس دنیا نك بزه اضافله عظمی و قدرت حقه نسبتله حقارتی
واردر یعنی حق تعالی نك قدرت نامه سی بر مرتبه ده در که اگر ارادت
تعلق ایتسه بود دنیا نك باننده ذره مثال اولور اجرام عظیمه خلق ایدردی
اگرچه که تعلق ایتسی مقتضای حکمت دکدر * زیرا اگر مقتضای
حکمت اولایدی بو جهان ابداع ممالک اولمازدی و بوندن هر نسنه مقدور
اولمق لازم کلز زیرا مقدور اودر که تحت قدرتده داخل اوله کرک
بالفعل موجود اولسون و کرک اولسون پس متمتع مقدور دکدر والا
ممکن اولمق لازم کلور * و دیمشدر که محالک تحت قدرتده عدم دخولی
تعلق قدرته صالح اولد یغندندر * پس نقصان محالده در
بو خسه قادرده دکدر * و بعض کبار مکاشفین یورمشلردر که
قدرت حق مطلقه در که ایجاد محاله دخی قادردر اگر ایجادنه مشتی
تعلق ایدر سه انکچون قرآنده کلور (لواراد الله ان یتخذ ولدا) یعنی
الله تعالی ولدی مشیتیه نسبت ایله درجه امکانه الحاق ایلدی مع هذا
عقل آنک محال اولدیغنه شاهد و دایمدر * و کان بعضهم یقول هذا
من اول جرح جرح به العقل فی صحه دلیله ایبطله ذکره الشعرانی رحمه الله
علیه رحمه واسعه فی کتاب الجواهر والدرر * و بوندن زیاده دخی
بالاده اشارت اولمشدر (لحرره) * هر نه موجود کیم اولسه مقدور *
البت اولوردی تعیندن دور *

* این جهان خود بس جانهای شماس *

* هین رو بد آن سو که صحرای شماس *

* هین * آگاه اول و عجله ایله و صاقن معالریته کلور (معنای بیت) بودر که
بو جهان خود سزک جانلر بکرک حبسی یعنی محبس و قفصی کبیر *
زیرا آن جان محبس و تنه دخی بو عالم قفص اولشدر که ایکسی دخی
عالم ملکندر عالم ملک ایسه ضیق ایله متصفدر عالم ملکوت وسعت ایله
متصف اولدیغی کی پس آگاه اولوک و شتاب ابدوب بور یوک اول
جانبه طو غریکه سزک صحرا کزدر یعنی عالم ملکوت و ارواح
سمته طوغری عجله ایدیکر که مقدا اوراسی جانلر یکره جولانکاه و غایت

وسعت ایله متصف در شمس دی جانلر بکن بدنلر بکنه تعلق ایدوب اول
مقام راسعدن بومحل ضیق نه نزول ایتک حسبله محبسه مقید و محصور
اولان مرغه دوندیکز چونکه بوعالم ملک سزک وطن اصلیکز دکل و سزک
جولانکزه تک در پس کر که کسب کمال ایدوب ینه اول طرفه
حرکت ابد سز و بوعالم محصور و بدن مقیدک براز خوف و بدن خلاص
اولوب کل دیکنکز یوله کیده سز نیکم خواجه حافظ دیوانده کلور
* بال بکشا و صغیر از شجر طوبی زن * حیف باشد چو تو مرغی که
اسیر قفسی * یعنی سن مرغ لاهوتی ایکن بوقفص ناسوتی ده
محبوس اولق شانکه دوشمن پس بالاخیار قفسدن آزاد اولغه صرف
مقدور ایتک کر کدر زیر اول عالمه موت اضطراری ایل رجوع ایتک
نقصاندر انکیچون قرآنده کلور (یا آیتها النفس المطمئنة ارجعی
الی ربک) یعنی نفس مطمئنه نک حقه رجوعی بالاخیار در نیکم صیغه
ارجعی اکاد لیدر غیر نفوسک ایه بالا اضطراردر انکیچون قرآنده
کلور (والیه ترجعون) یعنی ترجعون صیغه سی ضمه له رجوع
اضطراری به دالدر اگرچه که فحله رجوع اختیاری به دخی اشارتدر که
صفات خواصدنر الحاصل بیت مذکورده عالم اصله رجوعه نحر بض
و حث وارددر بوایه روح سلطانیکن بدنن مفارقتدن اول سلوک
صحیح ایله و فناءیه وصولله حاصل او اور نیکم مرارا شرح اولمشدر
(لحرره) * مرغ جانن محبس اولمشدر تک * چق بومحبسدن دکل جایک
سک * کلشن لاهوته پرواز ایده کور * اولدرای ناسوت اهلی مسکنک *

این جهان محدود و آن خود بی حدست

نقش و صورت پیش آن معنی سدست

* حد * برقاج معنابه کلور بوراده منتهی الشیء معنایسنه در پس برنسنه نک
محدود اولد یغی محاط اولد یغیسنه در محاط ایسه منتهیدر انکیچون
حق تعالی محیطدر محاط دکلدر والا محصور اولق لازم کلور حصرا ایسه
زمان و مکان اهلنک صفتدر الله تعالی ایسه بونلردن منزهدر * سد * فحله
و ضمه له جبل و حاجز معنایسنه در و بعضیلر دیدیلر که فحله فعل ناسدن
و ضمه له مخلوق حق اولاندر (معنای بیت) بودر که بوجهانکه

عالم ملکدر محدود و محاط و منتهیدر اول عالم که عالم ملکوت در بی حد
و بی نهایته در عالم ملکوت نقش و صورتی عالم ملکوتک معنی و حقیقه
او کنده سد و حجاب اولمشدر پس کر کدر که بوسد و حجاب منتهیدم
و منخرق اولوب عالم ملکوته دخول و ملک بی نهایته وصول حاصل اوله
بوندن فهم اولنور که برنسنه نقش و صورت یوزدن محدود اولق معنی
و حقیقت یوزدن محاط اولملقغی مستلزم دکلدر انکیچون نقش و صورت
اشارت ایتک عالم معنی و حقیقه اشارتک فی الحقیقه عینی ایکن ینه میانه
فاروق وارددر مثلاً انسان کمالک ظاهری محاط و محدود و باطنی بی نهایته
ونا محصوردر بوجهنددر که جسته سیر نهایت یوقدر زیر باطن
انسانک حالی ظاهر جنت ایله تمل ایتشددر اگرچه که فی الحقیقه انسان
کامل جسته صغیر زیر جنت من وجه عالم صورتندر فاعرف جدا
و بوندن قلبک کمال و معنی دخی فهم اولنور زیرا حق تعالینک نظر کا میدر
و حقیقت نظر نه نهایت اولمدیغی کبی محلیک دخی نهایت یوقدر پس
قلب انسان عالم ملکوتندر اگرچه که مضافه صنوبر به اولان ظرفی
جهتدن عالم ملک و قالبندرو بونده رمز وارددر که حد دنیا لاله حد عرض
و کرسی حد قالب انسانی ایله حد قلب کبیدر که بری ملک و بری
ملکوتیدر بوجهتدن عالمک آفا و انفسا ظاهر نه اعتبار یوقدر زیرا
ظاهری باطنه دلیلدر و طلسم اولق ایچوندر مقصود اصلی ایسه
مدلول و کثر در بوجهتدن کفار وار باب انکار خطا یتدیلر زیر ظاهری
ظاهره قیاس ایدوب باطنن غفلت ایلدیلر ظاهره شرکت بشریه ایسه
باطنه شرکت حقیقه بی مستلزم دکلدر پس آنک که بصری وارددر
اعمی یاننده نظر اهلیدر و آنک که بصیری وارددر محبوب یاننده سیر اهلیدر
و سیره نهایت یوقدر اگرچه که نظر و نهایت وارددر پس سیر باطن
و نظر ظاهری تسویه ایتک جهاندر بعد از نقش و صورت سد اولق
فی الحقیقه عماددر والا مظهر ظاهره نیچه سد اولنور مثلاً رائی ایله مرغی
یاننده آینه سد دکلدر بلکه رؤیتک تحقق و حصوله باعث وسیددر نیکم
مرارا تحقیق اولمشدر پس ضمه بصری اولان کسه نک نظری
واسطیه محصور اولوب و راسنده اولان منظوری استشفاف ایده من
وانک کیم قوت بصری وارددر صفات حسنه نظر ایتیموب حسن صفاته

نظر انداز اولور و مقصودی اول وجهه کور و بیلور و بولور بوندن
فهم اولور که حق احتیاجی ینه کنديك اسماء وصفانی پرده سیله در
بواسیه پرده دکلدر انکیچون عالمده غیر و شرکت یوقدر و لکن
بوسری فهم ایدر نادر در * (لحرره) * اولسه مکشوف دیده دن
برده * کور بنور نور قدیم هر برده *

* صدهزاران نیرزه فرعون را *

* در شکست از موسی بابک عصا *

* نیرزه * سکو دیدگری اغا جدر کوندر دخی دیرل بوراده مراد سحره
فرعونك عصا الیدر فرعونه اضافتی عمل سحر آنک امریله ولق
حسیله در * فرعون * اسم اعجمی در مالک مصر او انلره علمدر فرعون
موسانك اسمی ولید بن مصعب ابن ربیعاندر که در تیوز سنه دن زیاده معمر
اولمش و کهنات و سحر و کتابت و سائر فنونده مهارت بولمش ایدی
فرعونك شدتی اعتبار اولتوب تفرعن فلان دیرل فعل فرعون
تعاطی ایتسه تنکیم ابلش دیرل فعل ابلیسی اشلسه بوندندر که جبار
وطغانه فرا عنه و ابالسه دیرل وقاموسده کلور که فرعون معرف باللام
اولور سه تمساح و بلالام اولور سه صاحب موسی مراد اولور * عصا *
معروف در عرب عود و هراوه دخی دیر اصلی و اویدر انکیچون
نشینده سنده عصوان کلور و برکسه جماعتدن مفارقت ایدوب جهوره
مخالفت ایتسه فلان شق العصا دیرل و طاعتدن خارج اولانه
عاصی دیرل کویا عصا سیله تمنع ایتشد و هزارانی نیرزه به مقارن ذکر ایتک
لطاقتدن خالی دکلدر ز راهزاران عصا دیرل اگر چه که خیزراندن غلط
اولق کور بنور و فی القاموس الخیزران بضم الزای شجر هندی و هو عروق
متدیه فی الارض کاخیزور و القصب و کل عودلدن و الیاح انتهى * بزراه
طریقته بوکون اهل جهاد * طوتسق عجب اولمازمی هزاران الیزده *
(معنای بیت) بودر که الله تعالی فرعونك یعنی امر فرعونله تخیل
سحر ایدن سحره نك صدهزاران عصا سن موسی علیه السلامدن
بر عصا نله شکست و ابطال ایلدی و اول سبیدن (الحق یعلو ولا یعلی)
سری ظهوره کادی (واکل مبطل محق) نکته سی فاش اولدی
انکیچون دیشلدر که (السواد الاعظم هو الواحد علی الحق) یعنی

عصای موسی وحدت صفتیله متصف ایکن محق النده اولمغین عصی
کثیره حکمنده ایدی تنکیم دیشلدر (قلیل اذا عدوا کثیر اذا شدوا)
واسکندره دیدیلر که عسکر دارابده یک کره یک مقاتل وارددر پس
مقابله و محاربه ده صعوبت کور بنور اول دیدیکه قصابی کثره اغنام
هول و خوفه دوشور من تنکیم مشویده کلور * کوسفندان کر برونست
از حساب * زان بهیشان کی بترسد آن قصاب * و عصی سحره ایتسه
بوقدر کثرت ایلله مبطل النده بولمغین عصای واحده حکمنده بله دکل ایدی
انکیچون مضمحل اولدی و دیشلدر که * صعوه کو باعقاب
سازد جنک * دهد از خون خود پرش رارنک * بونده اشارت
وارددر که فرعون نفس اماره و قوای شریره نفسانیه یوزندن هر چند
موسای قلبه تخیلات و تمویهات ایدر سه ینه موسای قلب بر عصای
ذکر حقانی ایلله جمله سن ابطال و اثرلن نحو و افنا ایلر پس خارجه
نقد رسل مبعوث و مأمور و ارایسه حجت و برهان و سیف و سنان ایلله
منصور اولد قلمی کی باطنده دخی رسل قلوب و قوای خیره روحانیه ایلله
مظفرلدر الحاصل اهل حق اولنر عزیز و متقم و امثالی اسماء آلهیه
یوزندن اعدای ظاهره و باطنیه غالبدر و بونده کرامات اولیا به دخی
رمز وارددر برا انبیاء علیهم السلام معجزات قاهره ایلله الزام مکذبین
ایتدگری کی اولسادخی کرامات باهره ایلله قهر منکرین ایتشدلدر
و کرامت عظمی اصلاح نفس ایدوب قوای طبعیه و نفسانیه نك
آثارن ازاله ایتدکدر تنکیم بونس امره قدس سره کلاتنده کلور
کرامتم واردبو خلقه کرامت کوسترمه * نفسکی مسلمان ایلله کروار بیه کرامتک

* صد هزاران طب جالینوس بود *

* پیش عیسی و دمش افسوس بود *

طب و جالینوس اوائل کتابده شرح اولنمشدر * افسوس * فتح همزه ایلله
مسخریه الملق معناسنده در (معنای بیت) بودر که هزاران طب جالینوس
عیسی و انک نفسی اوکنده مسخره اقی ایدی زیر جالینوسک طبله معالجه دن
عاجز اولدیغی امراض هائله بی حضرت عیسی علیه السلام انفاس
طبییه و نفخ روحانی ایلله ازاله ایلدیکندن ما عدا باذن الله تعالی احیاء موتی
دخی ایدر دیکه علم طب بدن خارج بر کار بدیع و امر عجیبدر تنکیم قرآنده

کلور (واری الاکمه والابرص واحی الموتی باذن الله) اکمه انادن
کوزسز طوغان انساندر کور مادر زاد کبی برص حرکت ایله فساد
مزاج سببیل بدنک ظاهرنده ظاهر اولان بیاضدر که انکله متصف اولانه
ابرص دیرل حذاق حکماء ومهره اطباءک معالجه ومدا واتندن عاجز
اولمشدر الحاصل سحره فرعون سائر ساحرل یاننده کامل الفن کچورلر کن
هجوم عصای موسی ایله جله سنک ایثی بتدیکی کبی جالینوس طبییک
معالجات صوریه سی دخی حضرت عیساک علاج روحانیسی یاننده
باطل اولدی دیمشدر که جالینوس عاقبة الامر کندی مرضنه دخی
علاجدن درمانده اولوب مبطونا وفات ایلدی وبونک ظاهری کرچه
جالینوسک حضرت عیسی ایله معاصر تنی ایهام ایدرفاما صحیح بودر که
جالینوس حضرت عیساک سمایه رفعتدن الی طقوز سنه مؤخر دنیا به
ککشدر نتمک روضه الاخیارده مصر حدر پس مقصود مطلقا علاج
جسمانیک علاج روحانی ایله عدم مقاومتن بیاندرو لکن جالینوسی تخصیص
ابتدیکی قرب عهد بنه در و جائزدر که حضرت مولانا قدس سره
بعض ترجیحات و تأییداته روایت معاصره نک صحتنه ذاهب اولمش اوله
یونده ارباب رسوم ایله اصحاب حقایق میاننده اولان فرقه اشارت واردر
زیرا ارباب رسومک معالجاتی اعمال ظاهره حسیه در اصحاب حقایقک
معالجاتی ایسه هم اعمال ظاهره وهم اعمال باطنه یوزندندر زیرا ذوالجناحین
اولدقلری جهندن اعمال شرعیه و قوفلری اولدیغی کبی امور
حقیقه به دخی اطلاع لری واردر پس ظاهری شریعت ایله اصلاح
وباطنی طریقت ومعرفت وحقیقت ایله معالجه ایدوب تصفیه وتزکیه ده
دقت کوسترلر و امراض باطنیه بالکلیه علاج ایدرلر مع هذا ارباب ظاهرک
ظاهرده اولان معالجاتی بله تام دکلدن زیرا برنسنه نک حقایقندن غافل
اولان کسنه نک ظواهری دخی ناقصدر نتمک اربانه معلومدر و اهل
دعواتک حالی دخی بو کافیا اولنه زیراتحقیق مرتبه سندن خارج
ودائرة تقلیده داخلدر پس ارباب حقیقت ووصول اولان محققین ایله
دعوت وارشاده نه وجهله برابر اولورلر وبونده رمز واردر که
کمال انسانیک حصولی نفس کامل اوزرینه موقوفدر زیرانفس نفخ
روحانیدر که انبیا واولیاک صفتیدر ونفخک ظهوری خدمت اوزرینه

منوچدر انکیچون طریقت فی الحقیقه ایکی نسنه دن عبارتدر که بری مرید
جانبیده خدمت وبری دخی مرشد طرفنده نفس روحانیدر فطوبی
للخادم والمخدوم (لحرره) نفس استرسه اگر برسالك * ایلسون خدمت
شیخ مخدوم * باغبان اول ایدر خدمت باغ * چون بهار اوله ایدر باد قدوم
صدھن اران دفتر اشعار بود *
پیش حرف امی اشعار بود *

* دفتر * قال فی القاموس الدفتر وقديکسر الدال جماعة الصحف المضمومة
والجمع دفاتر انتهی حافظ دفتره دفتر دار دیرل * اشعار * شعرك جمیدر قول
منظومه غالب اولمشدر زبرا قول منظومک وزن وقافیه ایله قول منشور
اوزرینه شرف ور جحانی واردر اگرچه که اصلده هر علمه شعر دیرلر نتمک
تقصیلی مرور ایتشد * حرف * واحد حروف تهجیدر اصلنده طرف
معناسنه در وحروف هجا اطراف کله وحروف عامله اطراف کلمات اولمعله
حروف ایله تسمیه اولمشدر وحرفله لغندن دخی تعبیر اولنور نتمک حدیثه
کلور (انزل القرآن علی سبعة احرف) ای علی سبعة لغات من لغات العرب
بوراده حرفدن مراد قرآندر ذکر جزء واراده کل طریقیله نتمک جمله دن
وبلکه بتون قصیده دن کله ایله تعبیر ایدرلر پس حرفی کله وکلام وکله بی
قصیده اوزرینه اطلاق ایتک مجاز اولور نتمک شرح رضی ده مصرحدر
* امی * ایله مراد رسول الله صلی الله علیه وسلم زیرا امده اصل اولان عدم قرائت
و کتابته منسوبدر و بوندن ماعداد دخی وجوه کثیره سی واردر پس امی
اولمق انلرک حقنده کمال وسائرلرک حقنده نقصاندر انکیچون برکسه بی
امیت ایله تعبیر وتوبیخ ایلسدر اولدخی پایغمبر علیه السلام امی دکلی ایدی
دبسه تعزیر لازم کلور نتمک بالاده کذرایتشد (معنای بیت) بودر که
فصحا وبلغاء عرب عربان صدھزاران دفتر اشعار وجریده نظم وقصائد
معلقه برنی امی علیه السلام قرآنی اوکنده اول عاروعیب اولدی
انکیچون بو قدر فصاحتله موصوف وبلاغتله معروف ایکن بعض آیات
قرآنیہ استماع ایتدکده انصاف ایدوب هر بری سجدت لفصاحتله
دیرلر دی پس قرآن عظیمک رسول الله صلی الله علیه وسلم اوزرینه نزولندن
صکره فصاحت اشعار و بلاغت نظم اعتبار قلوب جله سی مغلوب واریابی
محبوب اولدی زیرا قرآنک نظما ومعنی وجوه کثیره ایله تفوق ور جحانی

وار ایدی انکیچون ظاهری ارباب طواهره دلیل و باطنی اصحاب حقایقه
حجت اولدی پس کسه آنک نظمی کی نظم منیف و بلیغ ایراد ایتکه قادر
اولدیغی کی او قدر حقیقی مشتمل کلام نظم و جمعه دخی مالک دکلدر
و آنک کلیاتی فهمیدن عاجز و قاصر در بونده ارباب اشعارله اصحاب
واردات میبایند اولان فرق عظیمه اشارت وارد در زیر ارباب اشعار تکلفات
کثیره ایله قوت خیالیه دن اخذ ایدرلر انلرک شعرلری مکتسبدر و اصحاب
واردات بلا تکلف و تعمل محض الهام اولق اوزره حق تعالی دن اخذ
ایدرلر پس انلرک معرفتلی و هبیدر و کسی ایله و هبی میبایند اولان فرق
عذب فرات ایله ملح اجاج میبایند اولان فرق کبیدر اگرچه که بعض
مکتسب فی الجمله حلاوتدن خالی دکلدر نیکم بالاده شرح اولمیشدر
الحاصل بر برده که واردات قلبیه و معارف آلهیه و حقایق روحانیه
و فیوض ربانیه اوله اوراده اشعار و مخنیات مقوله منه اعتبار قالماز اگرچه که
اربابی قائنده بحسب الزعم معتبردر * در قیامت نرسد شعر بفریاد کسی *
و بونده رزم وارد که حروف وارداتک حصول و لوح قلبیه انتفاشی ایت
اوزرینه منوطدر یعنی قلبی رسوم ماسوادن بالکلیه تعریه و تخریده محتاجدر
پس بو خصوصیه عالم اولان دخی امی اولمیشده عالم و عارف اولمز (لحرره)
* رسمی سل دادن اوله کورامی * فیض حقندن بوله سک تا که نمی * تشنه دل کل
بومجلسه تا کیم * عشنله نوش ایده سن جام چی *

* باچنین غالب خداوندی کسی *

* چون نمیرد کر نیا شد او خسی *

* غالب * قاهر دیمکدر * چون * اشباع و اوله کیف معناسنه در * نمیرد * مضارع
منفیدر مصدری مر دندر اولمک معناسنه موت کی مضارعنده میمی
مکسور ایدوب مابعدینه بر یاز یاده ایدرلر و میرددرلر * خس * بد کهر و نا کس
و چدرر چوب و فارس شاعرلری بی منفعت اولدیغی جهتدن بیان
اوتنه خس اطلاق ایدرلر (معنای بیت) بودر که وصف جلیلی
سبق ایدن بونجیلین غالب و قاهر خداوندله برکسه نیچون اولمز و تسلیم
و انقیادده اولوب میت کی اولماز اسکر دون و دنی و جاهل مقوله سی
دکل ایسه الله تعالی قدرت تامه و بطش شدید صاحبی اولوب افراد
جباره و قهاره دن بر فرد آنکله مقاومه قادر اولمیچق کر کدر که هر کس

آنک تحت قدر تنده فنا بوله و اعتراض و انقباضی رفع ایدوب اختیار یله
ذات قبول ایده و مطاوعت اهلی اوله و الادناء و جهلی ایله آخر زاروز بون
اولور و خاک مذلتده غلطان اولوب قالور نیکم عزیز و منعم اسملرینه مظهر
اولوب منزل الجباره اولان مالک الموت ائده نیچه نمرود و شداد و فرعون
و امثالی مسخر و منزل اولوب آخر پیمانده قهر و جلالی ایچمیشلر و نیا دن آخرته
اضطرار ایله کوچمیشلر در الحاصل ضعیف اولان کیمسه قوی ایله نیچه طوتمق
مقتضای عقل و ادراک دکلدر بونده اشارت وارد که الله تعالی کندی
لباس قدرتی بر کیمسه اوزرینه الباس ایسه کیمسه آنک ایله مقاومه قادر اولماز
و مصر اولور سه آخر یاض عمری سیراب بقا اولوب نفس مؤثر یوزدن
پرمیده اولور نیکم صائب نظمنده کلور * نتیجه نفس سرد عنده ایست *
که عمر شبنم کستناخ یک زمان باشد * و رزم وارد که مرید مرشد
خدمتده غسال یابنده میت کی اولق کر کدر ز بر موت ارادی ده
انقیادک کالی موت اضطرار ایده سهو لته سبیدر و بونده فنایه تنبیه
وارد نیکم قرآنده کلور (لم تقواون مالا تفعلون) یعنی شهود حق اهلی
اولان اکا فعلت دیمز بلکه افعالی فعل حقه افنا و صفاتی صفات حقه
محو و ذاتی ذات حقه مضحمل قلوب وجود واحد سر یله قیام کوسترر
ودخی (وبی یاخذ و بی یبطش) حقیقتیه تحقیق او اور (لحرره)
نفسله یوقدر اهل حقک ابشی * بویله انسان او اور سه اولسه کشی *
عاریتدر سکا چون کیم اوصاف * ایده کور قلبی تعلقدن صاف *

* بس دل چون کوه را انگیخت او *

* مرغ زیرک باد و پا آویخت او *

* دل * کوکل ایله آنک ظرف وار مستواسی اولان یورک بینه لفظ مشترکدر
بوراده مرادیور کدر * زیرک * کسرله چست و چاک و عاقل و صاحب رأی
معناسنه در (معنای بیت) بودر که الله تعالی قدرت غایبه و سطوت
قاهره سیله متانت و ثباتده طاغ کی اولان چوق یورکی یزندن قویاردی
و نیچه زهره چاک ایلدی و زیاده ادراک و احتراز اهلی اولان قوشی ایکی
ایاغندن آصدی و سکی کین قهرله باشین کسیدی پس آنک قهر و مؤاخذه
سندن کیمسه یه امن یوقدر نیکم امم سالفده (من اشد مناقوه) دیو افتخار
ایدنلری خاک ضعیفه دوشور دی و صیحه واحد سبیلله زهره لرن

شوق ایدوب یورکلرین حلقومه کتوردی ووج وذلرن ذره وار بادانته
و یروب جو هواده اوچوردی وقوت دل وثبات قدم خصه ووصند
ایتدکری دعوی مفید اولیوب هر برن آه وزارله دیار عدمه کچوردی
مرغ زیرک حالی دخی بو کافیا ایله انکیچون دنیا ده انسه نه مسخر
اولدق نسنه یوقدر اگر عالم علویه واکر عالم سفلیده شویله تصرفی
جیع اشیاده جاری وامری جله کاشانه نافذ و سار بدر بر مرغ زیرک
یوقدر که آنک دامنه صید وشکار اولیه و بر پیل تن آور وشیر زیان
یوقدر که اکاسر فروقلیه و زنجیر تسخیرنده ارتباط بولیه پس حق تعالی
علویات فاعله و سفلیات قابله ده تصرفی ظاهر و کینده وساطت مظاهر
و بعضده بلا واسطه سطوتی باهر در بونده دل چون کوهله جاهل
و محجوب قلبه اشارت وارد رزیرا رجال الله کر چه ثبات ورزاتده
طاغ کبی علم اولمشلر و هر بری صلابتله ارتفاع شان بولمشلر انکیچون
جبال ایله رجالدن تعبیر اولنور فاما ضعف جبلیلری حسبیه انهداده
مشرف اولان دیواره و یا خود بر چوپه بکزرلر نتکم قرآنده کلور (وخلق
الانسان ضعیفا) انکیچون حالت جذبه وانسلاخده بولمشلر بر کل
رعنائله تعرضدن آه ایدرلر و ذره جه آزار و جفا کوترمزلر جاهل و محجوب
اولنلر ایسه کمال غفلتدن قوی القلب و مانند جبلدر انکیچون نیچه
اجلا فک جلودن سلخ ایدرلر آه ایلز فاما اولکه نسیمی نظمه نده کلور
زاهدک بر بر مغن کس سک دوزر حقدن قچار * کور بو کر چک عاشقی
سر پا صوبرلر اکلز * بو کلام جذبه وانسلاخه کوره در زیر او حالده
رجال الله مسلوب و مغلوبلر در شویله که تلخ و شیرین وقهر و اطف
ادراک ایتزلر و مرغ زیرک ایله علماء رسومه اشارت وارد در حکماء
فلاسفه و امثالی کبی زیر بونلر عقل اول اولق دعوا سن ایدردی آخر
هر بری دریای وهم و خیاله طالوب آلهیات و نبوات خلاف واقع اولان
اعتقاد الله طریق صوابدن خارج اولدیلر و حکماء اسلامیه دن دخی نیچه
سقراط و بقراط و جالینوس و ارسطو و امثالی سلکندده منسلاک اولوب
اسراء عقول قاصره اولق حسبیه زنجیر قهر و جلاده ارتباط بولدیلر
ابن سینا و فارابی و غیر یلر کبی (سؤال اولنور سه که جیع اشیاء حقه مسخر
و تحت ارادنده مفهورددر پس ری برلری میاننده فرق ندر که بعضیلر

قهر و جلال ایچون تخصیص اولندی (جواب بودر که کل انسان
مظاهر جمال ازلی اولق سبیلله فی الحقیقه اسباب جلالة تعلق التمشلر
و انحراف کوستروب طریق قهره کتمیشلر در پس بونلر جیع موطن
و مرآتیده منصور و مر ضیلر در سائرلر ایسه حاللرینه کوره قهر و جلالة
منضم و بلاء صوری و معنوی ایله توأم فاین هوآء من اوآءک (لحرره) ای
کوکل درد اهلی اول درمان سنکدر عاقبت * سبیل وش صحرا
کوزت عمارت سنکدر عاقبت * آلمز بسک عاقبت قاصر لقمه سن
کر اغز که * حاضر اولکم حکمت لقمان سنکدر عاقبت *
* فهم و خاطر تیز کردن نیست راه *
* جز شکسته می نگیرد فضل شاه *

* خاطر * اصلنده کوکله کلندر صکره کوکله اطلاق ایلدیلر ذکر حال
واراد محمل طریقله * راه * یولدر بویله مواضعده مسلاک معنوی مراد
اولنور * شاه * الله تعالی در زیر اولودر علی و عظیم کبی بوندن فهم اولنور که
جمال ذاته شین و بر محبوب تعظیمه دائر اولان اسمایی الله تعالی اوزرینه
اطلاق ایتک در سندر هر نه لغت اوزرینه اولور سه اولسون نتکم بعضیلر
ذاهب اولمشلر در زیر قرآنده کلور (ولله الاسماء الحسنی) اسمائک حسنی
ایسه اسمائک حسنه تابعدر پس اسمائک حسنه عیب و برمین اسمائک
جمله سی حسنی مقوله سنکدر (معنای بیت) بودر که کوکلی و آنک صفقی
اولان فهم و ادراکی تیز و درست و قوی طوتمق یول دکلدر یعنی سالک اول
یولدن منزل مقصوده ایرمز زیر فضل شاه شکسته و منکسر دن
غیریه اعتبار طوتمز پس کر کدر که (انا عند المنکسرة قلوبهم من اجلی)
مقتضا سنجه انسان دائما منکسر الخاطر اوله نتکم رسول الله صلی الله
علیه وسلم نعت شریفنده کلور (کان متواصل الاحزان و دائم الفکر)
بو خسه قوی دل و درست خاطر اولیه که بوصفت انک غلظت و کثافت
و حقدن زیاده حجابندن ناشیلدر انکیچون بوصفته متصف اولنلر آخر
عدل حقه مقارن وقهر آلهی به مرهون اولورلر شکسته دل اولنلر ایسه
فضل و اطف ولایه اتصال بولورلر بوسیدندر که فضل لفظی شاهه
اضافت اولندی الحاصل رقت و لطافت و کشف اهلی اولان دائما اظهار
عجز و انکسار و ضعف ایدوب کینده اصلا وجود و برمز و اور تاده فضل

حقیدن غیر نسته کور من انکیچون دیمش لردر که قطب الاقطابیدن زیاده عاجز کسه بوقدر نتکم اندر زیاده قادر دخی بوقدر و لکن اول قدرت تامه بی تکمیل عجز و ضعفندن صکره بولشد بوندن علم و کمال و مال و جمانه باقوب پندار اهلی اولنلرک رتبه قرب و حضوردن نازل و هر وجهه سافل اولد قلرینه اشارت وارد رزیراشکسته مقبول اولیچق درست اولان مردود اولیق لازم کور مردودک احوالی ایسه ظاهر در و بومقامنددر که دیمش لردر اهل عجب مقصود نسبت علم جابدر دیمکدر زیرا حقیقت توحیده و وصول نسب و اضافاتی اسقاط و سلسله فنایه ارتباطدر (لحرره) اوله انسانسک اگر خود بین * ایده کور خاک راهه وضع جبین * سله کور نقش خیالی دادن * کشف اوله سکا قرآن مبین *

* ای بسا کنج آکان کنج کاو *

* کان خیال اندیش راشدریش کاو *

* کنج آکان * وصف ترکیبدر کنج کاف عجمیک قحیله خزینه در کتز کبی نتکم شمرده کلور * منت خدایه کنج غناده هداینک * ایتدی خرابه کوکله کنج غنا نصیب * و مغربلرکانه کنج نامه دیرلر زیرا آنده کتز و دینه استخرا جنک طریقی یازلشددر و لکن بوراده کنج ایله خزانه مراد اولور که اموال نفیسه حفظ ایتدکری محلددر مخزن کبی * آکشان * آخرنده اولان الف و نون ادات جمد ر آکندن کاف عربیله طهق و طولدره قدر نتکم بوستانده کلور * که بازار چندانکه آکنده تر * تهی دست رادل پراکنده تر * کنج کاو * بودخی وصف ترکیبدر که کنج بوراده کاف عربیک ضمیمه در یچق معنا سنه کوشه کبی کاویدن کاف عربیله قازمقدر کندن کبی وجدله بحث ایملک * ریش کاو * کاو بوراده کاف عجمیله در اهلی اولان صغره دیرلر دشی سنه کوزن دیرلر ترک صغن کبی دیرواغت شاهدیده کلور * کاو او کوز استرقاتر خراشک اشتردوه * و لغة نعمة الله ده کلور که کاو کاف عجمیله صغر بمعنی ثور اتهی ریش کاو که معنای ترکیبسی او کوز صفالی دیمکدر ریش کاو مثل و کنایتدر شول کیمسنه دن که برامزه تابع و آنک مسخره سی اوله دستور العمل ده کلور که ریش کاو ابله و ریش کاوی ابله لکدر نتکم جامی نظمنده کلور * در طلب ناکشیده محنت رنج * ریش کاوی بود توقع کنج * اتهی بوندن فهم اولور که ریش کاو معناسی

او کوز صفالودیمک اولور بوضورتده وجه تسمیه ظاهر در زیرا بر کیمسنه نک صفالی او کوز صفالنه مشابه اولیچق او کوز کبی ابله اولیق لازم کلور زیرا خرکاو حقاقت و بلاهتده علم اولمشدر (معنای بیت) بودر که ای زیاده چوق یچق قاز یچی و خزانه طوایدیریچی که کمال بلاهت و حقاقتدن اول خیال اندیش اولان وزیر معهودک مسخره سی اولدی بونده قلبی یچقه و احکام دین عیسی و معارف انجیلی خزینهیه و قسبیسلر که علم و معرفتده رئیس نصارادر جامع خزینهیه تشبیه وارد ر یعنی بوقدر فضل و هنر و بصیرتله اذاجاء القضاء عی البصر و فقیجه معکوس و منکوس اولوب وزیر جهودک حیل سن حسن ایده مدبیلر و حق اولیق ظنیه کندی یقینلرن ترک ایدوب و همه تابع اولدیلر و آنک باطلنه سرفرو قلدیلر و دعوتنه اجابت کوسه تردیلر بوسیدن عموم نصای دخی ضلالتنه دوشدیلر زیرا دیمش لردر که (الناس علی دین ملوکهم) و جائزدر که کنج اکنان و کنج کاودن مراد خصوص اوزرینه ریاضت و مجاهده و خلوت اهلی اوله زیرا دین نصاراده ترهب شایعدر نتکم قرآنده کلور (ورهبانیه ابتدعوها) ترهب اهلی ایسه مغاره نشین و خلوت و کوشه کزینلردر پس بونلرک کنجی قحیله فی الحقیقه علوم حقیقیه و کنجی ضمیمه مغارات و خلواتدر بعد ذامحال اندیش دیمدی زیرا عاقبت اندیشه ایتدیکی خیال باطل وجود پذیر اولوب نصاری اراسنده صورت پذیر اولدی نتکم کلسه کرکدر بونده اشارت واردر که علماء رسومک اکثری و اهل دعوات کلیسی شیهوات طبیعیه و امور بهیمیهیه تابع اولوب سیرت انسانیه دن خارج اولمشلردر زیرا بونلر باب اوهام و خیالات و قشوردر طریق حقه و علم بالله ده رسوخاری بوقدر پس ظاهرده عنوان اهلی مشکل و محترم آدملر ایکن باطنده انسان کامل اراسنده مسخره لر و خوار و حقیرلر در اگرچه که کندیلرینک بومعنایه شهورلری بوقدر و بوندن قلب و روحک نفس و طبیعته موافقتلرینک قبحی دخی ظاهر اولدی (لحرره) وای اول خانیه کیم آنده رئیس * اوله در دست زن برتلیس

* کاو که بود تا که ریش او شوی *

* خاک چه بود تا حشیش او شوی *

* حشیش * عر بیدر قوری اوت معناسنه کلا یابس کبی ولکن کلاء

قصر همزه ايله رطب و يابسه شامندر وعشب و خلار رطب مخصوص صدر
(معناي بيت) بودر که صفرو ثورندر که تاسن اکا صقل و بوجهتدن سخنريه به
محل اوله سن طپراق ندر که سن اکا قوری اوت اوله سن بلکه سنک شانک
انسان مکرم اولديغک حيثيت ايله ايکيستن بله بر تر و علو مقامک ار باب
بصيرت قاتنده اظهار در زيرا خاکک رتبه سی نبا تندن سافل و نباتک
حيواندن منخط و حيوانک دخی انساندن انزالدر پس انسان حقیقی
اودر که بوسفلیاته میل ایتیموب مقام ملائکيه ترقی و بلکه اندن تصاعد
ایله تا که اسافلک سخنریتندن خلاص اوله و مقام ملائکيه دن رقیق
سری بودر که مقام ملائکيه مقام روحدر نتکم ملائکيه به ارواح عالیه
دبر مقام روحک فوقنده ایسه مقام سر واردر بوجهتندر که انسان
ملائکيه دن اعلم و افضل در زيرا فضل و رجحان علم و معرفتله در بعدذا
خاکک انزلینی ظاهر و صورت حسبیه در اگر چه که باطن و معنی جهتیله
علو رتبه سی واردر زيرا ارضک مقیمی رضا و حالی تسلیم و دینی اسلامدر
انکیچون طمانینت و فیض وجود له متصف و دائما ساکن و ساکندر
بومعنی ایسه آنک مطلوبه فوز و ظفر بولمسنه دال اولمغله مرتبه
جهتندن اعلا اولدی اگر چه که قلم اعلا مقابله سنده واقع اولمشدر
ولکن بومقابله دن فی الحقیقه تنزل لازم کلز زيرا آخرتیه اولیت سری
دخی واردر پس عین سفله علوه متحققدر و بر دخی بودر که آدم خاکدن
مخلوقدر اگر خاکده مرتبه جهتندن فضل و رجحان اولمایدی آدم
مکرم و انسان محترمک نهاد و طینتی اندن تخمیر و ترکیب اولنمازدی بونده
کاو ايله طبیعتیه اشارت واردر زيرا اکل و شرب و منامی غالبدر بوا امور
ایسه مقتضای طبیعتدر پس بونده رمز واردر که امور بهیمی به منهمک
واحوال طبیعیه به مشغول اولان کیمسه دنیا و آخرتیه فضاحتیه دوشدر
واهل الله اراسنده رسوای اولور خصوصاً که نوزده غمات صفتی واردر
یعنی بونلک و بزلک کلبه شدت حرص و خنیزده شره اولدیغی کبی
و خاک وجود عنصری به مثالدر که آنک حشیشی قوت نباتیه سیدر پس
اگر قوای حیوانیه و اگر قوای نباتیه در جله سندن فنا بولوب اخلاق آهیمه
وصفات ربانیه ايله تخلق و اتصاف لازمدر بعد ذانسانک ذاتنده مسخ
جاری اولدیغی کبی صفاتنده دخی جاریدر مثلاً خلق حسن ايله متصف ایکن

خلق قبیح ايله اتصاف کبی نتکم حیوانک اخلاقندن ذکر اولندی (لحرره)
حفظ ایدوب ذات و صفاتک مسخندن * حکم انسانی صاقن سن نسخندن
* چون بدل و بر دل سنی وصل حقه * صقله بویع و شرابی فسخندن *
* چون زنی از کار بد شد روی زرد *
* مسخ کرد اورا خدا و زهره کرد *
* زرد * صاری در عارضه و معروضه اطلاق اولور بوراده مراد
بحسب العرف قرادرنزیرا عجم روی زرد کرددیرلر که یوزقزارتدی
دیمکدن عبادتدنتکم دستور العملده مسطوردر * مسخ * خاء
معجه ايله بر صورتی اندن اقبح صورته تحویل ایتمکدرام سالفه دن
بعض مکذبین صورقرده و خناسیره تحویل اولور قلی کبی * زهره *
اصلنده زای معجه نک ضمی و هانک قحیله در بوراده وزن ایچون هاء
تسکین اولور زهره سبعة سیاردن سماء ثالثه ده بریلدزک اسمیدر بین
الکواکب نورنک زهر و تلاً لؤندن اوتوری زهره دینلیدی نتکم زهر
السراج دیرلر تلاً لؤنمسنه (معناي بيت) بودر که چون رعورت کار بد
و فعل فاحش اوچندن روی زرد اولدی یعنی یوزی قزردی و خجل دوشدی
ورسوای اولدی الله تعالی آتی صورت انسانیه دن صوت زهره به تحویل
و تبدیل ایلدی معلوم اوله که بوعورتدن مراد زمان ادر پس علیه
السلامده ارضه هبوط ایدن هاروت و ماروت ملککرا ايله مراد و واقع اولان
عورتدر که اجل نساً و احسن زناندن ایدی ذکر اولنان ملککری اغفال
ایدوب انلردن اسم اعظمی تعلیم ایتدکده اوقیوب سمایه عروج ایلدی
بوسبیدن الله تعالی آتی کندی صورتندن زهره صورتنه تحویل ایلدی
و علمادیمشدر که کوکبه مسخ اولندیغی بعیددکلدر زيرا حق تعالی نیچه
اقوامی مسخ ایتمشدر ولکن زهره مشهوره اولسی ضعیفدر زيرا زهره
مشهوره کواکب سبعة سیاره دندر آنک وجودی ایسه خلقت آدمدن مقدمدر
مکر مطلق بر شفاف و مضی بلدزه محمول اوله بوسورتنده زهره اطلاق لغوی
اولور بو تقریردن متحقق اولدیکه کار بددن مراد مرادیه مطلقه در
فاما ظاهر بیتدن تبادرایدن زناتک بالفعل وقوعیدر نتکم بعضیلر ذاهب
اولمشدر در طبع ملکده ایسه شهوت ترکیب اولنماشدر تا که زنا به داعی اوله
مکر ارضه هبوطله طبع انسانیه تحویل اولنه الحاصل لایعصون الله بومدح

اولمق فی الجمله عصیانك امكانه دالدر اكرچه كه طاعت طبع ايسه ده
فافهم جدا وليكن بومقام زياده هولناك اولمغه بعض علما بوقصه بي
روايت يهود در ديونجوز انتمشيلر وطريقه تمثيله كنتمشيلر در نتكم
تاويلي ابن تمجيد حاشيه سنده مفصلدر والعلم عندالله تعالى و بعض بيان
تفسير بمن روح البياندن مطالب اوله (سؤال اولنورسه كه زهره صور
قيجه دن دكلدر پس اكانخويل اولمق نيجه مسخ اولور (جواب بودر كه
انسان احسن تقويم اوزرينه مخلوقدر نتكم قرآنده كلور (لقد خلقنا
الانسان في احسن تقويم وصوركم فاحسن صوركم (اي صوركم احسن
تصوير پس انسان صورة وسيره احسن المخلوقات واجل الكائنات
اولدي وزهره اكرچه سائر اشيايه كوره حسندر وليكن صورت
انسانيه به كوره في الجمله قبيحدر دينلسه وجهدر زيرا يالكزن نور ظاهره
اعتبار بوقدر (سؤال اولنورسه كه مسخك تفسيريندن فهم اولنور كه
صورت انسانيه قبيح و صورت زهره اقبح اوله بوايسه تقرير
مذكوري منافيدر (جواب بودر كه انسان ناقص تبديل فطرت اصليه
ايتمكه صورت قبيحه به محول اولمشدر انكيچون قرآنده كلور اولئك كالانعام
بل هم اضل (يعني تبديل فطرت ايدن كسه صورت انعامدن بتر
واقبح صورته محول اولور و بوضورت بعضلرينه صوري و بعضلرينه
معنويدر معني صورت قبيحه اوزرينه اولنور دخی يوم حشرده صورة
دخی صورت قبيحه اوزرينه محشور اولسه كر كدر نتكم قرآنده كلور
(يوم ينفخ في الصور فتأتون افواجا) بوندن ظاهر اولديكه سـيرت
حسنة صورت حسنة دن افضلدر نتكم بوسـئانده كلور * ره راست
بايد نه بالاي راست * كه كافرهم ازروي صورت چوماست *

عورتی را زهره کردن مسخ بود *

خال و كل كشتن نه مسخ است اي عنود *

* عورت * اصلده سؤه در كه انسانك اوديريدروهر او تنجق نسنه درمرأه
اوزرينه اطلاق اولندي زيرا آنك ظهور وانكشافندن استحياء اولنورسوه
كبي پس عورت عار مذمومدن اولور عاريه دخی بوندنر كوياعاره منسوبدر
زيرا برنسنة بي عاريه طلب ايتمك عارو عيبدر و بعضيلر ديديلر كه
عورت عوردنر ضلله عي معناسنه زيرا امرأه دن اجنبية اولديغي

صورته غض بصير لازمدر و حدیثده كلور (المرأة عورة) يعني رجالدن
استتار لازمدر بعضيلر ديديلر كه عورة يرينه مرأه استعمال اولمق اولي
و ادب عبارتده انسددر سبابه يرينه مسجده ديمك كبي اكرچه كه شارعدن
بحسب المصالح صادر اولمشدر * عنود * عانك مباغده سيدر عناد حق
بلد كدن صكره آنرد و اكانخالفقدر و بعضيلر ديديلر كه عنودله عانك
فرقي واردر زيرا عنيده معانده و مخالفندر عنود ايسه قصددن عانده
وعادل و منحرف اولاندر (مثنای ييت) بودر كه حق تعالينك بر عورتی
انسان صورتدن اخراج ايدوب زهره صورته ادخال ايتسي مسخ
اولمق اي معانده و يايي طريق قصددن منحرف انسان نوراني خاك و كل
ظلماني اولمق مسخ دكليدر يعني انسانده احسن تقويم سري وار ايكن كه
صفات آلهيه اوزرينه مخلوق و احسن تصوير ايله مصور اولديغيدر
ينه تبديل فطرت ايتسي سبيله بحسب الظاهر نوراني و شفاف نسنه
صورته تحوله مسخ اطلاق اولندي پس خاك تيره نك خكمي غالب
واحسن تقويمك سري مغلوب اولسه اكانيچه مسخ اولتماز اطلاق يعني مسخ
ايكيدر كه بري مسخ صوري و بري مسخ معنويدر و مسخ صوري نيجه مسخ
ايسه مسخ معنوي دخی مسخدر زيرا عالم صفتده صورته كلسه كر كدر
خصوصا كه مسخ بحسب الظاهر ظلماني نسنيه اوله خاك كبي بوندن مقصود
احكام عناصری غالب اولان كسه نك فلي بمسوخ اولديغن بياندر نعوذ
بالله تعالى و انسان ابتداده نورانيدر نتكم حدیثده كلور (ان الله خلق آدم
فتجلى فيه) و انتهاده ظلمانيدر زيرا اسفل سافلينه مر دور اولمشدر مكر كيم
ايمان و عمل صالح امداديله عالم نوراني به عروج ايتمك ميسر اوله بوندن
ظاهر اولور كه انسان عالم نور و عالم ظلمك احكامني جامعدر پس ظاهري
عالم ظلمدن و باطني عالم نوردندر و باطني تصفيه و تنويردن ظاهر دخی
مصنفي و منور اولور انكيچون اجساد انبيا و كل اولياسا ارجساد كبي دكلدر
بوجهتدندر كه رسول الله صلى الله عليه وسلم نماز حائنده جمیع جهاتدن
كورردی نتكم سري مفصلامرو ايتمشدر بعدذا بومقامده عنود ابراد
ايلدي زيرا ارباب حجابدن معانده واقع اولديغي محلددر زيرا بومعناك
مسخ اولديغن ارباب بصيرت و كشف ييلور اول سيبينكه
صور اشيا كاهي انلك الواح قلوب و مرأى اسرارنده منتقش

و منطبق بر پس خصوص من بوده چون و چرا ابتزل و اعمی
و جاهلار کی عناد و مخالفت بوانه کتزل (لحرره) کوزلویه
چونکه دکل نسنه نهان * کوزی اولان کشی نیلر برهان *

روح می بردت سوی چرخ برین *

سوی آب و کل شدی در اسفلین *

* شدی * رفتی مناسنه در آخرنده یا خطاب ایچوندر * کل * بالحقدر
بوراده تخریده محمولدر آب و خاک دیمکدر زیرا انسانک عنصر غایی ذکر
اولئان ایکی نسنه در ونجرید مذکور حدیثده دخی واقعدر تنکم کلور
(کنت نبیا و آدم بین الماء والطين) اسفلین * اسفل الاسفلین تقدیرنده در
تنکم قرآنده کلور (ثم رددناه اسفل سافلین) و لیکن لاجل الضرورة
سافلین یرنه اسفلین ایراد ایلدی اگرچه که اسفلین لفظی دخی قرآندن
مأخوذدر تنکم بطریق الحکایه کلور لیکونا من الاسفلین (سؤال اولنور سه که
بومقام ده ضرورت بوقدر زیرا اسفلین یرنه سافلین دبسه دخی موزون
در) جواب بودر که بوراده ضرورتدن مراد ضرورت کمال تطبیقدر
فاعرف اسفلین اسفلک جعبدر که اعلانک مقابلددر اسفل سافلین عالم
ناسوتدر که عالم انساندر و جائزدر که صفات بهیمی و شیطانیه و سبعیه
مراد اوله زیرا انسانک زیاده سه قولته سبب اولان بوصف فادر
بوصورتده طینت آدمده آب و خاک کدن غیری عناصر
دخی اعتبار اولنور زیرا کبر و حسد و صاف شیطانیه دندر که عنصر نازک
حکیمدر و غضب و قهر و افتراس و امنالی اوصاف سبعیه دندر که بودخی
عنصر ناره ملحقدر بعددا عالم ناسوت اسفل مطلق ایلله اعلای
مطلق میانده منازل کثیره واردر زیرا بالکزن عقل اولدن مرتبه انسانه
کلنجه یکرمی سکن منزلدر که اولی اسم بدیعک و آخری اسم رفیعک
مظهر یدر و حروف هجاده اسم بدیع مرتبه سنده همزه و اسم رفیع
مرتبه سنده و او وضع اولنشددر زیرا همزه مبداء المخارج و او منتهی
المخارج در و عقل اول مرتبه سندن هویت ذاتیه مرتبه سنده دک
دخی میانه مراتب علییه و الهیه واردر و جائزدر که اسفل سافلین
عنصر آب و خاک احکامی اولان امور بهیمی اوله اکل و شرب و منام
و وقاع کی * نه یمک نه ایچمک نه کلک عزیز * یعنی بهائم اذل المخلوقات

اولدیغی کی صفاتی دخی اذل الصفات در پس اذل الصفاتله متصف
اولان انسان دخی بهائم کی اذل واسفل در (معنای بیت) بودر که روح عالی
سنی چرخ عالی و فلک متعالی طرفنه ایلدر دعوت روحانیه سیاه و سنی
اول جانبیه جذب ایلر سن ایسه اسفل سافلین مرتبه سنده آب و خاک
طرفنه کتدک امانه طبیعی و الفاء نفسانی و شیطانی ایلله و یا خود
صفات سفلیه ده غایته یتدک یعنی روح انسان علوی اولغله مقتضای
علوی اوزره انسانه علوه همت ایلر و آنک اسفل سافلینده قالدیغی
استمر و سفساف اخلاق و اوصافله تخلق و اتصافدن متأذیر انسان
ایسه جسم سافلک حکمی اجرا ایدوب دنات ایلله متصف اولور و الجمله
میل ایلر الحاصل انسانده ایکی مجاورت واردر بری روح علوی طرفنه که
عالم امر دندر و اول مخلوقدر و بری دخی جسم سفلی جانبیه که عالم
خلقندر و آخر مخلوقدر پس علوه همتی اولیان کسه بو ایکی مجاورتدن
مجاورت سفلیه بی اختیار ایدوب خوار و ذلیل اولور و انسان مکرم
اولدیغندن جاهل قالور زیرا آنک کرامتی آب و خاک بوزندن دکدر بلکه
علم و معرفت جهتنددر و لیکن آب و خاک کدن تخمیر اولسان جسم
بوفضیله و صوله آت اولمشدر پس کرکدر که حقیقت برزخیه سی
حسیله جسمی جهت سافله ناظر اوله تا که قابلیتک حکمی ظهوره کله
و روحی جهت علوه ملتفت اوله تا که قیود بر از خدن نجات بوله بعددا
می بردلفظنده اشارت واردر که روح انسانده بحقه دعوت و ارشاده حث
و حل و جذب واردر کویا روح کندی مجنوب عالم عاوی اولدیغی کی
حقیقت انسانیه نک دخی اول جانبیه مجنوب اولدیغی استر زیرا تشویقده
جذب واردر فاما اول کسندن که قلبی (والهم قلوب لا یفقهون بها)
حکمنده داخل اوله آنک سمعنه خطاب ایرمن کنیده جذبیه کرمن پس
او مقوله بی دعوت ایتک الزام حجت ایچوندر تا که وقت مؤآخذده عذری
قالیه و محجوج اوله و قرآنده کلور (وما کنا معذبین حتی نبعث رسولا)
و عذاب ایکی نوعدر بری عذاب کبیردر که عذاب ناردر و بری عذاب
اکبردر که عذاب فراقدر اکبر اولدیغی بودر که روحانیته دائردر
روحک عالم معناده تعذبی ایسه جسمک عالم صورتده تألندن اشددر
زیرا هر تألم جسمانی روحده مؤثر دکدر فاما هر تعذب روحانی

جسمه مؤثر در آنکچون غم و قسا و تدن دخی بشره به تغیر و آثار
انفعال کلور و شدی لفظنده فعل اختیاری به اشارت وارد که انده
فعل اضطراری به نسبتله سهوات وارد پس بومقامدن (حفت الجنة
بالمکاره و حفت النار بالشهوات) سری ظاهر اولدی و فعل اختیاری
امور طبیعی به تعلق ایتک مذموم در زیر مقصود بالذات اولان امور
روحانیه و احوال اخرویه به بذل مجهود و صرف مقدور ایتکدر
ویل اول آده که زنجیر نوراه جنت و قربتیه سوق و جذب اولنه
اول ابا و عدول ایلنه (سؤال اول نور سه که چرخ برینه دعوت و جذبک
معنایی ندر زیر چرخ برین امکنه و احیاز دندر بوابسه مخلوقدر
عالم کونک ایسه طبیعی اولور سه دخی عالم آلهه کوره اعتباری یوقدر
(جواب بودر که چرخ برین دن مراد علویات مطلقه در که عالم ملکوتدر
پس مقصود بالذات اولان عالم ملکوتیه انجذ ایدر و عالم ملکوت سموات
و ارضک حقایق و نتایجیدر که اسماء الهیه بوزندن مشاهده اولنور و قرآنده
بوسره اشارت ایدوب کلور (و کذلک نری ابراهیم ملکوت السموات
والارض) و بو ملکوت منکشف اولدقجه بر کیمسه دائره ولایتیه
قدم بصم (لحرره) * ندرای دل عروج چرخ برین * اوله سن
عالم معنایه قرین * بولینجه تجرد عسی * دیمسون کیمسه سمایه چقرین *

* خویشتن را مسح کردی زین سفول *

* زان و جودی که بدان رشک عقول *

* سفول * سبک ضعیله علوک نقیضیدر رشک کونی و غیرت معنایه غیرت
غیرک بر خصوصده مشارکتی کراهددر بوراده مراد غبطه در
و غبطه بر کیمسه مالکی و یا خود منصبی و یا ایلو کنی کورب بنده اولسه
دیو ترجیدر * عقول * عقلک جمیدر عقل اصلنده حبس معنایه در
صکره ادراک افسانه عقل دیدلر زرا انسانی قبیح و غیر مستحسن اولان
نسنه لردن متع و حبس ایدر و عقلک محلی دماغدر ولیکن نوری قلبه
منعکسدر قلب ایسه صدر انسانک جانب ایسرنده در و عقل اصطلاح
حکماده زعم ایتدکاری اوزره مبادی افلاک و عناصر اولان عقول
عشره اوزرینه اطلاق اولنور نتکم کتب ابن سیناده و غیریده تفصیل
اولمشدر بوراده عقول ایلنه مراد ملائکه مهمیه دیدکاری ارواح عالیله

و سائر اهل ملکوتدر بو خسه عقول جزئیة انسانیه دکلدر عقول
و نفوس دیدکاری فی الحقیقه امر واحددر ولیکن فوقانی اولدیغی
اعتبارله عقول و تحتانی اولدیغی حسبیه نفوس اطلاق اولنور
و بر عبارتله دخی بودر که شهادت و ظاهر اعتباریه نفوس و غیب
و باطن اعتباریه عقول دینلور مرتبه ارواح کبی زیر بو مرتبه صور
علمیه به مظاهر اولق جهتیله نفوس و اعیان ثابته اولق ملاحظه سیله
عقولدر (معنای بیت) بودر که بوسفوات و دناءتدن اوتوری کندیک
تحویل ایتدک اول وجود علوی دیکه رشک عقول و غیرت نفوس و غبطه
ارواح اولدی بوراده وجود سفلی ممسوخدن مراد صفات بهیمی
و سبعیه و شیطانیله ایلنه متصف اولان وجود و وجود علوی مدوحدن
مقصود صفات آلهیه و اخلاق ربانیله ایلنه محلی اولان وجوددر (سؤال
اول نور سه که اهل ملکوتک وجود علوی انسانی به غبطه سی نهوجهله در
(جواب بودر که انسان علوی کمال اهلیدر که جمال و جلالی جامعدر
ملک علوی ایسه بالکن جمال اهلیدر پس انسان علوی جمیع اسماء
آلهیه ایلنه ظاهر و متحقق اولغله غبطه عالم عقول اولدی (سؤال
اول نور سه که ملائکه مهمیه اهل استغراقدر که انلرده غبطه متصور دکلدر
(جواب بودر که غبطه ایتک رتبه جهتیله در کرک قال و حال ایلنه بالفعل
غبطه اولسون و کرک اولسون بوندن ظاهر اولور که وجود ممسوخ انسانی
غبطه اهل ملکوت دکلدر زیر امریه عقولده تجرد تام و مرتبه نفوس
ممسوخده تعلق کامل وارددر پس اهل ملکوت تجرد و ترقیلری حسبیه
انلردن افضل اولور و افضل اولان مفضولک حالنه غبطه ایتن (سؤال
اول نور سه که ارواح عالیله و مطلقا اهل ملکوت کیلدر (جواب بودر که
ارواح عالیله ابدانن مجرددر یعنی انلرده نه ابدان کشفه و نه خود ابدان
لطیفه بوقدر بلکه انلر ارواح مجرددر در سائر اهل ملکوت ایسه ابدان
لطیفه لباسیه ملبوسلر در بوندن فهم اولنور که انسان اجسام کشفه
اهلیدر ولیکن ریاضات ایلنه تلطیف اجسام ایدنلر ملائکه دن برتردر
آنکچون فخر کائنات علیه اکمل النحیات لیله معراجده مقام ملائکه دن
ترقی ایدوب عالم ترکیب ذروه سی اولان فوق العرشه وضع قدم ایلدی
و اورادن دخی توجه و همت علیا حسبیه عالم ارواحه دخول و آمدن

عالم لایبته وصول حاصل اولدی (لحرره) * کیمینجه بومقام اینی * کورمیه
کیمیه عالم اینی * بعد ذابونده اختیار جزئی بی اثبات وارد پس انسان هر نه
جانبه اماله لجام ایدر سه الله تعالی انی خلق ایدر کرک علوی و کرک
سفلی ولیکن مسخ دید کلری رین دید کلری در ورین اهلنه بردخی صفوت
زجاجه دل یوقدر * اتمه نازک مزاجکی بیمار * شاید اولمایه قابل تیمار *

پس بین کین مسخ کردی چون بود *

پیش آن مسخ این بغایت دون بود *

(معنای بیت) بودر که پس نظر ایله که صفات سفلیه ایله اتصاف
حسبیه اولان مسخ نه کونه او اور یعنی بومسوخ اول زهره مسخک او کونده
غایت ایله دون ودنی و قبیح او اور پس مصراع ثانی اول پیاندر الحاصل
زهریه تحویل اولتی بوقدر نورانیتیه مسخ و قبیح اولیجق بهائم و انعام
مرتبه سته تنزیل اولتی بوقدر سفالت و ظلمانیتیه قبیح و بلکه اقبح در
زیر نور و ظلمت و انسانیت و حیوانیت میاننده فرق کثیر وارد
بونده اشارت واردر که بعضی اشراقیین و اهل ریاضت اکبر چه که
تصفیه باطن ایدوب فی الجمله نورانیت بولمشلردر مرتبه ارواح لطیفه
صاعد اولمشلردر ولیکن نورانیتلری روح مخلوق مرتبه سنده در
یونک ما ورا سنده ایسه عین مجرد و سر مجرد مرتبه لری واردر که
عالم روحدن انور و مقام خلقدن ازهردر پس بوترقیدن بی خبر اولوب
تنزل روحده قلندر زعملرینجه مقام لرندن انور مقام بوقدر صانور
و بوعالمده فی الجمله نورانیت موجود ایکن لایحبالاقلین مفهومته ناظر
اولمغله محبوب و مقبول اولیجق بوندن دون و سافل اولان مرتبه
نفس و طبیعت نیجه مرغوب او اور که ظلمانی محضدر پس نفس
و طبیعت اهلنک مسخی من کل الوجوه و قلب و روح اربابنک مسخی
من بعض الوجوه در و مطلقا مسخدن تخلص و نجات عالم سیرک حقایقه
متحقق اولمده در و بونده بین خطابنده رمز واردر که بو معنایی ادرك
ایتمک هر جاهل دون و ایمای دنیك شانی دکلدر بلکه بصیرت اهلنک
صفیدر که انلره کوره نور و ظلمت و حسن و قبح کاهوروشن و هویدادر

اسب همت سوی اختر تاختی *

آدم مسجود را نشناختی *

* اسب * خصوصه آنک اسمیدر اگر چه بایعربله تلفظ اولنور
فاما اصلنده بایعجمیلدر نیکم اسپه و سپه دیر لر آنلو معناسنه * همت *
برنسنه اوزینه جمع خاطر ایتمکدر شویله که خلاقی خاطره کلیه و بومقوله
همت دن مراد تخلف ایتمدیشلردر که بعضی نفوسک بحسب الفطره
بعضی امور غریبه یه اختصاصی واردر که غیریله بولنماز نیکم هندستانده
بعضی قوم واردر که برنسنه خصوصنده اهتمام ایتمشلر خلقدن عزات
اختیار ایدوب همتلرن اول نسنه جانبته صرف ایدر لر و اول نسنه دخی
اهتماملری اوزینه وجوده کلور و بوقبیلنددر که سلطان محمود غزنوی
دیارهنده غزا ایتدکده برشهره مصادفه ایتدیکه هر بار که الا قصد ایتسه
مرض اولور دی سرندن سوال ایتدکده دیدیلر که اول شهر اهلنده
بعضی جماعت واردر که صرف همت ایتدکده مقتضای همتلری اوزره
مرض واقع اولور پس دفعه چاره طلب اولندقه سلطان مزبورک
بعضی اصحابی ضرب طبول و نفخ بوقات کثیره ایله تشویش همته رأی
ایتدی سلطان دخی حیلۀ مذکورۀ ایله عمل ایتدکده مرض زائل
اولوب مدینه استخلاص ایله دی * اختر * یلدر و طالع و ایوفال معنارینه
کلور بوراده مراد علو صوریدر اختری تخصیص باند کر ایتدی یکی
زهره مناسبته در * تاختی * یا خطاب ایچوندراختن قنی ابو مک
وسکرتمک که چاپلق ایله تعبیر ایدر لر مضارعنده خازیه قلب اولنوب
تازد و تازنده دیر لر بوراده تاختی متعددی معناسنه. أخوذ در * آدم *
بوالفظده اختلاف ایلدیله بعضیلر دیدیلر که اسم اعجمیدر صرفدن
ممنوعدر و بعضیلر دیدیلر که عربیدر ادمه دن مشتقددر که سمیرت دیمکدر
و سمیرت بیاض ایله حیرت اراسنده لون مخصوصدر و آدمک اسم
اولدیخی احسن الناس اولماسن منافی دکلدر انکیچون رسول الله
صلی الله علیه وسلم اسم اللون ایکن انا الملمح بوردی پس حسن انسان
آن دیدکلری معنائه حاصل یوخسه بیاضله یاغیری لونه دکل یاخود
ادیم ارضدن مشتقددر یعنی وجه ارضدن زیرا آدم اندن مخلوقدر پس
بو صورته دخی صرفدن ممنوعدر علمیت و وزن فعلدن او توری
(معنای بیت) بودر که همت و عزیمت آنی علوصوری جانبته چاپدرک
و فلک علویده اختر علوی و نورانی و سائر علوصوری ایله متصف

اولان نسته ل سکا خوش کلدی و مستحسن کورندی مسجود ملائکه
کرام اولان ملک و ناسوتدن اولغله بحسب الظاهر ظلمانی و پستدر
ولکن مسجود ملائکه اولوب صفات الهیه ایله انصاف و اخلاق ربانیه ایله
تخلیفه بناء نورانی و اهل ملکوتدن برتر و عالیدر پس اگر سنده علو همت
و دور بین لک اولایدی پدرك آدمک سر نه مطلع اولوردک و پستیده
بلندلک بولوردک و علو معنوی بی فهم حسیلله علو صوری یه التفات
ایتمزدک و کندی پایکه صعودی قیوب اسفل الاسفلینیه اینمزدک و علو
صوری صور تنده سفل معنوی جاهنه دوشمزدک نتکم بو معنایه بیت
لاحق قرینه در بونده همتی آتیه تشبیه وار در انکیچون سالک اولان
کیمسه واقعه سنده آت **ک**ور سه همت ایله تعبیر اولنور زیرا آت راه
صوری قطعنه آت اولدیغی کبی همت دخی راه معنوی طینه وسیله در
و بونده آتک علو شانه دلالت وار در انکیچون حدیثه کلور (الخیل
مقصود بنواصیها الخیر) و خیل ایله جماعت مجاهدیندن دخی تعبیر
اولمشدر نتکم حدیثه کلور (یا خیل الله ارکبی) و بونده علو همت
تنبیه وار در نتکم باقی نظمده کلور * چشم ستاره ل کبی الیچغه مائل
اولماز * هتمز بلند در قد که در نظاره مز * و رمز وار در که آدم
(الله نور السموات والارض) سر نه مظهر در زیر سموات ارواح و ارض
اجساد نور حقله منور در (سؤال اولنور سه که ار و احک نورانیتده
کلام یو قدر فاما اجساد نه وجهه له نورانیدر (جواب بودر که
(و اشرف الارض بنور ربها) موجنجه ارواحدن اجسامه نور الهی
منعکس اولوب ظواهر دخی بواطن کبی نورانیت قبول ایتمشدر نتکم
اهل اللهک چهره لرینه چشم اقرار و اعتقادله نظر انداز اولنور
بو معنی روشن و هویدادر و حدیثه کلور (من کثر صلاته باللیل
حسن وجهه بالنهار) و بونده انسان **ک**ندی رتبه سندن غافل
و علو جاهنی جاعل اولدیغن تقبیح وار در

* آخر آدم زاده ای نا خلف *

* چند پنداری تو پستی را شرف *

* آخر * نعمة الله ده کلور که آخر ضد اول و آخر فارسی **ک**مجدر تعریض
مقامده مستعملدر نتکم حضرت شیخ سعدی شیرازی بیورر * ع *

* عشق بازی نه من آخر بجهان آوردم * یعنی عشق بازی جهان بن
کتور مدم بونی بیاورسن شو یلیه دردی نکدر * خلف * ولد صالح و طالح
ایکسندله استعمال اولنور انکیچون خبر خلف و خلف صدق و شر خلف
و خلف کذب دیرلر فارسیده نا خلف **ک**بی و بوندن غیر بی و جهله دخی
تفصیل اولمشدر نتکم محامده میدندر * شرف * علو و مکان عالی و مجددر
(معنای بیت) بودر که آخر سنده آدمی زاده سن ای نا خلف نیچه بر
پستلکی شرف و علو و عظمت ظن ایدرسن یعنی اگر آدم زاده اولدیغکه
کوره خلف صدق و فرزند صالح و عارف اولایدک پدرك آدم کبی علو
همت اهلی اولوب ادنایه التفات ایتمزدک زیر پدرك همت عالیه سی سبیلله جنتی
بر دانیه صاندی و علو صوری یه میل ایتدی بلکه صور تاپست اولان
ارضه تحصیل علو معنوی ایچون هبوط ایتدی بو جهتمدن ارض
صور تاپست و معنی بلند اولدی والا قرار گاه انبیا اولماز دی بونده
آدم زاده اولوب علو منصب انسانی فهم ایتنه بنی تجهیل و عالم صورتک
شرفنی تحصیله طالب اولنورک حانی تقبیح وار در الحاصل انساندن
هر بر فرد کرچه نسبت حسیلله آدم اوغلیدر ولکن حسب جهتیه نسبی
منقطع مدتر ز بر بالکز آبا و اجدادک مفاخر و مآثری کفایت ایتز بلکه
هر کسک ذاتنده دخی سبب افتخار و مایه ابتهاج او لاجق وصف
عارضی لازمدر بوسیدندر که حدیثه کلور (یا علی کل سبب و نسب
منقطع یوم القیامه الاسبی و نسبی) وینه حدیثه وارد اولمشدر که
(آلی کل تقی تقی) یعنی بر کیمسه بیاض دستار اولسه تقوی و نقاوتی
حسبیه فی الحقیقه آل رسولدر بو صورتده سبز دستار اولور سه آیت
هم نسبا و هم سببا اولوش اولور و اگر سبز دستار اولوب معنای مذکورله
تحلی مفقود اولور سه اتصال عرفنه نظر اولنماز پس شرف انسان
ظاهری شریعت ایله اصلاح و باطنی نور معرفت و حقیقت ایله تنورده در
یو خسه علو جاوده و آیت صوریه ده دکلدر والا ابو لهب و امشالی
دخی سلسله بند سیادت اولق لازم کلور و فضولی شعرنده کلور
* هدایت منزلینه یتدیلر سعی ایله اقرانک * ضلالت ایچره سن قالدک
سکا بو عاریتم می * و یاز یچی زاده محمد افندیکنک علو همتندندر که محمدیه ده

ایراد ایدر * دانه کیم آدم یدی کر کو هر اولسه باقیم * ایتیم هر کر نظر
کور ورسم زرین جبال * و بو بیک شرجی محمدیه اوزرینه فرح الروح
نام شر جزدن مطلوب اوله و بونک اشالنده دخی نامل و نامل اوله

چند کوبی من بکیرم عالمی *

ابن جهان را پرکنم از خود همی *

* عالمی * ده اولان یا زائد عالمدن مراد دنیادر که سموات سبع دخی انده
داخلدر پس بونده شداد و نمروود کبیرک حالته اشارت وارد در زیر نمروود
مشرق و مغرب میاننی ضبط ایتد کد نصکره سمواتده اوله لری دخی
تسخیر ایچون آسمانه تیرانداز اولدی نتکم شیخ عطار قدس سره
کلامده کلور * سوی او خصمی که تیرانداخته * پشه کارش کفایت ساخته *
* همی * لسان فارسیده تقریر ایچوندر اول کلامده واقع اولدیغی کبی
آخر کلامده دخی واقع اولور نتکم رودکی شمرنده کلور * بادجوی
مولیان آید همی * بوی بار مهر باز آید همی * ترکی دلدده مقرر میدر
دیجک برده همی دیرلر معنای فارسیسی اوزرینه استعمال ایدرلر همی نک
اصلی می درها زائددر زیر لسان فارسیده اول کلمده ده هانک زیاده سی
شایعدر (معنای بیت) بودر که ای غافل نیچه بر دیر سنکه بن بتون دنیایی
طوتم وضبط ایده رم بو جهانی کندمدن طولی ایلرم و بو بویه در
بوندن مقصود انسان صفات نفسانییه نک هجومی حسیله کنندی
حالنده اولما یوب تمامی دنیایه مستولی و مسلط اولمق طلب ایدر نتکم
ظاهرده ملوکدن اولنلر اقلیم واحده قناعت ایتیموب اقلیم سبعه یی
ضبط و تصرف خصوص صندیه بذل مجهود و صرف مقدور ایدرلر
و هر کس حالجه استیلا طامندن خالی دکلدر انکیچون وزیر معهود
دخی نصار ایه تسلط ایله دائرة تسخیری توسیع صد دنده اولدی
اصلی بودر که نفس اماره جهنمدن مأخوذ و بنه اکا مر دود در جهنم
ایسه طویق بلزنتکم قرآنده کلور (و یوم نقول لجهنم هل امتلات
و تقول هل من مزید) پس صورت جهنم نیچه مزید طلب ایدر سه
آنک سری اولان نفس اماره دخی بتون دنیانک ضبطنه حریص اولور
و بر دخی انسانک اسمی جامعدر پس بحسب الاستعداد عالم صورت
و معنایی جمع ایتک صد دنده اولور نتکم شیخ ابو مدین غزالی قدس سره

(آخر ما ینخرج من بؤس الصدیقین حب الجاه) بیوررز بر اخروج ظهور ایله
تاویل اولمشدر نتکم مرور ایلدی بونده اشارت وارد در که نفس
اماره یی کنندی حالته قویوب مجاهده و ریاضت ایتسک سر تسرا اقلیم
وجوده مستولی اولوب قاب و روحه حکومت ایتدرمن و جمیع اعضا
و حواس و قوایی امر نه تسخیر ایدوب جله اجزاء وجود کننده تابع
اولدیغن استر بومعناک حصوانده ایسه اختلال کلی وارد در زیر
شداد و نمروودک عالمه استیلا سندن مضرت کلیه حاصل اولدیغی کبی
نفسک استیلا سندن دخی وجوده ضرر عام حاصل اولور قلب و روحک
استیلاسی ایسه سلیمان واسکندرک استیلاسی کبیردر پس اهل هدانک
تصرف عامی اهل هوانک استیلاسی کبی دکلدر انکیچون اهل هدی
اولنلر ظهور و بطونله ظهور طلب ایدرلر زیر مقصود لری اصلاح
عالم و تعدیل اقلیم وجود در و رمن وارد در که هر کسک میل و محبتی نه
دوشر سه آنک ذکرنی اکثر ایدر نتکم خبرده کلور (من احب شیئا اکثر ذکره)
و حدیث ذکر نفس و ذکر انسانیدن اعمدر و تنبیه وارد در که بر کیمسک
بر اقلیمده حکمی جاری و امری نافذ اولمق کنندیلله اول اقلیمک
پراولمه سندن عبارتدر نتکم دیرلر همان بر شهر برورد فارسیده شهری
و کلی دیرلر (لحیره) * اولمق استرسک اگر زهره جبین * اوله هر کر
بو جهانده خود دین * قصر بدایت امور دنیادین * پس الکنده سکا کتاب مبین *

* کر جهان پرف کردد سر بسر *

* تاب خور بکد از دش بایک نظر *

* برف * قاردر که قیش کونی یغرب تلج دبر و اخوان صفاده تلجک
تعریفده کلور قطر صغار تجمد فی خلال الغیم ثم تنزل برفق من السحاب
* سر بسر * باش و اوجه اوج کران تابکران کبی کذا فی الدقایق
ولکن ظاهر اولان از سر تابسر تقدیرنده اولقدر باشند باشه معناسنه
* خور * لغت پلاویده خور و خور نور دیمکدر عند التریب هاء سافط اولوب
خرشید و خورشید دینلور ابکیسندده وجهه در ویا لکن خور و شید دخی
دینلور و لکن مرکب اطلاق اکثردر پس خرشید اصلنده شعاع الشمس دیمک
اولور صکره شمس اطلاق اولندی * کدازد * دالین ایله متعدیدر کداز دندن در
ارتک معناسنه عرب اذابه دیر کداختن دخی بویه در اگرچه کداختن

اریمک معنای دخی لازم استعمال اولور * نظر * اصلنده عینک صفی
اولان رؤیتدر بوراده مراد پرئوشمشک انعکاسیدر تشبیه طریقله
اگرچه که ارباب حقایق قائنده شمس و قمر بو تعینک دیده لریدر که
بری کیمجه وبری کوندزه ناظر در (معنای بیت) بودر که اگر دنیا باشدن باشد
واوچدن اوجه که یشیوز یلاق مسافه در قار اولسه و بتون جهانی
کندندن طوادر سه و جمع اقطاره مسلط و مستولی اولسه برطلوع
وعکس پرتوله کیمشک حرارتی آتی اریدر و وجودندن اثر قوهر
پس شداد و غرود و فرعون کبیلر تأثیر تاب آفتاب قهر و جلالتدن
دخی بویله درز را انسان هر چند سلطان عالم اولوب چند ایله متقوی و عدد
وعد و ایله متأید اولسه ینه ضعیف در تکم قرآنده کلور (وخلق الانسان ضعیفا)
ضعیفک ایسه قوی ایله مقاومه قدرتی یوقدر تکم دیشلردر که
عجبا الضعیف کیف یعضی قویا اصلی بودر که انسانک جمیع قوای
حقندن مستفاد در فرع ایسه اصل کبی اولماز تکم اشارت قرآنیده
کلور (ومکروا و مکرا لله والله خیرا لسا کرین) و بر محله دخی کلور
(ان کیدی متین) یعنی کید حقه متانت و قوت و کید خلقده فتور
و ضعف واردر الحاصل مبطل اولان کسه برف مثالدر که بر نظرده اربوب پکر
وصوبی عالم عدمده ایچربونده نفسک برودتنه و عشقک حرارتنه اشارت واردر
پس آفتاب عشقک ظهورنده وجودده مجمل اولان امور بارده نفسانیه نک
جمله سی ذوبان قبول ایدوب مخممی و مضحیل اولور بوسیدندر که عشق آفتابه
واهل زهدک تعین و نفسانیت برفه تشبیه ایدر لکن کیچون زمهر یرده برف
اریموب نیچه ایام یاتوب قالور تکم سری بالاده شرح اولندی و بونده
مراتب عشقه رمز واردر زیر کیمه برزده و کیمه آفتاب قدر احسان
اولور و علی کل حال عشق آلهی مدوح و مقبولدر زیر قلوبی احیایدر
تعین وجود بینک ایسه مذموم و مر دوددر زیر قلوبی اماته ایدوب
نفوسی احیایدر مقصود ایسه احیای قلب علوی و اماته نفس سفلیدر
وزرا و صد و صد و صد هزار
نیست کرداند خدا ازیک شرار

وزر کسرله عربی در اثم و جل ثقیل معنای بوراده مراد اثار و زرا اولان ضرر
وزیان و فساددر ولیکن وزر تعبیری وزیر مناسبتیه لطیف دوشمشدر

شرار کتاب و شرر جبل و زلزلی اوزره عربی در آتشدن یلدز کبی
تطایرایدی نسنه در که قفلجم دخی دیرلر (معنای بیت) بودر که ذکرا اولنان
وزیرک و یوز و بایکه نیچه یوز بیک اویله وزیرک ضرر و زیان و فسادنی
الله تعالی قهر و جلالتدن بر قفلجم ایله یوغ ایلر بوندن مقصود وزیر
مارالذکر و نیچه صفتده اکامشابه اولنلرک مقهور و مدمر اولماسیدر
زیرا ضررک اندفاعی ضارک هلاکله در یعنی کرچه وزیر من بوراستیلا
و تسلط نیتی ایله بوقدر نصاری اضلال و افساد ایلدی ولیکن نیچه
قهرله آخر مأخوذ اولدی و کذلک آنک مذهبنی افشا و طریقده سنی
احیا و آثارنی ابقا صد دنده اولان توابعی دخی مؤاخذده اولندیلر
اگرچه که مدت مدیده دانه امهالده بواندیلر زیر رسول الله صلی الله
علیه وسلم ظهور یله ادیان مختلفه باطل و اصحابک تحکم و استیلاسی
زائل اولدی تکم قرآنده کلور (لیظهره علی الدین کله) بونده اشارت
واردر که قهر آلهی آتش سوزناک قبیلندندر یعنی آتش اصابت ایتدیکی
محلی نیچه احراق ایدر سه قهر آلهی دخی ازاله و افنا ایلر مع هذا قهر
خدا و جلالت کبریا نفس آتش صورتده دخی نازل اولمشدر عذاب
یوم الظله کبی پس توبه و رجوعله آتشدن احتراز لازمدر والا برکسه
بو آتشدن نقدر هارب اولسه ینه آتش آتی ادراک ایلر تکم قرآنده
کلور (ایما تکنونا یدر ککم الموت) (لحرره) نیچه برنارده سن سمندر
وار *عالم نوره داخل اول یوری وار* جیبکی دست قهر دن قورتار *لطف
حقه صغین اکایلوار* و بوندن عقل معاش ایله حال عشق دخی معلوم
اولدی زیر نار عشقک بر شرری هزار عقل معاشک تدبیری اسقاط
و اعمال حیلله سنی احباط ایدوب خس و خاشاک وجودی احراق ایلر
و یحیی المفتی نظرده کلور *حق صفا سون کوکله کی آتش بلور مسین*
طویمز جهان و جمله جهان بر شراره یه *بونده آتش ایله درد عشق و جهان
ایلله جهان وجوده اشارت واردر

عین آن تخمیل را حکمت کند

عین آن زهراب را شربت کند

تخمیل خیال و ظنه بر نسنه القا یتک و بو مقامده تخمیل و تخیل و خیال
کله لن اطلاق ایتک درستدر زیر تخمیل و تخیل و تخیل و تخیلدر

* حکمت * و معرفت کبی که صفت حکیم و عارف در خیال ابدی امور مخبیه در
 امور حکیمیه کبی حکمت ایکی نوع در بری حکمت نظریه و بری دخی
 حکمت عمایه در بوراده مراد ارباب حقایق اعتبار ایتدیکی حکمت
 حقیقیه در که اشیا کاهی معرفت در زهراب * زهر کبی آجی صدور و نفس
 زهر اولی دخی مخمدر وزهراب یاننده عین لفظی محاسبه دوشمشدر
 * شربت * بر اچم صدور و لکن لذت و شیرین اولان مشروب باده عرف
 اولوب شهرت و شیوع بولمشدر (معنای بیت) بودر که الله تعالی
 مراد ایلسته اصحاب خیالک اول تخمیل و ارباب و همک اول توهمنی
 و باخود اول امور مخبیه و مدرکات و هیمنه عین حکمت ایلر و اول آجی
 صوبی عین شربت لذت و قیلو رنتکم آب بحری نیچه ارباب احوال
 و تصرفه شیرین مذاق ایلشدر بوندن فهم اوانو ر که حقیقه واحده
 بحسب التجلیات صفات مختلفه ایله ظهور ایدر یو خسه حقیقت اخرایه
 استحالته اتمز و الادراکده امن قالماز بر اهر مدرک ادر اکنده کنندینی تغلیط
 ایتک جائز اولور بویاسه حبط و تخلیط مقوله سیدر و بوندن حکما
 و علمک علوم و ادراکاته اشارت و اردر زرا حکماء فلاسفه و اسلامیه دن
 هر بری بطریق التخیل و التوهم بعض ادراکاته حکمت اطلاق ایتشدر
 و علماء رسو و مدن دخی نیچه ل بعض نظریات قاصریه علوم قطعیه
 دیشلدر اگر چه که فی الحقیقه اوهام و خیالات مقوله سندن و قیاسات
 عقیمه قیلندندر پس اگر حق تعالی اول امورک حقایق و نتایجین
 کاهی کشف و اظهار ایلسته اول وقتده حکم و علوم حقیقیه اهلی
 اولور لدی و بوندن ظاهر اولور که آجی صوانسانی قاندر مدیغی کبی
 علم غیر نافع و غیر ضروری دخی بویله در پس بونده علوم حقیقیه یی
 شربت لذت و علوم غیر حقیقیه یی زهرابه تشبیه واردر و علوم غیر
 حقیقیه علوم و حکم اطلاق ایتک فی الحقیقه مجاز در زرا علم و حکمت
 صفت شریفه و ملکه لطیفه در پس اوهام و خیالات و ظنیات
 مقولرینه اطلاق حبشی به کافور اطلاق کبیدر و بونده (فاولک
 بدل الله سیئاتهم حسنات) سرینه رمز واردر و تبدیل مقام مغفرتندر
 نتمک اربانه معلومدر (محرره) * کعبه دلدده قومه لات و منات *
 * یرایده تا که احسن الحسنات *

* آن کان انکیز راسازد یقین *

* مهرها رو یانداز اسباب کین *

* کان * کاف عجمینک ضعیله ظن در ترکیده صنادیرل * یقین * اتقان
 علمر که نظرا و استدلالاتک و شش بهه یی نفی ابله حاصل اولور انکیچون
 علم قدیم آلهی انکه موصوف اولان علم ضروری دخی بویله در زرا
 تیقت ان السماء فوقی دینلر * رو یاند * مضارع متعدیدر مصدری رو یانیدن
 کلور بتورمک معناسنه * کین * کاف عربیله خشم و کولکده دشمنک
 طوتمق که عرب حقدیر اخذ الانتقام فی القلب معناسنه (معنای بیت)
 بودر که الله تعالی اول کان و ظن قواریجی و پیدا ایدیجی نسنه یی
 یقین و عیان دوزر یعنی بر نسنه دن ظن حاصل اولور کن اول نسنه وسیله
 یقینیه به مبدل اولور مثلا اصطلاحات علم عالم صنایع کبی و الله تعالی
 محبتلر بتورر اسباب کین و عداوت و انتقامدن مثلا اسباب حربی صلحه
 مؤدی قیلور و نیچه عداوت اهلک عداوتی خلانده احباسنه محبت
 آرتورر پس اول اسباب احبابه کوره اسباب محبت و مودت اولور نتمک
 بیت لاحق دن روشندر بوندن علوم ظنیه و یقینیه به اشارت واردر
 علوم ظنیه ارباب رسو و مک و علوم یقینیه اصحاب حقایقک علومیدر
 مثلا برکسه نک اعمی ایکن ادراک ایتدیکی اکثری ظنیات مقوله سیدر
 فرضا کوزی آچلسه و ادراکات اوله نظر انداز اولسه اولکی ظنی یقین
 مرتبه سنه ترقی ایدر اعمای بصیرت دخی بویله در و نفسله قلب اراسته
 اولان اسبابی کین امور طبیعیه و امور روحانیه در پس نفس
 انسان امارتدن مطمئنه ترقی ایلسته جمیع اسباب نفسانیه امور
 روحانیه به استحصال ایدر انکیچون ارباب کشف یاننده امور
 طبیعیه و نفسانیه حجاب مقوله سندن معدود دکلر زرا کشف
 و تزکیه و تصفیه حسبیه صفاته تبدیل و تحول کلشدر * بوندن اخذ
 اولور که اهل اجتهاد انتهاده و ارباب کشف ابتداده مصیبلدر پس
 اول کسه که ابتدا و انتهاده مصیبلر یا لکن انتهاده مصیب اولاندن
 مرتبه ده برتر در مع هذا انتهاده مصیب اولمق شانندن اولان کسه نک
 مخطی اولمق شانندن پس بصورتده اصلا جهت اشتراک قالماز فاعرف *

پرورد در آتش ابراهیم را
ایمنی روح سازد بیم را

* ابراهیم * سر یاندر معنای ابرحیم دیکدر و چوق کره سریانی
ایله عربی را سنده اتفاق و یا خود لفظده تقارب واقع اولور ابراهیم کبی
واکا ابرحیم دیدکاری اطفاله مر جتندن اوتور یدر انکیچون حالت
صغرده وفات ایدن اطفال اهل ابانه ابراهیم خلیل الله علیه السلام وانک
زوجه سی ساره متکفل اولمشلردر و قیامتہ دک حالت صغرده وفات ایدن
اطفال مؤمنین انلرک حضانه لرنده در وادر پس لفظی دخی بویله در *
بعنی بعضی ابراد ریسک اشتقاقی درسدن اولمغه ذاهب اولمشلردر زیرا
اول اغنده ذکر اولنان معنایه قریب اولمق بعید کلددر پس کثرت دراستنه کوره
ادر پس دینمش اوله وتذکر قرطیده کاور که ابراهیم اسمی ابرم ایدی
صکره ها زیاده قلندی ها ایسه سریانیده تفخیم و تعظیم افاده ایدر * ایمن * کسرله
قیغوسمز (معنای بیت) بودر که قدرت کامله و حکمت شامله سیله ابراهیم
خلیل علیه السلامی آتش نمروده لبسله و آتشک صفت احراق ازاله ایدوب
(کونی بردا و سلاما) موجبجه آتشی اکا برد و سلام و کلاستان ایلرنتکم
قصه سی تفاسیرده میندر و خوف و خشیتی روحه قیغوسمز دوزر نتمکم
آتش سبب خوف ایکن ایچنه طرح والقا اولند قدده کلاستان اولیچق
روح بی خوف و بیم اولدی و الم طبیعی زوال بولدی زیرا اهل تمکینه
بومقوله مواده الم روحانی بوقدر والا اهل تلوین ایله برابر اولمق لازم
کلور و احراق ایتمک کرچه ناره بحسب الظاهر طبیعی در ولکن فی الحقیقه
تأثیر حقّه منوطدر والا ابراهیمی دخی احراق ایدردی نتمکم دیرلر
(مابالذات لا یزول بالعارض) بونده اشارت واردر که ابراهیم مشرب
اولنردخی ناراعدادن بی باکدر زیر اظاهرلری محترق اولسه ده باطنلرینه
اثری بوقدر بلکه باطنلری علی کل حال محفوظدر و رمز واردر که ابراهیم
قلب دخی آتش طبیعت ایچنده بویله در زیرا اوصاف ذمیمه اوصاف
حیدیه مبدل اولد قدده کدورت دل زائل اولوب صفادن اثر قالماز (لحرره)
* زائل اولسه کدورت اوصاف * اولور آینه مثال اوصاف * وتلویح
واردر که خوارق عادات اولان امور حق تعالی به نسبتله دوال قدرت
قاهره و انبیایه اضافتله معجزات و اولیایه کوره کرامات دینلور پس انبیا

و اولیانک معجزات و کراماتی قدرت حقّه مضاف و منسوبدر ولکن انبیا
و اولیاء قدیر اسمنه مظاهر دو شمشلر در انکیچون خوار قدده کل انسانی
تعظیم واردر بوسیدن ظهور خوار قدده عوام ناس انلردن تهیب ایدرلر
(لحرره) * ظهرا و لسه چقن آثار جلال * هیتندن اولور نیجه دل لال *
از سبب سوزش من سودائیم
در خیالاتش چوسو فسطائیم

* سوزش * ده اولان ضمیر الله تعالی به راجعدر * نتمکم خیالاتش ضمیری اکا
قرینه در زرا اسباب و خیالات حقّه مضاف در خالق اولدیغی جهتندن
و خیالاتدن مراد آن خیالاتی که دام اولیاست بیتنده مرور ایتمشدر
و سبب سوز اولمقدن اصل سببی نفی و انکار لازم کلر زرا بونفی و انکار
مذموم مدرنتکم رقیم اول نام رساله سهروردیده کاور (لیس ذوالکمال
من جهل الاسباب انما الکمال لمن نفسی الاسباب فی قهر مسببها) یعنی
بعض اشاعره و حشویه که جمله افعال الله تعالی دن بغیر واسطه صدور ایتمشدر
دیو ادعا ایدرلر غلط و جهل محضدر بلکه کمال اودر که اسباب و وسائطه
عارف اوله ولکن قهر قدرت مسببه نظرله اندن غالب اوله زرا سبب
السلب اقدم اولمغه ملاحظه ایچقددر انکیچون حدیثه کاور (لانسوا
الدهر فان الدهر هو الله) یعنی دهرده واقع اولان امور حقّه مضاف
اولمغه جمله سندن حتی ملاحظه لازمدر و نتمکم دیمشلردر (لا نعتد علی
الریح فی استواء السفینه) یعنی ریح کرچه سبب سیر سفینه در و لکن محرك
اول اولان الله تعالی به منتهیدر پس توحید افعال بودر که افعاله اسبابی
سلب ایتیه سن و اسبابه اعتماد دخی ایلیه سن زرا شرک و حقایق امور
جهلدر بلکه اسبابک تحت قهر المسبب مقهور اولدیغن مکاشفه ایدوب
حق مطالعه دن خالی اولیه سن * سودا * معروفدر که اخلاط اربعدن بریدر
دیمشلردر که سودا احدی الطبیایع اولان یبوشندن تولد ایدر نتمکم
رطوبتدن قان و حرارتدن صفرا و برودتدن بلغم تولد ایدر و سودا عشق
و سوزش معنایسند دخی مستعملدر پس بوسورتده سودای عاشق و شوریده
دیمک اولور * سوفسطا * دیمشلردر که سوفسطاییه اول طائفه در که
محسوس و معقولدن بریسنه قائل اولمازلر و بلکه ابکیسنی دخی انکار ایدرلر
اگر محسوسه قائل اولوب معقولی انکار ایدر سه دهریه و طبیعیه دیرلر و اگر

ایکسی دخی مقر اولوب ولکن حدود و احکامه قائل اولمسه فلا سغه دیرل
واکرایکسته اقرار دن ماعدا حدود و احکامی دخی اقرار ایدوب ولکن
شرعه قائل اولمسه صابیه دیرل واکر محسوس و معقول و حدود و احکام
و شرعک مجوعه قائل اولوب ولکن کتاب محققه رجوع ایتزسه مجوس دیرل
واکر بوجه دن صکره کتاب محققه دخی رجوع ایدوب ولکن نسخه قائل
اولمسه یهود دیرل واکر نبوت محمد صلی الله علیه وسلم انکار ایدر سه
نصاری دیرل واکر بوجه دن صکره نبوت اعتراف ایدر سه مسلون دیرل
الحاصل سوفسطایه حکمت بموهه اهلیدر که حقایق اشیا انکار ایدر لر وطن
ایدرل که جمیع اشیا و حقایق اشیا خیالات باطله و اوها مدر نقوش علی الماء کبی
پس حکمت بموهه و علم من خزفون ظاهری صدق و حقه محلی و باطنی باطل
و کذب اولمغه سوفسطایه ایله تسمیه اولندی زیر اسوفانک معناسی علم و حکمت
وسطانک معناسی من خرف یعنی باطل ایله من بن دیمکدر و بوندن مشتق
قیلوب سفسطه دیرل پس سفسطه بالضروره تحقیقی معلوم اولان نسنه نک
نقی اوزرینه ادله اقامت ایتکدر یعنی و همیاتدن مرکب اولان قیاسدر که
اندن مقصود تغلیط و اسکات خصمدر بوسیدن هر مغلط اولان کسبه
سوفسطائی دیرل (معنای بیت) بودر که کرچه الله تعالی اسباب
ظاهره خلق ایتشدر که هر بری بره منایه دال و بر حقیقه مؤدی و بر مسیه
متهیدر ولکن بنده توحید افعال تجلیسی غالب و هر نسنه مسبب
الاسباب مشاهده و معاینه موجود اولمغه اول اسبابی احراق و ازاله و عدم
اعتبارده سودا بی مقوله سنده نم یعنی سودا بی اولان سودا خصوص سنده
و خصوصاً عاشق اولان عشق وادی سنده اسبابه التفات ایتدی یکی
کبی بندخی بو عالم اسبابک اسبابی نظردن اسقاط ایتشدر زیر بنده
مسببی مطالعه غالبدر کرچه که فی الجمله اسبابک دخی وجودی وارد
مثلاً آتش که سبب احراقدر ولکن گاه اولور که برد و سلام اولور
حضرت ابراهیم علیه السلام اولدیغی کبی پس اول سبب تحت قدرته
مفهور اولیجی سببه التفات معناسی قالماز بلکه التفات اول سبیده
سبیبی خلق ایدن قهاره کر کدر و کذلک حق تعالی ک خلق ایتدی یکی
خیالات و موجوداتده سوفسطایه دیدکاری طائفه کبی یم که اشیا و حقایق
اشیائی اوها و خیالات یلورن زیر اشیا و حقایق اشیا وجود ظلی
مقوله سیدر آینه ده منعکس اولان صورت خیالیه کبی یوخسه وجود حقیقی

مقوله سی دکلدر پس حقیقت اولیان نسنه وجود و یروب التفات
معناسی ندر الحاصل اشیا حالا عدم اصلسی اوزرینه در تکم دیرل
(الآن علی ما کان علیه) واعیان عالم علمدن عالم عینه نقل اولدیغی
یوقدر یعنی وجود حقیقی ایله (سؤال اولمسه که کبار مکشفیندن شیخ
اکبر قدس سره الاظهر حضر تری نک * انما الیكون خیال و هو حق
فی الحقیقه * پیورد قبری نه منایه محمودر زرا بوندن فهم اولور که اشیا نک
جمله سی حقیقت اوله مجاز اولیه (جواب بودر که خیال پیورد قسری وجود
خیالی و ظلی به اشارتدر و اول خیالک حق اولدیغی اسم ظاهرک تجلی سنه
کوره در زیر تحت وجودده داخل اولان امورک جمله سی حق و صد قدر
یوخسه باطل و کذب دکلدر زیر باطل اودر که انکله تجلی واقع اولیه
(سؤال اولمسه که بوندن ظاهر اولور که وجودده باطل مقوله سی اولیه
بوایسده واقع مخالفدر) (جواب بودر که وجودده اولان باطل باطل اضافی
دیرل وجود ابلیس کبی پس باطل اضافی فی الحقیقه حق اولیغی منافی دکلدر
الحاصل باطل مطلق اودر که ممتنع الوجود اولوب انکله تجلی واقع اولیه
و باطل اضافی اودر که ممکن الوجود اولوب انکله تجلی واقع اوله پس
جمع موجوداتده اولان وجود مطلق وجود حقدر فاعرف جد افانه
لیس وراء عبادان قریه (لحرره) جمله اکوانه بن خیال دیرن * بوخیالیله
حق جمع ایدرین * طور من بن بوسبب دیارنده * دوست طوغری مسببه
کیدرین * پس بکابو جمله ده مؤثر اولان * و ارایکن معنی صورتی بنده رین *

مکر دیگر آن وزیر از خود بدست
و عطر ابر بگذاشت و در خلوت نشست

* مکر * خفیه سعی بالفساددر * وعظ * شول زجره دیرل که تخویفه مقارن
اوله قاموسده کلور که وعظه ذکره مایلین قلبه من الثواب والعقاب
* خلوت * جلوتک مقابلیدر یقال خلا اذا وقع فی موضع خال لا یزاحم فیه
(معنای بیت) بودر که اول وز برگشدن غیری مکر بغلدی و اولکیدن
ماعدای بر حیلده دوزوب پیدا ایلدی یعنی جاویده نصارایه وعظ و نصی
رک ایلدی و خلوتده ساکت و صامت اوتوردی وز غمچه کندی حالته
مشغول اولدی بوند عقل معاشک حیل کثیره سنه اشارت وارد
زیرا گاه اولور که شبان هیئتده تمثل ایدوب ذنب کوسه فندانه جل

ابتدیی کبی اولدخی جمعیت قوای پریشان و پنجه سن اهلاك و افساده
در پنجه و دند ان ایلر و گاه اولور که مفسد خلوت نشین کبی مکن کاهدن
ناگاه حل ایدر پس عقل معاشه بوجهله اعتماد بوقدر زیر اجمع اطواری
غرض فاسد اوزرینه مبنیدر و از خود لفظندن مأخوذدر که عقل معاشک
وعظ و سکوتی عندیات مقوله سیدر که مفسد مدی مصالح اوزرینه غالبدر
زیرا نفس اماره نك هواد ایدر بوسه بیدن قرآند کلور (والله یشهد
انهم لکاذبون) یعنی موطأه قاب بواند قبحه مجرد شهادت لسانی به
اعتبار اولاندی کبی عقلک صورت حقه ابراز ایدیک امور دخی التفات
بوقدر زیر تزویره محمولدر و بونده رمز وارددر که امر بالمعروف ونهی
عن المنکر غرض فاسد ایچون ترك ایتک ممنوعدر مکر که غرض صحیح
مبنی اوله تنکیم امام زفر رحمه الله اواخر عمرنده اجتهادی ترك ایدوب
ایکی سنه تلاوت قرآنه اشتهل کوستردی و جمع کمال اولیادخی قرب
رحمتده حقه اقبال کلی و وقت انتقالده تحویل تجرد تام واستجلاب
من بد تبلی ایچون ریاضت کزین وعزات نشین اولدیلر بوجهت دندر که
فخر عالم صلی الله علیه وسلم جنابلری وداع عالم فانی قلدر قلمری سنه ده
ایام اعتکافی مد ایدوب یکر می کون قدر اسطوانه سر بر او کنده محتجز
ومنزوی اولدیلر و مرض موت لرنده دخی کندی نفس طاهره و طیبه لرینه
اشتهال حسیله بر قاج دفعه امامتی حضرت صدیق رضی الله عنیه
احاله بیور دیلر فافهم الاشارة (لحرره) بابللا وقت خزندر کفتکو
ایتک یتتر * حالی هنگامنده قیل وقال دلدن نه بتر

در مریدان در فکند از شوق سوز *

بود در خلوت چهل پنجاه روز *

* چهل پنجاه روز * قرق الی کون دیمکدر اصلی چهل و پنجاه در ضرورت
حسیله و یا خود عاده متابعت له و او عاطفه ترك اولمشدرو پنجاه و پنجه
هائ مملووظ الیه الیدرخسین کبی ظاهر اولان بودر که پنجه ده هائک مملووظه
اولدیغی هاء غیر مملووظه الیه اولان پنجه دن احتراز ایچوند زیر هرری
بشقه مسمایه دالدر پس مطلقا پنجه آخرنده اولان هاء فی الحقیقه معنای
نسبت و اختصاصی مفیددر زیر الینک پنجه اختصاص و نسبتی وارددر
بش عشره بی اشتمال حسیله در (معنای بیت) بودر که وزیر مذکور

مریدلک قلبه شوقدن سوز و حرارت بر اقدی یعنی خلوت دخی
و خلقدن انقطاع و اختصاصی سبیلله احباسبی نامنه اولنر آنک شوقدن
پرسوز اولدیلر و فراقندن متأثر و منفعل اولوب جگر لنده حرارت
ودلرنده مزید شد * محبت بوالدیلر و اول وزیر قرق الی کون قدر زمان
خلوت نشین اولدی و در بسته و پرده آویخته کیمسه به کورغمدی (لحرره)
جسدن دیده لر دن ابتدی نهان * جان کبی ایلدی کندن پنهان *
بونده اشارت وارددر که وزیر مزبور علم حقایقندن دخی دم اوروب
سالکری ارشاد ایتک صدندده اولش ایدی زیر احباسبنک مرید
اولد قلمری کندیکنک ارشادنه ناظر در و ارادتندن مراد ارادت حق و طلب
وصولدر و حقیقی فنادر زیر ارادت مریدایله مراد میاننده نسبتدر
و نسب و اضافاتی اسقاط ایتدیکه حقیقت توحید ظهور ایتد بوسه بیدن
دیمش لدر در که (المرید من لا اراده له و الصوفی من لا مذهب له) پس ارادت
و طلب بحسب البدایه و فناء بحسب النهایه در و رمز وارددر که اتم سالفه ده
خلوت قرق کون ایدی تنکیم حضرت موسی علیه السلام میقاتندن
معلومدر و بوامت مر حومه ایچنده دخی فی الجمله معمولدر تنکیم حدیثده
کلور (من اخلص لله اربعین صباحا ظهرت ینابيع الحکمة من قلبه
علی لسانه) اگر چه که اعتکاف ایتک سنت نبویه اولمغله خلوت اربعینده دن
متعارف و مشهوردر و تلویح وارددر که وزیر معهود خلوت اربعینی خسینه
تغیر ایلدی انکیچون نصارا اراسنده صوم الی کوندر زیر خلوت صومی
مستلزمدر و اشارت آخری بودر که عقل معاشه کر چه چندان اقتضا و احتیاج
بوقدر ولکن اعضا و قوی وجودده حس غالب اولمغله اکا احتیاج وارددر
دیو فقدان و عدمن دلزل * مع هذا عقل قدسی و معاداندن خیر اودر *

* خلق دیوانه شدند از شوق او *

* از فراق قال و حال و ذوق او *

* خلق * مخلوق معناسنه در بوراده مراد خصوص اوزرینه نصار ادر ولکن
مریددن صکره خلق ذکر اولاندیغی تعمیم بعد التخصیص قیلندندر * قال و حال *
یری لرینه مقابلدر زیر اقال ظاهره و حال باطنه تعلق ایدر و حال دینلدیکی
تحول و تغیرندن او توریدر طرب و حزن و بسط و قبض کبی * ذوق * حال اهلنک
صفتیدر زیر اصحاب حال انلدر که انوار اعمال صالحه قلبلرنده مؤثر اولوب

عملاری اوزر بنه حالا وجد و ذوق و مالا کشف مشاهده و معاینه و معرفت
ایله مجازات اولمشلردر و اهل ذوق اودر که مقام قلب و روح و بدن مقام نفس
و قویه حکم تجلیات نازل اولوب حسا آئی ادراک و ذوقا وجدان ایله و بلکه
آثاری بوزلنده دخی ظاهر اوله و بو تقریردن الفاظ ثلثه وجه ترتیب
مبین اولدی زیرا قال مرتبه شریعت اولغله مرتبه معرفت و حقیقت
اولان حال اوزر بنه مقدمدر و ذوق دخی حالک اثری و نتیجه سیدر
ولکن ذوقده مراتب مختلفه واردر پس هر حال اهلانک ذوقی مقام اهلینک
ذوقی کبی دکلدر زیرا مقام اهلینک ذوقده اولان کلیت حال اهلنده
بو قدر (معنای بیت) بودر که طائفه نصاری عموما و خصوصا وزیر
مزبورک شوقندن و آنک قال و حال و ذوقی فراق و هجران ننددن دیوانه
کبی اولدیلر یعنی مقدماته آنک علوم رسمیه سندن اهل قال اولئر مستفید
و علوم حقیقیه سندن اهل معرفت اولئر مستفید اولوب هریری
حالیله کوره ذوقلورلردی صکره صحبتک انقطاع و ناصحک اختفاسی
سبیلله قلبلر بنه نشأه ذوق و سوز و کداز حلول ایدوب مجنونه دوندیلر
زیرا شغف حبک مقتضای شورش و اختلالدر نتکیم بوسف و زلیخا
و فرهاد و شرین و قیس و لیلی قصه لرندن روشندر و بونده عقل معاش
و مدعیانک تقلیدلر بنه و جمیع مراتب و اطواردن دم زن اولدقلر بنه
اشارت وارددر (لحیره) رنگ طاوسه کبرسه شکل کلاغ * قوزغون اولور
البت محل سجنه و لاغ * بلنور نغمه لرندن آخر * باغ عالمده صوت بلبل و زاغ *

* لایه وزاری همی کردند و او *

* از ریاضت کشته در خلوت دوتو *

* لایه * بلوار مقی و تضرع * زاری * ایکلدی و ناله و بلوار مقی و فریاد و فغان
و اغلاق ریاضت بالاده مفصلا شرح اولمشلدر * تو * اشباع و اوله قات معناسنه در
دوتو ایکی قات دیمکدر (معنای بیت) بودر که طائفه نصاری وزیر
خلوت نشینک حالت اولی به عودت و خلقی حقه بحسب الزعم ارشاده دعوت
ایتمه سیچون بلواروب فریاد و فغان ایلرلردی اوایسه بونلرک جائینه التفات
ایتمیوب نسخیه خلق و اضلال انام ایچون ریاضتدن خلوتده ایکی قات
اولش ایدی زیرا ثقلیل طعام و شراب و منامله وجوده ذبول وضعف
طاری اولور و تیرکی راست قامت بای کبی انحناء و انحراف صورتی

بلور بونده وزیروزر آنارک تشدید ریاضتیه اشارت وارددر زیرا هر تاض
اولان کسه دکه بر ریاضتدن کان وار مخرف اولماز و پیرسال خورده کبی
قیامدن هیئت رکوع بولماز و بوندن فهم اولنور که وزیر حبله سازک
ریاضت منوره یه انه همک وانکبای تحسین اخلاق و تصفیه باطن
ایچون دکل بلکه غرض فاسده مبنی ایدی زیرا بویهانه ایله قلوب نصاری
زیاده استجلاب ایده و معنی بونلرک زمام اختیارلر اننه الوب استد یکی
یره یدوب کیده انکیچون فریادلر فی اصفا ایلدی و دعوتلر بنه
اجابت دکل بلکه بر مدت انلره آغ و قرادن سوز سولیدی (لحیره)
ایلد کجه او حبله ساز سکوت * اولدی هیئتله نصاری مبهوت * شو قله
اولدیلر آتش واری * قالدیلر آخر آمده یلوار * و بونده رهن وارددر که ارباب
دعوی و رسوم طرفه عامه اهل تقلید میل ایده کلدکاری کبی قوای
نفسانیه و طبیعه دخی عقل معاشه التفات ایده کلشدر در زیرا استمداد لری
آنددر انکیچون فقدانندن متالم و هجرانندن متأذی و منفعل اولورلر
اگرچه که فی الحقیقه عقلک مقتدی و متبوع اولغله لیاقت و صلاحیتی یوق
و عقل ایله عشقک میانده فرق قتی چوقدر نتکیم منه ویده کاور * ای بیره
عقل هدیه نا آله * عقل انجا کترست از خاک راه * و بوندن اخذ اولنور که
ریاضت اهللی خلوت نشین اوله کلشدر اولر جهتدکنکه خلقله مختلط
و ناسله مؤتلف اولان کسنه بحسب الغالب ریاضتک فوائد و منافعندن
محروم و بی بهره در زیر ریاضت حواسک انسدادینه انضمامله زیاده
منج اولور جلوتده ایسه بو معنی مفقوددر (لحیره) کر کنی تور ریاضت و پر هیز *
از بساط مجالست بر خیز * نفع پر هیز آن دمی بایی * که شود بسته در حس تونیز *

* گفته ایشان نیست مارابی تونور *

* بی عصا کش چون بود احوال کور *

بی تو مارا نیست نور دخی نسخه دوشمشدر * عصا کش * کوری حکما
عصا چکوب کوتر مکله کشنده لک عصایه نسبت اولاندی نتکیم کپاده به
دست کش دیرلر زیرا ال ایله من اولیه محتاجدر صکره مطلق دایل و مرشد
وقائده عصا کش دیدیلر و الله تعالی اعلم * کور * کاف عربیله کوزی چیتیش
کسنه به دیرلر کورک نابینادن فرق وارددر زیرا کور چشمه صفت اولماز
مکر مجازا ناینا معناسنده استعمال اولنه بینا ایسه چشمک ایچنده عضو

مخصوصك حالیدر بوجهتدن چشم بینا و چشم نابینا دیرلر (معنای بیت)
بودر که طائفه نصاری ظلمت دلرینه جهلیدن ناشی وزیر ظلمانی دله
دیدلر که سنسز بزه نور و فیر یوقدر زیراعالم اولان شمه و علمی انک ضیاسی
کیدر که خلق ظلمت جهلیده انکله مستضی اولورلر دلیل و مر شد
وقائد سز کورک احوالی نیچه اولور یعنی آخر برورطیه و قوعله یازوال
و یا انکسار بولور الحاصل سن بزم طریق حقه قائده من و مجالسده
شمع و ظلمت سیر و سلو کده روشنائی و ضیا من سن * سنسز اولوق بزه
گاه بتر * آهمن آله هر کون آهتر * بونده ارباب عقل معاشی کوره و عقلانی
عصایه تشبیه واردر نتکیم صائب نظمیده کلور * طریق عقل رابر عشق
رجحان می دهد زاهد * عصایی بهتر از صد شمع کافور رست اعمار *

از سر اکرام و از بهر خدا *

بیش ازین مارا مدار از خود جدا *

* سر * باش و اوج * اکرام * اهانتک ضدیدر و دیمشدر که کرم بعدالسؤال
اولان عطادر پس بومحمد اکرامک حسن موقعی واردر * ازین * چهل
و پنجاه روزه اشارتدر * از خود * از قال و حال و ذوق خود تقدیرنده در
نتکیم بیت سابق قرینه در (معنای بیت) بودر که بزه اکرام و انعام
واحسان اوچندن و رضا حقیچون و یا بطریق القسم سندن دلرزه که
بومندن زیاده بزی کنندن جدا طومعه و فراقکه مبتلا اینه زیرامن بعد
بزیسنتک فراقکه صبرایده مرز و قال و حال و ذوقکدن هجرانه تحملن
یوقدر الحاصل من بعد خلوتدن جلوت اختیار ایدوب بزم مرادمن
اوزرینه اولورسک بوخصوصده بزه اکرام ایتدیکندن ماعدارضاء
حق دخی تحصیل ایش اولور سن زیرا مطلوب بزمی تحصیل قدرتک وار
وسؤالرزه اجابت عهده سندن کلور سن پس برکسه مرتجینک رجاسنی
قطعه له عند الله مقطوع الرجا و مسخوط اولدبغی کبی و صلاه دخی
موصول الرجا و مرضی اولور بوندن فهم اولور که کرچه هر فعل خیرالله
ایچون اشلور و رضاسنی تحصیل ایچون وجوده کلور و لیکن غیرک
مصلحتنی دخی متضمن اولوق تحصیل رضایه مانع دکلدر نتکیم خباز

و طبایح و فصاب و سایر اهل سوق اولار مصالح ناسیده بولمق نیتی اوزره
درکار اولورلر بویاسه عین تحصیل رضادر و بومعناک وجودیه ملاحظه
نفع عاجل اولوق دخی تحریم کسب ایتز و الاجماع اکساب حرام اولوق لازم
کلوردی و سایر تشربک صورتنده وارد اولان امور دخی بوکا قیاس اولانه
نتکیم حضرت مرتضی کرم الله وجهه بیورر (اذا کنت بواد تخاف
فیه السبع فقل اعوذ بدانیال و یا لجب من شر الاسد) اصلی بودر که
بخت نصر دانیال پیغمبر علیه السلامی برچاه ایچنه طرح ایدوب اوزرینه
بعض سباع القا ایلدی تا که آتی من غیر تفرقه بین نفاع و ضرار
صفتی موجبجه افتراس و اهلاک ایلده سباع دخی دانیالی کوردکده
تبصص کنان دانیالک اعضاسنی لحس ایتکه باشلیدی پس کرچه
حقیقنده استعاذه الله تعالی به در که معیند حقیقی در ولیکن تسخیر دانیال
جهتندن ظهور ایتکه سر دانیاله استعاذه ایتک حقه استعاذه حکمنده
اولدی و بعض السنه برنسنه بی سپار شده اول الله و ثانی سکا اصمردم دیرلر
فی الحقیقه شرک لازم کلر زیرا اثبات واسطه قیاسندر پس واسطه ده
مبداء ملاحظه اولانسه عین توحید اولور نتکیم متوکلا علی الله ارسال
ناقه ایدن اعرابی به اسان نبوتدن وارد اولدیکه (اعقلها و توکل علی الله)
یعنی اشتهر بند عقل ایتک ملاحظه حقه مانع دکلدر و بعض ترکی دعا کرده
فلان ایچون و فلان ایچون دیدکدن صکره رضای حقیچون دیو ختم
کلام ایتدکلری رضادن غیرنی سننه مطلوب اولدیفندن دکلدر بلکه دعائک
محلی تعیین در و اخبارده معنای مذکور مؤید آثار چوقدر الحاصل مثلاً
فلان روچپون وقف و تعیین اولنان بر اقبجه جزء دیمک رضای حقیچون تعیین
اولمقنی منافی دکلدر زیرافلان روچپون دیمک رضای حق
ایچون تعیین اولنان سننه نک محلی تبییندر انسان ایسه رضاء حقیچون
اولان عملک ثوابنی آخره هبه ایتک درستدر و مؤمنک دخی مؤمن اولدبغی
جهتندن شانی طلب رضادر اگرچه جهت خلقی مجازا قبله ایدنمشدر
و بومعنادن ذاهل اولان کسه کلام من بوری شرکه حمل ایدوب قائلنی
نخطئه ایله کندی جهلنده ایتشدور و ربما حصل من بعض اولیانه قصد
الیه حقیقه و اشاره فی الظاهر الی الخلق مجازا کذا فی شرح الاسماء الحسنی
للإمام القشیری (لحرره) نه واردر که کوزلی کوراوله * قوی صدقک
خلافی زوراوله * قویه وجه سخنده آسانی * دائماً خلقه ایشی زوراوله *

زیرا عجز انسان
بشرینه ناظر در
حقیقته دکل
انکیچون اقدار
حقله او ر خارقیه
قادر اولور

مطلب

فلانک روچپون
دیمک

و بونده اشارت وارد در که امت مر حومه کوره مدت فراق چهل سال در زرار جال الله مبلغ کاله قرق یلده بالغ اولور که مدت مذ کوره نك بعضی ایام فنا و بعضی دخی اوقات بقایه مصر و قدر کویا مر شد کامل سرا آهی صورت بدر که قوای وجود حکمنده اولان اهل ارادتدن اختفا ایتشدر پس قوای انسانیه سرا آهی ظهورنه مترقب اولد قلمری کبی ارباب ارادت دخی اول سرک صورتی اولان مر شد کمالک طلوعنه مترصد در شو یله که اگر مر شد کامل قرق کوندن زیاده ارباب ارادتدن مختفی اولسه قرق بیل مختفی اولق قدر حجاب عارض اولور حجاب ایسه عین فراقدر * نسأل الله ذوق وصاله و رؤیة جلاله *

ماچو طفلا نیم و مارا دایه تو *

بر سر ما کستران آن سایه تو *

* طفلان * طفلک ج- میدر طفل هر نسنه نك صغیر بدر و یا خود مولود مناسبه در که الی یا شنتك انقضاسنه دك اطلاق اولنور طفل اطلاق ضعف وجودنه کوره در زرا طفل فتحله مطر ضعیفه دیرل * دایه * او غلجقلر امر زن عورت در که مادر اوزرینه حتی غالب در زرا مادره کوره علوق شهوته معلق اولغله فی الحقیقه مولودك والده اوزرینه امتنانی ثابتدر الحاصل حق والده قضاء شهوت ایله مشوب اولغله ناقصدر دایه نك ایسه معنای مذ کوره تعاقب بوقدر زرا اجنبیه در * کستران * صفت مشبهه در کستردن و کستریدن دوشه مک مناسبه در (معنای بیت) بودر که بزایام قریبه ده طوغش ضعیف او غلجقلر کیوز و بزه دایه سنسن که سنك پستان تربیه کدن شیر معرفت مص ایتمکله بزه نشو و نما حاصل اولور بزم باشمز اوزرینه اول سایه همت و جایه بی دوشین سنسن یعنی ایام صیفده زیر سایه ده اولان کسه مستریج اولدیغی کبی اوقات حرارت هجرانده سنك تحت همت و نظر کده اولان اهل ارادت دخی راحت یافته در پس بونده ایکی وجهله تشبیه وارد (اولکیسی کنیدیلرین تربیه به احتیاجده اطفاله ووزری دایه به) وایکنجیسی کنیدیلر اهل ظله ووزری شجره منتهایه همت و نظرنی ظله و بوندن فهم اولنور که دایه سزاوغلان هلاک صورتی ایله هلاک اولدیغی کبی بی مری اولان سالک دخی هلاک معنوی ایله هلاک اولور و کذلک تابستانده ایام تموزده کنشده قلان

کنسه یا ثوب یا قلدیغی کبی سالک دخی بی سایه مر شد نفس اماره و طبیعت و هجران حرارتی انده پرسوز اولور زرا صفات بهیمیه نك غلبه سنده حرارت و عطش غالب وارد و اشارت وارد که اطفال طریقت اولنلر کاله بالغ و مبلغ رجاله واصل اولد قچه حد طفولیتدن بیرون اولمازلر انکیچون جاهل اولنلره نقد در سال خورده اولسلر پیر نابالغ دیرلر زرا بلوغ حقیقی معارف و حقائق آکهمیه ایله حاصل اولور بومعنا نك حصولی ایسه بالکزن سن سال ایله اولماز و دیمشدر که * توانگری بهتر ستنه بمال * و بزرگی بعقلست نه بسال (لحرره) طول عهدیه تفاخر ایله * کیم دکلدر سن افسان معتبر * قیل نظر سر و سهی به بونجه سال * عمر یله قالدی بنه بی بارو بر * وارد را ما باغده تازه نهال * کیم اولو بدر میوه ایله پر عبر *

کفت جانم از مجبان دور نیست *

ایک بیرون آمدن دستور نیست *

* جانم * معلوم اوله که حرف مہم ساکن که آخر کلمه ملحق اولور ضمیر متکلمدر ولیکن بومیمک ماقبلی مفتوح اولور کرک اسمع لاحق اولسون جانم و دلم کبی و کرک فعله لاحق اولسون دانستم و میدام کبی فاما بریم ساکن دخی وارد که اداتدر جی معناسنه نتم دوم و سیوم دیرلر ایکنجی و اوچنجی معناسنه و بومیمک ماقبلی دائما مضموم استعمال اولنور تاکه ضمیر متکلمه ملتبس اولیه * ایک * حرف استدر اکدر لکن معناسنه لیکن دخی بویله در * دستور * فتحله اذن و اجازت معناسنه در ضمه و زبرد بوراده مراد اولکیدر (معنای بیت) بودر که وز بر حبله کار فریادکنان اولان مریدلرینه جواب و یروب دیدیکه بنم جانم و دلم احباب هوادار لرمدن دور و بعید دکلدر یعنی کرچه خلوتده و صورتاسزدن مختفی و جدایم فاما هر کوزدن اوراق اولان کوکلدن دخی اوراق دکلدر زرا بنم سزی قلبمدن اخراج ایتد یکم بوقدر ولیکن طشره کلک لیکه و هنوز خلوتدن چقیق لغله اذن و اجازت حق بوقدر پس فراق صورتی وصال معنوی بی منافی دکلدر بناء علی هذا خاطر یکوزی خوش طوبی کوز که خاطرده سنز و بنم خلوتده اولدیغم دخی امر حقه داردر و سالک لکه لازمدر که امر حقه مطیع و متقاد اوله (سؤال اولنور سه که بومعنا نك امر حقه دار اولدیغم بلیجک مطمئن اولما یوب الحاح خروج حاجت نه در) (جواب بودر که

کرچه امر حقه دار اولی بحسب الزعم در فام امر بدلک بومعانی حقیقه
 جل ایتدکاری صورتده اضطرار بدن و سؤالی اعادریکه بیت لاحقیدن
 مفهومی در شدت شوقه محمولدر نیکم موسی علیه السلام دنیاده امتناع
 رؤیتی بیاورکن غلیان وجد و شدت اشتیاقدن طالب رؤیت اولدی
 انکیچون فی الجمله معذور دوشدی زیرا حب غالب اختیار اولدیغی کی
 اندن نشأت ایدن احوال دخی بویله در نیکم نسوه زلیخاده روشندر که
 حب غالب وزیاده هیمنده قطع ایدی ایتدکارندن بی شعور اولدیله بونده
 اشارت وارد که کرچه قلوب ار باب نهایت حقه مشغولدر ولیکن
 جمع و فرقی جمیع ایتدکاری جهندن خلقله اولمغه دخی مانع دکلد
 زیرا انشراح صدور و افتتاح قلبک حکمی بودر فاما اولکه رابعه عدویه دن
 رحمة الله تعالی الهیمی و یارسول الهیمی زیاده سورسن دیوس سؤال
 ایتدکاردر و اول جواب و یروب هیجات الله تعالی نک سوکوسی قلبده
 کسه نک سوکوسن قومامشدر دیشدر بوسوز یا لکن عالم جمعه کوره در
 و بردخی بودر که وزیردن جواب مذکور نقصانده دال ایدی ولیکن
 احبابی مبتدیلر اولاق حسیله متنبه اولدیله و بونده رمز وارد که انسان
 کامل اولنک بالذات حقدن خبرالمغه اقتداری وارد یا مقام سماعده
 خطابله و یا مقام قلبده نفث و الهام و وعله و یا خود بونلردن غیری و جمعه
 نیکم بر خصوصه ابکی اوج دفعه مباشرت ایله غلط واقع اولور پس انک
 مباشرتنده اذن حق اولدیغی ظهوره کلور و چوق کره اولور که کاتبه
 ایتداده خطا واقع اولوب ترک اولور زیرا خطا صورتده حقه کندی
 اراسنده عدم اذنه عادت جاریه اولمشدر و بونده تلویح وارد که قلوب
 کله دخول ایتک احضار حقه مقبولدر یوخسه یا لکن بزی دعادن انوتیمکن
 دیملکه دکلد ر بلکه بویله دیمک و امثالی تحمیل بار اولدیغی جهتدن آداب
 اهلی ارادنن دکلد (لحرره) ذی سعادت اکاکیم حاضر اوله * قلب مر شده
 کندیسی دیمه دن * لذه معرفت بوله دلمه * کیجه کوندز آنک غن یمدن

* ان امیران در شفاعت آمدند *

* وان مریدان در شفاعت آمدند *

* آن امیران * اون ابکی عدد امیر و سالار قومه اشارتدر * شفاعت *
 شفعندر که ضد وتر در غیر ایچون عفو و یا فضل طلب ایتدکار ولیکن

بوظلیده شافع اولان کیمسه مشفوعله اولانه کندی جفت ایتدکار طلب
 مذکور شفع و شفاعت اطلاق اولندی پس بر کیمسه نک کندی نفسنه
 ایتدیکی دعایه شفاعت دینلر و کذلک امت مر حومه نک رسول الله صلی الله
 علیه وسلم ایچون سؤال و سئله ایتدکاری دخی شفاعت یابندن دکلد
 زیرا یا شفعده ه علو و یا مشفوعله ده عجز شرطدر بونده ایسه ایکیسی
 دخی مفعولدر * شفاعت * فتحله استقباح و شتم زنا و لواطیه فعل
 شنیع دیدکاری زیاده مستقیم اولدقلرنددر (معنای بیت) بودر که اول
 بکار خصوص مزبور ایچون شفاعته کلدیله و مریدلر ک مطلبی
 اولان معناده انلره جفت اولوب وزیره سویدیلر و اول مریدلر بوحاله
 باقوب کندیلرن اوم و شتم و استقباحه کلدیله و مریدلرینک دیدلرندن
 نهان اولدیغی کندی بد بختلکارندن بلدیله نیکم بیت لاحقده کلور
 پس مصرع ثانی مابعدنه مرهون اولور بونده اشارت وارد که حواس
 ظاهره و باطنه و شهوت و هوی مر ادلی حصواتده قوای نفسانیه به
 اعانت ایدرلر و خصوص اوزرینه قوای مدرکه انسانیه عقل خصوصنده
 کندیلرن اوم ایلرلر را انلرک استمساک قوت عقلیه نک ظهور و بقاسیله در
 پس قوت عقلیه نک ادراکنه اختلال کسه سائر قوی دخی مختل و مشوش
 اولور زیرا متبوعک فسادی تابعک فسادنی مستلزمدر و دیشدر که * ع *
 اولور همیشه غیبت شهفته سپاه * پس بوندن فهم اولندیکه وزیر خصوصنده
 عموم و خصوص اهلی مضطرب اولدقلری کی عقل خصوصنده
 دخی عاصه قوای مدرکه جنبشه کلدیله زراهر کس کندی متبوعنک غیبت
 وهلاکن استمز کرک اول متبوع فی نفس الامر کامل و کرک ناقص اولسون
 نیکم بالاده شرح اولمشدر (لحرره) زعم باطلدر در نصاری * ایلین تابع فساد
 قرال * یوخسه عقل معاد اولسه درست * نفس و شیطان ایده مر مکرله آل *

* کین چه بد بختیست مارا ای کریم *

* از دل و دین مانده مابی توینیم *

* بخت * دولت و طالعدر پس بد بخت دولت و طالعی نامساعد دیمک
 او اورا آخرنده یا مصدریه در * کریم * کرم کیفیت نفسانیه مقوله سیدر که
 مقتضاسی غیره ایصال نفعدر مال ایلله اولسون و یا غیره نسنه ایلله
 اولسون پس کریم بلا عوض ایصال نفع ایده نه دیرلر کر عوض ایلله و یا نفعک

غیری وجهله اواسه کریم دینلر مثلاً کندی نفسی قتل ایتک مظنه سی اولان
 کیمسه به سکن هبه ایتک کرم دکادر و عوض دخی عین اولغه مخصوص
 دکادر بلکه مدح و ثواب و تخلص عن المذمه مقوله لربک جله سی
 عوضدن معدود در قال بعض الکبار معنی الکرم نفی الدناءة باستحقاقه
 صفات الجلال وقال الجنید قدس سره الکرم الذی لا یحوجک الی وسیله
 وقال الحارث المحاسبی هو الذی لا یبالی من اعطی و عرب کمال اطافت
 وطیب ثمرندن اوتوری شجره عنیه کرم دیر اصلنده رانک حرکتیه در صکره
 لسانلرنده کثرت دورانی اولغه تخفیف ایدوب کرم دیدیلر و حدیثه
 شجره عنیه کرم اطلاقندن نهی اولمشدر زیرا مؤمن اولان کیمسه
 تسمیه مذکوره به غیر بدن اولی و احق در اول سیدنکه کرم سجایای و اردر
 * یتیم * قبل البلوغ پدرندن منقطع اولان صیدر سائر حیوانانده اناطر فندن
 اعتبار اولنور یعنی حیوان بچه نک اناسی اولماق یتدر کافی القاموس الیم
 بالضم الانفراد و فقدان الاب و فی البهائم فقدان الام (معنای یت) بودر که
 کندیلرینه بویله شتم و حاللرینی استقباح ایتدیلر که بوتد بیر و بخت
 و طالعی نامسا دلکدر بزه ای کریم النفس و جمیل الشیم اولان وزیر
 مرشد که بزسنسزدل و دینده یتیم قالدق یعنی هم کوکلدن چقدق
 بو قدر میل و محبت و حرارت اشتیاقله و هم کمال دیندن جدا دوشدک
 ز براسنک فراقکدر که بری بوسوز و گذاره دوشوردی و یوما فیوما احکام
 دینزی مفصلاً سندن تعلم و استفاده ایدرکن شمعی قبل التکمیل
 و التحصیل نقصان و تعطل غائله سی باشمه انواع غم و تشویش
 و بلا و محنت اوشوردی بوراده طائفه مذکوره نک سنسز بی دل و بی
 دین قالدق دیدکلری سوزلرنده اصابت ایتدیلر زیرا دین اولاری وزیره
 اتباعله زائل و دین نابلری دخی بی حاصل اولغه مذبذب قالدیلر بونده
 ای کریم دیکله استلطاف و استعطاف صورتن ابراز وارد رتا که
 مرحمت و شفقت ایدوب موجب کرم اوزرینه معامله صدور ایده و بونده
 اشارت واردر که بوامت مرحومه دل و دیندن یتیم دکادر زیرا الله
 تعالی صدور حفاظده قرآنی محفوظ و هر عصرده علماء دین و فضلاء
 اهل بقین ایلله دین مبینی مصون ایلمشدر و قرآنده کلور (البوم اکملت لکم
 دینکم و اتممت علیکم نعمتی و رضیت لکم الاسلام دینا) پس اول دین حق که

بوامت ایچون مرضی حق اولمشدر الی یوم القیام آثار جلیله سی دائم
 و معامله منیفه سی قائمدر وینه تنزیله منصوصدر که (ثبت الله الذین
 آمنوا بالقول الثابت فی الحیوة الدنیا و فی الآخرة) پس ثبات واستقامت
 بوامتک کاری و دینده صلابت و متانت بوملتک یاریدر خصوصاً که
 حدیثه کلور (ان استقامت امتی فلها یوم وان لم تستقم فلها نصف یوم)
 بوراده یوم دن مراد یوم آلهی اولان الف سنه در پس مدت امت
 بشیوزسنه نی تجاوز ایتکله استقامتلی ظاهر اولدی تنکم محمدیه اوزرینه
 اولان شرحزده اسرار حدیث شرح و بیان اولمشدر والحمد لله تعالی
 و بونده رحمن واردر که مرشد کامل تربیه حسبیه ارباب ارادته پدر کیدر
 تنکم قرآنده کلور (وازوجهم امهاتهم) یعنی ازواج مطهره نک امهات
 المؤمنین اولدقلری رسول اکرم صلی الله علیه وسلم والد حکمنده اولدیغن
 اشعار ایدر و حدیثه کلور (یا علی انا وانت ابو هذه الامة) وینه حدیثه
 کلور (کل سبب ونسب منقطع یوم القیامة الاسبی ونسبی) بوندن مراد
 حقیقت دین و تقوای حقیقی ایلله انسابدر انکیچون وارد اولمشدر که
 (آلی کل تقی) پس آل رسول فی الحقیقه نسب مذکورله مرتبط اولاندر کک
 سیادت صوریه سی اولسون و کک اولسون بوندن فهم اولند بیکه ابو لهب
 و امثالی نسب حقیقیدن خارجلدر الحاصل هر کیمسه نک والد صوریه سی
 حیوته اولسه معلی مفقود اولدقجه ینه یتیم کیدر ز برانسیب صوری نسب
 معنوی به وسیله و بهانه در پس مقصود بالذات اولان نسب معنویدر
 و دیء شلدر که (العبرة بالوصل لا بالاصل الوصل قرينة والاصل تربة الاصل
 من حیث النطفة والوصل من حیث النصرة (لحرره) هنری اولمیجق دنیاده
 * برکدادرینه سلطان زاده * شجره میودارله برمی * طوته لم سرو اولمش آزاده *
 بونده اظهار تقصیر ایما واردر و لکن اعتراف تقصیر هر بار منج اولماز بلکه
 کاهی عقیم کلور و مراد حصول بولماز (لحرره) یلدزی دوشکون اولورنا
 چارک * سودی اولماز جهنده هر کارک * چونکه تدبیری نقض ایدر تقدیر *
 * ندرر فائده سی افکارک *

توبه بانه میکنی و ما ز درد

می ز نیم از سوز دل دمه ها سرد

* بهانه * معروف در و لکن بزده موجود اولان لغات مختلفه

بولندی * دم سرد * دم نفس و سرد صوقدر که مقابل کرم در که اسی در
نتکم ویسی نظمده کلور * سردی باد هوا جائزه ککار ایتدی *
سکا قالدی ایشیز ای کرم اسی مولی * پس دم سرد صوق نفس و صوق
سوز در گاه اولور که حرارت دادن نشأت ایدر * پس بونده کرمیتک
نتیجه سی سردی اولور الحاصل کرم اولان نسنه نك تأثیری اولور فاما
سرد اولانده تأثیر اولماز نتکم مفتی یحیی افندی نظمده کلور * واعظ
اوله می سرد سوز کدن متأثر * بردلده که سوزان اوله کانون محبت * و دم
زددم در کشیدک مقابلدر زیرا دم در کشید ساکت شد معناسنه در
و دم زد سوزلدی و تکلمه کلدی دیکدر پس دم سرد اور مق صوق نفس
المق وآه ایتک در (معنای بیت) بودر که سن بهمانه و تعال ایدرسن
خلوتدن بیرون اولماق خصوصنده بزایسه درد فراق او جندن
سوز و حرارت دادن سرد نفسلر اورو ریز وآه وناله قیالورز و سسز بی
ارآم اولورز و نفی شعرنده کلور * ضبط آه ایله در عاشقه اول چاره * بن
ایسه آه سز آرام ایده مم آه مد * بونده اشارت واردر که لسان انسان
ترجمان جناند که ظاهرده هر نه تکلم ایدرسنه باطننده اولان معنایه
دال اولور نتکم کاتبک کتابتی قوت وضعف عقلنه علامتدر * بوسیدندر که
جاهلک تکلمی و یا کتابتی کنیدیک سبب فضا احتیدر * بونده اهل تلوین
و ناقص السلوک اوللرک حالنه دخی رمن واردر انکیچون دیشلر در که
مجالس ذکرده نعره زن اولان کسه اگر کندی نفسانیتی ایله عالم فرقه
نعره اوررسه حرامدر * زیرانفسدن تولد ایدن هوا و طبیعتدن تولد ایدن
شهوتدر وهوی و شهوتک هر بری حرامدر و اگر عالم جمعه صادر
اولورسه جمعنده کلیت اولیجق انده سکوت و خاموشیدن غیر
قال از پس دم زن اوله نك معناسی ندر مکر بعض حرارتدن ناشی اوله
نتکم صاحب الحمدیه کندی نفسندن اخبار ایدوب بیورر * ینار
جانی ایدر آهی التمه طو تشور اوراق * بعد ذا اوراقک احتراقی نتکم
محمدیه ده واقع اولمش در سندانک ذوبانندن اعجب و اغرب دکلدر نتکم
حلاجدن صادر اولمشدر * پس عالم اسبابده اولان تسخیرات کونا
کوندر که بری برینه نسبت ایله طبقات مختلفه در (لحرره) شول که
لا هوته ایلدی پرواز * قلدی منزله کهنی عالم راز * ایلین عالم ناسوته نگاه *

قلدی آخر یرنی حفره چاه * اوله میال ماسوای حقه * حقیق وارمی
حقندن اوز که بقه * ایده کور عالم ذاتی تسخیر * اوله افعاله صفاته اسیر *
* ما بکفتار خوشت خو کرده ایم *
* ما ز شیر حکمت تو خوردیم ایم *
* کفتار * بالاده شرح اولمشدر * خو * عادتدر خوی دخی دیرلر بوووی
کی * حکمت * اشیایی کماهی معرفتدر که علم الدنی دخی دیرلر علم ابکیدر
بری علم شریعتدر که رحمت عنایه در و بری دخی علم حقیقتدر که علم الدنیدر
علم شریعت عاییه کوره اولغله عبارات و الفاظنده دخی اطناب و تطویل
واردر زیرا فهمه انسیدر و عوام ناس دخی خواصه کوره کثیردر و علم
حقیقت خاصیه کوره اولغله کلمات و اداسنده ایجاز و اختصار واردر
زیرا ستره اقربدر و خواص دخی عوامه کوره قلیل در فاعرف جدا
* خورده * ماضیدن قسمدر یمش دیکدر بوراده ممکنه ایچمکدن تعبیر اولمشدر
زیرا بری برلر ینک قرینی در و بر دخی شیر اطفاله نسبتله غداء تام
اولغله مطلق مأ کول حکمنده اولور (معنای بیت) بودر که بزسنک خوش
کلام و شیرین ادا که خوی ایشوز پس عادتق تر کسه بزه زیاده صعوبت واردر
زیرا عادت طبیعت ثابته در حکم عادتق تغییر ایسه شیردن کودکی فطم
کیدر بزسنک حکمت و معرفتک سندن ایچمشوز در پس شمدی قبل
البلوغ بوسیدن کسلیک سبب هلاکزددر زیرا مدت رضاع صوری
تقریباً و تحقیقاً تمام اولدقه رضیعی لبندن قطع ایتک منهی اولدیغی
کبی رضاع مغنویه دخی ممنوعدر زیرا اولکسی هلاک صوری
و ایکنجسی هلاک معنوییه مؤیددر (لحرره) صون بزه صبح و مسا
ساغر شیر * تا که قوت بولالم همچون شیر * فیض نم بولسه ابردن اگر
* سرچکر میدی سمایه شمشیر * بونده حکمت و معرفتی سده تشبیه
واردر زیرا سد فطرت اصلیه دالدر حکمت ایسه اول فطرتک
لواز مندندر و کفتار کلام شریعت و حکمت حقیقت مرتبه سنده اشارتدر
زیرا علم شریعت الفاضله تأدیه اولنور علم حقیقت ایسه ذوقیات
و وجدانیات مقوله سیدر که انده عبارات اولماز اولسه دخی اول
علمک لوازمه دال اولور بوخسه نفس حقیقت اولماز پس کلام مطلقاً
محاذدر یعنی کک حقیقت اصطلاحیه اولسون و کک اولماسون

زرا حقیقت صرفه اسائه ملفوظ و قلم ایله مکتوب واذله مسموع
وقبله محفوظ اولماز بلکه سرانسه الله دائر برمعنای مجرد در پس
کتاب و رسائیدن اخذ او انسان علوم فی الحقیقه مجاز در
واو لکه دیشلدر (خذوا العلم من افواه الرجال) بوسوز مرتبه
صحنه راجعدر و علم رچه افواه دن مأخوذ در فاما انسانه حال
اولد فیه حقیقت اولماز فافهم الاشارة من هذه العبارة *

الله الله این جفا باما مکن *

خبر کن امروز را فردا مکن *

* الله الله * اتق الله تقدیرنده در نیکم حدیثه کلور (الله الله فی اصحابی)
یعنی اتقوا الله فی حق اصحابی پس تکریر تأکید مجاور و ایکن بومقوله
برلده اولی ایضاظ و مره ثانیه غفلت او انسان معنای تعریف ایچون
اولق جائز در اذان و اقامته الله اکبر تکرارنک سری دخی بوکا دائر در
فاما مریدک مر شده تقوائله امری ابدن خالی او لماغله مطلق تذکیر
محول اولق انسیدر و جائز در که صغیری کبیر یله نادیک نظیری اوله
(یا ایها النبی اتق الله) کی زیرانی الحقیقه تقوی آرایش اهلی اولان امته
کوره در نبی محترمک شانی ایهه دائما او امر جلیله ایله مأمور اولمقدر
و بوندن دخی روشن بودر که حرف قسم تقدیر یله بالله دیک اوله نیکم
مقطعات قرآنیده ذاهب اولمشلدر و لکن جفا لفظی وجه اولی ترجیح
ایدر * جفا * وجفوت غلظتدر و لکن غلظتک ظلم و تعدی لازمی اولمغله
جفایی ظلم و تعدی ایله تفسیر ایدر و برمعنای دخی نقیض صله د
بوراده جفا ترک وفا و نقیض صلیه محمول اولق تقدیر سابقه انیدر
* خبر * ضد شر در یعنی خیر مر غوب فیه و شر مر غوب عنه اولان نسنه در
یا مطلقا و یا خود هر کسک کندی میل و تنفر نه کوره در * امروز * شرح
اولمشلدر * فردا * یارندر عرب غدا یله تعبیر ایدر بوراده مقصود فردای حقیقی
دکدر بلکه مطلقا ازمنه آتی در و امروز و فردا ایله دنیا و آخرتدن
دخی تعبیر او انور نیکم قرآنده کلور (وانتظر نفس ما قدمت اغد)
یعنی بوم قیامتدن غدا یله تعبیر اولند بکه غد بوم حاضرک ایرته سیدر
زیرا قرب و دنوی وارد و دیشلدر که کل آت قریب و بر وجه دخی
بودر که زمان دنیا بوم حاضر و آخرتک فردای کبیدر زرا هر برینک

احوال و احکام متشابهیه اختصاصی واردر و ثانی اولی تعقیب ایدر
و بردخی بودر که ناس دنیا ده نیام کبیدر حقیقت انتباه ایسه مقدمه
قیامت اولان موتله حاصل اولور پس موت و قیامتک هر بری غافله
نسبتله صباح کبیدر نیکم کیجه خوابنده اولانه کوره غد صباحدر
فاعرف فانه من اللوایح والمواهب (معنای بیت) بودر که الله
ایچون بو جفا صور تنیده اولان ایشی بزه ایله و خیر ایله بو کونی یارنه
الیقومه یعنی سنکه بهمانه و تعلل ایلیوب بو کونی یارنه آلیه نور و کار خیرده
تأخیر کوسرررسن بووضع کرچه فی الحقیقه حکمتی و مصلحتی مشتمل اولمغله
شرونا پسند دکدر فاما بزم کمال حرارت و تمام اشتیاق و معنی باحتیاجزه
کوره امر صعب در پس ارنلر حاضره قلمش دعایی اشارتی اوزره
بزم دخی مطیع نظر بزم وقت حاضر و معلق خاطر بزم بوم عا جلددر
زیرا حاضرده بزه صفا واردر که سنک صحتکله آینه لر بزم مصفی
اولور و تأخیرده بزه جفا واردر که سندن فراقله دللر بزم بی صیتل جفوت
و غلظت ایله قالور پس اولور دیمدیمی خیر ایشی تأخیر ایله موجنبجه
وفی التأخیر آفات در کار اولوب متمازک تحصیلی تعجیل ایتکوز لازم
کلمشدر بوندن اخذ اولور که طریقت اهلی اراستنده فردا داولنماز زیر
فردا دیمک بوم حاضرک حکمتی نسیان و وقت عاجلک جمعیت و شهودندن سهو
و غفلتدر نیکم شرحی مرور ایلدی و مولانا جامی قدس سره نک اطائفنددر که
دیواننده کلور * در داوهر زار بار در دا در دا * کامروز ندارم خبری از فردا *

فردا که شوم فردن بیگانه و خویش * رب ارحم لی ولا تذرنی فردا

می دهد دل مرا کین بی دلان *

بی تو کردند آزار بی حاصلان *

* کردند * کاف عجمی ایله جمع مضارع در مصدری کردیدن در
تحول و صیرورت معناسنه (معنای بیت) بودر که کوکل و بررسکا
بوی دللر که آخر سنسنز بی حاصل لردن اولور و تر یسه سز ناقص
قالور لر یعنی مقدما که کوکلاری اللرنده ایکن سکا صدق ارادته
کوکل و برلشلردی شمدی سنک عشق و شوق کدن بی دل و بی جان
قالدیلر و اگر سن بواختفاده قالورسک و مدوقته بو کونی یارنه صلا رسک
بزی جاصل قالورز و دیشلدر که عمر و عده کو بزم محصول

ایسه گفتار کدن آلد یغمز شرابع واحکام و تربیه ک ایله بولد یغمز
معارف وحقما بقدر بونک کالی ایسه هنوز حصوله کلمهش
وجود پذیر اولمشدر بونده قبلن انباتده ارضه تشبیه وارد ز برارض
انبات نباتات و غلات ایتدیکی کبی قلوب دخی انبات کالات و کرامات
ایلر پس زمین صورینک محصول و مرفوعی اولدیغی کبی زمین
معنویک دخی ثمرات و فوا ندی اولور قال عیسی علیه السلام
الحواریین) این تبت الجبة قالوا فی الارض فقال كذلك الحکمة لانتبت
الافی قلب مثل الارض بشیر الی التواضع الحاصل قلوبده بحسب التریة
انبات صفتی وارد در ولکن انباتی تواضع (وانکساره موقوفدر
نتکم ارضک انباتی کراب و قلبه منوطدر * بونده قلبک عقله تبعیتنه
اشارت وارد * زیرا عقل معاش ساحر مقوله سیدر که فریب ایله
قابی کندی طرفه اماله ایشدر بوعنی ایسه قلبک خرابلغنه سیدر
ز بر عقل ضعیفدر وضعیفه مفوض اولان کار دخی ضعیفدر پس ضعیفه
مستند اولان بناء تیز منهدم اولور بونک نظیری بر خانه دزنه و یا خود خدمتکار
اتباعدر عقل و نفس ایسه خانه درونک خدمتکاری و زنی کیدر بعدا
کر چه یلیدن بحسب الظاهر مرید طرفندن مر شده نوعا عتاب فهم اولور
ولکن فی نفس الامر قبیح اولغله واقع الحالی بیان واستعطافه محمولدر
و مفتی یحی افندی اطائفنددر که شعر نده کلور * زبان جورک اکم صقلیرین
سوزم در ونده * دلم یاز شکایت ایلسم ای نامهر بان سندن *

* جله در خشکی چوماهی می طپند *

* آب را بکشد باز جو بردار بند *

* طپند * طپیدن جمع مضارعدر طپیدن طلبیا قدر حیوان مذبحک
اضطراب و حرکتی کبی (معنای بیت) بودر که جله نصاری و عموم اهل
ارادت خشکی فراق وجهلده بالق کبی مضطرب اولور لر آب وصلت
و معرفتک یولن آج و ایرمقدن بند و سدی قالدرتا که اضطراب مذکور زائل
اوله و ماهی لر آب و وصوله حیات تازه بوله بونده جهلی بر و معرفتی بحر و اهل
ارادت حوته تشبیه وارد یعنی حوتک حیوة صور یسی آب صوریه
منوط اولوب قرایه اخراج اولسه بوغز لنان حیوان مثال مضطرب اولدیغی
کبی اهل ارادتک دخی حیوة معنویسی آب معنوی اولان علم و عرفانه مریوط

اولوب اهل معرفتدن فراقله جهالت ایچنده مضطرب اولور لر و دام اضطراب
ایسه هلاک مؤیدر و قرآنده کلور (اومن کان میتسا فاحییناه) یعنی
کفر و جهل ایله قلب انسان میت کیدر و انک حیوتی ایمان و معرفت ایله در
و کمال ایمان و تمام معرفت تشبیه آب حیات کیدر انکی چون مقام امتتانه
کلور (انا اعطیناک الکوتر) زیرا بو کوتر دن مر ادفی الحقیقه علم کثیردر که
مواهب لدنیه در و بونده اشارت وارد که حالت اضطراب سبب اجابت دعادر
نتکیم تنز یلده کلور (امن یحبب المضطرب اذا دعا) و مر شد مریدک
اضطراب و اضطرابینه واقف اولدقه کر کدر که آنی کوزدن و کولدن
براقیمه بلکه آب تربیه و فیض الدنیدن افاضه ابدوب حیات معنویه سنه
سبب اوله و بونده جودیدیکی عقلک رتبه سنه کوره در و الاعشق در یای
محیطدر که انک کناری یوقدر و جائزدر که بحسب الاستعداد استقلاله محمول
اوله زیرا هر کسک فیضی استعدادی قدردر و افاضه دخی مقدارله در
والادفعه فیض کثیر سبب هلاک وجود و باعث جنون و بادی اختلالدر
طوفان کبی ز بر طوفانده غرق اولدق نسنه قالدی پس جو یک سندن
و بندینی از ایله دخی چاره وارد در فاما طوفان و بحر محیطک غلبه سنی دفعه
امکان یوقدر بوسیدندر که اهل جنونه معالجه کو چدر زیرا بالکلیه
حد عقندن چیقمشدر و بنیان ادراکی تمامایتمشدر پس طوفانی دفعه نوح
مشرط اولدق لازم در و یا بحر محیطدن عبور ایتکه اسکندر سیرت
اولدق کر کدر زیرا بعض روایاتده اسکندر قانیه واروب سیر غ ایله مکاله
ایشدر بویاسه بحر محیطدن عبور ایله حاصل اولور و بونده خشک ایله
تفرقه و آب ایله جمعه دخی اشارت وارد در حضور ایسه جمعیتده در * اللهم
یسر هذان المقام بعون الله تعالی

* ای که چون تو در زمانه نیست کس *

* الله الله خلق را فریاد رس *

* فریاد رس * بو تر کیده ایکی وجه وارد در اولکیسی بودر که رس لفظی امر در
رسیدن بو صورتده تقدیر کلام فریاد خلق را رس اولور ایکنجیسی
فریاد رس مجموعی وصف تر کیدر معنیست معنای اصلنده رسنده فریاد
خلقدر بو صورتده الله الله تعجبه محمول اولور فاعرف فانه لطیف و صورت
اولی ده جائزدر که فریاد رس شو تقدیر اولسه (معنای بیت) بودر که

ای وزیر روشن شیروای پیرپسندیده تدبیر که سنک کی زمانه ده
کسه بوقدر یعنی ملکات فاضله و کمالات حاصله ایل اهل زمانه
اوزرینه مرجع (وهو فضلکم علی العالمین) موجب جبهه ناس اوزرینه
مفضل سن پس مقام عظمت و هیبت و شهودنده قائم و حاضر اولدیغ
الله ایچون عموم و خصوص نصار انک فریاد و فغان و استغاثه لرینه
ایرش و مصالح ضروریه و امور خارجی و داخلیه لرنده انلره فریادرس
و معیث اول و یا خود تبارک الله که خلقه سنک کی بو زمانه ده بر فر یاد
رس واردر بونده طائفه نصار انک وزیره زیاده ضرورتلری اولدیغن
بیان بلکه بحسب الزعم و الادعاء قطب الاقطاب اولدیغن عیان
واردر ز بر اهر عصرده فردیت ابله متصف اولان قطب الاقطاب دز که
خلق اکا حوایج و مصالح ضروریه ده التجا و اولدخی اعانت و اغاثه حسبیه
غوث اعظم اطلاق اولنور پس قطبیتدن معزول اولسه یا موت و یا خود
فراغ اختیاری ابله غوث اطلاق اولنماز ز پراهر ولایت اعانت و اغاثه
مقتضای ولایتی دکلدر بلکه فریادرس اولق تسخیر و تصرفه دایر
بر معنادر و لکن هراهل تصرفه دخی غوث دینلر ز پرا تصرفی
ناقصدر پس غوث مطلق قطب الاقطابدر که بالفعل اسماء الالهیه نیک
مجموعه یعنی جامع و عالم علوی و سفلیه تصرف تامی وار در انکیچون
نظرگاه خلاق عالم و مدار کائنات بنی آدم اولمشدر جعلنا الله و ایاکم
من اهل انفاسه و آثاره و افاض علینا و علیکم من سبحال معارفه و اسرار
و عالم انفسه قطب قلب انساندر ز پرا مدار وجود در و علویات
و سفلیاتده متصرفدر علویاتدن مراد روح و سرو خفیدر و سفلیاتدن
مقصود مولدات و جودیه در که نفس و طبیعت دخی آنده داخلدر ز پرا
جیع اعضا و قوی روح و جسمک ازد و اجندن حاصل اولمشدر پس
قلب دخی اگرچه من وجه مولداتندر و لکن مظهر جامع
و ولد کالددر بوسیدن تصرف وجود انک الله در قیچن حقله متصرف
اولسه اقلیم وجودده آثار عدل ظهور ایدر و قیچن نفسله متصرف اولسه
آثار ظلم وجوده کلور پس انک صلاحی سبب صلاح کل و فساد دی
دخی باعث فساد کلددر صلاحی صورتنده سلطان المسلمین و فساد دی
حالنده قرال بدو شیطان لعیندر و من الله العون والنصرة (لحرره)

اولسه هرده ده حق فریادرس * کریه دن دیده اولور دی چون
ارس * ایرمین مقصود منزلگاهنه * کاراید فریادی مانند جرس *
گفت هان ای سخر کان گفت و کو *
وعظ و گفتار زبان و کوش جو *
* هان * اسان فارسیده کلمه تسکیندر طور دیه چک یرده عجم هان
دیرو مقام تحذ یرده دخی مستعملدر صاقن معناسنه سخر کان سخره نیک
جیدر مسخره دیمکدر که خلق اکا خنده ایدر لر مضحک منه معناسنه
ز بر افعله وزنی ساکن العین اولسه بمعنی المفعول اولور ضحکه مضحک منه
معناسنه اولدیغی کی کاف سخره آخونده اولان ها دن بدل والف و نون
ادات جیدر * جو * اصلنده جوینده در طلب ایدیجی معناسنه بوراده وصف
ترکیبی اولدیغی جهتدن ماقبلی قرینه سیله جویند کان دیمکدر
(معنای بیت) بودر که وزیر تکرار جواب و یروب دید یکه طورک
و یا خود صاقنک و آگاه اولوک ای گفت و کو مسخره لری و سوز و ساو
ر سوایلری یا لکن زبان و کوش و وعظ و گفتاری طلب ایدیجیلر یعنی سزک
همکنر باطنه دکلدر بلکه مجرد کوش حسله کلام ظاهری استماعه در
بوایسه اهل تقلید حالیدر اگر سرزده علو همت و قوت عزیمت اولایدی
بنم کی خلوت نشین اولور دو کز و بو وجهله بنم بو اد یغم ذوق
باطنی بو اور دیکز و زبان باطنکنر آچلوب حقله مناجات ایدر دیکز
و کوش در ونله خطاب غیبی اشیدر دیکز پس بومعنائک عدم حصولی
سزک مجرد اهل قال اولدیغکزه علامتدر بوندن فهم اولنور که
بو کلامده نصاری بی عز یمتلرنده تقصیره نسبت ایله تمهید و الهاب
واردر و لکن حیلله کارمز بورک مرادی نصارایی باکل الوجوه
تسخیر و ظاهر و باطنلرین تبدیل و تغیردر بو تقریردن اخذ اولدیکه
زبان و کوشدن مراد ظاهره متعلق اولان مشاعر در نتمکم
وعظ و گفتار دخی اول مرتبه به تعلق ایدن کلمات لفظیه و رمیه در و بونده
تنبیه واردر که گفت و کوازیانی مسخره عالم وقیل قال اصحابی ضحکه
اولیاء بنی آدمدر و دیوان حافظده کلور * از قال وقیل مدرسه حالی دلم
گرفت * یک چند نیز خدمت معشوق و می کنم * و اشعاره و لانا جامی ده دخی
کلور * یکپاره دل برداشتم از قیل و قال مدرسه * زین پس بکنج یکده ماییم

و گفت و کوی تو * بونلر دیمک استرلر که بو آنه کلنجه قیل و قالی مدرسه ده
اسراف عمر نازنین ایدوب عقل قاصره معلومات دیو بر آلاهی موهومات
و مخیلاته تابع اولدق و معشوق مجعوله پرستش قلدق شمدن صکره
عشق خدمت ایده لم و سوز و ساقی و سن بسته قیلوب حرکت
باطنه و قوت جاذبه ایلله معشوق حقیقی جاننده کیده لم زیر عقل قاصره
اول یولده تمشی یوقدر و خرد چوپین پاره ایلله اول یوله سلوک ایدلردن
بادیه ضلالده قالمش قتی چوقدر پس بونده عشق حقیقی در کار اولق
کر کدر تا که مطلوب حقیقی حصوله کله و معشوق ازلی متجلی اوله
ودل دخی آرزو یرن بوله و قصائد اکبریه ده کلور قدس الله سره العزیز
* جنشامل مجنون بلیلی * شغفنا حب جیران بسلی * فویلا ثم ویلا
ثم ویلا * فهذا من جنون العشق قسم *

* کوش حس * کوشک حسه اضافتی عامک خاصه اضافتی

* کوش حس * کوشک حسه اضافتی عامک خاصه اضافتی

بایندندر بلد بغداد کبی زیر کوش لفظی کوش حسه و کوش عقله
شاملدر * حس * کسره حرکت و صوت معنای بنه کلور احساس ایتک
برسنه نک حسنی بولق و حرکت ادراک ایلکدر عقلیاتک غیره تعلق
ایدن قوای مدر که سنه حواس دیرلر که ادراک ظاهره آلاتدر پس حس
عقلک مقابلیدر (معنای بیت) بودر که حس دون ودنی قولاغنه
پنبه طوادرک و ظاهر قولاغیری سدا ایدک تا که مسبوعات ظاهری
ادرا کدن معطل اوله و بنه حس دون ودنی بندنی کنندی دیده کزدن
طشره ایدیکز و ظاهر کوزیکزی بغلکوز تا که محسوسات ظاهره به
تعلقیدن نجات بوله الحاصل حس ظاهری اولان قولاق و کوز
و امثالی حواس مدرکات ظاهره دن مسدود اولغنه محتاجدر تا که حس
عقلی و باطنی مرتبه سنده ادراک حاصل اوله زیر امشا عربا طنه
ظاهره ایلله محتجب اولمش و بواجتهاب سببیلله ادراکده ضعف
بولسدر * و دیشلردر که ظاهرک انتقاصی باطنک کمانه دال و ظاهرک
کالی باطنک نقصاننه علامتدر * (سؤال اولنور سه که انبیاء و کمل
اولیا علیهم السلامده حواس ظاهره باطنه کبی کمال اوزرینه در

انکیچون مسافه بعیده دن استماع ایدرلر و ابصار ناسه خفی اولان نسته یی
رؤیت جلیله ایلله کورلر رسول الله صلی الله علیه وسلم اونیکی عدد
ثریابی کور دکاری و آواز افلاک و تساییح اشیایی دروئدن اشد کاری
کبی (جواب بودر که بومعنائک حصولی بعد البلوغدر پس قبل البلوغ
بلوغ ایچون معالجه لازمدر فافهم جدا بونده پنبه ده تنبیهه اشارت واردر
نتکم رسم خطدخی فی الجملة مساعددر یعنی تنبیه آلهی انسانک قولاغنه
کیرمدیکه سمع باطن اچلمز نتکم قرآنده کلور (ذلک لمن کان له قلب اوالقی
السمع وهو شهید) و بند چشمدر ن مراد غشاوه در که عمی عن الله در
بونی بنده تشبیه ایلدی زیر بصیرک کرزنده چشم بند اولق مانع رؤیت
اولدیغی کبی عمی عن الله دخی مانع رؤیت حقد روعی عن الله غفلت
و حجابدن عبارت در حجب ایسه متراکه در که یتش بیکدر بعضیسی حجاب
ظلمانی و بعضیسی دخی حجاب نورانیدر حجاب ظلمانی به ناردیرلر شدتدن
اوتوری حجاب نورانی به نور دیرلر خفتندن اوتوری جعلنا الله
وایاکم من اهل الکشف لامن اهل الحجاب و رزقنا الله وایاکم رؤیه
جمله بلانقاب (لحرره) کرچه بیارلسن صورتا اما * خواب غفلت ایچنده
قالدک سن * آچه کور دیده کی جمال حقه * باقمیدن غیره نه بولدک سن
* پنبه آن کوش سر کوش سرست *

* تانکر دداین کرآن باطن کرست *

* سر * اولکسی کسره در سر انسان معنایه و ایکنجیسی فتحله در باش
معنایه بعد ذابیت سابقده ظاهر دن حس ایلله و بویتنده سر ایلله
تعبیر ایلدی پس سر کسره باطن و درون معنایه ما خود اولور
نتکم مصراع ثانی اکاقرینه درو بونده قلب و روح و سر قولاغی
داخلدر زیر جمله سی امور باطنه دندر و هر موطنه کوره برنوع سماع
معنوی واردر * کر * کاف عربی ایلله صاغر در که عرب اصم دیر (معنای
بیت) بودر که اول کوش سرو باطنک پنبه و مانعی باش و طاهر
قولاغیدر یعنی ظاهر باطنه مانع قویدر پس مادامکه بویاش و طاهر
قولاغی صاغر اولیه اول سرو باطن قولاغی صاغر در بونده طاهر
قولاغی بر عذر حسیله قولاغنه وضع اولنوب استماعدن مانع اولان
پنبه به تشبیه واردر پس پنبه معهود مانع استماع اولدیغی کبی کوش

ظا هر ك كلام اغياره تعاقب دخی كوش باطنك كلام باری
اصغاسنه حائل ر بوسیدندرك مسدود السمع و محجوب اولمقله اولمقله
خطاب ارجعی بی استماعدن محروم اولمشاور رؤیت شواهد و آثاره کا
بنی بول بولمشاور در پس بوحجایی رفع و سدی هدم ایچون ارباب
ریاضت خلوات اختیار ایدوب مساکن مظلمه ده بالکلیه حواس
و مشاعری سدایدر لر تا که کوش باطن خطاب عینی به صالح
و بصیرت رؤیت جمال حقه لایق اوله بوندن ظاهره اولور که تعین ظاهر
مرتبه سی حجاب غلیظدر و روحك جسمه تعینی حقیقت ادر اکنه مانع
اولدیخی کی قوای باطنه ك دخی قوای ظاهره ایله تعینی حقیقت
شهودنه حائل در پس تلطف وجودایت کجه معنای مذکور حصوله
کلمزیرا کشفات وجود ادراك باطنه مانعدر و تلطفده سرادرك
بودر که ظاهر باطن صورتنه و جسد روح دئینه داخل اولوب وقاب
و قلب متحد کی اولور لر رؤیت جنانبه دخی بوسره دأردر پس
جسته قابله ویریلن لطافت دنیاده قابله و برلشدر شوقدر واردر که
اسباب ریاضیه ایله دنیاده قالب دخی فی الجمله تلطف ایدر والا حقدن
بحسب الباطن اخذ ایتك مشكل اولوردی پس الهام واخذ عن الله
قوت وضعفده قلب وقابك تاطنی قدردر انکیچون انبیاده اولان
لطافت وجود اولیاده یوقدر بوسیدندرك انبیانك بعدالموت اجسادی
کمال لطافتدن حیاده کی کی ترو تازده دراویا ك ایسه نوعا متغیردر
اگرچه که بلی وانفساخ یوقدر و بوندن ظاهر اولور که عالم قلب
غیب وعالم قالب شهادتدر تنکم عالم آخرت ایله عالم دنیا دخی بویله در
پس رو حك موته بدنن مفارقتدن صکره غیب شهادت
وشهادت غیب اولدیخی كبی مناسله ویا انسللا خله دخی
بویله در الحاصل غیب وشهادت بریرده مجتمع اولمیچق قالب
وقاب و باطن و ظاهر ادراك یوزندن نهوجهله مجتمع اولور وشو لکه
مجموعدر دفعی دکلدر یعنی كگاه غیب وگاه شهادتی ادراك ایتك
جمعیتدندركلکن حالت واحده ده دفعه دکلدر بناء علی هذابرنك
ادراکی برینك تعلقه موقوفدر مرویدر که انبیاء علیهم السلامه
وحی وارد اولدقده حالت معهوده لزدن تغیر شدیدایله متغیر اولور لدی

ولکن وضوئك عدم انتفاضی خصایص نبویه دن اولمقله اوزره
مستوردر و یوم مقامك بعض متعلقاتی بالاده بیان اولمشدر (لحظه)
عقل اول کشفه ایرش عشقه وار * اولسون چشمکه سواد یوار *
ك رچه وار اوراده امکان اما * پرده بی پرده اولدی وجهه جوار *

* بی حس و بی کوش و بی فکرت شوید *

* تا خطاب ارجعی را بشنوید *

* بی حس * تشدید سزدره زنیچون * فکرت * تاء طویل ایله فکر معنائنه در
زیر اعجم بومقوله تاء طویل یازر زیادت و امثلی کی قال فی القاموس
الفکر بلكسر ویفتح اعمال النظر فی الشیء کالفکره انهی بعد ذاحس
و کوش فکرت مقابله سئنددر زیر احس مطابق که خصوص
اوزرینه کوش آنک جزء یاتندندرك مشاعر ظاهره دندر فکرت
ایسه قوای باطنه دن اولان عقلك صفتیدر پس کوش حس
اوزرینه عطف خاصی عام اوزرینه و فکرتی عطف احده مقابلی
آخر اوزرینه عطف قبیلنددر * ارجعی * نفس مطمئنه به خطابدر
و نفس مطمئنه ك حقه رجوعی مآزل و مقاماتی قطع ایدکدن
صکره فتاء تامله در پس مراتب نفوسدن نفس مطمئنه دن غیره رجوع
یوقدر انکیچون نفس اماره و نفس لوازه و نفس ملهمه اهلی نفسله باقیدر
و نفسله باقی اولمقله مستقری فلاك قرك تحیدر اصلی بودر که
قر قلبه و ماتحتی نفس و طبیعت اشارددر پس نفس و طبیعت اهلی
اولان حیسات حالنده صورتافلاك قرك تحتیده و معنی مرتبه قلبك
مادوننده اولدیخی کی بعد الممات دخی فلاك قره و مافوقنه تجاوز
ایده میوب اسفل سافلینده قالور زیر اسافلک مراتب علویه ده
بریوق و ارواح عالییه ایله جهت جامعه دخی مفقوددر یوم مقام
محل خطردر نفوذ بالله من حجیم النفس ودر کاتها و نسأله الفضل
من نعیم الجنة ودرجاتها (معنای یدت) بودر که ظاهرده بی حس
و بی کوش و باطنده بی فکر و بی عقل معاش اولور که یعنی بو پرده لری
خرق ایدیکور تا که ارجعی الی ربك دیو خطاب غیبی اشیده سز
زیر ابو خطاب جلیله محل اولمقله ظاهرا و باطنا فسادن صکره در
تنکم ظل زوال وقتنده ذوالظله رجوع ایدوب وجودی بالکلیه

یعنی حجاب امکانکه
رداء کبریا دیرلر
یعنی پرده وجهه
وجهه حائل اولمقله
خارجدن ناظر
اولاته کوره در
نفس پرده کوره
دکلدر پس نفس
پرده بی پرده در
فاعرف سئله

مضمحل اولوب انجق ذوالظلك وجودی قالور * پس بومعنائی یلایوب
حقیقی ایله متحقق اولان موحد شر کدن خلاص اولور بوندن
ظاهر اولور که افسان عالم جسدن منسلخ اولدجه عالم مثاله داخل
اولاز که عالم زویادرانسلخ ایسه فنا بولغه و بی شعور اولغه موقوفدر
نتکم بیت لاحقه کلور پس عالم مثله دخواوده فناوانسلخ شر ط
اولجق عالم حقیقه دخواوده دخی شر طدر بلکه بوفنایه فناوانسلخ
اتم کر کدر زیر عالم مثال فی الجملة کما فتدن خالی دکلدر انکیچون
ارواح کشفه دخی حالت منامده اکادخول ایدر فاما عالم حقیقه ارواح
لطیفه دن غیری دخول ایده من زبراجیع ماسوایی علماوعینا نظردن
اسقاطه محتاجدر بونک ظاهرده مثالی ساطانک خواصنه خطابیدر زیر
خواصدن محتجب دکلدر فاما عوام ناسه کوره فی الحقیقه خطاب
ونه خود اظهار وجودوار در زیر انک شانی اغیاردن احتجاب
کلیدر مکر بطریق الغضب وراء پرده دن بعض اشقیایه خطاب ایلیه
نتکم سر مجبوران ابلیس علیه مایستحق (رب انظرنی) دیو خطاب
ایتدکه (انک من المنظرین) ایله مجاب اواندی بوسیدندر که
اشقیایوم میثاقده خطاب حتی وراء پرده دن اشتدیلر انکیچون مفید
اولدی وبوندن فهم اولنور که ارواح ونفوسک رجوعی حقه در زیر
برسنه که تحت تجلیده داخل اوله عدم صرف اولماز ولکن بومقام ده
اشکال وانغلاق واردر زیر ایدر که حالت موده روح حیوانی منطقی
اولور پس حیوانات محشور اولماق لازم کلور زیر انلرده روح حیوانیدن
غیری بوقدر محشور اولماق ایسه نصه مخالفدر نتکیم قرآنده کلور
(واذا الوحوش حشرت) وردخی دیملردر که ارواح کمل قبل الاجساد
موجودایدی سائر ناسک ارواحی ایسه تسویه بندن وحصول مزاجدن
صکره مخلوقدر زیر ارواح جزیه در ارواح کمل ایسه ارواح کلیه در
وبوندن لازم کلور که ارواح جزیه بوم میثاقده حاضر اولیه بوایسسه
مذهب جمهوره مخالفدر حتی ارباب حقیقت طبقات ارواحی درت عد
ایدوب صف ثالث ورابعده ارواح مؤمنین وارواح کفارایدی دیملردر
بونلرک ارواحی ایسه ناقص اولدقلری جهتدن جزئیات مقوله سیدر
وبو ایکی سؤالک جوابی نامل وتعل ایله اولماز مکر الله تعالی فضل

ور حقیله فتح و کشف ایلیه (لحرره) نارقدرتله مس ایدوب یارب * ایله قنبدیل
سینه می تنور * چون رفیع الدرجات اولدک سن * بکاده رفعت معارف و بر

تا بکفت و کوی بیداری دری

توز کفت خوابی بویی کی بری

* دری * یا خطاب و در لفظی بکفت ده اولان باءظرفیه بی تأکید ایچوندر
وباعرب لساننده ظرفیت ایچون کلدیکی کبی عجم لساننده دخی کلور * خواب *
ایقوودوش منالینه کلور بوراده مراد او یقودر بیداری قرینه سیه
ز برایداری او یانقلق در یقظه کبی پس خواب او یقودر منام کبی * بویی *
ایکنجی یا تکبر ایچوندر بوی قوقیدر عرب شمه در (معنای بیت) بودر که
مادامکه سن بیداراق ویقظه کفت و کوسنده وسوز وساونده سن منام
کفت و کوصیت و صداسندن چنان قوقی ایلدر سن و شمه طویر سن
یعنی انسان بیدار اولدجه خوابده اولان معامله دن محرومدر پس چن
خوابله حس بشریتدن منسلخ وضوء روح جسدک ظاهرندن منقطع
اوله اول وقتده عالم خوابک کفت و کوسندن مستفید اولور الحاصل
عالم مثاله دخول ایتک انسلخه محتاج اولدبخی کبی عالم حقیقه دخول
دخی فناء تامه موقوفدر نتکم بیت سابقده شرح اواندی پس بوندن
ظاهر اولدیکه ظاهرده بیدارلق دیدکلری غفلت مقوله سیدر که باطنده
اولان خطاب غیبی بی ادرا کدن مانعدر و خطاب غیبی کاه اولور که
واسطه ایله و کاه اولور که بلا واسطه وارد اولور زیر خطاب آلهی
انبیادن اولیا یه میراثدر پس هر معراج منویدن حصه مند اولان ولی
ایچون مقام مناجات حاصلدر که مقام موسی علیه السلامدر کما قال
تعالی (انی اصطفتک علی الناس برسالاتی و بکلامی) و بومعنائک حصولندن
صکره چشم دل بیدار اولوب مقام بصریده تجلیات ظهور ایتکه باشلر
زیرا هر خطابه رؤیت اولماز اگر چه که ایکسیده الذاشیادر من لم یذق
لم یعرف متعالله وایاکم بالسمع والبصر فی کل ما بدا وظهر بوند
اشارت واردر که ضعفاء ناسدن اولنر عالم مثاله دخول ایتک مراد
ایلسلر خوابله انسلخه محتاجلردر زیر انلر ایچون غیری طریق بوقدر
فاما اقویادن اولنر یقظه حالنده فنا ایله انسلخ بولوب عوالم غیبیه ده
سیر ایدرلر و منازل و مقاماتدن مراد ایتدکلری محله طوغری کیدرلر

پس بونلرك انسلالخی منام ایله اولغه منحصر دكلدر زیر بصیرتلی
کشاده در خصوصاً که نماز حالده بشقه شهود جمعی اولق حسیه
(ارحنا یا بلال) وارد اولمشدر یعنی راحت دل بشریتدن انسلالخده
واکواندن فنا بولمده در بصورتده صاحب دل اولان دنیا ده جنه
کیرمش کیدر نیکم محمدیه ده کلور * مکر بن جنت ایچنده کزرون کیم
بوعالمده * و خواب اهلی اولان حسه عودت ایتمکه ایضا ظاهره روحه
محتاج اولدیغی کبی انسلالخ فنا اهلی دخی حالت استغراقدن صحو
بولغه بعض امور ظاهره ملا بسیه موقوفدر نیکم بوحالندن عودت
ایچون (کلینی یا حیرا) کلدی پس انسلالخده اولان کلام حقه راجعدر که
مقام وحدته ناظر در و صحو ده اولان خلقه راجعدر که نام کثره راجعدر
و ایکسی دخی جهات و تفصیلا کلام حقدر انکیچون صاحب شهو د
اونلرك بر نفس حقندن جدا اولدقلری یوقدر بوسیدندر که قرآنده کلور
(اذبحشی السدره مابغشی) یعنی رسول الله صلی الله علیه وسلم مقام
اودنایه عروجلرنده نوجهله شرفیاب نبلی اولدیلسه سدره کثره که
مقام قاب قوسین در اورایه نزوللرنده اولوجهله کشف جالندن بهره ور
اولدیلسه پس انلرك فراشلرنده اولان حاللری ایله فوق العرش اولان
حاللری تفاوت ایتمز انکیچون پیورر (لی مع الله وقت لایس یعنی فیه
ملک مقرب ولانی مرسل) زیر ابو وقت جلیل یافراش و بافوق
العرش اولق حالی ایله مقید دكلدر جعلنا الله وایا کم من اهل
جهه و شهوده و افاض علینا وعلیکم من سجال فیضه وجوده

* سیر بیرونیست قول و فعل ما *

* سیر باطن هست بالای سما *

* سیر * لغته مضی فی الارض معنایه در محازا سیر معنویه دخی استعمال
اولور زیرا ایکسند دخی قطع راه وارد شوقدر وارد که سیر
معنویه قطع راه دیک ازاله حجه محمول در سیر صوریه ایسه قطع
مقاوم و بوادی وطنی مسافه دیکدر * قول * وقیل حروفندن مر کب اولوب
نطقندن ابراز اولنان نسته در مفرد اولسون جمله اولسون ولیکن بحسب
العرف لفظ مر کبه مستعملدر و قول فعل معنایه ده کلور نیکم حدیثده
وارد اولمشدر که (ان الاکثرین هم الاقلون ثوابا الامن قال بالمال هکذا

وهکذا) زیرا شراح بوحدی الامن تصدیق یمینا و شمالا و بین یدیه دیو
تفسیر و تدبیر ایتمشلردر بیت مشنویه قول فکاک مقابلدر فعل بر مؤرک
جهتندن تأثیره دیرلر انسانندن و حیوانندن و جماددن صادر اولانه اطلاق
اولور عمل وضع ایسه اخصد * بالا * بوی و یوقاری دیکدر که مقابل
پست اولان بلند معنایه استعمال اولور الحق و یو کسک دیه جک برده
عجم زیر و بالا دیر پس بوبالادن مراد بر نسته نک جانب اعلاسی اولور مثلاً
برخانه نک فوقانیسی کبی صورة اولاده ایسه مطلق جانب اوجدر سما
ارضک مقابلدر یعنی فکاک دیدکلی جسم شفافدر که عالمی احاطه
ایلمشدر قشر بیضه ابی احاطه ایلمدی کبی ارض ایسه کری الشکل
جسم غلیظدر که مرکز عالمده واقف و کیفیت جهات شتی تدبیر ایدیکیدر
پس شرق مطلع شمسده و غرب مغیب شمسده و شمال مدار جدی ده
و جنوب مدار سهیلده و فوق جانب محیط و تحت جانب مر کزدر و مرکز
ارض ارض وسط عمقده اولان نقطه در که اول نقطه دن سطح
ارضک ظاهر بنه کلنجبه محیطک یکرمی ایکی حصه سندن اوج بحق
حصه در سما تسمیه اولنق سمو و علونندن اوتوریدر نیکم ارض دینک
خلقک لحنی قطع واکل ایتدیکندن اوتوریدر انکیچون اجاج قوردینه
ارضه دیرلر تحریک ایله (معنای بیت) بودر که بزم قول و فعل
خارج وظاهره متعاق اولان سیردر زیر قول لسانه و فعل جوارح
وارکانه تعاق ایدر بونلرایسه امور ظاهره دندر پس بزم سوزلر بزدن
سیر ظاهر و سیر اکوان و ملک اکلتور اکوانده ایسه عالم ترکیب نهایی اولان
زروه عرش داخل اولدیغی کبی انک مافوق اعتبار اولنان عالم ارواح
دخی داخلدر زیر عالم خلقندر نیکم قرآنده کلور (الاله الخالق والامر)
سیر باطن ایسه افلاکک یوقاروسند بلکه یوقاروسنک دخی
یوقاروسنده در زیر افلاکک یوقاروسی عالم ارواحدر عالم ارواح ایسه عالم
آلهدن دكلدر نیکم اشارت اولندی لازم اولان ایسه عالم آلهک
سیریدر که اراده قول و فعل و سائر اوازم وجود اولز بلکه دیده
سرله تماشا اولور الحاصل عالم اجسام ملک شهادی و عالم ارواح
ملکوت غیبی اضافی و انک مافوق جبروت و لاهوت غیبی اطلاقیدر
پس سیر باطنک حقیقی دیده سرله اولاندر که انک متعلق غیب اطلاقیدر

یو خسه دیده روحه حاصل اولان عالم ارواح و حس ظاهره ادراك
اولان عالم اجسام دكلدر زبرا بوعوالی سیرایتمك سلاكك اكثرنه میسر در
عالم لاهوته ایسه دكه سالك سالوك ایده ممش واول جانبه اماله لجام
ایدوب کیده ممشدر بلکه سالكك عوام سیرا کوانده قالمشدر در که سیرعالم
عناصر و سیرعالم طبیعت و سیرعالم روحدر بوندن فهم اولنور که ارض
وسما و بونلرك حقانقنه متعلق اولان سیورك جله سی سیر بیرونیدر
سیردرونی بونلرك ماوراستنده در و بوندن اخذ اولنور که حضرت مولانك
بالای سما عبارتنده عالم ارواح داخلدر زیرا عالم ارواحك سیری سیر
باطنده معتبر اولان سیوردن دكلدر وعالم ارواحه سموندن اوتوری
سما دینلور نیکم فلاك روح دخی دیرل احاطه سندن اوتوری معلوم اولکه
عالم حقیقت دیدکاری اوج وجهله متصوردر بری توحیدله در که موحدی
آفاقد مطالعده دن قطع نظرا در و بری دخی تبحر یدله در که انفسندن
نقطعیله در پس توحید و تبحر ید عالم موالید و عناصر و طبیعات و ارواحه
کوره در تفریدایسه عالم ارواحك فوقه نسبتله در و بوعالمك مافوقی
عالم اعیان ثابته و عالم شئونات ذاتیه در و بوندن نظر دقیق بودر که
بونلرك مطالعه سندن دخی فنا بولمده سرفردانیت ظهور اتمز انکیچون
قرآنده کلور (لایسمه الاالمطهرون) و بومقامك اشارتنده بوندن
زباده عبارت صغیر والاهتك استار و کشف اسرار لازم کلور بوایه
بالاتفاق حرامدر (لحرره) اواسه دلبر لباسندن عریان * سرمستور
اولور معانده عیان * نه میانه نه سرنه پای قالور * ینار آنشلره اولور
بربان * یکدر آفتابی برکسه * ایده غیم رقیقندن سیران * بی نقاب
اولسه چن وجه حبیب * چشم اولور اكا نظرده حیران * بلکه
خلقه سبب فتنه اولور * حال عالم اولور انکه ایمان *

* حس خشکی دیدکز خشکی بزاد *

* عیسی جان پای بردر یا نه ساد *

* خشك * قور یدر بوراده عالم فرق مراد اولنور نیکم در باله مراد عالم
جمعدر عیسایی تخصیص ایتدیکی قوم مذکورك متبوعی اولق حسیله در
والاجان عیسی وموسی وامثالنه تشبیه اولنور و بر دخی عیسایی جانه
اضافنده لطافت واردر زیرا روح الله بومقام ایسه تن و جانك حکمی

اولان فرق وجهه متعلق و ارتباطی بیاندر (معنای بیت) بودر که حس بشری
خشکی کوردی فقط زبرا خشك اولان خاکدن طوغدی یعنی جسد
انسانی خالك یابسدن خلق اولمغله جسدك مشتمل اولدیغی حواس ظاهره
دخی جسدده تابع اولدی وفرع اولان اصلاک حکمی بولدی و چون
جسدك حکمی بیوستی حسیله عالم فرقه ناظر اولقدر حواس انسان
دخی نظر واعتبار لرن آثار عناصر و امور ظاهره به قصر و حصیر ایتدیله
وآك ماوراستنه تجاوز و تعدی ایده مدیله که عالم طبیعت و عالم ارواح
و عالم امر در فاما تبحر و انقطا عده عیسایه مشابه اولان روح انسانی
آب علم و معرفتدن خلق اولمغله ایانغی در یا و عالم جمع اوزرینه قودی
حواس کی سیری ظاهره منحصر اولدی و بیوست طبعله عالم فرقه
بغلنوب قالمدی بلکه اول عالم دن ترقی ایدوب عالم جمیع وشهوده
وصولله مشرف اولدی و فی الحقیقه علوی اولدیغك حکمی بولدی
بونده اشارت واردر که عیسی مشرب اولنور عالم آبی تسخیر ایدوب
بطریق خرق العاده آب اوزرنده یورلر و سجاده برآب سفینه وارآب
اوستنده جاری اولور و عیسی علیه السلام ظاهرده دخی آب اوزرینه
وضع قدم ایتش و آب اكا مسخر اولمشدر زبرا فلاك ثانی به عروجی تحت
القمرد اولان دوج مکفوفی کزدرن صکرده در و حدیثده کلور (اواز داد
عیسی یقینا لمشی فی الهواء) بوند مراد عیسی نك فی نفس الامر مشی
کندی قوت یقینی ابله اولقدر فاما بزم پیغمبریمز صلی الله علیه وسلم
صدق اتباعده سائر اولیاء امتدن اشد اولمغله سائر اولیاء آب وهوانك
هربری اوزرنده بور بکه قدرتلی اولدیغی کی عیسی علیه السلامك
دخی اقتدار ی واردر و لکن کندی اختیار یله ترك ایتشدر پس تارك
هوی اولان هوا اوزرنده یورر انبیانك ترکی ایسه ترك اولیادن اقوی
در زیرا تبحر و انقطا علوی سائرله غالبدر اول جهندن که فطرت
اصلیه اوزرینه نشوونما بولد قنرنده جانب قدسه شدت انجذابلی واردر
و بوندن فهم اولنور که هرامت کرامتی کندی پیغمبرینك حالنه کوره در
پس بزم پیغمبریمزك عموم مقامی اولمغله اكا تابع اولنلردن آب وهوا
اوزرنده مشی ایتك صادر اولدی فاما قوم عیسادن صادر اولدی زیرا
عیسانك مشی بزم پیغمبریمزه صدق تبعیتله در یو خسه کندی موجب

ای او مشی بقوة
یقین نفسه لمشی
فی الهوی لکنه
لایمشی بها فیه بل
اومشی تمشی بصدق
اتباعی لا غیر منه

بقی ایله دکلدر انکیچون امتی معنای مذکوره وارث اولدیله فاعرف جدا
 سیر جسم خشک بر خشکی فتاد
 سیر جان پادر دل دریانهاد
 * جسم * معلوم اولکه بدن جثه و جسد اون اعتبار یله اطلاق اولنور
 انکیچون ثوب مجسد دیرل ملون معناسنه فاما جسم اونی اولیانه دخی
 اطلاق اولنور آب و هوا کی جسم طول و عرض و عمق اولانه دیرل
 جسم شفاف ماورائی کور بنن جسمدر اجسام علویه و اجرام نیره کی
 بوسیدندر که لوح محفوظ یله بو عالم میانده کویا حائل یوقدر انکیچون
 صور خیر و شر مرآت لوحه دائمی منکس اولقدهدر و جسم و جسد
 روح مقابله سنده اطلاق اولنور اگرچه که حقیقی امر واحد در تنکیم کلام
 اکبری ده کلور قدس سره * انان امره روح و جسم (معنای بیت) بودر که
 جسم خشک و یابسک نظر و سیری خشک اوزر بند دوشدی زیرا اصلی
 اولان خاک خشکک مرتبه سندن تجاوزه قادر دکلدر روح سلطانی
 سیری ایسه ایاغنی دریا ایچینه قودی و جسمک رتبه سندن ترقی
 قیلدی زیرا اصلی آب علمدندر پس جسم فرقه محتجب و روح جله
 شهود اهلی اولدی بوندن ظاهر اولور که روح حیوانی جسمه
 تابع حکمندهدر زیرا آنک وجودی مجرد آثار و افعاله مبداء اولق ایچوندن
 غیر کالی یوقدر پس جسمک انکله قوامی مقصود بالذات دکلدر
 بلکه اندن مقصود سائر قوای جسمانیه کی کالات روح سلطانی به آلت
 و وسیله اولقدر الحاصل مقصود اصلی کال روحانیدر کال جسمانی
 دکل اگرچه که بعض کالات جسمانیه دخی مقامنه کوره معتبر در فاعرف جدا
 بوندن اخذ اولنور که علم و جمع دیدکری صفت روحدر انکیچون
 روحک ترقیبی جهلی ازاله و مقام معرفته وصول و عین جمع و شهودله
 حصولدر تنکیم سرک ترقیبی ماسوادن فنا یلهدر و وجود انسانی ده
 نفس و طبیعت دیدکری قوتلر بلا عظیم و انلری تزکیه و اصلاح ایتمک
 عذاب الیم مقوله سیدر فاما غایتی نجات و نهایی علو در جاتدر زیرا
 دیمشدر که بر سالکده صمت و عزالت و جوع و سهر خصلتلی مجتمع
 اولسه آنک بشریتی ملکیت و عبودیتی سیادت و عقلی حسه و غیبی شهادته
 و باطنی ظاهره مبدل اولور و هر وجهله صفاء روحانی بو اور والا حیواناته

برابر و بلکه انلردن ادنی قالور و بونده اشارت وارد که آب خاکه غالبدر
 انکیچون آب خاکک رشاشله ذوبان و تغیر قبول ایدر کذلک جمعیت روحله
 تفرقه بدن دخی بویه در زیر مادامکه روحده جمع و حالات شهود
 حاصل اولیه جسم و اکاتباع اولان قوی منجمد اولوب قالور بوسیدندر که
 بوشهود حاصل اولدجه تعب بدن زائل اولانز تعب و استشفال ایلله وجوده
 کلن عبادت و طاعتک ثمره سی دخی اکاکوره اولور پس سعی ایدوب
 ادنی مرتبه ده اولسون بوشهوده ابرمک کر کدر تا که حقه انجذاب قوت
 بوله و طاعات و عبادات غدا مقوله سندن اوله (لحرره) نیجه بر جسم ثقیلک بارن
 * چکه سن بوجهان فانیده * خفت روحله پرواز ایلله * آشیان تنی عاشق نیده
 چونکه عمر اندر ره خشکی کدشت
 گاه کوه و کاه دریا گاه دشت
 * عمر * میک سکونی و ضمیمه بدنک حیاتله مدت عمارتنه اسمدر طال عمره دیرلر
 بدنک روحله عمارتی طویل اوله دیمکدر بقا ایسه فنائک ضدیدر پس
 بقانک عمر اوزرینه فضل و رحمانی اولدیغندن اوتوری الله تعالی بقانله
 موصوف اولور عمرله موصوف اولانز و بقانک شرف و اختصاص سندن اوتوری
 اطلال بقاه دیمک رسوم جاهلیه دن عدا اولنور * دشت * صحرا و صومسزیر
 پس صحرا معنا سنه کوهک مقابلی اولور بعد ذابو بیت مابعدته مرهون
 و مرتبطدر (معنای بیت) بودر که چونکه عمر و مدت حیات قور بلیق
 یوانده بکدی وقاره سیرنده تمام اولدی و عالم فرقی مطالعه ده غایت بولدی
 یعنی گاه طاع و گاه دریا و گاه صحرا سیر یله کدر ایلدی پس مصراع ثانی
 اولی بیان اولور ولیکن امور ثلاثه سائر جزئیات عناصری جامع و معظمت
 آتاردن اولغله تخصیص بالذکر اولندی (سؤال اولنور سه که کوه و دشت
 خشکدن اولغله وجه بیان ظاهر در فامادریا خشکی نوجهله بیان
 واقع اولور که آنک ضدیدر (جواب بودر که بوراده خشکدن مراد عالم
 فرقدیر که ظاهر و ملک و شهادت و کون دخی دیرلر بویه معنایه ایسه دریا
 عالم مذکور دن در پس دریانک ظاهرینه تعلق ایتمک خشکه تعلقدن
 معدودد زیرا بر سننه صورت علم و جمع و شهود اولقدن عین اولق
 لازم کلز بلکه عین اولق مکاشفک حالنه کوره در الحاصل خاک که کوه
 و دشت اندن عبارت و آبکه دریا اکانشان و علا متدر ایکسی دخی

عناصر دندر عناصر ایسه عالم اکواندندر عالم اکوان ایسه عالم آلهک
مقابله سنده واقع اولمشدر مقصود اصلی ایسه سیر و اجدر سیر ممکن دکل
پس عالم آلهدن اولیان نسته عالم خشکدندر زیر عالم آلهک حکمی فیض
علوم و معارفدر عالم اکوانده ایسه بومنا مفقوددر بوسیدندر که کلور
* دنیانک منصلبرنک عزتن * رومی قودی آلان آسون نوایسر * زبرادنیانک
منصبندن مراد سیر اکواندر کرچه محبوب اولنره کوره بوسیدره
عزت نفس واردر فاما عالم آلهک مکاشفه لری و سیر واجبک اربابی علو
هملرندن سیر مذکورده وقوفی ذات بیاورلر تنکم زهاد یاننده دنیا
ومنا صبی خواردر بوندن فهم اولنور که کرچه سیر اکوان دخی مطالعه
ملکوتدن خالی دکلدر ولکن سیر واجبه کوره ابدن قشر و باطندن
ظاهر کیدر که معتبر دکلدر و اثن سیم اعتباری اضافیدر بونده کوه ایله
جبل نفسه و دریایله بحر قلبه و دشت ایله صحراء صدره اشارت واردر
پس بوضورتده ظاهر قاب دخی عالم صورتدن اوور زبرانک ایکی
وجهی واردر که بری عالم غیب و جمعه و بری دخی عالم شهادت و فرقه
ناظردر انکیچون قاب دنددی زبر ابویکی عالم ارا سنده تقلب ایدر پس
انسان بوظواهره اشتغال ایتدیکه عمر عزیزی اسراف ایدر بوجهتدن
کر کدر که باطن وجود اولان روح و سر خفیه ترقی ایده و ملکوت
و جبروت و لاهوته طوغری سیر ایدوب قدم قدم کیده و جائزدر که امور
نثله دن جبل بدن و دریاء علم ظاهر و دشت امور عقلیه مراد اولنه زبر
امور عقلیه و انظار فکریه نك دشت فی نهاییه کبی غایتی یوقدر انکیچون
انک اربابی حیرته قالمشدر و یوللرن باکلمشدر زبر نظر فکری تسلسلندن
خالی دکلدر یعنی سیر مستطیل قبیلندندر سیر ایسه دوری کر کدر تاکه
انجام نقطه آغازه منتهی اولوب حیرتدن نجات حصوله کله کشفده ایسه
بومعنی موجوددر (لحرره) اولسه قلبه کشف سرازل * ابدی سیرینه
انجام اولماز * دوری اولسه اگر مجلسده * باده نوشان اهل جام اولماز *

* آب حیوان از یکجا خواهی تو یافت *

* موج در یار یکجا خواهی شکافت *

* حیوان * اصلده یانک حرکتیه در زیر معنی متحرک اولان لفظا دخی متحرکدر
بوراده و زنیچون اسکان اولمشدر بوندن فهم اولنور که اسمک مسمايه

دلالتی و انده تأثیری واردر انکیچون فغانی تخلص ایدن ایکی شاعر
صلب اولمشدر و سلطان مصطفی ثانی دخی مفتونی تخلص ایتکله
آخر فتنیه دوشوب سلطنتدن عزل اولمشدر در تنکم بومقام مجی * البشر
لاجل التبشیر نام رساله مزده بعض مرتبه تفصیل اولمشدر و بزم معاصریمن
اولان سلطان احمد ثالث فغانی تخلص ایدر دیواستماع اولنده قدده بر
سحر عالم غیبیه توجه اولنده قدده جلوس سنده تاریخ و کندیته مخلص اولق
اوزره ظهیر کله سی وارد اولدی فاما بومعنی کتندن القا ایدر واسطه
بولنجوب آلان شویله قالدی غایت نیه منجر اولاجفن الله تعالی بیلور * آب
حیوان * آب حیوة دیمکدر ز راحیات باقیه یه سیدر آب حیات ارضک مغرب
ایله جنوب ارا سنده اولان قطعه سنده در که ظلماتدر و ذکر اولنان صودن
حضرت حضر علیه السلام نوش ایدوب عمر جاودانی بولمشدر و حضرت
حضر اول صونک سبب حیات باقیه اولد یغن یلزدی ولکن اسکنندر
اولک مقدمه الجیشی اولغله عسکرایچون صوطلب ایدر کن آب حیاته
راست کلوب اندن نوش ایلدی دونوب عسکره خبر و برد کده الله تعالی
انلرک ابصارن اول صودن اخذ ایدوب هر نقددر که طلب ایلدیلر
محله تصادفه ایدم دیلر و حضرت حضر غیرک مصلحتنه سعی ایتک
حسبیه اول سعادت باقیه ایله مستعد اولدی انکیچون اهل سوق
و غیریلره لازم در که مباشرت ایتدکلی کارده حوایج ناس و مصالح
عباد الله ده بولنق نیت ایتک کر کدر تاکه اجرا خروی ایله مثاب
اولهل و دنیا ده دخی کارلرینک برکت بولال (لحرره) اولسه
نیت برکار قرین * دیمسون صاحبی ثواب اوهرین * پرله تیرجسته
منزل اور * بولور آخر اوچرق اوجه یرین * موج * دریا صوبی
مضطرب اولقه در مید ارض مضطرب اولق کبی تنکم قرآنده کلور
(ان تمیدبهم) وفي المفردات الموج في البحر ما یعلمون غوارب الماء
ای اعالی موجه کما فی القاموس (معنای بیت) بودر که چونکه
عمر یبوستده مرور ایلدی پس آب حیاتی قندن بولق دلرسن و بولسر سن
و موج دریایی قنده یارمق و آیرمق استرسن و یاریسر سن یعنی یبوستده
عمری گذرایدن کسه آب حیواندن محروم و قراده کرن دریاه دخولدن
بی بهره در پس آب حیوانه ایرمه یبوستدن خلاص اولق لازم

احمد الثالث
جلوس تاریخی
۱۱۱۵

و موج دریایی شکافته قیاب اهل بحر اولمغه قرادن ایاق قالدروب
 یاسفینه به راکب و یا سباحه طریقه داخل اولمق کرکد رویوست
 اهلنک هلاکی سریع در رطوبت اهلنک بطی اولد یغی کبی فرق
 و جمع اهلی دخی بویله در زیر فرق اهلی عربنک برکت بولماز
 و بولد یغی صورتده دخی حیات باقیه اهلی دکلدر بوندن فهم
 اولور که ظاهرده دخی دریا یوزنی کورمک قصور و بر جاری
 چشمه دن نوش ایتمک نقصاندر و مر ویدر که حضرت عثمان رضی الله
 عنه جده محروسه نگارنده دریای قلمزه کروب اغتسال ایتشلدرد
 و انلردن ماعددا اصحاب دن نیچه لینه دخی واقع اولمشدر
 پس دریاه کر مک سنت اصحاب اولور اگرچه که ضرورت شرعیه سز که
 سفینه به راکب اولمغه عند البعض کراحت وارد در خصوص صا که
 شمس عقرب برجده دخواده زیاده ممنوعدر قمرک برج مذکوره دخوانده
 سفر ممنوع اولد یغی کبی زیرا ریا حک اشتدادی وقتیدر بونده
 آب حیوان معرفه الله و فیض علمه اشارتدر زیرا قلبک حیات ابدیه سی
 انکله در و دریا عالم حقیقه و قرا عالم فرق وجهله رمز در زیر
 علم ظاهر ایله عالم اولد یغی صورتده به معرفه الله لذتندن بی داد
 اولد یغی به آب حیواندن بی خبردر زیرا علم رسمی حیات باقیه به
 سبب دکلدر خصوص صا که علماء زمانه ناک اکثری غالب الرسم اولد قلرندن
 ماعددا چرکاب فلسفه ایله دخی ملوث اولمشلدرد پس بونلرک عقلی
 عقول قدسیه دن خارجدر زیرا عقل قدسی ایله کشف صحیح
 از اسنده حجاب رفیق وارددر انکیچون قرآنده کلور (یکاد زیتها یضی
 ولولم تمسه نار نور علی نور) یعنی روح انسانی که نور عقل ایله مضی در
 و اول نور آنک سبب صفاسیدر قوتده بدرجه ده در که روح اول نور
 قدسی ایله الله تعالی بی معرفت و ادرا که قریب اولور الیهیت حق نوری
 مس انمزه ده ولکن عظمت و کبریاء حق و سمع حدوث ایله موسومه
 اولان عقول ایله ادراک اولتمقدن ابا ایدر مکر که نور قدیم نور عقله
 تجلی ایلله و بالفعل مس مذکور حصوله کلوب معرفه الله وجود پذیر اوله
 بومحلاک مناسباننددر که سادات علماء و علماء ساداتدن برکسه
 بوقفیره کلوب بیعت کرده و خلوت نشین اولمق صد دنده اولد قده

انسانی استخاره به احاله ایتش ایدم اول کیجه خوابده کورر که
 حالا شیخ الاسلام و مفتی الانام اولان سید علی افندی النده
 بر کتاب طوتر که ایچنده احوال دریا تحریر و املا اولمشدر فاما حین
 تقریرده اسانه لکنت و انحصار و ارتجاج عارض اولوب کما ینبغی
 تحقیق مقام ایده من اولدخی کتورک شو کتابی بزه دخی بر قاج کون
 طور سون بزه مطالع ایده لم دیواندن آور و بوجوهله بیدار اولور
 تعبیر و یا بودر که اول در یادن مراد مرتبه حقیقت و جمع و شهوددر
 و کتابلرده تحریر اولسان مرتبه اول دریانک لوازه میدر زیرا نفس علم
 حقیقت ذوقیات و وجدانیاتدن اولمغه کتب و رسائله صغیر پس
 برکسه نقدر اعلم ناس و اهل رتبه و جاه اولسه علم و فضل و رتبه
 شیخ الاسلامی مجاوز ایده من بناء علی هذا بورتبه و علمک صاحبی
 اول دریای حقیقتدن مجرد و کتب و رسائل تبع ایتمکه مباحثه
 و تقریر قادر اولمچق سائرلک حالی نه اولمق کرکدر قیاس اولانه
 پس آتی تقریر و اندن مباحثه و مذاکره به قادر اولان فی الحقیقه اول دریاه
 داخل اولوب انک حقیقتدن آگاه و خبردار اولاندر زیرا اول وقتده
 علم عین مرتبه سنه ترقی ایدر اهل رسوم ایسه علم مرتبه سنه به قاصردر
 پس قنده قالدیکه عین مرتبه سنه واقف اوله و بوندن اخذ اولور که
 جسد اهلی اولنلر علم روحدن محروملدر زیرا انلر قرا اهلیدر که دریایی
 بلزلر و جسد اهلی اولمق امور طبیعیه به حرص و انهماکله در
 و دیملدر که (الاسراف فی المباحات یوجب الحرمان عن المناجات)
 پس مباحاتده اسرافک حالی بو اولمچق مباحدن شبیه و یا حرامه
 تجاوز ایدمک حالی نه اولمق کرکدر زیرا شبیه و حرام اهنده نفس
 و طبیعت و شیطننت غالبدر نفس و طبیعتده ایسه ادراک حقیقی بو قدر
 شیطان دخی بویله در زیرا شیطانک کرچه علوم و معارفده بدطولاسی
 وارددر انکیچون نیجه اهل حقیقت ایلله محاوره ایتشدر ولکن معتبر دکلدر
 بلکه جهل عظیم حکمندهدر انکیچون آدم علیه السلامه سجده دن
 ابا و امتناع ایلدی اگر انک علم و عرفانی عین حقیقت و مقام ذاتدن
 اولایدی مخالفت امر آلهی ایدوب نفسنه اویمزدی پس نفس و طبیعت
 متابعت ایدنلرک علوم و معارفی دخی بویله در و جاهل اولان کسه

حقیقت کافر در زیر جمل حق در غفلت در غفلت ایسه کفر نهانی واردر
 تنکم کلمات عطار به ده کلور قدس سره * هر انکو غافل از حق یکرمانست
 در اندم کافرست اما نهانست * اگر آن غافل پیوسته بودی * در اسلام
 بروی بسته بودی * و عوام ناس معصیت ایله مؤآخذ اولند قلری کی خواص
 ناس دخی غفلت ایله معاقبه او نورل بوندن اخذ اولنور که حالت منامده
 تصدیق بقاسی سبیل ایمانه اعتبار اولند یغی کی اصل شهودک
 وجودی حسبیل دخی بقظه معنویه به اعتبار اولنور انکی چون
 حدیثه کلور (بنام عینای ولایت عیناقلی) پس کمال بشرک
 مناملری بقظه حکمنده اولغله انلرده اصلا غفلت یوقدر تنکم موتلری
 دخی حیات حکمنده در انکی چون کلمات صائب ده کلور * مشو بمرك زامداد
 اهل دل نومید * که خواب مردم آگاه عین بیداریست * وشول
 کسه نک که بیدار لغی خواب حکمنده در خوابی نه اولق کر کدر
 نعوذ بالله تعالی پس سعی واجتهاد ایدوب عین جمع و حقیقت
 شهوده ایرمک کر کدر تا که علم باللهک حصولیه قلب حیات باقیه و بقظه
 ابدیه بولوب (والذینهم فی صلواتهم دائمون) سری ظاهر او له (لحرره)
 * ایده کور حتی حق شهود * و برمه هرگز وجود خلقه وجود
 * حاصل اولدیه اگر علم لدن * اولدی تحقیق دلاک مظهر جود *

* موج خاکی وهم وفهم وفکر ماست *

* موج آبی محو و سکرست و فسادست *

* موج خاکی * بوراده موج اطلاقی مشاکات ایله در زیر خاکیه موج
 اولماز بلکه آیده اولور پس مقصود خاکیه آب فرقی بیان و فرقه جمع
 حانی عیاندر * وهم * قوای جسمانیه نک سلطانیدر که محسوساته تعلق
 ایدن معانی جزئییه ادرالک ایدر شجاعت زید و سخاوت عمرو کی تنکم
 عقل قوای روحانیه نک امیریدر که معقولاته تعلق ایدن معانی کلیه یی
 ادراک ایدر بوندن اخذ اولنور که حکم وهم محسوساته کاذب دکلدر زیر
 حسه تابعدر پس محسوسات اوزرینه حکمی صحیحدر معقولات اوزرینه
 دکل و کاه اولور که وهم بعض مقدماته عقله مساعدده ایدر تنکم دیر
 المیت جاد والجماد لا ینخاف منه ولکن نتیجه ده مساعدده ایتمز زیر عقل

قیاس مذکورک نتیجه سنده (المیت لا ینخاف منه) دیر وهم ایسه آتی انکار
 ایدوب موتادن خوفیه حکم ایدر وهم مقام سرده نفسک حجابیدر یعنی
 نفسک ذاتی ذات حقه قضا بولوب حجاب وهمی منکشف و زائل اولدقجه
 مقام سرده لاهوت ذات منفتح اولماز پس بوندن فهم اولنور که وهم
 نفسک حجاب رفیقی وحس و خیال غلبطیدر فهم معنایی لفظ مخاطبیدن
 تصوردر و فی المفردات الفهم هیئة للنفس بهای تحقیق معانی ما بحس
 انتهى ولکن فهم علمک فوقه در انکی چون فهم عن الله عز و نادردر
 و علم مبذول و کثیردر بوسیدندر که قرآنه کلور (فقهناها سلیمان و کلا
 آتینا حکما و علما) یعنی الله تعالی حضرت داودله فرزند دابند سلیمانی
 علیهما السلام حکم و علمده مشترک قلند قدس سره سلیمانی فهم ایله سر
 افزاز و ممتاز ایلدی پس هراهل فهم اولان اهل علمدر فاما هراهل علم اولان
 اهل فهم دکلدر و الاعمالدان خطا صادر اولماق لازم کلوردی (لحرره)
 * کیمه کیم و بردی خدا علم وفهم * اولدی اول فی الحقیقه اهل سهم *
 و ارایسه علم وفهمدن حظک * لوح دادن ساندی شک و وهم * فکر * عقلاک
 صفتیدر که مؤداسی رأی در یعنی فکر رأیه مؤدی اولور شو باده
 بر رأی ایله دیرلر قوت عقلیه ده تصرف کوسرتوب اکا باده ابتدکی معنایی
 اظهار ایله دیمکدر و اصطلاح اهل میرانده ترتیب امور معلومه للتأدی
 الی مجمل دیو تعریف اولنور وهم عقله معارن اولور سه مقبول در والا
 عقل اندن افضلدر زیر عقل جوهر و علم انک اعراضندن بر عرضدر فاما
 علم عقله مقرن اولسه مقصود لذاته و عقل مقصود لغيره اولور پس
 و صورتد علم افضالدر * محو * شیک اثرباتی ازاله در فاما اصطلاح صوفیه ده
 اوصاف عادت رفعدر بر حیثیت ایله که عبد اول حالنده عقلندن غائب اوله
 و اندن اقوال و افعال صادر اوله که عقلاک اصلا انده مدخلی اولمید خردن
 سکر کی * سکر * قحله و ضمه صورک نقیضیدر و بر حالندر که شخصه عقلی
 اراسنده عارض اولور انکی چون شعرده کلور * سکران سکر هوی و سکر
 مدامه * انی یفقی فتی * سکران * سکران موت بوندن اخذ اولنور در
 و سکر حقیقی اول غیبیدر که وارد قری سبیله حاصل اولور مقتضایی
 طرب و التذذدر ولکن سکر غیبیدن اقوی و اتمدر پس هر غیبیده سکر
 اولماز زیر ارباب احوالک هر برینه بقدر الاستعداد غیبیت حس حاصل

اولور فاما هر غیبت اهل سکر اهل اولی اوماز علماء حقیقت بیور مشلدر که
قول صاحی قول سکران اوزرینه مقدم ورا بحددر اگر چه که قول سکران
دخی حق وعدلدر حضرت شبلی قدس سره بیور مشلدر که بن وحلاج
ایکیز بر کاسه دن نوش ایتدک پس بن صحوه کلوب حلاج سکر حالنده
قالدی و عربده ایلدی انکیچون حبس و قتل اولندی دیدی نوسوز حلاج
بالغ اولدی اول حالده که بردار اولوب خسته اوزرنده مقطوع الاطراف
ایدی و دیدی که شبلی بویله زعم ایدر فاما اگر بنم نوش ایتدیکمی اول
نوش ایدیدی بنم دیدیکم کلام حق اول دخی دیر و بکاحلول ایدن
بلا اکا حلول ایدردی پس بونلرک معاصر لری اولان اشباح حقیقت
بوا یکسنتک مقاله لرن ایشتمد کده شبلی نک قوانی ترجیح و قبول ایتدیلر زیر
صحو حالنده ایدی حلاج ایسه سکر اوزره ایدی و بوسکره اگر چه وصولده
صعوبت وارددر و لکن وجدان و وصولدن صکره غوائل دخی چوقدر
و کلمات مدخوله نک اکثری اهل سکر کردن صادر اولمشدر پس صاحی اوانلر
توفیق خاص اهلیدر و سکر غیبت کی تفاوت اوزرینه در شویله که
بعضی لرنده قوی و غالب و بعضی لرنده ضعیف و مغلوب در تنکیم اشرف
او غلبتک * سرای ایچنده اسرکلر اوتور مش * کوز تدم مالک و نعمان کورنمز *
دیدیکی مقاله سی حضرت شیخ افتاده قدس سره دن سؤال اولند قده سکر
حالنده اولمغه محمولدر دیمش در پس بنه سؤال ایدوب سکر حالنده ادراک
اولماز کوز تنک ترمه دن کلور دید کلرنده جوابنده اول معنی سکر غالبده در
بوا ایسه سکران ضعیف سوزیدر دیمشدر و بومقامک تمامی محمدیه اوزرینه
اولان فرح الروح نام شرح زده در * فنا * مشاهده * حقه استغراق حسبیله
عالم ملک و ملکوت و جسم و روحی عدم احساس در تنکیم بالاده شرح
اولمشدر (معنای بیت) بودر که خاکه منسوب اولان موج بزم وهم و فهم
و فکر بزددر یعنی بونلر جسدک لو آزمیندندر جسد ایسه قرا حکمنده در آبه
متعلق اولان موج ایسه محو و سکر و فنا در یعنی بونلر روحک مقتضیاتندندر
روح ایسه در یا حکمنده در پس در یا ایلر قرائت فرقی نقدر ایسه فرقله جمع
و جسدله روح و فهم و وهم و فکرله محو و سکر و فناک فرقی دخی اولقدردر
الحاصل در یا قرا دن افضلدر زیرا آب سبب حیاتدر کذلک در یا حکمنده
اولان روح و آنک اوصاف و حالاتی دخی بویله در زیر جانب حقه ناظردر

جسد و اوازمی ایسه جانب خلقه متعلقدر بونده اشارت وارددر که کر چه انسان
قوای جزئییه بوزندن در یا ثوب قرا ده سفینه یورتمک استر فاما مبسر دکلدر
زیرا قرا ده سفینه اجرا ایتک حیل مقوله سندندر بویابده ایسه حیل جاری
اولماز پس سفینه یه دریا کر کدر بوسیدن عالم فرقه قاللر اهل احتجاب
و حیل اولدی لر و عالم جمعه ابرنلر کشف و شهود بوا دیلر پس عالم رسمی به
کر کدر که العلم ذکر دیو کنیدی حالتی ذکورت و رجوائته حل ایدوب
سائر لری انات عدایتکله مر شد کامله سرفرو دن امتناع ایتیه زیر حقیقت
ذکورت و رجوائت علم آلهی اهلده در انکیچون قوا ده سائرله غالبلدر
وانلره انعام اولسان تصرف و تسخیر غیر یلده یوقدر پس بوندن ذکورت
و انو ث اهل متین اولدی و بونده محوله صفت قلبه و سکرله صفت روحه
و فنا لیه صفت سره رمز وارددر که بری بحر سیاه و بری بحر سفید و بری بحر
محیطه ناظردر انکیچون اهل فناک فلسفی اوسع الافلا کدر که جمیع عروض
جزئییه بی حاویدر تنکیم عالینک حالی سافلی محیط اولمقدر و هم و فهم
و فکر ایسه مدینه وجود و کعبه قلبک قرائی بعیده سی حکمنده در و حدینده
کلور (لا تسکنوا الکفور فان ساکنی الکفور ساکنوا القبور) یعنی جمعه
و جماعات و علمدن دور اولان اهل قری میت مقبور حکمنده اولدیغی کی
جمعیت و شهود و حضوردن بی خبر اولان وهم و فهم و فکر دخی بویله در
و حیات ابدیه معرفه الله ایلر حاصل اولور که آب حیات مثالدر یعنی
جسد حضر علیه السلام آب حیات سببیله عالمده جاودان اولدیغی
کی خضر قلب دخی معرفه الله رشیه ابدی معمر و آباداندر انکیچون
مؤمن کامله موت یوقدر بلکه برداردن برداره انتقال وارددر بوکا
دلیل قرآنده شهداک احیا اولمغه محکوم اولدقلیدر شهید معنوی خود
بونلردن افضلدر (لحرره) اولمایوب معرفه صباغ واسن * نه روادر
اولاسن میت سن * معرفه ابرش اوشیرینه * اولمه فرهاد کی طاش کسن *

* تادربن سگری ازان سگری تودور *

* تا ازین مستی ازان جای تو کور *

* جام * کو مشدن اولان انا و ظرفه دیرل کافی القاسموس و شعرده کلور
* کلکم قداخذ الجام ولا جام لنا * مالذی ضرمدیر الجام لو جام لنا *
ولکن فارسیده مطلق صرجه قد حده استعمال اولتور طولی اولسون

بوش اولسون و بعض لغاتده طولی قدح ایله تفسیر ایتشلردر و حلیمی
جامی ساغر ایله تفسیر ایدر و لکن ایکسینک میاننده فرق واردر زیرا
ساغر بویک قدح و ساغر ق دید کار بیدر و میانلرنده فرق اولاق مولانا
جامی نك بور باعیسندن روشندر * جهان جام وفلاک ساغر اجل می *
خلاق باده نوش مجاس وی * خلاصی نیست اصلا هیچ کس را * ازین
جام و ازین ساغر ازین می * و جام اعمال نیسار بوردن برقریه در که
مولانا جامینک مولیدر نیکم بر باعیسنده کاور * مولدم جام و رشحه
قلم * جرعه جام شیخ الاسلامیست * زین سبب در جریده اشعار *
بدو معنی تخاصم جامیست (معنای بیت) بودر که مادامکه سن بووهم
وفهم و فکر سر خوشاغنده سن و امور حسیه به تو غل ایله حقندن غافل
اولوب مستانه مشال اوامش سن اول محو و سکر حقیقی و فناء مطابق
مستلکندن دور و بعید سن زیرا ایکسی بر رده مجتمع اولماز نیکم فضولی
شعرنده کاور * اهل دنیائک اولماز آخرتی * کربونی استریسک ائمن
کچ * و مادامکه بویاده ظاهر و می حسدن مست و بی هوش سن اول جام
باطن و روحانیدن کور و اعمی یعنی محجوب و مجلسندن جدا سن نیکم
قرآنده کاور (لا تقربوا الصلوة و اتم سکری) یعنی صلوة که عالم جمع
و شهوده ناظر (وجعلت قرة عینی فی الصلوة) حسیله نماز حالنده
اولان استغراق و انجذاب و مغایبت سکر معنوی به دأردر کسه اکا
سکر صوری و سکر غفلت حالنده نازل اولماز زیرا شهودله محجوب
و غفلت ایله حضور متضاد لردر مکر کیم صحوه کاه و سکر دن خلاص
اوله و غفلندن نجات بوله نیکم قرآنده کاور (ارأیت الذی ینهی عبدا
اذا صلی) یعنی عبد حقیقی او اوب جام شهوددن مست اولان کسه
مناجات حقندن منع اولماز نه الله تعالی جانیندن و نه غیریدن زیرا
الله تعالی نمازی شهوده مقارن و ضعیف ایتشدر پس شهود اولدیغی
رده منع یوقدر و کذلک رسول الله صلی الله علیه و سلم بر مصلی ده
مقتضای شهود اولماز ترک ادب وار کانی کورد کده (قم صلا فانک
لم تصل) بیوردی (لحرره) اولدیغیچون بو جهن میکنده و ش * اهل
دنیاه دیدیلر سرخوش * صوفی حیران و غیریلر سکران * قالماس
هیچ برنده عقل و هوش * و بونده سکرله مستلکی جمعه تفتن فی العیارة

واردر که مقتضای بلا غتدر و جا نذر که سکر عبارتی
ذکر اولسان آیت سکره موافقت ایچون اوله پس سگری
مست اوزرینه تقدیم عربینک فارسی اوزرینه فضلندن اوتوریدر
نیکم * فارسی کو کرچه تازی خوشترست * اکا دالدر ا کرچه که
فارسی دری دخی لسان اهل جنت در نیکم محلیده شرح اولندی
* گفت و کوی ظاهر آمد چون غبار *
* مدتی خاموش خو کن کوش دار *

* غبار * عربیدر توز معناسنه یعنی تراب مئاردن باقی اولان نسنه در
انکیچون غبار دیرل اول نسنه به که انکله به اولان کتد کدن صکره اول
مکت ایدوب قاله نیکم قرآنده کاور (الاعجوزا فی الغبارین) یعنی فین
طال اعمارهم اوفین بقی ولم یسر مع اوطا و فین بقی فی العذاب * مدت * وقت
متمده دیرل زیرا مداصلنده جر معناسنه در بعض نسخده هوش دار
دوشمشدر اولکسی انسددر (معنای بیت) بودر که گفت و کوی ظاهر
غبار کی یعنی آینه دل اوزرنده توز کیدر که صور معانی انعکاسنه
مانع و هیئات ردیه غلبه سنه باعثدر بر مدت خاموش خوی اول
و سکوت ایله قولاق طوت و القاء سمع ایله زیرا استماع سکوتله اولور
و نسخه آخریه کوره دیمک اولور که عقل طوت و عقلکی باشکه جمع
ایدوب تدبر و تفکر اهلی اول زیرا دیمشدر که (من کثر عقله قل کلامه
ومن کثر کلامه قل عقله) الحاصل خاموشاق ترک گفت و کوی ایله در
بو ترک ایسه استماعی مقتضیدر زیرا هم گفت و کووهم استماع بریده
اولماز و قرآنده کاور (ذلک لمن کان له قلب او القی السمع وهو شهید)
بونده گفت و کوی غبار تشبیه ایتکدن قلب دخی آینه تشبیه لازم
کادی پس آینه ده استیلا غبار مانع رؤیت اولدیغی کی کثرت گفت
و کودخی کلام حقه القاء سمع ایتکه مانع در انسان ایسه قبل الکمال
القاء سمعه محتاجدر * انکیچون دیمشدر که (خذوا العلم من افواه
الرجال) مع هذا بی فائده اقوال و افعالك کثرتندن قلب ده هیئات
مظلمه حاصل اولور پس القاء کلام صفت مرشد و القاء سمع صفت مریددر
انکیچون دوام سکوت شرائط اهل بدایتدندر بونده رمز واردر که هر عمل
ایچون جزاء وفاق واردر پس جانب غیبندن وارد اولان خطابی استماع

ایتمک خاموشی ایه الفته موقوفدر و خاموشی سابق حالته بعض مشوش
نسنه اولق کمال استماعه مانع اولغله ارباب سلوک خلوات و دوام ذکر
اختیار ایتشدر تا که تمرن حاصل اولوب بر دخی دکه نسنه دن
مشوش اولیه انکیچون طریقه خواجکان نقشبندیه اوزرینه (خلوت در
انجمن) اعتبار ایدرل آتی تحصیل ده ایسه زیاده صموبت واردر زیر
تمرن وادمانه محتاجدر و بونده اهل اکثاری ذم و ارباب رسولک حالنی
تقیح و صتمه حث و تحریض واردر و صمت معرفه الله ایراث ایدر زیر
گفت و کوی ظاهر مقابله سنده واقع اولمشدر و صتمک انواعی واردر مقداری
بالاده بیان اولمشدر (لمحرره) جوهرک و ارباب درونکده * صدف آسا اوله
کور و ارباب موس * اره در گفت و کوی اکثاری * حاصل اولور دله انکله خوش *

* جمله گفتند ای حکیم رخنه جو *

* این فریب و این جفا بامام کو *

* حکیم * حکمت ذو قبه صاحبیدر کرک علوم رسمیه دن بهره مند
اولسون کرک ای اولسون پس بوندن ماعداسنه حکیم اطلاقی حقیقت
دکدر حکمت بحشیه اهلی و امثالی کبی * رخنه جو * وصف ترکیبدر
جوینده رخنه معناسنه رخنه کدک که عرب ثله در و هر شکسته لک
زده کرکسه اولسون قلیج و بچاق یوزنده و غیریده نتکم لطائف نفی ده
کلور * سوزیدر که اوکیم نسخه سنی نکته شناسان * خشوشکم رخنه
دوار و درایلر * فریب * الدامق که عرب خدعه دیر * جفا * شرح اولمشدر
* مکو * سوبله دیمکدر ایله معناسنده استعمال اولمشدر زیرا قولک
فعل معناسنده استعمالی لسان عربی ده و عجمی ده شایعدر نتکم بیانی
مرور ایتشدر و قول اعتقاد معناسنه دخی کلور یعنی بوفریب و جفایه
بزم محلیتری اعتقاد ایله (معنای بیت) بودر که جمله نصاری
و عامه ملت عیسی ذکر اولسان کلماتدن صکره دیدیلر که ای حکیم اکهی
رخنه جو یعنی بزم اقوال و افعالمزده کدک و انکسار و نااهواری طلب
ایدیچی و عیب و نقصان و قباحتمز ارایچی بوالدماغی و بوجفایه متعلق
سوزی بزه سوبله و بو معامله بی ایله زیر سنک بزه ایتدیگک وضع فریب
و جفا صورتده نسنه در نتکم اهل ذوق اولان ایسه بومقوله و وضعدن
عری و بوبله معامله دن فی الحقیقه بریدر زیرا بوبله وضع و معامله

* ارباب *

ارباب حجاب و غفلتک شایندر * بعدذا بوموقعده وزیر منور
حکیم اطلاقی حکمتی بودر که خلوت و عزت حکمتی اشعار و ابراث ایدر
نتکم حدیثده کلور (من اخلص الله اربابین صباحا ظهیرت ینابیع
الحکمة من قلبه علی لسانه) و بونده نصاراتک اقوال و افعالی نسنه لک
شانندن اولان نسنه تشبیه واردر دیوار و قلیج و امثالی نسنه لک
اگر چه که حقیقتده رخنه اصحاب اقوال و افعالی کدر زیرا کشتی
اقوال و افعالی یوزندن مجروح اولور و کذلک امور حسیه ده حقیقت
و غیریده مجازدر و بونده قوی جمله به نسبت ایتک جمله نک رضاری اولق
حسیله در و الا قائل اولان خواص ملت در امیران و مریدان کبی و بونده
فریب ایله حیل و خدعه نفسانیه و جفایله غلظت و خشونت طبیعیه
اشارت واردر * زیرا فریب فی الحقیقه نفسک رزائلدن و غلظت
دخی طبیعتک اوزمنددر اگر چه که طبیعتدن تجاوزت حسیله قلبه دخی
ساری اولور انکیچون قرآنده کلور (ولو کنت قطعا غلیظا لقلب)
پس بر سالک اصلاح نفس ایله انک خدعه نفسی نصیحه مبدل اولور
زیرا نصیحت اودر که انده خدعه و خیانت اولیه بوسیدندر که حدیثده
کلور (الدین النصیحه کله) و بینه بر حدیثده کلور (من غشنا
فلیس منا) و کذلک اصلاح طبیعت ایله انک طبیعتک کشفی لطافت
مبدل اولور زیرا لطافت اودر که انده اکل و شرب و امثالندن حاصل
اولان حجب کشفیه متراکه اولیه و نصاراتک قولنده کرچه تزکیه
نفس رایحه سی واردر و لکن مقصود اصلی تعال و بهمانه نک
رفعنی طلب اولغله مریدک مرشده اعتراض و مقابله سی لازم کلز
(لمحرره) * بزه بسدر بواسطه طرب درون * سنده یاقه بزی مانند فرون *

* چار پارا قدر طاقت بارنه *

* برضعیفان قدر قوت کارنه *

* چار پا * دورت ابقلو حیوان آت و قاز و دوه و اشک کبی نتکم
قرآنده کلور (و منهم من یشی علی اربع) طاقت * وقوت * شرح اولمشدر
(معنای بیت) بودر که بوک کتورمک شانندن اولان دورت ابقلو
حیوانه بوکنی طاقت و قدرتی مقداری وضع ایله بوخسه مالایطاق
اولان حل ثقیلی انک اوزرینه تحصیل ایله وضعیف البدن اولنلر اوزرینه

ایشی قوت وقوا ملری قدر وضع ایله زیرامشت زنگ ایشی ضعیف
الندن کلز و کپاده اهلی هرکان زوری چکه بلز بونده کندیلرن تحماده
چارپایه و مقالات وزیرک مؤداسنی حمله تشبیه وار درپس حیوان
مالایطاق اولان نسته بی جل ایله تضییق اولندیغی کبی انسان دخی
بارکرانی بدوش ایتکه تکلیف اولمز انکیچون بعض کبار اولیا قدس
سره بیورمشلردر که هر نی علیه السلام ایچون دعاء مستجاب وارد
بزم رسول صلی الله علیه وسلم دعاء مستجابی آمن الرسول مشتمل
اولدیغی (ربنا لاتواخذنا) دن آخر سوره به دکر و دیمش لر در که
مالایطاق اوچ قسمدر اولکیسی محال عقیددر که ممتنع لذاته در اعدام کبی
بو قسمک عدم وقوعی وانکه عدم جواز تکلیف متفق علیه در ایکنجیسی
محال عایدرا عملک مصدقه نظری کبی بو قسمک جواز تکلیفده نزاع بو قدر
اوچنجیسی محال عارضیدر ایمان ابی جهل کبی ز برانک ایمانک محالیتی
سبب عارضله در که الله تعالی نک ایمان کوتورمز دیواخبار ایتدیکیدر
بو قسم مختلف فیه وموقع نزاعدر زیرا معتزله منع ایدوب اشاعره تجویز
ایتشد * وبونده تشبیه مذکور دن مرتبه طبیعتده اولان تکلیفه
اشارت وارد در ز بر طبیعتک مقتضاسی حیوانیتدر انکیچون ذبحنه
اشارت ایدوب قرآنده کلور (ان الله یأمرکم ان تذبحوا بقرة) ای بقرة
الطبیعة وحکمها الاکل والشرب والمنام والوقاع وبونده ضعفله
مراد ضعف صوریدر که مقابل قوت در والاضعف حقیقی قوت
قدسیه ایله مجتمع اولور نتکم شان ضعفده قرآنده کلور (وخلق الانسان
ضعیفاً) و شان قوتده دخی کلور (وحملها الانسان) یعنی انسان
مخلوق ضعیف ایکن بار امانتی حامل اولدیکه اجرام ثقال وهیاکل قویه
اندن ابا و امتناع ایتش ایدی پس بو صورتده انسان ضعیف بشریت ایله
قوت قدسیه بی جمع وعجز ظاهره قدرت باطنه بی ضم ایتش اولور *
وگاه اولور که قوت باطنه ظاهره دخی ساری اولوب خارق عاده ظهور
ایدرباب خیر قصه سی کبی * زیرا حضرت علی کرم الله وجهه اول
بابی محاندن قلع وطرح ایتد کده یتش نفر اصحاب مجتمع اولوب برندن
رفعه مجال بولمیلر انکیچون بصره ده خلیفه لری اولان عثمان بن حنیفه
ارسال ایتد کلری نامه نصیحت آمیز وعبرت انکیزنده درج ایدوب

بیورمشلردر بحق اقول انی ما قلمت باب خیر بقوة جسمانیة ولا بحرکة
غداية لکنی ایدت بقوت ملکوتية ونفس بنور ربها مضیة (لحرره)
* اولسه بر آدم ضعفله مور * کتورر عشقه من تیور * هرکسک
ضعف وقوتینه کوره * وارد اولور اکا نرمان امور *
* دانه هر مرغ اندازه ویست *
* طعمه هر مرغ انجیری کیست *
* اندازه * معروف نسته در که در زیلر و بازار کانلر استعمال ایدر
اندازه وی اندازه کلوی وی تقدیرنده در وزیچون همزه اضافتک
کسر سی اختلاس اولنور و جائزدر که اندازه حال وی تقدیرنده اوله
فاما بو معنی کرچه لفظک مدلولاتنددر ولکن بیت سابق ولاحقک
مضمونه مخالفدر زیرا دعوی عدم استحقاقی اوزرینه دکل بلکه عدم
تحمل اوزرینه درپس مصرع ثانی ده انجیری جسته یه ناظر در طعم
وانته دکل فاعرف جدا * طعمه * طانک ضمی وعینک سکونیه یمکک
معنا سنده در یقال جعلت هذه الضیعة طعمة لفلان ای مأکلة والجمع
طعم کصرد * انجیر * همزه نک فتحیله درا کرچه که کسرله غلط مشهور
اولشدر معروف میوه در که عرب تین دیرلر نیکم قرآنده کلور (والین)
سواحل وهواسی حار اولان مواضعده بترمان املیس کبی دیمش لردر که
طیور انجیری اکل ایدوب نداوت ورطوبتی اولان دیوار و یاغیری مکان
اوزرینه سر کین افکن اولسه انک سر کیندن دخی انجیر اغاجی بتوب
میوه دار اوله وانجیر اغا جنک خاکستری بسایینه نشر وتفریق اولسه
دود هلاک اوله وانجیر بواسیر قطع ایدر ونقرس دفعنه دخی فائده سی وارد
وفاسد اولان لونی اصلاح ایدر و بلغم مالحدن اولان عطشی تسکین
ایدر واسد سقای دخی منع ایدر واکل سمومدن اماندر ولکن ناله اکل
بدنده قل ایراث ایدر وانجیرک دخانندن بی وبعوض فرار ایدر
(معنای بیت) بودر که هر قوشک دانه سی کندی بوغازیک اندازه سی
وانک اولچوسنه کوره درپس صعووه وعقابدن هر برینک غداسی کلورینه
کنجایش مرتبه سنده اولان دانه و امثالیدر یعنی صغیرک دانه سی صغیر
وکبیرک دانه سی کبیردر یوخسه صغیرک دانه سی کبیر اولمز والا هلاک
مؤدی اولور نتکم کاسته انده کلور * توان بخلق فرو بردن استخوان

درشت * ولی شکم بدر دچو بکیرد اندر ناف * بعدذا بوراده دانه
مرتبه نفس وانجیر مرتبه قلب و روحده اولان تکلیفه اشارت در زیر
دانه احکام و شرایع در که حفظ نفس در و كذلك اندازه و قیاسله در انکیچون
احکام و شرایع نقدر کثرتی اواسه ینه محدود در و مکلف اولنر حدود
شرعده تفاوت اوزر ینه در انکیچون فقیره حج و شیخ فانی و معذور ابدی به
صوم و مقطوع الیدین والرجلین اولانه عند الامام صلوة یوقدر
وتعجد فخر عالم صلی الله علیه وسلم فرض وامتنه نافله اولدی وانجیر
معارف و حقایقه اشارت در که حظ قلب و روح در و كذلك بی اندازه
و بی قیاس در زیر بغیر حساب اولان از زاق در پس عالم شریعت
منتهی و عالم حقیقت غیر منتهی در و عامه مکلفین احکام و شرایعده
مشترک و خواص ناس علوم ذوقیه ابله نماز اولدیلا اگر عوام ناس
نصیب خواص اولان ذوقیاتدن اکل و تناول ایدلم دیسهلر قبل السلوک
هلاک اولورلر زیر حوصله ادراکلر ینه صغیر انکیچون وارد اولمشدر که
(کلوا الناس علی قدر عقولهم) یعنی هر مرتبهده اندازه ابله تکلم ایتک
کر کدر والا فحشاسی حرام اولان اسراری نااهله افاده ایتکده فتنه
عظیمه اثاره ایتک وارد و انجیره طعمه دیدی ز برادانه ده طعم ظاهر
دکدر انجیرده ظاهر در كذلك اهل حجاب کوره احکام و شرایعله
عملده ذوق یوقدر وجوده کلن اعمال ظاهره اتعاب نفسله حصوله کلور
مکر طعمی آخرته ثواب صورتندن اوله فاما رباب معارف و حقایق دنیاده
بحسب الوجدان فیض آلهیدن ذوقیاب اولورلر والهام و وحی حائده
حلاوت باطن بولورلر انکیچون بر حسب طویلده کلور (فوضع یده
بین کتفی حتی وجدت بردها بین ثدیی) ز برابو برودته حلاوت معنویه
ولدت باطنیه وارد مع هذا تزکیه نفسله ثقلت طبیعیه مضمحل اولغله
من اوله اولنسان اعمال ظاهرده صلوة و صوم و امشالی کبی خفت بدن
و نشاط دل و صفاء روح و جلاء سر بولورلر بوایسله لذت باطنه دن
ناشیدر انکیچون حدیثده کلور (ارحنا یا بلال) بوتقر یردن فهم اولن دیکه
بیت مشو یده مرغله مرغک میاننده فرق جلی وارد زیر بربری مرغ مکان
وبری مرغ لامکاندر اگرچه که اطلاقده ایکسی دخی مرغدر نتکم
انسانله انسان اراسنده نقصان و کمال جهتنندن فاروق وارد نتکم

بلاغات ز محشر یده کلور فی الارض ناس و نویس منهم طاوس و طویس
طاوسدن مراد طاوس ابن کیس اندر که سید اهل ین در اگرچه که
موالیدندر عربدن دکلدر عمر بن عبدالعزیز ایلله معاصر در محاب الدعوة
ابدی علوم و فضائلنه نهایت یوقدر قرق دفعه حج میسر اولوب آخر مکده
یوزالتی تاریخنده وداع عالم فانی قلیدی طویس طاوسک مصغریدر
غایت زشت هیکل و نحوست و شأمنده انکله ضرب مثل اولور برکسه
ابدی انکیچون اشأم من طویس دیرلر زیر امدینه ده ساکن ابدی و اهل
مدینه یده دیر ابدیکه بن حیاته اولد فجه خروج دجالدن حذر اوزر ینه
اولو کز بن وفات ایدرم امن بولور سکز زیر بن رسول الله صلی الله
علیه وسلم عالم فنادن رحلتی کجه سی دنیایه کاسدم و ابو بکر رضی الله
عنهم وفاتی کونی رضاعدن کسدم و عمر رضی الله عنهم کونی
حد بلوغه و اصل اولوب نخون اولدم و عثمان رضی الله عنهم کونی
کونی تاهل ایلدم و علی رضی الله عنهم کونی دنیایه و لدم
کاسدی پس بکا بکرز کیم وارد دیردی (لحرره) جمع اولوب بریره
شأمنلر * ظاهر اولدی هزار آفتلر * اولسیدی طویس مرده اگر *

* قوپریدی نیچه قیامتلر *

* طفل را کران دهی بر جای شیر *

* طفل مسکین را از ان نان مرده کبر *

* طفل * شرحی مرور ایتشد * مسکین * من لاشیله معناسنه بویله برلده
ترحم طریقله ذکر اولور حتی بومعنایه غنی اولان دخی انکله موصوف
اولور نتکم بوستانده بر باز رکان حقتده کلور که * مسکین در اقلیم دشمن
بمرد * متاعی کز و ماند ظلم ببرد (معنای بیت) بودر که اگر طفل رضیه
سد بر ینه نان و یره سین طفل مسکین وضعیف و محل مر حتی اول ناندن
هلاک اولمش طوت یعنی اول نان آنک هلاکنه سیدر زیر معده سکن
اکانحملی یوقدر بعدذا بویتده اشارات وارد (اولکیسی بودر که نان
اعتقاددر اعتقاد ایسه شریعت مرتبه سنده اولان تکلیفه کوره در چونکه
طفل احکام شرعیله ابله مکلف دکلدر لاجرم اعتقادله دخی مأمور
دکلدر اگرچه که حد تمیزده اولان ایمانی صحیحدر انکیچون حد بلوغده
اولیان صغار نماز و روزه نیت ایتسه ل نیت ایلدم مکلف اولنلر اوزر ینه

فرض اولان نموده و یاروزیه دیمک کر کند ر نیکم اشباه نظر د ه
مصر حدر (اینجیسی بودر که شیر فطرت اصایه در طفل ایسه عالم ذاته
قریب العهد اولمغله فطرت اصلیه اوز رینه باقیدر وعالم ذاته قریب
اولد قلیرتک حکمی بودر که باغ اولانک غداسیله تغدی ایتمز زرا الوان
اغدییه عالم صفاتند ر پس عالم ذاته اولانه عالم صفاتده اولانک احکامی
مناسب کلز زرا عالم ذات عالم فناء وعالم صفات عالم بقادر (اوچنجیسی
بودر که شیر تربیه صورتیدر پس بر طفل طریقت که هنوز نایه مرشد
النده پرورشه محتاج اوله اکابان وخلافت وبرمک واحکام رجال بالغین
تکلیف ایتک وامور کلیه کوسه برمک آنک هلاکنه سید زرا هنوز
اول رتبه آنک لقمه سی دکلدر (لحرره) یوغیکن خاصیتی بر مرغک
* نه روادر قوماق همابرینه * برینه کچسه عالمک جاهل * کوچ کلوب
عالمه اکابرینه (در دنجیسی بودر که طفل جان که شیر معارف وحقایق ابله
پرورش بولش وعالم ذاته فرب اولشدرانی اول عالم جمعدن عالم فرقه
تنزیل ایتک اهلاک ایتک کیدر زرا هر کسی مألفندن قطع ایتک اهلاک
ایتک حکمنده در وعالم فرقک اوازمی امور بشریه در امور بشریه بی
تعاطیده ایسه روحه تعصب وتکلف وارد زرا روحک حالی لطافت
وصفوت وجسدک حالی کثافت وکدورتدر (لحرره) چشم دل خوا به
وارسه ترکس وار * آنی بیدار قلمه هرگز وار * اولدی راحت دله تجلیده
* استنار ایچره صمه راحت وار * مکر تنزل وافاقتی اقات فرض
واداء فرض ایچون اوله یوصورته محفوظ اولش اولور (بشنجیسی
بودر که طفله کوره شیرله نان بریده مجتمع اولدیغی کی جائه کوره دخی
نجلی واستنار مجتمع دکلدر بلکه ذوق شیر تجلیده ایکن بشریتدن
مختجب ونان بشریتی طاعم ایکن شیر ذوق و حضوردن مستتر در
اما اولکه شرح صدر مرتبه سنده فرقه جمعدن و بالعکس عدم احتجاب
حاصل اولور کمل اوایا صفتیدر که تجلی ذاتی دائمدر بونده ایسه
ابدی حجاب بو قدر پس مقر بین ابله ابرار ارا سنده فرق عظیم وارد
(التنجیسی بودر که تربی اطفالک شانیدر چنان مبالغ رجاله بالغ اولسه در
مر بی اولور (بشنجیسی بودر که هر کس طریقتده حدینه کوره مکلفدر
مر بی کامل اولیحق اطوار ومرتبه رعایت ایدر مثلاً اور ریاضیه ده

تقلیل طعامک مراتبی وصوم وصالک بحسب المشارب تباینی وارد
ومجاهده دخی خلوت وجلوت وغیری احوال ابله تفاوت اوز ره در پس
مرشد زیاده حکیم کر کدر تا که حیه وامثالنده اعتداله رعایتله سبب صحت
وجود ظاهر وباطن اوله (لحرره) کر حکیم آلهی اولد کسه * حکمت
ومصلحتله کار بتور * اورمه بار مریدی فوق الحد * کر به چکر زافندی بارشتر *

* چونکه دندانها برآرد بعد ازان *

* هم بخود طالب شود آن طفل نان *

* دندانها * دندانک جمعدن در دش معناسنه عرب سن دیر که جمعی
اسنان کلور مجموعی اوتوز ایکیدر حروف عربیه و عجمیه عددنجه
نتکم تفصیلی کلر انشاء الله تعالی بعد ازان ماقبلنه وما بعدینه ارتباطه
صالحدر (معنای بیت) بودر که چونکه اول طفل شیر خورده لکدن صکره
دیشلر بوقارو کتوره یعنی دیشلری بته ونان و طعام تناوله قادر اوله
ویا خود دندان کتوروب دیشلری بتد کدن صکره هم کنیده نانه طالب
اولور و طعام تقاضا سن ایدر زرا دندان حسبیه نان و طعام تناوله
صالح اولور و اول مرتبه ده کلو و معدسی دخی قوت و وسعت بولور
بونده اشارت واردر که مبتدی و منتهی ارا سنده فرق واردر موسی
علیه السلام وائل حالده طفل مثال اولمغله فیض قلیل وغذاء سرسری به
قائل اولدی نتکم قرآنده بطریق الحکایه کلور (ربانی لما انزلت الی من
خیر فقیر) چونکه خلعت نبوتله سرافراز ومقام مناجاته سائرلندن
ممتاز اولدی اولکی رتبه دن ترقی حسبیه (ارنی انظر الیک) دیومطلب
اعلایه ناظر اولدی زرا اول وفته سوال مذکور مقتضای استعدادی
ایدی نتکم طالب نان اولق دیشی بتن طفلک اثر قوتیدر بوراده
دیشلردر که سالک بر مرتبه به منتهی اولدیغی آنی طلب ایتمک کر کدر
زرا حدید باردی ضرب مقوله سندندر که تأثیری بو قدر پس توحید
افعال اهلی اولان کسه یارب بکاتجلی ذات احسان ابله دیمک طریق
دکلدر زرا آنک طریق تجلی صفات ابله متحقق اولمقدر پس توحید
افعالدن اول توحید صفات استمک دخی بویه در و بونده دندانها ابله
حروف تهجی ومنازل قره رمز واردر زرا کوسجک دندان بحسب
الغالب یکر می سکزو یا یکر می طقوزدر بله ریش اولانک ایسه اوتوز ایکیدر

حروف دخی حروف عجمیه ایلہ اوتوز ایکیدر زیر بعض قبائل باوجیم
وزای وکاف عجمیه بی دخی تلفظ ایتش لردر و ذکر اولان درت کله
توراه و انجیلده کلشدر و اول من زلک اولی الفت در و آخری یقیندر چونکه
الفت مشایخ و صحبت پیران حاصل و غایتده یقین مرتبه سی وجود
پذیر اوله انسان عالم ترکیب و صفاتی مشاهده قوت بولور و شواهدی
مطالعہ سی دخی اکاکوره اولور بوندن ظاهر اولور که ذکر اولان حروف
و منازل مراتب لذتدر پس بونلرک ماوراسی عالم فناء کلیدر که انده لذت
متصور دکلدر انکیچون بی دندان اولان کسه نکه اغرنده لذت یوقدر
ورؤیاده یا خود انسلانده کندی دندان کورمک یا موت طبیعی و یا موت
ارادی به اشارتدر زیر موله مطلقا لذات زائل اولور نتکم حدیثده کلور
(اکثرا ذکرها دم اللذات) و بونده برآرد کله سنده اخراج معناسی دخی
متصوردر پس برسالک سبب وجدان لذت اولان دندانلری ریاضت
قویه ایلہ اخراج و اسقاط ایتدیکجه لذت حقیقیه به نائل اولماز و موت ارادی
ایلہ عالم فنا منزلن بولماز و بونده داعیه به دخی رمز وارددر زیر بر مرتبه به
مستعد اولان کسه ده بی اختیار اول مرتبه به وصوله داعیه اولور و اول
داعیه مذکور اولان وصوله علامتدر و اهل الله داعیه بی وحی و الهامدن
عایدلر زیر یا مالک ساددن یوزندن و یا خود بی واسطه الله بندر
انکیچون داعیه به مخالفت ایتمز و هر نه وقتده حاصل اولور سه موجبیه
عمل ایدرلر اگر حرکت و اگر سکون و بوداعیه نکه داعیه نفسانیه دن
فرقی وارددر اربابی بیلور (لحرره) اولسه حق برایشه قولن داعی
* قول دخی اول ایشه اولور ساعی * داعیه بولسه بدل آگاه * اولور
اول داعیه امرن داعی * اللهم افتح لنا ابواب الخیر *

* مرغ پر نارسته چون پران شود *

* لقمه هر کر به دران شود *

* نارسته * ناداد تنفیدر که صفاته داخل اولور نتکم بی لفظی اسماء
جوامده داخل اولور ولیکن بری برلر نکه مقامده دخی استعمال اولنورلر
* رسته * رانک ضمیمه بتش معناسنه ماضیدن قسمدر و اولکه نورسته دیرلر
رانک قحیلہ اصلی نورسیده در یکی بتش معناسنه * پران * صفت مشبهه در
اوچغان معناسنه دران کبی که رتغان دیمکدر اکثر بودر که دال مکسوره

ایلہ در پرده در کبی و مفتوح دخی استعمال اولنور صفدر کبی و بولکه لرده
وسائر مشتقاتده اولان تشدید ضرورت حسبیه در * لقمه * ضمیمه لقمه و ابتلاع
ایچون تهیته اولان نسته در پس اندازه کلودن کیر و کثیر اولسه لقمه
دیمزل * کر به * کاف عجمینک ضمیمه کدی که عرب هر ه و سنور و قط دیر
(معنای یت) هنوز قنادی و یلکی بتمش قوش چونکه اوچچی و پرواز
ابدیچی اوله کدینک لقمه سی اولور زیر اوچمقدن عاجز او اب ساقط اولور
بوسیددن کدینک چنکانه اصلور و کدینک صید و شکاری اولوب آنک
سکین دندانن ایلہ باشی کسلور و کر به به کوره مرغ پر نارسته نکه لقمه اولسی
صغر جثه سی و یا اجزاسی حسبیه در بونده مرغ پر نارسته سالک مبتدی به
اشارتدر زیر هنوز عالم بالای ملکوت طیران ایتکه استعدادی یوقدر
زیر اول سیر و اندن طیردر و سیر شواهد ملکه و طیر شواهد ملکوت
دأردر و آنک پروبالی عشق و شوقدر و یا خود علم و عملدر نتکم حضرت
هدای قدس سره کلمتده کلور * جنت اهلنه کرک علم و عمل * لاجرم اوچماغه
لازمدر جناح * و یا خود تضاعفی تضاعف قوته دالدر جبرائیل علیه
السلامک التیوز قنادی کبی و کر به ده سرقه و تفاق و افتراس صفتلری
وارددر که جمله سی رزائلدندر انکیچون برکسه رؤیاسنده سنور کور سه
سارق ایلہ تعبیر اولنور و سرقه و سائر صفات رذیله نفسک بحسب المراتب
صفتیدر پس سارق سرقه ده مال مسروق خفیه اخذ ایتدیگی کبی
کر به دخی مرغی ناکاه صید ایدر و کذلک تزکیه نفس ایتین سالکی دخی
نفس شکار ایدر زیر هنوز عالم بالای قلبه پروازه اقتداری یوقدر خصوصاً که
صلوته سرقه مشهوردر سرقه صلوة ایتک ایسه نفس و شیطانک
مکرنندر و افتراسکه صفات سباعندر نفسک صفت غالبه سیدر انکیچون
نیچه دلرده ضرری ایرمش و نیجه نکه قاننه کبر مشدر زیر نفس زنده
و قواسی شدت اوزرینه اولد فیه قلب مرده و قواسی دخی ضعف اوزرینه در
معلوم اولکه انسان بحسب الطبیعت و النفس جمیع صفات ذمیمه بی حامل
و جمله حیوانات ضاره نکه اوصافنی مثل اولدیغی کبی بحسب القلب
والروح دخی کافه صفات حیده بی حاوی و عامه حیوانات نافعه نکه
اوصافنی محتویدر ولیکن وجودنده امکان و وجوددن قنغیسی غالب
ایسه اوصاف اکاکوره ظهور ایدر یعنی اگر احکام امکان غالب ایسه

نفس و طبیعت اهلی اولوب حیوانات ضاره کبی ضار اولور * واکرا احکام
و جوب غالب ایسه قلب و روح اهلی اولوب حیوانات نافع کبی نافع
اولور پس انسان صفات متقابله آلهیه بی جامع اولوب نمودن عالم
واقع اولمشدر انکیچون اکاهرنه معنی نسبت اوانسه حقدر مثلامؤمن
و کافر و ملک و شیطان اودر و کذلک آهو و هما و اسد و بوم و امشالی
دخی اندن عبارتدر (لحرره) نه شمع اولسون بوکیم وجهنده نور و نار
اولور پیدا * نه کل اولسون بوکیم برکندن آنک خار اولور پیدا * نه
انساندر که خاک پاکدن تخمیر اولمشکن * وجودندن نیچه پاک و نیچه
مردار اولور پیدا * نه سردر معدن اقرار روز عهد کن آدم * که انده
اشبو عالمده نیچه انکار اولور پیدا * هزار آواز ایکن هرجانی بوکلشن
حسنک * هزاران زاغ زشت آواز و برکردار اولور پیدا * نظر قیل عالم
اسمایه حتی چشم عبرتله * مسمادن نیچه یار و نیچه اغیار اولور پیدا *

چون برآرد بر پیرداو بخود *

بی تکلف بی صغیر نیک و بد *

* تکلف * برنسنه نیک رنج و کلفتن چکیمک و کندی نفسندن برنسنه
کوستر مک که حقیقتده وجودی اولیه * صغیر * علق دیدکلری آوازدر
تفصیلی مرور ایتمشد (معنای بیت) بودر که چونکه مرغ پروبال
کنوره و قنادی بتوره کندی کنبدیه بی تکلف و بی صغیر نیک و بد اوچر
و جو هوایه طوغری قنات آچر یعنی ایودن و کدن کدنک بطریق التحریک
والتشبه آواز و اوچور مسنه محتاج اولماز بوندن فهم اولور که مرغک
بال و پری برخوش ثابت اولماز دن مقدم پروازی ناقص و بانهکلف و بد
النبات کامل و بی تعللدر پس بونده اشارت وارد که ایل انسانی اوچور مقدن
بالفعل کندی اوچق یکدر زیرا ایل اوچور مسنه سنده تکلف وارد
اول سبیدنکه جائدر که اوچور یلن کسنه ده اوچق صنعتی یا بالکلیه
نابود و یا خود ناقص اوله نیکم مشهوردر که شیخک برینه سؤل ایدوب
خلق عالم سزی اوچر دبرل واقعیدر دیدکلرنده اول دخی بز اوچرز
ولکن صوفیلری اوچور دیو جواب و برمشدر پس غیرک اوچور مسندن
اوچق توهم ایتیمک کردر زیرا بقینا اوچدیغن بیلور کن

یقینی و همه استبدال ایتش اولور الحاصل غیرک و همی کنبدینک یقینه
اختلال کتور مک غلبه و همدندر و هم ایسه باطل و فاسددر و بونده
نیک ایله صالحه و بد ایله فاسقه رمز وارد و بوندن هر بری شریعت
و حقیقتده صالح و فاسق اولق محتملدر شریعتده صالح امثال
اوامر و فاسق ارتکاب مناهی ایدندر و حقیقتده صالح احکام
شریعتدن ماعداد آداب طریقتی دخی داعی و فاسق ابدن خارج
وسیء المساعیدر پس بوندن اخذ اولور که انسانک اگر ایو سی
واکر کی غیرک احوال باطنه سنه واقف دکلدر مکر تعریف حقله
اوله و یا خود شواهد ایله بیله انکیچون حدیثده کلور (هل شققت قلبه)
و کشی کنبدینک حقیقتده عارف اولیان کسه نک سوزنه قولاق
طوتمق جهلدر مکر قولاق طوتمسی بحسب الظاهر و لاجل المصلحه
اوله بوسیدندر که اهل الله الهام آتیهیدن غیره موافقت کوستر منزل
و خلقک نیک و بدنی کنبدیلرینه دوست طوتمزل و کسبه ارتباط ایتزل
مکر نصیحت و وصیت طریقتده اوله نیکم قرآنده کلور (وتواصوا بالحق
وتواصوا بالصبر) و بونده اهل دعوی و ریاک حالنه تلویح وارد
زیرا انلرک حالی حقیقت دکل بلکه تکلف و تصنع مقوله سیدر انکیچون
غیرک اوچور مسنه دخی اوچغه قادر اولمازلر را اوچق حق
تعالینک اول صفتی خلق ایتسیله اولور نیکم مخلوق عیسی علیه السلام
اولان خفاشده طیران خلق ایلدی * پس حق تعالینک بومساعده
سی ارباب تحقیقه کوره در اهل تقلیده کوره دکل مکر که مکر و استدراج
طریقتده اوله کوساله سامری ده خوار حاصل اولدیغی کبی نیکم
تنزیله کلور (فاخرج لهم عجلا جسدا له خوار) و دیوان مولانا جامی
ده کلور * بلاف ناخلفان زمانه غره مشو * هر و چوسا امری ازره
بیانک کوساله (لحرره) اوچغه بال و پر کرک کرده * بال و پر اولسه
قالور برده * ال ایله قوش اوچور مغسه بکرز * ایل سوزی پرده
اولسون مرده * بعد ذل اوچق ایکی وجهله در بری مرغ کبی طیران
حسی در که انسان خارق عاده طریقتده درو بری دخی طیران
معدنیدر که حسیض جسدن اوج روحه پرواز و اوج روحدن
دخی عالم غیب مطلقه پروازه آغازه در بو طیران اولکیدن افضلدر

زیرا اولی ریاضت دایر بر منادر که صالح و فاسق و مؤمن و کافر
میانده مشترکدر * اما عالم اسرار و صالحن غیر یسی دخول ایدہ من *
* دیور نطق تو خاموش میکند *
* کوش مارا گفت تو هوش میکند *

* دیو * شیطان عالیہ مایستی در بعض علما قائمده دیوان دیو کج میدر
کتاب طائفہ سنہ دیوان دیدیلر زیر امور جلیبہ و خفیه و
واقفلر در صکرہ مکان جلوسلری کندی اسماریلہ تسمیہ اولندی
وقیل غیر ذلک کما سبق * نطق * صوت و حر و فله تکلم در کہ انکله
معانی معروف و معلوم اولور پس نطق انسانہ اختصاصی
وارددر غیرہ اطلاق تبعیتله در نتم تفصیلی مرور ایشدر بوندن
اخذ اولور کہ بیتده اولان خطاب وزیر معهودہ در اللہ تعالیٰ بہ
دکل (معنای بیت) بودر کہ ای وزیر فصاحت اثر و بلاغت کسرتسک
نطق و تکلمک حقانیت و زیادہ تأثیر و هیبتدن شیطان
ساکت و اسم ایلر و اغوا و غیری طریقیلہ اندہ نطقہ مجال
قومر سنک گفت سخنک بزم قولاً غزلی عقل ایلر یعنی القاء سمع
ابتدو کمز سیدن قوت عقلیہ مزئی زیادہ ایلر و یا خود
حس اذنی مرتبہ سندن قوت عقلیہ مرتبہ سنہ ترقی بہ باعث اولور
زیرا اگر چه اللہ تعالیٰ حواسک هربری ایچون بر خاصہ خلق
ایشدر * مثلاً قولاق ایچون اشتک و کوز ایچون کورمک و قوۃ
عقلیہ بی ادراک معانی ایچون خلق ابتدیی کبی ولکن حس سمعہ
قوت عقلیہ خلق ایشکے قادر در اگر چه بحسب الظاهر حکمتہ مخالفدر
زیرا اجزیه مختلفہ اعمال مختلفہ ناظر اولدیغی کبی ادراکات جزئیہ دخی
حواس مختلفہ دایر در * و جائزدر کہ قولاق اشتک صفتده غالب
و کلام مخاطبی اصغاسی راجع و ادراکی قوی اولغله عقل مرتبہ سنہ
تنزیل اولنه نتمک مبالغاندہ نظائری چوقدر * انامن اهووی
ومن اهووی انا * کبی کہ مقصود کمال ارتباط و اتحادی بیانده
مبالغہ در نتمک موسی علیہ السلام کلام حق جمیع اجزاء وجودیلہ
ادراک ایلدی کویا کہ جمیع اجزاسی سمع و عقل اولدی * بونده دیولہ

نفس مرتبہ سنہ اشارت وارددر زیرانفس و شیطانک حقیقلری بر در
اطوار و تعینات حسیلہ مختلف اولوب بعض خواصلہ بری برلندن
ممتاز اولمشلر در * ونفس و شیطانک خاموش و اخرس اولدقلری
قلبک قوت فیض و روحک کمال معرفتنددر زیر اهر دلدہ کہ
فیض آلهی غالب و هر جانده کہ نور معرفت شعلہ دار اولہ نفسک
اندن الی کسلور و شیطان دخی القاء و سوسہ ایلہ نطقہ مجال بولہ من
زیرا بیلور کہ قائده سی یوقدر محکیدر کہ شیخ ابوسید الخراز قدس
سرہ ابلیسی رؤیادہ کوروب عصائک ضرب ایتک ایستدکده شیطان
دیدیکہ یا اباسعید بن عصادن خوف ایتیم ولکن سماء قلب عارفدن
طلوع ایدن شعاع شمس معرفتدن خوف ایدہ رم * بونده معرفتی
قلبه نسبت ایلدی اگر چه کہ فی الحقیقہ روحک صفتدر زیر قلب
روحک تنزلا تندر پس (الولد سرایہ) خواصی اوزره روحک
صفتی قلبک صفتیدر ولکن روحک معرفتی قلبدہ ظاہر اولق
جهالت نفسی ازالہ دن صکرہ در زیر جهالت نفس زائل
اولوب مقام قلبہ ترقی حاصل اولد فیه انوار معرفت طلوع
ایتمز زیر انفسده کندی مقامندہ واقف اولد فیه اسباب مظلمہ غالبدر
* کوش ماہوشست چون کویاتوی *

* خشک ما بحرست چون دریاتوی *

* توی * بالادہ شرح اولمشدر (معنای بیت) بودر کہ بزم قولاً غمز عقل
محضدر چون سوبلیجی سنسن یعنی غیرک کلامندن عقل و علم زیادہ
اولماز مکر سنک کلامکدن اولہ نتمک حضرت عیسی علیہ السلامہ
سؤال ایدوب یاروح اللہ کیمکله مجالسہ وصحبت ایدہ لم دید کلرندہ
(من بزیدی علمکم منطقہ و یدکرکم اللہ و برغبکم فی الآخرة علمہ) دیو
جواب و بردی بزم قرامز در یادرجو نکسہ دریاسنسن یعنی متکلمک
کلامی حکمت محضہ اولیجق مستمعک حس سمعی دخی عقل قدسی
مرتبہ سن بو اورومر یدک شیخی معرفتله دریا اولیجق مرید دخی دریا
اولور الحاصل برکسہ هر چند کہ ادراکده قاصراولہ ادراک کامل اهلنہ
مقارنتله مدرک اولور و کذلک برسالک نقدر فرق اہلی اولسہ مر شدک
جمعیتدن اکادخی حالت حاصل اولور یا بالفعل و یا خود بحسب المال پس

بونده یا تنزیل و یا تحقیق اعتبار اولور تنزیل بحسب الحال در مبتدی به کوره و تحقیق بحسب المال در منتهی به کوره زیرا ما لده تحقیق اهلی منتهی و منتهی تحقیق اهلی اولور بونده قوت عقلیه و قوت کشفیه مرتبه لینه کوره اشارت وارد که بری قلبك ظاهر نك صفتی و بری دخی باطنك حالبدر و عاقل عقلی ابله حیواناتدن متمسک اولدیغی کبی مکاشف دخی کشفی ابله عقلادن مستشار در زیرا کشف عقلك فوقنده در و هر کشف اهلی کشف و عقلك مجموعی جامع در اگر چه که کشف یا ننده عقله اعتبار یوقدر بلکه حدس و تجربه و امثالی وارد بونده کویادر یا اولمغی مخاطب اولان وزیره نسبت ایتدیلر زیرا آنک غیری بحسب الزعم ناقصدر که نطقی سبب ترقی دکل و جمعیت خاطری دخی قلیلدیر پس ناقص العقل و قلیل الجمیه اولان کسیه مقارنت ایتک نقصان عقل و قلت جمعیتند و بونده کشفی عقل و شهودی غایت اوزرینه ترتیب ایلدی وضع آلهی اوزره نتکم قرآنده کلور (والذین جاهدوا فینا انهدینهم سبلنا) وینه موضع آخرده کلور (لا یستوی منهم من انفق من قبل الفتح وقاتل) پس غیبت حائنه عقل ابله ممارسه و شرعیه مجاهده لازمدر که (وأتوا البیوت من ابوابها) فحواسی اوزره نور کشف و شهود ظاهر و سر حقیقت باهر اوله نتکم دفعاتله مظاننده اشارت اولمشدر و محمدیه ده کلور * شرعیه کوره بولور کیشی حقیقتده طریق * نسأل الله الفیض والعطا * بحرمة من لیس له خطا *

باتوما را خاک بهستر از فلک

ای سماء از تو منور تا سماء

* فلک شرح اولمشدر * سماء * کتاب وزنی اوزره ایکی نجم منیردر که برینه اعزل دیرلر عین مهمله و زاء معجه ابله و برینه دخی راح دیرلر و ایکسینه سماء کین دخی دیرلر قال فی القاموس الاعزل احد السماء کین لانه لا سلاح معه کا کان مع الرايح * سماء * حوتدر عجم ماهی و ترک بالقی دیر یقال سماء ای رفعه بونده وجه تسمیه ظاهر اولدی زیرا حوت زمینی ارقاسی اوزرینه رفع ایشدر (معنای بیت) بودر که سنک معیت و صحبت کله خاک زه فلکدن بکرت و عالم سفلی عالم علویدن افضلدر زیرا دیشدر که شرف المکان بالمکین چونکه انسان علم و معرفت ابله ملکدن افضل اوله لاجرم مسکنی دخی هر نقدر صورت سفلیه ده ایسه صورت علویه ده اولان مساکن

ملانکه دن افضل و اعلا اولور ای نور آلهی که سماء دید کلری منیر یلدرلر سندن منوردر عالم سماء کله مقصود عالم علویدن عالم سفلی به دک جمله یونورایت سندن مأخوذدر زیرا جمله نیرات انوار نور انسان کاملدن اخذ ایشدر در که اول فی الحقیقه حقیقت محمدیه در زیرا حدیث طویلده کلور (والشمس والقمر والکواکب من نوری) وینه حدیثده کلور (انا من الله والمؤمنون من فیض نوری) پس افضل اولان اهل ایمان نورنی نور حقیقت محمدیه دن استفاده ایدیجک مفضول اولان سائر کائنات دخی اندن استثنایه ایشدر وینه حدیث قدسیده کلور (اولا که لما خلقت الافلاك) زیرا مقصود حقیقت محمدیه نك وجود کائناته هم علت غاییه اولدیغن بیان وهم جمله ممکنات آنک خیرمایه سندن مأخوذ و وجود پذیر اولدیغن عیاندر بو مقامده بویله دیمک دخی ممکندر که ای نور آلهی که ارض و سماء و جوهر و اسما و طاعات و عبادات و معارف و علومك آثار ابله منوردر زیرا ارضده اولدیغک حسبیه ارض سندن منور و ارضدن نور طاعت و عبادتک سماء عروج ایتسی سببیه سماء دخی سندن مضیادر پس بو معنایه نوردن مراد نور معنوی اولور بونده اشارت وارد که ارض سماء افضلدر یعنی سر سمایی اشتمالله بله مقر انسان کاملدر و انسان کامل روح و جسدن عبارتدر که روحی سماء و جسدی ارضه ناظردر و روحك کمال اطرافت و تمام صفوت و مزید نورانیتی جسدده ساری اولوب جسد دخی عین روح اولش و روحك نورانیت بولمشدر انکی چون روحه تغیر و زوال و فنا کلمدیکی کبی جسد کامله دخی معنای مذکور عارض اولماز بلکه الی یوم الحشر هیئت دنیویه سی اوزرینه باقی اولور الحاصل بالکثر ارض من حیث هی سماء افضل دکلدر و كذلك بالکثر سماء من حیث هی ارض افضل دکلدر بلکه ارض سر سمایی اشتمالله من حیث المجموع بالکثر سماء افضلدر و سماءك صورت علوی روحك صورت علونه اشارت در نتکم ارضك صورت تسفلی جسدك صورت تسفلیه دلالتدر پس ارض صورت سفلیه عین علوی و سماء صورت علویه عین سفلی اولمشدر بو سببندر که انسان کامله جسدله و انسلاخله سماء عروج حاصل اولمشدر عروج ایسه یار دبان و یابی زردبان حاصل اولور پس ایکی صورته بله عروجك سهواشته و محل عروجك

تسخیر نه دلالت واردر و بومعنايه سماك وسمك دالدرز برا سمك ميمك
سكونيله رفعدر و سماكين قلب و روحه و سمك طبيعته اشارتدريز برا عالم
طبيعتك بقاسي آبله در سمكك آبله اولديغي كبي و قلب و روح نور آلهي
آبله منور اولدقده عالم طبيعت دخی منور اولور نتكم قرآنده كلور
(و اشرفت الارض بنور ربها) (لحرره) چكسه تحصیل
علم ایچون دل امك * غرق دریای نور اولور چوسمك *
نه سمك بلکه تیرمزلانی * اولدی ممکن سماکه ایرك ورمك *

* بی تو مارا بر فلاك تار يكیست *

* باتوايمه اين فلاك باری يكیست *

* تاریکی * آخرنده یا مصدریه در پس تاریك قره کو و تاریکی قره کولقدر
اصلنده تاریکی است در تخفیف ایچون همزه مفتوحه بایه قلب اولمشدر
* باری * مقام تمثیده استعمال اولنور باری شویله و باری بویله اولسه
دیرل و وحدت ایچونده كلور بر کره معنا سنه بوراده مراد معنای
اولدر * کیست * کسرله که است در که استفهام در همزه بایه قلب اولنوب
هائ رسمی کتابدن حذف اولمشدر (معنای بیت) بودر که سنسنز بزه
فلاك اوزرینده قره کولق واردر یعنی اگر سنسنز مقر ملائکه و مدار
هیاكل علویه اولان فلكه عروج ایلسك ینه بی نور و فرقا لورز و نور ایچنده
ظلمت بولورز زیرا اجرام نیره نك انوار صوریه سنه اعتبار یوقدر
انکیچون ابلیس شعاع شمس معرفندن فرار ایدرتا که محترق اولیه فاما
نار و نور صوریدن بی پروادر پس معتبر اولان نور معرفندر نور صورت
دكل سنكله ای ماه معنوی بو فلاك باری کیمدر یعنی بز سنك صحبت و مقارنتکله
اولدیغمرز حالده فلكه كك دیمرز و بزم بانزده پست پایه اولور
کرکسه بز صورتا اسفل سافلینده اولالم زیرا مقصود علو معنویدر که
سنكله حاصلدر علو صوری دکلدر که افلاكك مشتمل اولدیغی هیاكل
علویه در که زخل و مشتری و مریخ و شمس و زهره و عطارد و قمر
وسائر نجومدر الحاصل فلكه اجرام نیره اولسه بی روح اولان جسم
مظلم کبی فالور و اولدیغی صورته دخی عالم صورته دائر اولغله ینه ظلمانی
کبیدر پس انك فی الحقیقه روحی انسان کامل در که نور الهی آبله
منوردر و انسان هر کالده اصلدر بناء علی ذلک فرعك اصلی یاننده چندان

رغبتی یوقدر بوندن فهم اولند یکه حقیقت محمدیه جمیع اشیانك اصلیدر و اول
حقیقتك صورت شخصیه سی کرچه جله دن متأخر در فاما صورت نوعیده سی
جمله دن متقدمدر و بلکه جله دیمك اندن عبارتدر نتكم محیی البشر لاجل التبشیر
نام رسا مزده تحقیق اولمشدر و نام احدك تقدم واسم محمدك تأخری دخی
انده بلمشدر (لحرره) جسم افلاك کرچه اقدم در * روح انسان
ولی مقدمدر * روح عالمدر آدم کامل * جسم اول روحله مکر مدر *

* صورت رفعت بود افلاك را *

* معنی رفعت روان پاک را *

* رفعت * رفع وضعك ضدیدر معلوم اولكه حضیض ارضدن اوج فلاك
قره دك بشیوز یلاق مسافه در مشرق و مغرب اراسی کبی و فلاك قرك
غاطی دخی اولقدر مسافه در و سائر افلاك و میانلری دخی بو کایاس
اولنه فاما عرشه منتهی اولدقده انك عظم و ارتفاعی الله تعالی یلور
اگرچه که جسم اولدیغی جهندن محدود و منتهیدر لیله معراجده فخر
عالم صلی الله علیه وسلم طرفه العینده عالم ترکیبک نهایتیه ایرمش و ذروه
عرشه قدم سیر ایر کور مشدر (لحرره) سبك سیر اولسه اول کیجه
احمد * نیجه وضع قدم ایلردی عرشه * نظر قلدی جهات سته اول شب * علم
دکدی ذرای عرش و فرشه * روان پاک روان روح انسانیدر پاک اولدیغی
فی الحقیقه علائق بشریه دن تجریدر اگرچه که جسمده مقارنتله آرایش
قبول ایتمشدر لطائف بعض طرفادندر که مجرد پاکبسن دیوسه و آل
ایتدکلرنده مجردن اما پاک دکلوز دیوجواب ویرر یعنی صورت مجرد
فی الحقیقه عدم علاقه بی مستلزم دکلدر بلکه نیجه قلندر واردر که
آلایشدن عبارتدر (معنای بیت) بودر که افلاك ایچون صورت رفعت
و روح مجرد ایچون معنی رفعت اولور یعنی افلا کده اولان رفعت و علو
رفعت صوریه و علو ظاهری و روح پاکده اولان ایسه معنوی و باطنیدر
و معنی یاننده صورت پست پایه در زیرا مقصود بالذات دکلدر بلکه
مراتب و اطواره اشارت ایچون وضع اولمشدر نتكم قرآنده کور
(رفیع الدرجات) یعنی عقل اولدن انسان کامل مرتبه سنه کلنجه
درجات اکهییه و مراتب رجائیه در که اسماء و صفات اکهییه نك تجلیسی
آبله تعین بولمشدر و بونك مجموعی یکر می سکرز در جه در که حروف

تهجی انک مقابلہ سہندہ در اولی مبداء الخارج اولان ہمزہ و آخری
منہی الخارج اولان و اودر زبرا و اوحروف شفویہ نک ال آخریدر
و مرتبہ انسان درجات مذکورہ نک جملہ سہنی مشتملدر پس اگر عالم
ارواح حقائقی و اگر عالم طبیعتک نتایجی و اگر عالم عناصرک فوائدی
و اگر عالم موابدک آثاریدر جملہ سی انسانہ مندرجدر زبرا روح انسان
بوعالم ناسوتہ ہبوط ایدر کن ذکر اولنان درجاتہ مرور اینمش و ہر
بریک حقیقتی ایلہ متلبس و حکمی ایلہ منصب اولوب عالم شہودہ کلشددر
اگرچہ عالم فناہ کورہ (ان اللہ یا مریکم ان تؤدوا الامانات الی اہلہا)
و فقبحہ جملہ دن تجرد و تعری ایلشددر زبرا سر انسان سر حقدور و سر
حقک فی الحقیقہ اشباہہ تلبسی بوقدر اگرچہ کہ صفات و اسمائک ظہوراتی
مراتب وضع اولمشدر تنکم مرور ایلدی انکیچون سر پائی بنہ سر
پاک مس ایدر غیری دکل فاعرف جدا چونکہ سر انسان سر حقدور
عبارتدر سر حق ایسہ جمیع اسرارک مبدائیدر پس سموات و ارضک
اسراری سر انسان بانندہ پست و لیحق کندیلری نیجہ اولق کر کدور و سموات
و ارضہ جمیع اشیا داخلدر بعض مواضعہ افلاک تخصیص اولنق
نتکم کلور (اولاک لما خلقت الافلاک) معظم اجساد اولدیغنددر و روح
انسانہ علو حقیقی اولغہ وجود بشریدہ دخی مرتبہ سی فوق
القلب اعتبار اولمشدر انکیچون انسانک نصف اولیکہ عالیدر سما
و نصف ثانیسیکہ سافلدر ارضہ اشارتدر زبرا نصف اولی قلب و روحی
مشتملدر اگرچہ کہ روحک فی الحقیقہ محل مخصوصی یوق و محاط
اولقدن دخی مبرادر بلکہ جسدہ تعلق و ارتباطی وارددر تدبیر و تصرف
جہتہلہ و نصف ثانیسی طبیعت و نفسی مشتملدر پس نصف ثانی
امور خسیسہ و احوال ذنیہ محلی اولغہ استیجا و امثالندہ دست راستی
استعمال ایتک منہیدر حتی بعض کبار اولیا یمینی سرہدن آشغہ تنزیل
ایتماشدر در ابتدا لدن صیانت ایچون و روح انسانینک مرتبہ آفاقہ
کورہ اولان علوی دخی بوکا قیاس اولنہ زبرا اگرچہ حکماء عرشک
ماوراسی عالم لاخلا و لاملا دیشدر فاما اہل اللہ عالم ارواح اعتبار
ایدر پس عالم ارواح عالم ملا اولمش اولور و روحک فوقیتدن تحسیری
لازم کلزبرا فوقیت علوی بیانددر تنکم قرآنہ کلور (و هو القاهر فوق

عبادہ) یعنی حق تعالینک فوقیت ایلہ اتصافدن جہت ایلہ اتصافی
لازم کلز جاریہ سودایہ ابن اللہ دیوسوال اولندقدہ جانب سماہ اشارت
ایتدیکی دخی سر منورہ دائرہ انکیچون ابانہ حکم اولدی اگرچہ کہ
عند الفقہاء بومقولہ اشارتدن کفرک لزومی مصرح در فاین ہذا من ذلک
فاعرف تیج من المہالک و علم و معرفت روح اوصافدن اولغہ علماء و عرفاء
مجالسدہ تصدیراوانہ کلشددر (لحررہ) معرفت اولیادی آدمہ *
صدر اولور میدی مجلسی آنک * ملی اشو جہانندہ قطرہ ایلہ * بر میدر
مرتبہ سی دریانک * اولدی آدم فرشتگانہ امام * اثر ظاہر اولدی عرفانک *

✽ صورت رفعت برای جسمہا ست ✽

✽ جسمہا در پیش معنی اسمہا ست ✽

* اسم * معنا اوزرینہ بالوضع دان اولان لفظدر مسمی ایسہ موضوع لہ
اولان معنادر تسمیہ ایسہ لفظی معنی ایچون وضع و بایعنی اوزرینہ
اطلاقدر و عند الصوفیہ المحققین اسم الشیء ما یعرف بہ در پس
اسماء اللہ شمول صور نوعیہ دیرلر کہ خصائص و ہویاتی ایلہ صفات
و ذات حق اوزرینہ و وجہ و دلیہ وجودی اوزرینہ و تعینی ایلہ وحدتی
اوزرینہ دلالت ایلہ زبرا بونلر حقک ظواہریدر حق انلرلہ بلنور پس
فی الحقیقہ اسم مسمانک تعینیدر بوسیدن اسم و مسمی امر واحددر کہ
ایکسیدہ حقیقتدر فاما اولکہ اسانہ مطلقدر مجازدر زبرا مجرد اول
معنای معینہ دلالت و انتقال ایچون وضع و اطلاق اولنور پس تقدیر اسماء
لفظیہ وار ایسہ عند الصوفیہ مجازدر حقیقت دیدکری اول اسماء
لفظیہ نک مدلولات معینہ سیدر کہ اسانہ کلز و عبارتہ صغیر و اکامسمی
دیدکری کی اسم دخی دیرلر زبرا اسماء اللہ اوزرینہ دائرہ صفات الہیہ
ایلہ ظاہردر عالم حقیقتدہ ایسہ مجاز اولماز بلکہ مجاز اولق بوعالم صورتدن
ناشیدر و بوعالم مجاز دیک عالم حقیقتہ محل جواز و عبور اولغہ در تنکم شیخ
مغربی قدس سرہ کلماتدہ کلور * بکاشود بحقیقت عیان جہال حیب *
اگر مظہر و آیینہ مجز نباشد * (معنای یت) بودر کہ رفعت صوریہ
جسماندر دن او توریدر بوخسہ روحاندر دن او توری دکلدر زبرا ارواحہ
بالا و پست برابردر انکیچون رسول اللہ صلی اللہ علیہ وسلم جسد ایلہ
معراجلری مجرد تشریف ایچوندروالا فراشا لندہ دخی اول معنائک

ظهوری و ارادی و تحت الحافده ایکن جبرائیل علیه السلام وارد اولور
و انسلخ حصوله کلوردی جسملرایسه معنی اوکنده و یانده مجرد
اسمدر پس اسمادن مقصود اصلی مسمیات اولدیغی کبی اجسامدن
دخی مراد اولی معنای روحانیه و تجلیات آلهیه در بونده اشارت واردر که
علوم رسمیه و اکا دال اولان حروف لفظیه قشور مقوله سیدر که اجسام
ارواحی مشتمل اولدیغی کبی قشور دخی البابی متضمن اولمشدر پس
علوم اگر کلمات اسمیه و اگر مداولات لفظیه سیدر حقایق لاییه به کوره
قشور مقوله سیدر که مقصود بالذات دکلدر بومندان او توری دیمشدر که
جسته اولان نعمتلك دنیا ده اسمی واردر فقط بو خود معلومدر که
ظواهر دنیا و بوطن عقبی کبیدر پس احوال اخرویه احوال دنیویه به کوره
اسمندن مسمی کبی اولیجی اذواق روحانیه و علوم حقیقیه دخی علوم
رسمیه به کوره بوبلدر (لحرره) اولمه مغرور مجرد آده * عساک دادنی
هله داده * ذوق دل غالب ایسه جانکنده * لذت جسمه اولمه دلداده *

کفت جتهای خود کوته کنید *

پندرا در جان و در دل ره کنید *

* حجت * دلیل و برهاندر انسان آنکه خصمه غایب اولغله حجت دینلدی قال
فی ناج المصادر الحج بحجت بر کسی غلبه کردن * کونه * هاء ملفوظه ایله
کوتاهدن تخفیف اولمشد قصه دیمکدر که مقابلی درازدر که جسم
متمدر عریده اکا طویل و ترکیده اوزون دیرلر حجتک قصه اولدیغی
مجازدر زیرا انده جسمده کی کبی امتداد و غیر امتداد متصور دکلدر مکر
بحسب الرسم اوراق والواحی بوزندن ممتد و غیر ممتد اوله و حجتک کوتهلکی
طیندن کنایه در حجت کتور مکملکی بالکلیه ترک ایدیکوز دیمکدر نتمک فهمیم
نظمنده کلور * صباحه قالمه شمع یوسف آسا اولمه دامن زن * نرم انکشمزدن
دسترای ماه کوتهدر * یعنی زده پرمق قالمش بلکه بالکلیه طوغرا نمشدر
دیمکدر و قلت ایله عدمدن دخی تعبیر اولور (فایلا ماتشکرون) کبی
زیرا مقصود عدم شکری بیاندر (معنای بیت) بودر که وزیرمه هود
تکرار جواب و ربوب دیدیکه ای نصاری طائفه سی و ملت عیسی فرقه سی
کندی ادله و براهینکزی قصه ایدیکوز و بزم خصوصم زده بی فائده اطناب
کلام اتمکوز بلکه بومقوله قبل و قالی و معارضه صورتنده اولان مقالی

قالدیر کز بنم نصیحتمی جان و دلکزدده یول ایدیکوز یعنی بنم سز
ایتدیکم و ایده حکم پند و نصیحته یولور یکز و اورتادن موانع و قیودی
قالدیر یکز تا که جان و دلکزه و اصل اوله و نفوذ بوله و آنکه عمل ایدوب
مقالات یهوده دن خلاص او او کز و نجاتکزی بنم نصیحتم ایله عملده بو او کز
بوندن فهم اولندیکه طائفه مذکوره نك مدعائنه ابراز حجت و دلیل
واظهار سند و برهان ایتدکاری وزیرك کلامنی عدم فهمدن ناشی اوله
والاقیل و قال قیوسی مسدود اولق کرک ایدی بوندن نصارنك اعتراضلری
وزیره خصوص مزبورده عدم تسلیملری ظاهر در زراحت عندالمعارضه
اظهار اولور مکر صورت حجت و معارضیه محمول اوله نتمک اثناء تقریرده
اشارت اولندی و بونده عقل معاشك قوای جزئییه به نصیحتنی بیان
واردر جان و دل دیدیکي قبول نصحه استحکامه کوره والا نلرك باشقه
جان و دلی اولماز مکر مخاطبه حسیله اعتبار اوانه نتمک خطاب ایدوب
شاعر دیر * لاخیل عندک تهیدیهها و لامال * و بونده مرشدک مریده خطابه
مجامله سنی اشعار واردر زیرا جاعل اولان کسه بحکم الجهل مقتضای
مقام اولان مقامه رعایت ایده من عاقل ایسه حکیم اولدیغی جهتدن
قبول وردی حکمت اوزرینه بناید و معامله ده خصوصاً الفاظه
مجامله و لطف بوانه کیدر تا که تنضیر قلوب ایتیه زیرا هر مریدك اوضاع
خلاله طاقتی یوقدر بلکه تغیر حالته سبب اولور و بونده تنبیه واردر که
پند قلبه داخل اولدقچه اثری ظاهر اولماز و فائده سی حصوله کلز بلکه راقم
علی الماء حکایه سی اولور و بومندان قوت یالکر متکلمک دکلدر بلکه مخاطبدن
دخی انجذاب و استماع کر کدر نتمک متقدمیندن شیخی نظمنده کلور *

* کرا مینم متهم نبود امین *

* کر بکویم آسمان را من زمین *

* متهم * هانك کسر یله در قحیله دکل نتمک عوام ناس غلط ایدوب قحیله
تلفظ ایدرلر اصلی بودر که افتعال یابی غالباً مطاوعت ایچوندن مطاوعت
ایچون کلمات ایسه لوازم مقوله سیدر لوازم دن اسم فاعل کلور اسم مفعول
کلز نحو غمته فاغتم ای حدثت فیه الغم فاغتم وانغم و انهمته ای اخذته مکانا
لوهی فانهم و معنی الاتهام جعل شخص موضع التهمة والظن لشیء

وفي تاج المصادر الاتهام کسی را بچیزی تهمت کردن و التهمة بالضم وفتح
الهاء لا بسكونها فانها من الاغلاط ووهم بهم اذا ذهب قلبه الى شيء
وفي القاموس اتهمه بكذا ادخل عليه التهمة كهمزة اي ما يأتهم عليه فاتهم
هو فهو متهم (معناي بيت) بودر که اگر میانکرده قولاً وفعلاً امین وصادق
ایسم امین اولان متهم اولماز یعنی کسی که اتی تهمتله من والا خائن وکاذب
اولمق لازم کلور نتکم بوستانده کلور * امین ویداندیش طشتند و مور * نشاید
برورخته کردن بروز * اگر بن آسمانه زمین دیم یعنی امین اودر که آسمانه زمین
دیسه جهت علو و سفلی الیه بوقدر تباینلری واریکنینه کا اعتقاد کر کدر
نتکم بعض شخص معتقد فیہ ایچون دیرلر که بن آنک کفرینه ایمان کتوردم
یعنی آنک منکری بنم یا نمده معروف مقوله سیدر زیر حکمت و مصلحتندن خالی
دکدر و حکمتی خفی ایسه ده عبثه جل ایتک جاعل صفتیدر (لمحرره)
* بصیرت کشاده اولنجه کشی * کورر مصلحت لاجرم هر ایشی *
بونده اشارت وارد که عقل امور معاشده معتددر زیرا تدبیری مقتضای
مشرب طبیعت اوزره در اهل دنیا بری برلری اراستنده تدبیرلرنده معتد
اولدفلری کبی واکن عقل قدسی وروح سلطانی باندده معتد دکدر
بلکه جمیع تدبیراتی خیانت مقوله سیدر زیرا سلوکده ترقیه مانع
ورهنذر و عقل عقابجه اعلایه اسفل دیر و کندی قواسنی کشدینه ایناندر
پس انلردخی کوز کوره صفت علوله متصف اولان معنایه سافلدر دیرلر
زیرا شواهدی کاینخی مشاهدهن محبوبلردر فالما بوسوزا کر فی الحقیقه
امین اولاندن صادر اولسه معتددر زیرا آسماندن مراد روح و زمیندن
مقصود جسددر و روح بعدالبرکبه جسد صورتنه و جسد دخی روح
صورتنه کبر اهل جنک اجسادی کبی و اطائف بعض شعرا دندر که
دیشدر * قندیلرله زین دکدر منارهلر * سن شاهی سیره بیره اینوبدر
ستارهلر * فاعرف جدا و روحک جسده نزولی تنزل حکمه دائر اولمق دخی
محمملدر زیرا حکم جواره آنده دخی هیئات مظلمه و امور سالفه ظهور
ایدر پس بونده نصاراک وزیر اوزرینه ایراد حجت ایتلری تنزلرینه
باعث اولدیغن ایما و اشارت وارد بناء علی هذا سلاک حقه کر کدر که
عیوب نفسه ناظر اولوب کشدن تزکیه ایتیه زیرا تزکیه و تبحر دعوی
مقوله سیدر و دعوی مذموم در وگاه اولور که عدم دعوی ادعا ایتک دخی

دعویدن عد او انور مثلاً بر کیمسه هله بن دعوی اهلندن دکلم دیمک
عین دعوا در که فتناء نامی منافیدر پس اهل فتنه دعوی ونه عدم
دعوی متصور دکدر فاعرف جدا

کر کالم با کال انکار چیست
ورنیم این زجت و آزار چیست

* کال * نقصانک مقابایدر قال فی المفرات کال الشیء حصول مافیه
الغرض منه فاذا قبل کمال فعناه حصل ما هو الغرض منه وفي شرح المنار
لابن الملك الفرق بین الخیر والکمال ان الخیر حصول الشیء لما من شأنه
ان یکون حاصله ای یناسبه و یلیق وهذا الحاصل المناسب من حیث انه
خارج من القوة الى الفعل کمال و من حیث انه مؤثر ای مختار خیر انتهى
بوراده کال الیه مراد کاملدر پس کامله کال اطلاقنده مبالغه وارد در عادله
عدل اطلاقنده اولدیغی کبی و جائزدر که اهل کالم باهل کال انکار چیست
تقدیرنده اوله و علی التقدیر بن ضرورت وزندن خالی دکدر * چیست *
اصلنده چه است در صکره همزه نک ماقبلی مکسور اولمغله یابه قلب
اولمشدر زجت وزحام غلبه لقدر یقال زاحه ای ضایقه پس انسانی
بر خصوصده تضییق ایتک آزاردن خالی اولما مغله آزاری زجت اوزره
عطف ایلدی (معناي بیت) بودر که اگر بن کال و اهل کال ایسم
اهل کاله انکارندر زیرا آنک جمیع اقوال و افعالی مقتضای حکمت و عین
مصلحتدر اهل نقصان ایسه عبثندن خالی دکدر و اگر اهل کال دکل
ایسم بکا بو تضییق و بی حرمتک و بی احتیاق ندر یعنی بنی کندی حاله
قیو یوب سزدخی کندی حالکزه مشغول اولوکز زیرا بو صورتده
بندن سزه فائده یوقدر (لمحرره) * چونکه وارد کشینک نقصانی *
* یکدر آکلیه آدوصانی * ناقصی کامل اعتقاد ایتک * اولدی خلق ایچره
برقوری صانی * بونده انکارله اقراره اشارت وارد زیرا اقرار اهل عشقک
و انکار اهل زهدک صفتیدر و رمز وارد که اهل کال درخت میوه دار
مثال اولمغله طاش آله کلشدر نتکم میوه دار اولیان بی آزاردر که کیمسه اکا
طاش آتوب انجتمز بو سبیدندر که وسوسه دن شکایت اولندقدده سارق
متاع اولان خانیه کبرور دیو جواب ویر مشلدر یعنی بریت دلدله که متاع
آمان و اعتقاد اولسه شیطان اکا مقارنت ایتز زیرا سرقیه صالح نسنه بو در

و تالیف و اردر که سالک سلو کننده منتهی اولمد قبحه مر شده اعتراض
و انکار دن خالی اولماز و بعض خواطرفا سده دن قور تلز اگر چه که
اول معنی اکا رهن و سده راهدر زیر شرائط سلو کدن بری دخی
ترك اعتراضدر پس کر کدر که تسلیم و اتقیاد کمال اوزرینه اوله تاکه
فائده سلو ک ظهور و وجوده کله

من نخواهم شد ازین خلوت برون *

زانکه مشغولم باحوال درون *

* خلوت * جاوونک مقابلدر بوراده مراد خلوتگاه در (معنای بیت)
بودر که بن بو خلوت نگاهدن طشیره اولیسرم یعنی سزک سوز کرله بورادن
طشیره چقمق احتمال یوقدر اول سیدنکه احوال درونه مشغولم احوال
درونه مشغول اولان کیمیه نك ایسه احوال برون ایله ایشی یوقدر
زیرا ایکی ضد بریده اولماز و انسان قبل حصول المقصود خلوتله الفت
و اختلاط فائده سن بولماز بونده اشارت واردر که وزیر مزبورک
احوال درونه اشتغالی تکمیل نقصان ایچون دکل ایدی زیرا کندی زعمی
و خلقک اعتقادی اوزره دخی کامل و مکمل ایدی بلکه ارباب نهایت
و کمال خلوت مع اللهی قیلندن ایدی نتکم رسول الله صلی الله علیه
وسلم عشر اخیرده اعتکاف ایدوب حالا سر مبارک لایحه مقابل و محازی
اولان اسطوانه فاضله اوکنده احتیاج ایدر دی شویله که سنه وفاتده
احتیاطا یکر می کون اعتکاف ایتدیلر و بو حالده فائده لری موافق آلهیه
ایدی نتکم بیورر (ایت عندر بی بطعنی و بسقینی) ای تجلیاته و فیوضه
ولذا کان لا یحتاج الی طعام و شراب ایما الی ان ینسلخ عن تلك الحالة
و یقال له الطی و صوم الوصال وهو مشروع للامة ایضا و انتهى عنه
للشفقة و الترفیه من قدر علیه فلا میل باللام الیه بونده تنبیه واردر که
خلوتدن مقصود اولان معنی حصوله کلدیکه اولور اولماز بهانه
وامر عارض ایله خلوت بیرون اولمق یوقدر نتکم امام ابو یوسف
رحمة الله علیه مجلس علمی تركدن احترازا اوغلینک جنازه سینه
حاضر اولدی پس شهود و حضور اهلی اولملردخی دکه ضرورتله
خلقک حی و مینه قارشمزل ضرورت قویه اولان مواضعده بعض
اعضائه رمز و اشارت ایدرلر و یابورق پاره اوزرینه تحریر ایدوب

سؤاله جواب و بررل و تأدیه مرام ایلرلر و بونده ایما واردر که انسان
کارنده قاطع کر کدر وزیر مزبور قطع ایتدیکی کی پس بر خصوصده
آخری اطماع ایدوب مذنب البقومق نفاق صفتیدر مکر که مصلحتی
متضمن وفائده بی مشتمل اوله و بونده خلوت حث و تحریض ایتک دخی واردر
کویا دیمک استرکه سزک قیل و قال کزدن خلوتده سکوت افضل و اکا
القاء سمع ایتکدن ایسه توجه حقه اشتغال ایتک اولی در پس سزک دخی
عقل کاملکر اولسه خلقدن تخلی و انقطاع ایدر دیکز و بنم کی راه خلوتده
سلو ک ایدوب کیدر دیکز معلوم اوله که خلوت فنایه و جلوت بقایه
ناظر در پس جلوت جیم ایله بحسب المال خلوتدن اتمدر زیر جلوت
اهلی هر لحظه علم بالله ده استزاده اوزرینه در خلوت اهلی ایسه کثرت
مشهوده حقدن حاجیدر دیوانفراد بالحق ایچون خلوتده محصور
اولملردر مع هذا ترك ایتدکلی ذوات اشیادر صوری دکل زیر
صور آینه قلبه منعکس اولمقدن خالی دکلدر پس سالکه لازمدر که
سعی ایدوب خلوت و جلوت حسیله سر فنا و بقائه شرفیاب اوله
وسر مذکور دادر در دیمشدر که بر کیمسه جلوتیه دن اولوب
جیم ایله صکره خلوتیه به منضم اولسه عند الرجوع تعزیر لازم کلور
زیرا فاضلی قویوب مفضوله تمسک ایتش اولور حنفی تشفع ایتسه
تعزیر لازم کلدیک کی و معنای مذکوره دلالت ایدر شول حدیث
شریف که کلور (نحن الاخرون السابقون) طریقت جلوتیه ایسه
جیم ایله جمله طرقدن متأخردر پس انده ختمیت سری واردر و آخرینی
سابقینی منافی دکلدر نتکم دیمشدر * ع * مبتداء کا، اولور مؤخر اولور

جمله گفتند ای وزیر انکار نیست *

گفت ما چون گفتن اغیار نیست *

* گفتن * سو یلکدر ظاهر اولان گفته ایدی مکر گفت مصدر مناسبه
اخذ اولنه * اغیار * غیرک جمیدر ولیکن جمعینه اعتبار اولنما یوب یار مقابله
سند استعمال اولور بوراده اغیاردن مراد منکر در که انکار قرینه سببه
(معنای بیت) بودر که جمله نصاری یعنی ارازلندن مقتدا و رئیس اولان
امیران و مریدان دیدیلر که ای وزیر بی نظیر بزم سنی و سنک احوال کی بوجه
من الوجوه انکار من یوقدر بزم سوزیم اغیار و منکر دیمه سی کی دکلدر

اگر چه که ظاهر کلامدن انکار معامله سی فهم اولور یعنی شوق
وسوزدن خبر نه دایر کلمات و عشق و شور شدن حالتی متعلق مقالات در
سکر اهلنک حالتی ایسه اعتبار بوقدر والا هیچ اولامیکه مرید مر شده
اعتراض ایلیه و صوفی شیخه انکاره دایره سوز سوبلیه زیر انکار
واعتراض اینسه رتبه ارادندن ساقط و کولدن مر دود و عند
ارباب الحال مسخوط اولور و ارباب احوالک برینک قلبندن ساقط
اولسه ایدی کیم سنک قلبنده جای قبول بولماز و انلر که مر دودی قبول
ایتمشدر ردی تربیه محمول قلمشدر و الا رد حقیقی ده اصلا قبول
و عفو و صفح بوقدر بونده (ولا ترفعوا اصواتکم فوق صوت النبی)
مقاله شریفه سنک سر نه اشارت واردر زیرا جهرا یتک اعتراضی
ایهام ایتدیکی کبی اعتراض صورتنده اولان کلام دخی جهردن خالی
دکدر پس شول ارباب ارادتکه (اذا نطقوا نطقوا بالله و اذا سکتوا
سکتوا بالله) رتبه سنه و اصل اولما مشلدر در انلر لازم اولان مراعات
ادب ایدوب سکوت ایتکدر (لا تسئلوا عن اشیاء) دیوسؤالدن دخی نهی
اولمشدر و مجلس نبوته اکثار کلام ایتک منافی ادب و محل هیبت
اولمغله (اذا ناجیتم الرسول فقدموا بین یدی نجوبکم صدقه) موجب
بطریق التزکیه تقدیم صدقه ایله مأمور اولمشدر دی صکره ضعف
حالی رینه بناء منسوخ اولدی و مجلس ولایت دخی بوکا قیاس اولانه
الحاصل اکثار کلام ده سقط و قوعندن ماعداده ماده مسئله نک جوابی
ظهور ایتدکده تکالیف باندن اولدیغی صورتده بلکه امثالده
تقصیر واقع اوله نیکم بعضیلری حج خصوصنده هر تنه می فرض در
بارسول الله صلی الله وسلم دیو تکرار سؤال ایتدکلرنده فخر عالم صلی الله
علیه وسلم بیوردیلر که اگر نعم دیدم هر سنه فرض اولور دی زیرا
لسان رسول لسان حقدر بونده ایسه امته مشقت واردر پس امت
اولانه کردر که شاعری کندی حالتی قویله و حضورنده اکثار
سؤال و تطویل کلام ایتیلر و یتیم علی چلی نظمنده کلور
* طمطراق محاسن الفاظ * ویرر انسانه چوق شرف حقا * قدر
حاجتیه سوبلیوبده سکوت * ایلک عاقلانه در اما *

اشک دیده ست از فراق توروان
آه آه است از میان جان روان

* دیده ست * اصلنده دیده است در وصل و در جی اعلام ایچون خطا
همزه حذف اولمشدر ولکن امور واجبه دن دکدر انکیچون آه است ده
مثبتدر * روان * صفة مشبهه دریلکن معنای روان جاری معنای در
ولکن جان قربنده ذکر لطیف دو شمشدر زیر روانک بر معنای
دخی روح انسانیدر نیکم جان روح حیوانیدر (معنای بیت) بودر که
کوزیا شیدر سنک فراقکدن یلکن اولان و مکرر آه در جان اور تاسندن
جاری و صادر اولان یعنی سنک فراقک سببیه کوزلیمز یاش دو کوب اغلار
ودلریمز دخی آه اتشی طفلار پس بزم یاشمز دیده ده ظهور ایتک مرتبه
سندن تجاوز ایدوب یوزیمز اوزرینه جو کبی جاری اولور که
کوز یاشنده اکمل ولان مرتبه در و آهمن مجرد آه انساننی دکل بلکه
تا بور کدن اولان آه در که حسرت و درد تو جعی مشتمل وسوز و حرارت
جگری متضمندر اشکله آهی جمع ایلدی زیرا بحسب الغالب خارجده
بری برینی مستلزم مدر یعنی کریان اولان بی آه و پر آه اولان بی اشک
اولماز و کوز یاشی که عرب دمع دبر معده دن تولد ایدر که معده دمع
مقلوبیدر نیکم شرع عرشندن تنزل ایدر که بونلر دخی بر برلرینک
مقلوبیدر بوندن فهم اولنور که جگری و یو کری یاغلو اولان کسه دن
دمع آرزو قع اولور زیرا شحم اکا مانعدر و امام شافعی رجه الله دن
مر ویدر که بیور مشدر (ما الفح سمین قط الان یکون محمد بن الحسن)
وجهی سؤال اولند قده دیمشدر که عاقل اولان ایکی حالتک برندن
خالی دکدر یا آخرت و معاد ایچون غمناک اولور و یا دنیا و معاش ایچون
قساوت چکرهم و غم ایله نه ایسه شحم منفعد اولماز پس بو ایکی معنائک
برندن خالی اولسه حدیها نمده داخل اولور که شحم عقد ایدر انکیچون
مشهور در دیمشدر * جهنمه آدم اولان بی غم اولماز * انکیچون بی غم
اولان آدم اولماز * بو سیدندر که عاشقک دیده لری دایما اشک فشاندر
زیرا غم عشقه لحم و شحم لری ایش و حکم بلا ثله وجود لری بلی
قبول ایدوب چوریمشدر پس انلر ایچون کریان اولمغه حائل قالما مشدر
(لحرره) قالما مشکن وجود دن ارم * ندن اغلر عجب ایدیه لرم * ابر غم

عارض السوء یاش دو کر * تازه لندون دونه جگرم * و بونندن عقل معاش
اهلنک غم دنیا له فر یاد کنان واشک ریزان اولد قلن اشعار واردر واکن
بواشک و آه و سوز غرض و نفس و طبیعت دانه اولمغه مقبول و مؤثر دکلدر
مقبول و مؤثر اولان عشاق حقندن صادر و واقع اولاندر زیرا انلرک
هر حالی درد حقنک اثریدر پس برکسه بی بر خصوص ایچون حبس زندان
استدکلر نده شب و روز کریان و آه کنان اولسه بنه خصمنده اثری ظاهر دکلدر
زیرا انک آه و سوزی درد حبس و وجع زجرک اثریدر (لحرره) قطره به
صایحه ند کلود و کله کوزیاشی * کوزیاشیکم اوله ریزان غرضندن ناشی *

* طفل بادایه نه استیزد و ایک *

* کرید او کر چه نه بد داند نه نیک *

* استیزد * اصلنده بی همزه در که ستیزد در همزه و ز نیچون افعال و اسما
اولنله داخل اولور ستیزیدن لفظندن مأخوذ در جدل ایتمک معنایه
(معنای بیت) بودر که طفل رضیع دایه سی ایله جنک و جدل ایتمز
ولکن همان شویله اغلازیه بدیلور و نه ایوپس انک بو مقوله کریان
اولسه سی جدله محمول اولمدیغی کی بزم حالز دخی سنکله بویله در
بناء علی هذا بزدن صادر اولان بدلت قصده مقارن دکلدر بلکه
شورش حال و سوزش بالک حکم و مقتضا سیدر و دیمشدر که
دیوانه راقم نیست بونده (ربنا لا تؤاخذنا ان نسینا او اخطانا)
سرنه اشارت واردر و بودعاء رسول الله صلی الله علیه وسلم خواص
ادعیه سننددر که سارا نیبادن برینه و برلمشدر و بونده قیل و قال
مذکور و مذبور لک بدایت حالرنده واقع اولمغه عفو جریعه به توسل
واردر انکیچون کنیدلرن طفله و وزیر دایه به تشبیه ایتدیلر زبرا
حضانه دایه ده طفل نیچه ایسه هجرتیه وزیرده انلر دخی بویله در
و طفل جاهلدر که نیک و بد بلزارزل عمره باغ اولنلر کی نتکم قرآنده کلور
(لکبلا بعلم من بعد علم شیئا) وینه بر موضعه کلور (اخرجکم من بطون
امها تکم لا تعلمون شیئا) زیرا هر نسنه نیک که بدایت و نهایتی اوله
البته نهایتی بدایت مطابقی اوللو و آخری اولنه موافق کلودر فاعرف جدا

* ماچو چنکیم و تو زخه میکنی *

* زاری از مانی تو زاری میکنی *

* چنک * جیم فارسینک قنجه به هر نوع مشهور سازدر ناقدیر لر
زخه زاوخوا معجین ایله ساز زخه سی که مغیلا انکله چاغو و ساز
چلار لر سکافه دخی دیرلر سین مهمله نیک قنجه و کتاب مجدیه ده کلور
ظاهرا و بردی ذکر قدوسی * باطننا فکر و زخه نغمات * زخه نغماتندن
مراد محرک نغمات خارجیه در که عشق و شوق و سوز در * زاری *
ایکلدی (معنای بیت) بودر که بز شول چنک دیدکلری ساز کیوز
وسن اول سازه زخه اور و تحریک ایدوب آواز ساز اولور سن پس ساز
وجود ده زاری بزدن دکلدر بلکه حقیقتده سن زاریلق ایدر سن
الحاصل بزم ایکلدر همزه سن سبب اولمغه اکلین همان سنسن بزدکلور
بلکه بزایکلدی آلت ایز پس بو معناده هوبت سنک و تشخص بز مدر
بونده اشارت واردر که جمیع ذی روحده اولان حیات و جهله
نباتات و جماداته ظهوره کلن حرکات بر محرکه مستند و بر روحک
تجلیسنه منوطدر حتی افلاک دارات و انده هر کوز اولان هیاکل
علویه مدوراتک دخی مدبوات و محرکاتی واردر زیرا هر روحانی ایچون
بر هیکل و هر هیکل ایچون دخی بر فلک واردر و بر روحانی بی اول هیکل
مخصوصه نسبت ایتمک روحی جسده نسبت کییدر که انکله هیکل و جسده
قوام واردر پس جمیع اشیا اسم مخصوصه مستنددر که اول اسم فی الحقیقه
اسماء الهیه دندر * بناء علی هذا اول نسنه نیک ظهوری و حرکتی اول
اسمک و ساططیه الله تعالی به راجعدر انکیچون موجوداته حیاتندن خالی
نسنه بو قدر زیراحی اولان اللهک اثری دخی حیدر کرک اول حیاتندن
جلی اولسون و کرک خنی اولسون والابی روح جسد و اثر اولمق لازم
کلور و اسم حیه انتساب باطل اولور پس بی روح جسد اولمدیغی کی
بی محرک دخی ساز و آواز اولماز و بونده توحید افعاله رمز واردر زیرا توحید
افعالک حکمی افعال واقعیه بی حقه نسبت ایتمکدر تحر یکی محرکه
نسبت کی ولیکن نسبت مذکوره دن عیدی سببانه مؤاخذه اتمک
لازم کلر زیرا مؤاخذه دخی مقتضای شان ذاتی سیدر و بو مقامک
اسرارند ندر که دیمشدر * سبحان من اظهرنا سوته * سرسنا لاهوته
الشاغب * ثم بدانی خلقه ظاهرا * فی صورة الاکل والشارب * و بو مقام
محبوبه کوره مزالقی اقدامندرو الله الهادی (لحرره) کیکه قالدی

حقه حق و حید * حق استادن ایلدی تو حید *

* ما چو ناییم و نوادر ما ز تست *

* ما چو کو هم و صدا در ماز تست *

* نوا * علم موسیقیدن بر مقامک آیدر و چالچیلر سازی صکره مطلق مقام و آوازه استعمال اولندی تنکم بلبل خوشنوادیرل خوش مقام و خوش نغمه و خوش معناسنه * صدا * جبل ده مصوت اوزرینه منعکس اولان آواز که ترکیده یا نغو دیرل مارده الجبل علی المصوت فیه معناسنه اختریده مدله و قصره دیمش فاما فاهوسده تعرض یوقدر (معنای بیت) بودر که بز شول نای دیدگری قاش کیوز و زده اولان مقام و نغمه و آواز سندندر زیر اسن نفخ ایتسک زدن آواز ظاهر اولماز دی پس ظاهرا بزم آوازیمش فی الحقیقه سنک آواز کدر و بزاور تاده آلت و بهانه یوز و اطائف مولانا جامی دندر که کلور * منع سماع و نغمه نی میکنند فقیه * بیچاره پی نبرد بسر نفخت فیه * بز شول طاغ کیوز و زده منعکس اولان صدا سندندر و اول صدانک سری سنسن یعنی طاغک یا نغو سی طاغده مصوت اولان کسه دن اولدیغی کبی بزم صبت و صدامن دخی سندندر بر وجهله که اگر سندن آواز اولسه زدن دخی صدا اولماز دی پس زده اولان صدایینه سنک لسانکندر و بزاول صدانک ظهور و تجلیسنه مظهر و مجلا یوز بناء علی هذا اول صدایی بزه نسبت ایدن بو معنایه نسبت ایدر غیر دی کل بونده دخی تو حید افعاله تنبیه و فتایه رمز وار درو لکن بو معنایی اولا چنک و ثابا و ثالسا کوه ایله تمثیل و تخیل و تصویر ایلدی ترقی طریقیله زیرا چنک دستله ضرب اولندیغی جتهدن انده قبضه قدرته اشارت وار در تنکم قرآنده کلور (خلقت ییدی) ونای اغزایله نفخ اولندیغی سیدن (ونفخت فیه من روحی) سر نه دلالت ایدر و کوه ایله (والی الجبال کیف نصبت) نکته سنه رمز وار در زیر امنتهی حالنه دأردر که مبلغ رجاله بالغ اولوب ثبات و تمکیندن صکره اعتبار اولور بو رتبه ده اولنلرک افعال و اقوال ایسه بالکلیه حقه مستنددر الحاصل نای و کوه نوا و صدا ده بی اختیار در پس نوا و صدایری سبب محرکه مضافدر انکیچون محمدیده کلور * انا الحقده هو الحق سری لحاظ * انا الحق محو اولوب حق ایده لحاظ * مقصود بودر که انا الحق دیه نک هویتی

ملحوظ و معتبر اولسه که اول قول بدیع فی الحقیقه اول هویتک آثارندندر هو الحق سری ظهور ایدوب انا الحق دیهکله هو الحق دیه نک میاننده فرق قالماز زهی عرفان فرق ایدن ایسه مقاله هائله بی تشخصه نسبت ایدوب مضطرب اولور پس انبیا و اولیایه واقع اولان جفا و اذاریک جمله سی خلقتک جهل و جهلندندر اگر عارف و مکاشف اولسه سکوت ایدرلر و توحید آتشنده یانوب دوترلر دی شویله که بردخی انلردن جرح و طعنه متعلق آواز کلز دی (لحرره) * بلبلر بوسر اعلائی * قالدیلمر جهل ایچنده اغلائی * و بونده صدائله وجود ظلی به اشارت واردر تنکم شیخ عراقی نظمیده کلور * عالم صدای نغمه اوست * که شنید این چنین صدای دراز * پس صدای نغمه وجود کونیدر که وجود حقیقتینک ظلی درو صدای دراز (الم تر الی ربک کیف مد الظل) سر نه رمز در و قرآنده (کتاب مسطور) دن دخی مراد کتاب وجود در فافهم جدا کن عارف بالله ایدا

* ما چو شطر نجیم اندر بردومات *

* بردومات ماز تست ای خوش صفات *

* شطر نج * شین مجه نک کسر یله لغبت هندیه معروفه در وسین مهمله دخی اغتدر و بوشینی مفتوح او قومه غی غلاط عوامدندر زیر اسم اعجمی تعریب اولندقدده وزنا و صفة نظارینه رد اولور لغت عربیه ده ایسه فعلل یوقدر فتحله بلکه فعلل واردر کسرله حرد حل کبی ابل ضخم معناسنه اصلنده صدرنج و صدر نکدر واضعنه صصه بن داهر دیرلر که هند اهلندندر بلهیت و یاشهرام نام هند پادشاهیچون تصنیف ایتسدر تنکم عجمده ارد شیر بن بابک نام پادشاه ایچون زد تألیف اولمشدر پس واضع شطر نج مجلاج اولوق صحیح دکلدر بلکه مجلاج اول اعبد غایتده ماهر اولنلردن بر مشهور کیمسه در و شطر نج شین مجه ایله اولدیغی صورتنده مشاطره دن وسین مهمله ایله اولدیغی حالتده تسطیردن مشتق اولوق تنکیم حریری ذاهب اولمشدر بعیددر زیر الفاظ عجمیه ده اشتقاق معتبر دکلدر کرک معرب اولسون و کرک اولسون بلکه غیر معرب اولدیغی صورتنده اشتقاقی اول اسان اوزرینه دأردر بردومات غالب و مغلوب اولوق که شطر نج اهلی اصطلاحاتندندر (معنای بیت) بودر که بز شول شطر نج کیوز غالب

و مغلوب اولمده بزم غالب و مغلوب اولد یغزای خوش صفات
و پسندیده سیرت و شاه مشرب سندن در بونده دخی فایه تنیه واردر
ولکن اسماء حسنی ایله انصاف حسیه نیکم حدیده کلور
(تخلفوا باخلاق الله) شطرنج ایله تمثیل اولمشدر زیرا شطرنج صدرنک
اولد یغی کبی اسماء حسنی دخی صد اسمدر که هر برنده تجلی مخصوص
حسبیه برحالت واردر و بو اسماده اولان تقابل حسیه مظاهرده دخی
گاه غالبیت و گاه مغلوبیت ظهور ایدر اگرچه که اسم اعظم جمیع حالده
غالبدر نیکم خواجه حافظ دیوانده کلور * اسم اعظم بکنند کار
خود ای دل خوش باش * که به تلبیس و حیل دیو سلیمان نشود *
و خوش صفات دیدی زیرا لطف و قهر دن هر قنغسی اظهار ایدر سه
اسرار دن اولنر یاننده خوشدر زیرا قهرک ضمنده دخی لطف واردر
نیکم قرآنده کلور (وعسی ان تکرهوا شیاء و هو خیر لکم) پس برنسنه نک
طبعاً و عقلاً مکروه و شر و قهر اولد یغی کشفاً و حقیقه محبوب و خیر
و لطف اولماسن منافی دکلدر و بونده (بل نقذف بالحق علی الباطل
فیدمغه فاذا هو زاهق) سرنه رمن واردر زیرا حق تهالی به برحاله
لعب و لهو و متصور دکلدر بلکه آنک شان عالیسی تجلی حسیه قذف
مذکوردر پس چن قهاریتی ایله تجلی ایلمسه عالم آفاق و انفس فنا بولوب
امر الهی خلق اوزرینه غالب و خلق مغلوب اولور نیکم قرآنده کلور
(لن الملائک الیوم لله الواحد القهار) وینه کلور (قل اروح من امر ربی)
یعنی عالم امر دن اولان روح علونک انواری ظهور ایتدکده
عالم خلق دن اولان نفسک ظلماتی منکشف و هیئات ردیه سی مضمحل اولور
بو صورتده روح غالب و نفس مغلوب اولور * و شطرنج ایله تمثیلده
برنکنه دخی بودر که لعب شطرنج مشارکت ایله وجوده کلور
و وجودده کرچه بحسب الظاهر شرکت واردر ممکن و واجب اریلق
حسبیه ولیکن فی الحقیقه امر واحددر پس طالب و مطلوب حق
اولد یغی کبی غالب و مغلوب دخی فی الحقیقه اودر و وجود امکانی نک
شرکتی موهوم و متخیلدر نیکم مرارا تحقیق اولمشدر و کلمات هدایی
قدس سرده ده کلور * بقدر سک عالمه براوز که اسلوب * کیمی طالب
اولوبدر کیمی مطلوب * یعنی عالم مظهر اسماء آلهیه اولیحق عالم یوزدن

اولان طابیت و مطاویبت اسمایه مضاف در و سائر قهر و انقهار
و جبر و انجبار و انکسار و امشالی دخی بوبله در * فافهم عن الله تفن بما
تهواه و تنبه بهذا التنبيه * فان الامر دار علی التنزیه و التشییه *
* ما که باشیم ای تو ما را جان جان *
* تا که ما باشیم با تو در میان *
* که * اولکی استفهام و ایکنجسی رابطدر و مصراع اول ثانی به متعلق
و مرهوندر * جان جان * قوام روح و باسر روح دیمکدر و اظهر اولان
محبوب جان معنا سنه محمول اولمقدر پس جانان دیمک اولور
(معنای بیت) بودر که بزرگم اولالم ای که سن بزه قوام جان و باسر جان
و با محبوب جان سن تا که اور تاده سنکله اولالم و آدمز یاد اولوب سنکله
مشارکت بولالم یعنی وجود حقیقی یاننده وجود ظلی معدوم و موهومدر
و افعال و صفات و ذات خلقیه افعال و صفات و ذات حقیقه ده فنا بولمش
و انکله قائم اولمشدر پس وجود مابه القیامکدر بو خسه قائم دکلدر
زیرا قائمده مابه القیام اولسه قائم اولماز نیکم برورق اوزرینه صور
مختلفه تصویر و ترسیم اولنسه اول صورت قیامی اول ورق ایله درو صورت
ظاهرده کرچه صورتک وجود مستقلی واردر ولیکن فی الحقیقه وجود
مخیلدر انکیچون اول ورق تقطیع اولنسه اول صور مختلفه زائل اولور
پس عارف مشاهد صورت خیالییه نظر ایتمز بلکه تقطیع حالنده اولان
صور عدمیه بی ملا حظه ایدر بو سبب دن حال تقطیع و غیر تقطیع
آنک یاننده برابر اولور و بو معنایه وحدت وجود دیرلر و میان ایله خط
متوهمه اشارت واردر یعنی دائرة امکان ایله دائرة وجوب اراسنده اولان
وجود فی نفس الامر وجود موهومدر که اضافت کونیه در نیکم شیخ
افتاده قدس سره کلماتده کلور * اهل عرفان دیدیلر سن چقمینجه آره دن *
بیلیم سن کیمدر رکند یی پنهان ایلین * بوراده ارادن لفظندن فهم
اولنور که طرفین حقیقت الهیه و حقیقت انسانییه و میانه نسبت کونیه نک
عدمندن وجود کونی دخی معدوم اولیق لازم کلور فاعرف و بو مقامک
حقاً نقندندر که بو ستاندن کداز آده ایله پادشاه زاده حکایه سنده کلور
کرم جرم بینی مکن عیب من * تویی سر بر آورده از جیب من * پس
عاشقک یقاسندن باش کوسترن فی الحقیقه معشوق اولیحق معشوق عاشقک

جرمنه نیجه نظر ایدر که عاشق معدوم در بوسیدن که مولانا حاضر تلمی
بیورر * جله معشوقست و عاشق پرده * یعنی عاشق وجه مجازیسی
معشوق وجه حقیقی سنه پرده اولمشدر اگر چه که حقیقته آینه در
و آینه سرصوت مجلی اولماز (لحیره) * رخ عاشق مثال آینه در * ایلراند
تجلی پرتویار * باردن غیری نوار عالمده * کورمن اغیار مکرکیم اغیار *

﴿ ماعدمهایم وهستیهای ما ﴾

﴿ تو وجود مطلق فانی نما ﴾

* وهستیای ما * مالفظی اوزرینه معطوف در تقدیری ماعدمهایم
بیم وهستیهای مانیز عدمست دیمکدر (معنای بیت) بودر که
بزوجود امکانی ایله ممکن و حقیقت امکانیه ایله متحقق اولدیغمن جهتدن
عدملز و اول حقیقت امکانیه اوزرینه وارد اولان وجودات ظاهره
من دخی عدمدر زرا عدم اوزرینه مبنی اولان دخی عدمدر تنکیم
قرآنده کلور (کل شیء هالک الا وجهه) زیرا وجود امکانی عدم
حکمنده در کرک حالابالعمل معدوم اولسون و کرک مآلده معدوم اولسون
تنکیم دیرل العارض کالعدم یعنی عارضه و وجودی فی الحقیقه
معدومدر اگر چه ظاهرده وجود و بریلوب حیرز والده اولغله معدومه
تشبیه اولنورسن ایسه وجودسک مطلق که فی الحقیقه بقا و قدمک واردر
ولکن ظاهرده فانی نماسن زیرا لباس قتاله بورنمش و صورت فانی
بشریده کورنمش سندر فاما بویه اولمقدن وجود مطلقه فناکلن
و وجود مطلق ایله موجود اولان فانی اولماز بلکه فانی اولان وجود
مقید در که وجود حائدر تنکیم زنجیر صوده حادث اولد قده بحسب
الظاهر نکی تغییر ایدر فاما صوزنجفرله انصباعی حائده ینه اولکی صودر
وزنجفرور نکنه اعتبار یوقدر بونده وجود مطلقدن مراد طائفه
وجودیه نک ذاهب اولد قری وجود عام دکلدیر تا که موجود اتک
هر برینه نکریم دیمک لازم کله بلکه اطلاق ذاتی حقیقی ایله جمیع
تعیینات سلبیه و ایجابیه دن مطلق دیمکدر که بونک مقابلی اطلاق اضافی
نسبی وهیمدر * پس اطلاق اول وجود حق اوزرینه مطلقدر اینکجی
دکل تنکیم وحده لاشریک له ده اولان وحدت کثرت مقابله سنده اولان
وحدت مخلوقه دکلدیر بلکه کثرت مخلوقه نک مبدی اولان نفی شرکت

مقابله سنده اولان وحدتدر * علماء رسوم معنایی فهم ایده مدکرندن
علماء حقیقی اطلاق لفظنده تخطئه ایدرل قیاس ایدرل که اندن مراد
وجود عامده اولان اطلاق اوله و قرآنده کلور (فسبح باسم ربك العظيم)
یعنی معنایی نقایص امکانیه و کمالات انسانییه دن تنزیه ایدیکز زرا
کمالات انسانییه دخی عبدک حصر و تقید و تعینی حسیله منحصردر
حقده ایسه اطلاق ذاتی واردر پس کالاتی دخی اکاکوره در اگر چه که
تنزیه اسم باطنک نتیجه سی و تشبیه اسم ظاهرک ثمره سیدر و وحدت
وجوده قائل اولمقد مکاشف یوقدر * پس کتاب مواقفده و غیریده
وحدت وجوده قائل اولان صوفیه محققین حقنده تخطئه خطاء محضدر
خصوصا که بعض طوائف نصاری سلکنده منسلک قلمشدر فاماتو حید
حقیقی اهلی نصرانی اولماز بلکه نصرانی مؤمن کامله کافر دیندر
و بومقامک بعض تحقیقاتی بالاده کذر ایتشدر فارجمع الیه (سؤال
اولنورسه که بیت مشنودن فهم اولنور که صوفیه محققین طائفه وجودیه دن
اوله زرا فانی نما اولمقد مظهرده ظهور حسیله در و مولانا حاضر تلمی
کر چه غیرک کلامی ناقلدر و لکن عبارتی کنیدی ذوقنی اشعار ایدر (جواب
بودر که بزم کلامز ذات بارینک جل جلاله تنزه و استغنا سنده در فاما
اسما و صفاتک آثاری اشیا ده ظاهر در و مظاهرده تجلی آلهی اعتبار
اولمقد قجه دخی خلق ایله خالق اراسننده معرفت یوزندن ارتباط
حصوله کلن لازم اولان ایسه بوارتباطی بلکه در پس اسما و صفات جهتیله
ظهور آلهی اعتبار اولنورسه عالم معدوم اولمقد لازم کلور فافهم جدا
حتی تفرق بین المقامین مقام قوله تعالی (الله غنی عن العالمین)
و مقام قوله (الحمد لله رب العالمین) بوفیقرب بعض آلهیاتنده کلور * ملکه
یوقدر اغیار * نه وارسه اودرای یار * لیس فی الدار دیار * لاله الا الله
جهان ایچره هر موجود * بویوزه ایلر سجود * ندرو وحدت وجود
* لاله الا الله * شهد الله انه * لاله الا هو * فاعبدوه وحده * لاله الا الله *

﴿ ماهمه شیران ولی شیر علم ﴾

﴿ حمله شان از باد باشد دمدم ﴾

* علم * قحمتین ایله مطلق سنجه قدرلوا و خصوص اوزینه علم کبیردر که سلطان
یائنده نصب اولنور و انکله بله دور ایدر پس اواء بر اولور فقط و رایه

دید بکری اصحاب قتال ایچون اولان علم صغیر در که ذاتنده واوننده
 متعدد اولور ایض و اسود اولغله زیر غبار حائنه متلون زیاده روشند
 * و بعضی اواء و راه بر در دیشلدر و ابن اسحاقدن مرویدر که راه
 اطلاق اولنق خیر غزا سندن صکره حادث اولشدر و مفرداتده کلور که
 راه رؤیت ایچون منصوب اولان علامتدر و راه به اواء دید کاری
 رحله التوا سندن اوتوریدر * شیر علم * سنجقار باشند تصویر ایتد کاری
 ارسلان صورتی نتمک بواعصا رده افرنج سفینه لریک مؤخرنده
 و کنیسه لریک اوزرنده تصویر اوانور شیر پشمن بو کدن دوز دکری
 ارسلان صورتیدر نتمک مرور ایلدی (معنای بیت) بودر که بزجله من
 ارسلانلر و لکن سنجقار اوزرنده تصویر اوانان مصور ارسلانلر
 بو خسه اسد مفترس حقیقی و حکمی دکل شیران علمک جمله هجوملری ایسه
 نفس بنفس باددندر یعنی بل اسوب انلری سیر علمده تحریک ایتد که هجوم
 و حله ایدر کور بتور مع هذا کنیدی ذاتلر نده جماد اولدقلری جهندن
 بی اقتدارلدر پس باده داتر اولان طاحونهک حرکتی باده و آبله اولان
 آسیابک دوری آبه و سفینه نک جریانی باده باده باده امتلا سینه و شیر علمک حرکتی
 دخی بادهک تحریک کنه منوط اولد یخی کبی بزم دخی حرکت سکن نفسکدن
 و جنبشمن سنک تأثیر کندر و الا بزجاد ساکن و میت بی روح مرتبه
 سنده یوز که سنسز حرکت مجال و اقتدار یز یوقدر * بونده اشرت واردر که
 انسان بر شیر و حرارت دل ایله سویلن سوز اول شیرک حله سی کبیدر
 و لکن مریدک ذاتی ذات مر شده قنابولچق صفقی اولان کلام دخی
 فنا بولور پس اگر صورت حله سی و اگر غیر اوصافی حله سی مفودر
 * و دم بدم لفظنده (بل هم فی لبس من خلق جدید) سر نه رمز وارد
 * دیشلدر که وجودده رنسنده تکرر یوقدر صورده ظاهر اولان
 امثالده و هم تخیل ایدر که اول امثال ماضی نک عینی اوله و لکن اول
 صورده امثال دیمک و همه کوره در حقیقته کوره ایسه نه اعیانی و نه امثایدر
 زیرا امثال منقوله در که غیر معقوله در و وجودده مثل تقدیری اوزرنه
 من کل وجه مثلث یوقدر * و شیک مثلی عینی دکدر نتمک بر شجره دن
 هر سنه حاصل اولان برک و بار ماضی نک مثلیدر عینی دکدر بوندن
 حشر اجسادک حقیقی دخی منکشف اولدی ز بر اعنا صرده عینیت

صورت ثانیه ده عینی مستلزم دکدر * صورت ثانیه دن مراد بمن نشانه
 ثانیه ده اولان صورت جدیددر * و بونده (انی لا جد نفس الرحمن
 من قبل الین) سر نه تلویح واردر زیر اقلب رسول صلی الله علیه وسلم
 اول نفسی وجدان ابله متأسر و منفعل و جانب قدسه منجذب اولوب
 حیات نو و قوام تازه بوندی وجدان نفسه قار اولنلرک حالی دخی بوکا
 قیاس اوانه زیر احوالی اول سرا آلهی موجود در بمن موجود اولدیغی کبی
 فاعرف جدا و استنشاق من نسیم الرحمن * لعلک تحیی حیوة طيبة لیست
 حیوة الابدان (لحرره) بوله کور سر وجود مطلق * هر زمان بر تجلی ابلر حق *

حله شان پیدا و ناپیداست باد
 آنکه ناپیداست از وی کم مباد

* کم * کاف عجمینک ضعیله نابیدر و کاف عربینک قحیله اولاق دخی بهید
 دکدر ناقص معناسنه * مباد * نهی غائب در اولسون معناسنه ز بر باد بودن
 لفظندن صیغه امر در که اولسون دیمکدر اوزرنه میم زیاده اولنجیق
 نهی ایچون اولور (معنای بیت) بودر که ذکر اولسان شیران علمک حله
 و هجوملری پیدا و ظاهر و لکن انلری تحریک ایدن باد ناپیدادر که محسوس
 دکدر ارواح کبی الحاصل باده اثری ظاهر و کنیدی خفی در روحک
 جسده اثری کبی اولکه باد ناپیدادر اول شیر علمدن نابیدر اولسون
 ز بر ناپیدر اولد قدح حرکتدن قالور و درونی بوز یاور بونده روح الحیاتی
 باده و اجساد بی آدم رغیری بی شیر علمه تشبیه واردر پس شیران علمک
 حرکات و جنبشی بادهک تحریک کنه موقوف اولدیغی کبی ذی روحک
 حرکاتی دخی روح الحیاته منوط در روح الحیاته نک مابه القوامیدر اگر چه که
 باد کبی مرئی و محسوس دکدر زیر کمال اطافتی واردر و یتیه ایسه کشف
 وجود لازمدر انکیچون ملائک و جن محسوس دکدر ز بر بشره کوره
 لطافت جسمانیلری واردر یعنی بشرک جسم جسم کثیف و انلرک جسم
 لطیفدر پس کثیفک لطیفه رؤیتی تعلق ایتد مکر لطیف تکشف و یا کثیف
 لطیف ایدر تنکیم حق تعالی رؤیت بوقیلدندر ز بر ادنیاده عالم قلب و آخرتده
 عالم جسده کوره کشف یوقدر مکر اشرارک جسدرینه کوره اوله و بوسره
 ناظر اولوب قرآنده کلور (لاتدر که الابصار و هویدرک الابصار و هو
 اللطیف الخیر) بوندن معلوم اولور که مرئی اولیان ارواح مجرددر

یعنی اول ارواح عالیه در که انلرده کهنه جسد کثیف و نه جسد لطیف
وارد بلکه جسد دن مطلقا مجرد و عاریلر و عالم استغراقده حقه ناظر لر در
پس سائر ملائکه نك محسوس اولق شانلرندندر انکیچون رسول الله صلی الله
علیه وسلم ایله معراجده و جبل حراده جبرائیل علیه السلامی صورت
اصلیه سی اوزرینه کوردی و سائر اوفاتده تمثیل طریقیله کورلردی و افراد
امتدن دخی نیجه لر عالم مثالده کور مشلر در و خصوص اوزرینه جبرائیلی ابن
عباس و حضرت عایشه رضی الله عنهم حضور رسولده کور دیلر و لکن
جبرائیل اولدیغی بیلدیلمر صکره رسول الله اکابر ایله بیلدیلمر و بومقام اهلی
معانی متجسده بی دخی ادراک ایدر لر و بوفقیهه دخی بعض ارواحی رؤیت
واقع اولمشدر و بعضیلر نك دخی طواف ایدر کن باب که به یاننده حضور لر
اعلام اولندی و انلره سلام و برلدی ملائکه اربعه و خلفاء اربعه کبی و لکن
رؤیت و یا خود کلاملرینی سماع ایتک واقع اولدی فلله الحمد علی ذلک و بعض
کبار کلامنده کلور که الله تعالی ارواح نوریه و ناریه یعنی ملائکه و جنی خاق
ایتد کده ایکسینی دخی اعین ناسدن مستتر فیلمدی اگر چه که انلرک بمجالسه
حاضر اولور لر و حیث کانوا بله بولنور لر پس انلره اعین ناس اراستنده حجاب
مستور واردر بوسیدن ناس انلری کور من مکر انلر ایچون ظاهر اولق
دل دلکری و قتده کور لر و ملائکه یه جن دیدیلر استار لرندن اوتوری
و ابلیس ناردن ایکن آدم علیه السلامه سجده خصو صنده نوردن اولان
ملائکه یه ضم اولندی زیرا ناسدن استار و محافله حضور جهتیله ارا لنده جهت
جامعه و ارایدی یوخسه حقیقتده ملائکه دن دکل ایدی ذکر اولنان
معنا دن اوتوری که نور بت ملائکه نار بت جندرو بونده روحک بعض
اوصافنه اشارت واردر انکیچون دیمشدر که بی نشاندر ز بر محسوس
دکلدر نشانی واردر زیرا تشخص انساندن تعین و اثر کوستره شددر این
و آن دن فارغدر زیرا این و آن جهته اوارو روح ایه فی الحقیقه بی جهتدر
اما این و آنی واردر زیرا روحه جسم از دواج ایتکله کوزدن کورر
و قولقدن ایشیدر و لدن سویلر و علی هذا بونده تنبیه واردر که روح ناپیدانک
بر لحه جسد دن فیضی منقطع اولسه جسد خراب او اور سکون باده و قوف
شیر علم کبی پس بقاء عالم اول فیضک اتصا لته موقوفدر کرک مؤمن و کرک
کافر بوسیدندر که بعض رجال الله کافر ستانه دیده بان نصب اولمشدر

(لحرره) مرکز عالم اولوبدر آدم * عالم آدمه دور ایدر هر دم *
* باد ما و بود ما از داد تست *
* هستی ما جله از ایجاد تست *
* داد * عدلدر بوراده عطا و امداد معناسنه در (معنای بیت) بودر که
بز شیر علم صورتنده اولدیغمن حسبیله محرک اولان بادمن که روحدر ز بر
باد کبی منفوخدر و بوجودیمز سنک عطا و امداد کدندر زیرا اگر سنک
لحظه فلحظه وصول فیضک اولسه بونده بقاء وجود بولنمزدی پس اصل
وجود سنک رحمت امتنانیه کک اثری اولدیغی کبی حرکات و سکنات و سائر
لوازم وجود دخی انک اثریدر بناء علی هذا بزم جله و انلغمن سنک ایجاد کدندر
غیر نك اصلا صنعی بوقدر نه وجودده و نه وجودک توابعنده بونده
طائفه اهل اعتزالی رد واردر زیرا انلر کندیلمر ایچون خلافت اثبات ایدر لر
محکیدر که بر سنی بر معتزلی ایله مسئله قدرده مناظره ایلدی معتزلی قانقوب
اوراده برالما اغا جندن بر الماقه پردی و سنی یه خطاب ایدوباشته بن قوپردم
دیدی سنی دخی اگر فی الحقیقه سن قوپردک ایه المای اصلنه رد ایله دیدی
یعنی قوپردیغک محله وصل ایت دیوسو یلمدی اوراده معتزلی مقیم و منقطع
اولدی سر الزام بودر که ایجاد تعلیق ایدن قدرت ایکی ضده صالح
اولاودر پس اگر تفریق اجزاء عبدک کندی قدرتیله اولایدی و صلی
دخی کندی مقدوری اولوردی چونکه وصله قدرتی اولدی فصله دخی
قدرتی اولدیغی ظاهر اولدی و بوا یکی معنائک عدم حصولی عدم ایجادی
مستلزم در پس عبد فی الحقیقه نیجه فاعل و خالق اولور که ضعف و عجزله
متصفدر بونده باده روحه و بوده جسد اشارت واردر که ایکسی دخی
مخلوقدر و لکن روحده لطافت و جسدده کثافت واردر و جسد ریاضات
ایله تلطف ایدیمک صورت روحه داخل اولور انکیچون اول وقتده جسدده
دخی روح کبی حائل قائل و ایجاد و مقصود موجدک موجدده لقاسی و انکله
تجلی و ظهوریدر که عقل قاهر ایله فهمی مشکدر و بواقانک سری (و نفخت
فیه من روحی) قول شریفنده مندر جدر زیرا بونفختدن مراد منفوخ فیه باده
ظهوری کبی جسدده دخی روحک بروزیدر بوسیدندر که حی اولان متملیدر
منفوخ فیه کبی میت ایه روحک مفارقتیه ذبول قبول ایتشددر (لحرره)
آشنای بحر عرفان اولدر بکتا چقر * برلفظدن عارفیسک نیجه بیک معنی چقر

لذت هستی نمودی نیست را *

عاشق خود کرده بودی نیست را *

* لذت * ادراك ملائمه دیرلحاضه ذوق قاتنده طعم وحلاوت وبضر
بانده نور وامشالی کبی (معنای بیت) بودر که معدومه وجود لذتی
کوستردک وحلاوت تجلیدن اغزینه داد و ردك بناء علی هذا معدومی
کنند و که عاشق ایلش اولد وک یعنی معدومک حقیقت
امکانیه سینه وجودله تجلی ایلد کده امر وجود جهت جامع
وباعث ارتباط اولوب بوسیدن آتی کند که عاشق قلبدک زبرا تجلی
وجودله حقایق کونیه مقیم اولور وهر حقیقت موجوده وجود حقیقی به
آینه اولغله حجاب کبریا تعیر اولسان رتبه مظهریتدن جمال وجود
حقیقی منکشف و متجلی اولوب حقیقت انسانیه دخی آینه مزبوره دن
جمال مذکوره چشم بصیرت ابله نظر انداز اولدقده اکا عاشق اولدی
وانک ظهور بله قاب قوسین مرتبسی وواحدیت پایه سی حصوله کلدی
بوسیدن مولد سلیم نی ده کار * ع * کل حبیب سکا عاشق اولشم *
زیرا عشق بر جوهر فرد در که ابتدا تجلیسی طرف حقنددر وحقدن
عبده تجلی ومیل وانجذاب صفتی اولیحق عبودخی جهت ارتباط سببیه
ناچار مولایه عاشق اولور وبورابطه ابله عاشق معشوقی بولور *
وایکی حقیقت عالم فسادیه بری برنه ملاقی اولوب مرتبه اوداناده وجود
واحددن غیرقائمز وعشق حبه وحب دخی سر مطلقه مبدل اولور
اگر چه که عالم بقایه کوره بومرتبه نک صاحبیه محبوب دیرلنتکم
رسول الله صلی الله تعالی علیه وسلم حبیب الله اولغله مختص اولدی
(لحرره) باصصه اودانایه برعاشق قدیم * منزل وحدتده جایلر
اودم * بونده اشارت واردر که عالم عدم وفناده لذت یوقدر زیرا لذت
نعیم مقوله سیدر نعیم ایسه عالم صفاتک حکمیدر عالم ذاتک دکل پس
لذت عالم وجود وبقاده درانکیچون اهل جنت پر لذت واهل نار
بی لذت در بوسیدندر که دنیاده بحسب السلوک نهایات فناده اولنر
اکل وشربدن منقطع اولورلر و بدل مایتمخلله محتاج اولمازلر * زیرا
خالق صفتیه متصف اولشدر ودم برنه عرفلرنه نور جاری اولشدر *
وبونده رمز واردر که عشقده معتبر اولان حقه تعلق ایدن عشقه در

* ماسوایه *

ماسوایه دکل اگر چه که ماسوانک دخی ماسوی اولدیغی بالنسبه در *
زیرا مظاهر اسماء وصفاتدر وعشق مجازینک عشق حقیقی به وسیله
اولدیغی بالاده کنرا ایتشدر * پس بی عشق اولان آدم انسان
حیوانیدر انسان حقیقی دکل بوندن فهم اولور که زاهد مجرد ومنکر
متعصب آدم پایه سنده دکلدر * زیرا آدمک جشدن ارضه هبوطی
عشقه ابتلا ایچون ایدی پس بوابتلادن خالی وبومعنادن عاری اولان
آدم زاده دکلدر * زیرا ولد اودر که آنده سر پدر موجود اوله *
وبونده تلویح واردر که عاشق حقیق ایجاد وخلقیه در یوخسه انسانک
کندی صنع واختیار یله دکلدر اگر چه که عشق وسائر اوصاف
واحوال عین ثابته نک مقتضیاتنددر لکن مقتضای مذکور
اظهار ایتک ایجاد حقه منوطدر وبونده ایما و اشعار واردر که هر وجود
عدم ابله وجودن مر کبدر والا عدم مطلق حقه نیچه عاشق و متجذب اولور

* لذت انعام خود را وامکیر *

* نقل و باده و جام خود را وامکیر *

* وا * کرو معنایه * نقل * نونک ضمیمه چرزدر وفی القاموس النقل
ما ینقل به علی التراب وقد یضم اوصمه خطاء انتهى والتنقل چیزی را
نقل کردن کافی تاج المصادر * باده * اوزم صویندن مطبوع اولان خردر
* جام * اولنده اولان واو عاطفه نک ضمیمه سی وز نیچون اشاع اولنماز معلوم
اولکه معطوف علیهمک آخری ضمیمه محمل اولسه معطوف اولنه
واو عاطفه ادخال اولور ولکن تلفظ اولنماز جان و دل کبی نقل و باده دخی
بوقبیلندر واکر ضمیمه تحملی بوغیسه واو عاطفه مضموم اوقنوب ضمیمه
دلالت ایچون پاوسرو آینه ورونده باده وجام دخی بو بایندر و نقل
وباده وجامک خودلفظنه اضافی ملک مالککه اضافی قبیلندر زیرا
حق تعالی بونلرمه مالک وانلری خالقدر اگر چه که کندی ذات کریمی
اکل وشرب ونظائرندن منزهدر * وبونده مناسباتی جمع واردر که
لذت ونقل و باده وجام در زیرا بی مناسبت و بلا جهت جامعه عطف
جائز دکلدر مکر امور متباینه بی تعدا دطریقیه اوله خاتم وخف وسطل
کبی * وبوکلا مده مأ کول ومشروب جهشتدن دخی مناسبت اخیری
واردر * زیرا نقل مأ کول و باده مشروب ولذت ایکسینی جامعدر

* (معنای بیت) بودر که کنیدی انعام ابتدو کت لذت وجودی بزدن
کرو طوتمه و الیزدن آلوب بزنی تکرار دیار عدمه صالمه و مجلس عیش
و عشرتک اواز منیدن اولان چرزی و قوام بزم اولان باده و جامی کرو
دوندرمه و مجلس عیش و حیاتمک شمعنی سیوندرمه بلکه یا قدیک
چراغی احیا ایله و لوازم و قوام مجلسی بزه طوغری دوندر و اسماء
وصفاتک ایله هدایا و عطایای بزه کوندر بونده وجوده انعام دیدی زیر
اساس النعمدر و نقلدن مراد احوال مختلفه و باده دن مقصود
عشق و جامدن مرام تجلیاتدر زیر تجلیات صفاتیه یوزندن قلبه
مستانه لك عارض اولور و نیجه احوال واذ واق و مواجید ظهور بولور
و جام فی الحقیقه دلدرد که آینه عالم نمادر و بونده فیض وجودک دوا می
رجا وارددر و لکن دوا می ایکی وجهله در بانشاء دنیویه حسبیه طول بقا
و بانشاء اخرویه به هیله تقلبات اطوار در زیر تجلی وجود ابدی استنار
قبول ایتمز و موجود اولان بالکلیه معدوم اولوب کتمز بلکه مراتب
مختلفه ده تقلب و تطویر ایدر اسماء الهیه نك مقتضای جهتیله (المحرره)
* کیمکه بولدی تجلی ایله وجود * ابدی اکسک اولدی اکاجود *

✽ و ربکبری کیست جست و جو کند ✽

✽ نقش بانقش چون نیرو کند ✽

* جست و جو * جست ماضی و جو امر در و لکن بویله برلده
حاصل بالصدر می ادا و لنور ارامه واسمه معناسنه نتکم گفت و کود برل
سوز و ساو و زد و کید برل اورمه و طوتمه معناسنه نتکم بالاده شرح
اولمشدر * چون * اشباع و اوله نته دیمکدر که عرب اول معنادن کیف
ایلّه تعبیر ایدر * نیرو * نونک کسر یله قوت معناسنه در زور کی که کوچدر
نیرومند قوتلور و کستانده کلور * درختی که اکنون گرفتست پای *
به نیروی طفلی بر آید ز جای * (معنای بیت) بودر که واکر اول ذکر
اولنان لذت وجود و امثالنی بزدن اخذ و خلع ایدرسک کیمدر که بردخی
آنی جست و جو ایلیه و ارایوب استیه نقش نقاشله نوجهله قوت
و نیجه طوته یعنی نقاش نقش و تصویر ایلدیکی نقوش مختلفه بی محو
و ازاله ایتمه امتناعنه قادر اولماز * و طالب بقا اولوب زائل و محمی

اولمغه چاره بولماز بلکه اثر ذاتی سلنوب کیدر و رسمی بوزیلوب
فنا و عدمه عزم ایدر * بونده نقاش ایلّه خلاقه و نقش ایلّه مخلوقه
اشارات وارددر و لکن نقوش کائنات اراستنده نقش انسان نقش
زیندر نتکم انک حقنه کلور (و صورتکم فاحسن صورتکم * فتبارک الله
احسن الخالقین) بونده حق قدرت تامه و قهر عظیم و بطش
وسطوته تنبیه و منع و عطا انک ید قدرتده اولدیغنه ایما و اشارت وارددر *
بوجهتد نکه عالم ارواح دن اسفل سافلینه کلنجه جمیع موجودات فعال لما یرید
النده مقهور اولوب اطوار مختلفه ده تقلب ایدر لکاه وجود شخصیلری ایلّه
موجود و کاه دیار عدمه طوغری کیدر لک رینک بریده قراره قدرتی
یوقدر و لکن بوندن جبر لازم ز را حالت بقاده فی الجملة اختیار وارددر
و لکن حق تعالی اسم جبارک حکمی اوزره وقت فناده جله بی جبر و مراده
غالب اولور زیر اسم اعظمک حکمی بودر الحاصل مخلوقک جانب وجوده
حرکتی کنیدی اختیار یله اولمیدیغی کی طرف عدمه دخی نوجهی
بویله در فاما بواشاده نیجه اختیارات واقع اولور نتکم کلسه کر کیدر
ان شاء الله تعالی و بوندن فهم اولنور که خط قلم النده و قلم دخی کاتب
النده ز بون و مغلوب اولدیغی کی جمیع اشیادخی دست قدرتمه بویله در
کرک دست قدرت مظاهر یوزندن اعتبار اولسون و کرک مجرد نظر
اولسون (المحرره) نظر ایلر سه جبرله جبار * جله مجور اولور
صغار و کبار * فعل خلق اولدی خالقه مقدور * اولدی کسه یه هیچبار *

✽ منکر اندر مامکن در مانظر ✽

✽ اندر اکرام و سخای خودنکر ✽

* منکر * اصلنده نکر در که امر در اوزر یننه میم مفتوحه ادخال و انوب
صیغه نهی اولمشدر و لکن ضرورت و زنیچون نونک کسره سی اختلاس
اولنور بعدذا بواکی جله بری بر ینک تفسیری واقع اولمشدر زیر امنکر اندر
مادیک در مانظر دیمکدر * بودخی لطائف کلامدن معدود در اگر چه که
بری بر ینک عینا عکسی دکلدر و بعض اشعارده عکس عینله دخی
وارد اولمشدر نتکم کواهی نظمنده کلور * شکر زلال لعلاک زلال
شکر * عرعر نهال قدک قدک نهال عرعر * سخا * معطی الیه حاجت
اولدیغی مقدار عطا ایتمکدر زیاده دکل و عوارف المعارفده کلور که

سخا صفت غریزه در که شحک مقابل سنده واقع اولش در وجود که
بخلک مقابلی در سخا اندن اتم و اکمال در زیر جود و بخله بطریق العاده
اکتساب طرق ایدر شح و سخا ده ایسه اکتساب اولماز زیر اغریزی
و ضرور یدر وجوده ریا تطرق ایدر و انسان آنی خلقیدن عوض
والله تعالی بدن ثوابه متطالع اولدبخی حالده اشهر سخا ده ایسه ریا
و ملاحظه اعواض اولماز زیر سخا نفس زکیه نك اثر یدر و حق تعالی
سخا ایله متصف اولماز زیر اغرائدن منزهدر پس بیت مشویده سخا
مطلق عطا ممانه منجولدر زیر سخا وجود و کرم و ایشار عطا اقسامنددر
و جائزدر که وزیره خطاب ملاحظه سیله ذکر اولنش اوله زیر سوق
کلامدن مفهوم اولان کلامی جانب و زیره اماله در اگر چه نفس
وزیره دکلدر زیر نفس وزیره خطابده تفکیک نظم لازم کلور نتکم
اهل فهمه خفی دکلدر و خاقی بویه مواضعده عالم جمعه ناظر اولوب
صورت حقه ابراز ایتکله صفات مختلفه حق خلق اوزرینه اجراء ایتک
بعید و بلکه ابعدر زیر لسان مولو نك عادتی دکلدر * مع هذا
ایات لاحق و سابقه حانی منافی مضمون واردتدیر اونه (معنای
بیت) بودر که بزه نظر ایلیه و سوز یمزه باقه و ایتدیکمزه قائمه و مقتضای سیله
معامله و مؤاخذه ایله اگر چه که هر خصوصده جرم و جنایتدن خالی
دکلوز سن کنیدی اکر ارام و عطا که نظر ایله و سکا لایق اولان وجهله
معامله قیل نتکم اثرده کلور (اللهم افعل بنا ما انت اهل له ولا تفعل بنا ما نحن
اهله) و ولی الدین زاده احمد پاشانک استانبولده یدی قله ده محبوس
ایکن سلطان محمد فاتحه قصیده استعفا سنده کلور * قول خطا ایسه
نوله عفو شه نشاه قنی * طوتهلم ایکی الم قائده ایش قانی کرم * محکیدر که
سلطان محمد قصیده من بوره به مطالع اولدقده عفو ایدوب بیورر که
احده بو عذوبت بیان و فصاحت لسان واریکن سلاطین و ملوکدن
اکا آسیب و زوال بوقدر (لحرره) اواسه نطقنده آدمک تأثیر دشمنی
لال اوور دوستی اسیر * بونده غفور و رحیم و امثال اسماء آلهیه به اشارت
واردر زیر حق تعالی عبادی خلق ایتزدن مقدم انلردن خطا صادر
اولاجن بیلوردی و اول وقتده خطاری اوزرینه قلم عفو چکمش ایدی
زیرا بیورر (سبقت رحنی غضبی) مقصود صفة رحمتک تعلقنده اقدمینی

بیاندر محکیدر که محمد بن المنکدر رحمة الله علیه بر کجه طوافده دعا ایدوب
اللهم اعصمنی دیدی و بو خصوصده الله تعالی اوزرینه اقسام ایتدی
اول کجه خوابده کوردیکه کویا بر قائل دیر که اول سنک دیدیکن
اولماز زیر معصوم اولان خطادن محفوظ اولور الله تعالی ایسه عصیان
اولنق مراد ایدر تا که مغفرت ایلیه و بو مقام حکمت مسکوت عنهادندر
محافظه اولنه و بو کانظیردر که فضولی نعتنده کلور * اولقدر ذوق شفاعت
جوهر ذاتکده وار * کیم کلور عرض خطا معنیده بر احسان سکا *
و بو کلامده حسن اعتذار وارد و اعتذار تواضعنددر و تواضع جمیع
کسر لری جبر و ویرانلری عمارت ایلر (لحرره) تواضع سر در اخلاق
بشرده * نتکم کبر سر در شور و شرده *

* ما نبودیم و تقا ضامان نبود *

* اطف نونا گفته ما می شنود *

* تقاضی * حقنی استمک و بورجک قضاسنی مدیوندن طلب ایلک
صکره مطلق سؤال و طلبده استعمال اولندی عجم بو مقوله کلمات یاسنی
الفه قلب ایدوب تقاضا و تجلا و تسلا در و عجمه تبعیت ایله لسان ترکیده
دخی اول وجهله شایعدر پس ابن کالک اغلاط عوامنددر دیدیکی
غلط و کلام اهل نقصاندر * مان * ضمیر نفس متکلم مع الغیردر بزدیمکدر
* نا گفته * سو یلنمک سوز یعنی هنوز دله کلین سوز را کفت کاف عجمینک
ضمیله دله کلن سوزدر هنوز سو یلنمکین سوز سخی درلر * شود *
ضم شین و نونه ماضیدر شینودند که اشتک معناسنده در شنیدن کبی
(معنای بیت) بودر که بزه هنوز وجود خارجی ایله موجود دکل ایدک
و بزم اول خصوصده تقاضا و طلبین بو غبیدی زیر ایشلدر که * در حضرت
کریم بتناچه حاجتست * سنک اطفک بزم هنوز اسانه کلدک سوز مزنی
اشندی و حاجتمزی رواقی اوب وجود عینی ایله موجود قلیدی زیر اعبان
ثابته و حقائق ممکنه لسان استعداده اسماء آلهیه دن ظهور و تجلی
دیلر لردی و بو اشتکی و اشتک معامله سین قلمخی لطفه نسبت ایلدی مع هذا
اشیدن فی الحقیقه الله تعالی در که سمیعدر زیر قبول رجا لطف و جلاله
دائر در پس بونده سبیه نسبت وارددر الحاصل حقائق ممکنه نك وجود
خارجی بولدق لری لطفه رحمتک تعلقنددر بو تعلق ایسه تعلق غضبدن

مقدمه را بر غضب وجود خارجیدن صکر بعض عوارض حسیه در
اگر چه که تعلقن قطع نظر صفات حقه تقدم و تأخر بقدر (سؤال
اولنور سه که بیت ده اولان مصرعین بحسب المضمون بری برینه
متخالف در زیر مصرع اولدن عدم طلب و ناپیدن وجود طلب فهم
اولنور (جواب بود که مقصود بزدخی مطلق زبانه کتور مدن حق
تعالی سه و اله حاجت قومدی دیکدر پس اول عالمده تقاضا و اربدی
ولکن تقاضای ذاتی و اجابتی دخی اجابت ذاتیه ایدی بوقضاضا
و جواب ایسه سائر مرتبه اولان تقاضا و جواب کبی دیکدر زیرا سؤال
حالی سه سؤال مرتبی و سؤال روحانی و سؤال طبیعی مزاجی سه سؤال
طبیعی عنصری مرتبه لری وارد که جواب لری دخی انله کوره اعتبار
اولنور پس مصرع ثانیک مآلی دخی عدم تقاضا و سؤال در

نقش باشد پیش نقاش و قلم

عاجز و بسته چو کودک در شکم

* قلم * آت کتابت اولان قامشدر کرک یونلش و کرک غیری قلم اصلنده
صلب اولان نسبه بی قص ایتمکدر طرئق قص ایتمک کبی اقالیم سه سه
دیدک لری ارضکیدی حصه سندن هر بریسی اصحاب هیئت تقدیری
اوزرینه مقسوم و مقطوع اولق اعتبار یله در * کودک * ضمه اوغلان
معناسته * شکم * قاندر بطن معناسته بوراده مثبت ولد اولان رحم
معناسته در که شکم آنی مشتملدر (معنای بیت) بود که نقش نقاش
و نقاشک انکله رسم ابتدیکی قلم اوکنده عاجز و بسته اولور اوغلان
انارچنده عاجز و بسته یعنی بغلو و محصور اولدیغی کبی * یعنی
اوغلان رحم مادرده محصور اولوب انک نقش و تصویری ملک اننده
اولغله مراد حق اوزرینه نقش و تصویر و اوغلان اول خصوصده
زبون و مجبور در زیرا عدم تکیون و نوابع وجود اولان هیئات مختلفه
و کیفیات متباینه انده دیکدر * پس مطلق نقش دخی بویه در زیر
نقش قلم ایله اولور قلم دخی نقاش انده در بناء علی هذا قلم نقاش انده
و نقش دخی قلم اوکنده مجبور در * و نقش وجودی قلم واسطه سیله
نقاشه مستند در پس نقش واسطیه باقیوب نقاشه ناظر اولق کرکدر
انکیچون اهل الله و سائط و اسبابه التفات ایتوب هراحرک ظهورنده

حقه ناظر اولوب مستریح اولور * و بومعنائی مکاشفه دن محجوب
اولنور واسطیه قصر نظر ایدوب ورطه رنج و بلاده قالورر محکیدر که
لقمان حکیمی برکسه زشتک ایله وصف ایدوب تقییح و تعییب ایتد که
جوابنده بنی تعییب ایتدک بلکه خالق تعییب ایتدک دیش زیرا خلق
خالقه مستند در مخلوفه دکل پس بو خصوصده لقمان عاجز اولدیغی
کبی آنی تصویر ایدن ملک دخی عاجز در * زیرا مأمور اولدیغی جهتدن
مجبور در الحاصل دنیاده نقدر اسباب یوزندن صادر اولان افعال
واریسه جمله سی مسببه منوط در و اول اسباب اقلام حکمنده در * اقلامک
حرکتنده نظر کاتبه اولدیغی کبی اسبابک جنبشنده دخی التفات مسبب
الاسبابیه در پس اسبابیه ارتباطده راحت اولدیغندن ماعدا شرکدن
دخی خالی دیکدر * فاما مسبیه ارتباطده حضور اولدیغندن ماعدا
توحید حقیقی ایله تحقق دخی وارد * و بونکله محجوب و مکاشف
بری برندن مقیم اولور و کلمات حضرت هدایی قدس سره ده کلور * موحد
ایلز پس خبری اثبات * که التوحید اسقاط الاضافات * و بوستانده
کلور * اگر عز و جاهست اگر ذل و قید * من از حق شناسم نه از عمرو و زید *

پیش قدرت خلق جمله بار که

عاجزان چون پیش سوزن کار که

* خلق * مخلوق معناسته در * جمله * ده اولان همزه اضافت و زنیچون اختلاس
اولنور * بار که * بار کا هندن مخفف در معنای سبق ایتمشدر مقصود بارگاه حقدر
و حقه بارگاه و درگاه اثبات ایلمک تمثیل و عظمتی تصویر طریقه یله در
و كذلك جناب حق و امثالی بطریق الکلیه در جاهل باللسان اولان
اطلاقدن تحاشی ایدر * سوزن * ضمه اکنه در عرب خیاط دیر کسرله
و تخفیف ایله و شعراء متقدمیندن سوزنی نک انسانی سوزنه در زیر
بخاراده بر سوزنکر شاگردنه عاشق اولوب واروب اول سوزنکره شاگرد
اواش و اول صناعتده مهارت تام بولمشدر * کار که * کار کا هندن
مخفف در کارگاه مطلق ایش ایشان بر در کارخانه کبی اگر چه که کار کا هنده
بعض خصوصیت دخی وارد در انکیچون بوراده سوزن قرینه سیله کرکف
دیدک لری نسبه محمول در که زنانده سوزن وزر و الوان رشنه حریر ایله
دستمال و امثالی نسبه لری نقش ایدر * بوراده مراد کرکفک مشتمل

اولد بخي بز و امثالی نسته لدر که اوزر لرنده نقشه صلاحیت اوله (لحرره)
 اورمسه زنان کر کفه کر کف * نقش ایدر میدی دستمال کر کف *
 (معنای بیت) بودر که بارگاه حق منسوب اولان خلق جله سی و دست
 قدرتک صنیعی اولان موجوداتک مجموعی قدرت حق او کنده عاجزوبی
 اقتدار لدر اکنه دیدگری آلت او کنده کر کف و کر کف مشتمل اولدیغی
 ثوب منقوش عاجزوبی اقتدار اولد قبری کی بودخی بیت سابقک
 مضمونه نظیردر زیر اکنه او کنده کر کف و اکنه دخی آتی استعمال
 ایدن کسه نک پرمقارنده و پرمقار دخی آنک قدرت اختیاریه سنده عاجز
 و ربوندر الحاصل نقش اکنه و اکنه دخی پرمغه و پرمق دخی آنک قدرت
 اختیاریه سنده مخالفت ایتکه قادر دکلدر * و بومقام و نظاری توحید
 افعاله ناظر در و شاطیبه کلور * بعد جمیع الناس مولی لانهم *
 علی ما قضاه الله یجرون افعلا * یعنی هر کس افعاله قضاء حق
 اوزر بنه جاریدر پس آتی اول خصوصده سب ایتک و اندن اوتوری
 اکا اعتراض یوقدر مکرش ربعت مرتبه سنده لاجل المصلحه جرح
 و انکاره آذون اوله و سب دهر دن نهی اولدیغی دخی معنای مذکوره
 ناظر در نکم حدیثه کلور (لا تسبوا الدهر فان الدهر هو الله) یعنی دهرک
 حوادثی حقه منسوب اولغله ائی سب ایتک حق سبه تجاوز ایدر نکم
 سفینه نک دریاده حرکت و جریان ریحه و ریخی قدر معلوم اوزر بنه تحریک
 دخی فرشته باده و فرشته دخی مشیت حقه مستند و مر بوطدر * پس
 ریخی سب ایتکه فائده یوق و یله که ضرری چوقدر و میت ایله ملک الموت
 دخی بویه در (لحرره) سب ایدر سن ملک الموت ندن * ای حق قدرت
 و قهرن اونیدن * جله مجبور قدرت حقدر * عالم فانیه کلن کیدن *

* کاه نقشش دیو و که آدم کند *

* کاه نقش شادی و که غم کند *

* نقشش * ضمیر خلقه راجعدر که غم که نقش غم تقدیرنده در (معنای بیت)
 بودر که الله القادر خلقک نقشنی کاه شیطان و کاه انسان ایلر یعنی
 مخلوقاتک کین شیطان اولق اوزره نقش و کین دخی انسان اولق اوزره
 تصویر و کین دخی غیری صور مختلفه اوزر بنه خلق ایلر نکم تجلیات
 مختلفه سی بصیرت و بصیر اهلانه نمایاندر * پس بو کلام اکتفا قبیلنددر

کاه نقش شادی ایلر نقش انسان و نقش طاووس و نقش طوطی و نقش
 آهو و غیر ایلر کی که صور بدیهه سی معجب و نظرده خوش و قابله مفرح
 و باعث نشاطدر * و کاه نقش غم دوزر نقش شیطان و نقش خنزیر
 و نقش قیل و نقش غراب و امثالی کی که نقوش هائله و صور منفوره در نکم
 کاستانده لطائف سدیدندر که غراب البین حقه زبان طوطیدن کلور
 * علی الصباح بروی توهر که برخیزد * صباح روز سلامت بروم سب باشد *
 و بویه دیمک دخی جائزدر که کاه او اور که سبب سرور سباز اولوب
 انسانی خندان و کاه او اور که باعث قساوت ساخته کریان ایلر نکم والهی
 اسکو بی نظمیده کلور * امید و صلاله خندان و بیم هجرله کریان *
 دلایه هوده طفل آسا کاه اغلر کاه کلر سن سن * بونده اشارت وارددر که
 الله تعالی بعض خلق قبضتین حکمی ایله خلق ایتشدر انسان کی که
 نشأسی جلال و جلالی حاملدر اگر چه که صورت ظاهرده احسن
 تقویم اوزر بنه مخلوق اولوب شاننده (فتبارک الله احسن الخالقین) وارد
 اولمشدر (لحرره) بر یاک زهر و بر یاک تریاق * کاه سوندر کاه سوندر و کاه یاق *
 و بعض خلق قبضه واحده حکمی ایله انشا ایلشدر یا جلال اوزر بنه فقط
 ملک کی اگر چه که صورت ظاهرده حسنله دخی مثل اولمشدر انکی چون
 انسانه کور غزلرز را مطالعه جلالرندن دیدل خیره انوب عقلار متغیر
 اولور پس انلری رؤیت طاقت بشردن خارجدر (لحرره) ملک حسننده
 آدم کورمین کورسون سنی جانا * اگر چه کورمکه طاقت کتور من
 دیده بینا * و یا جلال اوزر بنه فقط شیطان کی ولیکن جان قومی
 ایکی قسمدر بری شیطاندر که نشأسی حامل جلال اولدیغندن ماعدا
 صورتی دخی زیاده زشتدر شویله که اگر انسانه قبح اصلیمی اوزر بنه
 تمثیل ایتسه انسان آتی رؤیت طاقت کتور من (لحرره) شویله در قبح دیو
 ملعونکیم * کورمسی کوزه ضرر در آنک * او غره در بر بلایه اکسزدن *
 یانته او غرامسون انسانک * و بر قسمی دخی جندر که حسن صورتله مثل
 اولمشدر در انکی چون بر محبوبی مدحده مبالغه ایتسه لمر ملک زاده و یاری
 زاده دبرلر کو یا ملکدن و یاریدن طوغمشدر که زیاده کوزلدر و نجاتی
 لطافتندر که شعرنده کلور * بر پری ایچون اقرار ایکی کوزم چشمه لری
 * صافنک بلش اولک ایکیدر اول صوبکلر * بونده نقش شادی فی

تقدیم ابتدای آدمه الحاقدن اوتوری زیر حسندار اولان نسته در دنیاده
آدمه ملحق اولدقلری کبی جسته ده دخی ملحقدر ولکن صورتلری اول
موطنه کوره در وردخی بودر که نقش شادی نقش غم کوره قلیل در کرک
معنای اوله کوره و کرک معنای ثانی به کوره می ویدر که آدم علیه السلام
قرق سنه طینتی تخمیر اولدقدده اوزرینه اوتوز طقوز سنه غم و برسنه
سرور یاغمشدر (لحرره) قرق بلده برکار آدمک یوزی * نیچه اریسون
غم نیله اوزی * قرقی کپی عمرم بندخی کلم * اگری یلم طوغری سو یلم
سوزی * و بونده نسله روحک تعلقاتنه اشارت واردر زیرا نفسده هیئات
مظلمه باقی اولدقچه دیو حکمنده در نتم روح انوار حقله منور اولدقدده
انسان صورتنه کیرر بس گاه اولور که روح دخی حکم جوارله صورت
نفسه تحول ایدروگاه اولور که نفس دخی حکم جوارله عنایت باری یاری
اولوب صورت روحه انتقال ایدروانسان اطوار مختلفه و تجلیات متوعه
وصفات متقابله اوزرینه اولغله مجموع عالمن عسارت و جمیع مظاندن
نونه در پس کنیدینه هر نه مقوله معنایی اضافت اباسه در سندر (لحرره)
گاه اولور صورت ملک کورینور * گاه اولور هیئت فک کورینور * مظهر
اسماء حسنی اولغین * صدمعنی رخنده یک کورینور

* دستنی نادست جنباند بدفع *

* نطقنی تادم زندر ضرورنفع *

* جنباند * غله مضارع معیدر مصدری جنبانیدن در دهرتمک
معناسنه * دفع * داله غایب قبل الوقوع و رفع رالیه بعد الوقوع مستعملدر
والاقرآنده دفع رفع معناسنه دخی کلمشدر نتمک پیورر (ان عذاب ربک
لواقع ماله من دافع) ز بر اواقع نازل دیمکدر و محتملدر که دفعی قبل انزول
اوله * ضر * قحله و ضمله نفعک ضیدر و یاخود قحله مصدر و ضمله اسمدر
کافی القاموس و اسماء الالهده کلور الضار انافع و مفرداده کلور که ضر
سوء حالدر یا نفسنده قلت علم و فضل و عفت کبی و یاخود بدنده عدم
جارحه و نقصان کبی و یاخود حالت ظاهرده درجه یوزندن و نفع خیر
مقوله سیدر که هر خوب فیهدر (معنای بیت) بودر که ال یوقدر تال
دپرده دفعله یعنی الیه بر بلایی دفع ایده و اریسهده خود مقطوع
کیدر که حکمی یوقدر زبر تاثیر حق اولدقچه اختیار بله حرکته قادر دکلدر

وفانی فی الله اوللره کوره قبضه قدر تده فنا بولشدر نتمک کلور (فی
بطش) و فهمیم شعرند کلور * صباقله شمع یوسف آسا اوله دامن زن *
بزم انکشتن زدن دستزای ماه کوتهدر * یعنی بزم دستزده انکشتن قالمشدر
بلکه سنک عشقک حالتی ایله یخودا و اوب جله بر مقلرمیزی قطع ایتشوزدر
نسوه ز اینجا کبی بوندن مقصود بر مقلرمیزی وجودی عدم حکمنده اولدین
بیاندر و کذلک نطق یوقدر تاکه ضر و نفعه متعلق سوز سویلیه بلکه ید
حقیقتده سنک ید قدر تک اولدینگی کبی ضار و نافع سنسین و کلام مؤثر دخی
سنکدر ضر و نفعدن هر نه دم اورر سک بزه اول باده سویلک دوشمن
زیرا نطق سنک انطا قکله در یوخسه بزم کنیدی حاملزله دکل در
و بز نطقمیزی سنک کلام قدیمکده اقنا ایتشوزدر زیرا انطلق خواص
بشریه دندر پس الله تعالی اوزرینه اطلاق اولنماز کلام و قول ابسه
اعمدر فاما اولکه کلور (فی نطق) ظاهرده بشردن صدور نه
کوره درو بوراده اکتفا واردر زیرا مقصود سمع و بصر و بطش و نطق
و امثالنده عجز و یافنادر دست تصریح اولدینگی ذاتک قدرتی دستده
اظهر اولد یغیچوندر انکیچون ید ایله قدر تدن تعبیر ایدرل و نطق دخی
تصریح اولندی ز بر اشفاعت و امر و نهی نطق و قولله اولور و علی هذا فقس

* توز قرآن بازخوان تفسیر بیت *

* گفت ایزد مار میت اذر میت *

* تفسیر بیت * هر اد بیت سابقدر که عالم فناده اولان اطلاق
وجعی مشعر در بیت اصلنده انسانک کیچه ده اولان ما و اسیدر صکره
مطلق مسکنده استعمال اولندی مجرور و صوف و ووردن اولغله شاملدر
و عرفده بیت شول مبنی مسقفک اسمیدر که مدخلی جانب واحدن
اولوب بیتوت ایچون بنیا اولنش اوله حیطانی اوج و یادرت اولق
مساویدر صغه ده دخی بو معنی موجود در لکن صغه تک مدخلی و اسعدر
پس اسم بیت اکا دخی متاوا در و بیت شعر که ایکی مصرععدن
هر کب اولان نظمدر بیت شعره مشابه اولغله بیت دندلی و بیت شعر
قحله قلدن و پلاسدن خانه در که صحرانشین اولنلرده استعمال ایدرل
زیرا بیت شعره بابدن دخول ایتدکلری کبی بیت شعره دخی مطلعدن
دخول ایدرل و بیت شعرک زمین و سقف و چها رحلی اولدینگی کبی

بیت شعرك دخی زمینی وار در که قافیه در وسقنی واردر که معنا در
 وجه- ارر کنی واردر بری صدر در که اول مصراع اولدر و بری
 عروض- صدر که آخر مصراع اولدر و بری ابتدادر که اول مصراع
 ثانیدر و بری دخی ضربدر که آخر مصراع اخیردر و صدر و عروض
 وابتدا و ضرب اراستنده واقع اولانه حشو دیرلر و بیت شعردر یسمان
 و میخ و پلاس اولدیغی کبی بیت شعردر دخی اسباب و اوتاد و فواصل
 واردر ننگم علم عروضده میندر ❖ ایزد ❖ زاء معجمه نك فتحه سیله لسان
 فارسیده الله تعالی نك علمیدر لسان عربی ده کی لفظ الله و لسان
 تورکی ده کی تگری کبی یزدان لسان فارسیده برادبجی معناسنده در که
 عرب خالق دیر پس ایزدله یزدانك فرقی ظاهر اولدی (معنای
 بیت) بودر که بیت سابقك تفسیر و بیان و کشفنی سن قرآندن اوقو
 و بنم کلامی لافله حل ایله زیرا الله تعالی بیورمشدر که (و مارمیت
 اذرمیت و لکن الله رمی) یعنی غزوه بدر و سفر حنین ده وجوه
 و عیون کفار رمی ایندك خاکي سن رمی ایندك بلکه الله تعالی رمی
 ابتدی یعنی رمی ایندكده اگر چه تشخص سنك ایدی و لکن هویت
 بنم ایدی پس بنم هویتله حصوله کلن نسنه فی الحقیقه بنه بکا مضاف
 و منسوبدر تشخص اورتاده آلتدر و بوندن فهم اوانور که حلا جك
 انا الحق دیدیکی دخی بو هویتله در پس بونده توحید افعال حقیقته
 و قرب نوافل و فرائضك سرینه اشارت واردر زیرا حقله بطش و رمیه
 کوره قرب نوافلدن معدود در که وجود حق و ذات مطلق صفات
 عبده مرآت و احوالی مظهر اولقدر و عبده ظاهر اولان حق اولغله
 قرب فرائضدن محسوبدر که صفات عبد و کذلک احوالی ذات حقه
 مرآت و آنك وجودنی مظهر اولقدر پس مؤثر اولان الله تعالی در اگر چه
 عبد یوزندن نجلی ایلشدر زهی شرف بعض کبار پیور مشر در که
 حقك تنزلدندر که کنیدی نفسنی اضافت افعالده خلقه مساوی قلیدی
 بونده ایسه مکر و استدراج واردر ❖ زیرا اگر عبد بوفعل اللهم کدر دیرسه
 صادقدر و عبد کدر دیرسه دخی صادقدر ننگم آیت رمی بودعوایه
 شاهد صد قدر و لسان طائفه ده بومرتبهیه موقف سوا دیرلر که اول
 مرتبه ده سید عیددن و عبد سیددن متمیز اولماز ❖ پس آیت رمی ده

رامی الله تعالی در دیرسه نیجه صادق ایسه محمد علیه السلامدر دیرسه
 دخی کرچکدر ❖ و بو حیرتن اهل کشف اولان خلاص اولور اهل حجاب
 دکل زیرا اهل حجاب یشریته ناظر اولوب عبدك حق او لمانسن استبعاد
 ایدر ❖ و بونس امره کلماتده کلور ❖ اولیانك کوکلندن شی الله کسمه کیم
 ❖ سکا همت ایدن اول کوزیله قاشی دکل ❖ یعنی همت مظهر احدیت اولان
 دلندریو خسه مظهر واحدیت اولان عناصر و ارکان و جوار حدن دکلدر
 ❖ کر پیرانیم تیر آن نی زماست ❖
 ❖ ما کمان و تیر اندازش خداست ❖
 ❖ پیرانیم ❖ بقاء عجمیله نفس متکلم مع الغیر در پیرانیدن تخفیف و تشدید له
 اوچور مقدر که پیردنك منعیدر ❖ تیر اندازش ❖ ضمیر کانه راجعدر
 (معنای بیت) بودر که اگر بزاق اوچور سق و رمی اتسك اول اوقی
 اوچور مق بزدن دکلدر بلکه بزای و اولیانك تیر اندازی خدای تعالی در
 بونده بلکه اوقی مرغنه و آنك رمینی قوش اوچور مرغنه و تیر اندازی کانه
 تشبیه وار در یعنی برکسه قوش اوچور سه اوچور رمی فی الحقیقه حقه
 مضاف اولوب اوچوران کسه اورتاده آلت اولدیغی کبی اوقی ابتفقه
 و سایر افعالده دخی عبد آلتدر و لکن ظاهر بین اولان واسطهیه و حقیقت
 بین اولان محر که نظرایدر زیراهویت و قدرت حقکدر اگر چه که عبد دخی
 کسب و اختیار یوزندن مؤاخذه اوانور ❖ و محرك اصلی و مبداء اول اسم
 اعظمك مسما سیدر که جمیع اشیا به تأثیرانندن حاصل اولور اگر چه هر نسنه ده
 سبب قریب اعتبار اولوب اسماء جزئییه ده دخی نظر اولور ❖ و لکن اسماء
 دخی اسم اعظمه و سائط مقوله سیدر پس شهود اهلك نظری ظاهر در
 مطلقا مظهره دکل ❖ بونده قلبه و قلبك توجهنه اشارت واردر ❖ زیرا
 قلبك بر خصوصده همت و توجهی اوق اتفق کیدر پس قلب اول همت
 و توجهه آلتدر و انده مؤثر اولان الله تعالی در ننگم محکیدر که بروسه ده
 آسوده اولان حضرت امیر قدس سره الخطیر ایله انقرده مدفون اولان
 حاجی بیرام ولی قدس سره العالی اراستنده نوعا تغیر اولغله حضرت امیر
 آنی اهلاک ایچون توجه اند کده تیر مثال بر صورت تمثیل ایدوب حاجی بیرامه
 اصابت ایده جك زمانده حاجی بیرام مطلع اولوب راه تیردن منحرف
 اولدقده اول تیر بر دیواره راست کلوب آنی منهدم قلیدی دفعه ثانیه ده

براق دخی اند قد بر آغاجه طوقوب آتی قلع ایلدی صکره حاجی بیرام
دخی باش اچوب تو جهایتد کده حضرت امیره غالب کادی وانک موته
سبب اولدی پس بو مقوله توجهات باطنه اوق صورتده ظاهر اوله
کشد * ریرا حرکت سریع واصابتی مهلاک ووجودی قدیم درولکن
اصحاب عزایم ودعواتک احوالی بویه دکدر بلکه دعوت وعزیمتورینک
مقتضای سبجه باشقه صورت تمثیل ایده کشد ارسلا و غیره صور مختلفه
کبی (لحرره) عزم راه خدا ایدن سالک * دوات وصلته اولدی مالک
* تابع دعوت غول اوله صاقن * چقمه بولدن که اولور سن هالک *

✽ این نه جبر این معنی جبر است ✽

✽ ذکر جبری برای زاریست ✽

* جبر غیر کنیدی مرادی اوزرینه حل واکراهدر پس جبار اودر که
علی سبیل الاجبار هر کسده مشیتی نافذ اوله وکسه نک انده مشیتی نافذ
اولیه بوندن فهم اواندیکه جبار مجبر معناسنه در که صفات فعلند ندر زیر
مراد حق نه ایه خلقدن وجوده کلن او در کرک خلق آتی مراد
اتسول و کرک اندن ابا و امتناع ایلسونلر * بوندندر که بر طائفیه که
فعل عبیدی الله نسبت ایدرل جبریه دیرل تحریک ایلخلاف قدریه معناسنه
پس تسکین لحن اولور ویا خود صواب تسکیندر تحریک ازدواج ایچوندن
* وجبریه ایکی طائفه در بری متوسط در که فعلده کسب اثبات ایدر
اهل سنتن اشعریه کبی و بری دخی نفی کسب ایدر جهیمیه کبی الحاصل
جبریه خالصه دیرل که عبدا یچون فعل و اختیار یوقدر وانک حرکاتی
حرکات جمادات منزله سنده در وجبریه متوسطه که اهل سنت و جماعتدر
دیرل که کسب ایتک عبدک وخلق ایتک خالقکدر یعنی فعل عبد ایداعا
واحد انا الله تعالی نک مخلوقی و عبدک مکسوبیدر یعنی اول فعل آنک قدرت
وارادته مقارندر شویله که اول فعله محل اولمقدن غیر ایتک حصوانده
تأثیر و مدخلی یوقدر پس بونلرک جبریه جبر متوسطه دیرل که جبر مقبولدر
مثلا بر نقاش بر نسنه اوزرینه اسر بایله رسم ایدوب شاگرد انه ویر
تا که رسم ایتدیکی مواضع مختلفه بی الوان صیغ ایلخ پر ایلخ پس اول شاگرد
اول مواضعی صیغ و نقشنده فاعل مختاردر ولکن استاذنک رسم ایتدیکی
دائرہ بی محافظه ایدوب دائره بیرون اولمقدن مجبوردر اشته بودر که اختیارده

جبر اثبات ایدرل و فاعل مختار مجبور دیرل (معنای بیت) بودر که بیت
سابقده ذکر اولنن رمی خاک و کذلک رمی تیر مضمونی جبریه خالصه ذاهب
اولد قلمری جبر دکدر بلکه حق تعالی نک جبار یتنه متعلق منادر جبار یتنی
یاد ایتک ایه بزه بالفعل تحقیق اولان زاری وایکدی و انفعالدن او توریدر
نتکم بیت لاحقه کلور الحاصل حق تعالی به جبار دیمک بزه اولان زاریلق
سببیه در زیر جبرک مقتضای زاریلق ایراث ایتکدر و معانی اسماء
الهییه ایه بو مقوله امورک وقوعیه ظاهر اولور مثلا الله تعالی آدم علیه
السلامه ایجادله تعرف ایتد کده آدم ندا ایدوب یا قدیر دیدی صکره تخصیص
ارادتیه تعرف ایتد کده یا میرید صکره اکل شجره دن نهی حکمی ایلخ تعرف
ایتد کده یا حاکم صکره اکلنی قضا و مرادی اوزره آدمی جبریه تعرف ایتد کده
یا قاهر ویا جبار صکره توبه سنی قبول ایتد کده یا ثواب صکره ارضه اهاباط
ایدوب اسباب معیشتی تسیر ایتد کده یا لطیف صکره تحصیل مطلوب اوزرینه
تقویت ایتد کده ندا ایدوب یا معین دیدی و هکذا پس اسماء الاهییه نک
آثاری تدریجیدر انکی چون انسانک کمالی دخی تدریجیه در ملک کبی دفعی
دکدر و بوندن صفات آلهیه ده تقدم و تأخر بولمق لازم کلز بلکه تقدم
و تأخر ظهور آثار اعتباریه در نتکم (سبقت رحمتی غضبی) حدیثنده اولان
سبق دخی تعالی اعتباریه در * و بوندن فهم اواندی که اسماء الاهییه نک
ظهوری انسانک ظهورینه منوطدر پس انسان مجبوریتی حالنده ناله و فغان
ایتمه چاریت حقدن اثر ظاهر اولمازدی اگر چه که حقد جباریتی ذاتیه
قائم بر معنای قدیمدر سائر صفات الاهییه کبی ولکن مکاشف اولان کسه بو
مقوله معنایه جبر خالص دیمز بلکه رتبه مظهریتی دخی اثبات ایدر
و بورتیه نک حکمی عبد ایچون کسب و اختیار اثبات ایتکدر والا بورتیه
باطل و بی فائده اولمق لازم کلور پس مکاشف رتبه ظاهر و مظهری اثباتیه
جبر متوسطه بولنه کیدر و مراتبی رعایت ایلر و ولانا جامی دیوانده کلور
* حق فاعل و هر چه جز آلات بود * تأثیر زالت از محالات بود *

✽ زاری ما شد دلیل اضطرار ✽

✽ خجالت ما شد دلیل اختیار ✽

اضطرار اختیارک مقابلیدر که بیچاره اولمقدن قال فی القاموس الاضطرار

الاحتیاج الى الشئ واضطره اليه احوجه والجاه فاضطر بضم الطاء
والاسم الضرة والضرورة الحاجة انتهى * خجالت * حیا ودهشت یعنی
اوتانمق و اوتانمقدن مخیر اولمق و بوزقز ر مغه دخی آثار حیادن اولمغه
خجالت دیرل (معنای بیت) بودر که بزم زار بلغز دایل اضطرار و خجالتز
نشان اختیار اولدی یعنی اگر تأثیر بوزندن بد حقه مجبور اولم سق
زار یلق اتمزدك واکراول فعلی کندی اختیار منزله فاعل اولم سق قبیح وترك
ادب اولدیغی صورتده آنک بوزندن خجالتیه دوشوب منفعل اولمزدق
و بوزمن قزمن دی ز براغیرک فعلی الیه کیمسه خجل اولماز پس هر فعل که
عبدن صادر اولور جبر و اختیاری جامع و کسب و خلقی مشتملدر بناء
علی هذا خجالت کسب و اختیارک اثری و کسب و زاری جبر و خلقک
نتیجه سیدر بوندن ظاهر اولور که هرامی باطن اثر ظاهرله ظاهر اولور
وهر نسبه نشانیله صورت بولور اضطرار و اختیار کی

* کر نبودی اختیار این شرم چیست *

* وین دریغ و خجالت و آزر م چیست *

* شرم * حیاد که ترک اوددیر نتکم فلان یاننده اودلی دوشدم دیرل یعنی خجیل
اولدم * دریغ * منع و تقصیر ابتک و حیف دیمک و آه ایلک * آزر م * فتح
زای معجه و سکون راء مهمله ایله حرمت و اود و اوددیر نتکم لطیفی شعر نده کلور
* هر آنکه ایمان و دین و شرم دارد * زیبران زنان آزر م دارد * (معنای بیت)
بودر که اگر عبدک کندی فعلیه اختیار اولمیدی بواوتانمق و قزرمق
و درد و حسرت و آه ایلک ندر یعنی بومعانی دلائل اختیاردر بوندن ظاهر
اولور که مظهریت مرتبه سی ظاهره و مظهریت مرتبه سی باطنه ناظر
اولمغه دریغ و خجالت و آزر می عبده نسبت ایلدیکه عبدک افعال ظاهره سیدر
و تقریر مذکوردن مفهوم اولدیغی اوزره بومقامده خجالت اوتانمقدن
قزرمق معناسنه حل اولندی تا که تکرار لازم کلمه اگرچه که عطف
تفسیری طریق دخی شهره در و حیا تغیر و انکسار در که انسانه عیب
و مذمت ولوم تعلق ایلدیکه نسبه دن عارض اولور پس فی الحقیقه
قلک صفتیدر و لکن اثری یوزده و کوزده ظاهر اولور نتکم حرة الخجل
وصفرة الوجل دیرل یوزده اولدیغی حرمت حسبیه در که ظاهر در
انکیچون اشارت حسبیه الیه اشارت ایدوب این شرم دیدی و کوزده

اولدیغی اعمی حقنده بو بیتدن ظاهر اولور * کیف یرجو الحیاء منک احد *
و ممکن الحیاء منک خراب * و باشده دخی ظاهر اولور نتکم شرمسار
دیرل اوتانمقدن باش اشغه التک حسبیه و حیا ایلکدیر بری حیاء
نفسا نیدر که نفوس انک اوزرینه مجبور لدر کشف عورتدن حیای کی
وری دخی حیاء ایمانیدر که الله تعالی نک خوفندن مؤمنی فعل معاصیدن
منع ایدر (لحرره) وار ایسه سنده اگر قطره حیا * عرفیه یوزیکی
قیل دریا * آب روی دو کیلور بی ادبک * بردخی کیم اکا آدم دریا *

* زجر استادان و شاگردان چراست *

* خاطر از تدبیرها کاردان چراست *

* زجر * اصلنده صوتله اولان طرد در صکره کاه مطلق طردده و کاه صوتده
استعمال اولندی صوتده استعمال اولندیغی مطرود اولان نسبه
اوزرینه صیاحدن اوتوریدر نتکم عرب اغرب و تخ و وراءک والیک عنی دیر
و ترک آجل شورادن و یقل کیت و اوتو طور دیر * استاذ * معلم معناسنه مستعملدر
شرحی کذرا یتشدر خاطر اصلنده قلبه وارد اولان نسبه در قلبه جریان
اعتباریله زرا قبل جریان یعنی ابتداء در ونده هاجس دیرل صکره قلبه اطلاق
ایلدیله زیر احوال وارددر * تدبیر * و تدبیر بر نسنه نک دیر و عاقبتیه نظر ایتمکدر
ولکن تدبیر ایله تفکرک فرقی بودر که تفکرک دایل و تدبیر عواقبه نظر حسبیه
تصرف قلبدر * کردان * کاف عجمینک فحیه صفت مشبهه در دونکن
و رجوع ایلده کن معناسنه بعد ذام صراع اول اختیاره و مصراع ثانی اضطراره
دارد و وثائی دخی اولدی کی اولمق و جهدر (معنای بیت) بودر که
اگر عبده کسب و اختیار اولمسه استاذک منع و نهی و طردی شاگردک
انزجار و امتناع و انتهای نیچوندر و هر فعلده مؤثر حقیقی الله تعالی اولمسه
کوکلرک تدبیرلندن رجوعی نه معنادندر یعنی صورت اولی ده عبد مختار و نایده
مضطر و مجبور اولمغه دلالت ایدر ز برابر نسنه نک کاسی عبد اولمسه
عبده سن شونی اشله و یا اشله و یا نیچون اشلدک دیمزل و کذلک اگر اول
فعلده تأثیر عبدک اولیدی تدبیرلندن رجوع ایتدی بلکه اشیوب وجوده
کنورردی و لکن الله تعالی اول فعلده آنی صرف و تدبیردن چوردی و خلافتیه
جبر ایلدی پس امری و نهیله ابتلا کسبه منوطدر محکیدر که بعض اکابر
عارفین ملائکه نک تجاسر ایدوب (انجمل فیها من یفسد فیها و یسفک

الدماء) مقاله زنده تعجب ایلدی صکره دیدیکه نسنه یوق زیر انلری
اول مقاله ایله انطاق ایدن حقدر انکیچون جرأت ایتدیلر فاما بوسوز
یحیی بن معاذ الرازی به بالغ اولدقده بیوردیکه صدق هو انطقهم
ولیکن انظر کیف احرقهم یعنی خلق ایتک حق طرفندن اولق سقوط
اومده عنذر اولماز بلکه کندی کسبله ملوم اوورنکم قاتل اولان کیمسه
قصاص اولنور زیرا فعل اختیار یسی ایله صادر اولمشدر (لحرره)
جبره ذاهب اولان عبد کراه حاش اثبات ایدر اللهه کناه *
چونکه سن کسب ایده سن معصیتی برکنهه سکا دوشریک آه *
ورتوکونی غافلت از جبر او *
ماه حق پنهان شد اندرا بر او *

* غافل * غفلت شول معنادر که انسانی حقیقت اموره وقوفدن منع
ایدر * جبر * او اضافله در او ضمیر غایبدر هو کی بوراده الله تعالی به راجعدر
پنهان * بآء عجمینک فحیمه کز اودر ودقایقه بوندن غیری دخی کلام واردر
بر مقداری بالاده کنرا ایلدی * ابر او * بودخی اضافله در ولیکن ضمیر زاریلق
ایدن عبده راجعدر و بونده کر چه تفکیک واردر ولیکن مضر دکلدر
ابر بولدر که عرب غیم و سحاب دیر (معنای بیت) بودر که اسکر سن
بو خصوصده اعتراض کونه سؤال ایدوب دیرسک که ناله وزاری اهلی
الله تعالینک جبرندن غافل و آنک جباریتی ذکر دن مشغول و بی خبردر
شویله که ماه ابرایچنده پنهان اولدیغی کی آنک دخی جباریت حق مطالعه
ومکاشفه سی نوری ظلمت غفلتده کز لشمس وغفلت اول معنایی ادراکدن
اکامانع اولمشدر پس غافل اولان کیمسه نک زاریلغی معنای مذکور دن
ناشی دکلدر بونده قلبی ماهه و قلبک نور مکاسبی نور ماهه وظلمت غفلت
وپرده دلی ابره تشبیه واردر پس شمس حق دیمکدن ماه حق دیمک اولی در
زیرا شمسیت روحک و قریت قلبک صفتیدر انکیچون قلب احوال روحه
مرآتدر قرصه ماه نور آفتابه آینه اولدیغی کی الحاصل شمس نور رتبه
ومکانه قدردن اشد و اعلی وارفع اولدیغی کی روح دخی قلبه کوره بویله در
پس قلبک تعینی قر کی متأخر در ز براسافلاک وجودی عالی دن متأخردر
حیوان ناطقک وجودی بالکن حیواندن متأخر اولدیغی کی اگر چه که
مقیده اولان جمعیت مطلقده یوق وفرزندک بر زخیتی جهتندن فضلی

پدر دن ارتقدرفاعرف انکیچون رسول الله علی الله علیه وسلمه (فبهدهام
افتده) دیو خطاب وارد اولدی زیرا اگر چه بونک ظاهری اقتدادر فاما باطنی
جمعیت عظمی و امامت مثلاً بی مشعردر (لحرره) هر نبی برستاریه بکزر *
اراده سن قرمشال اولدک * سکا اولدی تجلی ذاتی * نور حقله سر ترسرتولدک *
هست این را خوش جواب ار بشنوی *
بکذری از کفر و در دین بکروی *

* این * بیت سابقده مقول قوله اشارتدر * جواب * جو بدندر که قطع معناسنه در
یقال جاب الفلان البادیه اذا قطعها پس سؤال مقابله سنده اراد اولنان
کلامه جواب تسمیه اولندی زیرا انکله کلام خصم منقطع اولور * کفر *
بوراده کفردن مراد انکار و دین تصدیقندن مقصود اهل دین صحیح
اولان اهل سنت و جماعتک جوابنه اینانق و منقاد اولمقدردر و اول جواب
بیت لاحقده و ما بعدنده مسطور اولان معنادر * بکروی * کرو بدندن
ما خوددر کرویدن کاف عجمینک کسر یله اینسانمقدردر عرب تصدیق دیر
(معنای بیت) بودر که سؤل مذکوره خوش جواب واردر اگر اشدیرسک
وحضور قلبله القاء سمع ایدرسک و بومعنائک مقدمه سی بودر که اولا
انکار دن پکرسن و دین صحیح اهلی اولان اهل سنت و جماعتک مذهبنه
معتقد اولور و کوثر اقرار ایچرسن و جائزدر که کفر و ایمان حقیقی مراد
اوله زیرا مسائل قدرده زیاد غموض اولغله نیچهلر خطا ایتمشلرو بلکه
کفره کیر مشلردر و نصک حکم صریحنه قائل اولیمان کابی ایسه ده
مجموس حکمنده در انکیچون قدریه فرقه سی بوامتک مجوس سیدردیو تغلیط
اولمشلردر مقصود مقتضای کتابدن خروج و عدول لرنی بیاندزیرا
مجموس اهل کتاب دکل بلکه آتش پرستدر و بونده اهل انکاری ذم واردر
زیرا انلر که مکاشفه بی واریابی انکار ایدرلر بومسئله نک حقیقتی ادراکدن
قاصر لدر زیر حقیقتی مکاشفه ایله بلنور و یا مکاشفه اهلیله صحبت و مقاله لرنی
تصدیقله حصوله کلور (لحرره) قلب انسانده اولیحق انکار * ایده من
معرفت حق شکار * ایله زهدی کندیکه پیشه * عشق در عالم ایچره حاصل کار

* حسرت وزاری که بیمار یست *

* وقت بیماری همه بیدار یست *

* که فتنه کاهدن مخففدر زمان ایله مکان ارا سنده مشترک ظرفک اسمیدر

بوراده مراد زماندر باقی مفردات شرح اولمشدر (معنای بیت) بودر که
عبدك حسرت و زاری بخی و خسته لك وقتنده در یعنی انسان
خسته و دردناك و بیچاره اولد بخه حسرت و خور و زاری کنان اولماز
خسته لك وقتك جمله سی ایسه یقظه و بیدارلق وقتیدر یعنی اول وقتنده اصلا
غفلت بو قدر و چشم بپاره خواب کرمیدی کبی سائر اهل دردك چشمه
دخی کرمز و اول وقتنده پرده غفلت مرتفع اولوب حقه توجه و انجذاب
حاصل اولور که آوزاری انك نشاندیر و بیمارلقده حکما صحت وجود
واردر نتم بعض مفرداته کلور * نسیم صبح اسرجان بخش اولوب
آهسته آهسته * جهاند بویله جان ویرمش دکلدر دخی برخسته * یعنی صباك
آهسته هبونی بیمار حانه بکرز مع هذا سبب راحت روح و مزید صحت بدندر
بوندن فهم اولنور که صحیح او جود اولان حکما بیمار در یعنی اگر اوزم صحت ایله
قام دکل ایسه فاعرف جدا (لحرره) پوته حاله قیوب قالمی بن * عشقه بلکه
قال ایدر دیردم * خسته لك ایتدی بنی دمبسته * وردمی درد و بلایه ویردم

آن زمان که میشوی بیمار تو

میکنی از جرم استغفار تو

بیت سابقدن مفهوم اولان بیدارلخی بیانه شروعدر * جرم * ضمه جرم مندر
فتحه که شجره دن ثمره قطع ایتکدر صکره کسب مکروه ایچون استعاره
اولندی زیرا فاعلنك حقندن قطیعت و فراقنی موجب و مستلزمدر
* استغفار * مغفرت طلب ایتکدر مغفرت اودر که الله تعالی قوانی مس
عذابدن صیانت ایله زیرا غفر فتحه برنسنه بی پرده و لباسله ستردر تا که
آنی دنس و وسخندن صیانت ایله و استغفارده توبه شرطدر زیرا
اجماع امت بونك اوزرنه در که بالکز استغفار توبه اولماز مکر انکله بله
دیه که (تبت و اسأت و لا اعود الیه ابدا فاغفر لی یارب) نتم تفسیر
حد ادیده مصر حدرد و بدمشدر که استغفار ورد دائم در یعنی کامل
و ناقصدن الی آخر العمر ساقط اولماز زیرا کامل تلویثاتدن و ناقص هیئات
مظلمدن استغفارله ترفیده در (معنای بیت) بودر که اول زمانده که سن
بیمار اولور سن و خسته لك بو اور سن مرض بحسب الغالب مقدمه
موت اولدیغن بیلوب جرم و جنایتکدن توبه و استغفار ایدر سن بوايه
حقندن آگاهلقدندر صحت حالی ایسه بویله دکلدر بلکه سبب غفلتدر

نتکم مشاهده ایله معلومدر بوندن فهم اولنور که طبیعت و نفس
مراد لرنجه صحت اوزره اولد بخه قلب مر یض و حقندن غافلدر پس
چقن طبیعت ریاضت و نفس مجاهده ایله بیمار و خسته صورتن بوله دیده
قابدن غشاوه مرتفع اولوب نور بصیرتله منور و کل مشاهد ایله مکمل
اولور و صحت صورتن بولور و قلبك جرم و جنایتی ظهور تلویثات
و اخلاق ذمیله تخلقه در پس تمکین ظهورنده تلویث مرتفع اولوب
هیئات ردیه مغفور و مستور اولور بوندن ظاهر اولور که مغفرتنه برنسنه نك
اصلی زائل و منعمی اولق لازم کلز بلکه سیئات حسنا ته مبدل اولق
دخی مغفرتدر اکسیر ایله نحاس ذهب صورتنه کردیکی کبی ولیکن اربابی
قلیلدر حتی شیخ اکبر قدس سره الاطهر بیور مشدر که زمانده
ارباب تبدیلدن انجق ایکی کسه بیلورم عفو ایسه بویله دکلدر یعنی
عفو صورتنده اثر معصیت قالماز بلکه منعمی اولور نتم هر برینك
معنای اغویسی تقریر مذ کوری مشدر در (لحرره) رحمت حق
در سك اول کل * طاب عفو و مغفرت اوله کور * سکا
هر یوزدن ایلوب اکرام * اول غفور رحیم بلیه کور * والله الغفور

می نماید بر تو زشتی کنه

میکنی نیت که باز آیم بره

* زشت * چر کندر که عرب قبیح دیر * کنه * کاف عجبینك ضی وهاء اصلیه
ایله کنه لفظندن تخفیف اولمشدر تعریب ایدوب جناح دیر لرتك یازق
دیر کنه زشتك ایله وصف ایلدی زیرا آخرتده صور قبیحه ده مثل
ایسه کر کدر * نیت * قصد قلبی در علم مجرد دکلدر انکچون کفری عمله
کفر لازم کلز بلکه قصدله لازم کلور * ره * مراد صراط مستقیمدر که معنویدر
(معنای بیت) بودر که اول خسته لك زمانده سنك اوزر یکه کاهک چر کنلکی
کورینور و ظاهر اولور بناء علی هذا نیت و قصد قلبی ایدر سنکه کرو
بوله کلم و کنه ایتکله حاصل اولان ضلالتن خلاص اولوب طریق
هدایه مهندی اولام بوندن فهم اولنور که طریق صوریده حسا ضلال
واقع اولدیغی کبی طریق معنویه دخی عقلا کرا هلق واقع اولور ولیکن
کاهلور که ضلال مر شدك جهاندن و کاهلور که سالک غفلتدن
اولور نتم طریق صوریده نیجه لرآت و دوه اوزرنده خواب ربوده بولدن

چهار روز و پنج روزه دخی فترت و وقفه حاصل اولوب منزله وصولدن
قالورل و بوندن اخذ اولونو که صحت حالنده انسانک کوزینه کنه کورنر
و کورینور سه دخی تسـ و بل نفس و تزین شیطانه صورت حسنه ده
کورینور انکیچون فعلنه اقبال و کسینه هجوم ایدر تنکم قرآند کلور
(افن زین له سه و عمله فرآه حسنا) بوسیدندر که حدیثه کلور (المؤمن
لا یخلو عن قله اوعله اوذله) زیرا قلیل المال و علیل الوجود و ذلیل الحال
اولغله حقه اقبال و توجهدن خالی اولماز و بونکه ایمانی کامل اولور پس
اولکه صفات مذکورہ نك اضداد بله متصفدر بحسب الغالب ایمان
ناقص اهلیدر زیرا مفسده دن خالی دکلدر انکیچون شـ عربده کلور
ان الشباب و الفراغ و الجدة * مفسده المرأى مفسده * بوجه تندر که
ارباب سلوک دائماً تضعیف قوی و انحلال وجود و بذل اموالیه قائم
اولور زیرا بلورل که بوجهـ له حقه قربت و وصلت بواورل و بونده
رمز وارد که صحت وجود اهلی تسـ و یف اهلیدر فاما خبرده کلور که
(هلاک المسوفون) پس وفی التأخیر آفات و جنبه بوکونی یارینه تأخیرک
وجهی یوق و بومقوله مساهله نك دنیا و عقبا ده تنزل و مفسده سی پک چوقدر
﴿ عهد یمان میکنی که بعد ازین ﴾
﴿ جز که طاعت نبودم کار کزین ﴾

* عهد و یمان * بره منایه در مراعاتی لازم کن موثقه عهد یمانلردر زیرا
حالا بعد حال معاهده و محافظه و مراعات اولور * نبودم * اصلنده
با مضمومدر بورا ده وز نیچون تسکین اولور * کار کزین * کار مختار دیمکدر
تنکم صحابه کزین دیرلر زیرا جله ناس میاننده صحبت رسول الله صلی الله
علیه وسلم ایله مختار و محبتی اولشلر و ملکات فاضله و اخلاق زائده ایله اتصافله
اصطفائت مرتبه سن بولشلردر (معنی بیت) بودر که اولوقته عهد
و یمان ایدر سنکه بوندن صکره طاعت حقندن غیری کار مقبول و پیشه
مختارم اولیه بلکه جله امور ارا سنده طاعتی اختیار ایدیم و معصیت
و مخالفت طرفته التفات ایتیم زیرا فی نفس الامر طاعت مختار و مقبول
و مخالفت مردود و مجبوردر بونده طاعت ذکر ایتدی ز برایت سابقده
مندرج اولان مضمون که طریق حقه رجوعدر طاعت حقه اولور و نیتدن
صکره عهد و یمان ذکر ایلدی زیرا بونده نیتی تأکید وارددر مع هذا

نیت صفت قلب و عهد و یمان صفت اسان اولغله ایکسـ نی درجده
درجه شریعت و حقیقتده و قوف وارددر زیر اسان جنانک ترجانیدر
شریعت حقیقتک صورتی اولدیغی کی معلوم اولکه عهد و یمان اگر
بالکزدرد دن ناشی و نیجه رنج اولور سه ضعیفدر انکیچون نیجه راول
دردور نیک زوالندن صکره نقض عهد ایتشلر و طریق خلافه کمتشلردر
واکر حقیقه الامری ادراک و مکاشفه دن صادر ایسه قویدر انکیچون
بو طائفه عهدنده دائم و قول و یماننده ثابت قدم و یماننده باردر
(لحرره) نه رواددر که طور یموب عهد * طوته سن نفسه او یوب سمت
خلاف * بو خلافی کورن آدم سکادیر * عهد که یوف اوله ای اهل لاف *
وار ایسه نازل اولدی شانکده * لاتطع منهم کل خلاف *

﴿ پس یقین کشت این که بیماری ترا ﴾
﴿ می بخشید هوش و بیداری ترا ﴾

* یقین * اتقان علمدر که نظر و استدلال اوزرینه و قوف اولان ازاله شک
و شبهه دن ناشی بیدر تنکم بالاده شرح اولمشدر ترکیده یقین و ابراق دیرلر
یا قین دیمک کر کدر الف ایله (معنای بیت) بودر که پس یقین و محقق
اولدی بومعنا که خسته لک سکاهوش و بیداراق بخش و ابراث ایدر یعنی
خسته لک سبیلله عقل پریشانک باشکه کلور و خواب غفلتدن او یانوب
زار یلق ایتکه باشلرسن اگر سننده حقل جباریتی ذکر اولمیایدی معنای
مذکور دن ناشی ناله و فغان حصوله کلردی بوندن ظاهرا ولور که درد
حقندن بی خبر اولان کسه بی هوش و محـ نون و خواب غفلتله مرهوند
و بونده هوش و بیداراق بخش ایتکی بیمارانه نسبت ایلدی زیرا بحسب
الظاهر سبیدر اگر چه که مکاشف اولان تأثیر حقه ناظر در و قرآند کلور
(یعنی الله ما يشاء و یثبت) یعنی الله تمالی قلوب موحدیندن اسبابی
محو ایدوب کندی ذاتی که مسبب الاسباب در آتی اثبات ایدر و قلوب
ناظریندن و حدائیتی محو ایدوب اسبابی اثبات ایدر پس اولکی اهل
مکاشفه و ایکنجی اهل نظر حالیدر فاما اهل مکاشفه گاه اولور که طعن
طاعتی دفع ایچون وجه حق خلقه ستر ایدوب تفرقه ذاهب اولور و اثبات
اسباب و مظاهر ایلرلر و گاه اولور که طالب واجدی تأنیس ایچون وجه
خلق حقله ستر ایدوب جمعه ذاهب اولور و رفع اسباب و اثبات ظاهر ایلر

پس ایکی صورتی بهینه توحیدله دایر و معنای وحدانیت ایله قائم در
زیرا تفرقه ذهابی لا جمل المصلحه در (لحرره) خواب غفلت تدن
اولان دل بیدار * کوز نه کیرمندی دیار و دار * داره باقر
کورن اول دیاری * داره دیار اولدی چونکه مدار *
پس بدان این اصل را ای اصل جو *
هر کردار دست او بردست بو *

* این اصل * مصراع ثانی مضمونه اشارت در اصل فرع مقابله در * اصل جو *
وصف ترکیب در اصلنده جوینده اصل در اصل جو دیدی طالب مفره
یا حقیقه و یا حکم ازیرا منکر اولان کسه بواصلی اقرار اینچون
زار یلق ذکر جبار بتدن اولدیغن سلب ایدر (معنای بیت) بودر که پس
بومذکور اولاجق اصلی بیل ای جوینده اصل و طالب تحقیق اولان کسه
و اول اصل بودر که هر کیم که دردی وارد بوی حقیقی اول التمش
و شمه حتی اول قوقش در پس بی درد اولان نفس الامر و واقف دکلدر
انکچون پر زاری و ناله اولان جباریت حقندن آگاه و اولیان اندن
خافند و کذلک درد عشقه مبتلی اولان عاشق بوی وصلتی شم و رایحه
درمانی استنشاق ایدر ز برادر و واسطه درمان اولدیغی کبی عشق دخی
رابطه قربت رحماندر بوندن اخذ اولنور که زاهد و سائر لک و صلتی
وراء جبار بندر ز را بی درددر بلکه انک و صلتی درجات جنائیه مرتبه
سندندر یو خسه عاشق کبی مرتبه عندبتدن دکلدر پس عاشق شمع
ایتدیک کل مقصودک بوبین زاهده قوقق یوقدر و زاهد آنک وردندن
بی خبردر نیکم شعرده کلور * نه بلسون حالی بی درد عشق یار
اولان و بسی * محبت بر بلادر کیم رفتار اولیان بلز *

* هر که او بیدار تر پردرد تر *
* هر که او آگاه تر رخ زرد تر *
* رخ زرد * صاری یکاقلوو بکراو (معنای بیت) بودر که هر اول کسه که
زیاده بیدار و متبظدر زیاده در دله طواو در زیر اینقظه نک حکمی دردک
وجودیدر پس بقظه نقدر زیاده اولسه او قدردر دآرز نیکم حدیثه
کلور (انی لاتفکم الله و اخشاکم له) اصلی معرفت جمال و جلالت
کالدر و هر کیم که زیاده آگاه و با خبردر پردرد تر اولدیغی کبی رخ زرد تر در

زیرا در دبا غنک اثری ظاهره منعکس اولوب خصوصاً چهره ده نمایان
اولور خجلده حریت و وجل و عشقه صفت اولدیغی کبی و یونس امره
قدس سره معارفنده کلور * صوردم صاری چیچکه بکزلندن صرردی *
جواب و یردیکه عاشق بکزی صاری اولور * و بوسار یلق عندالله ذهب
اصفردن افضلدر ز یراذه بک ذهیتی یا تربیه معدن و یا عمل اکسیرله در
ذکر اولانان صاری یلق ایسه تربیه الهی و ثمره درد عشقدر که اکسیر حقیقیدر
پس اکسیر حقیقی ایله اکسیر مجازی و اثرلی نوجهله برابر اولور و بوندن
انبیا و اولیانک مراتبی معلوم اولدی ز براهر کس دردده و اثرنده مساوی
دکلدر انکچون رسول الله صلی الله علیه وسلم نمازه شروع ایتدکلرنده
صدر لرنده او از غلیان قزغان کبی آواز ظاهر اولوردی سائرلده ایسه
بومر تبه آواز بوقدر انکچون آواز مذکور برهان صدر دیدیلر ز بر
هر عضو نه باشقه بر برهان و ایددی و بوسره اشارت ایدوب قرآند
کلور (یا ایها الناس قد جاءکم برهان من ربکم) (لحرره) درد عشق
یوقدرر پایانی چون بحر محیط * شرحی صغیر کرورق اولور سه غبراء بسیط

* کر ز جبرش آکھی زاربت کو *
* ینش زنجیر جباریت کو *
* جبرش * ضمیر الله تعالی به راجع در آکھی آگاهی دن تخفیف اولمشدر
یا خطاب ایچوندر آگاه خبردار دیمکدر * ینش * کورش معناسنه اسمدر
* جباریت * ده اولان ناء خطاب اکافیددر و جائزدر که جباریتده اولان یا
اصلنده مشدده و مصدریه و تا عارضه و یانک تخفیفی و زنجیر اوله
معلوم اولکه بوییت و مابعدی ذکر اولانان سؤال و جوابک نتیجه سیدر
(معنای بیت) بودر که اگر سنک جبر حقندن آگاهلغک و خبرک و ارایسه
و بلکه بطریق الکاشفه قلبک اول معنایه یار یسه زار یلغک قنی ز بر ازار یلق
دلیل اضطرار و ثمره ذکر جباری در سنک زنجیر جباریت حتی ینش
ورؤیت و مشاهدک قنی بونده زنجیر ذکرک اصلی صورت
جبری تصویردر ز یرادر زنجیر اولان کیمسه مقید و محصور و مجبوردر که
هر نه طرفه جذب و جری ایدر سه اول طرفه منجذب و منجرا اولور فعلنده مجبور
اولان دخی بویله در ز براهر فاعل قضا و قدر دآره سندن خارج اوله من
و بالاخره زار یلق ایتمکه باشلر اول زار یلق آنک توحیدنه و معرفت

حقه و صولنه نشان و عین ثابته سنك حكيمدر كرك برنسته يي منج اوسون و كرك
اولسون بس زار يلق اوليان آده دن معاني مذكوره مفقود در و بوندن
فهم اولنور كه كشاكش زنجيرده اولان و كذلك عرض مغلوب آه انين
وناله ده بي اختيار اولديغي كبي اسرار قدر و جبردن خبر دار اولان دخی
بي اختيار در انكيچون عشاق حقدين بي اختيار صيت و صدا و در ده
يا هو و يا الله ديك اكسك اولماز زير انخج و جمع صدر حسبيله بي اختيار
صادر اولديغي كبي بودخی در ددل جهتيه بي اختيار در و نفعي نظمنده كلور
ضبط آه ايله در عاشقه اول چاره * بن ايسه آه سز آرام ايدم آه مدد *
و بوندن ظاهر او اور كه آه و واه ايدن كيمسه تعين و تشخصدن فنا بولمق
كر كدر تا كه حقه بي اختيار صادر اوله والا مقبول دكلدر انكيچون كندی
نفسنه شعوری اولان سالكدن مجلس ذكرده صبحه صادر اولمق ترك
ادبدن معدود در (لحرره) غرق بحر فنا اولان دادن * چقماز عالمده
بردخی آواز * مفتي عشقه صورديلر آني * و یرمدی اویله قيل و قاله جواز *

* بسته در زنجیر چون شادی کند *

* کی اسیر حبس آزادی کند *

* چون * اشباع و اوله كيف مناسبه در * کی * براق معنایه كلور بوراده
چن مناسبه در و لطائف خواجه حافظد ندر كه دیوانده كلور * بیاك
بلبل و غری اگر نوشی می * علاج کی كمت كه آخر الدوا البکی * (معنای بیت)
بودر كه زنجیرده بغاو اولان كيمسه نه كیفیت ايله شاد بلیق واسیر حبس
و مقید زندان اولان كشی نه وجهله آزادلق ایلری یعنی در زنجیر اولانده
شاد بلیق و محبوس اولانده آزادلق معامله سی اولمديغي كبی معنای جبردن
آگاه اولان دخی بویه در اولدخی زار بلیقندن خالی اولماز زيرا اول آگاهلغك
حكیمی درد و دردك اثری زار بلیقندر پس بر كيمسه ده شاد بلیق موجود
وزار بلیق مفقود در عیاندركه اول معنادن غافلدر زيرا سورله ماتم و غمخه
فرح بریده مجتمع اولماز بوسیدندر كه رسول الله صلى الله علیه وسلم
وصفنده كلور (كان دائم الاحزان متواصل الفكر) و سائر عشاقك
دخی مرتبه لرینه كوره سیماری سیماء در د و معامله لری معامله بیمار
ذر بوندن ظاهر او اور كه بعض مدعیانكه دریا وار او اوب
متغیر اولماق زعمه دوشمیلدر مع هذا اوزر لنده علامت تفرقه

و پریشانی وارد در پس دعوا زنده كاذبلر در زيرا هر دعواك حجت
و برهانی و هر حكيمك از و نشانی وارد در نكتم نشان عاشقی ده محمدیه ده
كلور * ع * یور كده اود كوز مده یاش باشمده خاك المده یل *

* ورتومی بینی كه پایت بسته اند *

* برتو سرهنكان شه بنشسته اند *

* سرهنكان * چری باشی و یا باشی و ایش اوزر بنه طورن معتمده اطلاق
اولنور ابن كالك دقایق نام كتابنده كلور كه سرهنك الفاظ می كبدندر
بر جزئی سر و بر جزئی ده هنك در اصلی آهنگدر معنای عز مدر كه چری
باشلرینه كه باشند حر كته اول عزم ایدر و قلاتی اكاتباع او اور سر آهنگدیرلر
اصلی سر ك آهنگه اضافتیله در صالم اولیجق قاعده تركیب تغیر اولنوب
آهنگك النی حذف و علاقه اضافت قطع اولمشدر انتهی و جا زدر كه
قوت معنایه اولان هنك اوله ز بر چری به قوت باز و لازمدر پس ایش
ارلری اولان اقو بانك سری سرهنك اولور و جا زدر كه موج در یا معنایه
اولان هنك اوله ز بر چری بی كثر تده موج در یا به تشبیه ایدم ككشیلدر
ووالعلم عندالله العليم (معنای بیت) بودر كه واکر سن كوره سنكه بر قباح
مقابله سنده پادشاهك مؤكل و معتمدی ایاغك بغلشلرو بوقاغو اور مشلر
واوزر یكه اوتور مشلرو مسلط و حواله اولوب قولاغك تمام بور مشلدر یعنی
بو صورتده سن انلرك انده عاجز و بون او اور سن و كرفتارلق او جندن تمام
مرتبه ذات بولور سن بونده بایدن مرادیای طبیعتدر كه ریاضت ايله مقیددر
وشاه روح سلطانی به و سرهنكان آنك قوامنه اشارتدر ز بر طبیعت
انسانیه دن شهواته متعلق نسته صادر اولسه قوای روحانیه انده
مسخر و مقهور اولوب بندر ریاضته دوشر و بسته و شكسته اولوب نار
اضطرارده یانوب پشروگاه او اور كه حكیم قوای نفسانیه انده اولغله
بنددن آزاد او اور و مشتهیاتی نه ايسه سو بسو ارايوب بولور
(لحرره) نفس و شهواته صاقل اوله ز بون * و ارايسه كك باشكده
ذره هنك * كیم ز بون اولسه انلره آخر * عاجز اولوب ایدر آهه آهنگ *

* پس تو سرهنکی مكن با عاجزان *

* زانكه نبود طبع و خوی عاجزان *

* عاجز * قادر ك مقابلدر عجز كه ضد قدر تدر عجز انساندر كه انسانك

مؤخر بدر زیر اعجز تأخر امور مؤد بدرونی المفردات العجز اصله التأخر
عن الشيء وحصوله عند عجز الامر ای مؤخره وصار فی المعارف اسما
للقصور عن فعل الشيء * طبع * حرکت و شعوری اولانده و اولیایانده
مستعملدر حرکت حیوان و افلاک کبی طبیعت ایسه حرکت شعوری
اولیایانده استعمال اولنور فلانک خوشبجه طبیعتی وارد دیمک فاسددر
زیر آدمی عاقلی جاد لایمقل منزله سنه تنزیلدر و لیکن طائفه صوفیه
طبیعت و نفس دیو اطلاق ایدرر اصطلاح مخصوص اولمشدر زیر انلرک
مرادی صفات بهیمییه ده بهائم ایله مشترک اولان قوت طبیعتیه کلیه در
اصطلاحده ایسه مناقشه یوقدر و کتب حکماءه دخی طبیعت بحوث
عنهادر (معنای بیت) بودر که پس سندیخی عاجز و بی اقتدار اولنلره
سر هنلک و مؤکل لک و زبر دست لک ایله زیرا بویله اولمق عاجز اولانک
طبع و خوی و خصلتی دکلدر یعنی سنکه بیت سابق مضمونی اوزره ایل
النده عاجز اولدیغکی کورسک و زبون اولدیغکی بلسک سعی ایت که ایل
دخی سنک الکنده عاجز و زبون اولماسون زیرا عاجز اولان غیر بی
تعجز ایتنه کن معنای یوقدر الحاصل اسیرده آزادلق و غمناکده سرور
ودرناکده درمان اولدیغی کبی عاجزده دخی قدرت و مجبورده جبر غیر
اولماز پس بوتقریدن هم نصیحت مفهوم وهم بحوث عنه اولان معنای
جبر معلوم اولدی بوسیدندر که اهل الله غیره تعرضدن خالی و اقلیم
سکوت و فناء مالک و والی در نیکم ابراهیم بن ادیمی قدس سره بر سر هنک
ضرب ایتد کده سرفرو ایلدی و هیچ سوبلدی آخر سر هنک ابراهیمی بیلوب
اکاسرفرو قبلدی و اعتذار کوستردی (محرره) اولسه فی الحقیقه
کر سر هنک * بد جبرنده خدایک مجبور * ابن ادیم دیمزدی سره که *
نقدر استر ايسک باشمه اور * و قرآنده کاور (و خلق الانسان ضعيفا)
نتکم بالاده تحقیق اولمشدر زهی انسانکه عاجز و قادر و ضعیف و قوی
* و ذلیل و عزیز * و ثیم و کریم * و غریب و قریدر * پس انسانده
بشریتی حسیله عجز و ضعف و کسب و اختیار اولسه انیدیا و اولیا و صلحا
قبل حندن معاتب اولمازل و معامله جلال بولمازل دی قوت و قدرت
واضطرابی دخی بوکا قیاس اولنه و بعض کبار اولیا بیورمشلردر که
(کن فقیرا بفقره و اصل کل فقر و لا اصل له اصلا کن غنیا بغنیه و اصل کل غنی

ولا اصل له اصلا) فاعرف هذه الجملة فان تحت هذه الالفاظ والمبانی
جميع الحقایق والمعانی (محرره) ایلدی حق بنی حق فقیر * لاجرم خلق بنی
ایدر تحقیر * نظر ایدوب غناء دائمه حق * کرمندن ایدر بکا توقیر *

* چون تو جبر اونمی یلنی مکو *

* ورهمی یلنی نشان دیدکو *

* مکو * نهی حاضر در مفعولی محذوف در تقدیری مکو من مجبورم نتکم
تقریر کلامدن برخوش فهم اولنور * دید * ما ضیدر که کوردی دیمکدر
بوراده مصدر معنای مآخوذ در که دیدندر * کو * کاف عربینک ضمیمه
قنی دیمکدر کاف عجمیه امر حاضر اولوب نشان دیدا کا مفعول مقدم اولمق
دخی معنی موجه در و لیکن لفظا فیه ده تکرار لازم کلور مکر امر و نهیه
تفاوت معبر اوله (معنای بیت) بودر که چونکه سن حق تعالی نک جبرنی
کورمیه سن جبارینه مطلع اولمیه سن و مکاشفه طریقیله اول معنای بلیه سن
و اثر یله تبلی قلیه سن دیمه که بن حقیقید مشیتده مجبورم زیرا که بوصورنده
سنده جبر نشانی مفقود اولمغه ایتد بیکک دعوی کذب محمول او اور و اگر
حقیقت جبره مطلع اوله سن اول اطلاع و مشاهده نک نشانی و اول حقیقت ایله
تحققک حقیقتی قنی یعنی آنک علامتی بالاده ذکر اولندیغی اوزره زار یلق
و ترک شادی ایتک لکدر بوندن فهم اولنور که بعض احکامده محبوب ایله
مکاشف بر دکلدر زیرا مکاشفک دعواسی صدق و محجوبک کذبدر پس
برسالتک محجوب مجرد کتب و رسائل تبیی و افواهدن اخذی سبیله هویت
انسان هویت حق و سیری سر مطلقدر دیوانا الحق دیسه کافر اولور
زیرا اول معناک حقیقتی مکاشفه طریقیله کندینه معلوم اولمشدر
پس دعواسی تعین و تشخیصه دارا اولور حق تعالی ایسه تعین و تشخیصدن
منزهدر اگرچه که تعین و تشخیص دخی حقدر باطل دکلدر فاعرف فاما
مکاشف اولان دیسه مؤمن کامل عد اولنور زیرا ایمانده کمال اودر که
مرتبه احسان و مشاهده به بالغ اوله پس سر احدیت و هویت آنک
وجودنده ظاهر و نور فردانیت جبهه سنده باهر اولمغه دعواسی حقدر
زیرا تشبیه صورتنده تنزیه اهلیدر نتکم ملائکه آدم علیه السلامه سجده
حائده تنزیه اهل ایدیلر فافهم حقیقت دعوا به برهان ظهور خوارق عادیه
و وجود کرامات علیه در پس بی دلیل اولان دعوا ی مر دوددر

نتکم حضرت هدای قدس سره کما شنده کلور * صادق قره برهان کرک *
ورنه ز دعواها چه سو د * و حقیقتک دلیل ظاهری شریعت و برهان
باطنی تحقق حقیقتد ز برابره مقامده دلیل و مدلول بر در (لحرره)
منکشف اولسه سکا طلعت یار * کوزلک بردخی کورمز اغیار *

در هر آن کاری که میست بدان *

قدرت خود را همی بینی عیان *

* عیان * عینک کسر یله معاینه معینه در بقال لقیه عیانای معاینه
لم یشک فی رؤیته ایه کما فی القاموس و کذا قال فی الصحاح عابن الشی عیانای
رآه بعینه انتهى پس بونلردن فهم اولندیکه عیان مفاعله بایک مصدر
ثانیسیدر او ایسه مکسور القادر بناء علی هذا فتحله اوقیانلری تغلیط
ایتمشدر نتکم ابن کال اغلاط بیان ایتدیکی رساله ده ایراد ایدر که
والناس يستعملونه بفتح العين وهو خطأ لان العیان بفتح العين مصدر
من عان الماء والد مع بعین ای سال انتهى فاما اختریده عیان بالفتح
ظاهرک دیوتفسیر ایدر مکر اول دخی غلطه محمول اوله ولیکن لغته اعتماد
قالماق لازم کلور (معنای بیت) بودر که هر اول کارده که سنک اکامیل و محبت
وانجذابک وارد در اوراده کندی قدرتکی عیان و آشکاره کور رسن
و کندک ایچون قدرت و اختیار اثبات ایتمکده شک و شبهه یوقدر
پس قولدن کسب لازمدر دیو حصولده مقدور یکی بذل ایدر سن کسب
دنیا و کسب اغراض نفسانیه کی بونده علوم رسمیه دخی داخلدر ز بر
صناعا تندرو و اعصارده علوم غیر نافعیه میل زیاده در بوجهندن طلبه
علوم کینلر صرف اختیار ایدوب اطراف عالمی کشت ایدر لرتاکه بر فلسفی به
راست کلور مرغ کور کی آنک زهر آیله هلاک اوله و علوم دیو حوصله لرنده
کندم برینه زوان بوله مدت مدیده در که کتب سسته و نظائر قرائت
و کتبت اولتمده متروک و معجز و علوم شرعیه به اشتغال بین الناس منسی
و منفور در (لحرره) زهری تریاق صانور بی ادراک * زهر یله کندینی
ایلر اهلاک * کوزلیوب مرغ کور شور آبی * قورناراکاوار یکن چشمه پاک *

در هر آن کاری که میست نیست و خواست *

اندر آن جبری شدی کین از خداست *

* نیست * ده یا اشباع اول نماز و نیچون * خواست * طلبدر نتکم در خواست

ابتدی دیرل طلب ایتدی معنای بیت) بودر که هر اول کارده که
میل و طلبک یوقدر اول خصوصده جبری اولور سنکه بوخدا دندر
دیرسک و کندک ایچون قدرت و حرکت اختیار و اثبات ایتمسن و حصولده
کسب و کوشش کورمز سن کسب آخرت و اغراض روحانیه کی بونده
علوم حقیقه دخی داخلدر ز بر خلقک اکا رغبتی یوقدر بلکه نیچهل
دخی انکار ایدرل و کفار قرآنی سحر و شعره حل ایتدکلی کی ارباب
انکار دخی مغز قرآن و اسرار فرقانی شطح و طاماته نسبت ایدرل و مقر
اولان اهل حجاب دخی نبلیه لم المزده دکل الله تعالی اسبابی خلق ایتمشدر دیو
کسیدن تقاعد و تحصیلدن تکاسل ایدرل و نعم مشاعر و قوایه کفران اوزره
اولورل و حق تعالی به بخل اثبات ایدرل و صوچی آنده بولورل نعوذ بالله
تعالی (لحرره) و ارایکن سنده بود کلو آلات * ینه کلز الکن اصلاکار * صال
علم الدنه مرغ دلی * باری ایتمش اولاسن اوز که شکار * بعد ذابیت مشویده
تصریح بما علم التراما نکته سی وارد در ز برایت سابقدن مفهومدر

انبیا در کار دنیا جبریند *

کافر آن در کار عقی جبریند *

دنیا نک شرحی مرور ایتمشدر * عقی * ضره دنیا در که آخرتدر ز بر
دنیا نک آخر و عاقبتیدر و عاقبت مطلقه جنتدر ز بر ایمان و عمل تقدیری
اوزر ینه مصیر انساندر نازک فجاره مصیر اولدینی عوارض حسبله در
ز بر سوء اختیارل یله اهل نار اولمشدر در (معنای بیت) بودر که انبیاء
علیهم السلام امور دنیوییه ده جبر یلدر ز بر ادنیایه میل و رغبتلری یوقدر
پس امور دنیوییه کی کسب ایتدکلی اقتضا و اضطراره در کافرل ایسه
امور اخروییه ده جبر یلدر ز بر آخرته محبت و انجذابلری یوقدر پس
امور اخروییه کی تحصیل ایتدکلی و ضرورت ایله تحصیل ایدرل منافقک
کسلناک اولدقلمری حالده نماز قلمدقلمری کی پس کفارده منافقون دخی
داخلدر در انبیاده مخلصون مندرج اولدقلمری کی و بونده ارباب انکار
واهل ریا حالته دخی اشارت وارد در ز بر حقه طاعتلری صفاء خاطر
و خلوص قلبله دکلدر بعد ذامؤمنان در کار دنیا جبریند دیمدی
تاکه کافران ایله مقابله واضح اوله ز بر انبیاء علیهم السلام ارباب ایمانک
رئیسیدر و کفارل حقه دعوت ایدن انلدر در و کفار ابتدا جبر خالص

مسئله سالك او اوب (لوشاء الله ما عبدنا من دونه من شيء) دين طائفه در پس ايمان علم و كفر جهله منوط اولغله بيت لاحقدين جاهلاني انبيا مقابله سنده ابراد ابلدي زيرا انبيا اعلم الناس اولديغي كبي كفار دخی اجهل الناس در پس كفر جهلدين ناشيدر نتكم ديرل هو اكفر من الحمير ای اجهل بناء على هذا كفر وجهل برابر اولديغي كبي ايمان و علم دخی مساویدر زيرا ايمان علمدين ناشيدر الحاصل انبيا رئيس العلماء ورئيس المؤمنين وكفار رئيس الجهلاء ورئيس المنكرين در پس انبياء الله كافرين و جاهلاني مقابله معنای مذکور بهاء در

انبياء را کار عقی اختیار

جاهل را کار دنیا اختیار

(معنای بیت) بود که انبيا عليهم السلام امور اخرويه ده اختیار یلدر زيرا آخرته ميل وانجذاب لری قویدر جاهلار ايسه امور دنيويه ده اختیار یلدر زيرا دنياه هوس و رغبت لری غایدر پس بوييت دخی تصریح بماعلم التزاما قبیلنددر زيرا بيت سابقه انبياءك امور دنيويه ده جبری اولد قلرينه امور اخرويه ده اختیاری اولد قلری لازم كلكش وكفار ك دخی امور اخرويه ده جبری اولد قلری امور دنيويه ده اختیاری اولد قلرك اقتضا ایلش ابدی و لكن مراتب فهم و ادراك تباین و تفاوت اوزرينه اولغين زياده تحقیق و توضیح ایچون هر برین تصریح به بیان ایلدی و بونده جاهلانده ارباب انكار دخی داخلدر زيرا ارباب انكار اولد لمقدر علوم رسميه به عالم اولسه لرینه علوم حقيقه به كوره جاهلاردر زيرا علم نافع و صحيح اودر که انكلك حق تعالينك شؤونی ادراك وآيات اسما وصفات مطالعہ ممكن اوله طائفه مذكوره ايسه بومعنادی ادراكدر بناء على هذا علوم لدنيه اهلته طعن و تشنيعدن خالی اولمازلر و قلب لرني كبر و كينه دن اصلا بوش بولمازلر * خذ لهم الله على اصراهم وقاتلهم على انكارهم * (لحرره) عالم ايكن ينه جاهل كيدر * اهل حقه طوقنان منكردر * باك ايدرلر سده ظاهرلرني * ينه باطل لری صافي كدردر *

زانكه هر مرغی بسوی جنس خویش

می پرداودر پس و جان پیش پیش

* پیش * او كدر که بسك مقابلیدر که آرددر ايكنی پیش نا كيداچوندر

(معنای بیت) بود که ابيات سابقه ده اولان مسانينك مؤمن وكافره حصول اول سیدندر که هر قوش كندی جنسی طرفه اوچر كندی آردده و جانی انك او كنجه اولديغي حالده زيرا جان و دل برنسنیه ميل ایتد كجه جسد انك اردنه دوشمز و اكاتباع اولوب قوش كبی اردنجه اوچر و بوتبعیت قلبك ميل خفيسنه نشان ظاهر در و هر نسنه كندی جنسی طرفه ميل ايدر اكر قوش و اكر انسان زيرا مجانست جهت جا معه در نتكم ديمش لدردر * همه مرغان كند باجنس پرواز * كبوتر باكبوتر باز باز * و ديمش لدردر که (رايت غربانا تقع فيقع البقع بالسود بالسود) و حديثه كلور (الارواح جنود مجنده فاعرف منها اشكاف وماتما كراختلف) بو حديث شريف مكه دن بر مضحكه خاتون مدينه به كلد كده مجانسه سی بر مضحكه اخري نك خانه سینه طوغری نزول ایتد كده صادر اولشدردر * و مجانست نو عله اعتبار اولديغي كبی وصفه دخی اعتبار اولنور كرسنه ايكنی نسنه ايكنی نوددن اولسونلر مثلاً غراب و كبوتر كبی * محكيدر که امام غزالی قدس سره هرايكنی نسنه اراسنده مناسبت ذاهب ایدی كرك جلی و كرك خفی پس بركون قدس شمر يفده سطح ديوارده برزاغ و بر كبوتری بری برینه قریب طورر كورد كده تعجب كان اليه قوشلر طرفه اشارت تنفير و تفريق ایتد كده كورديكه ايكنیسی دخی لك در و مقدار نتلری اعرجيت مناسبه بقیله در نتكم بالاده دخی اشارت اولمشدر و شعر عربده كلور (عن المرء لا تسأل و ابصر قرينه) و مناسباته متعلق بهض تحقیقات صدرا لدين قنوی نك قدس سره حديث اربعين شر حنده طلب اوله *

كافران چون جنس سجين آمدند

سجين دنبا را خوش آيين آمدند

* سجين * سكين وزني اوزرينه جهنمك اسميدر جهنم ايسه ارض سابعه نك نحتنده سجين الله در که شياطين و كفره و فسقه انس و جنك برزخده ارواح و اعمالی و قيامنده اجساد و صور اعماله اوراده محبوس و معذبر اصلنده ساجنك مبالغه سیدر فسق فاسقك مبالغه سی اولديغي كبی زيرالفظك زياده ايكنی معنائك زياده لكينه دلالت ايددر جهنم ايسه سجينده زائد الوصفدر زيرامظلم و موحش و هولناك و بعد القعر و شديد العذاب

اولدیندن ماعدای حبس و تضییق و تعذیبی خلود ایله متصفدر انکیچون
سجین موضعه سجدین دینلدی * آیین * ترتیب و توره یعنی رسم
و عادت و قانون (معنای بیت) بودر که کافر چونکه سجین جنسی
کلدیلر و ذاتلرینه سفالت غالب ایدی سجین دنیا به خوش آیین کلدیلر
یعنی (الدنیا سجین المؤمن و جنة الکافر) موجبجه دنیا زندان عبارت
و پر بلا و کدورت ایکن انلره جنت کی خوش کلدی و زندانی بجه صاندیلر
و کمال دناءت و سفالتلرندن دنیای دینه میل و محبت ایدوب غریس اشجار
و کری انهار و یونلرک امثالی امور دنیویه به بدل مقدور و صرف طاقت
ایلدیلر و امور طبیعیه به و نفسانیه به اشتغال تام کوسقروب احوال قلبیه
و امور روحانیه به مقید اولدیلر براسفالتک حکمی انفس و آفاقدیه امور
سافلیه میلدر امور عالییه به دکل پس کفارک سجین جنسندن اولدقلری
سفالت همت و اعمال سافله و حرکات ردیه و نازل به حسیه در نیکم دیرلر
ابو جهل و ابو لهب جهنمدیر یعنی جهنم اهلیدر که دنیاده اسباب
دخول جهنم اولان اعماله تصدی اتمشدر پس انلر جهنم جنسندن
واهل نازنو عندندر و جائزدر که کفارک ترابی ارض سابعه نختندن
اخذ اولوب وجه ارضدن اخذ اولان تراب مؤمنین ایله خلط و تخمیر
اوانه و مشلدر که هر کس اصلنه چکر دیرلر (کل شیء یرجع الی اصله)
و حدیثه (الاصل لا یخفی) یعنی اصل عالیدن خطا کلز بلکه اصل
سافلدن کلور تراب تحتانی کی انکیچون روح انسانی دائماً محفوظدر زیر
علوی الاصل درمکریم جوار نفس تنزل اتمکله آثار نفس ساری اولوب
انک احکامیه منصبغ اوله یعنی غلبه نفس جانبندن اولدیغی صورته
نیکم نفس انسانی دائماً سیدر زیر سفلی الاصلدر مکریم جوار روحده
بولمغله روح آثار ساری اولوب نفس دخی آنک احکامیه منصبغ
اوله یعنی غلبه روح جانبندن بولدیغی صورته بوندن ظاهر اولدیکه
فوق الارض ایله تحت الارضک میاننده فرق واردر اگرچه که ایکسی
دخی عالم اسفلندر و بری برینه مرتبط و متصلدر نیکم مقام ارواح
مؤمنین اولان جنت ایله محل شئون اولان درجه هوتک ارلر انده فرق واردر
اگرچه ایکسی دخی علویدر زیر مقام ارواحک علوی علو اضافی
و محل شئونک علوی ایه علو حقیقیدر و کذلک وجه ارضک تسفلی

تسفل تقیددی و تحت ارضک تسفلی تسفل اطلاقیدر پس تحت
الارض عالم شونه مقابل کلش و فوق الارض عالم ارواحه محاذی اولمشدر
و بوسیدن وجه ارضده فی الجمله علو واردر و بوسیدندر که
ارباب حقایق بعد الوصول مرتبه ترابک حقایق ایله متحقق اولورلر
(من تواضع رفعه الله) سری بوکا ناظردر یعنی بوضعه عین رفع
و بوسفله محض علو واردر فافهم جدا (لحرره) جسد کافری
مقدم چون * ابتدیلر خاکی سفلیدن تعین * بولیوب یول سماء
علوی به * اولدی آخر قرار کھی سجین
* آندیا چون جنس علین بدند *
* سوی علین جان و دل شدند *

* علین * اصلنده علینک جعیدر سکین وزنی اوزره علی عالی نک مبالغه سیدر
یعنی علوده مبالغه ایچون علی دینلدی صکره لفظک زیاده کی ایله معنای
مبالغه زیاده لکنه اشارت ایچون علین لفظی سماء سابعه فوقنده بر موضع
رفیه اسم وضع اولدیکه ارواح و اعمال مؤمنینه قبل یوم القیمه مقروبعده
جسدلرینه صور اعماله مستقردر زیر جنت سماء سابعه نک فوقنده در که
سطح کر سیدر سموات سبع ایه عالم کون و فساددن اولمغله یوم قیامتده
متغیر و مطوی اولورلر پس علویات و سفلیاتدن جنت ایله جهنمدن غیر
قالماز که بری روحک سری و بری دخی جسدک صورته تیدر الحاصل دنیاده
روح علوی و جسد سفلی به مقابل آخرته جنت عالییه و نار سافله قالور
انکیچون اهل ایمانک جتنه دخولی مقام روحندر که لطیف و نورانیدر
نیکم اهل کفرک جهنمه دخولی مقام جسدندر که کثیف و ظلماتیدر
و روحه قلب و سائر قوای روحانیه و اعمال صالحه و احوال صحیحه متضمد
جسدیه نفس و طبیعت و سائر قوای نفسانیه و اعمال فاسده و احوال سقیمه
منضم اولدیغی کی زیر اعلوی اولان علوی به مقارن و سفلی اولان دخی
بحسب المجا نست سفلی به مقارندر معلوم اولکه علین لفظی مجرور و جان
ودله مضافدر و الا بجان و دل تقدیرنده اولق لازم کلور و بومقابله دن فهم
اولور که بیت سابقده سجین دنیادن مراد فی الحقیقه سجین طبیعت و نفسدر
زیر ادنیای سافله میل اتمک نفس و طبیعت سفلیه نک حکمیر * شدند * رفتند
معناست در که حرکت معنویه و میل باطنی مراددر (معنای بیت) بودر که

انبیاء علیهم السلام چونکه علین جنسی اید بیلر و ذاتلرینه علو غالب ایدی
لاجرم علوی اولان جان و دل علین طرفنه کتدی بیلر و اول جانبه میل
و محبت اید بیلر و نفس و طبیعت سجینه دوشمید بیلر پس انبیا و سائر اهل
ایمانک جنس علیندن اولد قلمی علو همت و اعمال رفیع و توجهات
عالیه حسبیه درنتکم فلان کس پادشاه مشرب و دریا در دیر لزمه قصود
علو مشرب و سخای دلی بیساند و جائز در که انبیا نیک ترابی تراب
جنت اوله یعنی تراب جنتدن اخذ اوانوب تراب ارضه مزج و خلط اولنه
نتکم بعضیلر (حبیب من دنیا کم ثلث) حدیثنده ذاهب اولمشلردر یعنی
دنیا بی مخاطبیه اضافندن ظاهر اولور که رسول الله صلی الله علیه
وسلم قلبا و قالبا آخرته مضاف اوله پس بواستبارله سائر خاکیلردن امتیاز
بولور اگرچه که وصف زائد حسبیه دخی امتیازی وارد در مسک دم غزال
ایکن راجحه مخصوصه ایله امتیاز بولد یغی کبی و تراب نبوی تراب
کعبه دن مأخوذ در دید کلری معنای سابق منافی دکلدر * زیرا تراب کعبه
دخی تراب جنتندر اگرچه تعین و تشخیص حسبیه اندن امتیاز بولمش
و بحسب الاطوار اول مرتبه دن منزل اولمشدر سائر انبیا و اولیا نیک
ترابی دخی اکا قیاس ایله (سؤال اولور سه که هر کسک ترابی زنده دن اخذ
اولند یسه مدفنی دخی اودر پس مدفله ده تفاوت ندن کلور) جواب
بودر که اکا مل ناسک ترابی فی الحقیقه تراب کعبه در ولکن طوفانده یعنی
وجه ارض سراب آب اولوب (و کان عرشه علی الماء) عالنده تموج آب
سببیه هر کسک ترابی دفن اولاجنی زمینه طرح والقا اولمشدر * پس
مدفله ظاهرده کعبه دن دور اولق حقیقته بعد اولمغی مستلزم دکلدر
بلکه جله سی کعبه ده بلکه ارض جنتده مدفون اولمش کیدر نتکم بوسره
اشارت ایدوب حدیثده کلور (القبر روضه من ریاض الجنة او حفرة
من حفر التیران) فاعرف جدا * و بوندن فهم اولور که مقام وسیله
دید کلری فی الحقیقه مدفون رسول الله صلی الله علیه وسلم در (الحجرة) قنغی
روحه که اولدی آرمکه * تا زاده مقام علین * اول رفیع الدرجات
آخراک * ایلر اول عالی مقامی تعیین * بعد ذابو محله مناسب بالاده بعض
بیان سبق ایشدر اول بیانک اجمالی بودر که اهل دل اولیا نیک ارواحی
فلک قمر تحتنده محبوس اولور پس هر روحک علو و سفلیته کوره مقرر

مخصوصی وارد و بالکثر رتبه قلبه واصل اولیان اهل نفس و طبیعتک
حالی بویله تنزل اولیحق ارباب دلی انکار اوزره اولان منکر لک حالی
نیمه اولق کرکر * یعنی بومقوله لک حالیه کوره سبجین وارد
اگرچه که دنیا ده سبجین مظلوم ایچنده اولد قلمی کمال غفلتدن
کند بیلرنه خفی در * نعوذ بالله تعالی من سوء الحال و سیئات الاعمال
* این سخن پایان ندارد لیک ما
* باز کویم آن تمامی قصه را

* تمامی قصه * همزه اضافت وز نیچون اشباع اولنماز بلکه کسره سی
اخلاس اولور * قصه * حکایه مخصوص بهادر (معنای بیت) بودر که
ابیات سابقه ده مندرج اولان معرفت و امثالی نهایت طوئرز را باب معنی
مفتوح و دریای معرفت بی کران و وادی اشارت بی غایه در پس اول وادیده
پویا و اومقوله سوزلری کویا اولمقدن کرودونه لم و اول قصه نیک یعنی
وزیر ایله نصاری حکایه سنک تمامی سوبلیه لم و یواده قالمیه لم زیرادیمشدر
در که * ولم ارفی عیوب الناس عیبا * کنقص القادرین علی التمام * بوندن
فهم اولور که بواشاده داعیه ملویه هنوز منقطع دکل ایدی زیرا ارباب
دلک شانی بودر که داعیه مفقود و فیض منقطع اولد یغی محله ختم
کلام ایدر لک اول شروع اید کلری نسته تمام اولسون و کرک اولسون
ز براشارته تابعلدر در پس هر مقامه حکمت و مصلحت رعایت ایدر لر
و عالم جمع حکمت ناظر اولور زیرا وجود لیده تفرقه و نفسانیت پریشان
اولمش و حاللری حقله جمعیت و کلیت بولمشدر انکیچون انلره بر خصوصده
اعتراض ایدن حقله مکابره و باری تعالی ایله منازعه ایدر نعوذ بالله
تعالی (لحرره) ایلست اولیا به سوء نظر * دیده که حاصل اولور دورلی ضرر
* کوزی چقمزدن اول انسانک * یک دگلی که ایده غض بصر * و بوعبد
فقیر ذکرا و لکن طائفة جلیله به معتقد و مانده معرفتله نه طفیل اولمغله
بوشرح مشنوی و سائر آثاردن تبعیت الهام و استخاره به در دیاجه کلبه
نظر اولنه پس بوشرح حده محل و قوف حال معلوم دکلدر اگرچه که
بو حکایه آخرنده مصممد رزیرادیمشدر که * الخفنة تدل علی الیدر الکبیر *
شول آگاهک که مقام تفضیلده قدمی وارد اجمال اکا تفصیل و قلیل اکا
کثیردر (لحرره) شرح ایدر برور قده بیک معنی * باطنی اوح و قلمدر یعنی *

و آنک که نکات معرفتد خبری یوقدر ا کا از سوز دخی ناقابل
اولد یغی جهتدن چوقدر (لحرره) دوکه دردانه بی خر مهره کی
* اکا کیم خر کی لایفسددر * سری نااهله ایلک افشا * ایکی عالمده موجب همددر

* آن وز بر از اندرون آواز داد *

* کای مریدان از من ابن معلوم باد *

* اندرون * اصلی اندر در ایج معناسنه و اونسبت ونون تأکید ایچون زیاده
قلمشدر زیر او له و یا له اولان نسبتلری تأکید ایچون نون زیاده ایدرل
همایون کی اصلی همای در شیرین کی اصلی شیردر پس اندرون ایچرو
دیمک اولور درون کی زیر ادرونده دخی در ایج معناسنه و درون
ایچرودر (معنای بیت) بودر که اول وزیر ایچرودن یعنی خلوتخانه دن
آواز و بردی و بویه دیو خطاب ایتدی که ای مریدلر بندن بومعنی سزه
معلوم اولسون و بومعنی دن مراد ایات لاحقه متضمن اولدیغی مضموندر
بونده اشارت واردر که مصلحت اولان موضعده جهر ایتک لازمدر
امام و مؤذنک اسماع ناس ایچون جهرلری کی و ذکر جهری کی که
ارباب بدایت اسماع نفس ایچون ایدرل اگر چه الله تعالی به کوره
جهر و اخباردر خصوصه که نفس عدو و شیطان سارق مقوله سیدر
و عدو محارب و سارق مطالب یاننده تکبیری جهر ایتک لازمدر تا که
صورت ذکردن تهیب ایتکله تأخر ایدر و رجوع قهقشری قیلندن اولوب
کلیدی بوله دونوب کیده و بونده رمز واردر که عقل معاشک اندرونی
جانب شهادتدر که صدردر و بوجانبده ظلمایت و نفسانیت و کدورت
غالبدر حق تعالی تک شعرا و خطباء طاغوته امدادی بوجانبندر که
بدی طور اوزرینه در اولکیده و هم وایکنجیده ظن و او چنجیده شک
و دردنجیده خیال و بشنجیده تخمین و التنجیده خاطر نفسانی ویدنجیده
هاجس شیطانی حاصل اولور و عقل معادک اندرونی جانب غیبدر که
قوادر بوجانبده نورانیت و روحانیت و لطافت غالبدر حق تعالی تک
انبیا و اولیایه امدادی بوجانبندر که بودخی بدی طور اوزرینه در اولکیده
علم صافی حاصل اولور یا ملک واسطه سیله و یا خود بلا واسطه وایکنجیده
بطریق الوجدان ذوق و او چنجیده معرفه الله و دردنجیده مکاشفات
آثاربه و بشنجیده مشاهدات افعالیه و التنجیده یقین بطریق التجلیات

الصفاتیه ویدنجیده بطریق التجلیات الذاتیه حاصل اولور * و بوجانبده
فکرک مداخله سی اولمایوب جمله واردات عالم غیبدن توارد ایلرا انکیچون
علوم انبیا و اولیا اراسنده اختلاف یوقدر بلکه گاه اولور که عباراتده بیله
اتفاق واقع اولور جانب سابق ایسه بویه دکلدر * یعنی اول جانبده
وارد اولان نتایج فکریه در انکیچون ارباب نظر اراسنده اختلاف وجدل
چوق واقع اولور زیر فکرلری سنن واحد اوزره دکلدر انکیچون
کیمی مخطی و کیمی مصیبتدر واردات اهلی ایسه جمله سی
مصیبتدر مکرر ارباب بر از خدن اوله و لیس الخبر کالمعانیه
(لحرره) قلب کامل مهدرانده منکسدر مهر حق * انکیچون انکسک
اولماز بوافقده هیچ شفق * سهو ایدوب شاگرد فکر اوله خطا در
حاصلک * بوله کور بر خواجه فیض اندن ایت اخذ سبق *
* که مر اعیسی چنین پیغام کرد *
* کر همه خویشان و یاران باش فرد *

* پیغام * شول خبردر که مکسده دن آخره نقل اولنور تخفیف ایدوب پیام
دخی دیرلر تحقیق بالاده در * خویشان * خویشک جمیدر و اورسمی ایله کندو
معناسنه خود کی و خصم و قوم و قبیله معناسنه بوراده مراد معنای
ثانی سیدر * یاران * یارک جمیدر مصاحب معناسنه اصحاب صفایه یاران
دیرلر و مجازا معین و محبوب معنای دخی استعمال اولنور زیره مجوبه
حقیقتده شاهد و یاردمجه یاور دیرلر * فرد * صفت مشبهه در من لانتظیره
و یالکز معناسنه اشهد انک احد فرد دیرلر واحد و منفرد دیمک اولور
حتی لغتده منفرد معناسنه تقریر و اولمشدر جواهر فرد بونددر یعنی
صفة مشبهه در منفرد معناسنه اگر فرد واحد در جواهر جمیدر نعت
اولیجق مطابقت بولنماز دیرسک کتب مبسوطیه نظر ایله و مفردانده
امام راغب ایراد ایدر که الفرد الذی لا یختلط به غیره فهو اعم من الوتر
واخص من الواحد و یقال فی الله فرد تنبیها علی انه بخلاف الاشیاء کلها
فی الازدواج و اذا قبل هو منفرد بوحداثته فعنا هو مستغن عن کل
ترکیب و ازدواج * (معنای بیت) بودر که ای مریدان من بندن سزه
معلوم اولسون که پیغمپریمز اولان عیسی روح الله علیه السلام بکا بویه
خبر و بردی و امر ایلدی که جمله اقارب و یاران کدن منفرد و تنها اول یعنی

انلك صحبت واختلاطن تركايله وتعلقا تندن بانكليه فراغت قيل بونده
خويشان ذكرى قطع اختلاطى تا كيد ايجوند زيرا اقا بدن انقطاع
لازم كديكى صورته اجانب بدن بطريق الاولى لازم كلور اول سبب نكه
اقارب قلوب الصق وحقوقي اكثر در والا وزيرك نصارى اراسنده قريبي
اولقى ظاهر دكلدر نكتم من اوجه طريقيله اش ويولداش ديرلر كرسه
اوراده اش اولماسون بوراده عيسادن مراد روح و خويشان دن مراد
قواى طبيعه و نفسانيه در زيرا كچه جميع قوى اراسنده قرابت واردر
اول سبب نكه جسمه روحك از دو اجندن تو ايتمشلدر فاما قواى مذكوره
ايله عقلا قرابة قريبه سى واردر نكتم خفى دكلدر * ويارندن مراد امور
فكره در زيرا عقل معاشك حالى دائما فكره طالمق و تفكره يولداش اولمقدر
پس عقل بر شجره وسرنده اولان امور خياليه شجره اوزرنده عصافير
كيدر عصافير ايسه شجره دن اكسك اولديغى بوقدر وكاه اولور كه
قلب اوزرنده فكر ضعيف مستولى اولور نكتم يونس امره قدس سره
اشارتنده كلور * بر سلك بر قارتالى صالادى به اوردى * بلان دكل كر چكدر
بنده كوردم توزنى * سلكدن مراد فكر ضعيف و قارتالدين مراد قلب قويدر

* روى درد يوار كن تنها نشين *

* وز وجود خویش هم خلوت كزين *

* وجود * الوجود كون الشئ فى الاعيان اى فى الخارج والى خارج هو ظرف
الوجود الذى هو مظهر الآثار والماهية مابه الشئ هو هو فيكون بينها
وبين الوجود مغايرة فى المفهوم لافى الذات والوجود اربعة وجود فى
الاعيان ووجود فى الالذهان ووجود فى العبارة ووجود فى الكتابة ومذهب
التكلمين هو ان وجود كل شئ سواء كان ذلك الشئ واجبا او ممكنا امر
زائد عليه فيكون الوجود المخلوق مشترك بين تلك الموجودات الخاصة
التي هي وجود كل شئ ومقولا بالتواطى عليها (معناى بيت) بودر كه
بوزوى خلوت خانه ديوارنه طوتوب خلقدن يالكز اوتور وكسه ايله صحبت
ايله وانلردن يوز چور ويالكز آفان اولان خلقدن تنها اوتور مق دكل
بلكه كندى نفسكده كندى وجود مخصوص كدن هم خلوت اختيار ايله
زيرا خلقك صحبتى منى اشغال ايدوب صحبت حقه مانع اولديغى كبي
كندى حس وخيال ووهكم دخى مانع دريس كر كدر كه تعين نفسانى

وروحان بدن بالكلية فنا بواوب سر ك مرتبه سنده شهود حقه مستغرق
اولاسن ووجودك ايله وجود حقيقى ادرالك ايدوب دماغ باطنكده ذوق
وصانى بولاسن بونده وجود ظلى به اشارت واردر كه وجود اصاينك
مثاليدرى معنى مصدر اشياء اولان وجود حقيقى صور تيدر صورتدن كدر
ايتد كچه خود تجلى * حقيقه حاصل اولماز نكتم بومقام مرار تحقيق اولمشدر *
وبونده روى درد يوار ايتكده امر دن پشتله ديواره استناددن نهى واردر كه
اسباب ووسائطه اعتماد در انكچون قرآنده كلور (فتوكل على الله)
يعنى اسم اعظمك مسماسى اوزرينه اعتماد لازمدر كه جميع حقايق
اسمايى جامعدر و يوزى ديواره قىلق عالم وحدته توجهه ناظر در نكتم
خلقده قىلق عالم كثره اقباله دائر در اكر چه كه ارباب بصائر كوره كثر
مضمحل ودر وديوار وديارك هر برنده پرتو وحدت روشن ومجلىدر
(لحيره) * پرتو نور آلهى كورينور هر برده بصرك و اريسه كرايله
نظر بى برده * پشت پا اورمه دن اى دل نه كلور انسا نه * اولسه روزا زل
خط سعادت سرده * معلوم اولكه خلوت وعزات ايكي قسمدر برى
مريد لك اجسامه اغياردن خلوتى وبرى دخى محقق لك قلوبه اكواندن
عزاتى در واهل عزاتك نيتى ايكي وجهله در ياشرنا سدن اتقا وياشر
نفسدن احتراز در تا كه شرى خلقه تعدى ايتيه بواولكيدن افضلدر زير انفسه
سوء ظن ايتك غيره سوء ظندن اولى در الحاصل صحبت نفس اوزرينه
صحبت حقى ايتك عزات عاليه در پس بر كسه عزاتى مخالطه اوزرينه
ايتار ايتسه حقى غير اوزرينه ايتار ايتش اولور و بر كسه حقى غير
اوزرينه ايتار ايتسه اكلا حاصل اولان مواهب واسرارى الله تعالى
ييلور فقط وعزته عمده يالكز صمت لسان دكلدر بلكه صمت جنان دخى
لازمدر يس عزات اهلى يقين بالله صاحبي كر كدر تا كه بيت عزاتك
خارجنه متعلق خاطره سى قالميه وقلبده شهود حقدن غيرى بوليه بوايسه
عزات اهل تحقيقدر كه كثر ذكره ادمان ونفى خوا طرى ادامه دن صكره
حاصل اولور (لحيره) دلكه مهر سكوت اور جانا * ديدى احمد كه من صمت
نجا * قومه قابكده صورت تركيب * اوله كور يالكز چو حرف هجا

* بعد ازین دستوری گفتار نیست *

* بعد ازین با گفت وگویم کار نیست *

بویتنک مفرداتی شرح اولنشد ر با گفت و کویم کاری
تقدیری با گفت و کوی کارم نیست دیکدر یعنی با گفت و کوی مرا کار
نیست (معنای بیت) بودر که بودمدن صکره تکلمه اجازت و گفت
و کوی و قیل و قال ایله بکا ایش بوقدر یعنی من بعد کسه ایله مکالمه
ماذون دکلم زیرا مکالمات و محادثات گفت و کو مقوله سندندر که
ارباب رسنک صفتیدر ارباب حقیقتک دکل پس من بعد بنی کندی حالمه
قویوب سو یلتمکوز زیرا سوز غایه ابردی و کلام نهایتن بولدی
(محرره) الوداع ای عالم فانی سکا شمدن کری * آخرت سمعینه
بول دوشدی بکا شمدن کری * هر چمن گلزار عالمده کورندی چون دکن
* خارله صحبت کرکز بلبللا شمدن کری * نیلرم اطمس قبایی برعبا بسدر
بکا * اول قبایی ترک ایدوب کیدم عبا شمدن کری * دعوت حق
سمعه ابردی سحرکوش ایلدم * لایق اولان بیل اجابتدر اکا شمدن کری
فقرله فخر ایله کدر پیشه ارباب عشق * حسب حالدر بنم فقر و فنا شمدن کری
چونکه بوبازارده بوقلقدن اوز که مایه بوق * نیلرم مال و منالی
حقیا شمدن کری * بونده اشارت واردر که کلام آخر الصفات در
زیرا موأوده آخر ظهور ایدن کلام صفتیدر و مینک دخی آخر کلامی
کله شهادتدر که انکله کلام سنقطع اولوب فناء تام ظهور ایدر
عالم قناده ایسه کلام اولماز کرک فناء صوری و کرک فناء معنوی پس
بوندن فهم اولنر که لسان مرتبه سنده اولان قیل و قال حقیقه الحاله
دلالت و ارشاد ایچوندر والا حقیقت مرتبه سنده نه لسان و نه کلام واردر
بلکه اومرتبه تک کلامی حرف و صوتک خبری و جهله حاصل اولور
نتکم مولد سلیمانی ده کلور * بی حروف و لفظ و صوت اول پادشاه
* مصطفایه سوبلدی بی اشتباه * و بونده عقلک زراق و سالوس ایغنه اشارت
واردر زیرا برنسنه کیم قیل و قال ایچون مخاوق اوله قیل و قالدن
خالی اولماز بلکه من بعد قیل و قالدن فارغ اولدم دیدیکی بله قیل
و قالدن عد اولنور زیرا دعوی در دعوی ده ایسه لسان ظاهر صامت
اولسنده یننه لسان باطن محادثه ده در

الوداع ای دوستان من مرده ام
رخت بر چارم فلک بر برده ام

* وداع * واوک قبحیه تودیع معناسنه اسمدر کلام و سلام تکلم
و تسلیم معنایینه اسم اولدقلری کبی تقدیر کلام اودعکم تودیعما دیکدر
ابر بلیق و رحیل و قشده اسنلشمک معناسنه فارسیده بدروود کردن دیکله
تعبیر اولنور زیرا بدروود وداعدر که اسنلک معناسنه اسمدر و قرآند کلور
(ماودعک ربک) ای ماترکک و فی القاس و دعه کوضه بمعنی و دعه
والاسم الوداع وهو تخلیف المسافر الناس خافضین وهم بودعونه
اذا سافر تفؤلا بالعدة التي یصیر الیه اذا قفل ای یترکونه و سفره
والعدة الخفض ای الراحة و طیب العیش * رخت * قماش خانه که عرب
اثاث دیر متاع البیت معناسنه یعنی اواسباب و آلاتی و رختی قالدر مق
و ایلتمک سفرو هجر تدن عبارتدر * چارم * رانک ضمینه دردنجی معناسنه در
زیرا چاردر تدرومیم ساکن اداتدر جی معناسنه و بومیم ماقبلی دائما
مضموم استعمال اولنور نفس متکلم مینه التباس لازم کلمسون ایچون
دوم و سیوم و امشلی دخی بویله در آخرینه یاه نسبت طاری اولسه
چارمین کبی دردنجیسی دیمک اولور (معنای بیت) بودر که ای
دوستان و یاران سزه وداع ایدرم زیرا بن سفر آخرت اوزرینه یم که
آریق اولدم یعنی وفاتم قریب اولدی و بن مختضر حکیمده اولدم رخت
و اثاث منزلی دردنجی فلک اوزرینه ایلتمیم یعنی حضیض ارض و کره
زمیندن سفرو هجرت ایدوب عالم اوجده فلک رابع اوزره قرارا تسم
کر کدر پس بوکلام تلقین مختضره تلقین میت کیدر * زیرا قریب
اولان نسنه بالفعل متحقق کیدر هر نسنه ایسه قریبنک حکمی اخذ
ایدر بوراده مریدلردن دوستان ایله تعبیر ایلدی زیرا ارادت محبتی
مستلزم مدر و بردخی مریدلرینک مقام محبیه و بلکه خواصی بحسب
الزعم مقام محبویه ترقیلرینه اشارتدر که مقام محبویه آخر المقامات
و المراتب در و بردخی زیاده اختصاصلرینه دلالت ایدر نتکم رسول
الله صلی الله علیه وسلم کند یلرندن صکره عالم شهوده کلن
مؤمنلر دن اخوان ایله تعبیر ایتشلردر و فلک چارم مرتبه مکاشفات
آثاریه در نتکم مقدما اطوار قلب پیاننده اشارت اولنشدن زیرا بومقوله
مکاشفات موت معنویدن صکره حاصل اولور که اکافنا دیرلر و فناء
کلیدن مقدم ریاضات و مجاهدات حسبیه کرچه بعض اذواق و معارف

حاصل اولور فاما مکاشفه صحیحہ فناء تامله حاصل درو فناء صورتی روح
جسد بدن مفارقتیله اولدیغی کبی فناء معنوی دخی روحک تعلقاتدن
فنا وانقطاعیله اولور زیرا قاب دخی روحک مراتبنددر وقلب
مرتبه قمر وروح مرتبه شمس در مرتبه مکاشفه دن فلک ایله تعبیر ایلدی
زیرا طرف روحانیتہ ناظر اولمغه اولور پس بونده عقل معاشک
بطریق الدعوی مکاشفه نندن دم اوردیغنه رمز وارددر (بقولون
بافوا ههم ما بس فی قلوبهم) (لحرره) اولمسه دلدہ اگر نور
شهود مکس و رمز قوری دعوائہ وجود صیغله اولدی روبه طاووس
دخی تقلیدله شیطان ناوس * روحک رابعہ ارنفعی رآئی جایگاه
اتخاذک سری اشغده کور ان شاء الله تعالی

* تابزر چرخ ناری چون خطب
* من نسوزم در عناودر خطب

* چرخ ناری * کره اثیر دیدکاری در که اوائل کتابده شرح اولمشد معلوم
اولکه کره در در که کره خاک و کره آب و کره هوا و کره نارددر یعنی
آتشدر * و بو ترتیب اوزره کره آتش جملہ کراتک فوقندہ در که
عناصرک اعلا سیدر ستاره کیسودار یعنی قویر قلبی یادزدیدکاری
هوانک شدت ضربندن کره آتشدن مشتعل اولان آتش پاره در
نتکم زمینده مشتعل اولان آتشہ باد غالب کلسہ اول آتشدن بعض
شعله لر منقطع اولوب هوا یه طیران ایدر والاستاره کندی
مرکزندن مفارقت ایتمز اگرچه ثوابت و سیارات دائما دوار در زیرا
ثوابت دیمک بطی سیری اعتباریله در و کره که ماردت من شی معناسنه
در طوب کبی ذکر اولان عناصرک فی الحقیقه سطح اولمدقلری اعتباریله
در که بسائط مقوله لیدر * چرخ * حرکت دور یه ایله دور ایدن نسنبه
دیرلر چقرق و دولاب کبی فلکی تدویر و دورانده چرخه تشبیه ایتشلردر
آسمان دیدکاری کبی زیرا دورانی اشیایه بکزر و عناصره چرخ دیمک
بطریق التغلیبدر * زیرا افلاکہ ملحقدر انکیچون کتب فصوص
الحکمده افلاک اوزبش اعتبار اولمشد در که وسطی فلک شمسدر پس
عند الشیخ الاکبر قدس سره الاطهر فلک شمس فوقندہ یدی عدد
فلک وارددر که بونلردر فلک احمر یعنی مریخ و فلک مشتری و فلک

کیوان یعنی زحل و فلک منازل یعنی فلک الثوابت و فلک اطلس یعنی
فلک البروج و فلک الکرسی و فلک العرش و فلک شمسک تحتندہ دخی
یدی عدد فلک وارددر که بونلردر فلک زهره و فلک کانب یعنی عطارد
و فلک قمر و فلک اثیر یعنی نر و فلک هوا و فلک مایه و فلک آب پس بودردہ
فی الحقیقه کرات دیرلر سطح اولمدقلری اعتباریله و افلاک دیرلر تغلیب
طریق یله و جائزدر که چرخ دیمک کراتک یا مرکز تدویر حسیبیلہ اولہ
پس شمس افلاک خمسة عشرک میانه کین و شمس سیدر انکیچون روجهی
عالم ملکی و روجهی عالم ملکوتی تنویر ایدوب طرفینی ایله افاضہ انوار
ایتمکله اعلی عوالم انک نورندن استفادہ و انضاء ایدرلر * خطب * اودون
معناسنه در قال فی القاموس الخطب محرکه ما اعد من الشجر شوبا انھی
* عنا * فتحله زحمت و مشقت * خطب * تحریکله هلاک اولقدر یقال اذا
ادبر الامر کان الخطب فی الحبله (معنای بیت) بودر که تاک کره اثیر تحتی
اولان فوق الارضده اودون کبی زحمت و مشقت و اسباب هلاک آتشی
ایچنده سوزان و کباب نار هجران اولیم یعنی بو کره اثیر ایتندہ هر وجهله
تیر یا نوب هلاک اولدم شمدن صکره مرادم بو بر زخدن خلاص اولوب
عالم علوبده فلک چارمه عروج ایتیمک و کلدو کم یوله کتمکدر فلک رابع
ایسه محل نوردر نار دکل انکیچون نشأ سنه نور و جمال غالب اولان
عیسی علیه السلام اورادہ توطن ایلدی و مصدر فیضی اولان برده
قرارقلدی بوندن عقل معاشک مرادی نار طبیعتدن بطریق الدعوی
تخلص و نجاتدر زیرا امور شهوانیه نک غایتی حرارت طبیعیه در و اندن
نجات بولمق عالم روحانیتہ عروجله در که اورادہ حرارت طبیعیه اولماس
بلکه نار عشق و نور محبت اولور (لحرره) ایلین جایگاه نفسنی نار * ابدی
اول اونار ایچنده بنار * نوری غالب اولان وجود اما * کیرسه ده ناره نارله اوینار

* پهلوی عیسی نشینم بعد ازین *

* بر فراز آسمان چارمین *

* پهلوی * یان وایکونتمک شعر یا قیده کلور * تن زار مده پهلوم استخوانی صابور
بربر * بنی سیرا یتیم اصحاب موسیقاری کورسونلر * بورادہ وزنجون
واواشباع اولنماز * فراز * کسرله یوجنه و یوقارودر اصلی افرادر

سرافراز و سرفراز دیرلر باشی یوقارو اولدی یغندن اوتوری یا کبردن
ویا علوجاهندن * چارمین * فلک چارم بیتند شرح اولمشدر بوراده
دردنجی دیمکدر آخرنده یانسیبت ونون اول نسبیتی تا کید ایچوند
شیرین و خوشینده کی کبی (معنای بیت) بودر که بعد ازین دردنجی
فلک اوستنده حضرت عیسی علیه السلام یاننده اوتورام یعنی نفس
ناظم بدندن مفارقت اتد کد نصره جایگاهم فلک رابعده پهلووی عیسی
روح الله اوله نیکم بطریق الدعوی دعوت عیسی اول مقامه عروجی
مستلزم در والا محمدیه ده کلور * کسه بلز کشتی نهیره کیدر * انجی
آنی ییلور که بیره کیدر * و کبار اولیا قدس الله اسرارهم عاقبتندن
مأمون الغائله ایکن (لهم البشرى فی الحیوة الدنیا و فی الآخرة)
فخو انجیه مبشر لدرینه حفظ مقام ادب ایدوب حاللرین ستر ایدرلر
ومأمون الغائله اولیان محجو بلر کبی ناله و فریاد کتان اولورلر * پس
اولیایه بومقوله معنایی اظهار ایتک مقتضای ادب و حکیم احد قدیم دکلر
مکر خواصه اوله انبیا علیهم السلام ایسه اصحاب تشریع اولدقلری
جهتندن اعتقاد ایمی تثبیت و تحقیق ایچون بعض اسراری اظهار
و خفیات افشا ایدرلر (محرره) بنم احوالی الله ییلور * غیره افشا
آنی کاه اولور * الله کیرسه آدمک برکنز * سو بلز آنی والایا کلور *
بعد ذل حضرت عیسی علیه السلام فلک رابعه مرفوع اولدیغی
تفسیرده مصر حدر * فاما لیله معراجده رسول الله صلی الله تعالی
علیه وسلم حضرت عیسی و یحیایه فلک ثابده ملاقی اولدقلری اکامخالفدر
مکر که ایکی مکانه رؤیتی عیسایک ایکی حسیه اوله زیر ارواح متحیره
دکلر نیکم لیله مذکورده موسی علیه السلامی قبری اوزرنده
نماز قیلور کن کوروب بعده فلک سادسده کوروب اوراده ملاقی اولدیلر
* و حضرت عیسی نک رفی فی الحقیقه عالم سفلیدن مفارقت و عالم
علوی به اتصالی معناسنه در که شان روحدر و سماء رابعده اولدیغی
مصدر فیضان روحی فلک شمسک روحانیتی اولدیغیدر * سائر ارواح
انبیا دخی اکافاس اولنه جریده سیرده مثبتدر که حضرت عیسی اوتوز
اوج یاشنده ایکن سمایه رفع اولندی مع هذا کمال عمر الشمس اوجدر زیر
عیسی حقیقت واحده دن کلکله عمری مدت مذکورده نک نصفی اولمشدر *

پس و رفع توفی حکمنده در و آخر زمانده نزولنده اولان عمر یکله
اربعین در بوکاملحق دکلر و الا سماء مکئی مدتی دخی اعتبار
اولتوب عمری عمر نوحی تجاوز ایتک لازم کلور * و بوندن فهم اولتور که
رسول الله صلی الله تعالی علیه وسلم لیله معراجده عرش برینده دکلر
بریده عدم تحیری جمیع اطوارک نور ایتندن ذو حظ اولدیغنه دالدر
زیر اسم اعظمه مظهر در که جمیع اسمایی جامع دروسن شریفلرینک
الشمس اوج اولدیغی فرق ییل فنا و یکریمی اوج سنه بقا اعتبار یله در که
مدت و حیدر هم شریعت ناظر و هم حقیقه دائر بر معنادر و مدت تبلیغ
یکرمی اوج اولق ساعات یوم و لیله اعتبار یله در که یکرمی درتدر و یکرمی
اوج دخی احدیتی ایله یکرمی درت اولور * بعد ذل فلک چارمین
مراتب نفسیه ده مرتبه روحدر زیر طیبیدن نفس و نفسدن قلبه
و قلب دن روحه ترقی حاصل اولور * پس روح شمس مرتبه سیدر
شمس ایسه فلک رابعده در * و بوندن اخذ اولتور که ارواح متشاکلات
مقوله سیدر پس هر کسک روحی اکر علین و اکر سجینه مشکلی
یاننده اولور و انکله حشر صوری و معنوی بو اولور و فی التمزیل
(واذ النفوس زوجت) (محرره) * جنسنه ضم اولتور یار اغیار
* وای اول جانیه که اغیاره اولور *

✽ وان کلهانی ان امیرا را بخواند ✽

✽ یک یک تنها بیک حرف راند ✽

* انکلهانی * اند نصره دیمکدر اصلنده انکلهدر که آن اسم اشارت
و کاه کاف عجمیه وقت و زمان معناسنه در تخفیف الفی حذف ایدوب
انکه دیرلر هاء ملفوظه ایله آخرنده کی یانسیبت ایچوند و الف ونون ادات
جمع دکلر بلکه معنای نسبتدر که یانک مد اولدیر تا کید و مبالغه نسبت
ایچون الحاق اولمشدر نیکم ابن کمال و ریاضی بهلوانی و اسکندرانی
وامثالنده ذاهب اولمشدر * یک یک * بر بدیمک پس بیه زانده اولور
و جائزدر که بردن بره دیمک اولوب از یک تابیک تقدیرنده اوله سراسر
و سرتاسر اوجدن اوجه و یاشدن باشه دیمک اولدیغی کبی فاما اولکه
ابن کمال سر بسر و در بدر و تن بتن و کشور بکشور لفظلرنده باشه باش
وقایه قابویه و تن تنه و اقلیم اقلیمه دیومعنی ویرمشدر واضح دکلر

بلکه واضح اولان از سر تا سر دیو تقدیر ایدوب باشند باشد معناسنه
 حل ایتکدر نتکم ترکیده دخی بر باشند بر باشد و بر اوجدن بر اوجه دیرل
 زیرا هر فسنه ک جسمیتی حسیله ایکی باشی و اوجی واردر پس او مقوله
 الفاظدن معنای استیعاب مراد اولنور و کذلک بردن بره دیرل ز براردن
 بره بدأ اولنوب بنه برده ختم اولنور * بهر یک * بهر یکی مقامنده مستعملدر
 هر بر بنه معناسنه * حرف راند * حرفه مراد کله و کلامدر نتکم بالاده
 تحقیق اولنشد (معنای بیت) بودر که واندن صکره یعنی مقاله مذکورده دن
 متأخر اولان زمانده اولون ایکی عدد امراء نصاری بر برتنها و بالکنز
 اوقیدی و دعوت قلدی و هر بر بنه حرف و کلام سوردی و عهد نصیحت
 و وصیته متعلق نیجه تقریرات ایدوب زعمنجه مسلك هدایی اکا کوستردی
 مع هذا مقصودی صورت حقندن کورینوب اضلال نصاری ایدی
 و عقل معاشک قوای وجودی طریق روحندن اضلالی دخی بوکا
 قیاس اولنه خصوصاً که قوای ظاهره نک باشی عقله مر بو طدر پس عقله
 زبون اولد قلری جهندن انک جانبدن خبر و شر هر نه وارد اولور سه
 انکله عمل ایدرل و اون ایکی امرادن مراد حواس خمس ظاهره و خمس
 باطنه و شهوت و غضبدر نتکم بالاده اشارت اولنشد و غضبه بدل هوی
 اولقی دخی و جهدر ز قوای وجودار اسنده هوادن مطاع نسنه یوقدر
 پس هوی امیر الامرادر فی الحدیث (ما بعد علی وجه الارض اکه انقض
 من الهوی) (لحرره) هر چن شاه هوی اولسه مطاع * بوز بلور امر
 رعایای قوی * وارسلطان روحه تابع اول * بتر اولد بتر زبون هوی *
 بونده تنها لفظی ایله رازی افشادن احترازه اشارت واردر خصوصاً امور
 حیلیده اخفاده تدقیق ایدرل تا که رواج حاصل اوله و اجتماعه محذور
 ذکر اولد بغی صورتده بنه تباعد و تحاسدا کسک اولماز بوسیدن متأخرین
 طریقه احتیاطه سالک اولوب واقعات مریدانی بری برل ینک یاتنده استماع
 و تعبیر ایتزل بلکه فردا دخول مجلس ایله امر ایدرل تا که محذوردن بری
 اوله و بونده طریقت مشائیه رهن واردر که انلرک طریقتلری محاده
 لفظیه در بو خسه طریقت اشراقیه کی محاده نفسیه دکل (لحرره) حلیه
 ذات اولسه ده گفتار * یکدر اولقی بنه اندن ساده * طرف حاله نکاه ایتدیلر
 * قال غاندی قوم عیساده *

* گفت هر یک را بدین عیسوی *

* نائب حق و خلیفه من توی *

* نائب * يقال ناب عنه نوباً و مناباً قام مقامه کما فی القاموس ولیکن نائبک
 قاضی ده شهرت شایعه سی واردر و اطائف حضرت هداییدندر قدس سره که
 بیور مشلردر * بز دخی مدرس اولدق نائب اولدق * خلیفه * سلطان اعظم
 و غیرک مقامنده قائم اولان کسدر یقال خلفه خلافة کان خلیفته و بقی بعده
 و الخلیفه ینکر و یؤنث کما فی القاموس قال الانباری الاصل فی الخلیفه
 خلیف بغير هاء فدخلت الهاء لب الغة بهذا الوصف کعلامة وقال
 بعضهم التاء فیه و فی الحقیقة و القصیده و المقدمه و غیرها من النظائر اما النقل
 من الوصفیه الی لاسمیه و اما التأنیث بتقدیر موصوف مؤنث انتهى دیمشدر
 در که خلافت مقام امامتدن مرتبه مخصوصه در * زیرا خلیفه اودر که
 انک طریقت و حکومتی رسول الله صلی الله علیه وسلمک طریقت
 و حکومتی اوزر بنه اوله خلافت خلفاء اربعه و خلافت عمر بن عبدالعزیز
 و خلافت مهدی کبی هرامام و سلطان ایسه بویه دکلدر و قرآنده کلور
 حضرت ابراهیم علیه السلام حقنده (انی جاءک للناس اماما) نظمنده وارد
 اولان امامتدن مراد خلافتدر زیرا انید علیهم السلام و کل اولیا قدس
 الله اسرارهم جمیع کالات و حکوماتده نواب حقدر بلا واسطه فاما انوشروانده
 عدل یوزندن اولان نیابت و راه حجابدر زبیر اسلامی دکل بلکه
 جاهلی و آشیدر فرعون و امثالنده ایسه اصلاً نیابت یوقدر زبیر انلر
 ر بویته و انبیایه اذی و جفا یولنه کتمشدر بوراده نیابت حق و خلافت
 خلق اثبات ایلدی زبیر انائب منوب عنک زمان حیاتنده اولور حق ایسه
 حی لایوتدر در خلیفه ایسه بحسب الغالب مستخلفک وفاتندن صکره اعتبار
 اولنور نتکم مرورایدن معنای اغویدن ظاهر اولور و مرجع طریقتز شیخ
 افتاده قدس سره کلماتده کلور (لوانصب خلیفه فی مقامی فهو خلیفتی
 و الایمندان مت لیس لی خلیفه و او ادعی بعض المدعین) انتهى بو کلامدن
 مراد لری بودر که حقیقت خلافت مستخلفک تعیینی ایلدر بو خسه دعوی
 ایلد دکلدر زبیر ادعی نااهل در و نااهل خلیفه اولماز بوندن ظاهر اولور که
 مرحوم مزبورک بروسه ده اولان آستانه لرنده کندیلرندن صکره بالاستحقاق
 خلیفه پوست نشین اولمشدر اگرچه که سکان زاویه اکسک دکلدر

بلکه انزلک فی الحقیقه خلیفه لری حضرت شیخ محمود هدایای الاسکداری
در که اسکداریه توطن ایتمش وقوج حصارده بتوب اوراده یتشدر
پس بوندن فهم اولادیکه خلافت و مقاماتدن قطیبت عظمی دیدکاری
مقام میراث اولاد اولاد بلکه مستحقته اعطاس اولور کرک اولاد صلیبه
و کرک معنویه ولكن اولاد معنویه به انتقال ایتمک غالب در زیر رسول الله
صلی الله علیه وسلم مرتبه ولایت و قطیبت لری بعد انتقال اولاد معنویه دن
برنه انتقال اندی پس اولاد معنویه دن اولفده شرف و جاه زیاده در
(لحرره) کوردی چون آدمک استحقاقن * قلدی آئی خایفه رب فلق
* علم اسماء کرک خلیفه لره * قوری دعویه دیدیلر اتفاق * بعد از خلیفه
من ده اولان همزه اضافتک کسره سی و زنیچون اشباع اولانمز * نوی *
سنسن دیمکدر واولک کسره سی رابطه ویا اول کسره یی تبیین ویا اشباع
ایچوندر (معنای بیت) بودر که امراء اثنا عشر دن هر رنه مخفی دیدیکه
دین عیسوی به نائب حق و بنم خلیفه سنسن یعنی الله تعالی امر خلافتی
بکاسنکیچون اشارت ایلدی بندخی بر موجب اشارت سنی خلیفه تعیین
ایلدیم * زیرا اهل کمال و شهود و اصلح موجود سن پس سن فی الحقیقه
نائب حق و بنم جاندن خلیفه مطلق اولدک * بونده عقل معاشک قوای
جزئییه یی برای اضلال خایفه نصبته اشارت وارد مرع هذا انزلک خلافت لری
اضلال و افساد ایچوندر یو خسه هدایت و اصلاح ایچون دکلدر *
والاقوای کلیه هر وجهله خلافتنه احق در شمسک غروبنده
قرک خلافتی کی وحدیثه کلور (من قلدا انسانا عملا و فی رعیته من هو
اولی منه فقد خان الله و رسوله و جماعة المؤمنین) کافی الکافی پس بوندن
فهم اولور که ظاهرده هر کس خلافتنه محل اولدیغی کی باطنده دخی
اهل دکلدر و نااهلک خلافتی خلق اراستنده اختلاف امور و اختلاف
نظامه باعثدر انکیچون ارباب نفوسک وجود لرنده انتظام لری بو قدر
زیر ازمم امر لری نفس النده در نفس ایسه زن مقوله سیدر وحدیثه
کلور (ان یفلح قوم تملکهم امرأة) و مر دناقص السلوک دخی زن حکمنده در
* وان امیران دکر اتباع تو *
* کرد عیسی جله را اشباع تو *
* اتباع * تبعک جمیدر تحریرکله بقال تبعه مشی خلفه و مر به فضا

کافی القاموس قال ابن الکمال رحمه الله الفرق بین تبعه واتبعه انه يقال اتبعه
اتباعا اذا طلب الثانی الحقوق بالاول و تبعه تبعه اذا امر به و مضی به * اشباع *
شیعه نک جمیدر کسرله اتباع و انصار مناسنه (معنای بیت) بودر که
سندن غیری اولان او بر امیرلر که اون بر در جله سی سنک اتباعکدر و اتباعک
اولق بالکز تعینم ابله دکلدر بلکه عیسی که متبوع نصاری در مجموعن
سکا اتباع و انصار قلدی و بکابو وجهله اشارت ایدوب تعیین ایلدی
پس سوز عیس - انکدر بنم دکلدر و عیسی دخی حقندن قائل اولدیغی
جهتدن بومعنی حقه مضافدر غیره دکل بونده عیسایی ذکر دن مراد
موصی لهرک عزیمتن تهییج و داعیه سن تحریرک و رغبتن توفیردر
والانصار انک وزیرمن بوره چندان اعتبار و اعتقاس لری و ایدیکه آئی
عیسیایه بدل بیلورلر و اشارتیه عمل قیلورلر دی شویله که ارا لرنده اکا
متعلق قول و افلا اصلانکیر یوغیدی پس وجه مذکور اوزره هر بر امیری
امیر الامرء نصب ایلدی شویله که ظاهر او باطنا واجب الاطاعة و لازم
الاتباعدر دیمشدر که اولو الامرء اطاعت و اجبدر امری شرعه موافق
اولق شرطیه پس نافلیه امر سلطانی تعلق ایتمه واجب اولور و عوامک
اولو الامری سلاطین و ملوک و خواصک ابدال و اقطاعدر بوجهتندر که
عوام رعایا و ازین ملوک، عامل اولورلر کی خواص بر ابادخی آیین اقطاعله
عاملاردر کرک ظاهرده عمل ایلر و وارد اولسون و کرک اولسون زیر مجرد
سیرت لری اولق اقتداده کافیدر و قرآند، کلور (لقد کان لکم فی رسول الله اسوة
حسنه) یعنی بونده رسول الله و ارث رسول الله دخی داخلدر زیر انصله
داعی علی البصیره در پس انک خصال حسنه سی خصال نبویه کی مؤتسی
و مقتدادر فاما هر کس بومقوله رمز و واقف دکلدر و بلکه انکار دخی
ایدرلر ولیکن انکار سبب خسارتدر زیر ادرجات ابرار و طبقات مقرینه
و صوله باعث اولی اعتقاددر (لحرره) کار انکارک ندر سودی زیاندر
جانکه * مانع بیع و شرای جادر جانا نکه * بونده عقلاک قوای وجودی
افسانده اشارت وارددر زیر برخانه نک که حاکی زن اوله اول خانه ده نظام
مفقود اولدیغی کی خانه وجودک حاکی دخی نفس و هوای و سائر فرای
شریره دن بری اولسه انتظام معدومدر بلکه خرابنه سیدر نیکم قرآنده
کلور (ان الملوک اذا دخلوا قرية افسدوها و جعلوا اعزاهلها ذلة) زیرا

ملوك نواب حق اولد قلری صورتده مصلح عالم ونواب شیطان اولد قلری
تقدیر جه مفسد بنی آدمدر پس نیجه صورت افساد واردر که معناده عین
افساد در و كذلك نیجه صورت افساد واردر که حقیقتده عین اصلاح در
قتل نفوس مارد و سفک دماء جاعت شارده و حبس عاصیان و زجر
طاغیان کبی و ملوک نواب حق اولد قلری صورتده ظاهرده
اعزاهل اسلام واذله اهل کفر در و باطنده اعزاهل قوای روحانیه واذله قوای
جسمانیه در ونواب شیطان اولد قلری صورتده ظاهرده اعزاهل کفر
و معصیت و بدعت واذله اهل ایمان و طاعت و سنت در و باطنده اعزاهل
جند نفس واذله عسکر و حدر و اولکه قرآند لسان منافقیندن کلور
(لئن رجعنا الی المدینه لخرجن الاعز منها الاذل) و راده اعزله بحسب
الزعم کنندیلرندن واذل ایلله مؤمنلر دن نگایه ایتدیلر مع هذا اذله اولان کندی
نفسلری ابدی زیر ابر قومک سالاری که جناب مصطفی صلی الله علیه
وسلم اوله اوراده عزت ظاهرا و باطنا مؤمنلر کدر زیر اعزیز اسمنه مظهر
دوشمنلر در بوسیدندر که طائفه اهل نفاق بالکلیه ذلت و دوشوب هر بری
خسارت و فضاحت ایلله هلاک اولدی پس مؤمنه لازمدر که اثر نبوی به
اتباع ایدوب قریه وجودی اهل افساددن محافظه ایلله (لمحرره)
تحت عدل اوز ره اوتور میر آسا * یوقدر عدل اهلانه همیشه اسی *

* هر امیری کو کشد کردن بکیر *

* یا بکش یا خود همی دارش اسیر *

* بکیر * مؤاخذه ایلله دیمکدر شکم کردن کذلک اطاعتدن امتناع و ابا
و استکبار در مصراع ثانی مؤاخذه مذکوره بی بیان و تفصیل واقع
اولمدر (معنای بیت) بودر که هر امیر که سکا اطاعتدن امتناع ایده
و سرفروا بتیوب سنک دیمد و کک بوله کیده سن آنی قوت قاهره و سطوت
باهره کایله مؤاخذه ایلله و اله کتوروب ختمندن کل یعنی بحسب الرأی
و المصلحه یا قتل ایلله که بالکلیه عرق فسادی منقطع و شراره شری
منطقی اوله و یا خود آنی اسیر طوت و حبس زندان و مبتلای سلاسل
و اغلال ایلله تا که جزاسنی بوله و هم غیر بلره عبرت اوله و بلکه بوله اسیر
و اخذ ایتک قتلدن اشد در زیر اگونه بیک کره اولور و اقران ارا سنده
فضاحت عظیمه بولور شکم یهود مدینه دن بنی قریظه بحسب المصلحه

قتل و بنی النضیر جلای وطن ایلله اذلال و اهانت اولندی (لمحرره)
اوستکه بونجه عدو کلمکدن * یوقدر افضل نتیجه اولمکدن * راست قبره
دخول اولی در * مختلیله ایکی بو کلمکدن * بونده (اذابو یبع خلیفتین فاقتلوا
الاخر منهما) سر نه اشارت واردر یعنی ابتدا بر خلیفه به مبايعت اولند قدن
صکره برغیر بسی دخی نزاع خلافت ایدوب اعانت اراذل ایلله مبايعت
اولنسه متأخر اولانی قتل ایتک کر کدر زیر باغی و خارج علی السلطاندر
باغینک شری ایه بحسب الغالب یا قتل و یا حبس ایلله من دفع او اور
فاما خروجی امور عظیمه دن اولوب اختلال عالمه باعث اولغله قتل
ترجیح اولنور بوسیدندر که بیت مشنوی ده دخی قتل تقدیم اولندی
بوندر که خارجه سلطان اعظم بر در زیر اسم اعظمک صورتده
مظهر در و كذلك قطب الاقطاب دخی بر در زیر اسم اعظمک حقیقتده
مظهر در شکم (السلطان ظل الله) عبارتده ایکی معنایه دخی اشتهار
واردر و انفسده قلب دخی بر در زیر سلطان القوی در و بوسره
اشارت ایدوب قرآند کلور (ما جعل الله لرجل من قلبین فی جوفه)
بورادندر که ارباب حقیقتدن بری برشهره ایکی خلیفه نصب ایتمز زیر
ایکی روحک بریده حلولی کبیدر بتون دنیا دخی سلطان اعظم و قطب
الاقطابه کوره بویله در یعنی بر شهر و بر قریه کبیدر بوراده امرای قتلدن
مقصود هواسنه مخالفت و اسراردن مر ادبای وجه کان تضییق قدر تضییق
ایسه قتل حکمنده در نفی بلدا ایتک بو حکمنده اولدیغی کبی و قوای جزیه
اراسنده بواختلا له باعث اولمقدن مر اد قوای کلیه به سربانی ملاحظه در شکم
کاستانده کلور * چواز قومی یکی بی دانشی کرد * نه که رامنزات ماندنه مه را

* ایک تامن زنده ام این وامکو *

* تا نمیرم این ریاست را بجوا *

* وا * آحق و آشکاره دروا کردن اچق واداشتن کروطونق و منعم ایتمکدر
* ریاست * قال فی تاج المصادر الریاسة مهتری کردن یعنی اولواق ایلک
و باش بوغ اولق ز بر سید القومه رأس و رئیس دیرل یقال رأس فلان
القوم برأسهم بالقبح ریاسة فهو رئیسهم و یقال ایضا رئیس بوزن قیم
کما فی الصحاح و بونده اعضاء رئیسبه دیدکری قلب و دماغ و کبد
و انشیاندر زیر املاک اعضاء بدن و مدار انتظام امور تندر (معنای بیت)

بود که لیکن تا که بن حیات دیم بوسر بکه سـنک امیرالامراء و نایب حق
و خلیفه من تعین او اند بنگر کیمسه به آچه و آشکاره ایدوب بیهوده سوز
صاچه زیرا بنم حیاتمه ریاست و خلافت مسندی بنمدر پس بن مرده
اولد قجه بور تبه بی طاب ایتمه زیرا طاب ایتسك افشاء راز ایتدیکن
ماعداسـاطان اعظم اوزرینه خروج ایتدکله باغی اولورسـنک ایکی
ریاست ایسه اسـنلال اوزرینه بریده مجتمع اولمز و دیمشلردر که
ملوک یاننده هر خطا معفودر الا اوج نسـنه به عفو تعلق ایتسك مصلحت
د کادر اولکسی راز سـاطانی افشاء ایتسك ایتنجیسی حرمنه تعرض ایتسك
اوتنجیسی مملکتته مداخله قلیق پس بواوچی خطاء عظیم مقوله سندنر
(لحرره) قلمه بورازی کیمسه افشاء کردلـسك نفس دهانمن * سن اوتور
مسند خلافت بن * چون چقم جانله جهانمن * بونده اشارت واردر که
شاگرد استاذ زماننده استاذ مرتبه سنه ابرمز بلکه اول مرتبه وصولی
وفات استاذ منوطدر و بومعنی غیرت آلهیه باینددر ولیکن آخرته
مراتب و درجات طبقات شهود و معرفته کورددر پس اوراده نیچه شاگرد
استاذ اوزرینه تفوق ایدر عبده والی اوزرینه تفوق ایتدیکی کی الحاصل
بعض ملکات شریفه و احوال فاضله حسبیلله تابع متبوع و بالعکس اولور
نتکم قرآنده کلور (ان اکرمکم عندالله اتقاکم) بوندن فهم اوانور که
تقوی مراتب اوزرینه در پس تقوای حقیقی اهلی مطلقا سائرلردن مهتر
وپایه برتر در و بونده رمز واردر که قوای حیوانیه ده حکم عقلی کدر یعنی
عقلک شعوری اولد قجه سائر قوایه حکومت بوقدر بلکه زمام تدبیر
آنک حلقه رأیه مر بوطدر (لحرره) کاوکسـبیلله دوتا اولمه چونون * عقلی
پیشه ایدنمه هی مجنون * عشقندن غیری جله اولدی جنون * که دیمشلردر
الجنون فنون * و بونده اشارت واردر که هر کسک مرتبه سی فنانندن
صکره ظاهر اولور انکی چون کمال اهلی دنیاده مسـتورددر مکر کیم ظهوری
کمال استغراقدن ناشی و خفایای اموری موت صور یسـندن صکره
فاشی اوله (لحرره) کیمسه بلز ندر کمال ولی * مکر اوله وفاتی ایله جلی *
بودخی بعض حالیدر آنک * کنهی ادراک خلقتدن اولدی علی *

تاغیرم من تو این پیدا مکن
دعوی شاهی واستیلا مکن

* دعوی * دعادن مشتقد طلب معنایه و بعضیلر دیدیلر که ادعا وزعم
ایچون اسمدر حق اولسون باطل اولسون انی ثابت ایچونددر پس تنوینی
جائز دکلدر جمعی دعاوی کلور و اولد قجه فتنوی و فتاوی کی ولیکن عجم
کسر ایلله استعمال ایدر نتکم آخری یا اولان کلماته قاعده لیدر قال
فی القاموس الدعاء الرغبة الی الله تعالی و دعاه دعاء و دعوی و ادعی کذا زعمده
حقا و باطلا تهی * استیلا * غلبه ایتسك اصلنده طلب ولایت و سلطنت
و تصرف دیمکدر (معنای بیت) بودر که تا که بن اولیم و دنیادن منتقل
اولیم و موتله فنا و زوال بولیم بومعنای اظهاری ایلله یعنی امارت و سلطنت
و غلبه دعواسی صد دنده اولمه بلکه فاش مکن موجبیه عامل اولوب
وقتیه مترقب اول زبرا امور اوقاتنه مرهونه در بوندن فهم اولور که هر والی
کمال غیرتندن غیری بی حال حیاتند ولی عهد ایدوب مقامنه اجلاس ایدن
مکر نادرر اوله نتکم ملوک عثمانیه دن سلطان مراد ثانی * وارلم بر ایکی
کون ذکر ایدن مولابی * بزه اصمردیلر بویلا ن دنیایی * فحوا سنجه سکر
یوز قرقی یدی تار یخنده فراغ سلطنت ایدوب یرینه اوغلی فاتح سلطان
محمدی اجلاس ایلدی و کندی ادرنه دن مغنیا سمته توجه ایتدی بوندن
فهم اواندیکه ایکی شاهین بر یواده اولماز و ایکی حاکم بر سجاده ده حکومت
بجال بولمز و تعدد دولته اختلال عالم بوانغله حال ملوک عثمانیه شهرزادکانی
حبس ایدرلر زیرا اطلاقلری سبب فتنه در کرک کندیلری طالب خلافت
اولسونلر و کرک اولماسـونلر خصوصاً ترکلی اولوق قتی نادر در و شیخ
ابو مدین المغربی قدس سره کلماتنده کلور (آخر مایخرج من رؤس
الصدیقین حب الجاه) یعنی صدیقلرک آخر دماغندن چقان خلق اراستنده
قبول اهلی اولوق سـودا سیدر و یا خود اسم ظاهر مقتضاسـبیلله متحقق
اولمقدن اوتوری تحبیب آلهی ایلله حب جاه ظهور ایدر تا که جمیع اسماء
آلهیه ایلله متحلی و احکامیه متجلی اولوب غیب و شهادتیه سلطنت مطلقه
اهلی اولالر بوا یسه اسم اعظمک غیرتنددر پس اهل اللهک حالی سائرار باب
ریاست احوالنه قیاس اولتماز زیرا حقانی و رحمانی اولان معنایه نفسانی
و شیطانی اولان بر دکلدر انکی چون حدیث صحیحده کلور (حب الی من دنیاکم

ثلاث) یعنی امور ثلاثه که محبوب اولدینگی تحبیب آکهی ایله در بو خسه حب نفسانی ایله دکلدر (لحرره) اولسه حضرت حقندن تحبیب * بعض اشیا بی سور میدی حبیب * خسته چند انکه سومسه دارو * سودر آ که انی امر طیب *

* اینک این طومار و احکام مسیح *

* یک یک بر خوان تو بر امت فصیح *

* اینک * اشته و بونجغز و شمدی و منارینه کلور بیانی بالاده در * طومار * و طامور صحیفه در جعی طوامیر کلور * مسیح * عیسی علیه السلام در زبر اوجه ارضه کثرت سیاحتی وارد در تکم مجدی ده کلور * ای نیجه عیسی مسیح اولوب سیاحت ایلدی * و یا خود بر کتدن اوتوری مسیح تسمیه اولندی پس مسیح مبارک دیمکد ز زرا مسیح اودر که الله تعالی بر نسنه بی یامبارک و یاملعون خلق ایله تکم دجاله مسیح دیمک هم سیاحت و هم ملعونیتدن اوتوریدر پس مسیح ضد اولور و بعض علما دیدیلر که مسیح اصلنده مسیحادر که لغت عبرانی ده مبارک دیمکد و بعضیلر قاننده مسیح صدیق معناسنه در و صاحب قاموس مشارق شرحنده مسیحک اشفاقنده الی عدد قول ایراد ایلدم دیمشدر فلیطالب ثمه * امت * شول جماعته دیر که انلره رسول ارسال اولنه و تفسیر ارشاد ده کلور که الامه الدین والطریقه التي تؤم ای تقصد انتهى تکم قرآنده کلور (الا ام امثالکم) یعنی هر نوع حیوان بر طریقه مخصوصه اوزرینه در که الله تعالی بالطبع آنی اول طریقت اوزرینه مسخر ایتشدر بعضی ناسجد رعنکبوت کی و بعضی بنیدر سرفه دید کلری دوبه کی که دفاق عید اندن بیت انخساز ایدوب ایچنه کیروب اوراده هلاک اولور و مثالده کلور (اصنع من سرفه) بالضم و بالفاء و بعض حیوان واردر که ادخار اهلیدر غل کی و بعضی دخی قوت وقت اوزرینه اعتماد ایدو یجیدر عصفور و حمام کی و سایر انواعک دخی هر برینک طریقه مخصوصه و طبیعت مجوله سی واردر انسانده مجموع طبایع واردر زبرا اجمال عالم وانمودج کائناتدر و قرآنده کلور (کان الناس امة واحدة) یعنی صنف واحد و یا خود ضلال و کفرده بر طریقت اوزرینه اولدی وینه تنزیلده کلور (انا وجدنا آباءنا على امة) یعنی بزآبا و اجداد مزنی دین مجتمع علیه اوزرینه بولدق و امت حین معناسنه دخی کلور تکم قرآنده وارد اولمشدر

(وادکر بعد امة) ای بعد حین وینه قرآنده کلور (ان ابراهیم کان امة) یعنی ابراهیم علیه السلام عبادتده جماعت مقامنه قائم ایلدی * فصیح * قال فی القاموس الفصح والفصاحة البیان فصیح ککرم فهو فصیح وفصح من فصحاء وفصاح وفصح وهی فصیحة من فصاح وفصائح وفصح الاعجمی ککرم تکلم بالعربیة وفهم منه وافصح تکلم بالفصاحة انتهى وفي المفردات الفصح خلوص الشیء مما يشوبه واصله من اللبن يقال فصیح اللبن وافصح فهو مفصح وفصح اذا تعری عن الرغوة بالضم ای الزبد ومنه استعبر فصیح الرجل اذا جادت لغته انتهى بزیاده ونقصان وفصاحت و بلاغتی اعراب وافصاح ایدن علم بلاغندر پس بو خصوصده اکا مراجعت اولنه (معنای بیت) بودر که اشته بو طومار و صحیفه و احکام دین عیسی یعنی دین عیسایک احکام شرایی بو صحیفه ایچنده درج اولمشدر پس سن آنی امت عیسی اوزرینه برر فصیح و آشکاره و روشن او قوشویلکه انکله شک و شبهه بالکلیه مرتفع اوله و هر کسک فهمی اکایول بوله تکم قرآنده کلور (لنبدن للناس منازل الیهیم) بونده عقل معاشک صحیفه خیاله رسم ایتدیکی علوم رسمیه به اشارت واردر امتدن مراد قوای جزیه در که خیاله تابعلدر و گاه اولور که قوای کلیه به غالب اولوب انلردخی عقل قاصره تابع اولور و طریقه خیاله پیرو لک ایدوب سر منزل مراده ایرمیبوب بزاز خنده قالورل (لحرره) وای اول عقله کیم خیاله اویار * بویله بی رشدد اولان صکره طویار * فیض الهام جوایسک حقندن * قلبی تبغ عشق پاکله یار *

* هر امیری را چنین گفت اوجدا *

* نیست نائب جز تو در دین خدا *

* جدا * ایری و باشقه خدا ایله ارالرنده نجیس خطی واردر (معنای بیت) بودر که هر امیره باشقه تنهاده بویله دیدیکه دین خداده سندن غیری نائب یوقدر یعنی الله تعالی وضع ایتدیکی دین عیسی بی اقامت و احیا ایچون سنی نائب و خلیفه قلمشدر خصوص اوزرینه بو خدمت سندنکدر پس تشمیر ساق ایدوب خدمتده مجد و ساعی و کار که مقید اول بوراده دینی خدایه و بیت سابقده مسیح اضافه ایلدی زبرا دین احکام و شرایعدن عبارتدر سبی عیسایک اقامت دینده و ساطتیدر یعنی دین

اصلانده کر چه وضع آلهیدر فاما اقامت و تبلیغ انبیایه مفوض اولمغه دین
موسی و دین عیسی دبرلر تکم یزید پلیدنخر حقنده دیر * فان حرمت یوما
علی دین احد * فخذها علی دین المسیح ابن مریم * و دیمش لردر که وضع
آلهی آلهیدن آتی تأدیه ایدنه نسبت اولسه ملت و آتی اقامت ایدوب انیکله
عامل اولانه منسوب اولسه دین دینلور پس ملت رسوله مضاف اولور
آلهه و آحاد امتیه دکل و کذلک جله شرایعده مستعمل اولور آحادنده
دکل بونده عقلاک کذبیه اشعارت وارد ز بر حقه مضاف اولان دین
عقلاک مجعولات و تخیلاتی دکلدر انکیچون شارعدن وارد اولان اوصاف
و نفوتی بلاوجه تأویل ایدن عقل قاصر اهلاک ایمانه اعتبار اولمغدی
ز بر تأویل فاسدی ایله مکذب دین اولدی اگر چه کندی ز عمنجه تصحیح
دین ایدیم دیوتاویل ایلدی فاما دین ارضی دکل آسمانیدر عقل قاصر
ایسه ارضیدر ز بر خاکدن مصنوع اولان جسمه تابع اولان قوای
جزیه دندر پس امور سماویه نک حکم و حقایقنی ادراک اتمک شمانی
دکلدر ز بر آوراده جهت جامعه بوقدر قلب و روح ایسه آسمانیدر ز بر
علویدر که عالم امر دندر و عالم اختراع دخی قریب در بلکه اول عالم
اختراعدر پس انلرک علو باتله مناسب بتلری اولمغه شانلری ادراک کلی
و مقتضای مکاشفه انوار تجلی آلهیدر قرآن ایسه حق ته الینک نبلیات
کلامیه سندندر پس عقل نه یلور که جلی ندر ز بر تجلی شمس و ادراک
عقل شمع کیدر بناء علی هذا شمسله شمعنک میاننده فرق نقدر ایسه
عقلاک کشفک دخی فرقی اولقدردر پس بوندن اهل رسوم ایله اهل
مکاشفک اعتقادات و اعمال و احوالده فرقلری ظاهر اولدی (لحرره)
صانع ای خواجه بوعقل قاصر * اید حقت کلامنی ادراک * بوقدر
ضعف باصره واریکن * اوله می شمسی شب پره دراک *

﴿ هر یکی را کرد اوبک یک عزیز ﴾

﴿ هر چه آنرا گفت ابن را گفت نیز ﴾

* عزیز * ذلیک مقابلیدر امام غزالی قدس سره شرح اسماده ابرادیدر که
عزیز اول خطیردر که انک مثلنده وجودی قلیل واکا حاجت مشدواکا وصول
صعب اوله پس بواج عدم معنی مجتمع اولدجه عزیز اطلاق اولنماز بعض
نسنه وارددر که وجودی قلیدر فاما خطری عظیم و نفعی کثیر اولماق

حسبیه عزیز دینلر و کذلک نیچه نسنه وارددر که خطری عظیم و نفعی
کثیر و عظیم النظیردر ولیکن اکا وصولده عدم صه و بت اولمغه عزیز
دکلدر شمس کبی ز بر اشمسک نظیری یوق و عظیم النفع در و خلقت اکا
احتیاجی دخی شدیدر ولیکن عزیز دکلدر ز بر اهر بصیر اولان انک
مشاهده سنه واصل در و عباددن عزیزاودر که عباد الله اهم امور اولان
حیات اخرویه و سعادت ایدیه اکا محتاج اوله بومقوله نک وجودی
ایسه لامحاله قلیل وادر ای صعبدر ز بر انبیا علیهم السلام و درجه ده
انلره قریب اولان اولیانک قدس الله اسرارهم رتبه سیدر پس بومعانی
مفقود اولان کسمیه عزیز اطلاق اولنماز مکر مجاز اوله سلاطین زمانه
عادل دیمک کبی بوسیدندر که عزیزایله تسمیه دن نهی اولمشدر مکر
عبدالعزیز دینله و صوفیه طائفه سی عبدالعزیزک تعریفنده دیمشدردر که
(هو الادی اعز الله بتجلی عزته فلا یغلبه شیء من ایدی الخدثان
والاکوان وهو یغلب کل شیء) پس بعض مشایخه عزیز دیمک تجلی
حسبیه در والامجاز اولور عادل مذکور کبی (معنای بیت) بودر که
وزیر معهود امر انک هر بر بنی عزیز مصر وجود و خلیفه عالم شهود نصب
ایلدی هر اول معنایی که اول امیره سو بلدی بوامیره دخی سو بلدی یعنی خلافت
خصوصنده والاطو امیرده مسطور اولان معانی بر برینه مضاد ایدی
نتکم مرور ایتدی و اشعارت دخی کلمه کر کدر بونده اشارت وارددر که
صفت عزت عزیزاوانک اعزاز ایله حاصل اولور ذلیک دکل انکیچون
وزراء و ملوک منظور و ملتفتی اولان کسه لر عزیز خلق اولورل و سلطاک
عزتی عزیز اسمنک صورت عزیزدر نتکم قطب الاقطابک عزتی اسم
مذکورک حقیقت عزتیدر و حقیقت صورته غالبدر ز بر صورتک قیامی
حقیقت ایله در انکیچون قلوب فقراء منکسر اولدیغی یرده دولت حصید
اولور ولیکن رجال دولتک بومعنایه و قوفلری بوقدر بناء علی هذا اولیایه
عداوت ایدوب عزیزاوانک ذلیل اولورل و عداوتک آثاری چوقدر کلمه
بد و اطاله ید و نفی بلد کبی سامحهم الله تعالی بکار محققین بیور مشلدردر که
اولیانک خلقدن احتیاجنده حکمت بودر که اگر عوام ناس انک مهتدی
اولوب و لایتلرینه اطلاع دن صکره اذی و جفا صدنده اولسه لر محجوج
اولوب استیصال اولورل ز بر احقله محاربه اینمش اولورل پس انلرک

اختیار من فی الجملة خلفه رحمت وارد (لحرره) نه یلور وجه شمس نایب
مکر ادراک ایدیه بر کرمیت * نوره ظلمت اولور می هم جنس
* وار یکن اختلاف ماهیت *

* هر یکی را اویکی طومار داد *

* هر یکی ضد دکر بود المراد *

* ضد * اضداد دندر مخالف ومثل معنای نه کلور بوراده مراد اولدر
وجع مقامنده دخی استعمال اولور عدو کبی وفی القرآن (ویکونون
علیهم ضا) وفیه ایضا (فانهم عدوی الارب العالمین) المراد *
محصل مرام وزبدۀ کلام معنای نه محمول اولوق ظاهر در وجاز در که
هر طومارده مثبت اولان مراد ومؤداده بری برینه ضد ومخالف ایدی
دیمک اوله تنکم بیت لاحق آتی ایضاح ایدر (معنای بیت) بودر که
اول وزیر هر بر امیره بر طومار ویردیکه محصل کلام وخلاصه سخن
بودر که اول طومار هر بری مفهومده آخره مخالف ومضمونده
اکامباین ایدی زیرا بین الناس اتحاد واتفاق افتراق واختلافه
تبدیل ایدوب سبب اختلال وباعث فتنه اولوق احکام متباینه وامور
مضاده اظهار والقاسیه در خصوصه که فتنه دین فتنه دینادن
اشدر ونیجه کره اولور که السنه ایلۀ مطارحه سیوف ایلۀ مقارعه
منجر اولور (لحرره) اختلاف اولسه دینده بین الناس *
سوی نور انده نهائی خناس * حرب وضربه جکر اودم ناسی *
ناس ایکن ادلی اولور ناس * بونده اشارت وارد که عقل معاش
رؤساء قوائک هر برینی بر خیاله دوشور و بویوزدن ارکان وجودی
شاشر تا که شرور وفسوق عناصر وحواسدن قوای روحانیه یه
ساری اولوب رسول قلب کتوردیکی هدی هوایه منقلب اوله وواردات
اکهیه ایلۀ عمل ایدر قالمه و کتاب الهامک حکمی باطل اوله وقوی اراسنده
ایضاع فتنه رعایا اراسنده اثره شرک بیدر که انک سببیلۀ اختلال
عظیم واقع اولوب سلطان جهان مطاعک اثری استماع اولمقدن
قالور ورعایانک هر بری حبیب دل وکیسه جاننده نقد راحت یرنه
فلوس محنت بواور (لحرره) بوغ اولسون عقل قاصر
بوجهاندن * دماغی ایلدی مختل نهاندن * درسک مکرم اولوق

اهل عشق اول * نه استرسن یوری عقل مهاندن *

* متن آن طومار هابد مختلف *

* همجو شکل حرفها باتالف *

* متن * متانتدندر که صلابت معنای نه در متن شرحه نسبتله استحکامی
اولمغله متن دندلی واسماء الله کاور (القول المتین) دیمشدر در که
قوت قدرت تائیه ومتانت شدت قوته دلالت ایدر پس الله تعالی یه
بالغ القوة وتام القدرة اولمغله قوی وسید القوه اولمغله متین دندلی
ودیرلر که شو کتاب متن متیندر یعنی زیاده متانت ایلۀ متصفدر تنکم
حصن حصین دیرلر زیاده حصان وحصان واستحکام ایلۀ متصف
اولمغله الحاصل بر لفظدن مشتق اخذ ایدوب مبالغه ایچون ایضاع
وصف ایدر لرب عرب وایوم وایوم وایل الیل وامثالی کبی * شکل *
قال فی القاسوس الشكل الشبه المثل وواحد الاشکال للامور المختلفه
المشکله وصورة الشئ المحسوسة والمتوهمة انتهى وقال الراغب
المشاکلة فی الهيئة والصورة والنسب فی الجنسیة والشبه فی کیفیة
قال تعالی (آخر من شکله) ای مثل له فی الهيئة واصل المشاکلة
من الشكل وهو تقييد الدابة بالشکال وهو بالنکسر ما یقیده ومنه
استعیرتشکیل الکتاب وهو تقييده وفی التزیل (قل کل یعمل علی شاکلته)
ای علی سحیة التي قییدته وذلك لان سلطان السحیة علی الانسان
قاهر وفی التعریفات الشکل هو الهيئة الحاصلة للجسم بسبب احاطة
حد واحد ای نهاییة واحدة بالمقدار الذي هو عبارة عن الامتداد
الطولی والعرضی والعقی کما فی الكرة او حدود کما فی المضلعات من المربع
والمسدس فاطلاق الشکل علی الهيئة الجسمیة اطلاق حقیقی وعلی الهيئة
المعنویة مجازی بعلاقة التشبه * باتالف * الف لامک کسر یله کتف وزنی
اوزره اول الحروف در وسکونله عدددر یک معنای نه هزار کبی
بعد ذبا تا الف اسمادر که مسمیاتی حروف هجا اولان بت ادر
مسمی تلفظ اولمق لازم کلسه یا اولنه الف مکسور ادخال ویا آخرنه
هاء ملفوظه ساکنه الحاق اولنور اب به کبی الف تأخیر اولندی
قافیه ایچون مع هذا باتمین اوله اشارتدر نقطه سنک وحدتی قرینه سبله
پس حروفدن ابتدا ظاهر اولان بادر موجودادن ابتدا ظاهر اولان

جوهر و عرضدن حرکت و نقطه دن انا اولدیغی کی و دیمش لردر که
اول الحروف الفدر همزه دکلدر زبرا اسم همزه مستحذر که متحرکی
ساکندن تمیز ایچون وضع اولمشدر انکیچون حروف تهجیده همزه
مذکور دکلدر و الف ساکنه علماء محققین فائده خرف تام دکلدر
زیر امتداد نفسدن عبارتدر که مخارجدن برنخرجده مقطع معینی یوقدر
پس الف ماده الحروف در بوخسه حروف تام دکلدر بلکه حرف تام
اودر که برنخرجده متعین اولوب تعلقده و کتابتده صورتی اوله
الفک صورتی ایسه خطده ظاهر اولور فقط نقطه ده دکل
پس انلر فائده همزه و الفک مجموعی حرف واحد عد اولور بعد ذابا تا الف
حرفهایی بیسان واقع اولمشدر و با تا الف اکثفا قبیلندندر مقصود
مجموع حروف تهجیدر (معنای بیت) بودر که وزیر مهودک
امریه دفع ایدیکی طوامیر و صحائفک متن واصلی مختلف و مباین ایدی
با تا الف و سائر حروف تهجینک کرچه اشکال مختلفه در و بوجهتدن
یکرمی سکر حرف عد اولور فاما حقیقتده اختلاف یوقدر زبرا الف
ادنی مرتبه اوج نقطه دن و اوسط مرتبه بش دن و اعلی مرتبه
یدی نقطه دن مرکبدر سائر حروفک ترکیبی دخی نقاط مذکوره دندر
بورسم اوزره فاما اول طوامیرده مسطور اولان بویله دکل ایدی
بلکه اشکال مختلف اولدیغی کی متون و اصول و احکامی دخی مختلف
ایدی تنکیم بیت لاحقه کلور الحاصل عالم حقیقتده کوره حروف تهجی
منحدر زبرا اشکال جنسندندر متون مذکوره ایسه متحد دکلدر
زبرا حقایق نوعندندر اگرچه که اول عالم کوره کفر و ایمان و سائر
اعتبارات یوقدر و بعض اطائف اشعارده کلور قدیاره کیمسی عزیمش
کی الف جمله نک مقصودی برالاروایت مختلف و بونده رمز واردر که
رسم کتابته زبرا هر ویدر که آدم علیه السلام یدی کره یوزیک لغات
تکلم ایدی و اقلام عشره بی کر پیچ اوزرینه رسم ایدوب طبع ایدی
و اول اقلام بونلدر که ذکر اولور قلم عربی قلم فارسی قلم سریانی
قلم عراقی قلم حبیری قلم یونانی قلم رومی قلم قبطی قلم بربری قلم اندلسی
قلم هندی قلم چینی فاما اولکه خط ابتدا ادریس نبی علیه السلامدن
قالدی دیرلر مراد خط رملدر و بعض السنه که آدمک غیره نسبت اولور

ظهور و یا کمال ظهور حسیه در و سائر کالات دخی بو کافیه اس اوله
مثلا استخلاف اصالة الله تعالینک شانیدر که آدم علیه السلامی خلیفه
نصب ایتشددر صکره آدم دخی وفاتنده برینه اوغلی شیث علیه السلامی
خلیفه نصب ایلدی پس استخلاف دخی آدمدن توارث اولندی
دیمش لردر که نصب امام فرض کفایه در و امامت بیعت ایله
منعقد اولور کذا فی فتح الرحمن فی سورة الحجرات (المحرره)
* کلمه اشبو عالمه آدم * ایتسه سطح ارضه وضع قدم * نه بیلوردی
جهان کمال ندر * بو کمال ایچره یا مال ندر *

حکم این طومار ضد حکم آن

پیش ازین کردیم این ضد را بیان

* این ضد * این ضدیت دیمکدر (معنای بیت) بودر که بو طومارک حکمی
او بر طومارک حکمک ضد و مخالفی ایدی بوندن اول احکام طوامیرک بری
برینه ضدیتلرن بیان ایلدی تنکیم بالاده دیدی * حکماء هر یکی نوعی دکر *
این خلاف آنز پایان تابسر * در یکی راه ریاضت را وجوع * الی آخره
الحاصل وزیر مر بورد طومارده بشقه برنسنه بی اصل و متن طوتوب انکله
عمله حث و تحریض و ما عدا دن تنفیر و تحذیر ایلدی مثلا بر طومارده که
ریاضت وجوعک اصالت و فائده سن بلدرمش ایدی غیر طومارده سلب
ایدوب انک خلافی اصل و مفید طومش ایدی تنکیم بالاده هر بری عبارة
و اشاره شرح و بیان اولندی بوندن فهم اولور که قلوب بنی آدم طوامیر
کبیدر که هر برنده اسماء الهیه متقابلده دن برنسنه رسم اولمشدر بوجهتدن
افراد ناس اراسنده دخی تقابل حاصل اولمشدر زبرا برنده بالفعل اولان برنده
بالقو در حواس و مشاعر و قوائک اختلافی کی و دیمش لردر که (الطرق
الی الله بعدد انفس الخلائق) یعنی افراد سلاکدن هر بری اسم مخصوصی
یوزندن وجه جزئی اوزرینه سلوک ایتشددر مکر کیم اسم اعظمه مظهر اوله
پس بو صورتده جمیع اضداد و متقابلات و اطغیایات و قهریاتی بالفعل جمع
ایتش اولور و نیجاتی نظمنده کلور * طرق الله بانفس خلائق دیرلر * قنخی
بر پاک قدم اول طرقة راه بیلور * ولکن ذکر اولسان اختلافات رحمت
مقوله سننددر که امر سلوکی سلاک تسهیلدر اختلافات طوامیر ایسه بویله
دکلدر و بونده امر وجودده اولان تجلیاتک کثرتنه اشارت واردر تنکیم

قرآند کاور (کل يوم هو في شأن) وضدیت اعیان ارا سنده دکلدر بلکه
فصول واعراض ارا سنده در مثلاً انسانک حیوانیتده فرسدن فرقی یوقدر
بلکه فرق نطق وضحکله حاصل اولور کتب الهیه دخی بویه در پس
اضدادی جمع لازم کلسون ایچون نیجه احکام وشرایع منسوخ اولمشدر
فاعرف جدا و بونک نظیری حکمک اعراضه تعلیقیدر (حرمت علیکم المیتة)
کبی زیرا مقصود تحریم اکل دن فعل اکل در که عرضدر یوخسه تحریم
نفس مینه دکلدر نکم محالده مصرح و مشروحدر بوندن فهم اولور که
لحم خنزیر حرمت تعلیقندن مقدم لحم غنم کیدر نکم خردخی فیصل تعلیق
الحرمة سائر اشربه کیدر پس تحریم ایکسنتک میاننی فرق ایدر و حرمت
احکام شریعتدندر احکام حقیقتندن دکلدر ولکن اهل حقیقت اولان
بحسب المصلحة حکم شریعتنه ناظر اولوب عامل اولوق کرکدر والاداره
حکمتندن خروجله مغضوب علیه اولور نکم اشق طائفه سنتک حالیدر
(لحرره) * شول شریعتله حقیقت ای دل * مغز بادم کبی اولدی دوشق * بری
برندن انلری تفریق * ایلز کسه مکر اوله اشق *

* بعد ازان چل روز دیگر در بدست *

* خویش کشت و از وجود خود برست *

* چل * کسر جیم عجمی ایله فرقدر اربعین معناسنه چهلادن تخفیف
اولمشدر * کشت * ضمه ماضیدر قتل ایتدی معناسنه * برست * بانک
کسری ورائک فتحیله قورتلدی و خلاص اولدی دیکدر (معنای بدت)
بودر که ذکر اولسان اون ایکی امیردن هر برینه بری برینه مخالف طومار
و بروب کندی مقامنه خلیفه نصب ایتد کدن صکره غیری فرق کون دخی
قیوی بغلدی یعنی مقدا که فرق الی کون خلوت نشین اولمش ایدی ایامی
تضعیف ایدوب ایکنی اربعینه کیردی و خلوت خانه قیوسن قیایوب کسبه
ایچرو دخوله و کندی ایله مکالمه و محالسه به رخصت و برمدی و اول مدت
ایچنده کندینی برطر یقیله قتل ایتدی و وجود ظاهری و محسوسندن
قورتلدی یعنی بدندن مفارقتله جانی جهنمه کندی نکم نجاتی شعرنده
کاور * ترک ایتدی کویکی ینه اغیار ایدوب سفر * هر کیم اشتدی دیدیکه
فی النار فی السقر * معلوم اوله که قتل نفس مطلقاً بلا قصاص اسوء
السیئات در زیرا نشان کفر در نکم قتل نفس اماره احسن اخسنات در زیرا

علامت ایتدرویحی کنجینه رازده کتورر * قتل نفسیه کاور عمره ضرر *
واجب القتل اوله شرعیله مکر * آدمک قتل نعوذ بالله * کعبه یقمتجه اولور
اولو کنه * کندنی قتل ایتک دخی بوکا قیاس اولنه زیرا انسان بنیان
الرب در پس آتی هدم ایتک کعبه بی هدم کبی بلکه اندن اشددر زیرا
دیشلدر که * کعبه بنیاد خلیل آزرست * دل نظرگاه جلیل اکبرست * ربهض
مکور و مسخور لر که رنج دنیا دن نجات بولوق زعمیله کندیلرین قتل
ویا صلب ایدر لر بلزلر که بلای دنیادن نجات عافیت عقبایی مستلزم دکلدر
نتکم قرآند کاور (ذلک لهم خزی فی الدنیا ولهم فی الآخرة عذاب عظیم) زیرا
بلای دنیا مؤمنه کفارت اولور کافره اولماز پس کافر ایکی عالمده معذبر
و بمقامده بوندن غیری کلام وارد لر لکن افشاسی حرام اولدیغی جهتندن قلله
رخصت تحریر و برمدی و بونده وزیر حیلله سازک قتل نفسده کیفیتی معلوم
دکلدر والا خلق اندن متفر و متفرق اولوق لازم کاوردی پس برطر یقله
زهر اجل نوش ایلدیکه کسه کیفیتندن آگاه اولدی (لحرره) * یدساقی
اجلادن آخر * ایچدی غفلتله برعجب زهراب * ایل ایچون کندینی بریاد ایتدی *
دین و دنیا سی انک اولدی خراب * (وله) * اولسه پادشها دین وزیر *
نحج ایلسه بوز بیک تزه بر * صدر عالیده قومه ایده جلوس * ایله اوله وزیر
سفالهی زیر * بونده عقل جزئینک اختفاسی سبب اختلال قوای وجود
اولدیغن اشعار واردر زیرا اکثر خلقت تعبشی عقل معاشله در پس وزیر
معین پادشاه اولدیغی کبی عقل جزئی دخی معین نفس وهوی و سائر فوادر
شویله که غیبت شاه و اختفای وزیر فتنه سپاه و رعایا اولدیغی کبی عقل
جزئی و هوایله سائر قوی دخی بویه در و عقل جزئینک اختفاسی افکار
فاسده نک غلبه سیله در زیرا مغلوب الافکار اولان کسه تدبیرندن و تهیسه
معاش و اصلاح امور ایتدکدن عاجزدر عقل معاد اهلی ایلسه بویه دکلدر
بلکه عقل معاد غلبه تجلی ایله مستر اولسه الله تعالی انک امورینه وکیل
و کفیل و کافیدر پس وکالت حقله وکالت خاق مساوی دکلدر و عقل
جزئینک بر دورلی هلاکی دخی واردر که عشق استیلا سیله حاصل اولور فاما
بو هلاک وجود ضرری یوقدر و برهلاکی دخی چون ایله در که بوه ضرر در

* چونکه خلق از مرگ آگاه شد *

* بر سر کورش قیامتگاه شد *

* خلق * مخلوق ضرب مضروب معنای اولدینگی کی * قیامتگاه *
عرصگاه حشر دیکدر که اول عرصه ده زیاده ازدحام واقع اولسه کر کدر
گاه کاف فارسی ابله ظرف مکندر * قیامت * قیام ساعتدن عبارتدر نیکم قرآنده
کلور (و یوم تقوم الساعة) پس قیام ساعت ساعتک بالفعل وجود و حصول
و تحقیقیدر که زوال و فنا و عدم مقابله سنده استعمال اولنور نیکم قرآنده کلور
(منها قائم و حصید) شبهه مابق من تلك القرى بالزرع القائم علی ساقه و ما
عفی و بطل بالخصید قال الرابع والقیامة اصلها مایکون من الانسان
من القیام دفعة واحدة ادخل فیها الهاء تنبها علی وقوعها دفعة
(معنای بیت) بودر که چونکه خلق وزیرک وفاتی و هلاکندن آگاه
و خبردار اولدیلر قبرنک باشی اوزرنده عرصه گاه حشرده اولدینگی کی
جمعیت کبری واقع اولدی و ازدحام عظیم بولدی نیکم امام احمد حنبلی
رحمة الله ک جنازه سنه سکر کره یوزیک رجال و الشمس بیک نساء حاضر
اولدی ولکن بوجعیت حق اوزرنده در * زیرا امام احمد صدیقدر
جمعیت نصاری ایسه بطلان اوزرنده در زیرا وزیر معهود زندیقدر
(لحرره) هب یلورل بونی اهل تصدیق * هیچ زندیقله برمی صدیق *
بونده خلقدن مراد قوای جسمانیه در که عالم خلقدن نیکم قوای
روحانیه عالم امر دندر و کور که قبردر دماغدر که محل عقلمدر اگر چه
بعضیلر محل عقل قلب اولغه دخی ذاهب اولمشدر و عقلاک فنیاسی
حکمتک خفاسیله در نیکم مرور ایلدی نیکم بد نک هلالی رو حک
مفار قتیله در اگر چه که عنا صره عدم طریان ایتمز و آکا هلق حس
و شعورك انقطاعیله معلوم در اگر چه که خلوت خانه دماغه عقلمدن
غیر بچون دخوله مساع بوقدر مکر تفکر و تخیل طریقله اوله * بوندن
فهم اولنور که عقل دماغدن خارج دکلدر اگر چه که غلبه افکارله
حکمی مستوردر و اکا برنسی وفات ایتدیکی موضعه دفن ایتک اولی
و مکان آخره نقل ایتک انسددر نیکم انبیا علیهم السلام حضر ایتک
مدافنی محل رحلتلریدر مکر نقله ضرورت اوله عوامه اولدینگی کی
(لحرره) باشم اوزره کوتور دم جسد جانی * عقل باشمده
اولوب صاغ بولایدم جانی * خسته دل چونکه یاتور ساحل هجران
ایچره * بحر چشم نوله کردو کسه درومر جانی *

* خلق چندان جمع شد بر کوراو *
* موکنان جامه دران درشوراو *

* موکنان * وصف ترکیبدر موقلمدر شعر کی اصلی مویدر آخرندن
یا حذف اولمشدر بوی ده بوخوی ده خودید کلری کی * کنان * قتیله
صفت مشبهه در کندن قوپارمق و بولمق معنای * جامه دران * بودخی
وصف ترکیبدر جامه ملبوسدر که ارقایه کیه جکدر دران صفت مشبهه در
ولکن دالده قتیله و کسره جائزدر زیرا که چه اکثر لغاتده دریدن
کسره بر تقدیر دیمشدر فاما حلیمی ده دیر که در قبو و اداظرفیه و دریدن
لفظندن صیغه امر و وصف ترکیبدر مثلاً پرده در کی ایتهی و بیت بوستان
دخی بومعنای نایبیدر نیکم کلور * تو بینا و ما خائف از یکد کر * که تو پرده
پوشی و ما پرده در * و شجیه صفدر درلر قتیله مشهوردر * شور * غوغا
و فتنه و آشوب و طاعنه و قارغشه (معنای بیت) بودر که اولقدر خلق
جمع اولدی ایتک قبری اوزرنده ایتک موتی شور شنده عادت جاهلیه اوزرنه
صاچلرن بولغان و لباسلرن یرتغان اولدقلری حالده بونده صاچلرن
بولمق افکارن پریشانلغه و لباسلرن برتمق حواس و مشاعر تنک اختلاله
اشارتدر انکیچون موی سری افکارله تعبیر ایدرلر بناء علی هذا تراش
اولان کسه حین تراشده زوال افکاری نیت ایتک کر کدر و حواس
و مشاعر عقلک لباسی کیدر ز برائنه تابعدر و تن واجب التطهیر لباسدر
نیکم قرانده کلور (و ثیابک فطهر) بوندن ظاهر اولور که عقل مختفی و ائاری
ظاهر در روح کی اگر چه که عقل کل ماده دن مجرددر و اجزاء جسمدن
دکلدر ز اجزاء جسمدن اولانه جسمانی دیرلر عقل و روح ایسه جسمک
غیریدر پس روح و روحانی و جسم و جسمانی دن خارجدر و بونده جمع مجتمع
معنای در پس فهم اولنور که انجذاب و انسیاق نصاری جذب و شوقله
اولمایوب کمال محبتلرندن اختیالرینه راجع اولدینگی کی قوای جسمانیه
دخی بولله ایدی زیرا میانده کثرت الفت و اتحاد جنسیت اولمق معنای
مذکور مشعر در بونده (حفت الجنة بالمکاره و حفت النار بالشهوات)
سینه اشارت وارددر زیرا قلب که وجود انسانده جنت معنویه در
اکاد خوله انجذاب بوقدر * زیرا اطراف خارستاندر و طبیعت که نار
معنویه در اکا انجذاب اسباب چوقدر ز را جوانی شهواتدر (لحرره)

جس سجیندن اولمغین خلقک * اکثری اول طرفه مائل در * نورونار
چکرالبته آتی * نیک و بد آده شمائل در *

* کان عدد راهم خداداند شمرد *

* از عرب وز ترک وز رومی و کرد *

* شمرد * شمردن معنائنه صایقه قدر ز رار محله ایکی فعل مجتمع او اسه
بری مصدر معنائنه اخذ و انور * عرب * اولاد اسماعیل علیه السلام در
عبارته حسن شانلری اولمغله عرب تسمیه اولندی و یا خود قریش طائفه سی
مدینه قریبنده عرب به دید کلری ناحیه ده اقامت ایتک سبیل عرب اکا نسبت
قندی وهی باحة العرب و باحة دارانی الفصاحه اسماعیل علیه السلام کا
فی انقاموس و به ضیلر دیدیلر که بعرب بن قحطان که او الیم در ابتدا
سریانیه بی عربیه به نقل ایدن اول اولمغله فعلک اسمیه تسمیه اولندی
و کون اسماعیل اول من تکلم بالعربیة البینة لاینا فی ما قبل اول من تکلم بالعربیة
بعرب بن قحطان و کذا لاینا فی ما قبل اول من تکلم بالعربیة آدم فی الجنة
فلما اهبط الی الارض تکلم بالسریانیة و فی کلام بعضهم اول من تکلم
بالعربیة المحضة وهی عربیة قریش الذی نزل به القرآن اسماعیل
علیه السلام * و اما عربیة قحطان و حیر فکانت قبل اسماعیل کذا فی انسان
العیون بعد ذاعرب ایکی قسم در بری قحطانیه و بری عدنانیه در و قحطانیه
ایکی شعبه در بری سبا و بری حضرموت در و عدنانیه دخی ایکی قسم در بری
ریعه و بری مضر در فاما قضاعه ده اختلاف ایدوب کی قحطانیه و کی
عدنانه نسبت ایتشلدرد * ترک * ضمه تاتار طائفه سیدر و لامعی کلا تده
کلور که ترک خطا و ختن و دشت و قچاق مملکتک اهلنه دیرل قوموسی
آق بوزلو و قره کوزلو و قاره قاشلو و جفا کار اولد کلری سیدن عجم
شاعرلری محبوبلر نه برسبیل تشبیه ترک دیرلر انتهی پس خواجه حافظک
* اگر آن ترک شیرازی بدست آرد دل مارا * نظمده اولان ترک شیرازی ایله
مرادی محبوب شیرازی در که محبوب عجمدر و جائزدر که شیراز ده
توطن ایدن محایب اتر که اشارت اوله بلا تشبیه و اترک شرق که خلفاء
عباسیه استخدا ام ایدرلر دی انلر دخی ترک دیرلر و لسان ترکی دیرلر لسان
تاتار دیمکدر فاما بوا عصارده تاتارک غیری اولوب انا طول و رومده لسان
ترک ایله تکلم ایدنلرک لسانلری لسان تاتاره نسبت حالاشایع اولان فارسینک

فهلویه اولایه نسبتی کبیر یعنی خط کوفی تعریب اتدکلری کی لسان
ترکی دخی تغییر ایتشلدرد * و روم دن اهل حرب اوائلک بولسانی تکلم
ایدنلر ترک دیدکلری تاتار اعتبارله در و الا هر لسان ترکی اهل تاتار دکلدر
هر لسان فارسی اهل عجم معهوددن اوله یخی کی و بولسان اهل
دیار رومه مستولی اولوب وارث مملک نصای اولمغله عاصیان عرب
و جاهلان اعراب تشدید فی الذم ایدوب بونلر حاشا نصاری اطلاق
ایدرلر و لکن بولکلام قائل اوزرینه مر دوددر ز را نظر و تلفات
اسلام و تقوایه در بو خسه لسانه و دعوایه دکلدر تکم قرآنده کلور (ان
ا کر مکم عند الله انما کم) و حدیثه کلور (ان ربکم واحد و ابوکم واحد لا فضل
لعربی علی عجمی و لا لعجمی علی عربی و لا لاجر علی اسود و لا لاسود
علی احر الا بالتقوی) و علی هذا اجماع العلماء کافی بحر العلوم للسمرقندی
پس فاسق قریشی الحسب و قارونی النسب اولسهینه مؤمن متقی یاننده
انک مقداری بوقدر کر کسه اول مؤمن عید حبشی واسور (لحرره) طوتالم
که سیادت و ارایمش * بر دکل عالم و قاره جاهل * نیچه اوله برابر عالمده
* ناطقیله حیوان صاهل * وله * رومی تقوا احسبیله یارن * اوله سادات
خلقک اقرا نی * عرب عصیانله امر و زاما * قوپه فرداده شخص
نصرانی * قتاده دن مرویدر که یا جوج و ما جوج بکرمی ایکی قبیله ایدی
ذوالقرنین سدی بناتد کده انلردن بر قبیله غزاطریقیله غائب اولمغله سدک
خارجنده ترک اولمغین ترک دنلندی و ابن شام دیدیکه انلردن بر امت اهل
ایمان اولمغله ذوالقرنین انلری حالری اوزرینه ترک اتمکله ترک اطلاق
اولندی و دیمشلدرد که ترک اصل بنوقنطورا در وقتطورا حضرت
ابراهیم علیه السلامک بر جاربیه سنک اسمیدر ترک انک اولاددن منشرا و لمشدر
* روم * روم بن عیصوبن اسحق بن ابراهیم علیهم السلام اولاددن بر طائفه در
ورومه و یا خود خصوص اوزرینه موسقو طائفه سنه بنو الاصفر دیرلر
زیرا روم بن عیصونک لوننده صفرت و ایدی و قیل غیر ذلک * و بعض
عارفین دن محکیدر که منامده رسول الله صلی الله علیه و سلمی کوروب یار رسول
الله بن رومه توجه ایتک مراد ایدرم دید کده رسول الله یو ردیلر که
(الروم لایدخله المعصوم) بونده معصوم دن مراد انبیادر زرا اولیا
محفوظلردر و انلر رومه داخل اولمشلدرد * بوندن فهم اولنور که حلب

رومدن دکلدر * زیرا حضرت ابراهیم علیه السلام اکادا داخل اولمشلردر
و بوندن مراد خطه روم ممالك و بلاد و دیار اولدقدن صکره داخل
اولاز دیمکدر والامشهوردر که حضرت آدم علیه السلامک وضع
قدم ایتدیکی مواضع شهرستان اولمشدر مکر هر موضعه وضع قدم
ایتمش اوله بوصورنده خطه روم خارج قالب آدم دخی داخل اولماق
لازم کلور * کرد * ضمه اعراب عجمدر زیر بادیده ساکن اولورلر
غایت جفاکارلردر جدار بنه کردن عمرو بن منقبادیرلر دیکه سیل عرمدن
شام طرفه چقمش ایدی صکره اولادی منشعب و متکثر اولدی و کردک
جفاکار اولدیغی زیاده جهل و حاققتدن اولمغله عالم و عاقل مقبله سنده
ذکر اولورن تکم نظم حافظده کلور * مزندم ز حکمت که در وقت مرگ *
ارسطو دهد جان چوبیچاره کرد * و جائزدر که بویته کرددن مراد
اگر اددن بره یهود بیمار اوله که مرضه تیماردن عاجز اوله نیکم بیچاره
لفظی و ارسطو لفظی حکیم و طیب الیه مقابله آنی اشعار ایدر (معنای بیت)
بودر که کور و زراوزر بنه اولقدر خلق مجتمع اولدی که آنک عددنی
هم عدا یتکلمکی الله یلور و آنک حسابنی المغه انجیق حقیق علم شاملی محیط
اولور دی و اول عدد عربدن و ترکدن و رومیدن و کرددن و غیر یلردن
ایدی پس بو کلام اکتفا قیلندن اولور الحاصل بو طوائف کثیره و اصناف
و غیره اول وقتده اوراده عیسی علیه السلام ملتی اوزر بنه بولمشلردی
و جائزدر که اجتماعدن ملت عیسی اوزر بنه اولق لازم کلیه و محتملدر که تعداد
مذکرردن مرادی مطلقا اکثر ناسی بیان اوله هر نه اغت اوزر بنه اولور سه
زیرا کرچه جانب مغربده عربدن یهود و طرف شامده نصاری عرب
موجوددر فاما لسان عربی تکلمدن نسب عربدن منشی اولق لازم کلز
و اصناف مختلفه نك امت واحده اولدیغی دین محمدی به کوره در زیر
رسول الله صلی الله علیه وسلم جمیع طوائفه مبعوثدر اعصار سالفه ده ایسه
خصوص اوزر بنه یهود قوم موسی و خصوص اوزر بنه نصاری قوم
عیسی ایدی و علی هذا بونده عرب الیه صفت حدت و تیزی به و ترک الیه
خارته و روم الیه شرک و کفره و کرد الیه جفا و غلظته اشارت وارددر که جمله سی
صفات ذمیه نفسانیه و لواحق عقل جزئیندر زیر عقل کلی اولان کسه ده
بویله صفات اولماز بلکه بوصفیه متصف اولنلر حق القوم مقوله لیدر

پس جفاقله عقل جزئینک میاننده فرق قائلار کیاست الیه عقل کلینک فرقی
اولدیغی کبیر الحاصل هر نسته نك حسن و قبحی و اطافت و کشفی
اژندن روشن و هر مقدمه نتیجه سیه مبرهندر (لحرره) بیل سقیم
اولدیغنه بیخ درخت * برک باریدر علامت سخت * بلوردر هر کشتی
اقبالندن * چون جهان ایجره مساعد اوله بخت *

* خاك او کردند بر سر هاء خویش *

* درد او دیدند در مان جای خویش *

* جای * بوراده محل معناسنه در مقم دکلدر تقدیر کلام جای درمان
خویش دیمکدر (معنای بیت) بودر که خلق مذکور زیر مرده نك قبری
طپراغنی باشلری اوزر بنه ایلدیله یعنی صاحبیلر و آنک موتیله ماتم و نوحه
ایدوب مذلتلر کوستردیله و باخود آنک خاک قبری ذلیل و وضع ایکن
کمال اعتقاد لرندن کنیدی کبی آنی عزیز و رفیع طوئیلر کویا که سرتاج
ایتدیله و آنک دردنی کنیدی درمانلری رینه کوردیلر و بلدیلر یعنی اغلدر قلمری
حالت اغلدریلر زیر اغلق انلره درمان کلور و حرارتلر انکله فنور و سکون
بولوردی و اول قیامت کبراده صبری مذموم یلورلر و بکائی بمدوح عدد
ایلرلردی نیکم خذساء شاعره برادری صخره مقبول حقیقه دیر * اعینی
جودا و لا تجمدا * الاتیکیان بصخر الندا * و دیشلردر که الصبر احمد
فی موطن کلها الا علیک فانه لا یحمد و فضولی شعرنده کلور * دیمک اکسک
بنی ندر بحله باقوت اولان طاشدن * بویاندخه چکر قانیله قدر و قیمتم آرتر *
نه شر بتدر غن کیم ایچدی کمچه اکسلور صبرم * نه سحر ایلر رخک کیم
باقدر و غمجه رغبتم آرتر * وینه آنک شعرنده کلور * عشق در دندن اولور عاشق
مزاجی مستقیم * عاشقک دردینه درمان ایتمسلیلر بیمار اولور * بونده خاک کن مراد
مرتبه ترابیه نك اثریدر که انقباض و بیوسستدر یعنی عقل معاش تبادت
واخفاء آتار ایتدکده دماغنده مرتبه ترابیه نك اثری اولان انقباض
و بیوست قوای جسمانیه به انتقال ایدی و قوی آنی کنیدی دردلر بنه
درمان بولدیله زیر جنس جنسه و اوصافنه مبالدر و هر نسته نك درمانی
حالت کوره در پس قوای روحانیه نك درمانی جود و سخا و بذل و عطاده
اولدیغی کبی بونلرک درمانی اوصاف مذکور نك خلافتده در زیر قوای
من بوره نك سبحیتی بونلرک اضدادی اوزر بنه در بناء علی هذا بواضدادک

آثاری ظهور ایتدیکه تشفی اید من نیکم بلان آدمی و حیوانی صوقد فیه
مستخرج اولمازیرا جبلتک حکم و اثر بدرا نیکچون سجاایا مقوله لینی تزکیه
و اصلاح ایتدیکه صعب و بت وارد در نیکم کلمه کاور * خوی بد در طبیعتی که
نشست * زهد جز وقت مرگ از ورست *

* آن خلائق بر سر کورش مهی *

* کرده خور از دو چشم خود رهی *

* خلائق * خلیقه نك جمیدر ناس معنسانه پس خلق کبی بمعنی
المفعول در که برادش نسته در بوراده خلائقی جمع ایراد ایلدی عرب و روم
وترک و کرد اعتبار بیه نیکم مرور ابتدی * مهی * ماهیدن تخفیف اولمشدر
ماه آی دیمکر قریبی آخرنده یا وحدت ایچوندر * رهی * اصلنده رها در
رها کردن صالی و بر مک در الف یایه قلب اولمشدر اعجاز بوتصرفی
الفاظ عربیه و عجمیه ده ایدر لر امام ده امیم و گویاده کوی دیرل نظائری
چوقدر (معنای بیت) بودر که اول خلیقه لر یعنی عرب و روم و ترک
و کرد قبر و وزیرک باشی اوزرنده بر آی قدر زمان ایکی کوزلر نندن صالی
و بر دیرل یعنی باش یرنه قان اغل دیلر زرا کوز باشی که معنی معده در
نفاد بولدقدن صکره جکردن قان کلمه باشلر و لکن بو کلام مبالغیه
محمولدر مقصود زیاده کریان ونوحه کمان اولدقلرن بیاندر * ومفتی
یحیی افندی اطائفنددر که شعرنده کاور * خون داله بسادی نخل
خیال قدکی * باغبان مردم چشم دو کوب هر لحظه آب * بونده
مدت نیا حت و تعزیه ایچون بر آی تعیین اولندی زیرا اجل ومدتک
حیاتی ادناسی بر شهر در اگرچه که فقها دن بعضیلر اقله دخی ذاهب
اولمشلر در که اوچ کوندر پس بو اعتبار اوزرینه اکثر مدت بر آی اولور
نتکم بعضیلر دیمشدر در که اوچ کوند نصکره تهنیه تخفیف مودت
و تعزیه ایتدیکه اغرا علی المصیت در واکثره بناء ایام صوم بر آیه منحصر
اولدی و حضرت موسی علیه السلام طوره مدت ریاضتی دخی
اوتوز کون ابدی و لکن استعمال مساواک ایله منقض اولمغین جبر مدت
ایچون اون کون دخی ضم اولندی نتکم قرآنده کاور (و انماها بعشر)
و بر آی که اوتوز یله تفصیل اولور روح پاک رسول الله صلی الله
تعالی علیه وسلم وجه ارضده قرارلری مدیدر * زیرا اوتوز سنه که

رسول الله مدین صکره مدت خلافتدر تمام اولدقدن حضرت حسین
رضی الله عنه واقعه سی ظهورنده اهل ارضدن روکردن اولوب
سمایه عروج واعلائی علیته صعود ایتدیلر اگرچه که انله کوره اعلی
وادی ردر * و بوم منایه اشارت ایدوب حدیثده کاور (لانا اکرم
علی الله من ان بدعنی فی الارض اکثر من ثلث) والثلث عشر مرآت
ثلثون * و بونده عقلاک آی باشنده بر جنونه اشارت وارد هر سر
ماهده حض زنان کبی و آی باشلرنده باران نزولی دخی مجوز دهرک
عذر معهودنه اشارتدر پس عقل تمدت واختفا اندکده جنونی
حواس و شاعر و قوایه انتقال ایلدی و بونده چشمدن مراد عین در که
ذات مراد اولنور و قان شهوات نفسانیه به اشارتدر * نتکم
حدیثده کاور (ان الشیطان لیجری من ابن آدم مجری الدم) زیرا
ا کرد مده شهوات مستکنه اولمایدی شیطان اورادن ابن آدمه یول
بولامزدی بوسیدندر که حدیثده کاور (سدوا مجاری الشیطان
بالجوع) زیرا جوعله ماده شهوات منقطع ا و اور انکیچون صوم
و جاحصی کبی اولدی (لحرره) نقدر جوعی ایدرسک پیشه * اوقدر
زائل اولور اندیشه * چوز ریاضت سبب تصفیه در * دل اولور تصفیه
ایله شیشه * و بونده قبر اوزرنده تهالک اقامتدن فهم اولنور که ارواحک
بری برینه ارتباط عظیمی واردر انکیچون زیارات مزارات مستوندر زیرا
نفوسه انکسار و قلوبه الجذاب و انفعال و قوعیله عالم غیبه سر به عروج
حاصل اولوب مقصود جاو کر حیز حصول اولور اگرچه که عادات
جاهلیه اوزرینه قور اوزرنده اقامت و خیمه زن اولاق منهیدر مکر
شرائطنی مستجمع اوله و حضرت هدای قدس سره آلهیاتده کاور
* فنا بولوب حیاة آلام شودمکه عشق یارمدن * محبت استین کلسون خبر
صورسون مزارمدن * بونده فنا و بقاها لک حیات و ممانی نافع و وجود
ظاهر بسی کبی قبری دخی خیری جامع اولدیفن اشعار و اشارت واردر
(لحرره) مرقد اولیایه سور یوزیککی * ایله اول خاکله اکسیر اوزیککی
* چشم که کل جلا و براندن * هم او یار جانکی هم آج کوزیککی *

* جمله از درد فراقش در فغان *

* هم شهان وهم مهان وهم کهان *

* شهبان * شاهانند تخفیف او نمشد که شاهک جمیدر بوراده امراء
 اثنی عشر در * مهان * کسرله مهک جمیدر * کهان * کهک جمعی
 اولدیغی کی مه اولدر مقابلی که در که کیچی در نکم کلستانده بو بیتدن
 ظاهر در * چواز قومی یکی بی دانشی کرد * نه کدر امتزات مانده مه را *
 بوراده مهان ایله مراد امرادن ماعدا اولان اکابر ناس و کهان ایله مقصود
 اصاغر ناسدر (معنای بیت) بودر که امر او اکابر و اصاغر وزیرک فراق
 و هجرانی در دندن فریاد و فغانه دوشدیلر شاهانی تقدیم ایلدی عاو
 رتبه لرندن او توری و بردخی شاهان ناله کشان اولیجی سائر اکابر و اصاغر
 بطریق الاولی فریادکنان اولورلر زیرادیشلردر (الناس علی دین
 ملوکهم) خصوصاً که بعضی افراد رعایاده مقتدای ناس اولنلره ارتباط
 و تعلق اکابر و ملوکده بو قدر زبردت و جاهک فقدانی حسبیه ذهنلری
 خالی و عقیده لری سالمدر دولت و جاه ایسه انسانک حالتی تغییر ایدر نکم
 قرآنده کلور (کلان الانسان لیطغی ان رآه استغنی) و اکبری اصاغر
 اوزرینه تقدیم ایلدی متبوعیتلری سببیه فاما که بعضی السنه ده صغیر
 و کبردیو صغیری تقدیم ایدرلر بو تقدیم محض شفقت ایچوندر خصوصاً که
 سلامده تفریح خاطر و تشیط دل واردر بوسیدندر که مناوله فوا کهده
 ضعیفاء اولاد مقدم در بوراده شاهدن مراد و کلای عقل اولان قوای و همیه
 و خیالیه و متصرفه و امثالیدر مهان ایله حواس ظاهره و مشاعر در
 کهان ایله مراد سائر اسباب جزیه و آلات بدیهه در زیر بدن قوای
 نفسانیه به خادمدر و قوائک عرش استیلا و تصرفدر نکم قوای مختلفه
 دخی روحه کوره بویه در زیر روحک ظواهر و بواطنه غلبه سی واردر
 اول سببدر که حرکات و تصرفات اکامو طدر اگر چه که روح حیوانینک
 دخی توسطی وار و مبدأ افعال و آثار در ولیکن روح حیوانی روح
 ملطائیدن منعکس اولمش و روح سلطائینک بدنه تعلق ایله وجود و تعین
 بولشد در نکم بالاده تحقیق اولمش در بونده اشعار واردر که فراق
 و هجران موجب ناله و افغندر اگر چه که کل انسان رعایت ادب ایدوب
 هر حالده حدی تجاوز ایتلر و جاهلیت بوانه کتمزلر نکم رسول الله علیه
 وسلم فرزند دلبندی ابراهیمک وفاتنده بیوردی (ان العین تدمع والقلب
 یحزن ولا نقول الا ما یرضی ربنا وانا بفراقک یا ابراهیم لمحزونون) و فضولی

* شعرنده کلور * اهل تمکینم بنی بکر تمه ای کل بلبله * دردی یوق صبری
 آنک هر لحظه بیک فریاد وار *
 * بعد ماهی خلق گفتدای مهی *
 * از امیران کیست برجایش نشان *

* نشان * نشانده معنای مفعولدر که دیکلمش دیکدر منصوب کی زیر
 نشاندن اغاج و طاش و بونلره بکر رسته لری دیکدر و برکسه بی برایش
 ایچون نصب ایتک و هدف که اوق نشانددر نشانه دیدکلی منصوب
 اولدیغنه بنادر (معنای بیت) بودر که برآیدن یعنی ایام تعزیه تمام
 اولدقدن صکره خلق یعنی اصاغر ناس و ادائی اتباع دیدیلر که ای اکابر
 امت و عظماء ملت اون ایکی امر دن کیمدرو وزیر مرده نک یرینه
 دیکلمش و آنک سر خلافتیه محقق اولمش و سجاده سنده ظاهره
 و باطنار شاد ایچون او تورمش زیر نصب امام فرض کفایه و مبايعه
 امر مهمدر بوراده تأدبا مهانی توسط ایدوب انلرک یوزندن امرایه
 توسل ایتدیلر زیر اول امر دن امرایه بو مقوله خطابله مشافهه ایتک
 ترک ادب قبیلندندر بوندن فهم اولنور که و کلاء دولت اولان وزراء
 و ارا یکن پادشاهلره عرضحال ایتک ترک ادب قسمندندر مکر کیم آنک
 مصلحتی وزرا یاننده حصوله کلیه و یا خود پادشاه بنفسه استماع دعاوی
 و قضاء حاجات ایچون دیوانده حاضر اوله نکم اسکندردن مرویدر که
 فقر آنک حاجاتی قضا ایتدیک کی کونی ایام دولتدن عد ایتز ایش زیر
 سلطنتدن مراد میرید اولنلرک مرادینه ایصالدر یو خسه عیش
 و عشرت ایله اضاعت اوقات دیکدر زیر عیش و عشرتک غایتی خسارت
 و ندامتدر عاقل ایسه سود اهللی کر کدر پس مصالح ناسده بولمق
 افضل اعمالدر حضرت موسی علیه السلامک مصرده زمان فرعونده
 قتل قبطنی ایتدند صکره مدین شهرینه طوغری فراری مصلحت غیر
 ترجیح ایچون ایدی یعنی روح حیوانیسی روح سلطانیسی ایچون سعی
 ایلدی قاعرف جدا (لحرره) امر دین چونکه دیکدر آسان * نه ایچون
 خاقل اولور بوانسان * بذل نقد ایله کرزر و کرزور * و برر انسانه چوق
 شرف احسان * و بونده شریعتیه اشارت واردر زیر اشریعت سیاست
 ایله و سیاست دخی ریاست ایله قائمدر * دیمشلردر که اجلاف عرب و ترک

درجه بهائیه افریدر انجیون سیاسته محتاجلر در * واهل سیاسته که
اهل ریاستدر وفور عقل و مزید علم لازمدر تا که اتباع اولنلر توقیر
ابدوب شیوخه اقتداده مسامحه اینیلر و طریقه عناد و تعصبه کتیهلر
واژده کلور (الشیخ فی قومه کاتبی فی امته) ای نظرا الی قوه عقله و علمه
لالی قوه شخصه و شوکت و ثروته و بواثر کتب غز الیده و رساله مکیده
و شرح طریقه جده جدید اولنلر اوزره مسطوردر پس حفاظ آنی
تخریجدن صکره جرح و طعنه التفات بوقدر و مشنوبده دخی کلور * گفت
پیغمبر که شیخی رفته پیش * چون نبی باشد میان قوم خویش * و جنید
بغدادی قدس سره کلماتنددر که کلور (من لم یکن له استاذ فاستاذ
الشیطان) کافی التاویلات النجمیه * و ابوزید بسطامی قدس سره
کلماتنددر که کلور (من لم یکن له شیخ فشیخه شیطان) کافی راحة القلوب
و بوندن اخذ اولنور که امر انک هریری معتقد ناس ایدی شوید که ناس
انلردن هریرین سجاده وزیره لایق و مستحق کورلردی ولیکن کندی
یانلردن تعیین ایده مزلردی زیرا بالاده مرور ایلدیکه خلافت بالکز
خلقک تعیینی و یا خلیفهک دعواسیله اولز بیکه مستخلفک عبارت
و اشارته موقوفدر خلفاء اربعه کبی زیرا رسول الله صلی الله علیه وسلم
کر چه انلریک خلافتلر بنی تصریح ایتماش ایدی ولیکن تصریح
مرتبه سنده اشارت قلمشده و اصحاب کرام رضوان الله علیهم دخی
اخذن الله ایتکه قادر اولمالرله تعیین خلافت بحسب الظاهر انلره احاله
اولندی و مشاوره و اتفاقلرله بولندی پس تصریح حکمده اولدی زیرا
رسول الله صلی الله علیه وسلم دخی حقندن اخذ ایدردی ولیکن اکامل
اصحابک رتبیلر بنی اظهار ایچون انلری اخذ و تعیینه تفویض ایتدی زیرا
رسول صلی الله علیه وسلم حقده فنا بولدیغی کبی اصحاب کرام دخی
رسوالله ده فنا بولشلردی پس جمیع کار حق بوزندن ظهور ایتدی ولیکن
رسول الله صلی الله علیه وسلم دفتنی تعیین خلیفه دن تأخیر ایتدیلر
تا که اهم و احتیاطله عمل ایدلر و انقاسی بری رینه وصل ور بط ایتک
بولنه کیده لر زیر اقطبک روحی بدندن مفارقتی ساعتده قطیبت آخره
انتقال ایدر و مستعد آخر اول نفسده اولمقامه وصوله مستعد اولور
پس ظاهری دخی باطنه تطبیق ایچون اول معناده استیجال ایتک
لازم کلور تا که خلافتک صورت و سری بری برله متوافق اوله طائفه

نصاری ده ایسه جاهلیت غالب اولمغله تعزیه بی مد ایدوب امر
خلافتی سدی و مهمل قود بلر اگر چه که فی نفس الامر حق اولز رینه
دکلردی زیرا وزیر مرده دجال مقوله سندن ایدی مهدی قبیلتدن
دکل پس اتباعی دخی اتباع دجال اولورلر خلافت قنده قالدی

* تاجبای اوشنا سیمش امام *

* دست و دامن رابدست اودهیم *

* شناسیمش * شناسیم نفس متکلم مع الفیردر بیللم معنای سنه شناختن و یا
شناسیدن دن مشتقدر آخرنده اولان ضمیر که شین در بیت سابقه کیت
لفظندن اخذ اولنان خلیفه منصوبه راجعدر * امام * من یقتدی به معنای سنه در
بوراده مراد امامت کبرادر که خلافتدر تکم قرآنده کلور (انی جاءک
للناس اماما) ای خلیفه یقتدی بک و یؤمن بونده امام لفظی امیم تلفظ
اولنور میم کسری والفک یا به انقلا بیلله تا که آخر مصراع اخیر ایلله
متوافق اوله و اعجا مک بومقوله تصرفاتنه بالاده اشارت اولمشدر
(معنای بیت) بودر که تا که وزیر متوفی رینه آنی امام و خلیفه و مقتدای
دین بیللم و دست و دامن آنک دستنه و برلم یعنی مباحثه طریقه الیمز
اکا اوزادلم و دامن دخی نک الله و برلم تا که طریق دینه بری جذب و جر
ایلیه زیرا دامن آنک دستنه تسلیم ایتد کجه بز دخی آنک دامننه استمساک
ایتمش اولماز الحاصل بو استمساک اول انقیاد و تسلیم ایلله وجوده کلور
(لحرره) طوتمیجه دست همت برله ذیل مرشدی * راست بوکیم
چیدر ره بجله احوالمر * حرب نفسیچون علم قالدردمشوز چند حقن *
دو غمز بولدن نه ستمه عزم ایدرسه الیمز * بونده دستله مراد قوتدر زیرا
مباحثه دست راحتله اولور قوت ایسه دست راستک لوازمنددر و دامن
ایله مراد لواحق وجود و بلکه عین وجوددر زیرا ذکر جزء وارده
کل قبیلتدندر لباس ایلله تمام وجوددن تعبیر اولنور زیرا وجود
روحک لباسی کیدر که انکله پوشیده و مستوردر تکم قرآنده کلور
(و یساک فطهر) ای طهر ثیاب وجودک عن دنس التعلقات و بوندن
مقصود تسلیم کلی و انقیاد عظیم اوزره اولدفلر بن عیان و امامت صغری
کفایت ایتوب ظاهر و باطنا سیاست عامه و ارشاد خاصه ایچون امامت
کبری و خلافت عظمی لازم اولدیغین یساندر و بوندن فهم اولنور که

سلسله اجسام کبی سلسله ارواح دخی متصلدر واخذ اولنور که امام
معین اولد قجه مؤتم اولان حیرتدن خلاص اولماز و طالب تعیین مطلب
ایتمد بجه اضطر ابدن قور تلماز و حدیده کلور (من مات ولم يعرف امام
زمانه مات میتة جاهلیة) بوندن مراد هم سلطان زمان وهم قطب
دور اندر پس ظاهرده پادشاه اسلامک تحت اللواء سنده ملتوی و منحرف
اولق جاهلیتی مستلزم اولدیغی کبی باطنده اقطابک دائره سندن بیرون اولق
دخی معنای مذکور ی مقتضیدر و دائره سنده بولنق ادنی مرتبه اعتقادله
اولور و الاسوء اعتقاد سوء خاتمه منجر اولور نیکم امام غزالی رحمه الله
بعض تصانیفنده تصریح ایشدر سوء خاتمه تک فوقنده خود میتة جاهلیه
اولماز و سوء خاتمه دن مراد حقندن وحشتدر اگر چه که وحشت مراتب
اوزر بنه درانس کبی (لحرره) منکر عشق اولوب بوعالمده * حالت دلدن
اولغل خالی * قال اهلبنه ککر کدر اقرار * یوغیسه باری عشقندن
حالی * وله * نظرایت حال منکره ای دل * عاقبت قل مجرد له قاله *
ویره انکاره بدل اقراری * واره ایمان برینه کفر آله * و بونده مصراع اول
معرفت و اعتقاده و مصراع ثانی عمل و انقیاده ناظر در اول تقدیم اولندی
زیرا اساسدر که عمل انک اوزرینه منیدر و حدیث قدسید * کلور
(کنت کثرًا مخفیًا فاحییت ان اعرف) یعنی ایجاد خاقدن مقصود
تحصیل معرفتدر و لکن طریق معرفت عمل و عبادت اولغله قرآنده کلور
(وما خلقت الجن والانس الا ليعبدون) الحاصل مؤمنده ایمان صحیح
کر کدر که صفت باطندر و عمل صالح لازمدر که صفت ظاهر در تا که ظاهر
باطنه نشان اولوب ایمان و اسلام متوافق اوله و شر بعتله حقیقت مؤید اولوب
قوت بوله (لحرره) دیر ايسك اوله حقیقت مرعی * ظاهر باطنا کوزت شرعی *

* چونکه شد خرشید مارا کرد داغ *

* چاره نبود بر مقام او چراغ *

* شد * رفت معنای در * داغ * نشانکه آدمک و یاغیری حیوانک
اعضا سنده دمرله و یاغیری نسنه ایله بقرل و لکن حیوانه تمغا و یادفع
مرض ایچون ایدرلر که کی دیرلر نیکم خبرده کلور (آخر الدواء الکی)
و کلمات خواجه حافظده کلور * بیاتک بلب و قری اگر نوشی می * علاج کی
کنت که آخر الدواء الکی * و انسانی بالکزد دفع مرض ایچون ایدرلر

مکر که تشهیر ایچون الننه تمغا اوره لرتکم اهل حرب جنکدن فرار ایدنلر
ایچون ایدرلر تا که غیر یلره عبرت و کنیدلرینه پند و نصیحت اوله * چاره
نبود * لابد است دیمکدرز بر اچاره حبله معنای سنده در بوراده افتراق معنای سنده
ما خود در * چراغ * جیم عجمینک کسر یله اصلند * شمعک فتیله سنده
ینان آتش پاره نک اسمیدر مجاز اچراغ دیدکاری آلت مخصوصه دخی
دیرلر چراغ یا اول آتدر که چراغ انده ینار شمعدان کبی و چراغ بره اول
نسنه در که چراغ آنک ایچنده ینار فنر کبی چراغدن معرفت الکمن
دیدکاری نسنه در (معنای بیت) بودر که چونکه کنش کندی و افق
سمادن غائب اولوب غروب ایلدی و غروب یله بزه داغ اوردی و جائیزی
یاقدی و بزی ظلمنده قودی پس آنک مقامنه چراغدن چاره اولماز یعنی
نهار ادبار و لیل اقبال ابتدا کده نهارد * نور شمس بدل لیلده چراغ
و شمع یاقق لابد و ضرور بدر تا که کچه نک ظلمتی انکله زائل و وحشت دل
مضحیل اوله بونده و زبری خرشیده و خلیفه سنی چراغه تشبیه واردر
زیرا نور بنفسه ظاهر و غیری مظهر اولدیغی کبی و زیر و خلیفه سی
دخی کرامات و خوارق عادله و لایتنده ظاهر و احکام و شرایع و علوم
و معارف نقل و نشرله مظهر در بورادندر که شاگرد ایچون شوکیمک
چراغیدر و بونی بومقامه کیم د کدی دیرلر کو یا استاذی شمس رینه در که
دنیا دن انتقلی شمسک غروبی کیدر و قمر شمسک خلیفه سی اولغله شاگرد
دخی قمر وار استاذک خلیفه سی او اور پس کنش اولدیغی برده شمس
و قمر و سراجله استضاء اولدیغی کبی مستخلف بولندیغی محله دخی
خلیفه تعلق اولنور انکیچون مؤمن مکاشف علی کل حال نور دن خالی
دکدر بصیر اولان کیمسه نور ظاهر دن خالی اولدیغی کبی نایمانک ایسه
شب و روزی برابر در و آی اول شخص بی بهره به که شریعت و طریقتدن
اعمی اوله و بوندن فهم اولنور که نور مطلقا ظلمت ظاهره بی ازاله ایچون
اولدیغی کبی علم و معرفت دخی ظلمت باطنه بی رفع ایچوندر پس شمس و قمر
و شمس به احتیاجدن مستخلف و خلیفه به احتیاج اشد در زیر بونلر
ظلمت باطنه رفعتنه معالجه ایدرلر و عالم نور حقیقی به یول کوسترلر
ظلمنده ایسه سلوک کوچدر زپرا راه پرخطر در نیکم خواجه حافظ
دیواننده کلور * نازکار اسفر عشق حرامست حرام * که بهر کام درازره

خطری نیست که نیست * و بوتقیردن انوارك شر فی ظاهر اولدی
پس شمس و قمر و شمع دلائل قدرتدن اولدیغی کی انوار آلهیه به مظاهر
اولان کامل ناس دخی آثار حکمتدندر وزمان احتیاجده فانوس محافظه
اولدیغی کی بونلر دخی محافظه اولمق کر کدر زیر بونلر انطفاسی
سبب ظلمت عالم و باعث تاریکی بنی آدمدر انکیچون زمان اولده بر محله ده
ساکن اولان صلحادن بری وفات ایسه اهل دل اولنلر آنک وفاتیچون
مانم ایدرل وانک نور صلاحی محله مزدن سهویندی دیرل دی زیر
یلورلدیکه اول نورك جایه سریانی واردر بواعصارده ایسه ارباب
حالدن غریب و منفور یوقدر شویله که فقراء اهل سلوکک موتنی
غنیمت یلورلور هیچ برینه صایزل یلزل که قوام عالم انلرک وجودل یله در
(لحرره) سهویدا کوز که دکن کورینور * اشقیای صانکه برچن
کور بنور * وار ایسه کر کورینچک کوزیکه * صبرایت البته بر زمن
کور بنور * هر کسک دیده سی آچلدقه * عملی صورتی روشن کور بنور *

✽ چونکه شد از پیش دیده وصل یار ✽

✽ نائی باید از ومان یاد کار ✽

* مان * برقاج معنایه کلور بوراده ضمیر نفس متکلم مع الغیر در حالت جرده
ماقبلنده اولان اسماء ضافی الیه اولور داس مان کی نتکم بالاده مرورایتدی
و حالت نصیبده ماقبلنده اولان فعله مفعول اولور بومقامده اولدیغی
کی که باید فعلنک مفعولیدر * یاد کار * یادا کقدر و کار کاف عجمیله ادات
فاعلدرجی معنا سنه پس یاد کارا کدر یچی و یا خود صاحبی انکله
اکلیجی متبرک دیمک اولور زیر تبرک اولنان سنه البته صاحبن اكدورر
وصاحبی دخی انکله اکلور نتکم تاریخ لغت شاعدی ده کلور * قالدی
سندن شاعدی نو یاد کار * وخواجه حافظ شهزنده کلور * از صدای
سخن عشق ندیدیم خوشتر * یاد کاری که درین کنبد دوار بماند * و مولانا
جامی ر با عیاینده کلور * قصد شهرت نبود جامی را * که این همه نظم آبدار
نوشت * بهر احباب بر صحیفه دهر * نکته چند یاد کار نوشت * و ابن
کمال نکارستان نام نگابنده ایراد ایدر که * یاد کار ست چون حدیث بشر *
یاد کار ت بخیر به که بشر * ابن کمال بو بیتده یاد کاری معنای لغوی به
حل ایتشدر ولیکن عرفه مخالفدر حتی کتب لغویه ده بله یاد کاری تبرک

اولور نسته معناسنه اخذ ایتشدر در شرک یاد کار اولدیغی تهکم طر بقیه در
یوخسه فی نفس الامر یاد کار دکلدر (لحرره) یوری خیر سو یله بهی
یاد کار * نه سوزدر بو که شر اوله یاد کار (معنای بیت) بودر که چونکه
کوز او کندن وصل یار کتدی و وصلت فرقه متبدل اولوب صحبت
پایانه یتدی آنده بزه کندی اکر ریچی و یا انکله اکلیجی تبرک اولور
بر نائب و خلیفه کر کدر تا که انکله تبرک ایدلم و کوسه قردیکی یوله طوغری
کیدلم زیر امتداد عالم سلسله اجسامه منوط اولدیغی کی سلسله
ارواح دخی مر بو طدر انکیچون اهل الله مر کز و مدار عالم و باعث بقای
بنی آدمدر زیر نفس بنفس بری برلرینه مر تبطلردر شویله که اکر
برینک فتناسنه برینک بقاسی متصل اولسه اختلال عالم حاصل اولور
نتکم قرآنده کلو (ان الله یمسک السموات والارض ان تزولا) زیر مقصود
اسم جامعک مظهری یوزندن عالم ارواح و اجسامک محافظه اولدیغن
بیاندر و حدیثده کلور (لا تقوم الساعة حتی لا یقال فی الارض الله الله)
زیرا بوندن مر اد ذکر دائم اهلنک انتظام عالمه باعث اولدیغن تقریردر نتکم
تکریر جلاله دوام مذکور دالدر ذکر دائم ایسه رجال الله واقطاب عالمک
شانیدر زیر دوام ذکر شهزنده حاصلدر احتیاج بله دکل و قرآنده کلور
(والذین هم علی صلوته هم دائمون) بوندن مر اد دوام توجه احدیدر کرک
بالفعل صورت صلوته بولنسون و کرک بولنسون و كذلك بومقامده یقظه
و منادم برر زیر ذکر دائم اهلنک بصیرتی دائما کشاده در نتکم حدیثده کلور
(ینام عینای ولاینام عیناقلی) پس بو ذکر دن مر اد ذکر لسانی دکلدر بایکه
استغراق شهود و نیجلی دائم واجب الوجوددر که کمل اولیا حالیدر بوند
وصل یار دیدی مع هذا کوزدن غائب اولان نفس یاردر وصلی دکل زیر
یاردن مر اد وصلت و صحبتدر پس یار غائب اولنجیه وصلت و صحبت دخی
مفقود اولور و بوندن فهم اولور که دیده دن مقصود دیدار یاره تعلقدر
زیرا ما خالق لهیدر چونکه دیدار یاره نظر معدوم اوله اعمی و بصیر اولمق
مساوی اولور * ع * چو کور من یوسفک یوزین نه حاصل چشم اعمادن
و بونده (کنف کنزا) سر نه اشارت واردر زیر حق تعالی (الان علی
ماکان علیه) اعتبار یله کنز مخفیدر ولیکن اسما و صفاتی خلافت ذاتی الیه
قائم اولمش و ذاتی انلرله یورنمش وانلرک یوزندن کور نمشد ر نتکم سلطان

وراء سرادقات غیبتی ده محتجب او اوب وزرا یوزندن کورینور زپرا
وزانک مظاهر صفاتیدر پس بوندن فهم اوانور که ظهور عالم ظهور حق
نائب و خلیفه در شویله که آدم و آدم سر حق بیلینور و کورینور
دیمک سوز دکلدر (لحرره) وجه حق مرأت عالمدر کیمینه
عکس اولور * سر ذاته طالب اولان صورت حق بدین بولور *

* چونکه کل بگذشت و کلشن شد خراب *

* بوی کلرا از که یا بیم از کلاب *

* کلشن * کل لک دیمکدر کستان و کلزار کبی و لکن کلشنک اشتقاقی بیانده
بزده موجود اولان ادوات علوم ده که کلشن انواع فهم در بر مرغ سخن
پرواز نوا سازلق انم شد * خراب * عمارتک ضدیدر والفرق بین الاخراب
والتخریب ان الاخراب التعطیل اوترک الشیء خرابا والتخریب الهدم ذکره
القاضی فی قوله تعالی (تخریون بیوتهم باید بهم) کلاب * کاف عجمینک
ضمی و لامک تخفیفه آب کل یعنی کل صویدر لامی مشددا و قومق اغلاط
عوامدندر قضاة واد عبه دید کلری کبی تشدید ضاد و یا نله * چون
مشدد خواندی لفظ کلاب * می شمر د از عو عوت خلق از کلاب *
(معنای بیت) بودر که چونکه کل موسم و دوری کچدی و کستان
خراب و معطل اولوب بلبل کاشانیه کو چدی کلک قو خو خوشن کیمدن
بولالم که کلابدن بولالم که کلاب کلک عصاره سی اولغله انک خلاصه
سنی حامل و رایحه سنی مشتملدر پس بوی کلام سؤال وجوابی متضمندر
الحاصل کلاب کلک خلیفه سیدر که کل زمانی منقضی اولدقده
طالب بوی کل اولان کیمسه استعمال کلاب ایدر زیرا کلک عمر طویلی
یوقدر تا که خلیفه محتاج اولیه نتکم بعضی شمرادیشلدر * چوکل
رحم الیز آشفته سینہ * انکیچون عمری وارمز هفته سینہ * بونده عمر اکابرک
قصیر اولسته اشارت وارد در نتکم مثله کلور (ان الکرام قبله الاعمار)
و ان جوزی مرآة الزمان نام کتابنده ایراد ایدر که اکابر دنیدی
نفر کیمیه او توزالیشمباشنده وداع عالم فانی قلدی مع هذا بقصر
عمره هربری بر کاله بالغ ونهها یتها واصل ایدی اولکسی اسکندر ذوالقرنین
صاحب ریاستین در ایکنجسی صاحب الدولة العباسیه اولان ابو مسلم
الخراسانی در او جنجسی صاحب الخطابة والفصاحة اولان ابن مقفع در

در دنجسی عربیتده جمله دن مقدم اولان صاحب التصانیف
سیدویه در بشنجسی شعر و سائر علومده بطولاسی اولان ابو تمام طائی در
التنجسی علم کلامده معنی اولان ابراهیم نظامدر یدنجسی مجازده
منتهی اولان ابن راوندی در پس بویدی نفر کیمسه او توزالتی سنه
تجاوز ایتمش بلکه عمر دن بو مقدار او ز رینه اتفاق ایشلدر انتهی
بالترجة و لکن صاحب ریاستین اولان اسکندرک عمرنی او توزالتی به
قصر ایتکده نظر وار در زیراتوار یخ و سیر و تفاسیرده طویل العمر
اولق اوزه مشتملدر پس اقالیمی بکرمی سنه ده دور ایتدی دیمک بعیددر
زیرا میان مشرق و مغرب بشوز یلاق مسافه در بناء علی هذا مسافه
مدیده بی عمر قصبرده نیچه دور ایدر بو خود سلیمان کبی صاحب دکل ایدی
پس بویانده اتفاق اسمادن ناشی غلط وارد در جائزدر که غیری
ذی القرنین اوله واسکندرین میاننده اولان فرق روح البیان نام
تفسیر بزمده سورة کهفده مفصلا میبندر (وبونده الولد سر ایه) سر نه
اشارت وارد در زیرا کلاب کلدن تولد ایتکله کلک رایحه سیله منصف
و آثار یله ظاهر اولمشدر پس اولاد صوریه و معنویه دخی بوبله در
و حدیثده کلور (العلماء ورثة الانبیاء) یعنی علماء محققین موروث عنه
اولان انبیانک صور حقیقه سیله تصور و تمثیل ایتشلدر در پس انبیا
علیهم السلامی کورمک واسرا رینه ایرمک صور اولیای قدس الله
اسرارهم کورمک واسرا رینه ایرمک اولور انکیچون حدیثده کلور
(طوبی لمن رأى و لمن رأى و لمن رأى و لمن رأى من رأى من رأى)
زیرا صور تجلیانده اولان اختلاف اتفاق حقیقی منافی دکلدر نتکم
کلاب ایله کلک صور تلرنده اختلاف وارد در مع هذا حقیقتلری بر در
وبونده بوی ایله نفخه آسمیه رمز وارد در که حدیثده کلور (انی لاجد
نفس الرحمن من قبل الیمن) زیرا اول وقتده جانب یمنده اویس القرنی نک
عمی عصام الدین وار ایدیکه قطب الابدال و وکیل و خلیفه حبیب جناب
متعال ایدی و مشویده اشغده ابو الحسن الخرقانی حکایه سی کلور
وبوی خوش روایح جنانندن اولغله فخر عالم صلی الله علیه وسلمه تجیب
اولندی نتکم حدیثده کلور (حبیب الی من دنیاکم ثلث الطیب والنساء
وقرة عینی فی الصلوة) و قمیص یوسف علیه السلام دخی جستن استخراج

اولمغله حضرت یعقوب علیه السلام آنک رایحه سنی استنشاق ایتمکله
خوش دل اولدی و غایتده دیده لری اول قیصله آچلیدی نتکم
قرآنده کلور (فلما ان جاء البشیر القاه علی وجهه فارتد بصیرا)
و بونده تنبیه واردر که طیبک اثری طیب و خبیثک اثری خبیث در
اگر چه که فی الجمله طیب دن خبیث حاصل او اور سده ماء قراحدن
بول ناپاک حاصل اولدیغی کی ولکن بومعنی دور اطوار و انقلاب اداوردن
صکره در والا طیبک طیبی حائده اثری طیب محض در فاعرف نتکم
آب صافی منبده پاک و طاهر و مطهر در فاما مرور ایتدی بکی خاکک
مزاجیله منبغ اولوب متغیر اولور پس اول تغیر احوال عارضیه نسبت
اول نور اصل آبه دکل و بونده تلویح واردر که رواج طیبیه بی مطلقا
استنشاق لازمدر زیرا انف انسانده حاسه شم آنک ایچون مخلوقدر
محکیدر که انوشروان ایوان نشین ایکن کور دیکه بر مار بعض شرف
ابوابده اولان آشیانه کبوتره طوغری حرکت ایتدی تا که آنک
یاور یسن اکل ابده انوشروان دخی سهم و یاخود بنده آتوب اول
ماری قتل ایلدی برقاج کوندن صکره اول کبوتر منتاریله حبو بدن
بردانه کتوروب انوشروان حضور ینده القا ایتدی انوشروان
امر ایلدی تا که اول دانه بی اکیدلر پس اندن ریحان بتدی اول وقته
کلنجه ایسه اول دیارده ریحان معهود دکلدی و اول ریحانی آلوب
استشمام ایتدکده دماغنه نافع بولدی زیرا انوشروانک ز کام اوجاع
دماغی کبوتر ایدی پس آنی استعمال واستنشاقده زیاده نفع
ملاحظه ایتمکله (نعم ما اتانا به الجم) دیدی اشته استنشاق ظاهرک
نفعی بودر استنشاق باغشک لطفی دخی بو کا قیاس اولنه و بونده
ایما واردر که دوام استنشاق لازمدر نتکم دریاده ماهی استنشاق
آب و قراده غیری حیوان استنشاق هوا ایتسملر هلاک اولور لر پس
انلرک بقاری دوام استنشاقده در فیض الهی دخی بویله در یعنی دوام
فیض اهلی اولنلر ماهی کبی دوام استنشاق اهلیدر و انلر که اهل
حجاب در دریادن بیرون اولان ماهی کبی حاللری مضطربدر و بونده
طیبی خبیث اوزرینه ترجیح دلالت واردر نتکم قرآنده کلور (قل لا یستوی
الخیث والطیب ولو اعجبک کثرة الخیث) و طیب او در که طباع

سلیه آنی استنباط ایتیه تفسیر کبیره کلور که استلذاذ و استطابه ده
عبثت اهل بلد و اخلاق بجمله یه درو الا اهل بادیه جمیع حیواناتک اکلنی
استطابه ایدر لر پس انلرک حیواناتده و اگر غیریده استطابه و استنباط لری ینده
اعتبار یوقدر ز بر طابع سلیه اهلی و ارباب منزلت دکلر در بومقامک
تماهی تفسیر یمز روح البیانه در * و بونده تجدد و امثالی دخی اشعار واردر
زیرا هر نسنه ده بقا تجدد و امثاله و ترک بدل ایله در فاعرف جدا (لحره)
هر زمان تازه لئور اشبو وجود * بیلور آنی اولنلر اهل شهود * نه در
ای خواجه جوهر و اعراض * قیل آنی بلکه بدل مجهول * و بوندن
فهم اولنور که طول بقائه موصوف اولنلر ایچون استخلاف تام بوقدر
حضر علیه السلام کبی ولایتی تقدیری اوزرینه زیرا عمر جاودانی اهلیدر
پس آنک خلیفه سی اولدیغی صورتده دخی کندی کما لانه مرآت نامه
دکلدر والا فرع اصل ایله اصلک زماننده مساوی اولیق لازم کلور
بوخود ممنوع اولدیغی بالاده اشارت اولندی الحاصل ایکی قطبیت
بر زمانده وجود پذیر اولماز و بر شاگرد استاذ کونده استاذ درجه سن بولماز
(لحره) صبرایت ای دل نیچه زمان صبرایت * اوله خون چکرک تا کم
شیر * تریه بو لیججه بر مدت * شیر بچه بولور می قوت شیر * والله الناصر

چون خدا اندر نیاید در عیان
نائب حقند این پیغمبران

* اندر * بوراده تحسین ایچوندر در کبی (معنای بیت) بودر که چونکه
حق تعالی عیان و آشکاره کلیه و خلقه ظاهر اولوب کورنیه زبرا بیورر که
(لاتدر که الابصار وهو یدرک الابصار) بو پیغمبر لر و کذلک وارثلری
اولان علماء محققین و اولیاء کاملین حقک نائبلری و خلیفه لریدر
زیرا کندی ذاتی حجاب هیت و عظمت ایله مخجب اولمش و کنهی
ادراک اولنق مرتبه محالی بولمش در پس خلیفه مرئی اولسه محاط
و محصور او لور محیط و حا صر دکل بناء علی هذاهر کیمکه حق
کورمک و سرینه ایرمک دلسه انبیا و اولیائی کوره و انلرک اسرار نه ایره
و کاشن معارف و علوم و حقایق و اذواق و مواجیدندن کل دیره نتکم
حدیثده کلور (سر الانسان سری و سری سره) و بوخود معلومدر که
حق تعالی بی عارف بالله و انلرک قلوبنده ارامق کر کدر زیرا انلرک قلوبی

نظرگاه الهی و مظاهر تجلیات نامتناهیدر و دیمشدر در که اگر الله تعالی
تمثل و تصور ایدوب خلق اراننده حکومت ایلسه انبیا و کل اولیا حکومتی
کبی حکومت ایدردی یعنی صور انبیا و اولیا صورت حقیقیه آلهیه دن
نشان و نمونه اولغله انلرک حکومتلری عین حکومت حق دخی
ظاهر اواسه اولوجهله حکومت ایدردی انکیچون دیمشدر در که رسول الله
صلی الله علیه وسلم فعلی یا فرض و یا واجب و یا مستحبدر غیر
دکدر زبرا معصوم مطلقدر و طاعتی مشرب ملائکه کبی طبعی در
و عتاب تعلق ایدن حالی و ذاتنه اضافت او انسان ذنوبی فهموم
عامه دن خارج نسته در تنکم قرآنده کلور (عفا الله عنک لم اذنت لهم)
وینه کلور (ایغفر لک الله ما تقدم من ذنبک وما تأخر) پس صورت
ذنبدن حقیقت ذنب لازم کلز تنکم حدیثده کلور (اذا احب الله عبدا
لم یضربه ذنب) و بومقامک تمامی روح البیان نام تفسیریمز ده سوره فتح ده
و غیره مواضعده در و من الله التوفیق الادرک والعصمة من الهلاک بونده
تنبه واردر که الله تعالی (لاتدرک الابصار) حسبجه کنه ذاتنه ونسب
واضافتن تجردنه نظرا معاینه مشاهده اولماز و بلکه اول مقامه اصلا
ادراک خلق کرمنز زیرا مرتبه عقلدن و طور کشفدن خارجدر و لیکن
صفاتی یوزندن تجلی ایلش انبیا و اولیا صورندن کورنمشدر انکیچون
بیورر (وما رمیت اذ رمیت ولیکن الله رمی) تنکم تحقیقی کذراتندی
فاما انسان کاملی معرفنده صعبوت واردر زیرا اکثرناسک مشربی
تنزیه اوزرینه در شوبله که تشبیهه متعلق اولان امور دن اصنام دن
فرار ایدر کبی فرار ایدر لر مع هذا دیمشدر در که عارفده بر وجه باطن
واردر که اول وجهله خلقه تجلی ایلسه خلق آنی مبوداتخا زایدردی
نصارانک عیسی علیه السلامی مبوداتخا زایدکری تنکم محمدیه ده کلور
* عارفک بر بوزی واردر حق جمالندن یکا * کر کوزکسه اوله دی مبود
خلق ای شهریار * وینه اول کتابده کلور * بولدی مریم بکر کن بر شمه
حسنکدن اثر * اول سیددن طهیدلر عیسایه چندین ماه و سال * یعنی عیساده
اولان ظهور وجه جزئی الیه ایکن بله نصارانک دیده لری خیره لندی
وادر اکری بولندی پس وجه کلی الیه ظاهر اولسه حال نه یوزدن
اولوردی قیاس اولنه واکر اولیا نل نور باطنی ظاهر ده اشراق ایلسه

شمس وقر منکسف و منکسف اولور لردی ز یرابونلرک انوار ی نور صفاتدن
ما خود اولیا نل انوار ایلسه نوری ذاتدن مستفاددر انکیچون جهنم خطاب
ایدوب دبر که (جز یا مؤمن فان نورک اطفاءلهبی) و بعض اخبارده کلور که
اگر حور العین دن بری عرض جمال ایلسه نور شمشه زوال طاری اولور
وماه محاق مرتبه سن بواور دی بوخود معلومدر که حورده کمال بوقدر
زیراکمالک وجودی دنیاده سلوک اوزرینه موقوفدر پس بحسب السلوک
توحید حقانی الیه تجلیه آینه دل ایدن کمالک نوری نه اولق کر کدر فهم
اولنه زیرا انسانک استعدادی غیره موجوداتده بوقدر تنکم دیمشدر در که
حضرت سلیمان علیه السلامه ملک ظاهر و تسخیر قاهر و یرادی سلیمان
اول امتتانه باقوب (رب هب لی ملکا لا ینبغی لاحد من بعدی) دیدی
فاما الله تعالی فخر عالم صلی الله علیه وسلم بر سلطنت احسان ایتدیکه
ملک دنیا باسرها اکانسبت الیه برضیهه کبی دکدر و اول دولت عظمی
ومن کبری تجلی ذات باری تعالی در تنکم تفسیریمز ده سوره نجمده
و غیرده تحقیق اولنمشدر * پس انبیا و اولیای مشاهدیه قادر اولنلر
مشاهده حق ایتش اولور لر زرا حقک ناظرلری و اسماء صفاته مظهریتلری
حسبیه انک خلیفه لیدر نائی مشاهده ایلسه منوب عنه اولانی
مشاهده در زیر اظهورده منوب عنه در (لحرره) سیر ایلسک جهانی
* فلسک نظر نهانی * ای دل اویار جانی * کورمک محالدر آنی * خلق
ایلدی مظاهر * مظهر دن اولدی ظاهر * کوستردی کندین آخر
* وارمی بصیر قانی * نظر استرسک اکا * نظر الیه هر یکا * کوزوی
آج باق سکا * ای صورت رحمانی * شش جهندن کورینور * در لولباس
بورینور * اوزکه نقاب اورینور * باقی کورینور فانی * بتر کوزله کثری
* بول حقیا وحدتی * حقندن کور حقیقی * خیالدر رقلانی *

نی غلط کفتم که نائب بامسوب

کرد و پنداری قبیح آید نه خوب

* نی * ما قبلنی نفیدر غلطی دکل * غلط * تحریکله سوزده یا کلمتی * قبیح *
چر کندر که حسن مقابلدر انکیچون خوب مقابله سنده ابراد ایلدی
زیرا خوب فارسیده زشت مقابلدر پس خوب و حسن بر در زشت و قبیح
بر اولدیغی کبی ترک کوزل و چر کن دیر (معنای بیت) بودر که پیغمبران

نواب حقدر دیوابتدیکم ادعا یرنده دکلدر بلکه بو خصوصه بن غلط
ویرکاش سو بیدم که اکسر سن منوب عنه اولان کیمسه ایله نائی
ایکی ظن ایدر سک و ملاحظه اثبیت یولنه کیدر سک عند العقل
والکشف زشت کلور خوب کلز یعنی بویه ظن ایتک قبجدر زیر واقع
مطابق دکلدر پس اتحاد ظن ایتک حسندر زیر حقیقه موافقدر
الحاصل نائیک منوب عنه اولان کیمسه ایله ظهورده تساویلی اتحاد
واتفاقلرینی مقتضی و مستلزم در پس شخصاً تعدد و اثبیت هویت
وحدت و اتفاتی منافی دکلدر مثلاً آینه ده رائی ایله مرئی بر او لب
رؤیته آلت اولدیغی کبی انبیا علیهم السلام دخی آینه لردن
صورت آلهیه تجلی ایلشدر بناء علی هذا شاهد و مشهود فی الحقیقه
حقدر بوسره بناء اطلاقات قرآینه ده کلور (من یطع الرسول
فقد اطاع الله) ان الذین یتابعونک انما یتابعون الله (یدالله فوق ایدیهم)
انکیچون نائیک حکمی منوب عنه اولانک حکمی کبی نافذ در
بو جهتندر که سلاطین و ملوک و سائر اکابر نائیک خدامنه رعایت
و تعظیم ایدرلر زیرا بیلورلر که خدامک انلره ملابسده تامی وارد
و بو ملابسده ایله ناصیه لرنده پرتو حشمت و هیبت هویدادر و بو تعظیم
نفوس ناسده امر خلقی و طبعی در پس خلافت مخلوقانده کار بویه
اولیحق خلافت حقه نیجه اولمق کر کدر تکم قرآنده کلور (یا داود
انا جعلناک خلیفه فی الارض) و بو تقریر دن فهم اولندیکه مقصود
امر باطنه در ظاهره دکل پس نائیب و خلیفه کبی حقک دخی صورت
حسیه سی اولمق لازم کلز بلکه نائیب و خلیفه ده کالات حق ظهور ایتک
کافیدر و بوند که وصف اولیاده کلور (اذا روا ذکر الله) یعنی بر کیمسه
بصر و بصیرت ایله انسان کاملک یوزینه نظر ایلسه الله دیه دوشر
زیرا مرتبه ظهورک حکمدر خلاصه کلام بودر که تعدد عالم صفاته
کوره و وحدت عالم ذاته کوره در و صفاتک تعددندن ایسه ذاتک
تعددی لازم کلز و بو مقامک اسرارندن در که مقام صفاته کوره تقسیم
اولنوب نمازده سمع الله لمن حده دیمک امامه و ربناک الحمد دیمک جماعته
تعیین اولمشدر دعا و آمین کبی مقام ذاته کوره ایسه منفرد ایکسنی دخی
جمع ایدر بلکه امام دخی بعد الفاتحه آمین دیمکه دعا و آمینی بری برینه

ضم ایدر پس امام و جماعت دیمک اعتباری وقاب قوسینه ناظر اولدیغی
کبی نائیب و منوب عنه دخی بویه در و امام اعظمک حقایقه اطلاندندر که
امامک قرائتی جماعتک قرائتی قلدی انکیچون جمله سنک قلدقلری
بر نماز اولدی فاعرف جدا (لحرره) * قاب قوسیندن کذر ایله *
* عالم و حده نظر ایله * کل رعنا کبی دورنک اوله * رنگیکی رنک خاص زرایله

* نئی دو باشد تا تویی صورت پرست *

* پیش او یک کشت کز صورت پرست *

* نئی دو باشد * استفهام معناسنی متضمندر * صورت پرست * وصف
ترکیبدر صورته طایبچی معناسنه صورته طایق معنادن بی خبر اولمقدن
عبارتدر عباد اصنام کبی * پیش او * ضمیر کلامک مابعدی متضمن
اولدیغی کیمسه راجعدر * پرست * ماضیدر مصدری رستن در فتحله
قور تلمق معناسنه رها کبی (معنای بیت) بودر که نائیب و منوب عنه
ایکی دکلدر مادامکه سن صورت پرست و ظاهر بین سن یعنی بو صورتلو
و صفتلو جاهلک حالی اثبات اثبیتندر فاما اول کیمسه ک حضور
و شهودی یاننده و کشف و عیانی او کنده بر در که اول کیمسه صورتدن
خلاص اولدی و عالم معنایه اتصال بولدی الحاصل صورت پرست
اولان کیمسه اهل مجاہد انکیچون بصری بصیرت مرتبه سنه تجاوز ایتز
بصرایسه اشیاده اشخاص اعتباریله تعدد کورر زیر نظری محسوساته
مقصود در محسوسات ایسه امور جزئییه در که هر بری آخره ذاتیات
و عرضیات ایله بغیر و مخالفدر صورتدن خلاص اولان ایسه اهل کشفدر
انکیچون بصری بصیرت مرتبه سنه تجاوز ایتشدر بصیرت ایسه
اشیاده هویات اعتباریله وحدت کورر زیر التفاتی معقولاته محصوردر
معقولات ایسه امور کلیه در اوراده اشیا مشخصاتدن تجرید اولنور
کلیت ایسه وحدت ایله متصفدر انکیچون بعض عارفین علم میزان علم
تصوفه قریبدر دیرلر بلکه انلرک یاننده حقیقتدن غیری یوقدر زیر اعلمده
و صناعته حقه انتقال طریقنی بیلورلر فطوبی لهم بوندن ارباب
انکارک کفار الحاقی فهم اولنور زیرا کفار میان رسلی تفریق و حق
و خلقی دخی بری بوندن تمیز ایتدکلری کبی ارباب انکار دخی انبیا و اولیا
اراسن تفریق ایتشدر و طریق فرقه دوشوب چقمز بوله کتشلر در

(لحرره) * آکسون زهد اهل علی عشقی اغزنه ترک ابلسون * قوت
خرزیرا که جو در اول جواهر نبلسون * بوندن فهم اول نور که حقایق
اشیاک حقیقت احدیه ده اتفاق اغصان و فروعک وحدت نواتده
اختفاسی کبدر نتکم بو مقام مرارا شرح اولمشدر

* چون بصورت بنکری چشم تودوست *

* تو بنورش در نکر کز چشم رست *

* دوست * قصره اصلنده دو است در که دو ایکی دیکدر اثنین کبی
واست ادات خبر در * رست * ضمه ماضیدر مصدری رستن در که بتکدر
نورسته دیرل فحله اصلی نورسیده در ضمه نورسته دیمک دخی موجهدر
اگر چه که مستعمل دکلدر (معنای بیت) بودر که چونکه صورته
ویا صورته نظر ایده سن و دیدل یکه التفات صلا سن سنک کوزک
ایکیدر که بری صاغ وری صولدر ولکن سن کوزدن بتن و حاصل
اولان ثمره نوره نظر ایله کور که نیچه بر در یعنی ایکی کوز بر کورر
باشقه باشقه کوروب نوری متفرق اولماز پس ظاهرده تعدی فی الحقیقه
نورک وحدتی منافی دکلدر نتکم پرتو روحک جله اعضاءه ظهوری
تعددن اقتضا ایتمز زیرا تعدد اعضاءه کوره در پس اعضاء متعدده
تعلقندن قطعا نظر بر روحدر و کذلک شخص انسانی دخی بر شخصدر
اگر چه که جوارحی متعدد در بناء علی هذا بقدر اعداد و معدودات
واریسه جله سنک کثرتی وحدته داخلدر مثلا وجود انسانده بو قدر
قوای مختلفه وار در که هر بری بر اسمله ذکر اولنور قلب و عقل
ونفس کی مع هذا جله سی روحده داخلدر زیرا روحک تجلیسندن
ظاهر اولش و بدنه تعلقندن وجود بولشدر پس انلرک حقایق مختلفه
اعتبار اولند قلی آثار و احکامه در والا جوهر واحددر و بالاده تحقیق
اولمشدر که برسته بو قدر که فی الحقیقه وحدت ایله متصف اولمه حتی
شجره واحده و ماه واحده و الف واحددرل خصوصاً که جز لای تجزی
اعتبار ایله هر جسم جوهر فرددر پس صورت ترکیب نیچه تعدده ناظر
ایسه معنای ترکیب دخی وحدته ناظر در و جمیع اشیا حقه عبودیتده متحددر
نتکم قرآنده (ان کل من فی السموات والارض الا آتی الرحمن عبدا) پس
چشم حقیقت بین ایله نظر اولسه اشتباه قالماز (لحرره) * ایکی چشم چشمه

ساری تاجکردن نم بولور * ایکی عینک باش بر در باشند جاری اولور *
* نور هر دو چشم نتوان فرق کرد *

* چونکه در نورش نظر انداخت مرد *

* فرق * آیرم قدر فصل کبی فلق دخی بویه در انشقاق و فرق انفصال
اعتبار ایله اطلاق اولنور (معنای بیت) بودر که هر ایکی کوزک نوری
فرق و فصل ایلک اولماز چونکه مرد بصیر آنک نوره نظر ایتدی
و التفات صالیدی نتکم نفی سلطان مرادک شهزاده لری حقنده دیر
* ایکی شهزاده کیم هر بری روح مصوردر * دونور چشم بکتا پادشاه
هفت کشوردر * ایکیدر صور تا معینده اما نور واحددر * حقیقه
نهایت هر بری غیر مکرردر * الحاصل نورک وحدته ناظر اولان کیمسه
ایکی کوزک نوری و بلکه ایکی کوزی بر عدد ایدر نتکم مرور ایتدی
مثلا نور قر و نور شمس کبی زیرا نور قر نور شمسدن مستفاد اولمغله
قر شمسک نابیدر که شمس مختفی اولد قدده قر ظهور ایدر و نور قر فی الحقیقه
نور شمسدر قمر اور تاده نور شمسه مرآت واقع اولمشدر و ایکی بو تعین
دنیا و مجوز دهرک ایکی کوزیدر که بری کوندز و بری دخی کیمه کورر
و لیل و نههارک اختلافی اعتباری اولدیغی کبی نیرینک دخی بویه در نتکم
قرآنده کلور (و آیه لهم اللیل نسلخ منه النهار فاذا هم مظلمون) نتکم
سابقا تحریر اولمشدر و دیمشدر که انسانک چشم راستی آخرته و چشم
چپی دنیایه ناظر در چن بر سالک رؤیاده کندی یک چشم کورسه
اگر مفقود اولان کوزی صاغ ایسه ملاحظه آخرتی ترک و اگر صول ایسه
دنیایه عدم التفات اشارتدر و اگر ایکی بیله مفقود کورسه دو عالمدن
اغماض عین ایدوب بصیرتک جانب حقه کشاده اولماسنه دالدر
زیرا بصیرتک متعلقاتی اولان محسوساته التفات بسته اولسه بصیرت
قوت بولور نتکم بعض نظاری مرور ایتشدر و بونده رمز واردر که
دنیا و آخرت صورتا مختلفلر و معنی متحددر لیل و نههار کبی پس مکاشف
یابنده دنیاده آخرته نظر اولنور صول کوزیله صاغ کوزک متعلقته
التفات اولندیغی کبی و دیمشدر که (الدنیا مثال الآخرة والدنیا
منزعه الآخرة) پس اهل الله دنیاده جستهدر و لکن عقل قاصر ایله
ادراکی ممکن دکلدر بلکه مکاشفه صحیحیه موقوف در انکیچون نظر

انداخت دیدی زیرا اهل التفات و نظر ایله ادراکی مشکدر پس ظاهر ده
 طرح لازم کلدیکی کی باطنده دخی القاء فیض والهام کر کدر تا که
 انکه بصیرت منفتح اولوب مقصودی م طالعه به قادر اوله و مراده ظفر بوله
 ✽ ده چراغ ار حاضر آید در مکان ✽
 ✽ هر یکی باشد بصورت غیر آن ✽
 ✽ ده ✽ قمع دال وهاء ملفوظه ایله اوندر عشره کی زنبقه ده زبان دیدکاری
 پیراقلری اعتبار یله در (معنای بیت) بو در که اون عدد چراغ و شمع اگر
 هر مکنده حاضر کله و مجتمع اوله هر بری صورت ایله و یا خود صورته
 اول برینک غیر اولور یعنی ارا لرنده وجود ظاهری و مشخصات
 اعتبار یله مغایرت وارد شو یله که بر کیمسه انلک انحصار دنه ذاهب
 اولسه غلط حسه حل او نور بونده چراغ قلوبک تعددنه اشارت
 وارد زیرا انبیا و اولیانک هر برنده بر قلب وارد که انده شمع نجلی مشتعل
 و شعله پرتو حقیقت منبردر و لیکن جمله سنک شهودی متحد اولد یغی
 جهتن قلب واحد حکمده در اگر چه که شهود لری بحسب الاستعداد
 تفاوت اوزرینه در و بوسره دأر در اولکه حکایه ده کلور اولیادن بری
 بر کیمه ضیافت ایلوب مجلسده فوق العاده موملر ایقاداتد کنه
 ظاهر بین اولانلر اسرافه حل ایدر لر اولدخی اگر اسراف ایه اطفا
 ایدیکز در انلر برین سویندر مکه قادر اولماز لر زیرا جمله سی نور
 واحد که شکل حسبیه متعدد کور نمشد ر ارواح عالیه تطور ایتد کلدیکی
 پس اول شمع لک برن سویندر مک لازم کلسه جمله سی بردن سوینوب
 مجلس صحبت مظلم قالمق اقتضا ایدردی الحاصل برینک وجودی نیچه
 ضروری و غیر مکرر ایه سائر لک وجودی دخی بویه در ولیکن بومقوله
 اسراره مکاشفدن غیر کیمسه دست رس بولماز زیر اقوت بازوی
 ادراکی ضعیف و بلکه نور چشم بصیرتی منطقی اولشد و بوسره عظیمدن
 غافل اولوب اهل انکار غالب اولان شهر لک مساجد و جوامعده تقابل
 سراج و شمع ایدر لر و تکثیری اسرافه حل ایدر لر مع هذا تکثیر انوار اتمک عالم
 صفاتک حکمی و تجلیات مختلفه نك اثریدر قبه دیهور قنادیل کواکب
 ایله تزین اولد یغی کی قرآنده کلور (ولقد زینا السماء الدنيا بمصابیح)
 الحاصل منکرک کوزی کور در که مصابیحی کور من و انک سر نه عقلی

ایرمن نه ذات بیاور ونه خود صفات (لمحرره) چون قالدی قلبی آینه سی
 رنگ رینده ✽ کور اولدی منکرک ایکی کوزی دارینده ✽ وله ✽ کوش طوتمق
 نهیق انکاره ✽ صاحب اولدی انک زراخر ✽ خریر بنه قویالم و کون آنی
 ✽ بلکه باران اوله شکل اخر ✽

✽ فرق نتوان کرد نور هر یکی ✽
 ✽ چون بنورش روی آری بی شکی ✽

✽ بی شکی ✽ مصراع اوله قید در (معنای بیت) بو در که چونکه اول اون
 عدد چراغک نورینه یوز کتوره سن و توجه ایده سن و صرف باصره
 و تقلیب حدقه ایله سن بی شک و شبهه هر برینک نورنی فرق ایتک اولماز و باشقه
 باشقه آیروب ایشته بو چراغک نوری بو در و او چراغک ضیاسی او در دیو بر
 وجهله تعین و امتیاز بولماز بلکه جمله سنک انواری مرئی و نظردنه نور واحد
 اولور بوندن اخذ اولنور که کر چه انبیا علیهم السلام ارا لرنده اشخاص
 و اجسام و تعینات اعتبار یله تعدد اختلاف وارد که کیمه آدم و کیمه نوح
 و کیمه ابراهیم و اسمعیل و کیمه موسی و عیسی دینلور فلما حقایق و هویات
 اعتبار یله وحدت وارد که جمله سی حقیقت محمدیه ده مندرج و هویت
 احدیه ده مندرجدر و جمله سنک قلوبنده متجلی اولان انوار الهیه
 نور محمدیدن مستفاد و کتور دکلری احکام و شرائع لوح قرآندن
 مستنبط و مأخوذ در زیر قرآن جمع حقایق جامع او الدینی کی جمله
 شریعی دخی حاویدر و لوح محفوظ فی الحقیقه اندن عبارتدر انکی چون
 قرآنده کلور (ولارطب ولا یابس الا فی کتاب مبین) محکیدر که بر فقاهی
 جمیع اشیایی دختره جهاز اولق ارزره و برمنسه طلاق ثلثه ایله شرط
 ایتش ایدی فحول علما بومسئله نك جوابنده عاجز اولوب وقوع طلاقه
 ذاهب اولدیلر امام محمد مراجعت اولند فده امام محمد آیت مذکور ایله
 استدلال ایدوب جهاز ایچنه وضع مصحف ایله امر ایلدی و بو مخلص ایله
 فقاعینک شرطنی تصحیح و وقوع طلاقدن تخایص ایتدی بعد ذاجله
 هویات دخی هویت آلهیه ده داخل و عموم انوار نور آلهیه ده مستردر
 زیر قرآنده کلور (الله نور السموات والارض) و انوار حقنده امام غزالی
 رحمة الله مشکوة الانوار نام کتابنده کلام طویل الذیل ایدر اکا
 نظر اولنه و مراتب حقیقت محمدیه دخی محیی البشر لاجل التبشیر نام

کتابزه احاله اولور بونده فرق مذکور بصیره احاله اولندی پس
بی بصر اولان کیمسه حسباتی تمیزدن عاجز اولدیغی کبی بی بصیرت
اولان دخی امور عقلیه و معنویه بی تشخیصدن قاصر در پس انسانه
فی الحقیقه بر کوز کفایت ایتمز بلکه ایکی کوز لازمدر که بری بصر
وری دخی بصیرتدر تا که بصیرله شواهدی احساس و بصیرتله حقایق
ادراک ایلله * ع * چو کور من بوسفک بوزن نه حاصل چشم اعمادن

* کر تو صد سبب و صد آبی بشمیری *

* صد نمائندیک شود چون بفشمیری *

* سبب * کسرله المادر که عرب تفاح دیر شهوور نحوی به سیویه دیدیلر
رائحه التفاح معناسنه زیرا غایت حسن و جمال ایدی شویله که ایکی
یکاغی کویا ایکی رنگین الما ایدی * اینسه کسه شهوور سیویه * دیردی آنده
تعجبندن ویه * دیمشلدردر که تفاحک انواعی وارددر که حلوه و حامض و عفص
ومری اولور و بعضی نوع وارددر که آنده اصلا طعم اولماز اجودی
شامی بعده اصفهائی اولاندر و لکن حامض اولان اسباب نسیاندر
شربت عسل اسباب ذکا و حفظدن اولدیغی کبی و حفاظدن ابن هشام
دیر که (ما اکت تفاحا ولا جلداه ما عالج الحفظ) و دیمشلدردر که تفاحک
اکثرینه دود مسلط اولور اگر شجره سنک اصله عنصل غرس ایتسار
تدود ایتیه عنصل بیان صوغایندر که بصل بریدر و تفاحی ورق جوز
ایچنه لطف ایدوب ارضه دفن ایتسار و یاطین ایچنه قوسه لمدت طویله قاله
و متغیر اولیه * آبی * یالیه آیه دیدکری در که عرب سفرجل دیر سفرجلک دخی
نوعی وارددر حلوه و حامض و عفص و مری کبی سفرجلده حیات نفس
او تنقیه فواد و تصفیة لون و تحسین دل وارددر یعنی برزن باردارانک اکلنه
مداومت ایتسه خصوصاً جلندن او چججی آیده فرزندى حسن الوجه
وزکی الفهم اوله دیمشلدردر که سفرجل نشاره و یاخود صمان ایچنه وضع
اولنسه مدت طویله متغیر اولیه نشاره ضمه منشار له نشر اولور کن
دوکیلن ریزه لردر * شمردن * صایق عد کبی فشردن صقمقدر عصر کبی
(معنای بیت) بودر که اگر سن بوز عدد المای و بوز عدد آیوایی عد
ایله سن یعنی بو عدد بالغ الما و آیوایی جمع ایده سن چونکه آنی صقه سن
وصوین اله سن بوز قالماز بلکه بوز عدد المانک صوبی بر صوا اولور و کذلک

بوز عدد ایوانک صوبی دخی بر صوا اولور اشخاص و افرادده اولان حدیث
فتاوا اولور و کثرت اعتباریه زائل اولور و سائر عصر ایتک شانندن اولان
میوه ل دخی بویله در و لکن بونده سیب ایلله آبی جمع ایلدی زیرا اخذ آب
محلنده آبی ذکرینک مناسبت زائده سی وارددر و سیب تقویه قلبده ادخل
و آبی احیاء نفسده یعنی سبب حیات و جود اولمقده اوغل در انکیچون
حکماء ایکسنگ دخی حقه فضا ئل کثیره و خواص و فیه اراد ایدرلر
وسیده اولان رایحه طیه نفحات حقه اشارت ایدر نیکم سفرجلده سفر
لفظی مندرج اولمقده مجاهداتدن حاصل اولان حیات نفسده دلالت وارددر
زیرا حدیثده کلور (سافروا تصحوا) یعنی سفر صورتده مقاسات شدائد
و معانات متاع ایلله بدن متحمل اولوب آب و هوای دیگر شرب و استنشاق
و نفوذی تنقیه مسهل و اصلاح داروی حکیمه بدل اولدیغی کبی سفر
معنویه دخی ریاضات طبیعیه و مجاهدات نفسیه ایلله نسیم عالم جان و زان
وناودان فیض الهی ریزان اولوب صحت و جود باطنی ظهوره کلور و بر
دخی سیده انو ث صفتی وارددر انکیچون دیمشلدردر که فاطمه الزهری
رضی الله عنهما تفاح جتدن خلق او نمشدر و آبی ده ذکورت صفتی
وارددر نیکم قرأنده کلور (وجعلنا من الماء کل شیء حی) یعنی آبدده فعل
وارددر که صفت ذکورتدر نیکم غیریده انفعال وارددر که صفت انو ثدر
و وجود انسانی فاعل و قایلک اجتماعدن عبارت در که بری
روح و بری دخی نفسدر پس سفرجلده آبدن ناشی احیاء نفس
وارددر که صفت روحدر زیرا نفس ناطقه نک بقاسی نفس حیوانیه نک
بقاسنه سیدر (لحرره) ایتسه حق کر قلمه امداد * قوربسه قالمسه
دلنده مداد * لایح اولردی او حده بوضور * دیمزیدی قلمه لوح صوور *

* در معانی قسمت و اعداد نیست *

* در معانی تجزیه و افراد نیست *

* معانی * معنی نک جمیدر لفظدن مقصود اولان نسنه معناسنه
* قسمت * تقسیم معناسنه در مصراع ثانیده متقابلی اولان تجزیه قرینه سیله
قسمت جسمک و لفظک اواز مندندر * اعداد * قلمه عددک جمیدر عدد
مجموع نصف الحاشیتین در اثین کبی زیر ایکی حاشیه نک بری واحد و بری
ثله در که مجموعی اربعه در اربعه نک نصفی ایتسه اثین در پس اثین عدددر

سائر اعداد دخی بو کافیه اولنه و به ضیلر دیدیلر که عدد و حد ایدن
مألف اولان کیمدر پس واحد عددن خارجدر زیرانده تألف مذکور
یوقدر تجزیه بر نسته بی جزء جزء و پاره پاره فلقدر و جزء ایله بعض الفاظ
متزاده دندر علی ماهو المشهور و دیدیلر که جزء تجزیه قبول ایتمز فاما
بعض تجزیه اولور و شرح رمضمانده متبعض ایله مجزینک میمانی
فرق ایدوب دیر که ان ذالاجزاء باعتبار انحلاله الی اشیاء رکان
ترکیبه منها یسمی مجزیا و باعتبار انحلاله الیهام طاقا یسمی متبعضا
* افراد * فحله فردک جمعیدر منفرد معناسنه که بالکزدیمکدر نیکم تفصیلی
مرور ایتمشدر (معنای بیت) بودر که معانی مقوله سنده بر نسته بی
تجزیه و تقسیم و اوراده اعداد و افراد تصور ایتمک یوقدر بلکه جزء
لای تجزیه کی غیر منقسم و جوهر فرد کی غیر مجزیدر زیراتجزیه و انقسام
لوازم ترکیب دندر ترکیب ایسه اجسام و الفاظک خواصنددر معانی
وارواحک دکل و سائر لوازم ترکیب و جسمیت دخی بویه در قرب و بعد
کی زیرا عالم معنی و وحدته کوره بو مقوله اعتبارات یوقدر نیکم دیمشدر
* بعد منزل نبوددر سفر روحانی * انکی چون ایله * مر اجده طی زمان و مکان
حاصل اولدی و جبریل امین طرفه العین ده وحی و یاغیری امر آلهی
ایلله سدرده دن ارضه نزول ایدردی الحاصل اهل وحدتک معنی و حقیقتی
صورتلرینه غالب اولغله کثرته دأر اولان صورتلری دخی حقیقتلرندن
وحدت استغاده ایتمشدر بوسیدندر که بکن روح اضافی مفارقتدن
صکره منفسخ و منحل اولماز ارواح کی زیر انحلال و انفساخ غلبه ترکیبه
ناظر درانلره ایسه تفرید غالبدر و بردخی حل و فسخده جسم لطیفی جسم
کثیف ایلله تسویه واردر جسم کثیف ایسه محل تغیر و تذلیل در جسم
لطیف دکل پس بو تقریردن فهم اولندی که معنی عالم وحدته ناظر
و صورت عالم کثرته دأر در یعنی صورتده کثر اولق معنی ده وحدتی
منافی دکلدر انکی چون هر مخلوق حقیقت یکتادن وجوده کش و دره
بعضادن صورت پذیر اولمشدر نیکم مرار شرح اولمشدر *
(لحرره) صدف علم آلهی آنده کوه دره بیضا * اوبیضادن
اولویدر بیض و اسود قویدا * نه سرا ولسون که یک نقطه دو حرف
اولوب آینه * کوزندی ایکی صورت کیم قلوبدر عاقلی شیدا *

اتحاد یار با یاران خوش است *

پای معنی کبر صورت سرکش است *

اتحاد * را اولق که اسان پارسی ده یکی شدن ایلله تعبیر اولور * یاران * اصحاب
صفادر زیرا بار مصاحب دیمکدر نیکم شرحی مرور ایتمدی * سرکش *
وصف ترکیبدر تقدیری کشته سر دیمکدر معناسی باش چکیجی در
متکبر و متعظمده مستعملدر بوراده پای ایلله سری جمده لطافت واردر
(معنای بیت) بودر که یارک اصحاب صفائله اتحاد و اتفاق خوشدر
یعنی صحبتک مقتضای اتحاد و اتفاقدر شویله که کویا جمله یاران بر
کریانندن سر کوستر مشلدر سن عارف ایسک معنی یاغن طوت زیرا صورت
سرکش اولدیغی جهتدن ضبط و ربطی ممکن دکلدر یعنی عالم صورت
کثرته ناظر اولغله وحدتدن ابا و امتناع ایدر اگرچه که وحدتی متضمندر
بس سن عالم وحدته ناظر اولان معنایی اخذ ایلله که انک ضبط و ربطی آساندر
زیرا عالم معناده مغایرت و مخالفت یوق و صورت کی اقسامی اولمقدن
خالیدر بلکه قسم واحد در و قسم واحدی ضبط ایتمک اقسامی
ضبطدن اسهلدر اگرچه که اقسام متعدده مقسم واحده داخل
و هر کثر وحدتی قابلدر نیکم دیمشدر * ففی کل شیء آیه *
تدل علی انه واحد * یعنی جمیع اشیاء اقسام اسماء و صفات ایکن
مقسم واحد اولان حقیقت ذاتده مندر جدر و حصص و اقسامه
التفات ایتمک اهل کثرک شانی و تجرد و فردا نیت ناظر اولق اهل وحدتک
صفیدر زیرا حصص و اقسام بعض قیودله محصلدر عالم معناده ایسه
قیود یوقدر مثلا انسان صفت ناطقیتدن قطع نظر حیوانیتده جمیع
ذی روح ایلله مشترکدر مؤمن و کافر انسانیتده مشترک اولدقلری کی
و علی هذا الحاصل معنایه ناظر اولان کسه تغایر ملاحظه سی در دندن
خلاص اولور زیرا تغایر ادنی مرتبه اثنین اراسنده اولور معناده ایسه
اثنیت یوقدر نواتده قبل النبات اثنیت اولدیغی کی بحار دخی
بویه در یعنی اصلی ماء واحد در سیمیه و سپید اولق اعتباریدر
پس معنی سر و منبع و مأخذ در که جمیع اصول و فروع آندن
تشیع ایتمشدر بناء علی هذا بریرده معنی اولسه صورت اکا تابع اولور
ظل الله ذوالظل اولان قطب الاقطابه تابع اولدیغی کی ولیکن
اگرچه بی معنی صورت یوقدر فاما هر اهل صورت معنایه واقف دکلدر

زرا غفلت ادراکه پرده در (لحرره) ایلراشیا جهر ذکر حضرت
رب الفلق * آنی ادراك ایتکه یوق لیک هر کسده قواق * بعد نام معلوم
اوله که متکلمین ذاهب اولمشلر در که ایکی ماهیت وهویت اراسنده
واقع اولان اختلاف و تغایر بالذات در بالذات اولان نسبه نك ایه
زوالی متعقل دکلدر پس ایکی وجودک بری بریله اتحادی محالدر
زیرا اگر ایکیسیده معدوم اولورلر سه معدومین اراسنده اتحاد
منصور اولماز و اگر بری معدوم اولور سه معدوم ایله موجود
متحد اولماز و اگر ایکیسیده موجود اولور سه اثنین اولوب تغایر اولورلر
انکیچون زید و عمر و میانشده مثلا نقدر مماثلت اولسه ینه تغایر لر در
وحکماء متأله دن صاحب ایساغوجی اولان فور یوس حکیم ذاهب
اولمشدر که عقل عندالعقل موجود اولان صور معقوله بی تعقل ایتدیکی
وقته اول صور معقوله ایله متحد اولور و بعض متصوفه
ذاهب اولمشلر در که سالک اولان کسه سلوکنده اول درجه یه دك
مرتقی اولور که مطلوب حقیقی ایله متحد اولور سید شریف بو کلامی
رمز اولغله حل ایتمشدر بوفقیق حقیق فیه فهم ایتدیکی بودر که عوام
متصوفه و حکماء ذاهب اولدقلری اتحاد باطلدر بلکه اتحاد دیدکلی
تجلی آلهی الیه وجود مجازی زائل اولوب وجود حقیقی ظهور ایتکدر
پس وجود اولو و آخر ابردر زیرا شرکک متوهمه دن شرکت
حقیقیه لازم کلز شی ایسه کندی نفسی ایله متحد اولماز پس اتحاد
اطلاق دخی لغودر و اولکسه متکلمین تغایر اثبات ایدر لر حقیقت
امکانیه اعتباریه در که صوفیه محققین اکا وجود مجازی دیرا کرچه که
فی الحقیقه حقیقتدن غیر نسبه یوقدر پس بومنازعات و مخالفات
جهلدن ناشیدر زیرا امر ظاهر اعتباریه مغایرت واردر فاما امر باطن
حسیله مغایرت یوقدر زیرا موجود اولان وحدت صرفه در و لیکن
مراتب حسیله اعتبارات ربایت اوتور انکیچون دیمشدر که (لولا
الاعتبارات لبطلت الحقایق) فاعرف جدا فانه لیس وراء عبادان
قریبه وقد حققنا هذا المقام فی مواضع متعددة من هذا الكتاب
فذكر (لحرره) کندیکی ایله غرق عین شهود * نه کز سن
نکاردر یاده * آشنا بول بو بحر معناده * اوله زنهار مصاحب یاده *

* صورت سرکش کدازان کن برنج *

* تابه بدنی زیر او وحدت چو کنج *

* کدازان * ضمه و دال مهمله ایله صفت مشبهه در مصدری کدازیدن در که
اریمکدر * وحدت و کنج * بالاده شرح اولمشدر بوراده
وحدتی صورته قبال ایراد ایلدی مع هذا وحدته بدل معنی دیسه
دخی نظمه خلل کلزدی تکیم بالاده صوره و معنی دیو تصریح ایلدی
زیرا صورت کثرتدن عبارتدر و معنی دن دخی مقصود وحدتدر
انکیچون وحدتی دخی تخصیص ایتدی (معنای بیت) بودر که
رنج وزجت ایله صورت سرکشی ارتکن اول یعنی کوشش
واجتهاد ایدوب صورت و کثرت سرکشی محو و افنا و ازاله ایله تا که
انک آتنده خزینه و دفینه کی نفیس و مرغوب اولان وحدت کوره سن
و مطلع اولان بونده صورتی اریک شانندن اولان نسبه و وحدتی
کنج و دفینه تشبیه واردر زیرا معنی صورت ایتنده نهان و وحدت
کثرت ایچنده پنهاندر زیر زمینده کنج مستور اولدیغی کی پس طلسمی
ازاله و مواعی رفع ایتدی که کنج آشکاره اولدیغی کی وحدت معنائک
حجابی اولان صورت و کثرتی دخی کشف ایتدی که وحدت و معنی
صورت نما اولماز تکیم حضرت هدایی قدس سره الهیاتند کلور
* کثرت طلسمی مانع اولوب کنج وحدته * حیرت قالدی حسرت ایله
نیچه شیخ و شاب * رفع ایت حجابی لطف ایدوب ایتدی کیدر * غیب حقیقت
آچه که تا اوله فتح باب * بونده وحدتی کنجه تشبیهده (کنت کز الخفیا) سر نه
اشارت واردر و کثر و کنج اموال نفیسه یه اختصاصندن وحدت
دخی زیاده مرغوب و اهلی قاتنده معتبر اولق لازم کلور و طلسم
اعتبار ایتدکلی کنجی محافظه به آت اولغله اولدیغی کی صورت
و کثره دخی نظر معنی و وحدته نشان اولغله در انکیچون بر نسبه نك
قشرنه دخی اعتبار واردر زیرا بی محافظه ایدر پس عالم صورت و کثرت
کرچه مقصود بالذات دکلدر زیرا آیات و دلالتدر تکم فرآنده کلور
(سنز بهم آیاتنا فی الآفاق و فی انفسهم حتی یتبین لهم انه الحق)
فاما مدلول اولان وحدت و معنایه و سبیلدر و سبیل ایسه متوسل الیه
اراسنده برزخدر قبله ایله مصلی اراسنده قبله نما برزخ اولدیغی کی

پس کعبه به وصوله قبله نمایه حاجت قلمدینی کبی نیکم دیمشردر * ساکنان
حرم از قبله نما آزادند * منزله وصوله دخی آلات واسباب حاجت قلماز
نتکم دیمشردر * وعری افراس الصبی ورواحله * وکدک
لی تحصیلن صکره قشر معطل اولور وحقیقته وصوله صورته اعتبار
اولغایوب شوبله قالور (سؤال اولور سه که بوتقریردن فهم اولور که حقیقته
وصوله شریعت اعتبار قلمیه بوايه طائفه اشق مذهبدر (جواب
بودر که شریعتك تعطلی آخرته اولور زیرا آخرت دار تکلیف
اولمدینی کبی دار صورت دخی دکلدرد زیرا اوراده معنی وروحانیت
غالبدر نتکم بالاده دخی اشارت اولمشدر فلما دنیاده قائم در
زیرا انسان دنیاده اولدجه حقیقت شریعتده ایک قشر ایچنده
اندراجی کبی مدرجدر پس هر بار که ایه حاجت اولسه قشردن تحصیل
اولمدینی کبی شهود حقیقته دخی حاجت اولسه مرآت شریعتدن
نظر اولور انکیچون حدیثده کلور (ارحنی یا بلال) پس شریعت
الی آخر الزمان معطل اولق یوقدر والا حقیقت دخی معطل اولور
قشر مفقود اولسه لب دخی مفقود اولمدینی کبی فافهم جدا و بوندن
اخذ اولور که صورت سرکش اولمدینی کبی اهل صورت دخی
سرکش واهل معنایه دخی غیر منقاددر انکیچون شرک اهلیدر
ومطالعه وحدتدن اعمادر زیرا خود بین اولانک نفسی ماوراسنی
رؤیه چیدر و بونده رمز وارددر که اهل صورت وثرک معرفت دیو
خرج و صرف ایلدیکی فلوس مفوله سیدر که کنج اولغله لایق دکلدرد
بلکه کنج حقیقی اهل معنی و وحدتک معارف وعلومی در که کنت کنز اسرنه
ناظر در (محرره) نقد وقتک بو کنجه صرف ایله * سود قلمر سکافلس اجر
* هیچ بروجله برابری * اعلرنیکین ایله سنک مرمر * ولله العنایه

* ورتونکد ازی عنایتتهای تو *

* خود کدازدای دلم مولای او *

* عنایت * هدایت عبده ارادت حق تعلق ایتمکه دیرلر بومعنه نك اثری بودر که
عبده اسباب سعادت بهسر و طریق مطوی وجاهه و محجه بیضاء اوزرینه
محمول واکسرتدیر نفس موهوب وهرنسنه محب اولور مکر حق تعالی
نك مقت و بغض ایتدیکی ممقوت و بغوض اوله پس بومعانی مجتمع اولد قجه

عنایت دنلز (محرره) عنایت اولسه مولادن قولینه * قور اطراف
کیدر طوغری یولینه * او * اللهه راجه در مقام قرینه سیله * مولی * رجاج
معنایه کلور بورانه عبده معنایه در ولکن عنایت ایله مولی لفظنی جمده
عنایت وارددر * نتکم عنایت اسی مولی دیرلر یعنی متولی عنایت حقدر
غیری دکل (معنای بیت) بودر واکرسن ای مجاهد کنیدی رنج و زحمتکله
آتش انداز اولوب صورت سرکشی اریده من سیک الله تعالی عنایتلریله
خود آتی اریدرای که بنم جان و دلم آنک قول و قربانیدر * بوندن مقصود
کسبدن قطع نظرایدوب حقه اعتماده ارشاددر زیرا کسب منتج دکلدرد
بلکه طریق ادبی رعایتدر که کویادیتک اولور که سن اجتهاده قصور
ایتمه اگرچه که عنایت الله تعالی دندر واجتهاد دخی عنایتدر * زیرا
حق تعالی هرکسی کنیدی طریقده استخدام ایتمز واستخدام ایتمه سی نائل
مرام ایلوب مخدوم قلمقدن او توریدر * نتکم بر بنده سن دعایه توفیق
ایتدیکی اجابت مراد ایتدیکندن او توریدر پس هرکارده عده عنایت
کردگار و هدایت جناب غفاردرد * بونده دلی تصریح ایلدی زیرا مدار
اعضا و جوار حدردرس کوکل کایندینی حقه بنده اولسه اعضا و جوار حددن
دخی آثار عبودیت ظاهر اولماز * و دلك عبودیتی تجلی آلهی ایله حاصل
اولور چونکه باطنه تجلی آلهی اوله ظاهر دخی خشوع و طاهر و باطن
بری برله ارتباط تام بولور * بوندن ظاهر اولور که ظاهر ایلانک باطنی
دخی اولماز و باطنی اولانک ظاهری اولد قجه اولماز نواتک تحت الارضدن
نبات و ظهوری کبی مکر فاسد اوله (محرره) فاسدک مفسد ایلر انکاری *

* او نماید هم بدله اخویش را *

* او بدوزد خرقة درویش را *

* خرقة * اصلنده بزپاره سیدر که درویش لر جامه سنده استعمال اولندی
ذکر جزء واراده کل طریقله زیرا انلرک جامه لری خرق و قطعدن خالی
دکلدرد انکیچون مرقعات دیرلر و هضم النفس مرقع جامه کیمکه موت
احضر دیرلر و یونس امره قدس سره نظمده کلور * وارم قول اولم
شیخ اشیکنده * خرقة دیکیم یوزیک پاره دن * بوراده یوزیک پاره دن مراد
یاتکیددر مقصود مرقع خرقة دیکنوب موت احضرا اختیار ایدم دیمک

اوله ویا خودیک بر عدد اسماء الهیه به اشارت در * و آنی خرقه دیکتم
انکه تخلق وانصافنه ناظر در زیر حقایق الهیه لباس وجود کیدر
(معنای بیت) بود که الله تعالی هم بندی جهانی دلاره کوستر بصیرت لری
کشاده اتمکله ز را نور تجلی بی ادراک اتمک بصائر موقوفدر واول
الله دیکردر ویشک خرقه سنی متفرق و پریشان اولان امور و احوالی جمع
ونظم ایدر و ستاریتی ایله عیوبنی اورتر و بلاغات ز محشریده کلور * مانع
قول الناصح ان یرو فک * وهوالذی ینصح خرو فک * و بونده اول
سره اشارت وارد که دیمشدر * آن پسر پینه دوز * شب هم شب تابروز
* بانک کند چون خروس * کفش کهن در که هست * زیرا بونده پسر
پینه دوزدن مراد الله تعالی در اول جهتدیکه لیلہ * عراجده مرتبه
صفائده شاب امر د صورتده نجلی ایلمشدر نتکم حدیده کلور (رأیت
ربی فی صوة شاب امر د) و بعض روایانده کلور فی احسن صورة و پینه
دوز اولدیغی تأثیرک توبه لرن قبول و مستغفر لک طبلرن اسعاف و سائل لک
حاجت لرن روایتدیکدر نتکم حدیده کلور (ینزل ربنا کل لیلہ الی سماء الدنیا
حین یبقی ثلثی اللیل الاخیر یقول من یدعونی فاستجب لہ من یسألنی فاعطیه
من یتستغفرنی فاعف لہ) بوزولدن مراد آثار حقیقتدن بر اثرک ظهوریدر
والا الله تعالی نزول و عروجدن منزهدر * و اجسام و اعراض خلق
جدید ایله دائماً مجددا اولدیغی کبی ارواح و قلوب دخی تجلیات متنوعه
ایله مجددا در نتکم قرانده کلور (کل یوم هو فی شأن) پس بونده رمز وارد که
سالكك تفرقه متعلق اولان اموری خرق کثیره کیدر که الله تعالی
انی تجلی جمعی ایله منتظم قبلور * و بردخی بودر که وجود دن لباسله
تعبیر اولور پس خرقه دن مراد وجود اولور نتکم قرانده کلور (و یساک
فطهر) زیرا ثیابک نجاستی مانع صلوة اولدیغی کبی وجودک علاقات
ماسوائله تلوثی دخی مانع قریبدر * پس ثیابی آب پاکله تطهرو وجودی
فیض الهی ایله تنظیف لازمدر و ثیابده عصره بدل وجودده قوت
اجتهاد و مکت مدید وارددر انکی چون ارباب ریاضات خلوات چقاردر
تا که اربعینات و امثالی ایله وجودده منعقد اولان امور فاسده و احوال
کاسده در بجه منحل اوله و منجمد اولان نسنه را علی مهل تاب توفیق ایله
اربه * و بردخی خرقه شریعت مرتبه سیدر که حقیقتک لباس و ظرفیدر

* پس بیک مصراع اولی حقیقه ناظر و مصراع ثانسی شریعت دادر
* و دیمشدر که العبرة للخرقة لا للخرقة پس کر که رکعت رعایت احکام
ظاهر دن صکره احوال باطنیه دخی دست رس حاصل اوله و مشرع ظاهر
و باطن فیض پاک حقه طوله

* منبسط بودیم ویک جوهر همه

* بی سروبی پادیم آن سر همه

* منبسط * بسیط معنایست در که هر کبک مقابلیدر الحاصل بسط اصانده
بر نسنه بی نشر و توسیع معنایست در نتکم الله تعالی باسط دینلور زیر امراد
ایتدیکه کسیکه اوزرینه توسیع رزق ایدر صکره بطریق الاستعاره اندر ترکیب
و تأیید و نظم تصور و انیمان نسنه اوزرینه اطلاق اولندی * جوهر * حجر ذی
قیمته و بنفسه قائم اولان نسنه دیر که انک تحیرنی غیرک تحیرنه تابع اولیده
عرض کبی جوهر برقاج قسمدر بری بسیط روحانیدر عقول و نفوس مجرده
کبی وری دخی بسیط جسمانیدر عناصر کبی و بری دخی عند العقل دون الخارج
مر کیدر جنس و فصلدن مر کب اولان ماهیات جوهریه کبی وری دخی
بوا یکبسندن مر کب اولاندر موادات ثلثه کبی معدن و نبات و حیواندر
بوراده جوهر ایله مراد جوهر روحانیدر نتکم تقریر معناده کلور * آن سر *
ظرفیت افاد ایدر نقدیری در آن سر دیمکدر که یک جوهره اشاتدر زیر ایک جو
هر جلیه سروا بتدادر (معنای بیت) بودر که جمله من بسیط و غیر مر کب و یک
جوهر ایدر یعنی ابتداده جوهر فردا و ایدر غیر حالده بزه مشخصات عارضه
بوغیدر که سروا و بونلرک امثالی جوارح و اعضا در صکره جوهر فردا و اولان
حقیقت محمدیه دن تشبیه ایلیوب (انا من الله و المؤمنون من فیض نوری) و فقجه
اولا ماهیات امکانیه و ثانیاً حقایق کونیه ایله ظاهر اوایب سروا با ظهور
ایلمدی و هر بریمز مقتضای حقیقتی اوزره برسان سو یلمدی پس بوظهورله
انبساط ترکیبه مبدل اولدی و فردانیت اثبنتیه تحول بوادی و حقیقت
محمدیه حقه کلور (اول ما خلق الله روحی) یعنی ابتدارش وجود
عینی ایله مر شوش اولان روح محمدیه در که اندن اول عالم امر دن عالم خلق
و اختراعه قدم وضع اتمش یوقدر صکره سائر ارواح اندن اخذ اولندی
انکی چون ابتدای اولاد نکاحه قریب اولمغله مرغوبد زیرا نکاح معنوی
سر اوزرینه جاریدر فافهم جدا بوندن ظاهر اوادی که تقدم جسمانی

اعتبار اولیٰ نیک و نیک صوریده در پس تأخر جسمانی نکاح معنویده تقدم روحانی بی منافق دگر در رسول الله صلی الله علیه و سلم نشاء بشریه حسبیه تأخری کبی مع هذا آدم علیه السلام تقدم جسمانی سنده اعتدال دور یوغیدی فخر عالم صلی الله علیه و سلم ایسه جله اندوده دور واحد کلی اولدینی حالدۀ تشریف عالم شهود دایلی و جائز در که جوهر واحد در مراد (کنت کذا مخفیا) حدیثک مدلول اولان هویت آئیمیه اوله نتکم اشغه ده چون بصورت آمدالی آخره یتقی اکادالدر برار روح دخی مصور استنده داخلدر صورت روحانیه سی اولدینی جهندن اگرچه اول عالمده علوی و سفلی و فوقانی و تحتانی اعتباری یوقدر نتکم بی سرو پا اکا اشارت ایدر ولیکن الله تعالی اوزرینه جوهر اطلاق ایتک قول حکمادر قول متکلمین دکل اگرچه حق تعالی بذاته قائمدر بعدذالعلماء اصل الاجسام اولان ذاته اختلاف ایتدیلر بعضیلر دیدیلر که جسمدر و بعضیلر دیدیلر که جسم و جسمانی دکلدر جسمانی ایله مراد جسم مطلقک جزئی اولان جوهر در ماده و صورت کبی و جسمدر دینلر دخی اختلاف ایتدیلر بعضیلری دیدیلر که اول ذات بر جوهر ایدیکه نظر باری تعالی نیک تأثیری ایله ار یوب صواولدی واشـ یا اول صودن خلق اولندی و بعضیلر دیدیلر که اصل الاجسام دیدکری ارض ایدیکه تلطیفندن ماء و مانک تلطیفندن هوا و هوانک تلطیفندن آتش حاصل اولدی و بعضیلر دیدیلر که اصل مذکور هوا یددی ز بر احوالطیف و کشف میاننده توسط ایلش و سهوانله اشکال قبول ایتشددر پس اول هوانک تلطیفندن آتش و تکشفندن ماء و ارض حاصل اولدی و بعضیلر دیدیلر که اصل مذکور آتش ایدی ز بر فضل اطاقتی اولدیفندن ماء و اصل حیات و قوام مر کبات انکله در فاما اول اصلاک صواولماسنه کسه ذاهب اولما مشدر و بونلردن غیری دخی کتب مفصله ده اقوال وارد و لیکن ار باب حقیقت قائنده ذکر اولتان اصل مختلف فیه آساندرز بر انلر جله اشباهه حقیقت محمدیه بی مقدم اخذ ایدرلر و اصل اول طورلر حقیقت محمدیه ایسه عالم ارواحه کوره روح محضدر اگرچه که صورت نورانیه سی وارد صکره بحسب المراتب صور مختلفه ده ظاهر اولمشدر یعنی تنزلات رجائیه حسبیه طورا بعد طور ثقل و طور ایلشدر پس ارواح و اجسامک مجموعنک اصلی اودر کرک سن جوهر مذاب دی

و کرک غیری دی و اولکه شیخ سعدی نظمیده کاور ❖ بی آدم اعضای یکدیگرند ❖ که در آفرینش ز یک جوهرند ❖ بوجوهردن دخی مراد جوهر روح محمدی در اگرچه که آدم علیه السلام اولق دخی جائزدر نتکم قرآنده کاور (خلقکم من نفس واحدة) فاما حقیقتۀ نظر اولنسه نفس واحده روح محمدی به دخی شاملدر زیر ارواحه فوقانی و تحتانی اعتباریه عقول و نفوس دیرلر پس نفوس فی الحقیقه عقول دیدکلبدر ولیکن بعض تنزلات حسبیه نفوس اطلاق اولنور نتکم عقل اول و نفس کلیه دیرلر یعنی عقل اول قلم اعلی و نفس کلیه آنک او حیدر لوح ایسه فلنک مرآتیدر حوا ادمک مرآتیی اولدینی کبی علیهما السلام اگرچه ایکسی نفس واحده در زیر ارواح ادمک ضلع ایدریدر ضلع ایسه آدمدن جز در ولیکن تجلی رجائی و اختراع ربانی ایله شکل آخرده کور نمش و نفس مؤثمه نقابن اور نمش و قابلیت لباسن بور و نمشدر فسیمان القادر الحکیم الحاصل آدم و حوا اراستنده اختلاف تشخیص و تنوع صور و اریسه دینه باطن حوا آدمدر حوا ظاهر اولق صفتک زیاده لکی حسبیه در نتکم نور و نار حقیقت واحده در فاما اشتداد ظهور حسبیه ناردینلدی پس باطن نار نوردر نار ظاهر اولق زیاده صفتله در و نار نور اوزرینه نیچه تفرع ایتدیه حوادخی آدم اوزرینه اول وجهله تفرع ایتشددر بناء علی هذا نار مؤث و نور مذکر ایسه حوادخی مؤث و آدم مذکر اولدی حقیقت محمدیه نیک سائر اشیا الله سری دخی بوندن فهم اولنه و بومقامده اهل نار حقهده سر عظیمه اشارت اولندی اگر فهم ایده بلد کسه و کذلک اهل نور حقهده دخی رمز لطیف اولندی پس حقیقت محمدیه دن هر کسک حصه سی اولق نه سعادتدر انکیچون اول حصه سنده و اریکن اول نوری ارتکاب معصیله تحفیر ایله بلکه شانی هر حالده تعظیم ایله فهذا النور ما افخمه و قل من عرفه و اکره (لمحرره) بونه سر در کیم اوله احمد محمد امتی ❖ هم محمد امتی بوله محمد همی ❖

❖ یک کهر بودیم هم چون آفتاب ❖

❖ بی کره بودیم و صافی هم چو آب ❖

* کهر * کوهردن تخفیف اولمشدر صکره تعریب ایدوب جوهر دیدیلر * کره * کسرتین و هاملفوظه ساکنه ایله بند و دوکم ❖ صافی ❖ اصلنده غیر مشوب

اولاد خالص ایه بعد الشوب تصفیه اولاندر و بری برینک مقامنده دخی استعمال اولور تکم حدیثه کلور (ماوودی نبی مثل ماوودیت) ای ماصفی نبی مثل ماصفیت لان الاذی سبب التصفیه و اهل اللهدن صاحب مقام قاب قوسین اولنله صفاء الخلاصه و صاحب مقام اودنی اولنله عین الصفادرل زرا اولرده بروجهله شوب و مزج قالمایوب صفات غیر به دن پاک اولمشلردر اگرچه که بونلر حقیقتده مفسورلردر فاما مفسور اولان دخی نهایت نهاییاته وضع قدم ایدنجه غیر مفسورک اولننده چکدیکی شدا نندن زیاده سبیله مبتلی اولور انکیچون اشد بلاء انبیا و مکمل اولیا اوزرینه در (لحرره) بلا و لا اولدی لر توأمان * و لایوق دینه بلادن امان * (معنای بیت) بودر که بر کهر ایدک آفتاب کی صکره انتشار اضوائه جواهره متعدده اولدق و بی کره و صافی ایدک آب کی صکره باد صبای تجلی هبوب ایدوب زنجیر شکن بغلق و کیران بسپاره وضع حسبیه قصرات متعدده صورتین بولدق پس کره کثرتن عبارتدر و هر کره بر تعین صورتیدر چون اول تعینات و ماهیاتدن کره کثرت کشاده و عقد تعدد فخل اوله هویت واحده دن غیر قالا ز بونده جوهر واحدی آفتابه تشبیه ایلدی زیرا آفتاب فرد و بی نظیردر انکیچون حق تعالی نیک بی نظیر اولد بفته انکه استدلال اولور تکم شیخ شهاب الدین المقتول قدس سره رفیم اول نام رساله حکمت آمیزنده ایراد ایدر که ان کان للقیوم ندقان شمس و بردخی ظلمت عدمدن روزایتک رش نورله در و آبه تشبیه ایلدی زیرا اشیا به حیات حقیقت محمدیه دن حاصل اولمشلدر بونده رمز واردر که کدورات نفسانیه ارواحک اجسامه تعلقندن صکره حادثدر پس نیجه لر بوامر حادثی ازاله ایدوب صفوت اصلیه به واصل اولمشلدر در و نیجه لر تعینات پرده لر بهلر تحجب او اوب هیئات مظلمه ظلماتیه ظلمتده قالمشلر و آفات عارضه حسبیه لطافت و صفوته بدل کشف و کدورت بولمشلدر (لحرره) کر شفاعت ایلر یسه مصطفی * حاصل اوله قلبه انواع صفا * جوهر عهده وفادن ویرجلا * ای جفا اعلی برایتک جفا * والله الناصر

* چون بصورت آمدان نور سره *
* شددد چون سایه های کنکره *

* نور سره * نور نیک دیمکدر تکم می دیکه سره می دوا و یور یشلوا آه اسب سره رفتار وایو اقیه نقره سره و کم اقیه ناسره دیرل * ولیکن نوره کوره سره صفت مادحه در * کنکره * ضله بدن که بار و اوزرنده بنایدلر و شرفه معناسنه تکم نوشروانک تاج معهودی حقیقتده کلور * بران تاج بریدست و سه کنکره * بز یور بیاراسته یکسره * (معنای بیت) بودر که چون اول اصل الاشیاء اولان نور نیک صورته کلدی و عالم علمدن تنزل ایدوب عالم عینده وجود خارجی بولدی حصار بدنلری و شرفه لرینک سایه لر کی عدد حاصل اولدی یعنی نور آفتاب فی الحقیقه بسطایکن حادث اولان بدن و شرفه لر تعلق و انعکاس حسبیه سایه لر ظهور ایتدیکی کی اول جوهر فرد دخی عالم معنادن عالم صورته حرکت ایتک سبیلله عدد ظاهر اولدی انکیچون عالم ارواح و عالم اجسام دیدیلر زیر اصور تک حکمی اشیاک علی حده وجودی و حقیقتک هر برینک باشقه باشقه شهودیدر پس بونده وجودات اشیاکی کنکره های حصار و شرفات قصره تشبیه واردر و حضرت هدای قدس سره نظمنده کلور * فنا اندر فنا بولدی وجودم ملکی سر تا سر * کورینور بریدن قالدی همان انجق حصار مدن * معلوم اولکه هر سالک عالم وحدته بر طریقه دخول ایتش و منزل شهوده باشقه بر بولدن کتمشدر کیمی خیال ظل دید کلری لعبه صورتندن و کیمی دخی قنادیل مشتعله جوامع و مساجددن و کیمی دخی طولاب آبدن و کیمی دخی سایه های کنکره هادن و کیمی دخی بحسب الاستعداد غیری صوردن فاعتبروا یا اولی الابصار فان کل صورة من صور الاکوان طریق الی وحده المملک الجبار و ان یشهدا الالعیون المنوره بالنور القدسی والبصار المکمله الانسی (لحرره) بولق استرسک قواشیاده مطلوبه ظفر * دیده جانیه شهود حقه ویر نور فر * والله العنايه

* کنکره ویران کنیدا ز منجیق *

* نارود فرق از میان این فریق *

* منجیق * قحله و کسرله معروف آلتدر که انکه طاش اترل عوام غلط ایدوب منجیق دیرلر من چه نیک لفضندن تعریب اولمشلدر اناما اچودنی معناسنه تفاسیرده کلور که نمرود علیه ما یستحق حضرت ابراهیم علیه

السلامی آتش القایتمک تدبیرن ایند کده کیفیت القایی کسه بلدی صکره
 سر ۴ مجوران اولان ابلیس تمیل ایدوب عمل منجینی تعلیم ایلدی انلردخی
 اضرام نار عظیمه دن صکره حضرت ابراهیمی سنک فلاخن کبی کفه
 منجینه وضع ایدوب آتش القایتدیلر پس منجینی ابتدا پیدا ایدن ابلیس
 علیه مایستحق در * فریق * و فرقه خلقدن منفرد اولان جماعتدین برافرق
 فصل و افراد معناسنه در بوراده فریقله مراد فریق کنکره در و جائزدر که
 این جماعت ناس و یا خود این جماعت اشیادیتمک اوله (معنای بیت)
 بودر که منجینی دیدگری آلت معهوده ابله کنکره بی ویران ایدیکز تنکیم
 قلعه و حصار محاصره لرنده ایدرلر تا که فریق کنکره اراسنده فریق
 و امتیاز کیده و تشخیص دادن حاصل اولان تعدد زائل اوله و انک زوالی سببیه
 سایه لردن حاصل اولان عدد دخی مضمحل اولوب نور شمس کاهو
 ظهور بوله و یا کنکره لک ویران لغندن اعتبار عدد زائل اولدینی کبی
 کنکره مثال اولان ابدان ناس و اجسام انواع و اجناسدن دخی زائل اوله
 زیرا ظلیت ماهیت امکانیه نک خارجه تحقندن حاصل اولشدر پس
 خارجه تحقیقی موهوم اعتبار اولیحق ظلیتی دخی موهوم اولوب اورتاده
 ماهیت حقیقیه دن غیری قلمز که ذوالظلدر انکیچون دیمشدر که
 الاعیان لم تنقل یعنی نقل اولنان ظل اعیاندر آینه ده منعکس اولان پیکر کبی
 پس آینه ایچنه رائینک صورتی منتقل اولور کنندی دکل الان علی ماکان
 علیه دین عارف دخی ذات واجبدن غیری جمیع اشیا حد ذاتده موجود
 اولدینغه نظر ایتشدر زیرا وجود ممکن غیردن مستفاددر پس اول غیردن
 قطع نظرانده وجودیوقدر رائیدن قطع نظر صورت مرئیه ده وجود
 اولدینی کبی وجود واجب تعالی ایسه ذاتنددر بلکه عین ذاتیدر
 و اولکه حدینده کلور (کان الله ولم یکن معه شیء) بونده حق تعالی دن
 غیری ایچون اثبات کون وارددر فاما بالغیر اولان کوندر بالذات اولان دکل
 بوتقدیردن فهم اولدیکه اشیانک عدم وجودی حقیقتدر یو خسه وجود
 امکانی وجود واجبی به کوره عدم منزله سنده در دیمک دکلدر که
 مجازدر بونده منجینی ابله مراد ضرب ذکر وقوت مجاهده در زیر مجاهده
 مشاهده اراث ایدر و مشاهده حاصل اولدیده اشیا کاینبی ادراک
 اولوب تفرقه زائل اولور و جمیعیت دل و کلیت معنی ظهور بواور (لحرزه)

حصار مدن بدندن غریبی جله خراب اولدی * کورنمز اولدی
 چشم سرمه عالم سراب اولدی *
 شرح ابن را کفتمی من از مری *
 لیک رسم نانغزد خاطری *

* مری * اصانه مرءدر مدله و زنیچون همزه نک ماقبلی اولان رانک
 قنجه سی کسریه تبدیل اولدیده همزه دخی بایه تبدیل اولشدر تنکیم
 بالاده امام لفظنده بعضی نظائری بیان اولمشدر مرء کلام غیراوزرینه
 اعتراض ایتکدر یا لفظا و یا معنی و یا قصدا اظهار خلل ایتکله لفظا و معنی
 اظهار خلل ایتک ظاهر در قصدا اولان بودر که معترض اولان کسه
 دیه که بو کلام کرچه حقدر و لکن سنک بوندن قصدک حق دکلدر بلکه
 سن یو خصوصده صاحب غرض سن پس بونک مرجعی اظهار فضل
 و عزت کبایت الله تر فعدرو بو کلام عوای کبریا درلر که صفت شیطانیه در
 تنکیم جدل صفت سبیه در زیرا اهل جدل اولان کسه نک مقصودی غیری
 الخفام و تعجیز قصد ایتکدر و کلامی قدح ایتکله تنقیص و آئی جهل
 و قصوره نسبتدر پس بونک مرجعی بمنزله قدر که مقتضای سبیه در بعددا
 از مری لفظی مابعدینه و بلکه آخره مرءوندر زیرا تقدیر کلام شرح
 این را کفتمی من لیک رسم تا که نانغزد خاطری از جهت مرء و جدل
 و ستیزه و عناد دیمکدر (معنای بیت) بودر که فحوائ مذکور که کثرتی
 اخفا و وحدتی اظهاردر بن بونک سرنی بوندن زیاده ایلردم و بمالامزید
 علیه غایت ابضا حله تقریر ایدوب سو بیلردم و لکن خوف ایلردم تا که
 قلوب سامعیندن برقلب و یا قلوب مخاطبین مرء و جدل و انکار یوزندن
 سورچیه زیرا اهل صورت و ظاهر بین اولنلرک قلبیری بو مقوله معانی
 حقیقیه بی ادراک ابله میوب (المرء لا یزال عدو الما جهل) و فقیحه انکاره
 دوشرلز و انکاره کفار حقیقتدن اولوب سوء خاتمه ابله کیدرلر تنکیم شیخ
 ابوسعید ابو الخیر قدس سره کلامنده کلور * ابدال زیم چنک در مصحف زد *
 یعنی تبدل و انقلاب دل شانلردن اولان اهل تلوین و عموم مؤمنین کلام
 حقیقت کوش اتسه لر ظاهر مصحفه تمسک ایدرلر و بز بوندن غیر بسن
 بلرزو کفردن خوف ایدرلر زیرا اهل تمکین و اصحاب ادراک متین
 دکلدر پس جزئی بهمانجه تلوینه دوشرلر و ایمان ضعیفلر دخی

الزندن و دل زندن دوش و درر الحاصل بومقوله لرا اطفال شر بعتدر که
رجال حقیقتک غدارى اولان علوم و معارف بونلری اهلک ایدرز برا
حوصله ل نه صغیر و زهر کبی کلور نتمک شرح صاوة ابن مشیش
اشناسنده بوفقیه (و یاده بوبیت تری دینلدى * قلم براژدها درایکی شق
انده ایکی سردر * مر کب زهر وارانک دهانی ایچره مضمر در * پس (کلوا
الناس علی قدر عقولهم) و فقیه هر طائفیه ادرا کلری مرتبه سی
القضاء سخن ایدوب حکیم الهی اولقی کر کدر بوسیدندز که
حضرت مولوی قدس سره تامل غرض خا طری دیدی اکر چه که
بعض اهل حال دن استغراق حالنده طور عقلدن خارج کلیات
عجیبه صادر اولمشدر و لکن صحو اهلی جمیع مراتبی رعایت ایدرز
انکیچون قرآنده کلور (وما ارسلناک الا رحمة للعالمین) یعنی انسان
کامل جمیع مراتبده خلقه رحمتدیر بوحسب باعث مقت و سبب بخط دکل

* نکته ها چون تیغ بود لاست تیز *

* کر نداری تو سپر واپس کر بز *

* نکته * شرح اولمشدر بومقوله مواضعه لطائف قلبیه و حقایق روحانیه
و دقائق سریه مراد اوانور که قلوب و ارواح و امرار اهل انوارده کار کر
و مؤثر و نافذ در * پولاد * دمرك خالص و خاصی و ابوسیدر تعریب
ایدوب فولاذ دیرل و فولاذدن مطبوع اولان سیفه سیف مقلو ذ دیرل
* واپس * اردو * کر بز * ظاهر اولان بودر که پس اصلنده وای تا کید ایدر
صکره ایکیسی بر کله حکمنده اولمشدر (معنای بیت) بودر که نکته های
اهل دل پولاددن مطبوع اولان تیغ تیز کبیدر شویله که حدقی ایله
ماضی و نافذ در اکر سن اول تیغه طیانور سپر مثال دل طومنز و عدم
استعداددن ناشی فهم سخن حقیقی ایتمز سک کرو و آردیکه قاچ و بونفک
مقابله سنده اوتورمه و بونکته مجلسنده مخاطب اولوب طور مه زیر
طماقت کنورمه یوب هلاک اولور سن و کندیکی عداد موتاده بواور سن
بونده اشارت وارد در که قاصر اولنله ارباب حقایق کابلری تنبع
و یاخود قبل السلوک قراءت ایتمک یوقدر زیرا مضرتی حددن ارتوقدر
مکر که زیاده قلب سلیم و طبع مستقیم اهلی اوله یعنی قوت عقل قدسی ایله
ادراک و احاطیه مجال بوله بوخود نادر دوش بوسیددن در که ارباب

دعاوی ایل سوزیله هلاک و خراب اولمشلر و غیر یلری دخی تقلید له
اهلاک و تخریب ایلمشلر در و حضرت شیخ صدر الدین قدس سره تفسیر
فاتحه ده بیورر که بونگایده جوامع حکم و لطائف کلدن نسبه لرایداع
اولمشدر که اندن مقصودی بر کسه استخلاص ایده من مکر کم اکابر محققین
سلسلکندن منتظم اوله پس مقصودی استخلاص ایتمک قدرتی اولمایچق
انک معدن و منبعته نیچه مطلع اولور هیجات و اولکه استخلاص و اطلاع دن
بی بهره در کر کدر که اومقوله ادوات علوم عالییه بی استصحاب ایتمیه و طریق
تفکره کتمیه زیرا نتیج دکلدر انکیچون بعض ارباب حقایق کفار ایدن
صوفیه محققینک تضلیل و اکفار لری قاصر عن الادراک اولنلری
تخذیر و تنفیه محمولدر اکر چه که بوفقیه قاتنده مستحسن دکلدر بلکه
مستحسن اولان کلمات کباره محمل صحیح تنبع ایتمک کر کدر زیرا کامل
یائنده هر حقیقت لباس شریعتیه کر مک ممکندر نتمک حضرت شیخ اکبر
قدس سره نک * انا القرآن والسمع المثانی * نظمده بعض ارباب قال تعرض
ایتد کده ارباب حال دن بری مقصود انا قاری القرآن دیمکدر رجل عدل
قیلنددر دیو دفع ایتمشدر مع هذا انا المتخلق بخلق القرآن دیمک
موجه در زیرا خلق رسول الله صلی الله علیه وسلم دن سؤال اولند قدده
(کان خلقه القرآن) دیو جواب ویر لدی پس مصحف قوی و مصحف
فعلی و مصحف وجودندر بلین کسه به قرآنک حقایقندن سو بلمک بوقدر
بلکه اهل تأویلی تأویل ایله مقابله ایتمک کر کدر نتمک دیمشدر در که (باب
التأویل مفتوح) فاما هر تأویل مقبول دکلدر بلکه عقل و نقله مطابق
کر کدر تا که کلام جرح و طعنندن سلامت بوله (لحرره) کل ای زاهد
کلام عاشقی انکار و جرح ایتمه * سنک سمتک دکلدر وادی
عشق اکا سن کتمه * بو طعنیه یا طاعون دردنه او غرر یوغ
اولور سن * دم کر مندن عشاقک طور یاخود سنی ستمه *

* پیش این الماس بی اسپرمیا *

* کر بریدن تیغ را نبود حیا *

* الماس * نوشادر صافی لونی اوزرینه بر نوع قاتی طاشدر سر ندیب
ولایتنده بر دره ده بواورلر دیمشدر که الماس برقاق صنف اولور معتبری
نباتی اولاندز حجر الماس سندان حداد اوزرینه وضع اولنوب مطرقه ایله

ضرب اولسه منکسر اولماز بلکه یاسندانه و یا مطرقیه غوص ایدر
اسرب که اجساد سبعة نك آخری اولان قورشون وفلائی در الماس انکله
ضرب اولسه منکسر اولور نتکم دیشلدر * دشمنک ضعفن کوروب طومه
قولای * کور که الماسه نلر ایشلرقلای * واکر الماس هزار قطعه منکسر
اولسه جمیع مقطعاتی مثلثه یعنی هر پاره سی اوج گوشه او اولور حکاکلر
حجر الماسدن بر قطعه طرف مشقبه قویوب اجار صلبه وجواهری انکله
دلر الماسی تکه دیدکری کچی که عرب تیس دیر الما قانی ایچنه قیوب
آتشه تقریب اینس لربوقدر صلابتیه اول ساعت ذوبان قبول ایدر
الماس سم قاتلدر اگر بر قیاطنی آدمه ایچورسه ل اهلک ایدر بوند تیغی
جلا و حدت وصلاتده الماسه تشبیه وارد ز رانفس الماسدن تیغ اولماز
نتکم بعض طرفا بچاغن اضاعت ایتد کسه وصفنده دیر * نه ایدی انده غی
او حسن و جلا * تیغ الماسیدی جان کویا * اسپر * همزه مکسوره بختلبه ایل
قلعاند اصلی سپردر * میا * اصلنده مه آدر آمدن لفظندن امر در کل
دیمکدر مبع علامت نهیدر تخفیف ایچون همزه بی یایه قلب ایدوب میا
دیشلدر در نظاری چوقدر * بریدن * ضم ایله قطع اینمکدر * حیا * اونا نمقدر
تفصیلی مرور ایتشددر (معنای بیت) بودر که جلا و صلابت و متانت
و تأثیرده حجر الماسه مشابه اولان نکات حقیقه او کینه سپر مثال اولان قلب
متین و فهم قوی و ادراک سزکله که قلیچک کسمکدن حباسی اولماز بلکه
تعلق ابتدیی محلی علی الفور قطع ایدر و ماضی و نافذ اولور نتکم دیرلر
(الوقت سیف قاطع) یعنی یمضی و بنفذ کالسیف القاطع بلامهله
وتراخ پس سیف صوری قطع صوریده مؤثر اولد یغی کبی سیف
معنوی دخی قطع معنویده کارکر اولور الحاصل انکله جسد و بونکله
دل تلف بولور بوند اشارت واردر که سالک راه حقیقت اولان بله
قبل حصول الاستعداد کلمات حقیقه مشایخی فهم و ادراکدن عاجز
و قاصر در انکیچون ارباب تربیه دن بری بر مریده اذاتم الفقر دیوب
امساک ایلدی صکره برسته مرورنده فهو الله دیدی ز را اول وقتنده
بوافاده اکاطمه دکل ایدی پس طریقتدن بالکلیه اجنبی اولان نیچه
ادراک ایلیه انکیچون اکثری کلمات عرفانییه انکارله ضلالتیه
دوشمشلدر ز را اقرار سبب هدایت و حسن خاتمه اولدیغی کبی انکار

دخی باعث ضلالت و سوء خاتمه در نمودن بالله من الانکار و صحبة الفجار
توار یخده مسطور در در که ملوک عثمانیه دن صاحب قوانین سلطان
سلیمان زمانده فصوص الحکم و کتاب محمدیه قرائت اولنقدن منع
اولندی تا که نیچه ل انکار و نیچه ل دخی سوء فهمله ضلالتیه دوشمیه ل
اگر چه که سلطان من بور معتقد اولیا و مقرر کرامات و مقصد علوم
و مقالات ارباب مقامات ایدی انکیچون مفتی چوی زاده حضرت شیخ
اکبر قدس سره الاطهری اکفار ایدوب رساله کفریه یاز دقده
سلطان مذکور بور باعی بی ارسال ایتشددر * عاشقه طعن ایلزدی
مفتی بیسار فن * کرفنون عشقندن بلسیدی بر مقدار فن * شیخ الاسلام
دین بر طهل ابجدخوان او اور * مکتب عشقنده اول یار ابدیچک اظهار فن *

* زین سبب من تیغ کردم در غلاف *

* تا که کثر خوانی نخواند برخلاف *

* غلاف * کتاب وزنی اوزره قاب در ظرف کبی پس قلیچ قینی و مصحف
کیسه سی و امثالی غلافده داخلدر نتکم شرحی مرور ایتشددر * کثر * کاف
عربینک فتحی وزای عجمیه اگری معنایسته که عرب معوج دیر * خلاف *
و اختلاف سبق ایتشددر (معنای بیت) بودر که بوسه بیدن یعنی مخاطب
اولنلر اکثری بی سه پر اولد قلیچ اجلندن تیغ الماس سخنی قین مثال اولان
سینه قودم و اسان و قلمه کتور میوب تقریر و تحریردن امساک ایلدم
تا که سقامت ذهن و عوج و فهمدن بر اگری اوقویچی و طوغروی
یای کبی قلیچی خلاف اوزر بنه اوقومیه و یکلش معنی و یروب صد ددن
چقمیه و بنای معرفتی دست انکارله یقمیه و کندی آتش طعنه دوشوب
یاندیغی کبی غیر بی دخی یقمیه اگر چه که دیشلدر * علی نحت المعانی
من معادنها * و ما علی اذالم تفهم البقر * یعنی فهم معنایه اقتداری اولمیان
بقر حکمنده در بونده کتم اسرار و اخفاء راز واجب اولدیغنه اشارت
واردر ز را افشاسی سبب اختلال و اظهاری موجب ضلال اولدیغندن
ماعددا قائلی دخی کشاکش ارباب انکاردن خلاص اولماز و نیچه اهل
عناددن قورتلماز نتکم اوائل کتابده حکایه کنیز کده بعض ایات مناسبه
مرور ایتشددر بعددا کثر خوانلق یا لفظی و یا معنایی تغیر و تحریفه
شاملدر معنایی تغیر یا سوء فهمدن و یا عناددن ناشیدر واقعی چوقدر

لفظی تبدیل دخی یا جهلیدن و یا بر غرضه دآرد در بونک دخی موارد
 کثیره سی وارد در تنکم حق تعالی حضرت عیسی علیه السلامه خطاب
 ایدوب بیورمش ایدیکه (والتک وانت نبی) یعنی بن سنی تولید ایددم و سن
 پیغمبر سن تر سال تشدید و لغظ نبینک بعض اعجامن تصحیف
 ایدوب والتک وانت بنی دیدیلر یعنی بن سنی طوغوردم و سن بنم او غلنجیم
 سن تعالی الله عما یقول الظالمون و قصه حضرت عثمان رضی الله عنه
 فاقنوا لکله سیکه قبول ایدیکردیم کدر فاقنوا و او قودیلر که قتل ایدیکردیم کدر
 ونظم فضواید کور * قلم اولسون الی اول کافر بد تحریرک * که فسادرقی
 سوزومزی شورایلر * کاه بر حرف قصور یله ایدر ناصری نار * کاه بر نقطه
 سقوط یله کوزی کورایلر * و بوفیکر نظمیده کور * قرالارین اول کاتبک کیم
 رسمی تغییر ایلدی * حظی حط و صفی صیق و قبری دخی قیر ایلدی * پزمرده یی
 بر مرده و بر فردی بر فرد ایلوب * سیری سیرتیری تبر بری یازوب یر ایلدی *

* آمدی اندر تمامی داستان *

* وزوفا دارایی جمع را داستان *

* داستان * و داستان حکایه در تمامی لفظی داستانها مضافدر ولیکن
 وزنچون همزه اضافت اشباع اولماز داستان صادقان دیمکدر بوراده
 تهمکه محمولدر (معنای بیت) بودر که کلدک حکایه وز بر نصاراک تمامه
 وز عملنجه جماعت صادقان یکن تر سالرک وفادار لقلرند ن گفتاره
 بونده مرتبه حقیقته اولان مکالمه دن بحسب الاقتضاء مرتبه شریعته
 اولان محادثه تنزله اشارت وارد اگر چه حکایه تک باطنی دخی حقیقت
 صرفه در تنکم ابتداء حکایه کنیز کده اشارت اولندی پس حقیقتندن
 خارج نسنه یوقدر تنکم حضرت قرآنده بطریق الحکایه احوال کفار
 مذکور در مع هذا جمله سی قرآندر و هر حرفی اوح محفوظه جبل قاف
 قدر در و هر حرفک تختده مالا یحصی معانی جلیله و اشارات خفیه
 وارد و کلمات ارباب حقایق دخی قرآنه ملحقدر زیراتفس بر مبین معانی
 قرآن اولغله قرآندن معدود اولیحق تأویل که مفسر حقایق قرآندر
 بطریق الاولی در بوندن فهم اولور که ادوات علومی ترتیده وضع
 حقیقی ملاحظه اولسه کتب شرایعک فوقنده وضع اولنه زیر قرآندن
 مقصود بالذات حقایقدر پس شرایع حقایقه تابعدر و تابعک مرتبه سی

متبوعک تختده در اگر چه که ایکسی دخی قرآنه متعلق اولغله معظم موقدر
 حتی غلاف یله ملا بسه حسبیه تعظیم اولور پس جامه و بدن عارف بالله دخی
 بو کافیا اولنه یعنی جامه عارف کیده مصحف و بدنی جلد مصحف و سینه سی
 عین مصحف کیدر الحاصل قرآن قوی نیچه توقیر اولور سه مصحف فعلی دخی
 توقیر اولور ولیکن عوام ناس بو معاندن غافل اولوب نظم قرآنه تعظیم و حقایق
 ایله متحقق اولان انسان کمالی تحقیر ایدر لر و وضعه کویا مصحفی قازوراته
 القایا خود تحقیرا اوزرینه قعود ایتمش اولور (لحرره) فنده با قسم کوزیمه
 سوره رحن کورینور * بلکه هر یرده بتون حضرت قرآن کورینور *
 عارف حقه صاقن امی دیمه ابسم اول * که آتک جشمه عالم قور برهان
 کورینور * کوزاودر کم اکا هر ذره اولوب چون خرشید * بر کوچک قطره ده
 دریای فراوان کورینور * کبر سه بر عاشق اگر رسم خیاطه مثلاً *
 قدر تنک ایدسه ده اکا او میدان کورینور * نظر قال قوالیده قالویدر اما *
 اهل حاله بو جسد ایچره خفی جان کورینور * کیده کیم وار بصیرت اکا
 یوق بعد مکان * کعبه اول کیمسه به درسم نوله هر آن کورینور * پرده یوقدر
 کوزینه حاصلی اهل عشقک * هر نیمه استرایسک حتی باق آسان کورینور *

* کز پس این پیشوا بر خاستند *

* بر مقامش نایبی می خواستند *

* پیشوا * مقتدا در ویا لکروا کله سی دخی پیشوا معنای سنه کور فاما پیشوا ده
 ظاهر اولان بودر که اصلنده پیش آوله پیش آینده معنای سنه که اولک کلیمی و مقدم
 ولیچیدرز را مقتدا اولور مقدم اوله کلمشدر در تنکم حدیثه کور (انما الامام جنه
 یقاتل من ورائه و یتقی به) یعنی امامه لا یقدر که حربه قدام جیشده اوله تاکه
 جیش انکله امتظها راید و قوتی ایله متفوی اوله لمتیز اولان کیمسه به ترس
 کی سائر خصوصه لیده اولان تقدم دخی بو کافیا اولنه * خاستند و خواستند
 و اوله رسم اولند قد طاب و الف ایله کتابت اولند قد قیام معنای سنه در که
 ترک اوری طور مق ایله تعبیر ایدر ولیکن کتب لغویه د الف ایله اولان فتحه ده
 و واوله اولان ضمه د میاز بلور الف و و او مقضاسیله بوارده ضمه فتحیه اما له ایله
 اوقه و فتحه ایله توازن اولمق ایچون فاعرف و بو مقولیه تجنیس لفظی در لر
 خطی دکل (معنای بیت) بودر که بو مقتدا که وز بر مرده در آنک هلا کنند
 صکره طائفه ترسا یعنی خدم و اتباع و اصاغر اولور قالقدیلر و طلبه شروع

ایدوب آنک مقامه بر نائب و قائم مقام طالب اولدی بلی تا که امر دین و دنیا سدی
و مهمال قالدیه و امور ناس عموما و خصوص اختلال پذیر اولیه نتکم بلو که کوره
عادت عسکری و مشایخه نسبت دأب درو بشاندر که سلطان متوفی برینه
طالب ظل الله و پادشاه معنی بدلی راغب خلافت اهل الله اولوب آنی
تخت زرینه و بوسجاده پشیمه اجلاس ایدرل و هر مس الهرامسه
حضرت ادریس علیه السلام بیورر که برکسته بر موضعده ساکن
اولسه که انده سلطان قاهر و قاضی عادل و طبیب عالم و سوق قائم و نهر
جاری اولسه اولکسه نفسی و اهلی و مالی و وادنی تضییع ابتدی
* بونده اشارت وارد که امور مهمه ده اجتماع و مشاوره و جنبش و طالب
و شروع لازمدر تا که مطلوب حصوله کله و رمز وارد که سر سلطان
رعایاده در انکیچون اجلاس انلره مفوضدر اگر چه که امور رعایادخی
سلطان انده در انکیچون بعد الجلوس امر و نهی ایدر فافهم جدا
بوسیدندر که فخر عالم صلی الله علیه و سلم مدار جمیع کالات و شفیع
جمله مقامات ایکن دعاء امت ایله مقام و سبله به نائل اولدی و انلر که
حرکات جزئییه سی بوزندن بشقه برکلیت دخی بولدی و بومعنی غیرت
الهییه بایندندر تا که تفصیل و اجمالده اولان کالاتی علی حده اظهار
و اسم اعظم ایله سائر اسماده اولان مراتبی ابراز ایلده زباهر کس اسم
مخصوص بوزندن حقه توجه ایدر و هر سالك طریق مفرددن حقه
طوغریلوب کیدر انکیچون هر مقامک حقنی اعطا و هر عهده عهده
ایفاکمل اولیا صفتیدر * بوجهندندر که سلطاندن احتشام ایتدکاری کبی ذره
ناجزدن دخی تهیب ایدر لر زبیرا شهود اهللی باینده ذره دخی جمیع موجوداتک
حامل اولدیغی معنایی حاملیدر (لحرره) برک بیده نظر ایت اچازدن *
باد جزئی ایله دیردیر تر * بوقر رضعفه کوره مورک * عاجز اوورالنده شیرن

* یک امیری زان امیران پیش رفت *

* پیش آن قوم وفاندیش رفت *

* پیش رفت * او که کندی یعنی تقدم ابتدی و ایلر و کلدی وفاندیش بانه که
ویا بحسب الزعم اولغه محمولدر (معنای بیت) بودر که طائفه ترسا
وزیر مرده برینه نائب و خلیفه طلبنده اولد قلرن حس و مشاهده ایتد که
اون ایکی امیردن بری تقدم ایدوب ایلر و کلدی و اواقوم وفاندیشک

بایسته واردی زبیرا طومارند، مندرج اولدیغی اوزره دعوی خلافت
ایله مأمور ایدی و الا طلب ریاست ایونسته دکلدنرتکم حدیثده کلور
(انکم سحر صون علی الامارة و انهما ستکون ندامة يوم القيمة) وینه
بر حدیثده کلور (من ابتغی القضاء و شال و کل الی نفسه و من اکره
علیه انزل الله ملکاً یسده) ای بحمله علی السداد و الصواب محکیدر که
امام اعظم رجه الله علیه ابن هبیره تقلید قضا ایچون دعوت ایلدی
امام ابوا و امتناع ایتد که امامی حبس و بهر یوم ضرب ابتدی امامینه
قضایی قبول ایچوب آخر محبوسده و داع عالم فانی قلدی نتکم دیمشدر
* بوحنیفه قضا انکر دویمرد * تویمیری اگر قضا انکفی * بونده قوای جسمانییه
اشارت و مقتضای اوزره حرکته دلالت وارددر نتکم بالاده تعیین
و تخصیص و شرح اولمشدر و بونده رمز وارد که بعض سلاک کور اولوب
شبطان القاسنی الهام ربانی صاورل و نفسانی اولان معنایی روحانی
قیاس ایدرل و غلطه دوشوب ضال و مضل اولورلر امام اولق دعوا سنده
مصر اولان امر ایکی تزییه وارد که قوای طبیعیه و نفسانییه حرکتدن
غافل اولماق کر کدر زبیرا اعتنا سر اعتدالسن بیرون اولوب بری برینه غلبه ایله
نظام ظاهری وجود مختل و مشوش اولدیغی کبی قوی دخی سمت موافقندن
رو کردان اولوب هر بری بر مقتضای ایل حرکت ایتد که بطن وجود
دخی خراب و معطل اولور زبیرا اقلیمده ایکی پادشاه اولماز و ایکی پادشاه
ایله امور رعایا و بریا قوام بولماز (لحرره) نفس بدکاره مطیع اولمه صاقن * مرد
معنی اولان دیرسن اگر * زنه تسلیم اولان نامردک * ریشنه اعتباری وارمکر

* گفت اینک نائب آن مرد من *

* نائب عیسی منم اندر ز من *

* ز من * قحمتین ایله و زمان النفا ایله سحاب و زنی اوزره وقت آزینه و چوغنه
اطلاق اولنوراسملدر رجه لری از مان و ازمنه و از من کلور نتکم بالاده
شرح اولمشدر (معنای بیت) بودر که اول ایلر و کلن امیر جله حضورنده
خطاب ایدوب دیکه اشته اول مرد مرده نک نائی و بلکه حالی زمانده
نائب و خلیفه عیسی بنم پس بو کلامده دعواده ترقی وارددر زبیرا مرد
معهودک نائی اولمقدن حضرت عیسی علیه السلامک نائی اولمقدن فضل
و شرف زیاده در نتکم بالاده بو کلامه قریب مرور ایشدر و بوزقیده

ترساری قبوله حث و تحریر و در نیکم عیسی بنی اسم علی ایله تخصیص
اکافینه در ووز بر مرده دن مر دایله تعیر ایلدی زیر انزد تر سادده مبلغ
رجاله بالغ اولمش و پایه کالده درجه علیا بواش ایدیکه شوبله که مر دحق بقی
ایدی مرد اعتباری دکل و اینک دید یکی امر خلافت کندویه مقرر
اولدیغی امر بدیهی اولغله آتی مبصرات منزله سنه تنزله بناءدر و جائز
در که بیت لاحق ناطق اولدیغی طومارده محسوس اعتباریله اوله
پس بیت لاحق بیت مذکوری تفسیر و بیان واقع اولمش اولور و بولکلامده
قطع و جزم کوستردی زیر اخلافی اولان تردد و اضطراب منافی مطلوب در
وزن لفظ نیدن فهم اولنور که هر زمانه مخصوص اهل ولایت و ریاست
وارد در که زمان و اهل زمان انلک وجودیله تجدد و تریه سیله نامی
و متربی اولور و بوامت اراستنده اقطاب چوقدر زیر اهر عصرده اکامل
امتن بر قطب ظهور ایدر که اکاغوث اعظم دیرل و حقه خلوت کامله
و انفراد بوغوثه مخصوص صدر پس فتن بوغوث هی کل منورنی مفارقت
اتسه الله تعالی انک برینه خلیفه اولان شخص آخرله منفرد اولور و بر زمانده
ایکی شخص له منفرد اولق یوقدر انکیچون هر عصرده ایکی صادق
مصطحب اولماز بلکه بر صادق و بر صدیق مصطحب اوور بوسیدندر که
رسول الله صلی الله علیه وسلم بر خدمته ایکی کشتی بعث ایلده احد همامی
آخر اوزرینه امیر نصب ایدردی پس ایکی شخصک ایکیسی دخی ادعا
کمال اتسلرارالنده ابدی صفاء مودت اولماز و ام ماضیه ده اقطاب مکملین
قلیدر که یکرمی بش عدددر قاما انبیا کثیردر که یوز یکرمی بیسکدن
متجاوز در نیکم بوامتده هر عصرده اولیاء عدد انبیا قدردر بوامتک کمالی
ولایت ایلده در نبوتله دکلدر بلکه ولایت نبوت مقامنه قائم در و الا ختم نبوت
حاصل اولردی الحاصل شرف نبوی علیه السلام امتک ولایتیله در قاما
بوسر عمیق ادراک ایده مینلر بطریق الجهل ناسزا سوبلرلر حقیقت عرفاندن
جام سرشانورش اتممشلردر بلکه سکرلری مجرد رایحه میخانه دندر
(لحرره) ایچمینلر بوجرعه پاکی * عین انکور صانورلر تکی * عشق
میخانه سنه دوش ایرکن * ایچه سن سنده اوز که می تکی * بعد ذابو عالمک بعضی
بعض اوزرینه تسلیطک سبی اسماء آلهیه ده اولان تضاددر زیر اهر بری
ولایت و ظهور و تنفیذ احکام استر پس اسمادن کننینه مشارک اولان ابله

استعانت ایدر بوجهتدن خلق دخی صور اسما اوزرینه خارج اولمشدر که
کیمی معان و کیمی معین در انکیچون الله تعالی برو تقوی اوزرینه تعاون ایله
امر ایلدی حتی مفسطور علیه اولدقلمی معنی امر آلهی به مقارنت
سبیلله عبادت اوله زیر مجرد مجبول علیه اولدیغی تعاونی اجرا ایتک عبادت
دکلدر بلکه عبادت امر آلهی ایله اولاندر و حقیقت آخری که تعاون
علی الاثم والعدواندر اندن نهی ایلدی تا که آتی تعطیل ایدلر
و برنسنه ده استعانت الایمه ل (سؤال اولنور سه که بوتقریردن
فهم اولنور که ایام فترتده کلن بعض متألهیه نک عبادت لری
صحتدن بیرون اوله زیر اول ایامده شریعت منقرض ابدی و شریعت
مفقود اولیجق امر آلهی دخی مفقود اولور (جواب بودر که اومقوله لک
عبادت لری اصول شریعه کوره صحیحدر زیر اصول شریع بر زمانده
متغیر اولماز انکیچون مشرک شرکریله مؤاخذه اولنور زیر اهر
بر شریعت و ملتده شرکه رخصت و برلمشدر و عقل سلیم دخی قبول
ایتمز زیر اشد و اهد محسوسه خلافته برهاندر پس قبحی مبرهن اولان
نسنه بی ارتکاب ایتمه نک معناسی اولماز و قرآن دکلور (لحکم بین الناس
بما اراک الله) یعنی و حیلله حکم ایدلر سن یوخسه رأیله دکل زیر عائشه
و حفصه رضی الله عنهما قضیه سنده بین ایله کندی نفسی اوزرینه
مار به بی تحریم ایتد کده عتاب آلهی وارد اولوب (یا ایها النبی لم تحرم
ما احل الله لک) بیوردی پس اگر کار دین رأیله بتر اولسه رأی ایله
عمل ایتد که رسول الله صلی الله علیه وسلم غیریدن اولی اولوردی و قرآنی
هر کس کندی رأی ایله تفسیر ایتک کفر اولدی پس نفس برنقله
منوط و نقل دخی و حیه مر بوطدر و وحیده اولان حکم و مصالحی
شارع اعظم بیلور فقط مکر الهامله معل من عند الله اولان اولیایه
معلوم اوله نیکم حکیم ترمدی قدس سره نک علل الاحکام نام کتاب
جلیلی دایل و روشندر (لحرره) ره جانی یوری پاک ایله کسون
خاروخساندن * روان اولسون روانه فیض حکمت صکره پس اندن *

اینک این طومار برهان منست *

کین نیابت بعد از و آن منست *

* برهان * شرح اولمشدر * آن منست * آن من بنمدر آن آن انکدر

(معنای بیت) بود که اشته بود صحیفه که المده در صدق دعوا مه حجت
و دلیدر که بونیابت و خلافت اندن صکره بخدر بونده نیابت و خلافت
وز بر مرده دن اولغه و حضرت عیسی دن اولغه مختلدر نیکم سبق ایتدی
ولکن مقصود وز بر معهود دن صکره خلافت و امامت عیسی دیمکدر
بوندن فهم اولور که کلیت خلافت شخص واحد منحصردر نیکم بیت
سابق شرحنده تقریر اولندی اگر چه نواب جهتندن متکثردر نیکم
سلاطین و ملوکده و انلرک جانبدندن منشور ایله ایالت ضبط ایدلره مشاهددر
سلطان مصر و امیرالامراء شام و روم ایلی و امشالی کبی که جمله سی سلطان
واحد حکومتده داخلدر حتی امامت شریف مکده دخی بویله درا کر چه که
(الائمة من قریش) و فقیه شریف مکده اصلدر ولکن قوت قاهره سلطان
رومه مخصوص صدرزیرا شریف مکده ذات احدیه به و سلطان روم ذات
واحدیه به اشارتدر ذاتک قوتی ایسه صفاتله در نیکم قرآنده کلور (هو الذی
ایدک بنصره و بالؤمنین) بوندن من وجه انصارک مهاجرین اوزره فضلی
ظاهر اولدی و خلفاء از باب ارشاد دخی بوکا قیاس اولنه پس بر ایالنده
ایکی امیرالامراء اولد بخی کبی بر موضعه دخی بر سلطان معنی نک ایکی
خلیفه سی اولماز زیرا رجسده ایکی روح اولق محالدر خلیفه ایسه
روح کبیر ز بر انکله خلیفه حیات حقیقه حاصل اولور پس بو معنایه
روح الحیوة و روح القدس دیر که بشریت و ملکیتی مستحکم و بعض افراد
اولیایه معرفه زانده و بر یلور حضرت علی **کرم الله وجهه**
و حضرت شیخ محی الدین قدس سره و حضرت صدرالدین قدس سره
و غیر یلر کبی ولکن بویله ایکن ینه انبیا دن دکلدر مکر نبوت تحقیقه ایله
اوله نیکم شرحی کنرا ایتدی و انبیا دن افضل دخی اولماز زیرا درجه نبوت
درجه ولایتک فوقنده در و بر نسنه من وجه فاضل اولق وجه آخرله
مفضول اولغی منافی دکلدر جمیع کائنات بوسرا و زینه دائردر ولکن
اعتبار کلیه در قال تعالی (تلاک الرسل فضلنا بعضهم علی بعض) بوراده
رسوله و ربه رسل دخی داخلدر اگر چه بری عبارت و بری اشارت
طریقله در و سائر مظانی دخی بویله در آمن الرسول و ما ارسلناک
انا اعطیناک و امشالی کبی و بوندن فهم اولور که خلافت دعوی ایله اولماز
بلکه نصب و تعیین ایله اولور پس بر ولینک نفس نفیسی کنندن صکره
خلافتک اتصاله کیمه و اصل اولدی ایسه خلافت عظمی کا نصیب اولمشدر

سائر خلفا کا تابعدر و اولکه بعض از باب نقصان و بلکه طریقتدن بالکلیه
بی بهره اولنر تعیین و تنصیب ایدر لر معتبر دکلدر بزم کلامن خلافت اهل اولان
انسان کا ملده و خلیفه سنده در (لحرره) باغده کر چه سیره لر چوقدر * هر بری
لیک شکوفه اولماز * کل کبی ظاهر اولسه بوی * باشلر اوستنده کسه بر بولماز *
* آن امیر دیگر آمد از کین *
* دعوی اودر خلافت بد همین *

* کین * پوصودر که انده استخفا ایدر لر مکین دخی دیر لر ولکن کین
فی الحقیقه مکون یعنی پنهان اولان قومدر پس مراد کین کا هدر پوصو
بر بدر * همین * رقاچ معنایه کلور بوراده انجیلین دیمکدر یعنی امرادن مدعی
اول کبی (معنای بیت) بودر که اول بر غیر بری امیر دخی پوصو برندن چقار
کبی کلوب انک دخی دعواسی او بری کبی خلافتده اولدی یعنی امیر اول
کبی اول دخی دعوی خلافت ایلدی بعد ذا بوراده کین عبارتتی زیاده
مخلنده واقع اولمشدر زرا کین اکثر اهل حربه کوره مستعملدر امر انک
دخی احوالی معارضه بالکلام و الحروب دن مقارعه بالرماح و السیوفه
منجر اولغله کویا هر بری آخری منع و دفع ایچون کین کا هده طور ردی که
وقتده ظهور و خروج ایلدی بوندن فهم اولور که بونلردن هیچ بری سنک
دعواسی حق دکل ایلدی اگر چه بحسب الظاهر برهانه منضم ایلدی زرا
براهین متناقضه اولیحق تساقط ایدر خصوصاً که منازعه و محاربه
وجود نفسدن ناشی و بقیه وجوددن فاشیدر فاما اصحابک خلافتی تعیین
خصوصنده اول امر دن اختلافی و بعضیلرینک سبکوتی بو بادن
دکلدر زرا مال و غایتده اتفاق وارددر پس اختلاف تحریری و احتیاطه
محمولدر و اولکه امام علی رضی الله عنه ایله معاویه و امام حسین رضی الله
عنه ایله بزید میاننده واقع اولمشدر اولدخی بوقبیلدن دکلدر زرا
خلافت منصوبه نک مدتی اوتوز سنه در پس امام علی و حسین
رضی الله عنهم حضراتنک خلافتلری حقدر زیرا انسان نبوتدن اشارت
ترتیب وارددر و بونلر نسباً و کلاً درجه نبوته اقرب اولمالر یله دعوی
خلافت و معارضه و مقارعه لری احقاق حق ایچوندر پس معاویه
و بزیدک خلافتلری مدت مذکورده دن متأخردر انکیچون ملک
عضوض مقوله سیدر الحاصل هر اختلاف بر دکلدر انکیچون

حیدر کاور (اختلاف الاثمة رحمة) پس ائمة حقن ماعداسنك
حالی اختلاف دگلدر بلکه خلاف در خلاف و اختلاف فرقی بالاده
کذرا بشدر (لحرره) کرسوزمده واریسه ذره خلاف * ایدیکز
تغله بنی اتلاف * اولسه اصل صحیحی سنخك * اولدی بالاتفاق قوری لاف *

* از بغل اونیر طوماری نمود *

* تار آمد هر دورا خشم جهود *

* بغل * قحین ایله فارسیدر قولتوق معناسنه که عرب ابض دیر فاماغین
معجه نك سكونيله اولان بغل عربیدر قاتر معناسنه جمعی بغال کاور عجم
استدیر اگر چه بو بغل دخی لسان ماء ... * برآمد
یوقاری گلدی یعنی ظاهر اولدی * خشم * قحله غضبدر جهوده اضافت
ایلدی زیرا غضب یهود اسرع واشد و مرء جدالری غیر ی
ملت اردن اقوی واکددر انکیچون مغضوب علیه اولدی لرتکم قرآند
مواقع کثیره ده واقع اولمشدر جزا ایسه عمل جنسنددر
و برنسنه نك آخره زیاده اختصاصی اولسه اکا اضافت ونسبت اولور
عمر نوح و صبر ایوب و آواز داود و حکمت لقمان و عصای موسی
وسیاحت عیسی و خلق محمد صلوات الله علیه وعلیهم و عقل ارسطو
و طب جالینوس و رصد بطلمیوس و نارنرود و برق یمانی و عقیق یمین
و لعل بدخشان و عود قماری و عدل انوشروان و مال قارون و خط
یا قوت و نقش مانی و قلم بهزاد و شطرنج لجاج و سخای خاتم و اوایاء
بغداد و شوکت عثمانیان و امثالی کبی (معنای بیت) بودر که اولدخی
قولتوغنددر بر صحیفه و دفتر کوسردی تاهر ایکی سنك داند و کو زنده
خشم جهود و اثر غضب شدید ظاهر اولدی و دم جگر غلیان ایلیوب
طشقی حدن بولدی بوندن ظاهر اولو که هرا نظام وفاقدن و هرا اختلاف
شفاقدن ناشیدر و طوماری قولتوغنددر اظهار اندی دید یکنده تهکم
و تحقیر وارددر زیر قویندن و یار کيس نفیس ایچندن اخراج اتمك
کبی دگلدر و هجویات نفی ده کاور که * برخری وار که کنیدین اعلم *
قولتوغنده مطولی کورینور * مثبت در که زمان اولده کتب عقلیه بی
طومار وار طولانی کتابت ایدوب استیلری ایچنده اخفا ایدرلر و وقت
حاجتده قولتقلری طرفندن چقارلر مش خصوصاً بعض علومك

تعلی بساغ اولاب اوقانده و لکن چه فائده بلکه خلق عالم (لومنع
الناس من فت البعرة لفتوها) مصداقجه ممنوع و منهی اولدقلری
نسنه بی اشلمکه حر یصلدر بوسیدن اهانت قصد اولنوب اوراق منطق
ایله استنجایی تجو زایتش لدر ز را توغلنده فائده یوق و او مقوله
چ کاب فلاسفیه دخولده تلوث وجود و مضرت دل پک چوقدر پس
عاقله کر کدر که علوم نافعه دن قطع و زیری و مکی انخا ذایدوب
مطالعیه مشغول اوله (لحرره) * جو یبار فیضدن کلسه اگر برنم سکا *

* فی الحقیقه موج اورردی هر نمی چونیم سکا

* آن امیران دکر یک یک قطار *

* بر کشیده تیغهای آبدار *

* قطار * کسرله قطار ایل و بغل و فرس و امثالی یقال قطار الابل
قطرا و قطر ها و اقطرها قرب بعضهائی بعض علی نسق و جاءت الابل
قطارا بالکسرای مقطوره کما فی القاموس و مفرداته کاور که قطر
ضممه جانب معناسنه در القتیبه علی قطره دیمک جانبی اوزرینه انی
القایتدم دیمکدر و تقطر دیمک جانبی اوزرینه واقع اولدی دیمکدر بوندن
اخذ ایدوب قطر المطر دیرل سقط معناسنه انکیچون قطره تسمیه
اولدی و تقاطر القوم جاؤا ارسالا کالقطر و منه قطار الابل بوندن فهم
اولنور که قطارك اصلنده ایله اختصاصی وارددر صکره غیر یده دخی
استعمل اولدی * آبدار * صولو و هر نسنه که تروانه و صافی و رونقلی
اوله انك و صفنده استعمال اولنور بوسیدن صولی میوه یه و املیسی
اناره و راق و رونقلی قلیجه آبدار دیرلر و شعر باقیده کاور * آبدار اولسه
نوله میوه شعر باقی * اورمدی کسه بویاغ ایچره دخی بویله قلم (معنای
بیت) بودر که اول غیر ی امیرلر دخی برر قطار کبی تنظیم و متسق
قینلرندن آبدار و قاطع قلیچلری چکمش ایدی یعنی هر بری بری
ارد نیجه محاربه خصم و مقاتله مخالف ایچون تیغ تیز و سیف صمصام
چکدی زیرا آخرک دعواسن ساخته و تزویر قباس اندی و اعتماد
کلدیکی صورتده دخی مصر اولدی و قطار وار کما کدن مقصود
دفع لفظ و غلطدر انکیچون دیوان ملوکده هر کسک دعواسن علی
حدده انتماع ایدرلر و غیرک صیت و صداسنی کسرلر زرا سبب

تشویشدر انکیچون امام اعظم رجه الله بیور مشدر که امامک قرائتی
 کافیدرز برا اگر شافعی مذهبنده کی کی جاعتک هر بر یسی قراءت
 ابلسه نیکم مصرده جامع ازهرده وسائر بلادعربده مشاهددر تشویش
 حاصل اولور ومغلطه چوغا اور بوندن فہم اولور کہ تسبیح غمازنده
 دخی جاعت اولسدر نرم و جزین او قومق کر کردر تا کہ بری بر لر نہ
 تشویش و یرمیدر انکیچون حضرات اصحاب رضی الله عنہم حرم
 نبوی ده احیای لیل ابتد کلرندہ آری آوارینہ مشابہ وجہله او قورل
 واعتدال کوزلرلو کسبہ مزاجہ کوسترمز لردی (لحررہ) قچن
 ہم مجلس ارباب دل اولسک نرم سويلہ * کہ زیر احضرت قرآن دیر لا
 ترفعوا اصواتا * نہ حاجت شدت جہر یلہ کستنا خانہ وضع ایتک *
 کہ اصل کوش اشیدر کردکلسہ کرویا موتی * وتیخی آبدار لقلہ
 وصف ایلدی دعوانک برہانلہ قوتنہ نظیر اولسون ایچون وطومارہ
 مقارن قلدی حجت وبرہانہ سیف وسنتی ضم ایچون بس اولکبسی
 جہاد اکبر وایکبسی جہاد اصغر قبیلنددر انکیچون حدیثہ کلور
 (افضل الجہاد کلمۃ عدل عند سلطان جائز) زیرا تلف نفس
 محار بہ سیفہ محتمل ومکالمۃ سلطاندہ غالبدر پس افضل جہاد اولمش
 اولور کہ جہاد اکبردر وتیغ کشیدہ اولقدہ بخویف ناس واردر کہ
 مطلوبہ معیندر وقوای وجودک تیغ کش اولدیغی اظهار جلادت
 وصلابتدر خصوصاً اعضاء ظاہرہ دہ لسان قلیچدن حدیددر انکیچون
 نظم مرتضادہ کلور * جراحات السنان لہا التیام * ولا یلتام ما جرح اللسان
 * ہر یکی راتیغ وظوماری بدست *
 * درہم افتادند چون پیلان مست *

* درہم افتادند * بری برینہ دوشد یلر یعنی خصومت ایلد یلر نیکم
 خواجہ حافظ نظمندہ کلور * بس تجربہ کردیم در بن دیر مکافات *
 بادر دکشان ہر کہ در افتاد بر افتاد * پیل * فیل دیدکری حیواندر کہ
 ہند ستاندہ اولور تفصیلی مرور ایتشددر * پیل مست دیرل شیر زبان
 وشیر شرزہ دیدکری کی زیر مستان کی جنک وعربدہ سی غابدر
 اگرچہ کہ عجب صفتی دخی واردر زیرا عظم جثہ عجبی مستلزم در
 ومسموعدر کہ ملوک عثمانیہ فیلہ خردخی ایچور لر پس جائز در کہ

خرک اندہ نوعاً تأثیری اولہ محکمہ بدر کہ برکون امام مالک رجه الله
 مجلسندہ علم وحدیث اخذ اولور کن بر قائل کلوب قدحضر الفیل دیدی
 جمیع حضار مجلس متفرق اولدیلر یحیای اندلسی قادی فقط امام
 مالک اکا متوجہ اولوب نیچون سندخی سیروتماشای فیل ایچون بیرون
 اولدک زبرا انداس ولایتندہ فیل یوقدر دیو خطاب ایتدکدہ اولدخی
 بن دیارمدن سنک علمکہ نظر وهدا کدن اخذ وتعلم ایچون کلدیم یوخسہ
 فیلہ نظر ایچون کلدیم دیدی امام مالک کہ بواد از یادہ خوش کلوب
 اکاعاقل اہل اندلس دیو تسمیہ ایلدی (لحررہ) نکہ یارر افندی
 سیرجہان * سکایتز می تماشای مہان * کیکہ یاری قویوب اغیارہ
 بقہ * اولہ عشاق ایچندہ خوار ومہان (معنای بیت) بودر کہ
 ہر برامبرک الندہ بر طومارو بر قلیچ اولدیغی حالہ پیلان صولت صفت
 وعربدہ جوی وغضوب کی بری برلرینہ دوشد یلر وخصومت
 ومحار بہ قلدیلر بوندہ مخاصمہ دن نہیہ رمز واردر * زیرا خصومتک
 مالی محار بہ در انکیچون داعی حق اولان کسہ خصوص دعوتدہ
 مدعولہ مخاصمہ ومجادلہ ایتیموب حکمت وموعظۃ حسنہ ایلہ دعوت
 ایتک کر کردر * ودیمش لردر کہ سن موسی و ہرون علیہما السلام دن افضل
 اولدیغک کی سنک خصمک دخی فرعون و ہاماندن اشدد کلدر حق تعالی
 ایسہ بو ایکبسی دعوتدہ قول لین ایلہ امر ایلدی نیکم قرآنہ کلور
 (فقولالہ قولالینا) وطائفۃ مذکورہ بی فیلہ تشبیہ ایلدی زیرا صفات فیل
 انلردہ غالب ایدی نیکم اشارت اولندی * وبوندہ جثہ لر بیک عظمتہ
 دخی رمز واردر ام ماضیدہ نقل اولدیغی کی وعظم جثہ نک بعض
 مواددہ فائدہ سی واردر نیکم قراندہ کلور (وزادہ بسطۃ فی العلم
 والجسم) یعنی الله تعالی طاوتہ عظم جثہ وطول قامت و یردی و بعض
 علماء جسمدہ زیادہ لکدن مر اجمال و بعضیلر دخی قوتدر دیدیلر * زیرا
 عظم جثہ دن مقصود قوآندر پس نیچہ صغیر الجثہ واردر کہ کبر الجثہ
 ایلہ قوتدہ برابر ویانندن اقویدر شیردہ مشاہدہ اولندیغی کی انکیچون
 سلطان السباع درو بعض انبیاء علیہم السلام قصیر القامہ ایدی داود
 علیہ السلام کی نیکم مشایخ مولویہ دن نشاطی وصفندہ دیر * دخی
 حکمتلہ ایدوب اکا نکہ * قدن ایتشدی خدایم کوتاہ * نخل برہیوہ

ایدی اول قامت * تا که هر برال ایره بی زحمت * ایلین قدنی کوتاه
نما * قدرن ایتشدی بلند و والا * وکان عبدالله بن مسعود رضی الله عنه
فصیرا جدا طوله نحو ذراع خفیف اللحم کما فی انسان العیون و بونده تضاد
اسمایه اشارت و اردر انکی چون خلق ارا سنده تضاد و تخالف اکسک
اولماز حتی صوفیه حقیقه میانده بله حقیقت مصالحه یو قدر مکر تکمیلدن
صکره اوله * نتمک مشایخ کباردن رویم قدس سره (لایزال الصوفیه
بخیر ماتنافرو فاذا اصطلموا هلكوا) و لکن بوتباغض ممد و خدر زرا
حقله انسه حاملدر * بودخی موطن دنیایه کوره زرا آخرتده
مضافندن غیری یو قدر یهود و نصاری و سائر ملل مختلفه ایسه بری
برلندن تبری ایدر زرا دنیا ده بطلان اوزرینه متفق ایدیلر

* صد هزاران مرد ترساکشته شد *

* تاز سرهای بریده پشته شد *

* ترسا * نصرانیدر * پشته * دپه جک یوکسک یو یغین (معنای بیت)
بودر که اول محار به ده نیجه یوز بیک یعنی بسیار و بیشمار مرد نصرانی
قتال اولندی شویله که قطع اولتان باشلردن دپه اولدی نتمک حالا
عادات ملوکنددر که محار به ده هر قنغیسی غالب او اورسد مغلوبک سرلندن
پشتهل ایدرلر (محرره) چند اعدایه صالوب شمشیری * کیمکه مرده
بو کون کله کسر * جمع ایدوب بر مکانه کله لری * نجب ایلر یسه پشته سر
* بوندن فهم اولنور که امراء مذکور نک هر بری طرفنده بسیار
خلق بولنوب تحت اللوا سنده مجتمع واکانصیر و معین اولدی نتمک مقدا
امارتلری و هر برینک بر طائفیه ریاستلری اکاد اندر و آفاقده غالب
و مغلوب اولدیغی کبی انفسده دخی قوای وجود ارا سنده جاریدر
وحکم غالبدر نتمک مشهوردر و انسانده جمیع صفات حیوانیه موجود
ولکن هر فردده بری غالبدر که انکله اول صفت صاحبی اولان حیوان
صورتن بواور مثلا فاره و غله ده حرص و عصفورده شهوت و فهد
واسدده غضب و مزده کبر و کلبده بخل و خنزیرده شره و وحیده حقد
غالبدر صفات حمیده دخی بوکا قیاس اولنه اسدده شجاعت و دیکده
سخاوت و بومده قناعت و جلده حلم و هره ده تواضع و کلبده
و فاو غرابده بکور و بازیده همت کبی و بونده اشارت وارددر که حب ریاست

صفات ذمییه دندر زیر سودای ریاستله ترسار بری برینک سوادن
حک اتندی و کله سن نقطه وار صحیفه میدان معر که ده وضع ایلدی
وصفت مذکورده نفس اماره ده غالب اولسه قوای وجود دخی اختلال
پذیر اولور اگر سکین مجاهده ایله بقره نفس مذبوح اوله و سلطان روح
حکمند ه استقلال بوله و پشته سردن مراد افکار کثیره در که
سرده مجتمع اولور پس چاره سی تفریق در سردر خنده اولان عصافیری
سنک و جو بله اطاره و پریشان ایتک کبی (محرره) بونکته حقد
ایلر سنک اذعان * قومه مجنون کبی باشکده مرغان *

* خون روان شد همچو سیل از چب و راست *

* کوه کوه اندر هوا زین کرد خواست *

* سیل * فتحله اصلنده مصدر در صکره اسم قندی شول ماء غالب
ایچونکه سکا کله حال بو که مطری سکا اصابت ایتمش اوله * هوا *
الف ایله رسم اولتان هوا عناصر ار بعه دندر و اخوان الصفا ده هوایی
تعریف ایدوب دیمشدر که جسم لطیف خفیف سیال شفاف سریع
الحركة الى الجهات الست فوق و تحت و شرق و غرب و جنوب و شمال
(معنی بیت) بودر که قان جاری اولدی سیل کبی صولدن و صاعدن
بوسیدن یعنی محار به عظیمه و مقاتله شدیدیه جهتیله اثره نفع اولمغله
هوایه طاغ کبی اقدام رجال و افرا سندن چوق توز قانقدی بعدا
جریان دمه باعث اولان کرچه مقاتله ایدی و لکن حرب اوزارنی
هنوز وضع ایتمک حسبیه جریان دمی سطوع غبار اوزرینه تقدیم
ایلدی بوراده خونله مراد شهوات و سیل ایله مقصود کدورات
و غباردن مراد حجب کونیه متکافیه در که قوای جسمانیه نک صفتیدر
چب و راست دیدیکی شهواتک جوانب وجودی احاطه سیدرا کرچه که
شهوت اصلنده انسانک صول طرفنده در زرا آدم علیه السلام
ضلع ایسری اخراج اولنوب حوا علیها السلام خلق اولندقد ه ضلع
مذکورک برینه شهوت وضع اولندی اندن مقدم آدمده شهوت
یوغیدی بوسیدن بیدار اولدقد ه هوایه میل ایلدی و لکن جسته
و قاع اولمشدر نتمک بعض اخبار دلالت ایدر اگرچه قایلدن (نحن
من اولاد الجنة) دیو خبر ضعیف روایت ایدر لوجه ضعیف بودر که

جسته نطفه اولاد ز را قانور اندر بلکه نطفه بدل مسکه بکزر
رایحه طیبه اولور پس او مقوله رایحه طیبه جنبانیه دن قایل خبیث
کی بدکار تو لایمک بعید در ز را جنت موضع جلال دکلر بلکه
محل جالدر و بعض عارفین بیور مشلدر که شیطانیه یمین اوزرینه تسلطه
سبیل یوقدر فاما اولکه قرآنده (وعن ابی نهم وعن شمائلهم) دیو جهت
یمیندن دخی اتیانن اخبار اولندی اندن مقصود یمین جارحه دکلر
ز برایشیطانک محل القاسی قلبدر جوارح دکلر قلب ایسه جانب
شماله مائلدر ولیکن قلبدن جمیع جوانیه متعلق افعال قبیحه ظهور ایدر
فافهم جدا بعدا غالبیت و غلبه بیت قوای جسمانییه کوره در فاما قوای
روحانییه حجت یوزندن دائما غالبدر ز را ضرب الله یندر یوسیدندر که
انبیاء علیهم السلام انهم زامله و یام صافده قتل ایله موصوف اولمازل
ز براسیف و سنان ایله مبعوث اولد قلمری صورتده دخی حجت و برهانله
غالبدر قرآنده (یقتلون الانبیاء) وارد اولدیغی مأمور بالقتال
اولینلره کوره در والا مأمور اولنلر (انالمنصررسلنا) فخواستجه
منصور و مغفر اولورل آفاق و انفس ایسه اعدا و احبایه کوره بری
برینک نظیر بدر فاعرف جدا و بوجه دن مفهوم اولور که اهل کدورت
و شهوت و حمله مصاحب اولنلر دخی بوصف نلره اتصافدن خلاص
اولمازل (لحرره) نفسکه باق آتش حر بیله داغ * شویله جنک ایت
کرد قالقسون طاغ طاغ * نفسله بدزنده لکدن مرک یک *

نفسی قتل ایت بعد ذ اول وار صاغ

* نغمهء فته که او کشته بود *

* آفت سرهء ایشان کشته بود *

* کشته * اولکی کاف عربینک کسر یله اکمش و ایکنجی کاف عجمینک
فقیله اولمش معانسه در که ایکیسی دخی ماضیدن قسم لدر * آفت *
عاهدر یا خود اصابت ایتدیکی نسنه بی افساد ایدر بر عرضدر (معنای
بیت) بودر که فته لر و فسادلر تخملرنی که اول وز بر اضلال صفت
کشت زار طوامیره اکمش و عزار غ قلوبه صاحب ایدی قوم نصارنک
باشلرینک عاهت و بلا و قضای اودی یعنی اول فته لدر دن بو مقوله
بلار وجوده کلدی تخملردن ارلر ظاهر اولدیغی کی ز را خیر و شر تخم

کیدر انکیچون دنلشدر که (الدنیا من رعة الآخرة) ولیکن بعض
اعمالک صوراً جزیه سی دنیا ده دخی ظاهراً اولور اکر چه که
عقباده انکله مؤاخذه دن خلاص اولماز یعنی کافره کوره
والا مؤمنه کوره بلا و محنت کفارت ذنوبدر پس کافرک حالی
قصاص کیدر که قاتل اولان کسه عقباده مؤاخذه قتلدن خلاص
اولماز کر کسه دنیا ده قصاص حاصل اولسون ز را قصاص تشفی
اولیا ایچوند ر پس قتلك مؤاخذه سی باقیدر بناء علی هذ کافرک ابتلاسی
دخی تشدید باننددر که اکا کوره محض زجر و عذابدر بونده فته و آفتک
قوتنه اشارت وارد ز براسیفک دماء و قتل نفوسه باعث اولمش و بونکله
مرادشاه جهود حصوله کلمشدر ز را انک مقصودی نصاری اراسته
ظهور فترت و بلا و یوبهانیله هلاک و فنایدی * و بونده رمز واردر که
هر قوت جبلیه که عقل معاشک تصرفی اوزرینه حکمنی اجرا و نشاءن
محتمل اولدیغی شرو شوری اظهار ایلیه آخر کندی بلاسته باعث اولور
ز را عذاب جسمانی ایله معذب اولدیغی کی عقاب فرقت و قطیعت ایله
دخی معاقب اولور ز را روح دنیا ده سلو کنه مانع اولمشلردی * پس
روح نه طریقیله معذب اولور سه انلردخی مرکب روح اولد قلمری حسبله
اول وجهله معذب اولورل الحاصل روحک مماتی انلرک مماتی و حیاتی
دخی انلرک حیاتی در تکم الله ته الی عزیر یغیر علیه السلامی اماته ایتد که
جانی دخی اماته و احیاء ایتد که آت دخی احیاء ایلدی * بوندن ظاهر
اولور که معاد جسمانی معاد روحانییه تابعدر پس ایکیسی دخی حقددر
یا لکن برنی اثبات ایدن بو معنادن ذاهلدر و بوندن فهم اولور که عطاء
حق علی الدوام وارد و جاریدر ولیکن هر کس استعداده کوره قبول ایدر
پس خفاش نور شمسى اصلاً قبول ایتدیکی کی کفار و قوای شریره دخی
ارشاد هر شدی قبول ایتیموب هیئات ردیه و ظلمات نفسانییه ایچنده مظلم
قالدیلر پس قباحت شمسک دکلدر بلکه مطرح انواری اولان محاکدر
که ناقابلدر فیض باران دخی بویله درنتکم گلستانده کلور * باران که
در لطافت طبعش خلاف نیست * در باغ لاله روید و در شوره بوم خس *
و بونده اسباب ردیه به تمسکدن منع وارد درنتکم قرآنده کلور (جزاء بما کانوا
یعملون) پس سبب ردیدن جزاء ردی و سبب جیددن جزاء جید حاصل اولور

جوزها بشکست و ان کان مغز داشت

بعد کشتن روح پاک مغز داشت

جوز عروق قوز دید کبری در بنفسه نابت اولور جوز بطنی الانهضامدر
عسل و یاتین ایله اکل اولنسه مصلح اولور جوز غاجی مرشد کامله اشارتدر
زیرا میوه سی مراتب اربعه سرنی مشتملدر *بشکست* ظاهر اولان لازم
اولمقدر صندی و قرادی معناسنه افرادی افراد جوز اعتباریله در بونده
جوزی ابدانه و روح اضافینک ابدانیدن مفارقتله ابدانک موت و تعطیلی
جوزک انکسارنه تشبیه وارد پس جوزک کسرله بی ظاهر اولدیغی
کبی بونک دخی موتله روحی ظاهر اولور زیر روح بدنک حالیه تمثل ایدر
مغز کو کچک و پاک و خاص (معنای بیت) بودر که بدنلرک هر بری جوز کبی
موتله قرادی و اول بدنکه ایچ طوتدی قتل و موتدن صکره روح پاک
لطیف طوتدی یعنی ایچی صاخ اولان جوزک قرادقده صاخ ایچی
ظهور ایدوب خلوصیله خلقت نورینه خندان اولدیغی کبی روح پاک
اولان بدنک دخی موتله پاک روح ظهور ایدوب صفاسیله ارواحه قارشو
شادان اولور و حجاب چکمز زرا حجاب نقصانیدن ناشیدر پس کمال اهلی
هر برده بی پروادر بونده اشارت وارد که ظواهر حاله اعتبار اولماز
بلکه نظر بواطنه در شوق قدر وارد که ظواهر حال بواطنک ظروقیدر جوزک
قشری لبیک ظرفی اولدیغی کبی و برنسنه ظرف ایچنده مستور اولدیغی
حالی مجهولدر پس قچن ظرفیدن اخراج اوانه حالی نمایان اولور و لکن
بوندن روح سلطانی نک بدنه حلولی لازم کلمز بلکه بدنه تعلقی مظروفک
ظرفه تعلقی کبیدر دیکدر نتکم بالاده دخی تقریر اولمشدر بعد ذا
روحک کمالی معرفه الله ایله در معرفتک دخی طریق عبادت شرعیه در
پس روحک کمالی باطنده علم نافع و ظاهرده عمل صالح ایله در نقصانی دخی
علم غیر نافع و عمل غیر صالح ایله اولدیغی کبی زیرا میوه بعض آفات
عارضه ایله چور بدیکی کبی روح دخی سوء اعتقاد و سوء عمل و سوء حال
ایله فساد قبول ایدر خصوصاً بدنک اعمال غیر شرعیه بی مزاوله سندن
هیئات ردیه غلبه ایدوب سوء جوار و صحبتک تأثیری ایله مهیب اولان
بدن کبی اولور انکیچون صحت وجود اهلی یاننده جحاله دوشرو آب روی
قالماز و بمعنائک حصول عذابه سبب اولور نتکم کاسته انده کلور

توپاک باش و مدارای برادر از کس پاک زنند جامه ناپاک کازران برسنک*

کشتن و مردن که بر نقش تن است

چون انار و سیب را بشکستن است

کشتن قتلدر یعنی روحی جسدن ازاله در پس بونده فعل غیر اعتبار اولور
مردن اولمکدر موت کبی پس بونده فوت حیات اعتبار اولور که حتف
الانف موتدر *انار* عرب رمان دیدیکدر شرحی کذرا بتشد رسیب کبی
(معنای بیت) بودر که قتل ایتک و بنفسه اولمک که نقش تن و صورت
جسد اوزرینه وارد اولور نسنه در یوخسه روح اوزرینه دکل زیر روحه
قنطاری اولماز انار و المابی مثلاً کسر ایتک و انلرک دخی انکسارلری
کبیدر که کسرو انکسارله درونلرک جودت و ردائی ظهور ایتدیکی کبی
قتل و موت ایله دخی مقتول و میتک حسن حالی و سوء حالی باهر اولور
پس حسن حال اهلی شادان و مقبول اولدیغی وقتده سوء حال اهلی
نالان و مردود اولور و یونس امره کلماتنده کلور *اولدو کم
ایچون نه غصه یرم* آلور جانمنی کرویاره دن *اولدی دیلر
غصدم یه لر* بن بر قوش اولام چقام آردن *زیرا اهل الله کشفله
هر نسنه نک اصلنه رجوعن بلشدر پس جسدک عناصره انحلال
و روحک نفس کلیه ارتباطندن متألم اولماز لرو بلکه آتی غر بدن و طنه
وصول کبی یلور لر مع هذا ابدان کمل عدم انفساخ و انحلال ایله مکرملدر
نتکم مرار بیانی کذرا بتدی و بودخی شرح اولند بیکه روح عالم امر دن
و جسد عالم خلقند در عالم امر و عالم خلقک بری برینه ارتباطی تعلقی
حسیله در یوخسه حالیت و محلیت ایله دکلدر *پس روح انسانی که
فی الحقیقه غیر تمیز در بدنه حال دکلدر بلکه اکامتعلق وائده متصرف
و مدبردر *اصلی بودر که روح نورانی و جسد ظلما نیدر نورله ظلمت ایسه
بریده مجتمع و مترج اولماز انکیچون ایل و نههار متعاقبلدر یوخسه متداخل
دکلدر و بوندن فهم اولور که موت حقیقتده نفس اوزرینه وارددر
نتکم قرآنده کلور (کل نفس ذائقة الموت) فاما روحه جسدک بری
برینه شدت تعلقی حسیله جسد دخی متألم اولور انکیچون
عذاب جسمانی و عذاب روحانی درلر

انچه شیرینست او شد ناردانک

وآنکه پوسیده است بود غریبانک *

* ناردانک * انار صویدر و لکن عرفا بعد الطبخ استعمال او نور زیر داندک
عامه قنده بر در همک ربی و اهل حساب یافته بر مثقالک سد سیدر
تغریب ایدوب دانق دیرل پس طبخله راع و یاسدس قالمق و یا کتمک
اعتبار یله ناردانک دیرل * پوسیده * بآء عجمی ایله چوریمش دیمکدر * بانک *
اون یعنی آواز قوی (معنای بیت) بودر که اول میوه که شیرین و لذیذ
وصاغذر اونار داندک اولدی یعنی بعد الطبخ ناردانک شرابی اولوب
منفع به اولدی و او لکه آبی و چوریمشدر آند اوندن غیری
اولدی یعنی طبل کی ایچی بوش اولوب مجرد آوازه منحصر اولدی و آنکه
انتفاع اولمندی پس ارواح طیبه دخی میوه های شیرینه بکزر که لذت
معرفت و مذاق حکمتی حاویدر آنکی چون ابدانی مفارقتدن صکره مفتضح
اولماز و ارواح خبیثه میوه های پوسیده به بکزر که مرارت جهل
و عفو صفت غفلتی مشتملدر آنکی چون بعد المفارقه رسوای اولور نتکم
بیت لاحق بومعنای ایضاح ایدر و بوستانده کلور * چه قدر آورنده
حوررویش * که زیر قبادار داندام پیش * یعنی نه قدر اعتبار کتورر اول
حوری صورتلو بنده که قبالتند اندام ابرص طور یعنی بومقوله بنده نك
ظاهر نه مغرور اولماق کر کدر * زیرا اباسدن تجرید اولنسه عیبی
ظهور ایدوب تغیر طبعه باعث اولور (لحیره) چون حصیر اوله
بساطخانه * باقمه زربفت پرده درده * دافر یب اولدی نقش ماراما *
نوش ایدر زهرنی اوغر درده * بوند اشیانک استعدادی تفاوتنه اشارت
واردرا کر انسان و اگر غیری اگر چه که عطاء آلهینک توجهی برابر در نتکم
کنش قصارک یوزنی تسوید و ثوبنی تبیض ایدر چوریمک شاندن
اولان و اولیان میوه لره تعلق نور شمس دخی بویله در واجساد سبده
دخی تفاوت بوکافیا س اولنه و سهیل یعنی دخی لونده مؤثر ایکن هر یرده
سخنیتان لوننی و یرمز نتکم کلستانده کلور * کر چه سیم و زرزسک آیدهمی *
از همه سنک نیاید زر و سیم * بر همه عالم همی تابد سهیل * جایی انبان میکند
جایی ادیم * و مشویده کلور * فرض می آری بجا کر طائفی * بر سهیلی چون
ادیم طائفی * تاسهیل و اخرداز شر پوست * تاشوی چون موزه هم پای
دوست * و نفخ آدمی کاه اولور که سر اجی اطفاء و کاه اولور که ناری

اضرام ایدر پس برنخندن متعدد دائر ظه - وور ایدر و قرآنده کلور
(وفی الارض قطع متجاورات) یعنی زمینده بری برینه متصل قطعه لر
واردر که کیمی شایسته زراعت و کیمی شوره زار و بعضی ریک آمیز
و بعضی سنکستاندر و ارض انسانیت دخی بویله در زراآنده دخی قطعه لر
واردر * نفس و قلب و روح و سر و خنی کبی و بو قطعه لر قرب جوارله
متمقار بایکن حقایقده مختلفدر که کیمی حیوانی و کیمی ملکوتی و کیمی
جبروتی و کیمی عظموتیدر و فرث و دم و این دخی بویله در پس نظر ایلله که
لبن فرث و دم ارا سنده خروج ایدر بکن فرثک رایحه سی و دمک اونی اکا
سرایت ایتمز زرا ارالزنده حاجز رفیق واردر پس اعتبار بو حاجزه در
بو خسه تقاربه دکلدر و قرآنده کلور (مرج البحرین یلتقیان بینهما
برزخ لایبغیان) پس بواسر اردن آگاه اولد کسه جمیع اشیاده مقضیات
استعدادات و موجب اسماء متقابلات اوزره تفاوته نظر ایلله و بعداء
واحد دن تأثیرات متعدده بی مشاهده قیل تا که بو عالمک نیک و بدنه باقوب
برنسنه دن منفعل اولیه سن و هر مو جودی مقامنده خوش کوروب ذات
وصفات و افعاله اولان تأثیری مبداء اولدن کوزیه سن زیر احضور
وراحت مکاشفه و مشاهده و معاینه ایلله حاصل اولور (لحیره) ای
کو کل آینه عالم نماسنسن ولی * اولدک ژنکار غفلتدن عجبدر منجلی * آه کم
هر یوز سکایوز طودی اما ایلدک * کورمدک وجه حق سا که خفی اولدی جلی *

* آنچه بامعنیت خود پیدا شود *

* و آنچه پوسیده ست اورسوا شود *

بویتنک مفرداتی شرح اولمشدر (معنای بیت) بودر که اول انار و سیب
و امشالی میوه که بامغز و در سندر خوب اولان البته کشدن کوستر *
و فقجه او کندی بی پروا ظاهر اولور و فضاحت یوزنی کورمز و اولکه
چوریمش و بی مغز و نادر سندر * سیردن بوی سیر اولور ظاهر * مصداق فجه
قبیحی * ظاهر اولوب رسوای و مفتضح اولور * بونده مغزی لفظدن
مقصود اولان معنایه تشبیه واردر پس بامغز اولان میوه لفظ مستعمل
وبی مغز اولان لفظ مهمل کیدر * و بوندن حال روح دخی روشن اولدی
زیرا بامعنا اولان روح که معارف آلهیه ایلله متحلی و انواع تجلیات ایلله

مجتلی در روز سنجیده کون کبی بر تو آور وضیا کستر در شویله که
سائر لایک حسن حال و شعاع کانه باقوب تاریکی حسرتده قانور
وسیاره راه انوار اولد قلز نه نادم اولور و بی معنی اولان روح که اسفل
سافاین طبیعتده قالب چور بمش و رطوبت فیض الهیدن بی بهره اولوب
قوریمشدر هیزم دوزخ اولوب نظرل دن مطروح و ضرب شمشیر
عذابله مجروح اولور * بوندن فهم اولور که انسان نور فطر یسینی
محافظه ایتک کر کدر تا که نور کالی یه مدار اوله والا نقصان پذیر اولان
نسنه ک کالی و فساد قبول ایدن جوهرک صلاحی کوج اولور بیضه
فاسده کبی * و بونده اشارت واردر که معنی انسانک قلب و روح حنده
در یو خسه جسد و اسانده دکلدز راجسدنده اولان صورت و اسانده
اولان لفظدر * معنی و حقیقت یانده لفظ و صورته اعتبار یوقدر *
بلکه لفظک کالی معنی و صورتک جمالی حقیقت ایلدر انکیچون بی مغز
اولان میوهک قابی دخی خواردر

* روعنی کوش ای صورت پرست *

* زانکه معنی برتن صورت پرست *

* کوش * کاف عربیک ضمیمه امر در مصدری کو شیدندر دور شفق
و چاشمق معناسنه * پرست * اولکسی مفرددر پرستیدندن طایمق معناسنه
ایکجسی مرکبدر پر ایله استدن که پر قناست و است ادا ت خبردر
(معنای بیت) بودر که یوری ای صورت پرست و ظاهر بین اولان
کسه معنایه چالش و تحصیل حقیقت ایچون کیجه و کوندزدور ش
اول سبیدنکه معنی و حقیقت صورت و لفظ جسدی اوزرینه قناتدر پس
بی پر اولان مرغ پرواز ایده مدیکی کبی بی معنی اولان لفظ و بی حقیقت
اولان صورت دخی بویله در نیکم مشویده کلور * هست تسبیحت بخار آب
وکل * مرغ جنت شد ز نفخ صدق دل * یعنی انسانک تسبیحی نفسه مستند
اولغله فی الحقیقه جسد دایر بر بخار و بر لفظدر و صدق دل انک روحیدر
پس چونکه صدق دله مقارن اوله روح دمیده مرغ جنت اولور
و لفظ ایکن معنائه تحقیق بولور و صورت ایکن حقیقت دایر سنه کلور
و بومقامدندر که حضرت هدایی قدس سره بیور * جنت اهلینه کرک
علم و عمل * لاجرم او چماغه لازمدر جناح * یعنی علم که صفت باطنه در

عملک پریدر شویله کبی علم و بی نیت خالصه اولان عمل عالم ملکوتیه
صعود ایده من و کذلک علم و عملک مجموعی عالمک پری کبیدر پس بر روح
جنت عالییه پرواز طالع اولسه علم و عمل بال و پر یله پرواز ایدر بالکنز علم و بالکنز
عمل ایلد دکل نیکم بر پر ایله مرغ پرواز ایده من اگر یا لکنز علم ایلد اولسه
فلاسفه حقه یول بولورل دی اگر چه علملری دخی غیر نافع مقوله سیدر
و اگر یا لکنز عمل ایلد اولسه رهبانیه اللهه واصل اولورل دی اگر چه که علملری
دخی اعمال صالحه شرعیه دکلدز پس بوتقریردن اخذ اولندیکه صورتک
مذموم اولدیغی بی معنا اولسه بله در والا معنایه مقارن اولان صورت
مقبولدر ایه مقارن اولان قشربکی انکیچون الفاظ قرآن و کیسه مصحف
و خرقة ارباب حال و کسوه کعبه و امثالی معظمدر زیر اسریان برکت ایلد
حرمت بولوب لفظ ایکن معنی و صورت ایکن حقیقت رتبه سن احراز
ایلملردر (محرره) حال ساری اولیجق جان و دله * برکت بولادی تن
و خرقة بله * بونده صورت پرست ایلد اهل رسومه و معنی پرست ایلد
اهل حقیقه اشارت واردر اگر چه که اهل حقیقت صرفه اولان صورت
و معنائک ایکیسندن دخی فایندر زیر معنی عالم آخرتدندر دنیا و آخرت ایه
اهل الله اوزرینه حرامدر یعنی تعلقی حرامدر نیکم سحساب آبی حاملدر
ولکن اکانه اقی یوقدر انکیچون مراد حق اولان موضعه صب ایدوب
مرور ایدر پس مرتبه معنادن بله قنات کلی لازم کلچک لفظ قناده قالدی
بوسیدن عمرنی تصحیح لفظه خرج و صرف ایدن مذموم اولدی حتی
مولانا جامی سلسله الذهب نام کتابنده قراء حقه کتور * نقد عمرش
ز فکر موج * خرج شددر رعایت مخرج * صرف کردش همه حیات سره
* در قرآت سبعة و عشره * و خواجه حافظ دیوانده کلور * عشقت رسد
بفریاد کر خود بسان حافظ * قرآن زیر بخوانی در چارده روایت *
و ابن الاشراف کلماتده کلور * نیجه الفاظ و معنی خرج ایدر سن ای فقیه *
واراوتانکم حق منزهدر بو آغ و قاره دن * اقدن مراد معنیدر
زیرا لفظه کوره روحانیدر و قرادن مراد لفظدر زیر معنایه کوره
جسمانیدر و حضرت هدایی قدس سره کلماتده کلور * الدائم کی صاقن
بو کائنات * کج آغ و قرادن باقی نور ذاته یعنی کائنات که عالم ارواح و اجسامی
و ملک و ملکوتی و دنیا و آخرتی و علوم ظاهره و باطنیه می شتملدر بونلرک

جمله سندن تعلقی قطع ایله زبرا کیمی جج بانی ظلمانی و کیمی جج بانی نورانیدر
حقه وصول ایسه بویکی درلو حجایی خرقله حاصل اولور و بویکی
حجائبك جزئیاتی یتش بیک قدر در که جمله سندن عبور لازم در
پس لفظ معنایه و معنی دخی حقیقه دال اولد یغی کبی شریعت دخی
طریقته و طریق دخی معرفه و معرفت دخی حقیقه و وسیله و اباس
مثالدر و لیکن اهل قصور اولنلر نظرلرن دال و وسیله و اباسه
قصرایمه لریله مداول و متوسل ایسه و لابسندن محروم اولمشلر و پرده
مرتبیه سنده قالمشلر و پرده بی ماوراسنی استشفافه مانع قیاس
ایلمشلردر و حضرت هدای قیاس سره کلا تئده کلور
کوز کدن پرده زائل اولسه مطلق * قتی ظاهر در مخفی دکل حق *

بو پرده دن مراد پرده یه نظر در فافهم و اعرف جدا

﴿ همنشین اهل معنی باش تا ﴾

﴿ هم عطایابی و هم باشی فتی ﴾

* فتی * شاب و سخی و کریم معنایینه کلور و شاب اولان کسه ده قوت غایب
اولغاله فتویه فتوی دیدیلر زبرا مفتی اولان کسه جواب حادثه ده
سائلی تقویت ایدر و تعریفانده کلور که فتوت لغتده سخا و کرمدن
واصلطلاح اهلی حقیقه اودر که خلق کندی نفسک اوزرینه دنیا
و آخرت ایله ایشار ایده سن و حکایه ده کلور که مشایخدن برینه ضیف
نزول ایدوب شیخ دخی مریدنه علی التجیل سفره کتور دیواشارت ایلدی
مرید دخی کیدوب کیج کله کده شیخ اگا سر تأخیردن سؤال ایلدی
مرید جواب و یروب سفره ایچنده فرجه لر واریدی انلری آزرده
قلمق ایچون کندیلری سفردن پریشان اولنجه مکث ایلدم دیدی
شیخ پسندایدوب اصبت الفتوة دیدی فاما ائدن اکمل برعز معنای
مذکوره مطلع اولوب فتوت سفره بی تعجیلده ایلدی دیدی زراشان
انسان شان مور اوزرینه راجحدر و قرآنده کلور (واذ قال موسی لفته)
بوفتادن مراد حضرت موسی شاکرد و خادمی اولان یوشع بن نون در
علیهما السلام و مفردانده کلور الفتی الطری من الشباب والانی
فتاه و یکنی بهما عن العبد والامة انتهى (معنای بیت) بودر که
اهل معنی و حقیقه مصاحب (و کونوا مع الصادقین) فوا سنجه انلره یار

و انلره هم مجلس اول تا که الله تعالی دن هم عطا و هبه بوله سن بطریق
التلیک و بطریق الاباحه و هم فتوت و رجوایت اهلی اوله سن
و بوسیدن سکا دخی مرید خدایه لر پس عطا فی الحقیقه فتوت اوزرینه
مترتبدر زبرا اهل فتوت اولد یغی عطا خاص آلهی ظهوره کلر
ولیکن قافیه ایچون نتیجه بی تقدیم ایلدی و جائزدر که فتی ذکر
ترقی بایندن اوله پس ترتیب کما هو او اور بونده صحبت خواصی
وجدان عطا و حصول فتوته شرط طوتدی زیر اصدور اختیار صندوق
الاسرار در پس اول صندوقه تعرض ایتک صحبت و خدمت ایله
حاصل و اسرار صاحبی حقه واصلدر نیکم حضرتک افندی
نظمنده کلور * خلوت و عزلتده بولدق چونکه شهرت آفتن * صحبت
مرشده ایردک حضرت مولایه بز * و بونده عطائله فتوتی جمع ایلدی
زبرا عطا حقه و فتوت عبده کوره در یعنی اهل عطا اولان کسه
ذو العطا کر کدر تا که سخا و کرمدن عبارت فتوت مرتبه سی
وجوده کله و حدیثده کلور (تخلقوا باخلاق الله) الحاصل
اگر اموال و ارزاق و اگر شرافع و احکام و اگر حقایق و معارف در
ار بایندن کتم ایتوب بقدر القابلیه بذل و انفاق و ایشار ایتک کر کدر
انکیچون قطب الاقطاب مقسم الارزاق و مأخذ الفيوض و معدن
الکمال ایدر زبرا سرر یو بیت ایله قائمدر بروجهله که احکام اسمائله
ظاهر و نیابت حقله محققدر ولیکن دعوا دن مصوندر سائر ارباب
تمکین کبی و بونده اشارت وارددر که خلافت مستحق اولان اهل فتوت در
انکیچون حضرت موسی علیه السلام فتاسی اولان یوشعی کندی
مقامنه استخلاف ایلدی پس ظاهر و باطن فتوت اهلی اولمیان کسه
طمع مقام خلافت ایتک بعیددر (لمحرره) نه دیر کوش ایله اولکیم
خانه اسراری بایندر * خلافت پایه در ائک فتوت نرد بایندر *

﴿ جان بی معنی درین تن بی خلاف ﴾

﴿ هست همچون تیغ چوپین در غلاف ﴾

تیغ چوپین * چوبه مندوب تیغ دیمکدر پس یان سبت و نون تأکید
نسبت ایچوندر بوراده یاه نسبت منسوب الیه ک ماده وجودنی بیان
ایچوندر یعنی تیغ چوپین دیمک اغا جدن دوزلمش قیلج دیمکدر توجدن

دوزلشه روبین و دمر دن دوزلشه آهنین و طاشدن دوزلشه سنگین
دیدکاری کبی و گاه اولور که منسوب الیهک بعض اوصافن بیسان ایچون
اولور رنگنی بیسان ایچون اولق کبی مثلا مشک رنگنده اولانه
مشکین و قرمز کله کل آتشین دیرل * چوب * مقطوع اولان اغاجدر باش
اولسون قوری اولسون یرده بتش طوران اغاجه درخت دیرل و دقایقه
کلور که چوب بونیلوب دوزلدکن صکره کسملش اغاجه دیرل
دکنه که عجم چوب دیر انتهی و اولکه صدر اعظم احمد پاشا
نظمده کلور * لاله خدکن مکر کل رنگ و بو اوغرادی * کیم درخته
صاروبن کز در دیر بازارده * مجازه محمولد مع هذا انه ایهم
وارد که چوب حقیر عظیمه مقارنتله قوت ماده و نامیه مرتبه سن بولوب
درخت وار اولمشر * غلاف * شرح اولمشر بوراده مراد قلیچ قینیدر
(معنای بیت) بودر که بی معنی اولان جان یعنی معنایه و اصل اولمیان
و سر معرفتی طویمسان و ذوق حقیقی بولمیان جان جسد ایچنده بی خلاف
و بالاتفاق اغاج قلیچ کیدر قین ایچنده پس اغاجدن مصنوع اولان قلیچ
بی قیمت و بی اعتبار اولدیغی کبی زیرا وقت حاجتده ایش جور من
و محارب اولان کسه انکله شجاعان وابطال اراسنده مفتضح اولور
و احراقدن غیره برامز بی معنی اولان جان دخی بویله در (لحرره)
آتشیدر جان بی معنایک ای دل جوهری * وای اکا کیم اوله شیطان
کبی آتش مظهری * فاما جان پر معنی تیغ پولاد کیدر که کار کردر کرک
بدنه متعلق و کرک مفارق اولسون بلکه مفارقتده تیغ عربان کبی
زیاده قاطعدر * زیرا جان بامعنی اهلی شهداء حقیقه در که دائماً احیا
عدا دنده در پس انلردن اهل تصوف اولنلرک تدبیرانده حیات و مماتی
برابر درنتکم قرآنده کلور (فالمذبرات امر) تدبیرایسه صفت روحدر *
یوخسه صفت جسد دکلدر بوندن ظاهر اولور که اهل الله حقنده
یا قولاً و یا فعلاً ترک ادب و اطاله دن دائماً احتراز اولنق کرک (الان
ما ت محمد فرب محمدی) و بوندن فهم اولور که روحک اسفل سافلین
جسد تنزل واکا تعلقندن مقصود اصلی معنای حقیقی ایله اتصافدر که
اهل اللهک بطریق المشاهده واصل اولدقلمی معنادر پس صورتدن
افضلدر انکیچون الفاظ و انساب و احساب ایله تفاخر ایتک منهیدر

و بوئده ابدان و ارواح علماء باللهی تعظیم و اجساد و ارواح جهلانی
تحقیر وارد درنتکم خبرده کلور (لجوم العلماء مسعومه من همها فقد
مرض ومن اکلها فقد هلك) (لحرره) نیک مشرب پاک دل حقنده بد
سوزدن صاقن * زهر قهریله هلاک اولور سن اکسوزدن صاقن *
تا غلاف اندر بود باقیمت است *
چون برون شد سوختن را آلت است *

* قیمت * و ثمن میماننده فرق بودر که قیمت برنسنه نک مقدارینه موافق
و معادل اولاندر ثمن ایسه مایقع به التراضی در کرک مقدارینه موافق
و کرک ازید و انقص اولسون * آلت * فاعل و منفعل اراسنده اولان واسطیه
دیرل زیرا بو واسطه اولدق فاعلک منفعله اثری واصل اولمیان نجارک
منشاری کبی (معنای بیت) بودر که تا که تیغ چوپین غلاف وقین
ایچنده مستور الحال اوله باقیمت و حرمت و اعتبار در زیر غلافنه
باقوب اغاجدن اولدیغن بلزلر که انی سائر قلیچلر کبی سیف صمصام
صانورل * چونکه بیرون اولدی و غلافندن اخراج اولندی احراقه
آلت و واسطه در که وقود نار اولور و غیره برنسنه به برامز پس
سوختن بوارده متعیدر * بوندن حال روح دخی مفهوم اولدی زیراروح
دخی آب و کلدن مرکب و مخلوق اولان جسد مضاف و متصل و انک
حکمیله منصبع اولمغله اولدخی جسد کبی وقود نار اولمقدن غیره برامز
و روحک عذاب برزخه کوره نصف عذابدر که روحانیدر و حشره
کوره تمام عذابدر که روحانی و جسمانیدر روحانیدن مرام تألم
و تفجع و تحسدر که فراق و قطیعت حتی شهود و مطالعیه منوطدر *
و بو عذاب جسمانیدن اشددر زیرا روحده صفت اطیافت اولمغله
بنددن زیاده متأثر و منفعلدر انکیچون رسول الله صلی الله علیه و سلمده
کرب موت مشاهده اولندی زیراروح پاکلمی الطف الارواح و مزاج
لطیفلمی اعدل الامرجه ایدی پس بو مقوله روح و مزاج اوزرینه
وارد اولان المنقذرجنئی و بسیر اولسه ینه کلی و عسیر کورنیور (لحرره)
کل صبرک کبی برتازه بدن * کل له مس ایتسک انجوراندن * سکایتلمی
درک ایچون بوئمال * برمیدر هیثم ایله برک ایدا * لذت روح دخی الم
کیدر یعنی برزخده اولان لذت نصف لذتدر که روحانیدر و حشرده

اولان لذت تمام لذت در که جسمانی و روحانی در لذت روحانیه یا لکن لذت
جسمانیه دن اندر انکیچون قرآنده کلور (قول معروف و مغفرة خیر
من صدقة یبغها اذی) زیرا قول معروفده تفریح روح وارد در که بالفعل
عطاء نموندن هر غوب در زیرا عطاء نمون مورت المدر قول معروف
ایسه مفرح محضدر و ذکر اولنان عذاب فراق و قطیعته عقیابه
اختصاصی بوقدر * بلکه دنیا ده دخی حاصلدر و لکن صاحبی ناظم حکمنده
اولغله کمال غفلتدن احساس و ادراک ایتمزبل که فی الجملة برزخده و بالکلیه
حشرده ذوق ایدر انکیچون خبرده کلور (الناس نیام فاذا ماتوا تیقهظوا)
بوند بعد الموت متیقظ اولان ناس ناسیدر فاما انسان مونس و متذکر
دائما متیقظدر نتکم قرآنده کلور (والذینهم فی صلواتهم دائمون)
اگرچه که انسان کامله کوره جمیع مواطنه کوره علما و شهودا ترقی
وارد در حق تعالی بنک رحمانیتی منقطع دکدر بلکه آثار رحمتی
پیوسته و نعيم فیض و عطاسی باقی و دائم در (لحرره) سیر دائم ایله
حقه طورمه ای اهل مقام * دیدی حق قرآنده کیم یا اهل یثرب لا مقام *
* تبع چوپین را بهر در کارزار *
* بنکر اول تا نکر دد کارزار *

* بهر * نهیدر زیرا میم علامت نهی و بر فتنه بردن دن امر در اینلک
دیمکدر * کارزار * اصلنده کار چوق اولان بر در زار کثرته دلالت ایدر صکره
جنگ و حرب یعنی صوش یرنده استعمال اولندی که عرب معر که در موضع
قتال معنسانه و امام غزالی قدس سره احیاء العاومده دیر که لفظ
زاریدل فی الجمعیة علی المشرف علی الهلاک (معنای بیت) بودر که
اغا جدن مصنوع اولان قلیجی معر که ایلمه و محل قتال و جای جنگه
کتورمه اول نظر ایله کور که نه مقوله قلیجدر پس اغا جدن اولوب استعماله
صالح اولدیغن یقینا بیلد کده آتی ترک ایله تا که اول محمله سنک کارک
زاری اولیه زیرا قلیجک اجاج اولدیغه معر که ده مطلع اولورسک و یا خود
بعد الاطلاع مسامحه ایدوب اول محمله اجاج قلیج ایله واررسک خصمه که
غالب اولما یوب زبون دوشرسن و شمشیر زلار اسنده زن حکمنده قالوب
رسوای اولورسن پس * علاج واقعه پیش از وقوع باید کرد * و فقیحه عمل
لازم و عاقبت اندیشلک امر مهمدر روح انسانی دخی بوکا قیاس اولانه

زیرا بعض روح وارد در که جسده ناظر اولان کسه آتی بر فائده اور روح ظن
ایدر بلز که جسده تعلقی حالی تبع چوپینک غلافته تعلقی حالی کیدر که
عاقبت انک صاحبی مفتضح اولسه کر کدر * بوندن اخذ اولور که هر
نسنه نک ظاهر نه مغرور اولما یوب غور و قعرنه و اصل اولما مق لازمدر
(لحرره) لفظ شیرینی او قیوب صائمه این * کیم بلور بلکه اوله شیر زیان *
قلین سودی اول اندیشه * چکر آخر تجارتنده زیان * و بونده اشارت
وارد در که انسان نفسله محاربه محتاجدر و انک تبع تیرنی انواع
مجاهداتدر خصوصاً ضرب ذکره کردن هواسی کسلور انکیچون اهل
ذکرک قلیجی عرشه آصیلور * و رمز وارد در که نفسی سدی و مهممل
و آسان طوتن کشتینک دامن دان آخر خار ندامت طویر و لذت
طبیعیه اشتغال کو سترن اهل شهوتک باغ و جودنده عاقبت درخت
زهر برتر * پس هر ده میدان هنراستین اول نفسله کشتی کیرلک ایدر و مسلک
مصارعیه کیدر و الارباب جهاد ارا سنده زن کبی بی ناموس قالور و خوار اولور
* کر بود چوپین برودیکر طلب *
* و بر بود الماس پیش آبا طرب *

* پیش آ* او که و بری کل و ایلو طور دیمکدر نتکم شرح اولمشدر و حضرت
مولانا قدس سره به معزی اولان ایات دندر که احتضاره قرب ملک الموت
عند الباب مطلع اولدقده * پیش ترا پیش تر آجان من * پیک در حضرت
سلطان من * طرب * تحریکله بر خفته در که اکثر سرور دن حاصل اولور باقی
مفردات بالاده شرح اولمشدر * (معنای بیت) بودر که ای مجاهد قلیجی اول
یوقله اگر اغا جدن ایسه آتی برا غوب بوری بر غیر قلیج طلب ایله که دمردن
مصنوع اوله و اگر قلیجک بیانی دمردن اولما یوب بلکه طاش کبی متین
و آبدار ایسه سرور تامله او که کل و ایلو طور زرا انکله مرادک اوزرینه
ایش بتوررسن و دشمنه غالب اولوب کندیکی خاک ذلتدن کوتوررسن
بوندن اخذ اولور که قلیج تفاوت اوزرینه در که مر دودی و مقبولی دخی
مراتب اوزرینه در جله دن پسندیده و کار کر اولان تبغ الماسدر پس
ارواح انسانیه دخی بوکا قیاس اولسه یعنی ارواحک بعضیسی بدنن
مفارقت ایتد کدن صکره حریق بالنار اولمقدن غیره برامز و بعضیسی دخی
دنیا ده کسب ایتدیکی جلا و صفوت مقداری معتبر اولور زیرا آخرت

عالم صفتد که هر کسک صفت باطنه سی اوراده تشکل ایدوب حاله مناسب
اولان صورت ایله ظاهر اواسه کر کدر انکیچون کیمی روشن دل و متهلل
و کیمی دخی خیره دل و متحرزن و صورشتی اوزرینه کاورلر پس ارواح انبیا و کین
اولیا جله دن روشن تر در انکیچون صورت شمس و قرده محشور اولورلر
زیرا نیرین مذکورین کبی دلارن تصفیه و سینه لرن تجلیه ایتشدر پس
بونده قوت مجاهده به اشارت وارد ریعنی مجاهد اولان نفس اماره ایله
نقدر مصارعه ایدوبانی زیون و مغلوب قیاورسه او قدر مردان آخرت
اراسنده مرغوب او اور و درجات عالیه بولور و بونده رمز وارد که
سالکه اول تعیین مطلب و ثابا اسباب قویه به تشبث و تمسک لازمدر
(لحیره) * واری چنک ایلر زن نفسیه بر شمشیر زن * مرد اولان میدان
کلسون یوخسه قالسون همچون زن *

* تیغ در زراد خانه اولیاست *

* دیدن ایشان شمارا کیمیاست *

* زراد * زرد کرد در زیر زرد زره حلقه لرن برینه اولاشدر مق
و متداخل قلمقدر بقال زرد الدرع ای سردها کافی القانوس پس زراد
خانه زره اشلیلرک کار خانه سیدر * کیمیا * بالاده مفصلا تحریر اولمشدر
(معنای بیت) بودر که تیغ الماس حقیقی اولیاء کبارک زراد خانه سنده
اولور پس او مقوله تیغی زراد خانه اولیادن طلب و تحصیل ایتک کر کدر
اولیایی کورمک سزه کیمیا کیدر که انکله مس احوالکن اکسیروار اولور
واعلی الاجساد اولان ذهبت مرتبه سن بولور معلوم اولکه زره عملی ابتدا
حضرت داود علیه السلام دن قلمشدر زیر حق تعالی اکا آهنی بطریق
المعجزه تلبین ایتش ایدی نتکم قرآنده کاور (والله الحدید) و در غ
صوریه که دفع سلاح ایچون تلبس اولور جهاد اصغره اعداء ظاهره نک
اسلحه سن دفع ایتدیکی کبی در غ معنویه دخی جهاد اکبره اعداء باطنه نک
دست تعرضن منع ابدر و در غ معنویه دن مراد لباس تقوای حقیقی در
نتکم قرآنده کاور (ولباس التقوی ذلک خیر) پس کتان و قطن دن منسوج
اولان قیصدن در غ حدید افضل اولدیغی کبی اقوال و افعال اراسنده
دخی لباس تقوای حقیقی خیردر زیر تقوی اودر که سالک اولان مکسه الله
تعالینک ذات مطلقه و صفات حسنی و افعال جمیله سنی کندی ذات و صفات

و افعاله جنه و ترس قله و جمیع اشیایی خلقا و ایجادا اکا اضافت ایلیه پس
بوصورتده نفسک شرکی تو حیده و نفاق اخلاصه مبدل اولوب اورتادن
از حرب مرتفع اولور فافهم جدا و تلبین حدید معجزات داودیه دن اولدی
زیرا داودک خلافتی منصوص علیه در نتکم قرآنده کاور (یا داود انا
جعلناک خلیفه فی الارض) و نفس دخی صلابته حدید کبیدر پس چن
قلب آگاه مقام خلافتیه وضع قدم نیتسه نفس آنک النین موم کبی اولور
زیرا اول وقتده اسباب قویه به موفق و لباس استیلا و غلبه اکا اوفق اولور
و مقام خلافت اون ایکی اسبی حالا و تحقیقا تکمیلدن صکره در فاعرف زراد
خانه بی تیغ وزره اشلن یره نغمیم ایلدی زیرایکیسی دخی تیموردن استصناع
اولور بونده مراد ارباب ارشاد صحبتده جوهر جان ودلی تصفیه
و تجلیه در و بونده اشارت وارد که اهل اللهک هم تیری تیغ کبی تیر
و توجهلری هر مراده در ع کبی سپردر و کذلک ظهرا آسوده اولدق لری
مقام لربنک شرفته و باطنا خانه دللرینک عزتیه دلالت وارد (لحیره)
* آدم اوفای استریسک بوجهانده ای ددم * تکیه جنت مثال اولیایه بص
قدم * و بونده اولیایی کورمکدن مراد حقیقت اوزرینه رؤیتدر که انلرک
طریقته قول و فعلا و حالا سالوک در یوخسه (و تراهم بنظرون وهم
لا یبصرون) فوای اوزره کفار قریشک و خصوصاً ابوجهل و ابولهبک
رسول الله صلی الله علیه و سلمی رؤیتلری کبی دکادر زیر بورؤیت مجرد
رؤیت بصردر مقصود ایسه رؤیت بصیرتدر که انلره امور مذکوره ده
اقتدار پس بو مقوله رؤیت کیمیا مرتبه سیدر که سالکک نحاس حالن
ذهب خالص عیار ایلر اوصاف ربه طبعیه بی تطهیر ایدوب طرح نور
تجلی و القاء نفس الهی ایله نفس مطبئه و راضیه و مرضیه و صافیه داره لرنده
سر ذهبه ملاقی ایدوب استحالاتدن اکا کونا کون خبرلر سویلر ولیکن
هر کسه رؤیت یول بوقدر زیر اکسیرنادر و کیمیا عزیز در والا مبتذل
اولق لازم کلور فافهم جدا (لحیره) * سخی احراق ایچون اخذ ایله شمع
عشق نارندن * چو پروانه دکلسن کچمه نازک کنارندن * دوشرسن حبه
دل نار عشقه قیل تماشا کیم * دخی رنگین اوله بلسکه جهانده باغ انارندن *

* جمله دانایان همین گفته همین *

* هست دانار حجه للعالمین *

* رجة للعالمين * قرآنه رسول الله صلى الله عليه وسلم حفته و ارداولان
(وما اسئلك الا رجة للعالمين) آيتن دن اقتباس اولمشدر انكيچون نظم
قرآنه موافقة بطريق التبرك منصوب او قنور وما اسئلك نظمده اولان
كاف خطابك عبارتي رسول الله واسارتى وارث سر رسول الله در پس
غيب وشهادت مشتمل اولديغي اون سكرت بك عالمك هر برينه رسول الله
صلى الله عليه وسلم نيچه رحت اولدي ايسه وارث رسول الله دخي بحكم الميراث
رحت اولدي مع هذا وارث رسول الله دخي صف اولدنر نتكم يونس امره
قدس سره كمانده كلور * كل محمد در بدر * بلبل لك يار بدر * اول كل ايله
ازلى * جهانه بله كدم * قدرت صورت يا عدين * فرشته لوطيدين * عالمي
خلق طومدين * ايلرو يوله كدم * و رحت اولمق افاضه وجود و كالاته
ناظر در (معناي بيت) بودر كه جهه عاقلار شويله سويلشله و بو وجهه
دعشله در كه دانا و عاقل اولان كسه عالم هنزه هزاره رحت درز بر انسان كامل
غداه كائنات در و غدا مفتدي به رحت و انعام در خصوصه كه جهه لك
وجودنه مفتاح در يعني نزولا فيض مقدسه تجلي ابتداء اكا واقع اولدي
(اول ما خلق الله العقل) و عروج ادخي سر حضرت و وصول لك حلقه
ارشاده ارتباط بولدي نتكم حضرت هدايي قدس سره نظمده كلور
* مفتاح باب حضرت انسان كامل انجق * بوراده عقلا دن مراد مقربين در كه
عقل قدسي و عقل كل ار با بدر ز بر عقل اوچ قسم اوزرينه در
اوليكيسي عقل اولدر كه عقل كلدر و ايكنجيسي عقل اوسطدر كه عقول
افلا كدر و اوچنجيسي عقل آخردر كه عقول جزئيه در و حديث صحيحده
كلور (اكثر اهل الجنة البله والعقلاء في عليين) زيرا معاومدر كه اهل جنت
اولمق مطلقا ابرار مرتبه سيدر اكر چه كه ابرار لك دخي درجات متفاوته سي
وارد در پس عليين قرب و وصلت مقربين اچون اعداد اولمشدر
* بوندن فهم اولنور كه عقلاء حقيقه لك رتبه سي جنتك فوقده در
زير جنت تنعم و عليين تجلي اچوندر تجلي ايسه تعمدين افضلدر
* زير تنعم صفت روح جواني و تجلي غداه روح سلطانيدر * پس بوندن
ظاهر اولديكه عقلاء اعتبار به به اعتبار بوقدر * يعني ارباب ظاهر عقول
جزئيه بوزندن مدار رحت دكلدر مكرنادر اوله و اولكه عقل اوسط و درلر
مشهور در بودخي عقول حكماء جزئيه دنر اكر چه كه كندسي فنلرينه

كوره عقلي كلي عدا و انور زيرا انلك علومي عاوم حقيقه دن دكلدر پس
عقللري دخي اكا كوره درو بو مقوله عاقلك مما تي عالمه رحتدر كه عاقل حقيقه ينك
حياتي رحت اولديغي كبي (لحرره) ديمه مغضوبه جهانه رحت * بلكه نقطه
ايله قيل رحت * بوني تصحيف ايدنه رحت اوله * ديه پيغمبر اكا خاص امت *

* كراتاري مي خري خندان بخر *

* تاده خنده زدانه او خبر *

* بخر * بوراده خاء معجه لك فتحيله در تاكه آخر مصراع اخير ايله متوازن
اوله زير اخير دن فتحيله و كسرله صاتون المقدر پس ايكسي دخي لغته
موافق در (معناي بيت) بودر كه اكر انارديد كلري ميوه بي صاتون
الور سلك خندان وشكافته ومشقوق اولاني اشترايله تاكه لك خنده
و خرق وشقي دانه سنك جود تندن خبر ويره بونده انارك در ستن لب
بسته وشكستني خنده ايله لب و دهان بازه تشبيه وار در الحاصل
انسانك اساني مفتاح دلي او اوب كفتاره كلكجه جوهر فر وش و يايلور
اولديغي معلوم اولديغي كبي درست اولان انارك دانه سي دخي
جودت و رداء تده معلوم دكلدر مكر علامتيله معلوم اولكه شكافته
اولديغير بونده جيع امورده نظر واستدلاله حث و تحريض
وقبل الامتحان بر كاره شروع دن منع و زجر واردر پس اقتدايه صالح
اولان كه مر شد كامل و اولميان كمر دنافصدر بوقياس اوزرنه درزيرا
ظاهر ناره اعتماد اولمديغي كبي هر شخصك دخي ظاهر حائه اعتماد
اولنماز انكيچون زمان اولده يا لكز صورت صلوة وصوم وامثالنه التفات
ايتمزل بلكه شهادت خصوصصنده تدقيق وتعديل ايدوب شاهد اولان كسه
بيع وشراور فافت سفر ايله مجرب و متمميدر ديو سوال ايدرلر مش و بعضيلر
كمانده كلور * نيچه باشله كسر صوفي بوكون خلوت بوجاننده * ولكن
صورتا با قسك صان ابراهيم ادهمدر *

* اي مبارك خنده اش كوازدهان *

* مي نمايد دل چودر از درج جان *

* مبارك * بر كتمندر ز ياده و نماوسعادت معنالي بنه و بارك علي محمد اي آدم
له ما اعطيتيه من الشريفة والكرامة وتبارك بالشيء تفأل به كما
في القا موس * ومفر دانه كلور كه البركة ثبوت الخير الالهى في الشيء

والمبارك ما فيه ذلك الخير * اش * ضمير را ناره راجع در * در * ضمه عربی در
انجو معنای در خوشاب دیرل مر وارید در لطیف ودانه دارانجو معنای سینه
* درج * ضمه حقه و صندوقچه که ایچنده جوهر حفظ ایدرل درجك
جانه اضفتی تشبیه آخره انتقال طریقله در نتهكم دائما دأب موایدر
(معنای بیت) بو در که ای مبارک و خیر او خنده سی انارك که
اغزندن دل و درونی کورینور انجوی معرفت حقه جانندن کورندیکی
کبی و نماید کو ستر معنای سینه متعدی اولق دخی و جهدر بونده
جانی درجه و کلمات عرفانیه و حقیقیه بی انجوی تشبیه واردر نفاست
ولطافنده و بو تشبیه لطافت زائده بی متضمندر زیر اناردانه لری دخی
انجودانه لری نه مشابهدر اگر چه که لونده بری برینه مخالفدر پس انارك
اغزی آچق اولسه دانه لری ظاهر اولد بغی کبی حقه نك دخی اغزی
کشاده اولسه انجولری باهر اولور و انسان کامل دخی قح دهان ایلسه
درج جانده محزون کهرلری فاش اولور و اول کهرلره کرامات علمیه
دیرل که انسان کامل و لایته صدقنه برهان اقوی در تقلید و رسوم
اهلنك علومنه کرامات علمیه دیرل زرا افواهدن اخذ و غیریدن تعلم ایله
حاصل اولمشدر بو خسه فیض والقاء الهی ایله مکرم اولما مشلر در
پس نیچه کرامت اولور و علملری کرامت اولمچق کند بلری دخی اهل
کرامت اولمازلر و لکن مرتبه لری نه کوره اهانت دخی اولمازلر مکرمه
اولار و یا خود علملری غیر نافع مقوله سنندن اوله علوم فلاسفه کبی پس
انلره اهانت انلرك علومن ترك و عدم استعمال ایله اولور بونده اشارت
واردر که ظاهر حال باطنه دلیل و برهاندر و صدق و خلوص اهلنده در
برکت واردر و انلرك معرفتلی انجو و سائرلك خذف کبیدر پس انجوی
قوبوب خذفه رغبت ایتمك کر کدرز را خذفده نمایو قدر فاما صدقه
قوت نامیه واردر نتهكم حقائق بالاده کدر ایلدی و انسانك درجات عالییه
صعودی نمای حال و تزیید اعمال ایلدر (لحیره) حسن حالیه اولنلر نامی
* ایر کوررزروه عرشه نامی * تارك زده نمایو لغله * قول صلا هر طرفه اندامی

* نامبارك خنده آن لاله بود *

* کز دهان اوسیا هی دل نود *

* لاله * معروف چچکدر انواعی واردر مشهور اولانی اچر در که رخسار

خوبانی تشبیه ایدرل نتهكم ابن کمال نظمنده کلور * ایکی سندن برکل رعنا
کورینوردی کوزه * لاله رخسار که جمع اولسه رخ زردم بنم * درون
غنچه ده صاری جبه لری زره تشبیه اندک لری کبی نتهكم خواجه حافظ
کلماتنده کلور * احوال کج قارون کایام داد بر باد * با غنچه باز کوید تازر
نهان ندارد * درون لاله ده اولان سیاه نقطه بی دخی داغ دل عاشقه
تشبیه ایدرل نتهكم یحیی المفتی شعر بنده کلور * نه سر اولسون بو کیم بر نقطه
دو شدی کلک قدرندن * رخ جانانه زینت لایله داغ درون اولدی *
زیرا که اولور که محسوسی معقوله تشبیه ایدرل عطری خلق کریمه تشبیه
اندک لری کبی و کاه اولور که تشبیه مقلوب ایدرل و ناقصی مشبه به قیلورلر
اکمل اولماسنی ادعا طریقله صباحی حین امتداد حده وجه خلیفه تشبیه
ایتدک لری کبی و لاله بی دخی یا قوت اچره تشبیه ایدرل نتهكم شعر عربده
کلور * ولا ژور دبه تزهو بزرقتهها * بین الریاض علی حر الیواقیت * زیر
بو راده حر یواقیتدن مر ادا زهار و شقایق حر در (معنای بیت)
بودر که نامبارك اولان خنده اول لاله نك خنده سی اولدیکه انك اغزندن
درونك سیاهلخی ظاهر اولدی ارباب ریا و دعوائك اغزلندن خارج
اولان کلماتدن سوء حاللری و سواد دلاری ظاهر اولد بغی کبی پس
بو مقوله دهان بسته اولق یکدر بوندن ظاهر اولور که هر نسنه جال
و جلال بوزندن حسن و قبحی متضمندر حریت و سواد لاله کبی زیر حریتی
جهت حسندر که رخسار محبوبان اکا تشبیه اولنور سواد ایسه جهت
قبیدر که سوء حال درونی مشعر در اگر چه که خال سیاه و نقطه سیاه
و نور سیاه مقبولدر و بوندن فهم اولور که هر نسنه که عین ثابته سنك حقیقته
استدلال اولنور پس اول حقیقی روجه لیه تغییر ایتك ممکن دکلدر سواد لاله
وزر غنچه بی تبدیلی ایتك ممکن اولد بغی کبی (لحیره) هر کسك آینه سندن
ینه کندی کورینور * ذاتك هر نه ایسه پست و بلندی کورینور * کوزلویه
کرلی دکلدر بوجهان آینه سی * آج کوزك هر یوزه اندن باقی افندی کورینور *

* نارخندان باغ را خندان کند *

* صحبت مر دانت از مر دان کند *

* نار * نار در زرا الفك حذفی دخی لغندر * مر دانت * تاه خطاب کنده

قیددر کندی از مر دان دیکدر مر دك تعریف و تفسیری مرور

ایتمشدر (معنای بیت) بود که خندان و بازدهان اولان انار باغ
و بغچه بی خندان و روشن و پر رونق ایدر زیرا سبب رغبت در و هم باغ
حکمی اومقوله انار بتور مکدر تنکم بغچه نک تیره و خیره لکی
انار پوشیده ایله در زیرا باعث انقطاع رغبت اولدیغدن ماعدا
اومقوله بی انبات وانکله صحبت مقتضای بغچه دکدر پس آفته
مقارنتله پوشیده اولان میوه ایله صحبت حدیقه کدر ویر و ملال کتور
صحبت رجال الله سنی مردان زمره سندن ایلر زیرا صحبتک تأثیری وارد
حتی لطائف ابن کالده کلور * یواش آت ایله مونس اولسه کوره *
خوینی آکورانک کوره کوره * برمز لاله همدم اولمه صاقن * که قرار اوزم
اوزیمی کوره * بونده مصراع اخیرک اوله ارتباطی بو وجهله در که
مرد راه انار خندان کبیدر زیرا درونلری صاف و صحیحدر
پس نار خندان ایله صحبت ایدن باغ خندان اولدیغی کبی مردان ایله
صحبت ایدن دخی مرداندر که ایکسیسی دخی دارین ده خندان در
و بونده باغله باغ قلبه اشارت وارد یعنی چن قلبه وارد اولان امور
رحمانی اولسه قلب روشنائی بولور تنکم هوا جس و خواطر مقوله سندن
اولسه ظلمانی اولور و بونده تسلیکه تلویح وارد زیرا صحبت حقیقه
سلو که منوط و سلو کی دخی جانب مرشدین تسلیکه مر بو طدر
پس تلقین عام اهلی و مجرد مقر و معتقد اولنلر فی الحقیقه بو صحبتدن
محروم و بودولت حریمندن جدا و مهجور در و صحبت حقیقه اولدیغی
کلیات دخی حصوله کلز زیرا معرفت دخی طبقات اوزرینه در
وابو یزید بسطامی قدس سره به عین العارفین دیولقب و بر مشلدر
زیرا معارف آلهیه ده بد طولانی و زیاده بصیرت و شدت زکاسی وارد
و بونده صحبت ایله اناری جمع ایلدی زیرا انار مداوات و معالجه ایچوندر
انکیچون سوره رحمانده نعیم ابرارده ذکر اولندی ابرارک ایسه
مقرینه کوره معالجه احتیاجلری وارد صحبتده دخی معالجه باطنه
وارد انکیچون مر شد کامله حکیم الهی و طبیب روحانی دیر (لمحرره)
ایلین کسه مر دله صحبت * کیده رک مرد اولور اوده البت * کندم
آسایوری کندک محوایت * دکش ایکن بو کون سکا نوبت *
مجلس مر شده داخل اوله کور * ایچه کور کامل الندن شربت *

بولهب ناره دکشدی نوزی * کلدی حقیقه سوره بت *
نصف آدم بله دکل جاهل * حق اهل معارفه نسبت *
* کر توسنک صخره و مر مر شوی *
* چون بصاحب دل رسی کوهر شوی *
* سنک * مطلقا طاشدر * صخره * عربیدر که حجر عظیم
صاحبدر که عجم خارا دیر پس سنک صخره سنک خارا دیمکدر که
صخره سنکه صفتدر * مر مر * عربیدر معروف آق طاشدر که
رخام دخی دیرلر تنکم قاموسده مصرحدرا توای اولور * صاحب
دل * اسرار حقندن آکا اولاندر زیرا دلدن مر ادا اولان اسرار و معارفه
وقوفدر پس اهل وقوفک ماعداسی بی دلد که حیواناته ملحقدر
(معنای بیت) بودر که اسکر سن فی المثل صلابت ایله معروف
اولان حجر و خصوصاً سنک مر مر اولسک چونکه بر صاحب دله
ایریشه سن کوهر اولور سن نحاس طرح اکسیرله ذهبه منقلب
اولدیغی کبی بوندن فهم اولور که نحاسک اوصاف رذیه سنی تطهیر
و تزکیه دن صکره ذهینته انقلابه استعدادی وارد سائر اجسادک
دکل حدید و امثالی کبی و سنکک دخی لعل اولمغه له قابل و غیر قابلی وارد
تنکم خواجه حافظ کلماتده کلور * کویند سنک لعل شود در مقام صبر *
آری شود وایک بخون جگر شود * و مشنویده کلور * سالها باید که اندر آفتاب
لعل باید رنگ و رخشان و تاب * پس صخره و مر مر مبالغیه محمولدر
مقصود کوهر اولمغه استعدادی اولان طاش دیمکدر و الابی قابلیت اولان
طاشک انقلابی محالدر تنکم بو ستانده کلور * توان پاک کردن زرنک
آینه * ولیکن نباید زسنک آینه * و دیوان حافظ ده کلور * کرجان
بدهد سنک سیه لعل نکرد * باطنیت اصلی چه کند بد کهر افتاد * وینه
اول دیوانده کلور * کوهر پاک باید که شود قابل فیض * ورنه هر سنک
و کلی اوّل و مر جان نه شود * یعنی انسانک مستعدی پاس طومش آینه
کبیدر که طاش حکمنده اولمشدر ولیکن صیقل و جلا قبول ایتمک
شانندن اولمغه بحسب التریبه آینه صورتن بولور محروم البدایه اولان
فضیل عیاض و مالک دینار و ابراهیم ادهم و غیر یلر کبی (سؤال اولور که
انسانک جله سی فطرت اصلیه اوزرینه مفسوردر پس به ضیاری نه وجهله

سنگ حکمنده اولور (جواب بودر که مظهر اولی مطلق استعدادی
بیاندر بوايه شقاوت جلیه بی منافی دکلدر پس بوندن (ما من مولود
الا وقد یولد علی فطرة الاسلام) حدیثی ایله (ان الغلام الذی قتله
الخصر طبع کافرا) حدیثک میانده توفیق ظاهر اولدی و بویله دیمک
دخی جائزدر که فطرتدن مراد عالم میثاقده اولان قول بلی در بونده ایسه
عدم شقاوت لازم کمر تنکیم کفار دخی بلی دیدیلر و لکن تقایدا دیمکه
شقاوتدن خلاص اولدیلر الحاصل نور فطرت اوزرینه هیئات ردیه
ظلمات نفسانیه طاری اولغله استعداد انسان فعله خروج ایده میوب
قوه ده قالور کرکسن اکابی استعداد دی و کرکدیمه تنکیم بعض عوارض
توسطیله جواهر معدنیه مختلف اولور و صور دخی عذب و صافی ایکن
مرورایتدی مواضعک عزاجیه مترکب اولوب بعضیلری بالکلیه نوش
اولمقدن قالور و جریده حکایاتده مثبت و مسطور السنه ناسده دایر
و مذکوردر که صاحب الفصول اولان ابو الوفاء ابن عقیل الکرذری که
مشویده مذکور اولان حسام الدین چایی انک نسلنددر بعض ارباب
انکار اندن امی حائده تعجزا و تهکما و عظم جو اولدیلر اول کجیه
رسول الله صلی الله علیه وسلمدن نفس رحمانی واقع اولوب و عظم و تذکیر
مأذون اولدقد ابره سی خلقک دلخواهلی اوزره تفسیر قرآن و تحقیق
فرقان و اظهار برهان ایلوب (امسیت کردیا و اصبحت عزیزا)
مقاله سیله زمزمه پرواز اولدی مزبور امی محض ایکن فضلاء دهردن
واعظم علماء حنابلہ دن اولق اوزره شهرت بولدی اگر چه که اکثر
اهل رسوم بومقوله معنایی انکار ایدر زیرا نفس نفیسک تأثیرن بلز
و هر نسنه نک وجودی اسباب عادیه به منوط صانور و تقریر اولنسان
معنایه قریب در اولکه ینه مشویده کلور * اوپاراهست قوت از آله *
تیرجسته باز کرداند ز راه * پس بومقامی برخوش فهم ایله و بوحدی
دخی در کار قبل که متکفل سعادت دارین رسول ثقلین صلی الله علیه وسلم
بیورر (ان الله خلق الجنة اهلا خلقهم لها وهم فی اصلا بآبائهم
و خلق للنار اهلا خلقهم لها وهم فی اصلا بآبائهم) (لحرره) اهل
عالم دیر که هر پردر در مان وار * چاره جوی در دخنم اولمه اما پوری وار *

مهر پاکان در میان جان نشان

دل مده الا بمهر دلخوشان

* مهر * کسرله محبتدر مهر کیه محبت اوتیدر * نشان * امر در نصب ایله
مناسنه تنکیم اوق نشانه نشانه دیرلر زیرا علامت و منصوب در
(معنای بیت) بودر که آلایش ماسودن پاک اولوب (لا یمسه
الا المطهرون) سرنه مظهر اولان اولسانک محبتی جائک اورتاسنه
اوق نشانی کبی نصب ایله و یا اغاج فدانی و نواتی دیگر کبی دیک
ز برا حب درویشان حقیقی مفتاح جنت قلبدر پس کوکل و یرمه و سوبده
قلبی تعلیق ایتمه الامحبت خق و حیات عشق و کیفیت جام تجلی و نشو
ذوق کلی ایله دلخوش اولان اصفیا نک محبتنه دل و یر و کوکل بغله
زیرا انلره محبت ایتک حقه محبتدر زیرا فنانی الله بولمشلر و بقا الله ایله
متحقق اولمشلر در خصوصه که دلاری عرش تجلی الهیدر پس طاب
حق اولان حق انلرک دلبرنده بواور و عاشق دیدار اولان انلرک آینه سنده
صورت مراده و اصل اولور (سؤال اولنوسه که بوراده قصر نیچه
درست اولور بلکه قصر حقه کوره اولق کرکدر تنکیم و اصل سرز کورت
معنویه حضرت رابعه عدویه دن قدس الله سرها سؤال ایدوب
اللهمی جل شانہ و یا رسول الله اللهمی دام برهانه زیاده سورسن
دیدکارنده بیور دیکه هیهمات محبت حق بندن غیرک محبتی رفع ایلدی
پس ماسوایه محبتک معنایی قائمیدی (جواب بودر که رابعه نک اول وقتده
سری کال فناده و تمام استغراقده ایدی انکیچون حقک محبتدن غیریه
وجود و یرمدی زیرا مشهودی حق ایدی فقط و لکن انبیا و کمل اولیاء
مشاهد حق اولق حسبیه انلره اولان تعلق ماسوایه دکلدر بلکه
عین حقه در زیرانی الحقیقه ماسوی بوقدر بلکه صفات و اسماء حق واردر
انلرک غیریتی ایسه من وجه در پس عالم بقایه کوره عبد سرر بوبیت ایله
متحققدر اگر چه که مصوم اولانده دعوی بوقدر و بومعنائک شواهدی
چوقدر تنکیم بعضیلری مرورایتشددر (و مارمیت اذرمیت و لکن الله رمی)
کبی و سائر اطلاقات دخی بوکافیا اولنه (ان الذین یبایعونک انما یبایعون الله
ید الله فوق ایدیهم و من یطع الرسول فقد اطاع الله کبی (لحرره) قابل انسان
ایسک کبی مهرک نورن آل * صورتامه معنیده مهر اول بودر سوزده مال *

کوی نومیدی مر و امیدهاست

سوی تاریکی مرو خورشید هاست *

* کوی * کاف عریله زقاق و محله معنست در بالاده شرح اولمشدر
(معنای بیت) بود که نامیدلک زقاقنه کتمه و ما یوسلق محله سنده وطن
طوته و جانب قنوطه دوشوب و سوسه ایله کنیدیکی اهلاک ایتمه زیر
امیدل و آرزو لرور جال وارد ر یعنی منقطع رجا اولماق کر کدر زیر امر جوك
حصولنه امکان وارد انکیچون حق تعالی بیورر (لاتقنطوا من رحمة
الله انه لا یأس من روح الله الا القوم الکافرون) و مولانا جامی یوسف
وزلیخا سنده کلور * بلی نبود درین ره نامیدی * سیاهی را بودرو
در سفیدی * ز صد در کرامیدت بر نیاید * بنومیدی چکر خوردن نشاید *
در دیگر بیاید زده ناگاه * ازان درسوی مقصود آوری راه * ظلمت
جانبه یور یوب کتمه زیر کنشله و نورل وارد ر یعنی نور دن نامید اولوب
ظلمده قالمه و کنیدیکی دریای یاسه صالمه زیر بوغر و بک انجامی
طلوع و بولیاک آخری نهارد در نیکم دیمش لردر * ع * کنش دائم محاب
ایچره ولی پنهان اولوب قالماز * و دیمش لردر که * شب فرقت ایدر آخر کذر
ان شاء الله * خسته دل روز و صاله ایران شاء الله * مع هذا مشارق آفتاب
و مطالع ماهتاب و ارایکن اسکندر کی ظلماته دخولک معنایی ندر بونده
اشارت وارد که الله تعالی قرآنی و رسول الهی و وارثلرینی نور محض
قلمشدر پس انلرک نور وجود و علم و کالی و ارایکن ظلمات امکان و جهل
و نقصانده قالماق کر کدر و انوار روح و ظلمات نفس دخی بوکا قیاس
اولنه ز راجان مشرق انوار و تن مغرب ظلماتدن خلق اولمشدر نفس ایسه
تن خاکیه تابعدر و لکن تجلی ایله وقت طلوع کلد کده (واشرقت
الارض بنور ربها) خواستجه ظاهر و باطن و جسد و روح معبر و پر نور
اولنور و بونده رمز وارد که سنک بدخشان لعله و حجر بمن عقیقه
متبدل و متحول اولدیغی کی مستعده کوره دخی بصیر بصیرته و جهل علمه
و نقصان کاله منقلب اولور و بومعنادن خافل اولان سالک ظلمات نفسده
قالم بکار دخی نور یوزی کورمک یوقدر دیمک کلمه شهادت زیر انیجه
ورطه تنزله قائلر خلاص اولمشله و نهایتنده ترقیات بولمشله لردر پس
(من طلب وجد وجد و من قرع الباب و لج و لج) مضمونی دائما
خاطر نشان و محروم البدایه و مرزوق النهایه اولنلرک حالی نصب العین

والجنان ککر کردرو بونده اشعار وارد که نا امید اولان کیسه اعمی
کییدر ظلمات ایچنده قالمشدر (لحرره) چق بو ظلمدن اکر وار ایسه
نور بصرك * سالک راه حق اولدکسه کورنسون اثرک

* دل ترادر کوی اهل دل کشد *

* تن ترادر جنس آب و گل کشد *

* کوی اهل دل * مراد اهل دلک سمت و جانییدر پس بونده محله لری
و مسکنلری و تکیه لری دخی داخلدر و بونده مقصود نجر در آب و گل
شهوواتدر و بوندن مراد تعلقدر (معنای بیت) بودر که دل پاک و قلب
تابناک سنی اهل دل سمته و انلرله صحبت و انلرک ارشاد ایله تجرد و انقطاعه
جذب ایدر زیر ارازند و مجانست و مناسبت وارد اول جهتدنکه دل
ملکوتنددر پس اهل دل نیجه ماسوادن قطع تعاقب تبدیلرا یسه سندخی
انلر و ساطتیه تجرد تام بولورسک و ملائکه مرتبه سنده ترقی ایدوب ادر پس
وعیسی علیه السلام کی سپهر شرفده ارتفاع شان اهل اولورسن
تن ایسه سنی شهوات و تعلقات حبس و زنداننه چکر زیر انلرک دخی
ارازنده موافقت و مطابقت وارد زیر اتن ناسوتنددر پس سن دخی
تنک احکامیه منصب اولورسک زندان شهوات و تعلقاتده محبوس اولوب
قالورسن و حقندن آریلوب بند خلقه مقید اولورسن بناء علی هذا لایق
شانک بودر که داعی ماسوی اولوب جانب خلقه ترغیب ایدن نفس
و طبیعت و بونلرک اهلنه النفات ایتوب داعی آلهی اولوب طرف حقه
ترغیب ایدن جان و دل و بونلرک اربانه کوش طوته سن و دعوتلرینه
اجابت ایده سن بوندن فهم اولنور که انسان جامع الاضداد اولدیغی
جهتدن بین الجمال و الجلال متقلب و بین اللطف و القهر متردددر
پس عنایته محتاجدر که هر حالده طریق توفیقه سالک اولوب
منزل مقصوده قدم نهاده اوله و جذبه الهیه ایله جاذب علوی به ترقی
بوله بعد ذاکسندله کی دل و تنه نسبت ایلدی مقصود احکامی بیاندرمع هذا
دله بلکه سادن و تنه دیو خادمدر اگر چه که بونلرک الهام و تسویلی دخی
اسباب ظاهره دندر حقیقتده هادی و مضل الله تعالی در پس آنک جذبی
سبب قبول و ترک علامت ردددر و مولانا جامی دیواننده کلور * سالکان بی
کشش دوست بجایی نرسند * سالها کر چه درین راهتک و پوی کشند *

هین غدای دلیده از همدلی

رو بجا اقبال را از مقبلی

* اقبال * ادبارك ضدیدر مراد حق اقبال و توجه در * مقبل * اقبال اهلیدر
(معنای بیت) بود که آگاه اول و یا خود شتاب ایلیوب بر همدادن
دله غدای روحانی و یر یعنی بر دل اهلانه یار اولوب آنک حضانه سنده غدای
دل اولان شیر معارف و حکم و حقائقه طفل آسا متربی و مقتدی
اولزیرا (وأتوا البیوت من ابوابها) و فقیحه هر صدره باندن دخول
و هر کاله طریقندن وصول کر کدر انکیچون شیر پستاندن غیری موضعندن
مص اولماز و غسل خانه زبوره دن غیری محلدن النار یوری حق
اقبال طلب ابله بر اقبال اهل یوزندن یعنی ابتدا بر مقبل اله کتور
اندن صکره طالب اقبال اول پس بوندن اخذ اولور که انسان براهل
دله مصاحب و آنک ارشادیه سالک اولمد قبحه ادبار اهلیدر که وجه دلی
قبله حقیقه اولان وجه آلهیدن منحرفدر که اعنی حکمنده در اعنی
ایسه قبله دن منصرف اولسه بر بصیرانی قبله توجه ایتمک لازم کلدیکی
کبی عمای قبله مبتلی اولان مدبری دخی بر بصیر مقبل قبله حقیقه به
تحویل ایتمک کر کدر تا که حق توجهی صحیح اوله و مولانا جامی نظمده کلور
* شد روی دوست قبله اما کو امام شهر * تادر نماز خویش بما اقتدی کند *
بو نظمندن اخذ اولور که وجه محبوب حقیقی بی قبله انجا زایدن کاملارک
کندی وجود لری و صومعد لری و نیکه لری دخی محراب در انکیچون ینه نظم
جامیده کلور * صاحب دلی بکاست که بر غم زاهدان * میخانه به نیت رندان بی
کند * ز برابروراده میخانه دن مراد خانقاه و رندان مراد رندان حقیقیدر که
پیمانه نوشان بزم عشق در بیت مشویدن فهم اولور که اقبال حقیقی
مقبل حقیقی اولان ارباب قلوب و عقلاء حقیقه تک صفتیدر زبرا انلرک
معراج مغنوده سدره المنتهای کثرتدن قاب قوسین صفاته عارج و اندن
اوادنای ذاته صاعد اولوب توجه و اقبال عالم وحدت ذاتیه و منزل
هویت آلهیه به بتور مشلر و مشقت طریقندن خلاص اولوب سر منزل
مراده وصوله ایشلرن بتور مشلردر (لحرره) آشنای ذات اولوب
در بای وحدت غرق اول * نیچه بر بوسا حاک بیچاره اهل فرقی اول * وجه
حقدر قبله عشاق از لدن نالبد * وارا کاد و ندر یوزک نه غری اول نه شرفی *

اول * بونده و وافظندن معنای سعی اخذ اولور نتکم قرآنده کلور (فاسعوا
الی ذکر الله) و لیکن سعی ایکی وجهله در بری امر حقه و فرمان
مر شده اطاعت و قبله نحری و اجتهاد ایتمکله اولور و بری دخی حرکات
اقدام ابله حصوله کلور پس طالب مر شد کامل اولانه ایکی وجهله دخی سعی
لازمدر زبرا اولامر شد کامل تحصیل ایچون اطراف عالم و اقطار ارضه
توجه و حرکت و ثابا خدمته تکاپو و اطاعت اقدامدر فاعرف جدا و اعمل تل

بود در انجیل نام مصطفی

آن سر پیغمبران بحر صفا

* انجیل * کتاب عیسی علیه السلامدر یقال نجل الشی اظهره کافی القاموس
و اختریده کلور که انجیل اظهار ایدیچی و علوم و حکمتک اصلی کما بقال
سمی الانجیل انجیل لانه اظهار الدین به مدما درس * مصطفی * مراد فخر عالم
صلی الله علیه و سلمدر ولیکن اصطفا ئیتی ایکی وجهله در که بری ظاهر
و بری باطندر ظاهر اولان بودر که حدیثده کلور (ان الله اصطفی کثاته
من ولد اسمعیل و اصطفی قریشا من کثاته و اصطفی من قریش بنی هاشم
و اصطفی من بنی هاشم) ز برابر و اصطفا نسبیه دآردر اگر چه که خصال
حیده بی دخی مشتملدر فاما بوقبالتک خصال اخلاق حیده قبله دکلور
بلکه اوصاف شریفه قالییه در اطعام طعام و قران ضیف و احسان یتامی
و مساکین و فک رقبه و تخلص و فدای اساری و امثالی کبی نسب و خصال
مذکور ایسه امور ظاهره ناظر در انکیچون حدیثده کلور (یا بنی هاشم
لایاتینی الناس باعمالهم و تاتونی بانسابکم) و اصطفا ظاهرده داخلدر
جسد شریفلر ینک اعتدالی و حسن اوصافده کانی نتکم سیرده مفصلا
بیان اولمشدر (لحرره) نور مهند نوله افزون اولور سه نور رخ * بعض
نور ایدن اکا اولدی جلال کنشی * پرتواند از اوله لی عالمه مهر حسنک *
رومه دوندردی ملاحتله جمال حبشی * و باطن اولان اصطفا ئیت بودر که
حدیثده کلور (انا حبیب الله و لا فخر) زیر اقام محبوبیت جمیع مقاماتک
فوقنده در نتکم بالاده شرح اولمشدر و بمقامک نتایجندندر که بیورر
(لی مع الله وقت لایسعی فیه ملک مقرب و لایبی مرسل) سر پیغمبران مقصود
مقدمی و رئیس دیمکدر پس ارواحه کوره سردر زبرا جمیع ارواح انک فیض
نورند در نتکم بیورر (اول ما خلق الله روحی) و ینه حدیثده کلور (انا

من الله والمؤمنون من فيض روي) واجسامه كوره دخی سردر زیر
جسم کلی انك صورت اولای جسمانیه سیدر وکالاته کوره دخی سردر
زیر نور نور شمسدن مستفاد اولدیغی کبی کالات انبیا واولیادخی انك
کاندن مأخوذدر نتکم قرآند کور (ورفع بهضهم درجات) زیر ابو بعض
ایله مراد رسول الله صلی الله علیه وسلم ورسول الله حقیقی جهتدن
مظهر فلک رحندر که اندن اوسع فلک یوقدر زیر اجمع عوالمی محیطدر
پس جیع اسمائک استمدادی رحن استمدندر که مقام خاتم نبوت وشفاعت
عامه در و جیع اسمائک انتهای دخی اکادر وانك استمدادی اسم ذاتدندر
و بوسره اشارت ایدوب قرآند کور (قل ادعوا الله وادعوا الرحمن
ایماندعوا فله الاسماء الحسنی) وینه قرآند کور (الرحمن علی العرش
استوی) زیر ابوندن رحمت مطلقه نك جیع عروش اوزر ینه استیلاسی
لازم کور الحاصل الله تعالی فخر عالم صلی الله علیه وسلم وجودی سببیه
جیع اشباهه رحته تجلی ایلوب اسماء آلهیه وحقایق کونیه انکله تنفس
ایلدی پس شجره وجود مصطفی صلی الله علیه وسلم اصل و سائرلر اکا
اغصان وفروع اولدی و آدم اصطفائی و ابراهیم خلایق و موسی تکلمی
وعیسی رفعتی و سلیمان ظهوری و یوسف جالی و سائرلر دخی هر نوع کالی انك
بوزدن بولدی صلی الله علیه وعلیههم اجمعین * بحر صفاء * مشبهه بك مشبهه
اضافتی بایندندر صفاء باطنی آیه ووسعتی دریایه تشبیه ایلدی زیر آب
صفوته و بحر توسعه علم اولمشدر ولكن وصف رسول الله صلی الله
علیه وسلمه واقع اولغله انسب اولان بحر محیطه جل ایتکدر زیر بحر محیط
بحر سیاه و بحر سفیده کوره غیر محاطدر (معنای بیت) بودر که حضرت
عیسی علیه السلام کتابی اولان انجیلده نام مصطفی صلی الله علیه وسلم
وارایدیکه احدیازلس ایدی انکیچون قرآند کور (ومبشرا برسول
یأتی من بعدی اسمه احد) نتکم محی البشر نام کابزده بیانی استیفا
اولمشدر اول مصطفی که سر پیغمبران و بحر صفادر نتکم شرح اولندی
پس اخص موجودات اولتان انبیا علیهم السلامه رئیس و مقدم اولیحق
اعم کائناته دخی بویه در بوجه تندندر که حامل لواء الحمد اولوب آدم
ومن دونه اول لواء عالی تحنده محشور اولسه لکر کدر (لحرره) صورت
رحمت اولغین اول لواء طوته آفاقی وسعی انك سایه سنده کجنوب شاه

کدا * بنده سی اوله ل اوسلطانک * بونده سر عبارتنده سر بودر که سر انسان
افاضل مشاعر و حواس مشتمل اولغله سائر اعضایه سردر شویله که
دایندبار یک رشته و فیتنداره احق و برقع و معجززین نقش و نیکاره
القدر و سرائله بحری جمع ایلدی زیر سرائلهار مختلفیه بحری و مسیل و هر
فیض ادراک و شعوره سبیلدر و سری تقدیم ایلدی زیر اوجود بحار
ریاست فخر عالم صلی الله علیه وسلم اوزر ینه مرتبدر یعنی رطوبتک وجود
وتکویندن اول ریاست و نبوت مصطفی صلی الله علیه وسلمه ثابت
ایلدی نتکم (كنت نبيا و آدم بین الماء والطين) اکا دالدر

بود ذکر حلیها و شکل او

بود ذکر غزو و صوم و اکل او

* حلیه * کسره خلقت و صورت و صفت معنای ینه کور کافی القاموس
واختربده دیر که حلیه بزرگ و آرایش جمعی ضمحاء و فتح لامله حلی * شکل *
بالاده مفصلات تشکیل اولمشدر * غزو * يقال غزا غزا و اراده و طلبه و قصده
کا غترام و غزاه و سائر الی قنالههم و انتهایهم غزوا و غزوا و غزاه و غزاه
والجمع غزی و غزی کف هول کافی القاموس و مفرد دانه کور الغزو الخروج
الی محاربته العدو * صوم * اصلنده طاق امساک در که مطعم و مشرب
ومشی و کلامدن اولغله شاملدر صکره شرعه مکلفک نیت ایلله
ابتدای صبح صادقدن غروبهدک مفطرات معهوده دن امساک
ایچون وضع اولندی * اکل * تناول مطعمدر علی طریق التشبیه اکت
انشار الخطب دیرلر (معنای بیت) بودر که انجیلده مسطور ایدی
رسول الله صلی الله علیه وسلمک صفت و شکل و غزا و صوم و اکل
و سائر احوال شریفه سی پس بو کلام اکتفایبندندر و بونده حلیه و شکل
فطرت اصلیه نك سلامته اشارتدر یعنی تناسب شکل و حسن منظر
و کمال صباحت صفاء فطرتندر فاما شول کیمسه نرده که بومعانی مجتمع
ایکن کدورت فطرت وارد در هیئات عارضه نفسانیه دن حاصل اولمشدر
نتکم بعض عوارض و عاهات جسمانیه ایلله دماحت اعضاء حادث اولور
(لحرره) رونق حسن ندر چهره ده خال * دل انکله اولور مشوش حال *
آن آینه سیدر لیک آنک * آن سبز حسنی یوقدر بونک * و غبیدی یوسفک
رخنده اوآن * قول ایدی حسنه اگرچه جهان * و پردی فخر جهان

حق آتی * انا ملح در آتک برهانی * وغز و کمال تزکیه لرینه اشارت در
شویله که انلرد ه بقیه نفس بوقدر انکیچون یوم حشر ده امتی امتی
دبو خفض جناح شفاعت اینس لمر کر کدر وهر پیغمبر ک امتی کنیدنک
قوای باطنه سی صورتیدر بس قوای ظاهره نک اشرا سی ایله مختار به
ایتمک ساحه دروندن استیلاء اشقیای قوای باطنه بی ازایله اشارت در
انکیچون معین نفس اولان شیطانک اسلامندن خبرو یردیلو و پورته نک
کنیدلرینه اختصاصی وارد و الاساثر انبیا علیهم السلام نفسی نفسی
دیرزدی و بوندن فهم اولندیکه رسول الله صلی الله علیه وسلم مشرب
ملک اوزرینه در که عقل محض در انکیچون انلردن فرض و واجب
و مستحب دن غیری نسته صادر اولدی اگرچه که ابتلا یوزندن دائما تر قیده
ایدیلر فاما ابتلا ده اولان جلال عصیانه تعاقبیدن جلال کی دکلدر والا
حضرت یحیی علیه السلام شربت شهادت نوش ایتمزدی زیرانگاه
ایتمک دکل بلکه گاهی هم وقصد ایتمک بله واقع اولدی تنکم حدیثه
منصوص در و صوم ریاضت تامه و ابیضا ض باطن لرینه اشارت در صوم
وصال و انک نتیجه سی اولان یتوت عند الرب اکا دالدر و خبر قدسیده
کلور که (نجوع ترانی نجر دتصل) پس صوم وسیله رؤیت در که فخر عالم
صلی الله علیه وسلم علی الدوام در و بوسره مینیدر که حضرت موسی
علیه السلام جبل طور ده فرق کون معتکف اولوب ریاضت ایلمش
و حق تعالی ایله مناجات قلمش و بلکه عالم انسلا خده رؤیت دخی حاصل
اولمش در زیر آفرآنده اولان خطاب ان ترانی بصرا بله اولغه محمود در
واکلمری اطعام و سقی حقه ناظر در که ادواق مغویه به اشارت در و بردخی
صوم قرینه سیله اکل افطاره حل اولنق موجه در خصوص صا که افطار
حقیقی لقاء حقه در و بونده حلیه و شکلی تقدیم ایلدی زیر اخلاق و غریزی
درو غزوله تنبیه قلدی زیر تزکیه نفس و تربیه وجود مقدم در خصوص صا که
دفع مضار جهتیه اوله و صوم مله تثلیث ایلدی زیر افشاء طبیعت
ناظر در واکلی تأخیر ایلدی زیر ابقاء روحه دائر در تنکم اربانه معلوم در *

* طائفه نصر انبان بهر ثواب *

* چون رسیدندی بدان نام و خطاب *

* ثواب * اجر عملدر انسانه رجوع ایتدیکچون ثواب دندلی زیر ثواب لغتده

رجوع دیمکدر الحاصل اصل ثوب بر نسته یا حالت اولی سته و یا خود
مقصود بالفکره اولان حالت مقدره سته رجوع در تنکم دیرلر که (اول
الفکره آخر العمل) پس ثاب فلان الی داره دیدکاری حالت اولی به
رجوع قیلندندر و اولنکه ثوب دیرلر مقصود بالفکره اولان حالت
مقدره سته رجوع یابندندر زیر غزل حالت مقدره سته رجوع ایتشد در
ثواب عمل دخی یوقیلندندر (معنای بیت) بودر که نصاری طائفه سی
تخصیل ثواب و اجر دن اوتوری انجیل او قورکن چونکه اول نام
مصطفی و خطاب باصفایه ایریشه لردی پس کلام مابعدنه مروه وندر که
بیت لاحق در بونده طائفه نصارا نک رهبان و قسیس لری قراءت انجیل
اشتغال کوستر دکلرن تبیین و اسماء مخصوصه ایله تبرک و تینلرن تعیین
وارد در تنکم بشر حافی قدس سره یردن برسمه یاز یا و ورق پاره رفع ایدوب
تعظیم ایتمه سی سبب توبه و ولایتی اولدی زیر اسم مسما یه دال اولغه
مسمی کی معظم در تنکم سلطان محمود غزنوی بر کون طهارت ایچون طشره
چقد قدس ابریق داری اولان خاص ایاس اوغلی محمد ایچون سویلک ایاس
اوغلنه ابریقی کتورسون دیدی فاما ایاس بونی ایشیدوب اوغلی علم مخصوصی
ایله مذکور اولمیدیندن منفعل اثر غضب سلطانی قیاس ایتدی سری
سؤال اولند قدس اسم محمدی بی طهارت اسانه کتورمک ایچون
ایاز اوغلو دیدم دیدی و علماء دیمش لردر که اسماء جایله دکل بلکه مطلق
حروف یاز یلو اولان اوراقه بله تعظیم ایتلو در مکر اوراق کتب منطق
اوله که فلاسفه اهانه انکله استجابی نجویز ایتمش لردر و بونده
ثواب ذکرندن فهم اوانور که ذکر اولنان قاریلر عوام قسین دن
ایدیلر زیر خواص انسان لو خنده رسم طلب ثواب یوقدر مکر که مرتبه
شریعتی رعایت ایچون طاب اولال بلکه انلرک قراءت لری مناجات
یابندن و بلکه کلام و متکلم سر یله تحقیق قیلندندر (لحرره) ذا کر
حق کر فنا اهل ایسه مذکور اولور * کور مین قرآن ایچنده وجه
حق کور اولور * اللهم اصلح حالنا * ونور قلوبنا

* بوسه دادندی بران نام شریف *

* رونها دندی بدان وصف لطیف *

* بوسه * او په نک اسمدر که عرب قبله دیر ضمه و لکن بعض مواضعده

تقبیل معنایست مصدر در دخی استعمال اول نور نیکم محمدیه اولاند ه نعت
مصطفی صلی الله علیه و سلمه کلور * ایامی توزنی عرش ابتدی قبله * یعنی
متهای عالم ترکیبه رسیده وزروه عرشه وضع قدم ابتد کد ه عرش
عظیم انک ایامی توزنی تقبیل ابتدی * وصف * دن مراد وصف حق ایسه
مصدر معنایست مأخوذ در فاما ظاهر اولان صفت معنایست اولقدر
وصف ایله صفتک میاننده فرق بودر که وصف و اصف ایله وصف
موصوفه قائم در و فواید قدوریده کلور که فرق مذکور متکلمین
اصطلاحنه کوره در والا وصف و صفت اصانه مصدر لر در و عظم و عظه
و وعد و عده و وزن و زنه کی و صفت ایله نعت میاننده فرق بودر که نعت
محمود اولور فقط صالح و کریم و امشالی کی و باخود ذاتی اولور که
موصوفدن مفارقت ایتمز طوبت ماء و حرارت نار کی صفت ایسه محمود
و مذموم و ذاتی و عرضی اولانده محتملدر و بردخی صفت وجود و معدوم
اوزرینه اطلاق اولور نعت ایسه انجق موجود اوزرینه واقع اولور
و بردخی صفت فعلی و نعت طبیعیدر و بردخی نعت متغیر اولانده استعمال
اولور فقط صفت ایسه متغیرده و غیر متغیرده استعمال اولور انکی چون
صفات الله دیرل نعت الله دیرلر و اولکه نعت باری و نعت رسول دیرلر
نعتک بمدوحه اختصاصی سبیلده در پس صفت اعم و نعت اخص اولور
(معنای بیت) بودر که اول نام شریف احدی اوزرینه بوسه و برلر
و تقبیل ایدرلر دی و اول وصف لطیف اوزرینه یوز قورلر و تبرکات جهرلر
سورلر دی پس اویمک باطنده علم و اعتقاد ناظر در زیر اعلمک محل
روزی اغزدر و چهره قومق ظاهرده انقیاد و تسلیمه دانددر و حضرت
عمر رضی الله عنهدن مرویدر که انلر مصحف قرآنی تقبیل ایدوب هذا
کلام ربی دیو بیور لر دی پس تقبیل مصحف لا بأسدر اگرچه مقبول
کلی اولان عمل ایله تعظیمدر خصوصاً که مصحف قولی مصحف فعلی به
دال اولانده مصحف فعلی بی زیاده تعظیم لازمدر عوام ناس ایسه بالکنز
الفاظده قالمشدر (لحرره) آج کوزک باق وجود مصحفنه * او توزایکی
حروفی آنده اوقی * بای کی آنی وار سینه که چک * دایکه تا طوقیمه غم اوقی *

اندرین قصه که کتیم آن گروه
ایمن از فتنه بدند و از شکوه

مطلب
الفرق بین الوصف
والصفة والنعت

* قصه * بالاده قص او انمشدر بعض نسخه ده قصه دن بدل فتنه دوشمشدر
فتنه ایله بلا میاننده فرق بودر که فتنه عوام و بلا خواص ایچوند
و کذلک فتنه مأخوذ بهادر بلا ایسه معنایست و مثاب علیه در کذا
فی عرائس البقلی * گروه * کاف عجمینک ضمیمه بولیکدر نفر معنایست که
اولور که اشعارده و اوی حذف ایدوب کره دیرلر آن گروه نام احدی تعظیم
ایدن نفره اشارتدر * ایمن * کسرله بی بالک و قیفوسن * شکوه * هیبت
و حشمت (معنای بیت) بودر که بوقصه و فتنه وزیر که سوبلدک بونک
اشناسنده اول گروه نصاری که نام احدی تقبیل و وصف محمدی به چهره
فرسای اولورلر دی انلر فتنه مذکورده دن و اول فتنه اهلنک هیبتنه متعلق
اولان احوالندن قیفوسن زاید بلر یعنی تقبیل و تعظیم بونک اثرن مشاهده
ایند بلر که عصمت حفظدر نیکم بوستانده کلور * ع * چه تخم افکنی بر همان
چشم دار * بونده دلالت وارددر که شرف فتنه دن محفوظ اولان نصاری اقل
قلیل ایدی زیرا جلال آلهی غالب در نیکم نیجه مواضعده تحقیق اولمشدر
و بونده فتنه دن مراد هم فتنه دنیا و هم فتنه دیندر فتنه دنیا دن مقصود محاربه
و مقاتله در که ذکر اولندی فتنه دیندن مراد احکام انجیلی تغیر و تحریف
وره سداددن انحراف و انصرافدر و فتنه دین فتنه دنیا دن اشد در زیرافتنه
ظاهره ایله کرچه وجود ظاهری بحسب الغالب تلف و هلاک اولور فاما
* تن اولور سه ده صاغ او اورچانک * خواسی اوزره حیات اخرویه باقیدر فتنه
دین ایسه بویه دکلرلر را غایتی (لا یموت فیها ولا یحیی) مضمونه مؤدی
اولور پس خرابه وجود ظاهری نک نهایی عمارت ابدیه و خرابه وجود
باطنیستک انجسامی خراب ایدرلر را عمارت ظاهره ده فائده یوق
و وقتی تقدیر میدا و اوسه بنه بنیانی منهدم وارکانی منقلبدر اعمار اعم ماضیه کی
و بونده اشارت وارددر که واردات قلبیه ایله عامل و رسول هدایه تابع اولان
قوای روحانیه مکر نفسانیدن مصون و کید طبیعتدن محفوظ و شر شیطاندن
امین در زیر هر چند که قوای شریه اراستنده تخالف و تمایع عرقی منکرک
و قهر و انتقام سینی مسلولدر و لکن قوای خیره حصار کلایت الهیده غنوده
مهد فراغ اولمشلر و عالم مشاهده در بای ذوقه طامشدر (لحرره) خراب
اوسه بناسی کنبد چرخ معلانک * دلم مرآته توز قونیمه اصلا فلک کردن *
قضایله دوشرسم ناره اسماعیل حق بن * مدد جو اولزم مانند ابراهیم ملک کردن *

ایمن از شر امیران و وزیر

در پناه نام احد مستجیر

* پناه * پناگاه معناسنه در که صغیق یر در عرب ملجا و ملاذیر و تفصیلی
مرواربتشدر * احد * رسول الاله که اسماء شریفه و اعلام لطیفه سندن در که
انجیلده و قرآنده مسطور در دیشلدر که انزلک اسماء مثالی خلقیه سی
اسمای حسنی حقیه کبی بیک بر عدد در اگر چه که اسماء آلهیه ایله دخی
متحقق و متخلف در الحاصل جانب حقیقتلری فنیاه ناظر اولغله بیک بر عدد
اسماء آلهیه ایله متخلق و جانب صورتلری بقایه دأر اولغله بیک بر عدد
اسماء انسانیه ایله متسمی اولدیلر که جله سی ظاهرا و باطنا تشریف
و تعظیم یابند در واحد فعلن منقول اولق مر جو حدر بلکه ابتدای
صیغه تفضیل موضوع در بصورتند دخی بمعنی الفاعل اولق را احد در
بس احد اسمندن زیاده حامدیتلری و محمد اسمندن زیاده محمودیتلری
ظاهر اولدی و محمودیت افعال و اخلاق جهتندن اولغله محمد ایله عالم
دین خارجی کوره تسمیه اولندیلر را افعال حمیده و اخلاق جلیله عالم عینه
تشریفلرندن صکره ظهور ایلدی و قرآنده کلور (انک اعلی خلق عظیم)
فاما حقه تعلق ایدن حامدیتلری ابتدای خلقت روحانیه لرندن بری
امر مستدر در زیرالسان روحانینک سؤال و تکلمی خلقت جسمانیه به
موقوف دکلدر بلکه هر موطنده جاریدر و بوندن غیر دخی وجه و اسمایه
متعلق اولان کلام سوره صفده تفسیر من روح البیان و کتاب مجی
البشر لاجل التبشیردن طلب اولانه * مستجیر * اسم فاعلدر زنه اار و امان
دلجی معناسنه مصدری استجاره در یقال استجار ای طلب ان یحسار
و ینقذ و یخلص من الظلم والجور پس اجاره نک همزه سی سلب و از ال
ایچون اولور (معنای بیت) بودر که اول نفر مذکور شر امیران و وزیردن
بی باک اولوب نام احدک پناگاهنده حقدن امان دلجی اولدیلو آخر شر
و شور و فتنه دن اول نام بر کتنه امان بولدیلو بونده اشارت واردر که
روح استناد و انجا ایدن قوای وجود عقل جزئی و هوای و سائر قوای
شریره اندن خلاص اولور زیرا روح مؤید من عند الله در نتم قرآنده
کلور (هو الذی ابدک بنصره و بالؤمنین) واحد مرتبه روحده علمدر
زیرا مرتبه روح اعدل المراتب در انکیچون رسول الله صلی الله علیه

و سلم وقت تبلیغ و ارشاده مرتبه روحدن اشغه تنزل ایتمشدر سائر ارباب
ارشاد ایه بویه دکلدر بلکه انلرافصای مراتب طیبه تنزل ایدر تا که
ارشاد ناس تمام اوله و بونده رمز واردر که بلادن تخلص ایچون دعا
و عرض احتیاج لازمدر تا که مکابره ر بوبیت لازم کلیه ز راجع اجزا وجود
حقدن حاله کوره نوعا وجود استر پس حقه ایفاء حق ایتک شان کلمند در
صحیفه بیانه کشیده اولان ارقام در که بر کون شهرت انکیز خطه بغداد
و بلکه عامه بلاد اولان شیخ معروف کرخی قدس سره تبرید قصد یله کوزه
آب وضع ایتش ایدی حور چناندن بر جاریه چهره نما اولدی که مذاق اعلایی آب
میرد دن شیرین و شربت زلال وصالی کور دن نمکین ایدی شیخ اول جار به به
آغاز کلام ایدوب لمن انت دیو خطاب ابتدا کده اولدخی لمن لا یبرء الما فی
الکبر ان دیدی و شیخ کوز من بوری آلوب زمینه القا و پاره پاره قلدی و اول
پاره لری شیخ شبلی قدس سره زیارته وارد فجه صومعه معروفده کورردی
شویله که دفین ارض و بی نشان اولجه کیمسه اول پاره های کوزه به وضع
یدایتدی پس روح حکایه بودر که شیخ معروف اول جار به نک نصیبه نفوس
زاکیه سی اولدیغن بلدی و کسر کوزه ده جار به به تسلیم اولدی و بکجار به
کرکز حق کافیدر دیدی زیرا بیلور دیکه هر جزء انسان بر مطلوب حقیقی به
طالبدر که آنی آندن امساک ایتک فی الحقیقه ظلمدر پس دعا و استجاره
دفع مضار ایچون در و گاه اولور که جلب منافع دخی اولور انکیچون فخر عالم
صلی الله علیه و سلم صورت اولابه کوره (واسألو الله العفو و العافیة من کل
بلیة) بیورردی و صورت ثانیه به کوره هر صباح وقت یداری ده (اللهم
ارزقنی) دیوز من مه پرواز اولور لر دی اشته کاملرک بویه حالات عجیبه سی
واردر که ادرا کدن خفیدر انکیچون قیاس نفس جائز دکلدر (محرره) رخ زیا
یرا شور کامل اولور کوزینه * نوله کر باقسلر صبر تله کوزلر بوزینه * کوزلک
کوزلرینه سرمه چکر حورالعدین * لذت لفظی ایچون قندقارلر سوزینه *

* نسل ایشان نیز هم بسیار شد

* نور احد ناصر آمد یار شد

* نسل * ولد در زیر پدرندن ناسل یعنی منفصلدر * ناصر * نصرت ایله
ولایت میا ننده فرق بودر که ولی اولان کاه اولور که نصرتدن
ضعیف اولور و نصیر اولان کاه اولور که منصور دن اجنبی اولور

پس ایکنسك میانده عموم و خصوص من وجه واردر (معنای بیت)
بودر که گروه مذکورك تعظیم نام احدی برکت و حرمته نسل و وادی
دخی بسیار وافر اولدی و تسلسل و تشعب بولدی سائر محاربه ده بوانوب
دین و دنیا فتنه سنه دوشنلرك ایسه اکثرنك نسلی منقطع و سلسله سی
منقرض اولدی سبی بواوادی که نور احمد مستحیر اولنله یاردی کلدی
ویار و مصاحب اولدی پس بویوزدن منصور اولوب حیات بواوایلر
واهل نسل و ذریت اولدیلر مستهین اولنله ایسه نور احمد ناصر دن
حرف سقوط طبله تارکلدی انلری یاقوب کل ایلدی بوندن فهم اولنور که
ظالمک عمری قصیر و نسلی منقرضدر نیکم دیشلردر که * طوغان طور من
زبانکار اولدیغیچون * یاشر کر کس کم آزار اولدیغیچون * و بونده رمن
واردر اول سره که امام علی رضی الله عنه بیورمشلردر (بقیه السیف
انمی عدد اوا = کتر عدد ا) نیکم بومقاله نك مضمونی واد علی رضی الله
عنه یدر ادراک اولندی زیرا حضرت حسین رضی الله عنه واقعه کربلا ده
عامه اهل بیتی ایله شربت شهادت نوش ایدوب فرزند دایندی زین العابدین
علی رضی الله عنه هنوز رضیع اولغله کمند ابتلادن اونجات بولمشدی
فقط صکره الله تعالی کثیر طیبی انک صابندن اخراج ایتدی که سادات
کرآمد و بونده اشارت واردر که نفس ابر و مقطوع و روح و قلب نامی
و متریدر زیرا اعمال صالحه نك ثوابی افزون اولمده در و پردخی اعمال
صالحه و احوال صادق و اخلاق روحانیه و اوصاف ربانیه اولاد
و اتباع روح و قلبدر نفسده ایسه معانی مذکور بوقدر بلکه نفس
خیرات و حسناتدن عقیدر و بونده تلویج واردر که معتبر اولان نسل اگر
صوری و اگر معنوی کتبله عامل و احکام و شرایعه ده کامل اولاندر پس
بوندن ماعد استنده میمنت یوق و بلکه ضلال و اضلال یوزندن ضرری
چوقدر انکیچون بعض طرق اهلنده قلیل اولان اتباع دخی و الباقی
همچ مقوله سیدر زیرا متبوعلری جام صهبای عشقندن ایچما مشلر
و کیفیت ریحیق ذوقله ماس وادن کچما مشلردر پس اتباعك دخی باده
نوش مجلس حاضر اولدیلری ممنوع و انلرك دلنده حالت وجه صحیحدن
برنش و واردر دینلرك سوزلری غیری مسموعدر (سؤال اولنور سه که
ناقصدن کامل تولد انجمنی نیکم قرآنه کاور (بخرج الحی من المیت)

(جواب بودر که کافردن مسلمان تولد ایدر ولیکن مسلمان کافره خدمتکار
اولان فاعرف جدا و اولیکه بعض شاکر کردار استاذلرن کچما مشلردر
بومعنی استاذده فی الجملة کمال اولغله منوطدر والا نسبت مرتفعدر
فافهم جدا (لحرره) بنابه مقدم کدر عمل * یوری بی عمل ایتمه
صرف عمل * سرابه قدم رنجه قلمه صاقن * سرآبه وار حاصل اولسون امل

✽ وان گروه دیگر از نصرانیان ✽

✽ نام احمد داشتندی مستهان ✽

* مستهان * هین و ذلیل و خوار و حقیر طوتمش دیکدر قال فی تاج المصادر
الاستهانة استخفاف کردن (معنای بیت) بودر که و نصاری دن
اول بر گروه که نام احمدی خوار طوتمش و حق تعالی برینه کنور مشلر
ایدی پس بوکلام بیت لاحقه می هوند بوندن فهم اولنور که هر طایفه
اراستنده اهل جلال و اهل جمال واردر که هر بری مقتضای فطرتلری
اوزرینه جاری اولورلر پس جلال اهللی خلق تعظیم و حق نیکه یوله
موصوف و جمال اهللی انک خلاف و عکسی ایله معروف در اگر چه که
جمال اهللی اولانلر دخی فی الحقیقه خلقه می تپه لرینه کوره تعظیم ایدرلر
زیرا جمیع اشیا مظاهر اسمادر و مظاهره ظاهری شهود ایدنلر ظاهری
بعیتله مظهری دخی خورش کوروب ایکنسك دخی تعظیم ایدرلر مکر
شرعك مقتله امری ایتدیکی نسنه اوله بو صورتده امری سیددن طشره
چتمزلر و فتوحات مکیده کلور که اعزه خلق اولنلر مظاهر عزت آلهیدر
پس فخر سن مدعی عرفان برکته کورسك که حکام و امراء و وزراء
و سلاطین اوزرلرینه تهر ایدر بلکه اولیکه عارف بالله دکلدر زیرا علماء
بالله اولانلر عزت آلهیه تختنده اذله در محکیدر که بعض عرفاء بعض امراء
مجلسنه داخل اولد قده برک درخت کی می تپه اولغله بشادی صاحب
مجلس اولان امیر هر چند که مواسه و مباسطه کوسقردی انک اولقدر
مهابت و اجلالی زیاده اولدی زیرا امرات کاشانده شهود و عزت آلهیه
اهلی ایدی بزم اعصار مزده بعض ارباب جاه اهل الله طمن ایدوب
بونلر بزدن نیچون متغیر اولورلر بزه خود بونلرك حاللری یوقدر دیرلر
بلزلر که بویه متغیر و منفعل اولنلرك تغیر و انفعالی شهود کاملدن ناشی
ویا خود مقتضای بشریتدن فاشیدر طعن ایدنلر ایسه بو معنادن

مختلر در انکچون جهلارندن کستا خلفلر ایدرلر وطریقه تعرضه
کیدرلر (لحرره) کور مسون رخلرم اغیار دیو * یورینور یار پرده
هر رده * کورمیلر ورا پرده یوز * ظن ایدرلر یوزی قوری یرده *

﴿ مستهان و خوار کشتند از فتن ﴾

﴿ از وزیر شوم رأی و شوم فن ﴾

* فتن * فانك كسر يله فتنه نك جعیدر که مرار اشرح اولمشدر * شوم رأی *
برامن و خیر سز رأی و فکرلی و بعضیلر دیدلر که الرأی مادی الیه الفکر
* فن * تشدیدله عربیدر برقاج معنایه کلور بوراده مناسب اولان حال
و تزین معنایله اولمقدر زیر وزیر من بور فی نفس الامر شوم حال
اولدیغندن غیری شوم تزین ایدیکه تسویلات و تزینات الیه خلقی راه
راستدن اخراج و از عاج ایلدی (معنای بیت) بودر که نام احمدی
استخفاف ایدن کروه ایسه واقع اولان فتنلر و فسادلر و مکر اوچندن
خوار و ذلیل اولدیلر یعنی اول فتنلر که وزیر مشوم و شوم رأی و شوم حال
طرفندن حاصل اولمش ایدی پس عاقبت * ع * پیچیده شود به پای هر کس
عالمش * و فتنجه جزاء عملارن بولدیلر و دخی * ع * رطب ناورد چوب
خرزهر بار * صد افتنجه غرس ایتدکاری زهر اغاجندن اکل ایدوب
هلاک اولدیلر بعدا بونلرک مستهان و خوار اولدقلری بعضیلرینک قتلی
ایله فضاحتلری و بقیة السیوف اولنلرینک دخی تغیر دین ایله قباحتلریدر
پس بوندن فهم اولندیکه سعدایه یارا اولنلر سعید و ناجی و اشقیایه مصاحب
اولنلر شقی و هالک اولورلر و کذلک دینی و آثار دینی و اسماء اهل دینی ذلیل
و حقیر طوتلر ذات و حقارت بواورلر بوجه تنددر که محقق بی طهارت
مس ایتزلر و جنابت حائنه قبل الغسل و الوضوء لسانلرینه از کار دن
برنسنه المازل بلکه حدث اصغر حائنه بله تعظیمدن خالی اولمازلر نتکم
حکایه غزنویه مرور ایتدی و ثأب و تمطی حائنه دخی امساک ایدرلر
نتکم قرآنده کسور (سبح اسم ربك الاعلی) حضرت عثمان رضی الله
عنه بیور مشلدر اسلامله مشرف اولادن بری کذب ایتدم رسول الله
مبايعه قلالدن بری بیمنم ایله فرجی مس ایتدم و قرآن قراءت ایدلدن بری
کراث یمدم کراث رمان و زنی اوزره بقولدن برنوعدر که عجم کنندادیر
رایحه کربیه سی وارددر و حضرت علی کرام الله وجهه بیور مشلدر که

جمال رسول الله صلى الله عليه وسلم نظر ایدهلی فرجه توجیه بصر
ایتدم بوندن مراد وجه رسول اللهی و اکا تعلق ایدن نظری
و باصره بی تعظیمدر (لحرره) کورن اول سروری کورر طوبایی * او قور
اول قامته فطوبایی * دیر کورن وجهنی الله الله * کورمدم بویله رخ زیبایی
﴿ هم محبط دینشان و حکمشان ﴾
﴿ از بی طومارهای کثر بیان ﴾

* محبط * يقال محبط البعير الارض بیده ضربها و منه قيل محبط خبط عشواء
وهی الناقة التي فی بصرها ضعف و تخبطت اذا مشت لا تتوقی شیئا
و خبط الشجر ضربها بالعصاء لیسقط ورقها و تخبطه الشيطان افسده
قال فی تاج المصادر التخبط تباه و ناقص عقل کرفت و بر بصیرت نارفتن
(معنای بیت) بودر که هم اول کروهک دینی ساقط و فاسد و احکام
و شرایعی سقیم و کاسد اولدی اگری بیانی و محرف و مغیر یازیلو اولان
طومارلر دن اوتوری یعنی اول طومارلر ده احکام و شرایع دین عیسی
تحریف اولمغله دینلری فاسد اولدی پس فی الحقیقه بی دین اولدیلر
و جائزدر که حکمله مراد حکومت اوله زیرا حکومتک صحتی احکامک
صحتیه منوطدر پس احکامده صحت اولمیچ حکمده دخی اولماز و کاه
اولور که احکامده صحت و ارایکن حکومتده صحت اولماز دین محمدیه
اهل ارتشا و اصحاب جهل پوزندن اولدیغی کبی و بوندن فهم اولنور که
مجهول الاصل اولان مجمو عهله و دفترله باقوب امور قطعیه ده انلرله
عمل ایتماک کر کدر زیر اصحت نقولده شبهه وارددر و کذلک غزل
مجموعه لری دخی مجازات ایله مشحون اولمغله انلری استصحاب ایتک
یوقدر مکر بعض قصائد حسنیه که قرائتی نشاط دله باعث و مطالعه سی
فرح و سرور قلبیه بادی اوله بودخی ضعفا حالیدر زیر قرآن و کلمات
کبار جله دن اغنا ایدر و اولکه ابن خیام قطعده سنده کلور * زمانی بحث
درس و قیل و قالی * که انسا را بود کسب کالی * زمانی شعر و شطرنج
و حکایات * که خاطر را شود دفع ملالی * بودخی نظر ظاهرله در
خصوصا لعب شطرنج ممنوعدر و بعض ارباب حقیقت ستر حال ایچون
لباس مجازده تکلم ایتملدر کیمی عربی و کیمی فارسی و کیمی ترکی و اکل
وجهه مقصود حقیقتدر نه بوزدن اولورسه اخذ ایتک کر کدر نتکم الحکمه

ضالۃ المؤمن اینما وجدها اخذها ولكن بلا تأويل مجاز صرف سويك
اسراف عمرو تضييع وقت در پس عاقله لا يقدر که مقاصد ايله اكتفا ايليه زاده
اعتبار ايتيه (المحرره) زلف باری بیان ایدر هر کس * که مجاز ايسه واراندن
الی کس * وار کندينه طولاشمه انک * وار تشويشه دوشور مه جلتک *
خردها هلی ایده من بحث جلال * بلکه عشق اهلی یله او اور لال *
نامی احمد چون چنین باری کند *
تا که نورش چون نهکداری کند *

* باری * و یآوری معاونت معنا سنده استعمال او انور اگر چه که این کمال ذاهب
اولد یعنی اوزره معاونتده اصل و حقیقت اولان یآوری لفظ ایدر باری نیک
اول معنایه اطلاق بطریق المجاز در یعنی باری نیک معنای حقیقی سی مصاحب
ولکن مصاحبه اعانت لازم اولمغه مصاحب معناسنه اولان باری معین
اوزرینه اطلاق ایلدیلر * نکاهد ار * صفتی و حفظ ایدیحی (معنای بیت)
بودر که چونکه نام احمد بونجیلین معاونت ایلده که نصار انک اهل تعظیمه
ایه دیکي نصرت و معاونتدر آگاه اولمکه انک نور و حقیقتی نه وجهله
نکهدارلق و حافظلق ایلر و اکا نوع تعالی اولان دخی بو کافیا س اولمه
نکیم سیف الله المسلول اولان خالد بن الو لید رضی الله عنه رسول الله
صلی الله علیه وسلم بعض شعراتی برای نصرت داتما استصحاب ایدر
وغزالی انکله بله ایلردی و بوسره دأردر که ماء زمزم ايله مبلول استار
کعبه بطانه سندن مصنوع و مخیط اولان کفته رغبت ایدر و بو
جهتندر که قبور موتی اوزرینه مصاحف وضع او انور و قرآن اوقنور
و قراطیس اوزرینه قرآن کاتب اولنوب موتاک اللرینه قویلاور و میتک
آله بسمله و کفته عهدنامه بازیاور (سؤال او انور سکه غزوه احد معنای
مذکوری منافیدر زیرا کندیلرینک نور جمالی اول معره کده پرتو انداز
ایدی (جواب بودر که محاربه ايله مأمور اولان انبیاء علیهم السلام انهرام
و قتل ايله اصلا متصف دکلدردر پس رسول الله صلی الله علیه وسلم
مأمور بالقتال اولمغه واقعه احدده اول و آخر منصور و مر کننده ثابت
و پایدار ایدی بناء علی هذا بر کیمسه اکا منهرم اولدی دیسه کافر او اور
واولمکه بعض اصحاب ارا سنده اولو واقعه ده نوعا پریشانلق ظهور ایلدی
پند رس وادن ذهلدن ناشی اولدی پس میانده اولان بو مقوله احوال

عارضیه التفات اولنم زیرا انهرامده اصل متبوعدر پس متبوعده انهرام
اولیحق اتباعده اولان حرکاتک وجودی عدم حکمنده در علی الخصوص
افاضل اصحاب و بلکه جله سی محفوظلردر یعنی انلرده نور فطرت
مضی و منیر اولمغه چراغ شجاعت دخی خانه دلرینه روشنایی بخش
ایدی پس پریشانلق خوف و جنبه دأردکدر بلکه غیری احوال عارضیه
محمودر * هذا هو الحق من المقال وعلیه اصحاب الخصال و القال (المحرره)
هر مره بر نیزه ساطوت کلمور اصحابدن * غزه سینه کیم
طورر اول زمزمک احزابدن * غزه سی خوزر زاولیحق وار قیاس ایت
نیزه سن * نهره سی خودجان آور زور یله شیخ و شایدن * والله الامین
نام احمد چون حصاری شد حصین *
تا چه باشد ذات آن روح الامین *

* حصار و حصن و حصین * حصار حصن متین دیمکدر نکیم بالاده شرح
اولمش و حصار و قلعه میانده اولان فرق دخی او راده بلنشدن * تا * بویه
برلرده مقام تحذیر و تنبیهده استعمال اولنور صاقن و آگاه اول معناسنه
بیت سابقده اولان نادخی بویه در * ذات * دیمشدر که ذات اگر چه
اصلده ذونک مؤثیدر لکن بوتامعنای تأیثه دلالتدن منسلخ رشوبلکه
ناء اصلیه مجراسنه اجرا اولنمشدر صکره معنای نفس و حقیقت اوزرینه
اطلاق اولندی انکی چون نسبتده تابی اثبات ادوب ذاتی دیدیلر و الله تعالی نیک
اوزرینه اطلاق تیجوز ایلدیلر مع هذا علامه دیمدیلر تادن او توری
زیرا تأیث ابهام ایدر اگر چه مبالغیه محمولدر * روح الامین * روح القدس کبی
موصوفک صفتیه اضافتی قییلندندر زیاده اختصاص اوزرینه تنبیه
ایچون زیر اصفنک شانی موصوفه منسوب اولمقدر پس فن موصوف
صفتیه مضاف اولسه صفتیه منسوب اولوب معنای اختصاص زیاده او اور
بوراده روح الامین دن مراد رسول الله صلی الله علیه وسلم در روح
اولدیحی بودر که حیات قلوب و ارواح اولان قرآن ايله مبعوث در و دخی روح
محسم کبیدر یعنی قلوبا لبا لطف اشیا در انکی چون اکا جمیع اعضا و قوا سنه
کوره حجاب بوغیدی نکیم محسنده تقریر اولنمشدر امین اولدیحی بودر که
وحی رحمانی و سر ربانینک امانت داریدر شوبلکه اولبار امانتی اندن
غیری کیمسه اولو جهله حامل اولماش و آنک نکهدار اولدیحی خزانه اسرار

کیمه بول بولامشدر و جبرائیل دخی روح الامین دینلیدی ز بر امین الوسی در
و بعض اطافده کلور * امین مجوی و مگو با کسی امانت عشق * در بن زمانه
مگر جبرئیل امین باشد * بوندن فهم او نور که وحی خفی و جلی حق علی ابدی
ولیکن جبرائیل محمد علیه السلامه تنزیله خطایندی دین کافر اولدی
ز بر حضرت علی رضی الله عنه نزول ابدن مرتبه ولایتدر فقط نتکم
حدیثه کلور (یا علی انت منی بمنزله هرون من موسی الا انه لابنی بعدی)
مرتبه ولایت ایسه الهامله اولور اگر چه بعضی اراکوحی دخی اطلاق ایتدیلر
نتکم بالاده بلندی والهام دخی وحی کبی گاه بالواسطه و گاه بلاواسطه
اولور بالواسطه اولدیغی صورته جبرائیل و ساططیه دکلدر بلکه
سادن قلب اولان ملک و ساططیه در پس جبرئیل عالم تعین خارجیده انیدادن
غیریه کنندی تعینی مرتبه سندن ظاهر اولدیغی یوقدر و بومقامک
زیاده تفصیله بجائی وارد و لیکن محلی دکلدر (معنای بیت) بودر که نام احمد
چونکه اصابت بلا یافت و هجوم نواب و محسن حصار متیندر
آگاه اولکه اول روح الامینک ذات شریفی نه اولق کر کدر بوندن فهم
اولور که بیت سابقه نوردن مراد ذات کریم نبویدر پس نورش
وجودش دیکدر و بوند وارث رسول اولان انسان کامل دخی داخلدر
ز بر ائک دخی نامی مبارک و نفس نفیسی مؤثر و وجود شریفی عین رحمتدر
بوجهندندر که نسخله لیل تبرک و نفع ایتدکاری آبله استشفاع و حضور لیل یتمن
ایدرلر انکیچون ارواح طیبه تدبیر و حضور لیل اولیان امورده میمنت یوقدر
و بعض جنودک انهم اخی دخی انلرک عدم حضورنه دائر درو بونده نام احمد
و محمد و محمود و مصطفایک شرفه دلالت واردر نتکم بعض تفصیلی تفسیر
بمزده و محیی البشیر نام کتاب مزده مندر جدر (لحیره) شفاعت استین احمددن
احمد نام اولان کلسون * دو عالمه نکاهی مصطفادن کام الان کلسون * اولور
لبت محمد همتدن عاقبت محمود * پیبردن حصول کام ایچون پیغام الان کلسون.
* بعد ذابو شرح معانی مشحون و معارف مقرون بوجلد کبیر بومحمدیه انجامه
رسیده اولدی ز بر عالم معناده (ارسل الفص الیه) دیو اشارت اولندی یعنی
بوفص شریف و قیمندار و یونکین لطیف و بر اعتباری حضرت مولانا
قدس سره یه ارسال ایله ز بر مقصود جلوه کر حیز حصول اولدی و فرمان
منیف جنابلرینه اطاعت یرن بولدی ز بر اوائل شرحده حضرت

مولاناک بوقفیه کنندی خاتملرین ارسال ایتدکاری و امر تحریر امتثال
اتسون دیدکاری کشیده سلاک بیان قلنس ابدی فصدن مراد ایسه
نکین خاتم دلدر که اوزرینه نقوش معارف الهیه و صور حقائق
زبانیه نقش و نگاریده اولمشدر که کتاب مشنوی اول نقوش و صور حقیقه نک
بر اثر یدر پس بومحمدیه ارسال فصله امرک ورودی بو شرح نکین
آسانک بومحمدیه ختمی اشعار و کمال قبولی اظهارد * حقیقا اولدی
خدمتک مشکور * وارشکر ایله ابدی اوله کفور * ارشکی ابدی بو شرحک
تصدیق * کورنه لرویدی سکارب غفور * محمد الله الملك المنان بوفص
شریف حقایق نکار و فصوص الحکم ثانی و فصوص الحقائق اهل
معانی اولدی و حضرت مولاناک قلم قبولی ایله امضا و مهر اعتباری ایله
ختم مرتبه سن بولدی * حقیقا چونکه صدق دعواوه * اولدی برهان
و شاهد م وافر * جان و دلدن بو کتاب حقه * اولدی ایمان کتورمین کافر *
و بومحلاک اطافندندر نوله ختم ابدی تاکه بدایتک نهایتیه رجوعی سری
ظاهر و باهر اوله زیرانون مرتبه احدیت اولان نقطیه اشارتدر که ام
الکتاب دخی دیرلر ز بر اصل کتاب وجوددر که مرتبه کتر مخفیدر و مجبره
مجمع مداد مواد نقوش حروف اولدیغی کبی عالم نون دخی مجمع
مداد مواد نفوس عالم و صول کائنات در پس بو معنایه کوره
نوله ختم ملیح و لطیف دو شمشدر نتکم با ایله افتتاح ک سری
بودر که بالاول تعیناته اشارتدر پس حروفده ظهور جهتندن جله دن
اول حرف بادر انکیچون نقطه واحده تحتیه وضع اولندی یعنی نقطه
واحدده هم تعین اوله وهم جمیع تعیناتک سری نقطه ایله دائره اولسنه
اشارت واردر و حضرت علی رضی الله عنه دن مرویدر که بیور مشلدر
(انا لک النقطه تحت الباء) و دیمشدر که (العلم نقطه کثرها الجاهلون)
یعنی نقطه بسط اولنوب حرف و حرفدن کله و کله دن کلام و کلامدن
قرآن ظاهر اولمشدر پس بونلر بری لرینه آینه در نتکم متن شرحه و شرح
دخی حاشیه محتاج اولور تاکه تکثیرله تفسیر بولنه ز بر افهم وادرا کده
مبتدی و متوسط و منتهی برابر دکلدر در انکیچون عقل اوج مرتبه ده
ظهور ابدی نتکم بالاده تفصیل اولندی و کشف دخی مراتب اوزرینه در
الحاصل اهل رسوم اراستنده کشف و ابضاح ایچون تفصیله حاجت

اولدیخی کبی اهل حقابق اراستنده دخی وارددر انکیچون نیجه کتب جلیله
تصنیف ایتشدر تا که طالب حق اولنله امداد اوله و هر بری سلوکلرنده
رفع بوله و بونک سری ذات وصفات و افعاله دأردر یعنی الله تعالی
اسما و صفاتله تجلی ایتسیدی حقابق ذاتی ظاهر اولزدی پس کتاب
وجودی شرح ایلوب نقطه دن حروف شون و کلمات اعیان و آیات
ارواح و صور اجسام کوسستوب تعیناتی ترتیب ایلدی تا که صاحب
بصیرت اولان کسه (سز بهم آیاتانی آلافاق و فی انفسهم) خواسی
اوزره شواهدی مطالعه ایدوب تجلی حقه مظهر اوله و حلیه اسماء و صفاتله
متجلی اولوب کمال الهی الیه ظهور بوله که هبوط ارضدن من ادبوم عنایی
تحصیل در نتکم مرارا اشارت اولندی (لحرره) باطنک اولسه فن
بحر شهود * صدق دلده جواهر بوانور * الکه آله اوخر مهرة یی کیم *
صکره یا بانلره طرح اولنور * و لفظ امین الیه ختم واقع اولدی تا که کتاب
مثنوی و بوشرح شریفکه روح المثنوی دیونسمیه اولنشدن اهل دل
النده امانت اولندیغی ظاهر اوله و امانتک حکمی بودر که بونلرک اسراری
اربابنه تأدیه اولنه و سوء فهمدن ناشی بعض مواضعده اختلاف واقع
اولور سه تاویل صحیح الیه اول موضعک حد حقیقی سی بلنه زرا زمانه ده
ذوق اهلی کم یاب در و اولنلرک احوالی دخی خیالاته مشوب در بوسیدندر که
بو کتاب میزان زرله وزن اولنشدن یعنی دو کفه میزان تسو به اولندیغی
کبی بو کتابک دخی حقیقی شریعت الیه تطبیق اولنوب مو بتدقیقه
صرف مقدور اولنشدن اگر چه بومعنی فی الحقیقه ترتیب عقل الیه نتیجه
پذیر اولماز بلکه الهامله وجود بولورز بر اهر الهام صحیحده نظر اولماز * بلکه
نظر دیدکری نظرده اولور فافهم جدا (لحرره) کامل العقل اولان آدم
کشفی پیشه ایلسون. ارمین کشف صحیح عقلی تنه ایلسون. شویله طور سون
سوء فهم اهلی اولان اهل خرد * و ارایسه نقصان کابنده مکاشف سو یلسون
و روح الامین الیه ختم ده بو کتابک اسمنه رمز وارددر نتکم عنوان کابده
اشارت اولنشدن که * یافت جسم مثنوی روح نوی * جاء اسم الشرح روح
المثنوی * پس روحدن مراد سبب حیاتدر که بوشرح جابیل الیه کتاب مثنوی
تازه لنوب حیات نو بولشدن و بونی بو وجهله اکمال فرض و تقدیر اولنسه
فرق مجلد کبیر اولور ولیکن یک مجلدده چهل مجلد درج اولنوب (العارف

یکفیه الاشارة) خواسی و القلیل يدل علی الکثیر مقتضاسی اوزره
سر قلم جیب اکتفایه چکلدی و لیکن تکمیل بابندن اولغله بو نظمده دخی
تاریخ کتابه اشارت اولندی تا که ارباب نهایت و العصر سرنی آندن
استفاده ایدرلر اول نظم بودر * بو کتاب اسرار حقه جرعه دانمدر بنم *
ذوق بخشای دماغ آشفته کانددر بنم * تشنگان معرفتن قطع ایدر
تاب دلی * اوله سر چشمه فیض دهانمدر بنم * بر چراغ پرتوانداز معانیدر
بو کیم * روشنایی بخش بزم عارفانمدر بنم * بن بوکا خون چکر نور بصر
صرف ایلدم * مردمدر نقطه خط سرخی قائمدر بنم * صف سطری
اهل دعوی الیه جنک ایتک ایچون * سیفدر رالر الف لهم سنانمدر بنم *
سی و دوحرف معانیدن در یکا دیزوب * بو بیانی رشته بند ایدن
بنانمدر بنم * بکر علم خاندان ونتر و نظم اکه بیت * حور مقصورات
ایچون بر خیمه سانمدر بنم * زینت افزا اولغیچون سینت اهل دله * فی الحقیقه
بر عجب عقد الجانمدر بنم * قطره فیض یدی دریای ایلر شر مسار * دل سحایم
عالم غیب آسمانمدر بنم * هر کس اولماز مهتدی بوسره زرا بو کتاب *
کنج دلدله اوز که کنج شایکانه بنم * دانه خر دل قدر نقطه صد صد
جزء وار * ده خردیک جزم ایچره هب نهانمدر بنم * جدول سرخیله بو بحر
اوله می هرگز محاط * ایض واسود محیط اولش لسانمدر بنم * پیرهن وش
جلد ستر ایلر کایم بوسفن * اهل کشفه کر چه کیم وجه عیانمدر بنم * بن بو
علی کشفله بلدم بوکا صغیر فکر * مدعاه لفظ و معنی شاه دانمدر بنم * مولو یلر
جعه بندن سلام اولسون هزار * انلره بوبرک سبز کاستانمدر بنم * بس
دکلی عارفه بود کلوشرح مثنوی * همت دل کر چکم چاپک عیانمدر بنم
* چلدکل بلکه هزاران جلد اولور یازسم اگر * فیض حق بخشنده
کام جنانمدر بنم * ابتدعی کیمسه بو باغه بویله هیچ وضع قلم * بو خسه
بو مخصوص شان بو ستانمدر بنم * بو قلم در لوح محفوظه و یرن آرایشی
* عالم غیب هویت خامه دانمدر بنم * نه فلک بر نقطه جز بیدر اور افده کیم *
شرح ایدر سم صد طبق واسمع جهانمدر بنم * بن که شاه معنی بم
خطمه هر نون والف * خطمه شان و یرمکه پیر و جو انمدر بنم * بورق
دست عطار ددن ابد کلز که بو * نقش کلک صنع رب مستعانمدر بنم

* مهر و مه ایکی صحیفه در فلک او خنده کیم * نعت (روح المتووی) یه
 زرفشائدر بنم * مشوی کم نکته سبع المثانی آنده در * اکه ناظر در دلم اول
 میریائدر بنم * مشوی کم آنده در مغز درون معرفت * روز و شب اوزینه روح
 رواندر بنم * مشوی کیم نسخه کبری در ارباب دله * گردنمه دانه
 حرز یمائدر بنم * خاتمن ارسال ایدوب امر ایتدی مولانا بکا * یازدیم آئی
 کیم بو برخوش داستائدر بنم * هم در اینجا (ارسال الفص الیه) آمدند *
 اول ندایه امثال همچنائدر بنم * حرف جوهر دارله حق دیدم
 تاریخی * هر بری مصراعک اول یابی بیائدر بنم *
 اش-بونسخه طالبانه حرز جائدر بنم * زمره
 ارباب جمعه ارمغائدر بنم *

سنة ۱۱۱۶

م

* شذنام این شرح ایهاتی که بوده فاخره * در دهم روزی زایام جمادی
 الآخرة * یعنی ضحوة الجمعة وهو العشر العاشرة من الثالث الاول
 من الريع الثاني من الثالث الثاني من العشر السادس
 من العشر الثاني من العقد الثاني من المائة الثانية
 من الالف الثاني من الهجرة الاحدية عليه
 الف الف صلوة صمدية

قد طبع هذا الكتاب المستطاب وهو غني من وصف
 اولوا الالباب في طبعة العامرة

سنة ۱۲۸۷

في شهر ذي القعدة

هذا على تقدير
 ان يكون الشهور
 الاثني عشر مثله
 لا مصنفه كما فعله
 ابن الكمال وهو
 من اختراعات هذا
 الفقير اخذ من قوله
 تعالى (منها اربعة
 حرم) فافهم
 جد اوفيه زيادة
 الفا زو تعبیه
 لا

Hasan Huseini P.

456